


續修四庫全書

《續修四庫全書》編纂委員會編

續修四庫全書



上海古籍出版社

三三四·史部·別史類

南漢書十八卷考異十八卷 南漢叢錄二卷 南漢文字略四卷 [清]梁廷枏撰……………一

南漢紀五卷 [清]吳蘭修撰……………二四三

西夏書事四十二卷 [清]吳廣成撰……………二八三

西夏書(存列傳一至四,載記一、三至五,地理考一卷,官氏考一卷) [清]周春撰……………六四五

2280/04

南漢書 卷之四

南漢偏國短祚值干戈俶擾少載筆之士紀纂
荒缺胡賓王興亡錄久佚不傳周克明撰國史
未竟粗具嵯畧者宋路振九國志 國朝吳任
臣十國春秋而已吳書惟南唐吳越較詳南漢
紀傳事蹟既不能悉備踏駁尤復錯出近人南
漢春秋又止錄吳氏舊文故千餘年來勒爲專
書如馬陸之南唐錢氏之備史曾未之見延耕
少寓訶林拓讀兩鐵塔題銜核與吳書多不合

南漢書

目錄

是時已思別著成一家言方爲科舉之學因循
弗果近此數年緡閣藏帙遇事涉南漢者輒首
尾錄存巨冊今秋歸自五羊杜門卻客取所積
蒼萃而條理之釐爲十八卷考異卷如其數而
義例附焉大抵根據正史通鑑輿地諸書旁及
說部金石事同則採其古事異則採其詳說有
不可通則旁推曲引務求必當至單詞片語散
存群籍苟於史例無害亦並綴補靡遺蓋三月

內寢食以之矣廷柎學識莽陋所交半隔關河無從商榷先世籤屐未富秘籍又鮮新收欲從久遠殘缺之餘拮拾網羅挂漏誠不能保自茲以往當以續得更為補編使其事實瞭然共知興霸之由與敗亡之故著千古炯戒不獨資考證廣異聞已也若夫一事而牽涉數人雖以所主分詳畧而敘次究不得不複固古史所難免書之病殆不在此撰成次其目如左道光己丑

南漢書

目錄

三

南至梁廷柎記於藤花亭

本紀六卷

列傳十二卷

本紀

南漢書卷一

本紀第一

烈宗

南漢書卷二

本紀第一

高祖一

南漢書卷三

本紀第三

高祖二

殤帝

南漢書卷四

本紀第四

南漢書

目錄

三

中宗

南漢書卷五

本紀第五

後主一

南漢書卷六

本紀第六

後主二

列傳

南漢書卷七

列傳第一

后妃傳

太祖武皇后

段氏

高祖馬皇后

趙太妃

謝尚儀

中宗李麗妃

後主李貴妃

李美人

盧才人

波斯女

南漢書

目錄

四

素馨

離非女子

李嬪妃

南漢書卷八

列傳第二

諸王公主傳

高祖子雍王耀樞

康王龜圖

越王洪昌

齊王洪弼

韶王洪雅

鎮王洪澤

萬王洪操

循王洪杲

恩王洪暉

高王洪邈

同王洪簡

益王洪建

辨王洪濟

貴王洪道

宣王洪照

通王洪政

定王洪益

中宗子桂王璇興

荆王慶興

正王保興

梅王崇興

後主子守節

南漢書

目錄

五

守正

子克昌

國昌

守素

守通

烈宗女增城公主

高祖女清遠公主

平陽公主

素馨

南漢書卷九

列傳第三

諸臣傳一

趙光裔

子損

李紆

楊洞潛

李殷衡

倪曙

王定保

南漢書卷十

列傳第四

諸臣傳三

劉濬

周傑子茂元 孫克

陳用拙

黃損

南漢書卷十一

南漢書

目錄

六

列傳第五

諸臣傳三

蘇章

梁克貞李守廉

程寶

孫德成

王宏

王翊

陳光父

梁嵩

簡文會

鍾允章

薛用五

南漢書卷十二

列傳第六

諸臣傳四

萬景忻

何詞

何瑛 鄭翺 劉璿 蕭規

公孫惠

滕紹英

蕭益

侯融

王翺

盧膺

陳僿

李璵

吳珣

謝貫

康崇保

南漢書卷十三

南漢書

目錄

七

列傳第七

諸臣傳五

劉傳

劉博古曾芳 謝隸

鍾有章

暨彥贊

陸光圖

雷嶽

陳守中

伍彥柔

盧收

李承渥辛延僿 卿

植廷曉

蕭灌卓惟休

王珪	馮邴 <small>子元</small>
胡賓王	
南漢書卷十四	
列傳第八	
軒轅述	胡萬頃
林楚材	古成之
何澤	梁文 <small>子光運</small> 光遠
楊廷藝	吳昌文
南漢書	目錄
八	
丁璉	
女子傳	
王定保妻吳氏	武婆
鍾允章妻牛氏	周渭妻莫氏
李氏	
南漢書卷十五	
列傳第九	
宦官傳一	

吳懷恩	邵廷瑁
林延遇	鄧伸
趙純節	許彥真
陳延壽	
南漢書卷十六	
列傳第十	
宦官傳二	
潘崇徹	郭崇岳
南漢書	目錄
九	
龔澄樞	李托
薛崇譽	余延業 <small>藍繼宗</small>
樂範	
南漢書卷十七	
列傳第十一	
方外傳	
黃勵	莫公
甘佃	暨濟物

石仲元	烏利道人
陳代仁	黃步松
陳金	番禺村女
譚氏二女	廣南僧
僧如敏	僧文偃
僧寶智	僧寶性 <small>感悟章</small>
僧性實	僧聰公
僧贊聖	僧達岸
南漢書 目錄	十
僧善會	長壽寺尼
南漢書卷十八	
列傳第十二	
叛逆傳	
周渭	李廷珙
陳道庠	張遇賢
外傳	
盧光稠 <small>子延昌</small>	龐巨昭

劉昌魯	曲承美
南漢書 目錄	十一
南漢書目錄	

南漢書卷一

順德梁廷柝章冉撰

本紀第一

廷柝曰有唐失馭海水群飛英傑雲興土疆瓦裂當是時苟有尺寸乘勢者莫不慨思發奮爭自樹立以爲雄烈宗父子以裨校起家破賊立功不數年間封王南越高祖繼之遂建大號所招用多中朝名下士規模草創畧有可觀能繇

南漢書

卷一

是而節費撫兵保懷若赤然後乘中原板蕩率我知方之旅踰嶺而北功名正未可量乃風流自命土木窮極奢華濟暴性以濫刑棄嫺好於邊釁始基之既壞即使立賢議行亦且勢難補救荒縱如殤帝曷怪乎蕭牆之禍之速也中宗篡弒得國兇逆盡封功臣其積慮已不可問又刃推同氣慘戮半屬無辜如去草之除根必至於盡而始快甚至天潢宗媛瀆淫後宮亘古倫

常由茲絕矣坐制萬里何貴焉矧區區攻取十

三州之地猥語中興乎後主冲齡紹基嗣服昏

愚奢淫相輔而行重以閹宦盜權百出其端以

蠱惑其心胸蕩娛其耳目離宮遊幸之費百姓

竭脂膏奉之一方若熾爐於旁搶地呼天莫可

控訴幸亂離踵接未遽淪亡一旦景命有歸真

人乘乾首出不於此時奉表稱臣求藩故土囚

使命絕隣交恃疲弊之衆以抗弔伐之師勢不

南漢書

卷一

至舉國俘囚不止而猶得全首領歸魂鄉國者

宋之仁也雖然天心久厭禍亂欲削平僭偽混

一統之車書君即未極怠荒臣即未極庸懦兵

即未極微弱當不過苟延歲月立其國於危急

存亡而曾不得一瞬蓋觀於效順之吳越卒不

獲盡守河山愈可曉然於天意之所屬而後主

之賢不肖舉無與焉矣作本紀

烈宗紀

烈宗襄皇帝隱其先蔡州上蔡人祖仁安是為太祖仕唐為潮州刺史徙閩之仙遊復遷番禺父知謙字德光是為代祖少充賀水鎮將節度使韋宙異之妻以兄女黃巢陷嶺表羣盜蟻結擊賊屢有功中和三年授封州刺史賀江鎮使使遏梧桂以西因遂徙家封州至職撫納流亡節費養士得精兵萬人多具戰艦境內肅然代祖三子長即烈宗為韋氏所生幼而奇特代祖

南漢書

卷一

三

絕愛憐之次台早卒次高祖巖先是代祖葬側室段氏得石版有文曰隱台巖因名其子乾寧元年冬十二月代祖病召諸子曰今五嶺盜賊方興吾有精甲犀械勉建功時不可失也及卒賀江諸將有無賴者百餘人幸變謀亂烈宗定計一夕盡誅之節度使劉崇龜聞其才召署右都校復領賀水鎮將旋表兼封州刺史用法清肅威望頗振二年崇龜死嗣薛王知柔以石

門扈蹕功代領節度詔俟反正後赴鎮三年冬十二月知柔行抵湖南廣州牙將盧瑀譚宏玘據境叛宏玘守端州欲婿烈宗以為援烈宗偽許之托親迎使牙將蘇章伏甲舟中夜入端州斬宏玘遂襲廣州斬瑀具軍迎護知柔知柔至深德烈宗以聞拜本軍行軍司馬光化元年冬十二月韶州刺史曾衮謀攻廣州約州將王懷舉戰艦為應烈宗一戰破之韶州將劉潼復據

南漢書

卷一

四

滇洽亦為烈宗所殺三年秋以丞相齊公徐彥若代知柔時唐室已季彥若威令不振事皆決於烈宗因表為節度副使天復元年冬十二月彥若卒遺表薦權兩使留後二年虔人盧光稠攻陷韶州遣弟光睦進圍潮州烈宗擊之稍卻光稠別將兵至我師敗遂陷潮州烈宗率都指揮使蘇章進攻光稠子延昌於韶州高祖諫不聽舟師出雙石會天大霧延昌兵以鐵鈞投所

乘艦章舉巨斧斷之翼日逼韶城舟兵鼓譟欲登適北江暴漲餽運不繼光稠自虔引兵來其將譚全播選精兵萬人伏山谷陽治戰地城南來約戰期以老弱五千挑戰戰酣佯北烈宗急追之伏兵卒起我師遂大敗還初彥若薦烈宗權畱後昭宗不許至是以兵部尙書崔遠代彥若遠聞嶺表多盜且慮烈宗不受代畱江陵不進三年召遠還朝乃以烈宗爲畱後天祐元年

南漢書

卷一

五

以佛哲訶陵羅越諸國所進香藥入貢二年聞梁王朱全忠爲元帥遣使至京賂之求表薦全忠乃奏爲清海節度使已而加同平章事三年以廣州城隘鑿禺山益之名新南城建雙闕開平元年夏四月甲子梁王廢唐帝卽皇帝位改元己卯梁以烈祖上書勸進敘擁戴功加威武節度使檢校太尉兼侍中封大彭郡王遣使進奇寶名藥詔改潘州茂名縣爲越裳縣冬十

月奏進助軍錢二十萬及龍腦腰帶珍珠枕玳瑁香藥諸物十一月進龍形通犀腰帶金托裏含稜玳瑁器百餘副及香藥珍巧獲白鹿耳有兩缺以鹿並圖形獻之

開平二年夏五月戊寅吳王渥薨弟隆演立秋九月楚遣步軍都指揮使呂師周來侵烈祖禦之凡十餘戰陷昭賀梧蒙龔富六州冬十月梁詔烈宗兼靜海節度使領安南都護以膳部郎中趙光裔右補闕李殷衡來充官誥使烈宗並畱之

南漢書

卷一

六

開平三年春正月梁以郊禋禮成加烈宗檢校太師兼中書令夏四月甲寅改封南平王開平四年春二月烈宗命弟巖帥所部兵攻高州爲防禦使劉昌魯所敗移兵攻容州爲寧遠節度使龐巨昭所拒亦敗走先是昌魯巨昭皆臣於唐昌魯旣擊敗烈宗懼終非所敵致楚人

書請自歸焉楚具兵迎之巨昭亦迎降二州遂入於楚夏四月梁詔進封南海王秋七月貢犀玉復獻舶上薔薇水是歲閩遣員外郎崔某來聘

乾化元年春三月烈宗病革表其弟清海靜海節度副使巖權知留後丁亥薨年三十有八訃聞梁帝輟朝三日閩遣使齋文來祭葬海曲諡曰襄烈宗少英邁勇畧過人值嶺海間盜起為

南漢書

卷一

七

民患輒出兵擊敗之一方皆賴其保障又賓禮賢士唐世謫宦子孫遭亂不得返及因亂避地來嶺外者多留為之用焉高祖稱尊追尊曰襄皇帝廟號烈宗尊葬地曰德陵

南漢書卷一終

南漢書考異卷一

順德梁廷枏章冉撰

烈宗紀

按南漢立國事勢大畧與南唐相似馬令

撰南唐書烈祖以下稱某主書按十國春秋凡例云

南唐國主降江南國主而猶列本紀者循馬陸二書之稱又云馬令南唐烈祖本紀

先書名云云據此則吳任臣所見又別為一本矣胡恢稱載記恢

與令皆宋人南唐奉宋正朔作者自尊其

南漢書考異

卷一

一

本朝較異代追記者有別稱書稱載記於義均未可厚非惟陸游書後出稱本紀其烈祖論謂史記秦莊襄而上與項羽皆未嘗有天下而著於本紀自謂用史遷法斥恢等之陋然劉知幾史通嘗稱莊襄爵乃諸侯而名隸本紀項羽名曰西楚號止霸王以諸侯而稱本紀名實乖謬今考秦本紀襄公自平王封國其後代守侯服羽實

初事義帝終其身未竊帝號列諸本紀誠如史通所譏若五代則歐陽修所謂賊亂之君見修正統論篡弑相仍亡如傳舍六十年間正統已絕南漢自梁時已稱大號據守一方與五季相終始地則不足而年且過之故對宋言則為僭為偽而對五代言則當日何詞聘唐周使來聘皆用鈞禮固非如史通所云名隸諸侯者比矣且蕪頌之

南漢書考 卷一

論本紀謂摘其事之綱要繫於歲月屬於時君又引范曄漢書之有皇后紀以明言紀者不足別正閏况五代無統不得云正閏從何別乎至晉書之稱載記蓋以一代之史附敘十六國於其後此即五代史宋史附載世家之例與專紀一國者體例正殊故十國春秋凡稱帝者皆曰紀欽定四庫全書提要固未嘗譏其義例之

非今稱紀者從游書及春秋也又春秋南漢烈宗稱世家其凡例云帝稱本紀王稱世家古史家體也後世非天子而遽列本紀誤矣間有子孫即帝位而追崇祖考尊諡則從後日而敘事猶號世家按史記孔子而外如張良陳平皆未封王而稱世家是世家曾無定例如云非天子不得遽列本紀則當時之自帝其國者眾矣竟真以天子尊之可乎總之分之愈明則援例愈悖徵引愈泥則專主愈難且如魏武終於王爵身後方有尊諡而三國志列之本紀書崩書陵一如帝制未嘗降列世家豈非以創造始基得冠本紀首乎今從其例又春秋書法先書名繼書王繼書帝凡例謂此後人追述前代與臣子執筆較殊然三國志魏武紀自建安元年十月以前皆稱

南漢書考 卷一

國志魏武紀自建安元年十月以前皆稱

太祖其後乃依封爵之次稱公稱王夫追尊之廟號既可稱於未有封爵之前則亦可以合一紀之始終而統稱之矣今於烈宗紀但稱廟號而舉其例於此

其先蔡州上蔡人

冊府元龜薛五代史以下但稱薛史並作彭城人

新唐書作壽州上蔡人按舊唐書地理志

壽州領壽春安豐霍山盛唐霍邱五縣無

南漢書考 卷一

四

上蔡名上蔡隸河南道之蔡州新書誤今

從宋史並東都事畧又五代史記以下但稱歐史

云後徙閩中商賈南海因家焉十國春秋

云家於泉州之馬鋪死遂葬焉今從五國

故事

祖仁安

歐史作安仁薛史宋史並作仁安今從之

仕唐為潮州刺史

薛史作潮州長史按舊唐書職官志上州長史一人從五品上中州長史一人正六品上下州止有別駕司馬無長史又註云戶不滿二萬為下州新唐書百官志中州下州皆無長史舊書地理志闕潮州新書志云潮州潮陽郡下又云戶四千四百二十據此則潮為下州唐時原未嘗設長史薛史云仁安為潮州長史誤今從宋史

南漢書考 卷一

五

中和三年授封州刺史

歐薛二史均無年月德慶志在是年六月

通鑑五月嶺南小校擊羣盜屢有功以劉

謙為封州刺史似刺封在五月擊賊後矣

今闕疑

父知謙充賀水鎮將

十國紀年劉謙望字德光亦名知謙後止

名謙新唐書從舊名作知謙今從之東都

事畧草窻以其兄之子妻安仁之子生謙以謙爲安仁孫與諸書異又歐史謙爲廣州牙將新書逕作清海牙將按清海軍額之賜自乾寧二年始新書誤今從五國故事

因遂徙家封州

諸書皆言仁安遷番禺至隱皆家於此惟明一統志劉隱封州人祖仁安本上蔡人

南漢書考

卷一

六

仕爲潮州刺史父謙爲封州刺史因家焉

按謙及隱墓皆在封川知其曾徙家封州矣今從之

表兼封州刺史

新唐書知謙卒兵推其子隱爲嗣清海軍節度使崇龜表爲封州刺史今從薛史

伏甲舟中

封川志作伏甲林中夜入端州斬宏玘今

從通鑑

遺表薦權爲兩使留後

新唐書彥若死隱自稱留後歐史云軍中推爲留後薛史宋史東都事畧通鑑並云彥若表薦今從之

虔州刺史盧光稠攻韶州至爲全播所敗

新唐書盧光稠者有眾數萬據州自爲留後又取韶州隱與爭之戰不勝悉師攻虔

南漢書考

卷一

七

州據此似未嘗進圍潮州也今從通鑑

命崔遠代彥若留江陵不進復召還朝以隱爲留後賂朱全忠求保薦乃奏爲清海節度

十國春秋事並在天祐元年因通鑑以此

事統附是年末而誤之也薛史彥若臨薨手表隱爲兩使留後昭宗未之許命崔遠

爲節度使至江陵聞嶺表多盜不進會復

召入相乃詔以隱爲留後久未卽真及梁

祖為元帥賂求保薦遂降旄節歐史天祐二年拜隱節度吳越備史天祐二年廣帥劉隱始有南海兩書皆作二年事按新唐書昭宗紀無遠代彥若為節度事其為中書侍郎在天祐元年正月乙巳即復相事也據此則出為節度不在是年可知矣通鑑彥若卒於天復元年十二月則昭宗不許隱留後及命遠為節度兩事當均在天

南漢書考

卷一

八

復二年遠以天祐元年正月還朝則有詔召於江陵當在天復三年矣是年遠既召還隨即命隱留後自同是一時事由此至天祐二年全忠為元帥後中隔一年始藉全忠力得拜節度即薛史所謂以隱為留後然久未即真梁祖為元帥遂降旄節也通鑑不過附天祐元年之末以初字為追敘之詞耳

獲白鹿

薛史在開平元年十一月十國春秋繫於乾化元年十一月誤今從薛史又黃佐廣東志以下稱黃志青螺嶂一名白鹿岡相傳劉龔時獲白鹿於此以獲鹿為龔事亦誤呂師周來侵凡十餘戰

九國志師周傳率兵攻昭梧賀象龔富諸州與劉隱八十餘戰乃克之今從通鑑

南漢書考

卷一

九

兼靜海節度使

薛史在邾禮禮畢加檢校太師兼中書令後今從歐史及通鑑

兼中書令封南平王進封南海王

十國春秋兼中書令在乾化元年今從歐史封南海王歐史在乾化元年封川志作開平初年今從五代會要又按宋史無封南平王大彭王事通鑑東都事畧無封南

海王事又通鑑開平三年既云以隱爲南平王於乾化元年又云南平襄王劉隱病亟云襄王者似因其諡而連書之非別有此封號也又按封南平王通鑑作四月庚子今從薛史又信宜志梁太祖封隱爲南粵王今悉考諸書無此封號信宜志誤無疑矣

昌魯既擊敗烈宗懼終非所敵致楚人書請自歸焉

南漢書考

卷一

十

九國志云昌魯輩其帑庫士卒歸於湖南奏授永昌軍節度副使天成中卒通鑑云昌魯致書請歸于楚楚遣姚彥章迎之巨昭迎降惟歐史謂龔悉平諸寨遂殺昌魯等宏簡錄亦云殺高州劉昌魯按昌魯以開平四年歸楚既別授官安有乾化元年復在高州被殺事且通鑑亦止云遂取容

管及高州不云殺昌魯也今從九國志及通鑑

二州遂入於楚

湖湘故事天復末甲子十有二月容南龐巨曦深慮廣南劉巖不道加害於已遂差小吏閒道密持書歸於馬氏九國志開平初高州劉昌魯率眾歸附殷遣姚彥章李瓊迎之前鋒至容州巨昭挈其族歸長沙

南漢書考

卷一

十

按甲子爲天復三年通鑑事在開平四年首尾相去凡七年時已開平末矣九國志作開平初誤又十國春秋事在二月通鑑在十二月今從春秋又九國志巨昭迎勞瓊瓊以軍徑赴城中俄而廣南劉隱率眾來我師不能守盡輦其府實驅其人民以歸巨昭挈其族數百口隨歸長沙據此似開平四年巨昭不能以容歸楚矣今按通

鑑開平四年巨昭舉州迎降殷以彥章知容州乾化元年梁從楚王殷請以姚彥章權知容州劉巖攻之彥章不能守巖遂取容州及高州蓋失而復得各為一年事今並從通鑑

乾化元年三月丁亥薨

薛史僭偽傳作開平四年卒誤諸書皆云

乾化元年與薛史本紀同今從本紀又本

南漢書考 卷一

十一

紀及五代會要五代春秋俱作五月薨今從通鑑十國春秋謂以三月為五月蓋以聞訃之日為斷也吳越備史作是年冬亦誤

閩遣使齋文來祭

十國春秋南漢紀是歲閩遣員外郎崔祭我先王按此蓋據祭文內幕下崔員外一語故有官有姓而闕其名今細釋祭文前

云况幸結良姻累交專介幕下崔員外非馳禮幣嘗詣門墻爰蒙執手之歡宏敘親仁之旨今則據悲存歿益歎彭殤後云嗚呼曩馳羔鴈今遺蘋蘩云云似為敘述前日遣使結昏事非是年遣崔員外來致祭也春秋誤又春秋閩太祖紀開平四年云命員外郎崔 聘於南海而乾化元年又云是歲遣使致祭於南平王是又以致祭者別為一人矣與南漢紀自為矛盾今於四年依春秋書崔員外來聘元年來祭者之姓名從闕

葬海曲

大清一統志唐劉謙墓在封川縣北十里劉王岡劉隱墓亦在此今日海曲據歐史

南漢書考異卷一終

南漢書考 卷一

三

南漢書卷二

順德梁廷枏章再撰

本紀第二

高祖紀一

高祖天皇大帝初名巖更名陟復名巖改名龔終名龔代祖庶子也母段氏生帝外舍武皇后素妬間帝生仗劍於中門使取帝至將殺之家人不敢匿及見而驚悸劍輒墮地乃跪而抱之

南漢書

卷二

曰此我家之寶遂自養之冒為己生既長善騎射身長七尺垂手能過其膝代祖時為封州刺史嘗使日者遍視諸子曰唯少者貴耳由是益為代祖所愛烈宗為清海軍行軍司馬薛王知柔亦辟帝為王府諮議參軍及烈宗兼靜海兩鎮節度使乃表帝為副使時交州曲顛桂州劉士政邕州葉廣畧容州龐巨昭高州劉昌魯新州劉潛各據其地不相統制及江東七十餘寨

亦負隅自固不能平盧光稠據虔州有眾數萬

聚兵攻嶺上使其弟光睦據潮州子延昌據韶

州烈宗將攻韶州帝曰韶州有虔潮之援擊之

則兩州必應首尾受敵宜計取不宜直攻烈宗

不聽會北江漲糧餽阻絕光稠別將以虔兵來

掉戰烈宗縱驅伏發敗于城南挺身僅免至是

始思帝言盡以兵備付之帝先後數年間悉平

諸寨殺邕州葉廣畧新州劉潛併二州之地更

南漢書

卷二

二

置刺史烈宗病革遣表薦帝權知雷後始開幕府多延致中國名士分領諸州自是無武人為刺史者

乾化元年夏五月甲申朔梁大赦改元賜烈宗

一子六品正員官甲辰詔帝為清海軍節度使

冬十二月帝聞虔州防禦使黎球卒亟發兵攻

韶州破之逐刺史廖爽進取潮州楚表姚彥章

權知容州帝遣兵攻之楚使都指揮使許德勳

以桂州之兵救容州為帝所敗彥章奔遂取容州及高州是月貢犀象奇珍及金銀等值數千萬

乾化二年夏四月甲戌梁以右散騎常侍韋戩等為澶廣和叶使來勸帝和楚加帝檢校太保同平章事帝因貢金銀犀牙雜寶貨名香值數千萬詔客省引進使韋堅來以銀茶等值四百餘萬附堅還獻六月戊寅梁郢王友珪弒梁帝南漢書 卷二 三

自立是歲廣州白龍見

乾化三年春正月甲子梁郢王友珪改元鳳曆加帝檢校太傅二月均王友貞即皇帝位於大梁使來宣詔除帝清海建武節度使兼中書令襲封南平王冬十二月遣使如楚求昏楚王許之

乾化四年春遣供軍巡官陳用拙奉禮幣如吳越請以兄事吳越王王許之是歲鬱林州寶圭

洞及韜真觀迎玉宸道君與葛真人二石像於南海置石室中

貞明元年秋八月逆婦於楚楚王使其弟承順節度使存來送冬十一月乙丑梁改元帝表求加都統不許復表求改封南越王亦不許帝嘆曰中原多故誰為真主安能萬里梯航事偽庭乎遂與梁絕

貞明二年帝遣幕屬王定保聘於荆南

南漢書

卷二

四

乾亨元年秋八月癸巳帝即位國號大越大赦改元以是年為乾亨元年追尊祖唐潮州刺史仁安曰太祖文皇帝父封州刺史知謙曰代祖聖武皇帝母韋氏曰武皇后兄梁南海王隱曰烈宗襄皇帝封妻馬氏為越國夫人升廣州為興王府分南海縣為咸寧常康徒循州治龍川縣置正州於循之歸善縣歸善海豐博羅河源隸焉以興寧縣為齊昌府立常樂州於合浦縣

地博電零綠鹽場隸焉封峻靈山為峻靈王儋
 州昌化山為鎮海廣德王建三廟置百官以趙
 光裔為兵部尚書節度副使楊洞潛為兵部侍
 郎節度判官李殷衡為禮部侍郎皆同平章事
 倪曙為工部侍郎尋改尚書左丞仿唐上京之
 制置左右街使冬十月遣客省使劉瑋如吳告
 即位且勸吳王稱帝閩王遣使來為其子牙門
 都指揮使延鈞求婚以清遠公主歸之鑄錢文

南漢書

卷二

五

曰乾亨重寶徑七分重三銖六參建玉堂珠殿
 飾以金碧翠羽悉聚珍寶實之

乾亨二年夏六月蜀王建殂子衍立冬十一月
 帝祀天南郊大赦加恩澤改國號曰漢是歲帝
 幸韶州聽證真寺僧文偃說法賜以章服鑄鉛
 錢二品文並曰乾亨重寶十當銅錢一大者徑
 寸重三銖九參重寶字傅形小者徑九分重如
 銅錢遷雷州治特侶塘

乾亨三年春正月冊立越國夫人馬氏為皇后
 夏四月吳主隆演即國王位秋九月丙寅梁削
 帝前封官爵赦吳越王錢鏐來討吳越以道遠
 表辭是歲帝詔僧文偃說法於韶州
 乾亨四年春三月兵部侍郎楊洞潛請立學校
 設銓選開貢舉歲放進士明經十餘人如唐制
 帝悉從之夏五月己丑吳主隆演殂弟溥立冬
 十二月遣使如蜀通好是歲柝興王府瀆陽縣

南漢書

卷二

六

為英州韶州保昌縣為雄州作文德殿成著作
 郎陳光又獻賦以珠數升賜之

乾亨五年夏五月丙戌朔梁改元龍德六月乙
 卯朔日有食之是歲以尚書左丞倪曙同平章
 事
 乾亨六年夏四月帝用術者言幸梅口鎮避災
 閩將王延美將以兵襲帝未至數十里帝偵知
 遽還是歲製平頂帽國人效之

乾亨七年夏四月己巳晉王李存勗即皇帝位
國號大唐改元同光冬十月辛未朔日有食之復
越裳縣為茂名是歲帝十子洪杲生

乾亨八年夏四月帝自引兵侵閩屯汀漳境為
閩人擊敗歸是歲作南宮王定保獻七奇賦

乾亨九年春正月帝聞唐兵威盛遣宮苑使何

詞聘於唐且觀強弱二月甲申詞至魏都見唐

主還奏唐必亂具陳唐主驕淫狀帝遂與唐絕

南漢書

卷二

七

三月戊申望日有食之夏四月癸亥日有食之

秋八月白虹入南宮三清殿帝憂畏不釋中外

震懼翰林學士王宏改稱白龍以賀作白龍賦

上之帝大喜九月甲辰望日有食之冬十一月

丙辰蜀主演降於唐十二月詔改元以是年為

白龍元年帝更名龔以應之

白龍元年冬十二月辛未閩王審之薨子延翰

立賜梁嵩等進士有差是歲長和驛信鄭夏遣

其弟昭淳致朱鬃白馬來求婚以襄帝女增城
公主歸之中書舍人王詡獻朱鬃白馬賦

白龍二年夏四月唐主遇弒殂李嗣源即皇帝
位改元天成秋八月乙酉朔日有食之冬十月

己丑閩王自稱大閩國王十二月辛卯閩王遇
弒薨

白龍三年夏五月癸丑閩王璘立秋八月乙卯

朔日有食之冬十一月庚戌吳主即帝位改元

南漢書

卷二

八

十二月帝幸康州

南漢書卷二終

南漢書考異卷二

順德梁廷枏章冉撰

高祖紀一

初名巖至終名龔

劉氏興亡錄皇考葬段氏得石版有篆文

曰隱台巖因名其子是初名巖也梁太祖

實錄乾化元年五月以清海節度副使劉

陟為節度使是此時已先改名陟也十國

南漢書考異

卷二

紀年太祖授陟清海節度使陟復名巖又

唐烈祖實錄天祐十四年劉陟僭位改名

巖皆改復原名之証或在降節旄時或在

稱尊時不可考也歐史白龍見南宮二清

殿改元白龍又更名龔有胡僧言讖書滅

劉氏者龔也乃採龔字名焉薛史陟季年

有梵僧謂不利名龔他年慮有此姓敗事

又改名龔讀若儼古文無此字宏簡錄亦

云用番僧言讖書滅劉氏者儼乃採飛龍

在天二字合為龔是改龔後更名龔也惟

通鑑始終稱巖考異云今以首尾名巖故

但稱劉巖誤又十國春秋引五國故事先

主名巖後名俊又改名龔按知不足齋本

無名俊之文吳長元跋云向無刊本傳抄

多謬如下卷漢先主名巖後名龔注云後

又名龔傳本脫去龔字又誤註文後字為

南漢書考異

卷二

俊字春秋蓋不知為後字之訛也今函海

本亦云後名俊當如吳氏所云而改元白

龍下乃云更名俊又改為龔則不知何人

所補矣說郭與知不足齋本同

殺邕州葉廣畧又遂取容州

薛史先是邕州葉廣畧容州龐巨源或自

擅兵賦數侵廣之西鄙陟舉兵討之邕容

皆敗因附庸於陟歐史又西與馬殷爭容

桂殷取桂管龔取容管逐巨昭又取邕管
九國志巨昭為容州觀察使挈其族歸長
沙按巨昭既以容附楚南漢乃爭而取之
邕州之陷廣畧亦被殺薛史云附庸於陟
誤也

發兵攻韶州

海陽志在乾化四年今從通鑑

獻金銀犀牙雜寶名香值數千萬

南漢書考

卷二

三

十國春秋貢名香等價凡數十萬今從薛

史

詔客省引進韋堅來以銀茶等值四百餘萬附
堅還獻

十國春秋遣使貢名香等於梁梁命客省
引進使韋堅報之堅還復以銀茶等上獻
按五代會要但云是月客省引進使韋堅
使廣州廻以銀茶上獻其估凡四百餘萬

繹其文義似堅以他事使廣州與遣使入
貢自屬兩事固不云命來答使也春秋誤
今從會要

加檢校太傅

歐史乾化三年檢校太傅末帝即位悉以
隱官爵授龔據此是加太傅在是年末帝
尙未即位之前而不書月日十國春秋在
是年正月按友珪以二年六月行弑友貞

南漢書考

卷二

四

以三年二月即位知太傅之加在友珪鳳
歷改元時矣通鑑二年七月加錢鏐尙父
可為友珪授節鎮官爵之証

梁均王友貞即位

十國春秋二月梁王鏐即帝位按薛史通
鑑並云三月丁未制改名鏐是二月尙名
友貞也春秋誤

襲封南平王

按通鑑無二月封南平王事惟以貞明元年云以吳越爲國王而已獨爲南平語度之知爲末帝初受封耳歐史云自梁初受封爵宏簡錄末帝初襲王爵五國故事梁朝命册南平王薛史末帝盡以隱之官爵授陟皆無年月十國春秋繫於乾化三年二月今從之又封川志是年七月封南海王然據通鑑貞明元年求南越王時尙爲

南漢書考

卷二

五

南平王則封川志似誤今闕疑

遺陳用拙如吳越請以兄事吳越王

吳越備史在乾化四年秋七月十國春秋在是年春備史當以使至日書之也備史又云天祐以後中原多事西川王氏稱蜀刊溝楊氏稱吳南海劉氏稱漢長溪王氏稱閩皆竊大號或通姻戚或達聘好皆以龍衣玉册洎書疏等勸王自大王嘗笑曰

此兒輩自坐燭炭之上而又踞我於上耶吾承天子疇庸之命封建車服之制悉有所由豈圖一時之利隨波於爾輩也皆却之不納而諸國之主無不咸以父兄事之又甲戌秋七月廣帥劉巖遣陳用拙奉禮幣請兄事於王王納之據此則用拙往聘爲一事其後勸進又別爲一事勸進事在巖稱號後其何年命使奉使何人均不可

南漢書考

卷二

六

考矣

逆婦於楚

通鑑劉巖逆婦於楚蓋遣使往逆也十國春秋因云王如楚逆婦則明云親迎矣春秋秋誤
帝表求都統不許復表求改封南越王亦不許
通鑑以吳越王鏐爲國王已獨爲南平王表求南越王及加都統不許十國春秋沿

襲其文似南越王之求先於都統又似兩事同在一時並誤今按 欽定全唐

文載梁末帝命錢鏐進取海南敕云而敢飛章不紀希寵無厭始求都統四隣後請封王南越是先求都統不許而後更求南越也又薛史及聞錢鏐封吳越王陟恥稱南海之號按是時巖止封南平王無南海之稱此當從通鑑

南漢書考 卷二 七

帝遣王定保聘於荆南

歐史止云龔欲僭號憚王定保不從遣定保使荆南其出使年月無考十國春秋荆南世家嶺南王定保來聘繫於貞明二年今從之

乾亨元年即貞明三年秋八月即位

通鑑歐史諸書皆云貞明三年丁丑惟吳越備史貞明四年戊寅夏四月廣帥劉巖

僭稱大漢皇帝年號大有又云進士王詡之在南海著昭陽殿賦一篇序云皇帝構基乾坤十有八載矣甲子春始作茲殿計其甲子則巖本年僭號今據皮氏舊錄而書之云前年丁丑僭號其誤明矣按此以詡賦甲子春語定為四年戊寅今由甲子而逆推十八年為中宗乾和五年丁未於戊寅且差二十九年由丁丑順推十八年

南漢書考 卷二 八

為甲午蓋詡賦甲子即甲午之訛也又稽古錄云貞明三年夏劉龔稱漢帝與備史夏四月稱大漢皇帝號大有同誤按巖先號越明年乃改號漢且先建元乾亨越十一年乃改大有也

徙循州治龍川 惠州舊志並作大寶時事按歸善志十國春秋並云乾亨元年今從之

鑄錢文曰乾亨重寶重三參

李孝美錢譜銅錢重六銖今從洪遵泉志

建玉堂珠殿

薛史作末年事歐史附乾亨元年之末今

從之

遷雷州治特侶塘

黃通志合州梁大通間置唐改雷州梁開

平四年遷平樂白院村南漢乾亨二年遷

南漢書考

卷二

九

特侶塘十二年遷今衛按乾亨無十二年

黃志誤今闕疑

梁削帝前封官爵

薛史貞明五年九月丙申制削奪南平王

劉巖在身官爵以其將謀僭號故也據此

似削爵在未稱號之前按巖稱號在貞明

三年去削爵時已先二年矣薛史誤

敕吳越來討吳越以道遠表辭

通鑑止云檄吳越兵來討吳越受命不行

十國春秋依之按吳越備史朝廷以南海

僭號詔我師伐之王雖受命而山川隔越

地方擾攘請以事寢據此則吳越曾具表

請辭矣今從之

拆滇陽為英州保昌為雄州

太平寰宇記乾和五年置英州四年置雄

州始興志乾和四年分始興滇昌置雄州

南漢書考

卷二

十

保昌志載譚大初斃沿河水城記亦云雄

之為州自五代南漢乾和始按歐史職方

考英雄二州並云劉龔置方輿類纂英德

縣梁貞明中南漢置英州治又南雄府五

代初南漢置雄州不云置於晟乾和中知

寰宇記乾和為乾亨之誤今從十國春秋

又始興志沿革既以為乾和四年編年又

以為天福八年

是年晟初立亦誤

王延美襲帝帝偵知遁歸

通鑑但云偵者告之嚴遁逃僅免十國春

秋則云宵遁得免宵遁不知其據今從通

鑑

製平頂帽

按諸書皆無年月惟十國春秋繫在乾亨

六年不知何據今姑從之

復越裳縣為茂名縣

南漢書考

卷二

十一

五代會要作茂明

遣宮苑使何詞聘於唐

薛史不詳年月歐史及宏簡錄皆作乾亨

七年惟通鑑在同光三年即乾亨九年今

從之

白虹入南宮三清殿改元白龍

薛史冬白龍見南海歐史白龍見南宮三

清殿通鑑有白龍見於漢宮漢主改元白

龍均不及五國故事所紀之詳通鑑事在

十二月故事繫於是年八月云中外震懼

王宏作賦賀之改元白龍是白虹見後州

縣皆知宏乃上賦為賀然後因以改元計

時當不在八月內今層次一依故事而改

元仍從通鑑作十二月封川志在乾亨七

年亦誤又故事止云入三清殿今日南宮

三清殿者依歐史也十國春秋有白虹化

南漢書考

卷二

十一

為白龍書法似誤

鄭昞求昏以增城公主妻之

滇志作仁昞十國春秋依之今從通鑑及

歐史歐史事在乾亨七年今從通鑑又封

川志龔喜持節昭淳好學有文詞以隱女

增城院君妻之作妻昭淳誤

帝幸康州

德慶州志唐昭宗乾寧元年南漢主劉龔

如康州按夔以梁貞明三年稱帝乾寧元年劉知謙尙未死夔裁六歲州志誤今從十國春秋

南漢書考

卷二

三

南漢書考異卷二終

南漢書卷三

順德梁廷相章冉撰

本紀第三

高祖紀二

大有元年春二月丁酉朔日有食之三月楚人以水軍圍封州州將禦於賀江敗績我兵多溺死帝懼筮之遇大有遂大赦改元命封州刺史左右街使蘇章率神弩軍三千戰艦百艘援封

南漢書

卷三

一

州章至賀江逆戰佯敗誘楚人多為我師所殺圍遂解帝遷章封州團練使冬十二月丙辰荆南王季興薨子從誨立是歲長和鄭夏服丹藥卒欽州民掘羅浮山得古劍有銘獻之

大有二年

大有三年夏六月朔日有食之秋九月帝遣將梁克貞李守鄜攻交州克之執靜海節度使曲承美歸帝御儀鳳樓受俘謂承美曰公常以我

為偽庭今反面縛何也承美頓首謝伏罪乃赦之以李進為交州刺史冬十月使梁克貞入占城取其寶貨以還十一月己巳楚王殷薨子希聲立

大有四年冬十一月甲申朔日有食之十二月愛州將楊廷藝舉兵攻交州帝遣承旨程寶將兵往援未至城先陷刺史李進遁歸殺之寶進圍交州城廷藝出戰寶敗死

南漢書

卷三

二

大有五年春三月庚戌吳越王鏐薨子元瓘立秋七月辛卯楚王希聲薨八月弟希範立是歲帝封其長子耀樞為邕王二子龜圖為康王三子洪度為賓王旋徙封秦王四子洪熙為勤王旋徙封晉王五子洪昌為越王六子洪弼為齊王七子洪雅為韶王八子洪澤為鎮王九子洪操為萬王十子洪梟為循王十一子洪暉為息王十二子洪邈為高王十三子洪簡為同王

十四子洪建為益王十五子洪濟為辨王十六子洪道為貴王十七子洪照為宜王十八子洪政為通王十九子洪益為定王

大有六年春正月閩王即帝位改元冬十一月戊戌唐帝殂十二月癸卯宋王從厚即皇帝位改元應順是歲帝遣左僕射何瑱如吳越致祭大有七年春閏正月己巳蜀主知祥即帝位改元帝作殿於內宮成賜名曰昭陽殿親題其勝

南漢書

卷三

三

中書舍人王詡作賦頌之夏四月唐帝廢潞王從珂即皇帝位改元清泰秋七月甲子蜀主知祥殂子昶立改元冬十二月辛巳皇后馬氏殂帝命秦王洪度判六軍洪度募宿衛兵皆無賴同平章事楊洞潛切諫帝不聽洞潛謝病去大有八年春二月閩廢我清遠公主立宮婢陳氏為皇后冬十月庚辰閩主鏐遇弒殂子繼鵬立

大有九年夏四月帝遣將軍孫德成侵楚攻蒙州復分兵攻桂州楚王自將步騎五千以禦我師德成自蒙州引兵還冬十月以宗正卿兼工部侍郎劉濟爲中書侍郎同平章事十一月丁酉契丹主使石敬瑭卽皇帝位國號大晉改元天福

大有十年春正月乙卯朔日有食之三月帝疾愈大赦交州牙將皎公羨殺安南節度使楊廷

南漢書

卷三

四

藝據交州秋九月丙寅吳主禪位於齊王李昇冬十月甲申齊王昇卽位國號唐改元十二月南唐遣使來告卽位是歲封州團練使蘇章卒大有十一年春正月己酉朔日有食之冬十月楊廷藝故將吳權攻交州皎公羨使以賄來求援帝欲乘其亂取之崇文使蕭益諫不聽遣大將梁克貞領兵赴交以萬王洪操爲靜海節度使徙封交王令統戰艦趨白藤帝自帥師屯海

門爲應會權已殺公羨引兵來逆戰佯敗誘我我師敗績洪操死之帝哭之大慟引餘兵還是歲遣集賢殿學士鄒禹謨如南唐賀卽位詔韶州證真寺僧文偃入朝

大有十二年秋七月庚子朔日有食之閏月壬午閩主繼鵬遇弒叔義立改元冬十二月門下侍郎同平章事趙光裔卒帝以其子翰林學士承旨尙書左丞損爲門下侍郎同平章事是

南漢書

卷三

五

歲遣諫議大夫李紆聘於楚楚使來報聘大有十三年春帝遣使聘於南唐冬十月遣都官郎中鄭翽如南唐賀仁壽節十一月丁丑望月有食之是歲門下侍郎同平章事趙損卒以寧遠節度使王定保爲中書侍郎同平章事大有十四年夏五月帝遣攝太尉工部侍郎盧膺尙儀謝宜清尙衣高素清如吳越求故王弟新安侯傳璠之室馬氏爲后楚亦遣其中軍使

歐陽練至吳越勸行馬氏誓不許秋八月辛亥
吳越王元瓘薨子仁佐立冬十二月帝寢疾胡
僧言讖書帝名不利於國帝取周易飛龍在天
之義更名夔遣區延保聘於南唐是歲中書侍
郎同平章事王定保卒

大有十五年春三月帝不豫召右僕射兼西院
使王翺謀立儲翺請出秦王洪度鎮邕州晉王
洪熙容州立越王洪昌為太子帝以為然制命

南漢書

卷三

六

將行會崇文使蕭益八問疾帝更訪之益力諫
乃止夏四月帝避暑於甘泉宮丁丑殂年五十
四在位二十有六年帝性聰辨多權數好自誇
大每對北人言家本咸秦耻為南蠻主謂中朝
天子為洛州刺史然素嗜殺製造酷刑有灌鼻
割舌支解剝剔炮炙烹蒸鎚鋸及湯鑊鐵牀諸
法或聚毒蛇水中以罪人投之曰水獄又下湯
鑊後加日曝沃以鹽醋肌體腐爛尚能行立腥

穢之氣充沸殿庭每決事垂簾便殿有司在墻
下屠膾罪人帝必垂涎朶頤若喻其膏肉氣者
久之復常乃引罪人退人以為真蛟蜃也暴政
之外惟治土木皆極瓌麗作昭陽秀華諸宮殿
以金為仰陽銀為地面榱桷皆飾以銀下設水
渠浸以真珠琢水晶琥珀為日月分列東西樓
上造玉堂珠殿飾以金碧翠羽晚年出新意作
南薰殿柱皆通透刻鏤礎石各置爐燃香自言

南漢書

卷三

七

隋帝論車燒沈水却成麤疎爭似我二十四箇
藏用仙人縱不及堯舜禹湯亦不失作風流天
子嶺南故珠璣所聚稱號後復西通黔蜀得其
珍玩窮奢極侈娛竊一方嶺北行商至國都必
召示之誇其富以士人多為子孫計專任宦者
故內官獨盛於他國葬興王府城東二十里北
亭鎔鐵鋼其外使不可啟諡天皇大帝廟號高
祖陵曰康陵

殤帝紀

殤帝玠初名洪度高祖第三子也先封賓王徙封秦王母趙氏封昭儀高祖生子耀樞最長次龜圖皆蚤卒帝以次當立高祖寢疾大漸以帝性不類已召右僕射王翻謀將使帝與晉王出鎮逾次立越王洪昌為太子議定以告崇文使蕭益諫曰立嫡以長少者立長者爭之禍始此矣由是帝卒得立大有十五年夏四月即位

南漢書

卷三

八

更今名改元以是年為光天元年

光天元年夏四月帝尊母昭儀趙氏為皇太妃以晉王洪熙輔政遣蕭規如南唐告哀遣法物使公孫惠如南唐告即位五月丙申葬天皇大帝於康陵定廟號曰高祖六月乙丑晉帝崩齊王重貴即皇帝位秋七月正州妖賊張遇賢反自稱中天八國王建元永樂置百官攻陷循州刺史劉傳戰死以越王洪昌為都統循王洪杲

為副討之遇戰於錢帛館我師敗陳道庠萬景

忻翼二王潰圍出東方州縣為遇賢所陷授洪

杲桂州觀察使改邕州為誠州冬十月丙子張

遇賢陷循州是歲使滕紹英如南唐賀仁壽節

光天二年春正月閩富沙王延政稱帝於建州

國號殷改元三月乙卯朔南唐主昇殂子璟立

改元丙戌晉王洪熙使都指揮使陳道庠等弒

帝於長春宮帝性庸昧既立益恣荒淫不親政

南漢書

卷三

九

事高祖在殯常作樂飲酒置東西兩教坊伶官

千餘人常令晝夜出入宮中內常侍吳懷恩時

典宿衛屢以為言帝不省又常裸男女為戲夜

與倡婦微行入民家左右忤意者輒死由是嶺

海多盜賊越王洪昌切諫之亦不聽因疑諸弟

圖已每宴集敕內官守關供奉將吏八者皆露

體搜索之洪熙陰懷異志乃盛飾聲伎娛帝以

成其惡知帝好手搏令道庠引多力者劉思潮

譚令禮林少強林少良何昌廷等習為角觝以獻帝召諸王宴於長春宮使共觀之以為樂夜罷宴醉甚洪熙故令道庠等掖帝因為道庠等所弑血濺寢門左右咸被殺初高祖命帝判六軍募宿衛兵千人皆市井無賴子弟帝昵之楊洞潛諫曰秦王之冢嗣使之治軍已過矣况昵群小乎高祖以為迂至是卒及於禍帝在位二年年二十四諡曰殤

南漢書

卷三

十

南漢書卷三終

南漢書考異卷三

順德梁廷枏章再撰

高祖紀二

執曲承美伏罪赦之

太平御覽引南方異物狀云余寓番禺曾遊新會遇安南歡好使魏將軍名承美見養一鸚鵡承美為歡好使諸書無考云遇於新會則既被篡俘後矣或當時赦而官之也然通鑑歐史並作曲承美此作魏又疑別為一人他無可據今姑闕疑以李進為交州刺史

南漢書考異

卷三

一

史纂左編云梁末交州土豪曲承美據有十二州之地南漢遣將攻承美執之置交趾節度使按馭交記無置交趾節度事歐史大有四年楊廷藝攻交州刺史李進遁歸則當時止以進為交州刺史不云節度

也宋史劉隱伐曲承美執之乃并有其地
後有楊廷藝紹洪皆受廣南署繼爲交趾
節度使據此則南漢曾置節度以廷藝爲
之或廷藝納欵於陷交州後南漢因授之
也置節度事年月無考今姑闕書而附見
於此李進方輿類纂作進之云劉夔拔交
州以其將李進之守諸書皆無之字或文
之誤倒也

南漢書考
卷三
封子爲王

諸子洪度等通鑑並作宏邕王通鑑作雍
息王作恩又五國故事封其子十八人爲
王在乾亨改元之後九年白虹入三清殿
之前按巖子十九人歐史與通鑑諸書並
同又按巖卒年五十四在位凡二十六年
則乾亨九年巖年止三十六諸幼子當未
盡生同時並封事自當從歐史大有五年

爲正洪度先封賓王後徙秦王則從通鑑
也

遣左僕射何瑱如吳越致祭

十國春秋南漢紀在大有七年甲午吳越
紀又在長興四年癸巳使至吳越乃反先
南漢命使一年大誤按吳越王以大有五
年三月卒與國聞訃往祭斷無遲至三年
之久吳越備史在長興四年七月所書爲

南漢書考
卷三

使至年月命使日月則無考矣其年唐李
錯張哀吳許確百濟國李仁旭均往吳越
致祭事同一律可以例斷知備史不謬也
今依其年而月從闕

昭陽殿成王詡作賦頌之

五國故事注云已上見進士王宏昭陽殿
賦以賦爲宏作今從吳越備史

孫德成侵楚攻蒙州復分兵攻桂州

成通鑑作威今從歐史歐史止云攻蒙州
不克無攻桂州事今從通鑑

齊王昇即位國號唐

陸氏南唐書及歐史皆云先號齊復姓後
乃改號唐惟通鑑冬十月甲申即位改元
國號唐注云徐誥自以本李氏之子既舉
大號欲慕唐緒故號唐為復李姓張本按
通鑑無號齊事今省文姑從通鑑

南漢書考

卷三

四

十二月南唐遣使來告即位

十國春秋南漢紀事在大有十年十月誤
按陸氏南唐書十月庚子遣使如漢閩吳
越荆南告即位以薛史是年九月庚戌朔
計之庚子為十月二十一日則使至南漢
斷不在十月內矣使至月日無考今度其
道里附於是冬十二月後

遣鄒禹謨如南唐賀即位

陸氏南唐書在昇元二年五月是年即南
漢大有十一年十國春秋闕書其遣使月
日無考今統附是年下

閩主義立改元

閩中啟運圖云通文四年己亥閏七月延
義立明年庚子改元永隆按十國紀年周
世宗實錄唐餘載運曆圖紀年通譜並云
通文四年改元永隆即南漢大有十二年

南漢書考

卷三

五

也今從之

遣區延保聘於南唐

陸氏南唐書在昇平六年閏正月即南漢
大有十四年遣使月日無考按是年閏正
月甲申朔南唐書繫此事於是月癸巳閩
使來聘之前從正月朔距延保至南唐不
過三十餘日則南漢命使時似尙在大有
十三年冬也十國春秋繫於十四年誤

趙損卒

通鑑十國春秋皆不詳何月惟南漢春秋

繫於冬十二月諸書無據今仍依通鑑統

書於大有十三年之末

四月帝避暑於甘泉宮丁丑殂

十國春秋三月丁丑殂自注云從通鑑今

按通鑑在四月丁丑固不云三月也春秋

誤按五國故事是歲夏四月避暑於甘泉

南漢書考 卷三 六

宮時長星見乃效宋孝武萬歲之說未幾

而殂薛史亦云夏四月陟以疾卒今並從

之

謂中國天子為洛州刺史

按通鑑與薛歐兩史少有同異並作龔語

惟五國故事作晟語今從薛史

列東西樓上

十國春秋作列於東西玉柱之首今從五

國故事

葬興王府東二十里北亭

十國春秋云在城東二十里之漫山今據

朱彝尊曝書亭集

殂帝紀

玠初名洪度

稽古錄天福七年夏漢主龔殂子昂嗣又

八年漢主昂弟晟殺昂自立然則玠又名

南漢書考 卷三 七

昂矣今從歐史龔以四月死據此云夏殂

並証十國春秋三月之誤

高祖第三子

薛史玠陟長子按歐史龔子耀樞龜圖皆

早死玠次當立今從之

遣蕭規如南唐告哀法物使公孫惠如南唐告

卽位

南唐書告哀事在昇元六年六月告卽位

事在八月按命使月日皆無考十國春秋繫於四月是誤以卽位為三月度之也今統附尊母為皇太妃下

葬天皇大帝於康陵

通鑑在是年秋八月之後冬之前本無月日十國春秋誤繫於八月按曝書亭集廬膺撰高祖墓碑文曰維大有十五年歲次

壬寅四月甲寅朔念四日丁丑高祖天皇

南漢書考 卷三

八

大帝崩於正寢越光天元年五月癸未朔十四日丙申遷神於康陵今從之

使滕紹英如南唐賀仁壽節

陸氏南唐書事在昇元六年十二月按命

使年月無考十國春秋繫在九月因道里

遠近度之無據今闕疑統附是歲末

晉王洪熙使指揮使陳道庠等弒帝於長春宮

薛史晟與弟越王洪昌等弒玠歐史玠世

家洪熙洪杲洪昌陰遣陳道庠養勇士劉

思潮等習為角觝獻玠兩史皆謂三王合

謀行弒通鑑晉王洪熙欲圖之令陳道庠

引劉思潮等習手搏於晉府又漢主大醉

洪熙使道庠等拉殺之九國志及晟將為

亂謀於道庠習角觝於晉王府中又晟遣

道庠等掖之據此則首逆實止洪熙一人

今按歐史晟世家云洪杲屢請討賊勸晟

南漢書考 卷三

九

誅思潮等通鑑亦云明旦諸王莫敢入宮

洪昌帥諸弟臨於寢殿則洪昌洪杲均不

與亂謀明矣今從通鑑及九國志

左右咸被殺

九國志因拉殺玠左右皆散走不云盡殺

也今從歐史及通鑑

南漢書考異卷三終

南漢書卷四

順德梁廷枏章冉撰

本紀第四

中宗紀

中宗文武光聖明孝皇帝洪晟高祖第四子也
初名洪熙先封勤王徙封晉王光天二年春三
月既弒殤帝明日諸王百官聞亂集宮門外莫
敢遽入越王洪昌乃先帥諸王哭臨於寢殿迎

南漢書

卷四

帝即位更今名改元以是年為應乾元年

應乾元年春三月丁亥帝以越王洪昌為太尉
兼中書令諸道兵馬都元帥知政事循王洪杲
副元帥參預政事封陳道庠劉思潮譚合禋林
少強林少良何昌廷為功臣以道庠領英州刺
史賞賜有差夏四月戊申朔日有食之五月循
王洪杲因人情不順請帝誅劉思潮等謝中外
帝不聽是月劉思潮等潛殺洪杲建武節度使

齊王洪弼表請入朝許之秋七月指揮使萬景

忻敗張遇賢於循州遇賢逾嶺北走冬十月命

韶王洪雅致仕十一月丁亥帝祀天南郊大赦

改元以是年為乾和元年

乾和元年冬十一月羣臣上尊號曰大聖文武

大明至道大光孝皇帝

乾和二年春三月乙亥帝遣其弟中書令都元

帥越王洪昌如海曲謁德陵行至昌華宮使盜

南漢書

卷四

殺之乙酉閩主義遇弒殂辛卯以戶部侍郎陳

倜同平章事夏六月乙巳幽其弟齊王洪弼於

私第秋九月庚子朔日有食之冬十月鳳凰見

邕州丙午帝使醜殺其弟鎮王洪澤於邕州

乾和三年春正月殷主延政復國號曰閩秋八

月甲子朔日有食之閩主延政降於南唐帝殺

其弟韶王洪雅九月誅賊臣劉思潮譚合禋林

少強林少良何昌廷以左僕射王翺嘗勸高祖

立越王洪昌出翽為英州刺史未至使人殺之於路封正州水東廟二神曰興胙王泰民王乾和四年春二月壬戌朔日有食之秋九月帝賜賊臣陳道庠漢紀道庠稱疾謀作亂事覺伏誅及其執友特進鄧伸並族之是歲割湖州之程鄉縣置敬州

乾和五年春二月辛未北平王劉知遠即皇帝位復稱天福十二年夏五月壬辰楚王希範薨

南漢書

卷四

三

弟希廣立六月乙卯吳越王宏佐薨弟宏侖立戊辰晉改國號曰漢秋九月帝出其弟齊王洪弼殺之同日並殺其弟息王洪暉同王洪簡益王洪建辨王洪濟貴王洪道宜王洪照定王洪益諸王子皆酖死擇女有色者納之後宮十二月庚戌吳越王宏侖廢弟宏俶立是歲置生地獄

乾和六年春正月乙卯漢改元天祐丁丑漢帝

殂二月辛巳周王承祐即皇帝位夏六月戊寅朔日有食之秋八月帝遣工部郎中鍾允章聘於楚且求婚楚主不許允章還報帝怒允章請發兵攻楚冬十一月癸卯荆南王從誨卒子保融立十二月辛巳以內常侍吳懷恩為開府儀同三司西北面招討使命與巨象指揮使吳恂同將兵侵楚攻賀州楚遣決勝指揮使徐知新任廷暉帥兵五千來援我師先入賀州鑿大窰

南漢書

卷四

四

於城外覆渚其上傅以土楚兵逼城多死窰中楚師遁懷恩乘勝急攻昭州陷之珣復以兵掠全州而歸

乾和七年夏六月癸酉朔日有食之冬十月帝幸英州野人進神丹帝不食御雲華石室藏之是歲荆南遣使來約與淮南分兵侵楚

乾和八年冬十一月甲子朔日有食之乙酉漢帝殂十二月丁未楚希範逐其弟楚王希廣自

立戊申殺希廣是歲帝以宮人盧瓊仙黃瓊芝
爲女侍中冠服出決政事使西北面招討使吳
懷恩屯兵境上伺楚間進取楚遣指揮使彭彥
暉帥兵屯桂州龍峒爲備

乾和九年春正月丁卯漢樞密使郭威卽皇帝
位國號周改元廣順戊寅漢河東節度使劉崇
卽帝位於晉陽冬十一月楚王希萼以指揮使
彭彥暉爲桂州都監王弟知桂州馬希隱惡之

南漢書

卷四

五

潛召蒙州刺史許可瓊可瓊方畏我師來攻遂
棄蒙州與彥暉戰於桂州城中彥暉敗走我師
遂據蒙州乘勝掠桂州帝致希隱書希隱議降
支使潘元珪阻之丙寅懷恩引兵至希隱可瓊
奪門奔全州桂州陷懷恩因乘勢取宜連梧嚴
富柳龔象八州加懷恩濮陽縣公辛酉楚王希
萼遷於南唐十二月遣內侍省丞潘崇徹將軍
謝貫將兵攻郴州時南唐武安節度使邊鎬經

畧湖南以兵來援崇徹迎戰於義章與步將康
崇保分兩翼擊之鎬敗所俘卒盡滅一臂縱還
遂取郴州丙寅南唐以廖偃爲道州刺史黑雲
指揮使張巒爲全州刺史以備我師

乾和十年夏四月丙申朔日有食之南唐以全
州刺史張巒兼桂州招討使入寇桂州戒巒復
遣統軍使侯訓將兵五千人自吉州趨全州與
巒合兵來攻我兵伏山谷待之南唐兵至城下

南漢書

卷四

六

伏兵四起我兵出城夾擊大破之訓戰死巒收
餘衆退保全州冬十二月武安節度使王逵將
兵及洞蠻五萬寇郴州帝遣內侍省丞潘崇徹
往援遇於壕石逵軍罷不成列崇徹縱擊敗之
逵遁還是歲省宜州之崖山東壘二縣
乾和十一年春正月我兵侵湖南深入掠全州
境湖南武平節度使劉言使郎州行軍司馬何
敬真指揮使朱全琇陳順將水陸軍五萬來援

至潭州部眾奔潰我師亦引還秋九月帝寢疾封長子繼興為衛王次子璿興為桂王三子慶興為荆王四子保興為正王五子崇興為梅王癸亥大赦冬十二月道州盤容洞蠻酋盤崇自稱盤容州都統聚眾八寇郴州

乾和十二年春正月丙子朔周改元顯德壬辰周帝崩丙申晉王榮即皇帝位帝親耕藉田交州吳昌文遣使來臣於我求節鉞以為靜海軍

南漢書

卷四

七

節度使兼安南都護遣給事中李璵招之昌文以海賊阻道使止璵於白州璵遂還夏四月有人上書言建武節度使高王洪邈謀亂戊午帝遣甘泉使林延遇即邕州醜殺之

乾和十三年春二月庚子朔日有食之夏六月戊午帝殺其弟通王洪政冬十一月乙未朔北漢主崇俎子承鈞立是歲博白縣綠舍村民自言山谷間斗米一二錢有鳳大如鵝五色有冠

尾甚長有司以聞

乾和十四年春甘泉宮使林延遇病篤薦給事龔澄樞自代三月乙未卒帝即日擢澄樞知承宣院兼內侍省是歲周遣使來聘

乾和十五年冬十二月中書侍郎同平章事盧鷹卒是歲帝聞周帝用兵江南憂之遣使八貢於周道阻湖南不得達而還廢儋州之富羅縣萬安州之富雲博遠二縣

南漢書

卷四

八

乾和十六年春二月卜葬域於興王府城北運甕為壙帝親臨視之夏五月朔日有食之六月望日有食之在牛女之度帝時宴於甘泉宮出占書自測投書於地曰自古豈有長存者哉吾當之矣因縱為長夜飲秋八月辛巳帝殂年三十九在位十有六年帝性荒暴既弒殂帝立不順益以刑威御下好誅滅舊臣與諸弟有隙數年間慘戮殆盡越王洪昌賢而得眾高祖所欲

立者尤忌之遂先及害又設為湯鑊鐵床劓剔
諸刑號生地獄嘗醉以水置伶人尚玉樓頭以
試劍因斬其首明日復召乃知之乘楚馬氏兄
弟爭國之釁出兵進取得盡據嶺南地由是愈
得志作離宮千餘間以便遊獵如南宮大明昌
華甘泉玩華秀華玉清太微諸宮不可勝紀建
乾和殿鑄鐵柱十有二周七尺五寸高丈二尺
凡殿側必置宮人望明窓以候日曉謂之候窓

南漢書

卷四

九

監每宴會獨處殿庭間臣僚侍宴皆結采亭列
坐兩隅酒酣有司檻獸而進兩傍翼以戈戟帝
親持弓矢下殿有司引獸檻前獸出移庭而上
帝引弓射之戈戟競進獸乃斃其為樂皆類此
諸臣多被猜疑獨倚任其所嬖宦官宮婢延遇
瓊仙輩又陰令巨艦指揮使暨彥贊以兵入海
掠商人金帛中外騷然晚年聞唐兵為周敗乃
治戰艦修武備既而嘆曰吾身得免幸矣何暇

慮後世哉葬興王府城東北四十里之博大山
諡曰文武光聖明孝皇帝廟號中宗陵曰昭陵

南漢書

卷四

十

南漢書卷四終

南漢書考異卷四

順德梁廷樞章再撰

中宗紀

以洪昌為大尉兼中書令諸道兵馬都元帥知政事

歐史以洪昌為兵馬元帥不云授太尉兼中書令也今從通鑑

上尊號曰大聖文武大明至道大光孝皇帝

南漢書考異 卷四

十國春秋從碧落洞天記稱大聖文武元德大明至道大廣孝皇帝按歐史上尊號在乾和元年鐘允章作記在乾和七年冬中間或有加上尊號而諸書失載固未可知元年尊號則當以歐史為據今從之使越王洪昌如海曲使盜殺之

歐史在乾和二年夏通鑑在是年三月乙亥下今從之

帝使酖殺其弟洪澤於邕州

通鑑作毒殺洪澤於邕州不云使人者省文也十國春秋止云帝殺宏澤於邕州則并不言置毒矣今從歐史

誅賊臣劉思潮譚令禪林少疆林少良何昌廷通鑑天福八年陳道庠引力士劉思潮譚令禪等五人習手搏於晉府又漢主命思潮等伺洪杲思潮與譚令禪帥衛兵突入

南漢書考異 卷四

斬洪杲至開運二年則云漢主殺劉思潮林少疆林少良何昌廷考異云今又殺四人以除其偏按五人同行弒逆同譖殺洪杲同恃寵偏君此時伏誅何以譚令禪一人獨能漏網通鑑偶遺其名可知歐史又殺劉思潮等五人其四人雖未明書誰何然以上文度之則令禪一名自在五人數內矣今從歐史

帝賜賊臣陳道庠漢紀道庠稱疾謀亂事覺伏誅及其執友鄧仲並族之

通鑑劉思湖等既死陳道庠不自安特進鄧仲遺之漢紀道庠問故仲曰此書有誅韓信醢彭越事宜審讀之漢主聞之族道庠及仲按與歐史九國志大畧皆同九國志云道庠大懼遂謀亂事未及發晨覺之乃收道庠仲下獄翼日同斬於市悉夷其

南漢書考

卷四

三

族通鑑歐史均無謀亂事五國故事晟忌道庠欲其自退乃賜之漢紀庠以問仲仲曰殺韓信醢彭越之謂也庠因稱疾晟反怒仲以漏洩兼誅之又止云稱疾無謀亂及族兩人家事十國春秋云道庠伏誅并族其家及其友鄧仲似止族道庠殺仲不云族仲也諸書互異今多從故事并撫通鑑九國志補之

割程鄉縣置敬州

文獻通考作恭州避宋諱也今從十國春秋

諸王子皆醜死女有色者納之後宮

歐史無殺諸王子事通鑑盡殺其男納其女充後宮按五國故事每誅親族其子皆醜死女有色遂置嬪御之列據此則非盡其女納之也今從故事

南漢書考

卷四

四

以吳懷恩爲開府儀同三司西北面招討使通鑑乾祐元年云以懷恩爲西北面招討使廣順元年復云以懷恩爲西北招討使乾祐元年卽南漢乾和六年廣順元年卽乾和九年授官先後重見通鑑似誤或當時軍官加銜六年師旋後卽免至九年復以前銜授之也十國春秋事在九年而六年反闕書已誤其百官志亦失載西北招

討使之名今止繫於六年而於九年則直書其官

與吳珣同將兵侵楚

通鑑止吳懷恩一人廣州鄉賢傳允章傳

又止載吳珣並誤今從九國志及歐史

珣復以兵掠全州而歸

十國春秋珣復侵桂州境轉掠全州以歸

通鑑無珣侵桂州及全州事歐史珣掠全

南漢書考

卷四

五

在攻克桂州及連宜嚴梧蒙後按冊府元

龜乾祐二年湖南馬希廣上言探得荆南

繼差人下淮南與廣州三處結構荆南欲

取澧郎州廣南攻桂州按乾祐二年即南

漢乾和七年是年晟始與荆淮結連欲攻

桂州春秋乃繫於六年誤今從歐史

十二月丁未楚希萼逐其弟楚王希廣自立戊

申殺希廣

十國春秋丁未戊申皆以為十一月按是

年十一月甲子朔是月無丁未戊申兩日

春秋誤通鑑在十二月甲午朔下今從之

以宮人盧瓊仙為女侍中

五國故事委政內官龔澄樞及方士盧瓊

仙又一本作才人與宋史銀傳同今從歐

史

是歲帝使吳懷恩屯兵境上伺楚間楚王遣指

南漢書考

卷四

六

揮使彭彥暉帥兵屯桂州龍峒為備

通鑑漢主使吳懷恩屯兵境上希廣使彭

彥暉將兵屯龍峒以備之繫於廣順元年

十一月按是年即南漢乾和九年先一年

希廣已為兄希萼所殺安得復有命將備

南漢事通鑑云然自屬追敘之詞十國春

秋據以繫於九年大誤今仍繫於八年之

末又春秋懷恩將兵屯桂州境上通鑑止

云屯境上伺間密謀進取按桂州乾和九年乃入南漢此時尙屬楚自無屯兵桂州事春秋誤今從通鑑

我師據蒙至取宜連梧嚴富柳龔象等州

九國志乾和六年懷恩與吳珣領兵侵楚親冒矢石半歲間取梧桂六州之地歐史六年珣等攻桂州及宜連嚴梧蒙五州皆克之按兩書皆以取梧桂等州為六年事

南漢書考 卷四 七

惟通鑑繫於九年所載獨詳今從之又通鑑於乾祐元年既云南漢兵陷昭州後廣順元年復云桂州遂潰懷恩因以兵畧定宜連梧嚴富昭柳龔象等州是取昭州又在取桂州後矣通鑑誤按歐史無取昭州事今仍繫於乾和六年馬氏南唐書保大十年秋劉晟取桂州管將軍張巒爭之不克保大十年即乾和十年是年巒蓋圖復

桂州馬氏乃誤以兩事為一事也

遣潘崇徹謝貫將兵攻郴州南唐邊鎬來援

五國故事江南李氏因湖湘勢遂以兵侵其境為晟所敗陸氏南唐書南漢攻郴州鎬出兵爭之敗績鎬懼南漢寇邊未已請除道全二州刺史按是時郴州尙屬楚南唐使邊鎬趣馬希萼之族歸江南希萼去畱未決鎬此時似未暇先發南侵也今從

南漢書考 卷四 八

通鑑

迎戰於義章

九國志作宜章按宋避太宗潛邸舊名改

義章曰宜章今從通鑑作義

武安節度使王逵寇郴州

歐史統稱湖南王道逵以是時楚已歸南唐也據通鑑逵此時已臣周周以為武安節度今仍從其官書之九國志作潭州節

度使逵歐史及周世宗實錄薛史並作道

逵

我兵侵湖南至我師遂還

通鑑南漢寇全道永州劉言以何敬真朱

全琇將牙兵百餘人會潭州兵以禦二人

至長沙淹留不進王逵詐為言使者責敬

真不亟捍禦因收敬真全琇斬之薛史廣

順三年閏五月甲申朗州劉言潭州王進

南漢書考

卷四

九

逵奏廣賊占據桂管深入永州界俘劫遣

朗州行軍司馬何敬真與指揮使朱全琇

陳順等率水陸軍五萬進擊又二月己巳

劉言奏先遣何敬真率兵掩擊廣賊行及

潭州部眾奔潰湖南王進逵以敬真失律

已梟首訖按是時南漢新敗王逵軍聲頗

振何至以牙兵百人先發赴敵薛史所據

奏報似信於通鑑今從之

盤崇聚眾入寇郴州

通鑑云屢寇郴道二州考異云郴道二州

時皆屬於南漢按諸書南漢無取道州明

文十國春秋地理表道州亦隸於楚考異

似誤

吳昌文遣使來臣於我

歐史作昌濬今從通鑑

帝殺通王洪政

南漢書考

卷四

十

十國春秋帝殺其弟高王洪邈於邕州又

帝殺其弟通王洪政於正州按歐史不言

殺於何地通鑑南漢主以洪邈鎮邕州至

鎮或上書言洪邈作亂遣林延遇賜酖殺

之是明云殺於邕州也又書南漢主殺正

州節度使通王洪政其云正州節度似敘

其官之詞當日有無召歸行戮尙未可知

通鑑固未明言殺於正州也今闕疑但書

殺之而已

北漢主崇弒子承鈞立

十國春秋北漢紀在乾祐七年甲寅十一

月是年即周顯德元年引王保衡晉陽見聞錄云甲

寅春南伐敗績是年冬卒謂保衡身仕北

漢其言當足信按薛史顯德二年十一月

崇以病死歐史顯德元年自敗于高平已

而被圍以憂得疾明年十一月卒遼史應

南漢書考

卷四

十一

歷五年十一月乙未朔漢主崇弒是正史

皆以為崇死於顯德二年乙卯冬也紀年

通譜周世宗實錄僭偽傳皆云乙卯年死

則別史又與正史符合惟大定錄云顯德

二年春崇病死時雖不同而同在二年亦

可據也今從遼史又五代史纂誤謂周本

紀顯德元年三月敗於高平六月班師而

十國年譜注云是歲承鈞立是顯德元年

崇卒承鈞立也今世家乃云崇敗於高平

得疾明年十一月卒則與本紀年譜不相

應蓋世家誤有明年二字然以今考之所

云明年即顯德二年似本紀誤非世家誤

也

遣使入貢於周

歐史顯德三年世宗平江北晟始惶恐遣

使修貢於京師按顯德三年即南漢乾和

南漢書考

卷四

十一

十四年通鑑繫於顯德四年與歐史異今

從通鑑

秋八月辛巳帝弒

歐史云是秋卒無月日薛史亦云八月而

無日吳越備史作十月今從通鑑

南漢書考異卷四終

南漢書卷五

順德梁廷耕章冉撰

本紀第五

後主紀一

後主銀初名繼興中宗長子也封衛王體質豐厚眉目俱疎初中宗慮諸弟與其子爭國盡殲其弟俾得傳位於子乾和十六年八月中宗晏駕遺命以帝嗣立時帝年十六辛巳卽位更今

南漢書

卷五

一

名改元以是年爲大寶元年

大寶元年冬十月辛亥葬文武光明孝皇帝於昭陵定上廟號曰中宗

大寶二年夏六月癸巳周帝殂甲午梁王宗訓卽皇帝位秋七月甲辰帝敕給事郎鄭敬贊鑄樂昌黃連山寶林寺鐘款以中書舍人鍾允章爲尙書右丞參政事允章奏請稍誅內官亂法者不聽冬十一月己酉內侍監許彥真誣尙書

右丞鍾允章謀反帝不信玉清宮使龔澄樞內侍監李托證之力乃收允章並其二子邕昌族之辛亥祀天南郊大赦是歲以龔澄樞爲左龍虎軍觀軍容使加內太師

大寶三年春正月甲辰周帝禪位於檢校太尉趙匡胤卽皇帝位國號宋改元建隆三月帝殺其弟桂王璇興夏四月群臣賀乾德節五月朔日有食之秋八月甲午荆南王保融薨弟保勗

南漢書

卷五

二

權知軍府事

大寶四年夏四月癸巳朔日有食之六月庚申南唐主璟殂子煜立是歲芝菌生於宮中野獸觸寢門苑中有羊能吐珠又井旁石忽自立行百餘步女巫樊胡子並以符瑞奏且諷群臣入賀

大寶五年冬十一月荆南節度使保勗卒從子繼冲權知軍府事十二月帝納宦者李托二養

女封其長者為貴妃次為美人以托為內太師
六軍觀軍容使詔政事必稟託而行內太師龔
澄樞遣兩班將軍王仁遇告內侍監許彥真父
子謀反族之

大寶六年春三月甲午荆南節度使繼冲以地
歸於宋秋八月帝以內太師李托奏迎韶州證
真寺故僧文偃骸骨於宮中供奉彌月冬十月
贈故僧文偃為大慈雲匡聖宏明大師昇證真

南漢書

卷五

三

寺為大覺禪寺是歲靜海節度使吳昌文卒其
參謀呂處环峰州刺史喬知祐武寧州刺史楊
暉牙將杜景碩等爭立交州亂驩州刺史丁部
領與子璉舉兵三萬擊破之交民推部領為帥
號大勝王部領以其子璉為靜海節度使

大寶七年春正月戊寅朔帝敕鑄興王府長壽
寺銅鐘遣將以兵侵宋潭州為宋防禦使潘美
所敗秋九月宋兵馬都監丁德裕防禦使潘美

朗州團練使尹崇珂帥兵圍郴州刺史陸光圖
告急帝遣招討使暨彥贊迎戰敗彥贊光圖死
之都監陳瑁等二百人內官余延業等十餘人
被獲壬寅郴州陷我師退保韶州美等分兵攻
連州帝懼以招討使吳懷恩為桂州團練使懷
恩為其部下所殺復以內常侍邵廷瑁為東南
面招討使使帥舟師屯洗口拒宋美等引兵退
冬十二月乙巳宋歸我郴州都監陳瑁等二百

南漢書

卷五

四

人

大寶八年春正月乙酉蜀主昶降於宋交州丁
部領使其子璉代己為州帥遣使來求封帝以
璉為交州節度使夏六月帝獲匿各書言招討
使邵廷瑁謀反遣使賜廷瑁死

大寶九年夏四月土軍都知兵馬使李廷珙叛
降於宋是歲常康縣民妻生子兩首四臂有司
以聞封博泉神曰龍母夫人尊南海神曰昭明

帝廟曰聰正

大寶十年夏四月賀乾德節赦內太師李托以烏金造千佛寶塔置興王府法性寺六月戊午朔日有食之興王府大風拔法性寺梁僧真諱所值菩提樹秋雷屢震帝寢殿

大寶十一年秋七月戊申北漢主延鈞劓養子繼恩立九月高州大風雨壞廨宇及民舍五百區已西北漢主繼恩遇弑兄弟繼元立冬十月瓊

南漢書

卷五

五

州颶風壞城門州屋民舍盡帝命範銅為已及諸子象置興王府天慶觀之東廡三易乃成冶工為象未肖即殺之十一月癸卯宋改元開寶大寶十二年帝遣將率兵侵宋道州宋刺史王繼勳上言請兵來討宋帝未決詔南唐主以書來勸帝稱臣歸湖南蓋地帝不從冬有兵過蒙州遇牽黃犬逐鹿者刺之人及犬鹿皆化石大寶十三年夏四月朔日有食之秋七月南唐

主復遣給事中龔慎儀來致書固勸帝內附帝怒囚慎儀驛書答之詞多不屈南唐主以帝書上於宋九月己亥朔宋以潭州防禦使潘美為賀州道行營兵馬都總管朗州團練使尹崇珂為副就加道州刺史王繼勳為行營都監發十州兵來攻賀州師次白霞賀州刺史陳守忠飛章告急中外震懼帝遣薛崇譽守桂州李托守韶州別遣龔澄樞馳往賀州宣旨士卒久戍無

南漢書

卷五

六

賞澄樞至軍有怨言宋師拔馮乘前鋒至芳林澄樞乘舟遁歸丙午興王府見眾星皆北流癸丑宋師進圍賀州帝詔大臣議咸請起用故將潘崇徽帝從之崇徽以目疾辭乃遣大將伍彥柔將兵五萬赴援戊午美等潛伏奇兵南鄉岸以待己未彥柔至伏猝起我軍大亂彥柔被獲死城堅守不下庚申宋隨軍轉運使王明率所部護送輜重卒百餘人及丁夫數千人壅我城

南漢書考異卷五

順德梁廷枏章冉撰

後主紀一

命帝嗣立年十六

薛史五國故事皆云年十七通鑑云十六

按宋史張對太祖云臣年十六襲偽位當

援為據

以鍾允章為尙書右丞參政事

南漢書考異 卷五

歐史作尙書左丞今從通鑑十國春秋云

一作參知政事今從歐史

冬十一月己酉許彥真誣鍾允章反

諸書皆不詳何日通鑑事在祀園邱前三

日按張以是月辛亥郊天知是日為己酉

也

族之

通鑑止云彥真言允章欲於郊祀日作亂

與二子共登壇潛有所禱俱斬之不云族

誅也今從歐史

以李托為內太師

歐史五年托為內太師居中專政續通鑑

長編以下稱續通鑑建隆三年拜托內太師建隆

三年即南漢大寶五年按大寶七年陳守

中雲門山碑托結銜止云行內侍監無內

太師之名則當日未題全銜也今從歐史

南漢書考異 卷五

及續通鑑托諸書多作託惟歐史作托今

雲門山碑亦作托是其據也

大寶六年靜海節度使吳昌文卒參謀呂處坪

刺史喬知祐楊暉牙將杜景碩等爭立刺史丁

部領與子璉破之交民推部領為帥領以璉為

節度使又大寶八年部領使璉代為交帥來求

封以璉為交州節度使

歐史吳昌文卒其佐呂處坪與峯州刺史

喬知祐爭立丁璉擊破之銀授璉交州節度事同在大寶八年十國春秋丁部領擊敗處珣爲衆所推事在大寶三年交州亂部領死詔以璉爲交州節度事在大寶八年據宋史乾德初昌文卒處珣等爭立部領與子璉擊敗處珣等交民推部領爲帥號大勝王署璉爲節度使凡三年遜璉位璉立七年聞嶺表平遣使內附制以璉檢

南漢書考

卷五

三

校太師充靜海軍節度使八年朝議崇寵部領封交趾郡王又續通鑑部領自立爲萬勝王以璉爲靜海節度使告南漢南漢因而授之又東都事畧開寶八年封部領爲交趾郡王太平興國初部領及璉皆死按歐史南漢以璉爲交州節度在大寶八年卽宋乾德三年由是年而逆推上三年爲乾德元年卽大寶六年更順推下七年

爲開寶四年卽宋平嶺表之年則昌文以乾德元年死宋史所云乾德初昌文死部領署璉爲節度凡三年遜璉位七年嶺表平也其云遜位卽續通鑑所云使告南漢南漢因而授之也據此知歐史繫昌文死於大寶八年不過因下文銀授璉交州節度一語追敘其事所緣起耳春秋以昌文死繫在大寶三年誤又按東都事畧部領

南漢書考

卷五

四

封郡王在開寶八年其死在太平興國初年宋史部領封王亦在八年而無開寶字蓋偶缺也春秋以部領死繫於大寶八年春三月且以詔璉爲交州節度在部領死後亦誤歐史無楊暉杜景碩之名今從續通鑑宋史作吳處珣矯知護今從歐史續通鑑大勝王作萬勝王今從東都事畧並宋史又宋史潘美傳時湖南叛將汪端旣

平授美潭州防禦使嶺南劉鋹寇桂陽
江華美擊走之乾德二年又率兵克郴州
按太祖紀湖南平在乾德元年三月克郴
州在二年九月南漢寇宋邊在此十數月
內而不知繫於何年今姑闕疑而附誌於
此

荆南繼冲以地歸於宋

十國春秋荆南世家事在乾德元年五月

南漢書考 卷五

五

而紀元表又云建隆四年五月國亡續通
鑑不著月日今從宋史太祖紀

敕李托以烏金造千佛寶塔

塔記在塔之西記外五角均有題名磨滅
過甚其四角各皆標沙門惟南面西角所
書官階尙存使官闈番檢點將軍伯食邑
七伯戶十四字金石萃編所收本使下多
存秀字將軍下多存行字又存開國伯等

字按陳守忠雲門山碑李托結銜有秀華
宮使行內侍監可為記文秀字行字之證
又宋史托傳充宮闈諸衛押番及驃騎上
將軍今記文宮闈下泐三字卽是番字可
為宮闈諸衛押番之證將軍之上泐數字
卽驃騎上等字也又雲門山碑龔澄樞結
銜有開國男食邑三百戶托與澄樞在銀
時寵均勢敵且是時托二女已入後宮更

南漢書考 卷五

六

有椒房之親其封爵食邑自當視澄樞加
隆斷無澄樞有封邑而托反闕如之理塔
文所云開國伯食邑七百戶舍托固無人
足當此寵秩也據塔文可補諸書之闕
塔院在今會城光孝寺東西向院簷壁懸
一白木板上書塔銘全文其東西左銘云
左都監住持秀華宮使上將軍上柱國
伯食邑十萬戶 監造止二十七字

寺僧稱舊有此板不知據何時拓本云予
丙戌己丑兩歲讀書訶林晨夕摩挲銘文
雖剝落難辨然細繹字數似尙不止此近
人南漢春秋所收與板寫本同亦未知其
果據舊揚抑有脫誤也

以內常侍邵廷瑁爲東南面招討使

鎮象塔記以大寶下闕月乙卯朔六日庚

申下缺面招討使行內侍監上柱國邵下

南漢書考

卷五

七

鐵地一段云云碑闕紀年元吳萊南海古

蹟記稱鎮象塔在東莞漢禹餘宮使邵廷

瑁造粵東金石畧題大寶五年故阮氏廣

東志以下稱阮通志謂大寶七年爲遼應曆十四

年遼史朔考是年至明年六月是月廷瑁死無

乙卯朔惟大寶五年有之據以定塔建於

大寶五年廷瑁已題招討使駁黃佐先賢

傳七年始加招討之非又引歐史世家建

隆元年解大寶三年錢將邵廷瑁言於錢一語

定廷瑁爲將已在大寶五年以前等語按

九國志廷瑁傳禹餘宮在城東南廷瑁雅

所愛尙請解兵職爲宮使錢從之而令典

兵如故又七年王師乘勝取連州錢始懼

乃加廷瑁東南面招討使是加招討使斷

在七年失郴州後無疑至五年以前廷瑁

已久典兵職故歐史稱之日將據以爲五

南漢書考

卷五

八

年前加招討使之証則誤矣今按塔記年

月銜名皆闕止存大寶及招討使等字及

邵字可辨南漢紀載失闕其職官尤難考

核且招討之銜亦至多安知當時別無邵

姓之人任招討使於五年之前者而必強

以廷瑁實之可乎古蹟記雖有廷瑁造塔

之文今碑殘無據而九國志作於宋代先

古蹟記二百七八十年其間見尤可徵信

今從之又按大寶七年陳守中雲門山碑云伏惟睿聖文武隆德高明宏通大光孝皇帝此為羣臣所上尊號年不可考今附誌於此

九月己酉北漢主繼恩殂

按是年九月高州大風兩日無可考據宋史是月辛巳朔則己酉為月盡矣故以高州事列前

南漢書考 卷五

九

大寶十二年帝遣兵侵宋道州刺史王繼勳請兵來討宋帝未決詔南唐主以書來勸帝稱臣歸湖南舊地帝不從十三年南唐主復遣龔慎儀來致書因勸帝內附帝怒囚慎儀驛書答之詞多不屈南唐主以帝書上於宋

歐史論鋹稱臣在大寶九年即乾德四年不及侵宋道州事陸氏南唐書後主紀亦在乾德四年八月而慎儀傳又在開寶三

年自為矛盾十國春秋南唐後主紀在乾德四年八月全龔陸氏原文而南漢後主紀又在開寶十三年亦自互異據宋史鋹傳乾德中太祖克郴州獲內品余延業備言鋹奢酷太祖驚曰吾當救此一方民間寶初鋹又舉兵侵道州道州刺史正繼勳請討之太祖難其事令江南李煜遣使以書諭鋹使稱臣歸湖南舊地鋹不從煜又

南漢書考 卷五

十

遣龔慎儀遺鋹書鋹得書遂囚慎儀答煜書言多不遜煜上其書開寶三年太祖命潘美尹崇珂討之稽古錄開寶三年上命煜招諭鋹鋹囚其使龔慎儀事在七月丙辰之後按開寶改元在十一月癸卯是年九月辛巳朔則改元日當為十一月二十三日去開寶二年不過三十餘日耳南漢擾掠道州王繼勳奏請發兵南討太祖詔

煜先以書諭錢總其往復時日計之當在開寶二年宋史所謂開寶初也又明一統志開寶間慎儀入貢太祖命其齎書諭錢事雖與宋史異然此可援爲開寶非乾德之一証歐史雖繫於九年而以是時二字別之知其約畧之詞也又南唐來書云昨命使臣入貢大朝大朝皇帝果以此事宣示又云今則復遣人使罄申鄙懷再寄翰

南漢書考 卷五

十一

墨重布腹心是前使反命煜以銀意復宋至是承詔乃使慎儀再往得銀答書以上太祖以時日計之斷在開寶三年蓋是年九月朔已命將進討故書云見今點閱大衆仍以上秋爲期也如依歐史作乾德四年慎儀來使則書所云昨以大朝南伐圖復楚疆一語可作乾德二年宋克郴州之證其云昨命使臣入貢一語可作是年五

月南唐使賀文明殿之證如依南唐書後主紀作乾德四年則紀內明云八月遣使九月至番禺時月具悉兩書均似有據但中隔五年與書中足下無通好之心必舉上秋之役數語又皆且終無以解於宋史之明書開寶也又按九國志郭崇岳傳大寶十年王師來伐直以宋興師在開寶二年則揆之當日反覆致書及往返迴奏之

南漢書考 卷五

十二

時日不足况書中有煜之極言於此三矣語似致書尙不止兩次豈數月內能經如許之周折乎所聞異詞勢難臆斷今姑以宋史爲據耳所致書宋史與南唐書各有異同惟宋史所載較爲詳贍東都事畧所載不過裁節宋史原文故 欽定全唐文以載南唐書者爲第一書載宋史者爲第二書卽慎儀奉使之書也慎儀東都

事畧作正儀青箱雜記作官尙書禮部侍

郎

帝怒囚慎儀

陸氏南唐書傳南漢平慎儀乃得歸青箱

雜記云劉主囚之踰年不遣慎儀禱佛願

捨宅建寺庶遂生還未幾劉主女病譖語

曰急遣慎儀歸國不然我即死劉主懼遣

之兩說互異今但書囚之而已不及遣還

南漢書考 卷五

事

秋九月己亥宋以潘美為賀州道行營兵馬都

總管

宋史太祖紀出師事在開寶三年九月己

亥朔按玉海作九月八日亦註己亥似誤

錢傳開寶三年太祖命潘美尹崇珂討之

八月師至白霞是命將更在八月之前與

本紀矛盾然命將月日當以本紀為據又

潘美授銜諸書亦互異宋史本紀作貴州

道兵馬行營都部署美傳止稱行營諸軍

都部署十國春秋作桂州道行營都部署

按宋師先指賀州授銜自當以賀州為正

宋史紀稱貴州或文之訛也今從玉海又

稽古錄九月命美等伐廣南乙卯拔富州

今按續通鑑無先下富州事美等加賀州

部署銜則率兵先向賀州矣由己亥推至

南漢書考 卷五

乙卯止十七日師行克捷亦不能若是之

速且宋師既陷連州後錢有昭桂連賀本

屬湖南今北師取之足矣語當時言不及

富州亦可証也

陳守忠告急

九國志作守志

李托守韶州

歐史宋史皆作守韶州十國春秋守韶州

誤

宋師拔馮乘前鋒抵芳林

十國春秋李托等往昭州畫守禦之策前鋒至芳林按上二語本宋史張傳下一語本續通鑑原文王師拔馮乘前鋒至芳林則所云前鋒乃宋軍前隊非托等所帥師也春秋語未明哲今加宋字別之

丙午衆星皆北流

南漢書考 卷五 五

十國春秋在大寶十一年誤是年即宋開寶元年據文獻通考事在開寶三年九月云是月廣州民見衆星皆北流知星者言劉氏當舉國歸中原之兆明年廣州平宋史張傳亦云辛未前一年九月八日衆星北流蓋大寶十三年庚午也今從之

帝從之崇微以目疾辭
十國春秋諸大臣請起潘崇微帝不從按

續通鑑崇微自罷兵柄常快快於是辭以目疾是崇微自不奉詔非張不從諸臣請也春秋誤

我師不能守以城降

宋史書城陷十國春秋依之續通鑑所紀獨詳云擒彥柔斬之梟首示城中猶堅守弗下王明言於潘美曰當急擊之恐援師至為所乘諸將頗猶豫明乃躬擐甲胄率所部卒畚鍤皆作堙其塹直抵城門城中大懼遂開門以納王師然則賀州之失當書力盡降不應書攻陷也

南漢書考 卷五 六

殺我若卒數千
十國春秋作數百人今從續通鑑

將兵十餘萬陣於蓮花峯

宋史作兵數萬陣蓮葉山下今從續通鑑
南漢書考異卷五終

南漢書卷六

順德梁廷枏章再撰

本紀第六

後主紀二

大寶十四年春正月宋將潘美等陷英州復陷
雄州都統潘崇徹以眾降於宋宋師進次瀧頭
帝遣使請和求緩師美等不許恐我兵設伏挾
使者速度諸險甲子宋師至柵口乙丑至馬逕

南漢書

卷六

一

屯雙女山下直瞰我軍柵遊騎數出挑戰植廷
曉將發卒迎擊招討使郭崇岳止之堅壁自守
帝取巨舶十餘艘載其妃嬪金寶將浮海未發
宦官樂範與衛兵千餘盜舶走帝益懼遣王珪
詣宋軍通好又遣左僕射蕭灌中書舍人卓惟
休奉表詣宋軍乞降宋殿直冉彥衮以灌等赴
汴帝命崇岳戒嚴二月丁卯朔命判六軍十二
衛正王保興率百官出迎為崇岳所遏己巳遣

保興率國內兵併力拒戰庚午植廷曉領前鋒
據水陣崇岳殿後宋師濟廷曉戰敗死之崇岳
奔還柵美募丁夫間道造柵縱火天風轉北我
軍復大敗崇岳為亂兵所殺保興逃歸龔澄樞
李托與內侍中薛崇譽等焚府庫宮殿帝欲赴
火死不決辛未宋師至白田帝素衣白馬出城
北七里降漢亡美等入城俘宗室官屬九十七
人與後主同縻於龍德宮斬宦官五百餘人州

南漢書

卷六

二

六十縣二百十四戶十七萬二百六十三盡籍
於宋四月美遣使部送後主及宗黨官屬歸宋
京行抵公安邸吏龐師進迎謁後主問學士黃
德昭師進何人何為在此德昭曰高祖居藩時
歲貢大朝輜重皆歷荊州令師進置邸於此造
車給餽運耳後主泣嘆曰我在位十四年未聞
此言今始知祖宗山河乃大朝境土也因泣下
至宋京師舍後主於玉津園甲午宋太祖命參

知政事呂餘慶劾問約降復戰及焚府庫之罪
後主歸罪龔澄樞李托薛崇譽太祖復遣使責
問澄樞等皆不能對五月乙未朔宋有司率武
士以帛繫後主及官屬先獻太廟及太社太祖
御明德門樓通事舍人引後主就東西街南北
向俘位太祖遣攝刑部尙書盧多遜宣詔責後
主後主曰臣年十六僭偽號澄樞等皆先臣舊
人每事臣不得自由臣是臣下澄樞等是國主

南漢書

卷六

三

遂伏地待罪太祖命攝大理卿高繼申斬澄樞
托崇譽三人於千秋門外釋後主賜宴於大明
殿賜襲衣冠帶器幣鞍馬授金紫光祿大夫檢
校太保右千牛衛大將軍員外置同正員封恩
赦侯班在上將軍下以正王保興爲右監門率
府率右僕射蕭灌爲太子中允中書舍人卓惟
休爲太僕寺丞餘並署諸州上佐縣令主簿賞
賜有差六月乙酉宋太祖賜後主月奉外錢五

萬米五千斛開寶五年五月庚申賜錢百五十
萬八年十二月己未江南平遷後主左監門衛
上將軍進封彭城郡公太平興國初進衛國公
二年二月壬子賜宴崇德殿三年正月辛丑賜
宴崇德殿三月己酉賜宴長春殿六年三月薨
年三十九太宗廢朝三日贈太師追封南越王
後主性庸懦早歲嗣位政務未諳疑羣臣皆有
家室惟宦者專誠可信遂委國事於龔澄樞陳

南漢書

卷六

四

延壽及才人盧瓊仙臺省官僅備員不復預機
密每詳覽可否皆瓊仙指之延壽又引女巫樊
胡子入宮自言玉皇附其身呼後主爲太子皇
帝詭言瓊仙澄樞延壽皆我遣輔太子有過不
得治於宮中施帷幄列珍玩設玉皇座樊胡子
冠遠遊冠紫衣紫霞裙坐爲玉皇言宣禍福事
皆決焉後主再拜聽命梁山師馬媪何擬之徒
出入宮掖宮人多具冠帶領外事先是高祖雖

寵任中官然數裁三百餘位不過掖庭諸局令丞中宗稍增至千餘人已有內常侍諸謁者之稱至後主漸至七千餘有爲內三師三公者諸使名多至二百女官亦有師傅令僕之號以百官爲門外人臣工有小過及進士狀頭或釋道稍負才畧可備問者皆下蠶室令得出入宮闈由是綱紀大壞又踵祖父奢酷立萬政殿一柱之餘費白金三千錠以銀爲殿衣間以雲母無

南漢書

卷六

五

名之費日千萬興王府中鑿湖五百餘丈曰藥洲聚方士煉藥縱罪人使移太湖靈壁及三江所產巨石凡九浮海歸置洲中以自贖城西濬玉液池以歲之五月五日出宮人競渡其中又崇信釋氏教於府城四面建二十八寺以應列宿嘗夢神人指羅浮山之西去延祥寺西北兩岸疊中一洞可爲宮遣人訪得金沙洞地建天華宮又夢金龍起於宮所改洞曰黃龍時議於

增城江口穿渠達羅浮便巡幸因宋師來不果於海鎮募兵能采珠者二千人號媚川都每以石繩索繫兵足入海五七百尺多溺死久之珠充積內府焚燹之後尙餘美珠四十六甕所居殿宇梁棟簾箔率以珠雜玳瑁爲飾窮極華麗宮中有魚英託鏤椰子立壺四各受三斗作離宮數十挈波斯女不時遊幸常至月餘或旬日每歲荔支熟於昌華苑設紅雲宴又命宮人三

南漢書

卷六

六

月關花內殿後主向晨先啟苑集眾採擇俄敕扃戶膳訖於內殿角勝負內官抱關置樓置厯以驗宮人出入曰花禁負者獻要金要銀買燕自稱蕭閒大夫是時國用日蹙重民賦斂定媚川都課邕民入城者人輸一錢瓊州米斗稅四錢制大量每石凡輸一石入斗巡遊所在率以豪民爲課戶供宴犒之費城內行乾亨鉛錢城外行乾亨銅錢禁其出入犯者抵死俸祿非

出特恩不給銅錢大海中生金錢蜆味殊珍異
後主取以自奉私採者禁作燒煮剝剔刀山劍
樹之刑或令罪人鬪虎抵象以爲笑樂怨聲載
道末年野蕈生於宮殿狐鳴鬼哭妖怪日作災
異疊見以迄於亡初高祖建國召司天監周傑
筮之遇復之豐數當五十五年傑假五百五十
爲對始作宮室得石讖文曰人人有一山山值
牛兔絲吞骨蓋海承劉解者謂人人有一大人

南漢書

卷六

七

也山山出也值牛者丑歲建國兔絲者中宗卯
歲襲位也吞骨殺諸弟也天水爲趙蓋海宋國
姓承劉受劉氏降也大有改元欽州民握羅浮
山得古劍獻之篆文曰丁與水同宮王將耳口
同尹來居口上山岫護重重解者謂宋太祖以
丁亥誕下三語於文爲聖君出也乾和中童謡
云羊頭二四白天雨至解者謂辛未二月四日
宋師逼城之北大寶中多火災令民家置防火

大桶識者謂防房桶統同音宋分野屬房言一
統也至是國滅蓋有先兆焉後主雖以愚敗國
然素有口辯能詼諧巧作奇技入宋後嘗以珍
珠結鞍勒爲戲龍狀名珠龍九五鞍獻太祖詔
示尙方諸工官皆駭異給錢百五十萬償其值
謂左右曰銀好工巧遂習以成性倘能移於治
國豈至滅亡哉在國時每置醜斃其臣下一日
宋諸臣從太祖幸講武池後主先至賜以卮酒

南漢書

卷六

八

疑有毒捧杯泣辭曰臣承祖父基業拒違朝廷
勞王師致討罪固當死陛下不殺臣今見太平
爲大梁布衣足矣願延且夕之命以全陛下成
恩臣未敢飲此酒太祖笑曰朕推赤心置人腹
安有此事取其酒自飲別酌賜之後主大慚謝
太宗將討太原宴近臣後主預焉奏言朝廷威
靈及遠四方僭竊之主今日盡在座中且夕平
太原劉繼元又至臣率先來朝願得執梃爲諸

降王長太宗大笑賚予甚厚既薨賜歸葬於韶州城北六里之王山

南漢書

卷六

九

南漢書卷六終

南漢書考異卷六

順德梁廷枏章冉撰

後主紀二

十三年九月己亥朔宋潘美等發十州兵攻賀州至十四年二月辛未帝素衣白馬降

按用兵月日諸書互有異同宋史太祖紀

九月己亥朔命美等會賀州十月庚辰克

賀州十一月壬寅下昭桂二州十二月壬

南漢書考異

卷六

申下連州辛卯下韶州四年正月癸丑取

英州雄州二月己丑克廣州紀內日月當

各就聞捷日書之修宋史時止據宋國史

或實錄不復更正則本紀月日不足據也

張傳無出師月日餘則有月無日八月師

至白霞九月圍賀州城陷十月陷昭州桂

州十一月陷連州十二月陷韶州四年正

月陷英州雄州次瀧頭二月過馬逕入廣

州而美傳云十月下昭桂連三州與張傳
異東都事畧九月壬子克富州十月克賀
州十一月克昭桂二州十二月庚午克連
州戊子克韶州正月克英雄二州二月丁
亥克廣州稽古錄九月乙卯拔富州十月
庚寅拔賀州十一月壬寅拔昭桂二州十
二月辛亥拔連州均與宋史異玉海十二
月壬寅下桂昭連三州遂下韶州又註云

南漢書考 卷六

十二月辛亥拔連州二月庚午入廣州亦
與宋史異今惟命將月日從宋史紀餘悉
從續通鑑然續通鑑與諸書亦互有詳畧
宋史紀云九月美等敗南漢萬眾於富州
下之美傳亦云九月進克富州事畧亦云
壬子潘美克富州而續通鑑無之又張傳
遣其弟保興率百官奉迎美傳遣王珪詣
軍門求通好續通鑑亦無之又玉海引露

布二月四日己巳遣其弟保興併力決戰
續通鑑乃繫於是月丁卯朔又賀州之克
諸書皆云攻陷而續通鑑獨云開門以納
王師此續通鑑與諸書異也又宋師渡馬
逕歐史及宋史美傳皆在二月惟續通鑑
在正月乙丑先一日甲子至柵口今按露
布云於正月二十七日甲子到柵口去廣
只一程與續通鑑合露布當時軍中所作
其月日斷不差誤則續通鑑視諸書較信
矣又歐史遣其弟祥王保興率文武詣美
軍降不納宋史張傳保興率百官奉迎為
郭崇岳所遏則歐史與宋史互有同異事
畧先遣保興拒戰復遣保興乞降不納十
國春秋亦兩事並存而奉迎事則依宋史
且兩事先後不同則春秋與事畧各異又
宋史張傳二月過馬逕去廣城十里張遣

南漢書考 卷六

異

蕭灌等奉表乞降師遂頓城外據此是去城十里乃乞降也而美傳乃云遣灌等乞降復遣保與拒戰美即率士卒倍道趨柵頭距廣百二十里張兵十五萬依山谷堅壘以待據此是乞降後尙去城百二十里也則宋史兩傳互異又按張傳引童謠羊頭二四白天雨至語謂應二月四日天水姓擒張之義按宋史云羊頭二四白天雨至天雨者王師如時雨之義

南漢書考 卷六 四

青箱雜記云羊二四日天雨至天雨猶天冰斤國姓兩說未知孰是玉海亦云庚午以續通鑑是月丁卯朔計之庚午為四日與宋史合而續通鑑乃云辛未南漢主降薛史則明云四月五日為王師所擒是又以為二月五日矣二說亦各異然劉氏興亡錄云宋開寶四年正月辛未是年正月無辛未必二月之誤偽少主迎六軍於城北七里潘美宣赦釋罪其云辛未與通鑑合與亡

錄為胡賓王作當時稱南漢國史出降月日自所目擊視他書尤信今採續通鑑并悉考諸書補其闕南漢春秋誤作十月陷韶州十一月陷連州遍考無云先陷韶州者按方輿紀要稱由嶺南下可以直走韶州然由連指韶實奪張魄此亦連先於韶之証

州六十

南漢書考 卷六 五

歐史職方考序云嶺南北四十七州為南漢今據續通鑑

斬宦者五百餘人

續通鑑有閹工百餘輩盛服請見美曰是極人多矣我奉詔伐罪正為此等命悉斬之今從宋史張傳

行至公安

宋史張傳作至江陵按宋史地理志江陵

公安並隸荆湖北路之江陵府張傳所稱類渾舉府名今從續通鑑

至京太祖命呂餘慶劾問約降復戰及焚府庫之罪後主歸罪澄樞復使問澄樞等

宋史李托傳及就擒至許田太宗遣使問托等昨已約降復率眾戰及縱火焚府庫為誰之謀是中道迎問托等也續通鑑則云先問張張委罪澄樞等三人復遣問三

南漢書考 卷六

六

人皆俛首不對是先問張再問澄樞似於情事較信且皆至京舍玉津園後事與宋史張傳合今從之張傳無繼問澄樞等事五月乙未朔繫後主獻太廟

玉海作五月一日己未宋史作乙未按是年正月戊戌朔至五月朔則乙未矣今從

宋史

斬澄樞三人於千秋門外

十國春秋注云一作午門外今從宋史六年三月薨年三十九

宋史云太平興國五年薨而不詳何月續通鑑綱目則繫於是年三月今按張以周顯德五年襲位年十六卒年三十九首尾凡二十四年卒年當為太平興國六年綱目乃誤先一年耳今更正其年而姑仍其月

南漢書考 卷六

七

自言玉皇附其身

宋史樊胡入宮言玉皇命張為太子皇帝坐宣福福張再拜聽命按五國故事樊胡子自言玉皇大帝附其身為大帝言曰瓊仙等皆我命之以為爾輔張再拜而聽蓋張以為真玉皇降故拜非拜巫也今從故事

有為內三師三公者

十國春秋百官表有內太師內大傅內太保按南漢內太師之職最多無官內傅保者邵氏見聞後錄云漢唐宦者可謂盛矣然官不至師保也劉鋹有宦者七千餘人始有為師保者藝祖既縛鋹以來鑿其禍內侍不許過供奉官又鋹之宮輒名龍德云云據此則當日自有保傅之職特無考耳又南海志作宦者近二萬人今從宋史

南漢書考

卷六

八

建天華宮欲鑿渠通羅浮不果

增城志張建天華宮鑿浦於增城惠州博羅兩志並云建天華宮於羅浮山至宋朝革命僭叛以次誅服劉氏懼欲潛遁羅浮為狡兔之穴命於增江口鑿濠通山倉卒為航舟計知劉氏為宮室於山間無事為臨賞之樂警急為遁逃之所志語本東按坡文集歐史宋史續通鑑並云以船十餘欲入海

重載珍寶為樂範所盜則當日已備舟海濱矣如云欲避居羅浮今渠尙未鑿安有大船為範竊走事惠州博羅增城志並誤又歐必元羅浮行記云晟作天華宮今從十國春秋採珠者二千人

澠水燕談錄兵置八千人專以採珠為事今從續通鑑

南漢書考

卷六

九

城內行鉛錢

十國紀年漢史劉龔以國用不足鑄鉛錢十當銅錢一乾和後多聚銅錢城內用鉛城外用銅十國春秋繫於大寶五年今統附紀後

野草生宮殿狐鳴鬼哭

歐史在大寶四年云芝菌生於宮中無狐鳴鬼哭事五國故事作鋹末年事云野草

南漢書卷七

順德梁廷枏章冉撰

列傳第一

廷枏曰古一姓之興固其祖若宗數世所積累抑內助之賢母範之正有以成之南漢據偏隅渺乎莫可比數然考所自起實藉外家援引之力韋后之歸代祖也排羣議僅而後濟天所以啟劉氏者不可謂不厚奈何妬遇妾媵戕段氏

南漢書

卷七

而奪所生於襁褓中蓋閹房之內不能正厥始焉馬后正位十又七年琴絃中絕於是趙太妃謝尚儀輩爭妍獻媚寵冠一時乃殤帝甫立而賊臣弑之循王請討賊而怨家殺之覆巢取鷄哀鳴無及曾不若蕪才人之淡謝榮華猶足逍遙自適也吁可悲已中宗嬪御之列雜之以周親雖事出蠻夷難論倫紀而彥真好通之獄卒發於身後而莫能掩蔽冥冥中有主之者矣瓊

南漢書考

卷六

十二

南漢書考異卷六終

仙瓊芝自中宗時久干外政至後主而大恣狐
威黨朋鬪豎因之李氏二女魚貫而前媚豬妖
邪日陪遊輦以禁廷爲宣淫之地以宮婢爲倡
妓之流汚玷如斯不亡何待卽有艷述於文人
學士如素馨如離非女子者宛矣掩宮闈穢跡
於萬一哉詩有之言之醜也作后妃傳

后妃列傳

武皇后韋氏京兆萬年人唐左僕射宙從女也

南漢書

卷七

二

先世多顯宦有孝寬者仕隋至尙書令現仕唐
爲太子詹事贈泰州都督諡貞祖丹舉五經高
第積官晉慈隰州觀察使封武陽郡公咸通三
年分嶺南爲西東道以宙爲東道節度使挈家
至南海后亦隨侍時南詔陷交趾嶺表震動宙
撫兵積備選練部曲代祖適隸麾下充賀水鎮
將職級甚卑而氣宇特超異宙見招與語奇之
將使后歸焉宙夫人以貴賤懸殊慮招物議頗

猶豫然宙意殊決夫人恐不可諫乃諷諸幕僚
從容勸止其事宙弟岫因曰彼狀貌迥出庸流
吾就結婚媾他日子孫或可依托由是卒以后
妻代祖生烈宗未幾其妾段氏產高祖於外舍
后素妬不能逮下聞段亦產子怒不可制拔劍
出中門使取高祖至將手刃之及見卽驚悸所
持劍不覺墜地良久曰此非常兒我家之寶也
遂取高祖自養爲子先封越國夫人高祖稱制

南漢書

卷七

三

追尊曰武皇后

段氏代祖側室高祖生母也唐僖宗文德元年
生高祖時武皇后韋氏已產烈宗聞之不能容
欲殺高祖使索之段氏懼莫敢匿后旣養高祖
爲己子慮他日有違言後三日遂殺段氏滅其
跡段氏被害代祖爲營葬地土中得白石版有
篆文曰隱台巖因名烈宗曰隱高祖曰巖高祖
長嗣烈宗位無敢言段氏被殺事者故稱尊後

不及追上稱號焉

高祖皇后馬氏楚武穆王殷女也乾化初高祖代烈宗為節度有吞併隣封志數攻楚梁帝遣使來叶和兵始息三年高祖年二十八將擇偶以楚新睦欲結為婚姻遂使如楚求后武穆王許之因聘焉貞明改元八月具禮往迎武穆王使弟永順節度使存送后来嶺南禮意優厚后既歸高祖越二年高祖始稱越帝封后越國夫人南漢書

卷七

四

人乾亨三年春册為皇后大有七年冬殂祔葬於康陵

太妃趙氏殤帝生母也有殊色事高祖寵擅專房大有中封昭儀光天元殤帝嗣位尊為皇太妃

尚儀謝氏名宜清姿容絕艷選入事高祖愛之進職尚儀馬后殂命偕尚衣高氏至吳越求后妹吳越不遣遂還

才人蕪氏咸寧人有色工詩律好為歌詞後宮擬之曹大家大有初封才人時高祖多內嬖爭妍獻媚惟恐不得當蕪氏亦被寵幸然性雅淡絕無希寵意官中日焚香靜坐或寫字數紙而已

麗如李氏中宗妃也性狡媚最見寵幸中宗方委任宦官宦官又潛結宮掖以為援內侍監許彥真知如寵固頃心向之因得表裏用事大寶

南漢書

卷七

五

中彥真與龔澄樞爭權會有人告如通彥真澄樞將按其事兩班將軍王仁遇素附澄樞亦以彥真謀叛入告彥真誅如事乃寢

貴妃李氏後主妃內官李託所養長女也後主廣選後宮嬪御託養二女皆有色大寶五年並進之既得幸大被寵憐即日册為貴妃美人李氏託所養次女也與其養姊同時進御亦得寵後主既册其姊為貴妃李氏亦得封美

人宮中以漢之飛燕合德擬之

盧瓊仙咸寧人中宗時宮人體輕盈肌膚雪白
乾和中與黃瓊芝等十餘人並爲女侍中朝服
冠帶出參朝政後主嗣位進拜才人女巫樊胡
子爲玉皇言謂後主瓊仙等皆我遣輔爾不得
治其過後主信之無大小悉決焉每詳覽章奏
以瓊仙言爲可否不復有所增減瓊仙遂結內
官龔澄樞陳延壽輩專握朝柄廷臣但備員聽
南漢書

卷七

六

中旨卒以此亡國

波斯女不知其姓後主宮人貌黑脂而光艷性
絕慧巧得人意每見幸能曲盡淫態後主甚嬖
之賜名媚豬嘗挈之遊幸離宮數十所環歷殆
遍所至必一月或旬日乃還宮後主本荒縱得
女益淫褻無度多求方士媚藥以助之又好觀
人交選惡少年數輩入宮使與宮婢就後苑褫
衣露偶扶女往來循觀爲笑樂號大體雙時與

女戲狎宮妾滿前不令避鳥獸習見之亦能效
其狀國亡後不知所終

素馨後主司花宮女以色進御封美人性喜簪
那悉茗花因名之素馨死葬興王府城西北郊
後主痛之使人多植那悉茗花於塚上號其地
曰素馨田墳曰素馨斜

離非女子後主時宮人性慧通筆札能作大小
篆爲後主所眷始終不少弛內宮文房寶玩多
南漢書

卷七

七

歸典掌得一硯石形甚小而佳嘗製銘鐫刻自
寶藏之

李蟾妃不知何時入宮有殊寵時興王府城
外蘓氏園景絕幽勝妃嘗隨上微行至此憇蕉
林中酒酣大書蕉葉日扇子僊好事者構扇子
亭其上以紀勝云

南漢書卷七終

南漢書考異卷七

順德梁廷枏章冉撰

武皇后傳

有孝寬者仕隋至尙書令

新唐書韋丹傳周大司空孝寬六世孫宰

相世系表文惠公旭次子叔裕字孝寬隋

尙書令官爵互異今從世系表

咸通三年以宙為東道節度使

南漢書考異 卷七

舊唐書懿宗紀咸通三年分嶺南為東西

道以邕管經畧使鄭愚為廣州刺史充嶺

南東道節度觀察處置等使唐書語林韋

宙大中初除廣州節度據此似宙在大中

間已節度廣州至咸通三年分道時任東

道者為鄭愚非宙也又通鑑分嶺南為兩

道以嶺南節度使韋宙為東道節度使據

此則宙于咸通三年已改東道矣兩說互

異今按新唐書宣懿兩宗紀無命宙為節

度明文而宙傳遷嶺南節度使在南詔陷

交趾時南蠻傳南詔攻交州進畧安南在

咸通三年其年宙奏南詔必襲邕管且是

年西道節度蔡京為亂軍所逐以鄭愚代

京為節度則宙官東道節度在咸通三年

與通鑑合舊書乃誤以鄭愚所領之西道

為東道耳今從新書及通鑑

南漢書考異 卷七

諷幕僚令勸止其事宙弟岫因曰此人狀貌迥

出庸流吾子孫或可依託

薛史宙以猶女妻之妻以非其類堅止之

宙曰此人非常流他日我子孫或可依之

北夢瑣言乃以從猶女妻之其內以非我

族類慮招物議諷諸幕僚請諫止之丞相

曰此人非常流也他日吾子孫或可依之

新唐書韋岫傳宙在嶺南以從女妻小校

劉謙或諫止之岫曰吾子孫或當依之薛史無諷幕僚諫止事新書作岫語互異按岫傳云盧攜舉進士陋甚岫獨謂攜必大用攜果執政據此則岫素有人倫之鑒妻謙一事或起意在宙至是岫復以一言贊成之也今從新書又舊唐書諫傳以兄女妻之衆謂不可當指幕僚諫止事

段氏傳

南漢書考 卷七

異

段氏高祖生母

北夢瑣言謙以軍功拜封州刺史韋夫人生子曰隱曰巖隱為廣帥巖嗣之薛史謙之長子曰隱即韋氏所生歐史殺段氏養為己子五國故事巖之正母韋氏頗妬按諸書無云巖為韋氏所生者瑣言誤後三日遂殺段氏五國故事止云取為己子無殺段氏事今

據歐史

有篆文曰隱台巖因名烈宗曰隱高祖曰巖

新唐書韋岫傳謙後以功為封州刺史生

二子即隱龔按劉氏興亡錄皇考葬段氏

得石版有篆文曰隱台巖因名其三子新

書云二子誤

高皇后馬氏傳

附葬於康陵

南漢書考 卷七

異

四

馬氏葬地諸書無考曝書亭集南漢主劉龔墓在番禺縣治東二十里北亭明崇正丙子秋九月穴中有鷄鳴土人發其墓隧道崇五尺深三尺有金像十二一冕而坐一笄而坐殆馬后也又精華錄訓纂墓在縣東二十里崇正九年秋北亭洲間有雷出奮而成穴一田父見之投以石空空有聲乃內一雄鷄其中夜盡聞鷄鳴率子弟

以入堂宇豁然珠簾半垂左右金案玉几
備列有金人十二中二金像冕而坐若王
與后者重各五六十斤按馬氏像與巖並
置墓中疑馬氏祔葬康陵矣且馬氏死在
巖稱帝後即別置陵寢其封樹華表自有
體制後人固易尋識然見於記載者康陵
而外最墓在番禺縣東北四十里之昭陵
山銀墓在曲江縣北獅子岡劉王女墓在

南漢書考 卷七

五

陽江縣東劉王墓在開平縣東白桂坪謙
與隱墓並在封川縣北十里劉王岡

大清一統志 宮人葬番禺縣西十里三角市而

已馬氏墓固未之間又南海百詠序云陵

山劉氏墓在郡東北二十里漫山皆荔子

樹龜跌石獸具存昔有發其墓者其中以

鐵鑄之予嘗至此摩挲斷碑不見始末但

見其詞皆葬婦人墓考之偽史疑懿陵也

他尚有數處如南海宜風鄉以番禺黃城
新會上臺玉環了髻山等處皆有之云云
與十國春秋高祖陵中以鐵錮之在城東
二十里皆合當是康陵其云葬婦人墓或
即敘馬氏祔葬事碑殘不得其始末耳今
直書祔葬康陵而誌疑於此又按南漢五
主惟玠陵名無考百咏序稱考之偽史疑
是懿陵不知何指且所據何書也

南漢書考 卷七

六

尚儀謝氏傳

進職尚儀

九國志洪泉傳母南儀謝氏今從吳越備

史

麗妃李氏傳

十國春秋作麗姬今從續通鑑

盧瓊仙傳

十國春秋附后妃列傳末按瓊仙銀時已

拜才人應次李氏二女傳後

素馨傳

死葬與王府城西

大清一統志五代南漢劉王女墓明統志在陽

江縣東王女名素馨葬此塚上生那悉茗

花因名素馨南海百咏序花田在城西十

里三角市平田彌望皆種素馨花南征錄

云劉氏美人葬於此嶺海名勝記南漢葬

南漢書考

卷七

七

宮人於此有美人喜簪素馨遂種之塚上

名曰素馨斜按一統志所載在今肇慶府

陽江縣事同地異且一云王女墓一云宮

人墓人固不同也

李蟾妃傳

南漢春秋事後主得殊寵按十國春秋不

載何時人阮通志古蹟畧亦止云事漢主

不云何主也今附后妃傳後蟾妃南漢春

秋作姬

南漢書考

卷七

八

南漢書考異卷七終

南漢書卷八

順德梁廷相章冉撰

列傳第二

廷相曰建國若樹木然枝弱者幹必壞若觀水然流塞者源必壅自然之理也南漢僅僅數十州之地以語礪山帶河勢固有所不足然高祖封王諸子必因其地以為爵豈不知名實相悖哉蓋隱示以維城之義使後之人知屏藩之重

南漢書

卷八

之不可棄耳又安能料夫傳不再世竟歸猜忌殘忍者之手而罷之囚之醜之殺之并其子而盡殲之求一芽蘖之留於後而不可得耶後主聽言不聰踵乃父覆轍桂王首及於禍厥後宋師南征將乏謀畧軍無鬪志急難之宗室正王而外更無他人向非戎馬生郊能保厥元至於是歟假令當日剗削未盡宗盟尚典宿衛握兵柄破竹之勢未審此其易易也作諸王公主傳

諸王公主列傳

高祖諸子

雍王耀樞高祖長子也未詳所生母大有五年封未幾薨

康王龜圖高祖第二子殤帝兄也大有五年與耀樞等同日並封亦早薨

越王洪昌高祖第五子大有五年封幼即孝謹有知識深為高祖所喜高祖疾大漸時雍王康

南漢書

卷八

王並早逝殤帝於諸王中最長當立高祖召右僕射王翽與語呼殤帝及中宗小名曰壽雋雖長然皆不足任吾事惟洪昌類我意欲立之奈何吾子孫不肖後世如鼠入牛角勢當漸小爾因歔歔泣下翽勸帝出殤帝鎮邕州中宗鎮容州立洪昌為太子議已定會崇文使蕭益入問疾高祖以其事訪之益力言其不可乃止光天初正州賊張遇賢自稱中天八國王擁眾數萬

攻下郡邑據循州殤帝命洪昌爲都統與弟循王洪杲同將兵討賊次錢帛館洪杲先犯賊鋒洪昌繼之賊大至洪杲戰敗裨將萬景忻等以大楯翼洪昌及洪杲潰圍出殤帝既得位驕淫不親政事逆意者輒死洪昌屢諫不聽已而果爲陳道庠等所弑洪昌聞變帥諸王哭臨迎中宗卽位應乾改元論迎立功加太尉兼中書令諸道兵馬都元帥知政事中宗因弑立不順慮

南漢書

卷八

三

諸王爲亂謀盡誅之洪昌素賢頗得衆心尤所切忌乾和二年三月使如海曲祭烈宗陵先伏盜於昌華宮以待洪昌至爲盜殺

齊王洪弼高祖第六子大有五年封應乾初出爲建武節度使聞弟循王洪杲爲劉思潮等所譖被殺自以身居大鎮懼禍及表請受代入覲許之既至命幽於私第乾和五年九月出殺之韶王洪雅高祖第七子大有五年封中宗初立

以劉思潮等譖殺循王洪杲頗疑洪雅有異圖是年冬卽命洪雅致仕乾和三年八月殺之鎮王洪澤高祖第八子大有五年封出鎮邕州有善政聲績懋著中宗聞而惡之會乾和二年有鳳凰見於邕管中宗疑爲洪澤瑞恐惑人心益怒使人賜以酒置毒其中飲之遂暴薨

萬王洪操字貞度高祖第九子鎮王洪澤母弟也而未詳所生母大有五年封幼知書比長識

南漢書

卷八

四

量過人十年交州牙將皎公羨殺安南節鎮楊廷藝自據交州廷藝故將吳權舉兵攻之公羨以賂來求救高祖欲乘其亂取之遣大將梁克貞領兵南下自護其軍爲應以洪操爲靜海節度使徙封交王使統衆自白藤江趨交州會權已破殺公羨引兵親來海口逆戰先於南口多植大杙悉銳其首目以鐵潮水方漲權遣輕舟乘潮挑戰舟陽敗遁洪操乘勝追逐須臾潮落

我舟為鐵楸所挂盡裂士卒皆沒水死傷過半
洪操戰敗被擒為權所殺高祖哭之大慟收餘
卒還

循王洪杲字日宣高祖第十子母謝氏有寵拜
尚儀以乾和七年生大有中高祖盡封諸子洪
杲時十歲即受封爵稍長好步鬪復便弓馬以
膽勇稱諸王皆習儒術或勸之讀書洪杲曰我
家世功名皆起馬上奈何使我獨老一經乎高

南漢書

卷八

五

祖由是教以兵書畧通大義光天初張遇賢作
亂東方州縣多為所陷洪杲自請統軍討賊
帝以其年幼不許洪杲曰兵法尚變不尚齒請
之益固乃令越王洪昌為都統以洪杲為副統
兵至錢帛館軍士方食賊猝至洪杲率親信數
百人介甲躍馬徑入賊中殺數百人被傷者無
算賊少却洪昌領所部繼至與賊大戰自辰及
午賊益盛洪杲軍被圍數重屢突不得出矢下

如雨兵士大半中射死洪杲矢盡挺劍立戰血
流滿袖時陳道庠為元帥府步軍都指揮使隨
行軍中與萬景忻等奮力救出得免賊旋解去
以戰功授桂州觀察使洪昌既迎立中宗引洪

杲同心翊戴加副元帥參預政事先是中宗使
劉思潮等拉弑殤帝人情詢詢謗議騰沸洪杲
屢請討賊陰勸暴思潮等罪殺之以息外議中
宗不聽語竟外洩遂為思潮等側目共譖洪杲

南漢書

卷八

六

蓄異志將謀亂中宗反遣思潮偵之一日洪杲
在私第偕所親飲酒思潮與譚令禪領兵排闥
突入斬其首以洪杲反狀還報中宗信之

恩王洪暉高祖第十一子大有五年封乾和五
年九月被殺

高王洪邈高祖第十二子大有五年封乾和中
詔除建武節度使出鎮邕州時諸王方以無辜
相繼被戮洪邈知中宗必不釋於已恐居外易

得罪自陳願留典宿衛不許洪邁素柔懦至鎮委政僚屬每飲酒必至酣醉醒則禱神禳災禍而已十二年有人上書誣洪邁在鎮謀作亂中宗遣甘泉宮使林延遇就邕州賜酖殺之同王洪簡高祖第十三子大有五年封後與齊王洪弼等同日見殺益王洪建高祖第十四子大有五年封中宗嗣位諸王皆就戮洪建亦為所殺

南漢書

卷八

七

辨王洪濟高祖第十五子大有五年封乾和五年被殺

貴王洪道高祖第十六子大有五年封乾和五年中宗出韶王洪弼於私第殺之遂及洪道宣王洪照高祖第十七子大有五年封乾和五年中宗既殺韶王洪弼洪照與兄恩王洪暉等七人同日見殺

通王洪政高祖第十八子差長於洪益大有五

年與諸兄同時受封高祖支子十七人中惟

王耀樞康王龜圖早死萬王洪操戰沒於交州

之役餘皆次第誅戮獨洪政僅存出為正州節

度使至乾和十三年夏卒亦被殺

定王洪益高祖第十九子大有五年封乾和五

年與兄齊王洪弼等八人同日被殺洪益於諸

王中年最幼至是遭慘戮國人冤之

中宗諸子

南漢書

卷八

八

桂王璇與中宗第二子也乾和十一年封後主

卽位淫荒無度宦官陳延壽欲恣行威福慮為

諸王所制密言於帝曰先帝所以得傳陛下者

由盡殺諸弟也因勸稍誅諸王後主信之遂殺

璇與時大寶三年也

荆王慶與中宗第三子乾和十一年與兄桂王

璇與弟荆王保興梅王崇興同時並受封爵不

知其終



正王保興中宗第四子乾和十一年封後主在東宮於諸弟中惟保興頗相友愛及嗣位軍國事多咨委之大寶十四年宋潘美等來伐次師馬逕後主遣左僕射蕭灌等詣美軍乞降美以灌等赴汴後主益懼促保興率百官迎美等時招討使郭崇岳屯柵口保興為所遏不得出美等進攻後主復遣保興率眾併力迎戰植廷曉繼之大敗保興奔還美等入城俘宗室官屬保

南漢書

卷八

九

與逃匿民家搜得之與後主同至宋京太祖赦後主罪以保興為右監門率府率

梅王崇興中宗第五子乾和十一年封

後主諸子

守節後主長子不詳所生母大寶十四年國亡

隨後主入宋累官崇儀副使

守正後主第二子入宋官至崇儀副使既卒宋

太祖聞其家貧詔月給以萬錢子克昌官三班

奉職國昌官三班借職

守素後主第三子宋咸平中官侍禁家貧甚宋真宗聞之詔賜白金百兩語宰臣曰諸偽主子孫率多窘迫蓋僭侈之後不知稼穡之艱難所致也轉西頭供奉尋改東頭供奉未幾遷內殿崇班天禧中擢為閤門祗候卒

守通後主第四子仕宋為供奉官

增城公主烈宗女也乾亨九年長和驃信鄭昱

南漢書

卷八

十

遣其布燮鄭昭淳來求婚以朱鬃白馬為聘高祖宴之使諸臣與賦詩皆不及遂以公主歸昱逾年昱服丹藥毒發死公主竟終於長和

清遠公主高祖女有殊色乾亨元年閩太祖遣

使來為其子牙內都指揮使延鈞求婚高祖以

公主歸之延鈞既嗣位以太祖才人陳金鳳為

媼如陳氏性窈窕善歌舞嬖之專房由是公主

寵日衰永和元年卒被廢而立陳氏為后

平陽公主未詳其所生好遊覽名勝韶州中興寺有僧達摩所遺衣鉢代相傳授閱年既久寺僧寶藏不輕示人公主至索觀摩掌不忍釋忽手指所觸鉢竟闕陷公主深為嘆惜因賜寺僧莊田三千畝使歲收其稅之入酬之

素馨劉氏不詳所生體質絕艷死葬恩州陽江縣東未幾塚上忽生那悉茗花因以女名名之

南漢書

卷八

十一

南漢書卷八終

南漢書 考異卷八

南漢書考異卷八

順德梁廷枏章再撰

洪昌傳

聞變迎中宗即位

通鑑明且百官諸王莫敢入宮越王洪昌帥諸弟臨於寢殿迎洪熙卽皇帝位十國春秋乃云洪昌乃帥兵迎中宗於寢殿按洪昌入寢殿哭臨後乃迎立洪熙如春秋

南漢書考異 卷八

所書似洪熙先在寢殿至是乃迎立之也其書法已誤且倉卒聞難諸王百官不敢先入洪昌故首帥諸弟入臨當日不聞有人爭立何遽稱兵於情事亦似未當也今從通鑑

乾和二年春三月使如海曲

歐史二年夏遣洪昌祠襄帝陵於海曲通鑑在是年三月丁亥十國春秋中宗紀亦

八三

云三月而無日洪昌傳止云乾和二年并無月日今從通鑑

洪弼傳

出為建武節度使

通鑑作雄武節度使註云詳考本末雄武當作建武建武軍邕州今從之

洪操傳

戰敗被擒為權所殺

南漢書考 卷八

通鑑須臾潮落漢艦皆礙鐵杙不得還漢兵大敗士卒覆溺大半洪操死漢主收餘眾慟哭而還十國春秋潮退舟還轆轤者皆覆洪操溺死按兩書皆無被擒事今從九國志

洪杲傳

陳道庠萬景忻奮力救出得免

通鑑漢兵不利二王皆為賊所圍指揮使

陳道庠等力戰救之得免九國志洪杲傳裨將萬景忻等蒙以大楯翼二王以出按通鑑無景忻名洪杲傳無道庠名今從歐史蓋二王並為元帥道庠時官元帥府馬步軍都指揮使東征之役自在行間傳偶闕書耳

思潮與譚合禮領兵突入斬其首

歐史洪杲陰勸晟誅思潮等以止外議晟

南漢書考 卷八

大怒使使者夜召洪杲洪杲知不免乃留使者入具沐浴詣佛前祝曰洪杲誤念來生王宮今見殺矣後世當生民家以免屠害因涕泣與家人訣別然後赴召至則殺之不云為思潮所譖且殺洪杲盡出晟意與九國志通鑑異今從九國志

洪邈傳

詔除建武節度使

通鑑註雄武當作建武建武軍邕州十國
春秋洪弼傳既從註書建武節度而洪邈
傳復云出爲雄武節度使兩傳互異今仍
從通鑑註

洪政傳

出爲正州節度使乾和十三年夏卒亦被殺

十國春秋乾和十三年爲正州節度使是

歲夏被殺阮通志職官表依之按通鑑止

南漢書考

卷八

四

云六月南漢主殺正州節度使通王洪政

其出領節度之年月已無可考春秋誤會

通鑑之文遂以見殺之年爲領官之年耳

守正傳

宋太宗聞其貧

宋史銀傳止云守正卒帝聞其家貧按守

正卒年無考今以上文太宗大笑賞賜甚

厚語文法順敘至此似所云帝卽指太宗

言更以下文守素爲侍禁家貧眞宗賜白

金百兩語証之此處旣明書眞宗則帝字

指太宗益無可疑

增城公主傳

增城公主烈宗女也

公主歐史作縣主今從通鑑通鑑漢主以

女增城公主妻之以公主爲高祖女十國

春秋依歐史作隱女今從之

南漢書考

卷八

五

長和驃信

歐史作雲南驃信按通鑑長和卽唐之南

詔也註云唐末南詔改曰大禮至是又改

曰長和釋文云驃信南詔也通鑑辨誤駁

之謂唐末南詔改國曰長和其君曰驃信

長和者南詔也驃信者南詔之君也今從

通鑑

遣其弟布燮鄭昭淳來求婚

歐史雲南驃信鄭夏遣使致朱紫白馬以
求婚使者自稱皇親母弟清容布燮兼理
賜金錦袍虎綾紋攀金裝刀封歸仁慶侯
食邑一千戶持節鄭昭淳按五代會要郭
崇韜平蜀之後得王衍所得蠻俘數十以
天子命令使人入其部被止於界上惟國
信蠻俘得往續有轉牒稱督爽大長和國
宰相布燮等上大唐皇帝奏疏一封又鑒

南漢書考 卷八

六

戒錄南蠻所都之地曰長和國呼宰相為
布燮據此則昭淳以皇親為宰相歐史所
云布燮即其官也

使諸臣與賦詩皆不及

歐史昭淳好學有文辭龔與遊燕賦詩龔
及羣臣皆不能逮據五代會要大長和國
宰相布燮等上大唐皇帝奏疏一封所署
有彩牋一軸轉韻詩一章章三韻共十聯

有類擊筑詞又鑿戒錄王蜀後主乾德中
南蠻選布燮段義宗判官贊衛姚岑等為
使入蜀義宗談論敷奏一歌一詠捷應如
流又錄其題大慈寺芍藥等詩五首且云
似此製作實為高手云云按南詔人能工
聲律體制實同中國南漢諸臣絕少文采
自是難與抗衡歐史所稱據此益信

平陽公主傳

南漢書考 卷八

七

公主手指觸鉢闕

七修類藁六祖慧能傳五祖衣鉢開元三
年汲廣韶新三州官僚門徒爭迎真身眾
莫決焚香禱曰香指處師所歸焉因香指
曹溪僊龕并衣鉢建塔事之五代劉鋹迎
衣鉢至廣夫人觸之鉢墮地修補不得捨
田數十頃贖罪鉢非銅鐵木石云云貴耳
集鉢猶存有一痕偽劉公主所觸今寺補

鉢莊公主捨也與類藁稱夫人所觸異燬
暈山房集漢家公主號平陽鳳輦來遊織
指玷又與類藁稱迎衣鉢至廣異其云公
主與貫耳集合今並從之

素馨劉氏傳

塚上忽生那悉茗花以女名名之

嶺海賸引陸賈南越行記云獨茉莉與素

馨特芳香不隨水土而變似賈時已有素

南漢書考

卷八

八

馨之名然按南方草木狀有那悉茗茉莉

花亦引賈行記但云南越之境五穀無味

百花不香此二花特芳香據此則未嘗名

素馨也今從潛確類書又張官人亦以素

馨那悉茗花名素馨彼蓋人因花名此則

花因人名意此先而彼後也

南漢書考異卷八終

南漢書卷九

順德梁廷樞章冉撰

列傳第三

廷樞曰予采南漢事幾無可稱述而獨於其開
國諸臣低徊不能置何哉五嶺之南自李唐以
前聲名文物遠不逮夫中原光化天復之間擾
攘干戈事益多故一旦策以治安恐非嶺表二
三君子所能任趙光裔李殷衡之徒皆出自中

南漢書

卷九

朝華胄竭其耳目手足心腹腎腸以定規模以

匡庶績創垂五十餘載視他國運祚較長雖曰

天實爲之抑微之數人者不及此乾和而後老

成漸卽凋零爾時兵革繁興勢不得不重武臣

而輕揆輔劉博古謝傑李璵輩僅稱循吏或備

皇華其他文學詞臣又乏幹材官位亦終於不

顯逮至群闈柄國百職負緣入補中官方且狼

狽爲奸奔走趨承之不暇能於蠶室中求直諫

忠盡士哉然而郴州之陷暨彥贇陸光圖死之
賀州之失伍彥柔死之馬逕之戰植廷曉又死
之授首捐軀明知其無濟但令千百年來謂君
雖昏暴猶有慷慨殉死節之臣為史乘稍留餘
光也惜乎僅矣作諸臣傳

諸臣傳一

趙楊李倪王列傳

趙光裔字煥業世居京兆奉天遷洛陽遂為洛

南漢書

卷九

二

陽人曾祖植唐嶺南東道節度觀察使祖存約

興元府推官值軍亂死節度使李絳難父隱登

大中三年進士第累官至中書侍郎兼禮部尚

書同平章事封天水縣伯光裔少以力學修行

著光啟三年進士擢第乾宣中累遷司勳郎中

宏文館學士改膳部郎中知制誥賜金紫服唐

亡入梁仍舊職開平二年梁太祖以烈宗兼靜

海節度光裔與右補闕李殷衡並充官告使至

南海烈宗雅重之畱置幕府已而奏以自副高
祖稱帝進兵部尚書改門下侍郎同平章事光
裔自以家望顯達甲中朝耻事霸國恆怏怏思
歸高祖乃習為光裔手書遣人入洛間道取其
家屬至自是乃感慰盡職大有中與楚連歲構
兵光裔從容奏曰自馬皇后崩後四五年來未
嘗通使於楚親隣舊好不可忘也因薦李紆有
專對才可充使高祖從之楚亦報聘故終高祖

南漢書

卷九

三

之世不復有楚難十二年十二月卒光裔相高

祖二十餘年府庫充實輯睦四隣邊烽無警當

時號稱賢相初光裔與兄光逢弟光允皆第進

士光逢以中書舍人為翰林學士時光裔已由

膳部郎中知制誥對掌內外絲綸光允亦官駕

部郎中伯仲並列清華咸以方雅自高北人聞

其名者皆望風欽重其後光逢相梁光允相後

唐光裔及子損先後相繼為相一家同時有四

相國談者誇爲縉紳盛事損光裔長子事高祖
爲翰林學士承旨尙書左丞光裔歿高祖卽以
損爲門下侍郎同平章事逾年卒次子益李紆
大有時爲諫議大夫有風采工酬對以光裔薦
出使於楚見文昭王具言兩國新好當棄舊嫌
從此安邊息民要於永久爲兩國利文昭王喜
甚厚加欵接禮成而還

楊洞潛字昭元始興人先世自唐祭酒潤生回
南漢書

卷九

四

爲遂寧太守曾祖勉由蜀來因家焉祖垂父軫
代著清德洞潛少通經史有權畧仕唐爲邕管
巡官秩滿客南海烈宗嘗師之薦試大理評事
清海建武節度判官高祖權留後洞潛首言刺
史不宜用武夫當廣延中州人士置之幕府選
刺諸州俾宣政教則民陰受其福高祖從之由
是名流畢集分任得宜嶺表獲安先是乾化初
鎮南畱後盧延昌荒於田獵指揮使黎球殺之

而有其衆延昌故將譚全播素號知兵恐禍及
稱疾請老未幾球暴卒牙將李彥圖代知州事
全播愈稱疾篤洞潛聞之力勸高祖興師以攻
韶刺史廖爽戰敗奔楚遂取韶管旣而楚表姚
彥章權知容州高祖攻之急洞潛隨軍贊畫動
中機宜彥章不能守容州下乘勝拔高州盡有
五管之地以功表爲節度副使御史中丞明年
散騎常侍韋叡以梁太祖意來勸和洞潛因請

南漢書

卷九

五

遂聯婚楚國爲久計高祖稱帝擢兵部侍郎同
平章事洞潛以趙光裔家世顯貴遂使居己上
高祖嘉其意遂以光裔爲兵部尙書是時國業
初創諸多簡陋因陳上吉凶禮法請立學校開
貢舉設銓選一依唐制百度粗有條理高祖嘗
作水獄毒罪人他刑法亦過酷洞潛切諫不聽
繼又命秦王判六軍所募宿衛千人皆市井無
賴洞潛入諫曰秦王之冢嗣使治軍旅已過

矣况令狎昵群小乎高祖曰小兒輩偶親戎事乃過煩公慮耶洞潛遂出一日見衛兵覆商旅金帛人以秦王故忍不敢訴嘆曰國事如此安用宰相為即謝病歸久之不召大有八年卒於家洞潛善風鑑嘗直政府適有梁愚堂者授洹水令入謝洞潛見之語同列曰此人血脉貫眸子行步矍鑠類驚雷當有風雷之厄眾咸不信及愚至縣未幾颶風壞解舍被壓死始服其言

南漢書

卷九

六

李殷衡趙郡人曾祖吉甫以父栖筠蔭補唐左司禦率府倉曹參軍累官兵部尚書兼中書侍郎同平章事卒諡忠懿祖德裕官至太尉封衛國公貶崖州司戶參軍追贈尚書左僕射父燧仕汴宋幕府貶象州立山尉徙郴州初德裕柄國威望獨重一時及宣宗即位仇人之黨相繼擠陷子弟皆坐貶謫殷衡適當其會故各位不獲通顯入梁後太祖擢為右補闕開平二年副

趙光裔充官告使來授烈宗旌節烈宗留之不遣使佐其幕府殷衡亦以中朝兵革相尋惟嶺外可避亂遂安之烈宗折節下士敬禮不少衰軍事多所參畫已而署為節度判官乾亨初遷禮部侍郎同平章事卒於官

倪曙字孟曦福州候官人唐乾符四年舉進士試於京兆故事神州解選自開元天寶之際率以在上十人謂之等第必求名實相副者送小

南漢書

卷九

七

宗伯倚而選之時制已久停至是崔淸為京兆尹復置焉以萬年縣尉為試官試火中寒暑退賦殘月如新月詩曙名列第五至中和時乃再舉及第除太學博士文字雅為唐僖宗所知當時制詞有螢雪服勤屬詞清妙之語黃巢作亂棄官歸福州會闈太祖從子延彬為泉州刺史廣招賓客曙與進士徐寅陳郊等並遊幕中賦詩酣酒為樂居久之出遊嶺表烈宗耳熟其名

既至延接殷洽因止就幕屬高祖卽位擢工部侍郎進尙書左丞乾亨五年詔同平章事卒官曙工科舉之學有賦名著有賦一卷

王定保南昌人舉唐光化三年進士第以中原喪亂南遊於楚謁武穆王不爲所禮去之已而除容管巡官遭亂不得還久客嶺表時從叔渙爲烈宗記室因知其才招禮之辟爲幕屬逮事高祖軍國事多所匡正每勸高祖將順中朝守

南漢書

卷九

八

藩節時梁室多故高祖求都統四鄰進爵南越兩表皆不允高祖怒欲自稱帝號憚定保不從先遣出使荆南俟其出境乃舉卽位禮事定而定保還復慮其非己預使工部侍郎倪曙迎勞之且告以建國事定保曰立國當有制度頃吾入自南門清海軍額猶在是藩鎮之名號未除也藩鎮而稱制四方不取笑乎曙入述其言高祖笑曰吾備定保久獨未思及此其見譏宜也

大有初官宜遠節度使十三年趙損卒八代爲中書侍郎同平章事不逾年卒定保少力學富文詞高祖嘗作南宮土木華麗聚珠飾之定保獻七奇賦同朝嘆賞稱絕倫性謙抑好諮訪朝廷典故侍其族先輩唐丞相溥外舅翰林吳融最久備聞緒論所與游者陸扆李渥顏蕘盧延讓楊贊圖崔藉若皆一時名下士以故見聞該洽著唐摭言十五卷述唐代貢舉之制至爲詳

南漢書

卷九

九

備先是定保南遊畱仕高祖其家屬仍在嶺北妻吳氏緇服守志終其身

南漢書卷九終

南漢書考異卷九

順德梁廷枏章再撰

趙光裔傳

父隱登大中三年進士

新唐書會昌中擢進士第按舊唐書隱以

父羅非禍泣守松楸十餘年不應辟命會

昌中父友當權要敦勉仕進方應弓招累

為從事大中三年應進士舉登第據此則

南漢書考異 卷九

隱以會昌中就辟為從事至大中間乃登

第也今從舊書

光裔與兄光逢弟光允皆第進士

歐史光裔作光允按新唐書趙隱傳子光

裔光逢光允皆第進士舊唐書云光逢乾

符五年登進士第光裔光啟三年進士擢

第光允大順二年進士登第據此則光允

實光裔之弟也歐史誤

充官告至南海烈宗畱置幕府

舊唐書光裔光啟三年進士擢第累遷司

勳郎中宏文館學士改膳部郎中知制誥

季述廢立之後旅遊江表以避患嶺南劉

隱深禮之奏為副使因家嶺外歐史是時

天下已亂中朝人士以嶺外最遠可以避

地多遊焉唐世名臣謫死南方者往往有

子孫或當時仕宦遭亂不得還者皆客嶺

南漢書考異 卷九

表王定保倪曙劉濬李衡周傑楊洞潛趙

光裔之徒隱皆招禮之又云曙以避亂往

衡以奉使往皆辟置幕府按兩書皆以光

裔避亂入嶺南而歐史奉使者止李殷衡

一人並與通鑑異然歐史又稱光裔耻事

偽國怏怏思歸然則光裔之在嶺南蓋因

來使被畱不得歸非避亂來此安為樂土

明矣今從通鑑

光允相後唐

南部新書趙光逢為司徒致仕光裔入相
有日省問其兄語及政事他日光逢署其
戶曰請不言中書事其端默如此永樂大
典載薛史光逢傳梁末帝愛其才徵拜司
空平章事無幾以疾辭授司徒致仕同光
初弟光裔為平章事時謁問於私第嘗語
及政事他日光逢署其戶曰請不言中書

南漢書考 卷九

三

事四庫館編次薛氏舊史於光允傳註云
新舊唐書俱云趙隱子三人光逢光裔光
允為後唐相者光允也原本作光裔誤按
通鑑同光元年十一月光允與韋說並拜
平章事而光裔先以開平二年使南海被
留中間相隔十六年相唐一事薛史舊文
誤按此不知永樂大典誤以光允為光裔
改抑薛氏舊文原誤
確無疑義 欽定四庫全書提要稱

南漢書 考異卷九

南部新書作於大中祥符間則成書在薛
史之後當沿薛史而誤也

已而奏以自副

通鑑乾亨改元以梁使趙光裔為兵部尚
書節度副使以為授副使在巖稱帝後十
國春秋烈宗留之奏為節度副使又以為
授副使在巖稱帝前按巖即位時光裔既
授京職當不復出副節度矣今從春秋

南漢書考 卷九

四

楊洞潛傳

遂拔韶州 容州下

黃通志嘗為隱畫策取湖南容管十國春
秋亦云時為烈宗畫策取湖南容管頗為
楚人所懼高祖繼立洞潛力請興師取韶
州兩書皆以南漢取容州在取韶州前且
皆作隱時事按歐史卒出兵攻敗盧氏取
湖韶又西與馬殷爭容桂取容管通鑑兩

九三

事皆在乾化元年攻破韶州在十二月乙卯後取容州在癸亥後先後較然且是年隱三月薨韶容兩處用兵均於隱無涉今從通鑑又春秋洞潛傳既以為取容先於取韶而高祖紀無取容州事似仍以取容為隱時事也亦自矛盾

以功表洞潛節度副使御史中丞

通鑑洞潛為兵部侍郎節度判官同在乾

南漢書考 卷九

五

亨改元時歐史隱嘗師事之以為節度副使及龔僭號為陳吉凶禮法是又以授副使為隱時事矣今從十國春秋

李殷衡傳

父燧

十國春秋不載所生歐史衡德裕之孫按新唐書李德裕傳子燧燧子延古無殷衡宰相世系表德裕字文饒相文武生椅渾

燧渾北部員外燧彬尉生殷衡延古則殷衡實燧長子也殷衡歐史作李衡無上一字

倪曙傳

擢為工部侍郎

南部新書倪曙有賦名為太學博士制詞

螢雪服勤屬詞清妙因廣明庚子避亂番

禺劉氏僭號為翰林學士云云按歐史十

南漢書考 卷九

六

國春秋皆無為翰林學士事嚴建國與趙光裔等數人皆以舊僚驟進尚書侍郎不兼別官曙時已為工部侍郎似不應復官翰林也今從歐史

舊唐書翰林學士無定品

乾亨五年詔同平章事

歐史乾亨元年倪曙以工部侍郎平章事

通鑑龍德元年即南漢乾亨五年是歲以尚書左

丞倪曙同平章事兩說互異今從通鑑

王定保傳

南昌人大有十三年同平章事不踰年卒若唐
撫言十五卷

通鑑晉天福五年是歲漢門下侍郎同平
章事趙損卒以寧遠節度使南昌王定保
為中書侍郎同平章事不踰年卒天福五
年即南漢大有十三年云不踰年卒則其
卒當在大有十四年矣唐撫言定保自序

南漢書考

卷九

七

定保生於咸通庚寅由其生年順推至天
福六年定保卒年實七十二歲又序中稱
從翁丞相溥按同時有兩王溥皆至丞相
一字德潤不知何所人唐昭宗蒙難東內
天復元年溥說衛軍執劉李述殺之昭宗
反正驟拜中書侍郎同平章事新唐書有
傳一字齊物并州祁人周顯德元年太祖
疾革召學士草制以為中書侍郎平章事

宋史有傳今定保序中稱王溥為丞相不

知其所指如指宋之王溥則入相在顯德

元年即南漢乾和十二年其年定保已八

十五歲而作撫言時又在溥為丞相後其

卒更不知何年矣據通鑑之文考之則定

保卒後十三年齊物始居相位年既參差

又序稱溥為從翁是於溥為同族今定保

籍南昌而齊物居并州鄉貫亦各異知序

南漢書考

卷九

八

中所云丞相為唐之王溥也今從通鑑又
陳振孫書錄解題謂定保光化三年進士
喪亂後入湖南蓋登第之年已三十一歲
撫言內韓偓入翰林一條稱朱全忠為梁
太祖則是書作於乾化三年以後矣

南漢書考異卷九終

南漢書卷十

順德梁廷枏章冉撰

列傳第四

諸臣傳二

劉周陳王列傳

劉濬字伯深滑州胙人也其先世居代郡隨元魏遷洛陽自是遂占籍河南八世祖坦隋大理卿生政會輔唐太宗官至戶部尚書封渝國公

南漢書

卷十

政會生玄意尙太宗女南平公主歷洪饒八州採訪使玄意生奇官至吏部侍郎奇生慎知官獲嘉令慎知生聚官東阿令會祖藻終秘書郎祖符第咸通中進士終蔡州刺史父崇望咸通十五年登進士第累官兵部侍郎龍紀元年拜同中書門下平章事世父崇龜積官至戶部尚書大順初出為清海軍節度嶺南東道觀察處置等使濬以中原亂離相繼避來嶺表依崇龜

乾寧中崇龜死遂流寓廣州初崇龜在鎮聞烈宗有幹畧署為賀水鎮將表刺封州及繼領旌節每感念舊恩遇濬有加禮辟居幕府與李殷衡倪曙輩同為賓客秘密皆就與謀高祖稱制拜宗正卿兼工部侍郎乾亨之末高祖練兵於潮將伺閩間進攻濬諷楊洞潛使諫阻之洞潛因以濬言入奏高祖不聽卒引兵屯汀漳間為閩將所破深自咎其愎諫大有九年洞潛病卒

南漢書

卷十

即權濬中書侍郎同平章事代其任濬居官清簡有操持常勸高祖愛民息兵言甚婉切後卒於官

周傑未詳何地人父德扶唐司農卿傑少聰穎開成中第進士釋褐補獲嘉尉歷宏文館校書郎廣明庚子之亂僖宗蒙塵在蜀中和改元傑上書陳治亂凡萬餘言擢水部員外郎遷司農少卿傑於學無所不窺而尤精歷算時天下方

亂割據者蠶起傑以星象占之惟嶺南稍安乃使其弟鼎求爲封州錄事參軍天復中傑亦棄官攜家南徙烈宗素重其名及見歡甚延入幕府以賓禮待每令占候天文災變傑自以年老且嘗仕中朝耻以星厯事人託病不出烈宗亦優容之高祖稱帝號強起知司天監事命占國祚傑爲筮周易遇復之豐高祖曰享年幾何傑對曰凡二卦皆土爲應土之數五二五十也上

南漢書

卷十

三

下各五卦象如此以數斷之將五百五十五乎高祖大喜賞賚甚厚然自高祖建國以迄於滅中止五十五年當傑筮時已逆知運祚修短有定懼高祖猜疑不敢明告謬加五百之數安之也大有中遷太常少卿年九十餘卒官傑既畱心術數凡律歷天官五行緯書靡不究其指歸嘗病大衍歷數有差因數衍其法著極衍二十四篇傳於世子茂元能世其學事高祖至司天

少監歸宋授監丞卒孫克明字昭文亦精厯算通識緯及三式風雲龜筮之書隨父入宋開寶中授司天六壬改臺主簿轉監丞五遷至春官正景德初獻所著文召試賜進士使嶺表還拜太子洗馬殿中丞皆兼翰林天文權判監事喜藏書頗修詞藻嘗訪耆舊碑誌欲著南漢紀載裁十數卷未成會卒書亦遂散佚不傳事具宋史

南漢書

卷十

四

陳用拙初名拙用拙其字連州高良人唐天祐中擢進士第除著作郎時梁王朱全忠將謀篡立權勢烜赫用拙心惡其所爲不樂仕進會詔烈宗爲清海節度乃自請充官告使假節南還烈宗探知用拙有欲畱意因以幕職署之未幾全忠果受唐禪改元開平詔至嶺表用拙力勸烈宗仍奉天祐年號烈宗不能用而心義其言每就與計事使掌書記攝觀察判官乾化元年

烈宗病革將求以高祖為副使權知留後用拙為撰遺表得如所請高祖由是益加信任擢供軍巡官四年奉使吳越武肅王召與語用拙從容言高祖新襲欲與吳越約為兄弟令使者奉禮幣至請以兄事王願奉鄰歡要於永好武肅王大喜納其聘幣資用拙金帛甚厚用拙遂謝不得歸則盡獻於高祖一無所私乾亨初進吏部郎中知制誥久之卒用拙少嫻習禮樂工為

南漢書

卷十

五

詩歌嘗登臨湟樓賦云浮世自無閒日月高樓長有好山川送長沙使君云人說洞庭波浪惡使君身是濟川舟人多傳誦之著有詩集八卷尤洞精音律著大唐正聲琴籍十卷凡琴家論議操名及古帝王名士善琴者咸載焉又以古調無徵音補新徵音譜別為若干卷其法以四絃中徵統會樞極黃鐘正宮合南呂宮無射商即徵音也當時知音者皆秘之故書不傳於世

黃損字益之連州人幼慷慨有大志隱州之靜福山築室顏曰天衢嘯咏自適世俗罕見其面居久之所業益進以淹通聞於時尤善詩歌每攜筆硯出遊得佳山水畱題殆遍自謂學未廣博乃扁舟溯洞庭窮匡廬諸勝由是文聲益大起知交滿天下宜春鄭谷為湖海宗匠一見輒舉其詩謂曰君殆奪真宰所有也嘗與谷及僧齊己定近體詩格海內多傳其書又著書三篇

南漢書

卷十

六

類陰符鬼谷之言名曰三要論修治術具有卓識識者每期以公輔器先是損居匡廬與桑維翰宋齊邱相友善時相與執手論天下事二人皆謝不如損亦頗自負嘗同遊五老峯憩小盤石一隻長嘯至謂維翰異日當位宰相然而狡謂齊邱亦至宰相然而忍皆不得其死指損曰此子有道氣當善終然才大位晦不過一州從事耳損不服曰有才何患無位下僚曾足稽予

哉叟笑曰非所知也竟去未幾舉梁龍德二年進士及第編投三書公卿間縉紳每交口稱之假歸會四方兵亂漢與梁新絕道梗不得通因家居不復作嶺北遊時高祖已稱帝損條上十策中多切指權貴衆皆嫉之然緣是特爲高祖所知國事多召諮詢積官永州團練副使遷左僕射高祖建南薰殿刻沉香爲龍柱務極奢麗少不如意輒誅殺匠役損疏諫曰陛下之國東

南漢書

卷十

七

抵閩粵西逮荆楚北阻彭蠡之波南負滄溟之險葢舉五嶺而表之犀象珠玉翠玳果布之富甲于天下所謂金城湯池用武之地也今民庶窮落而工役繁興天災人怨兵家所忌苟或不虞其何恃以爲戰且湖洛未平荆吳獷狻正宜務農息民以宏聖基庶邊強敵乃縱耳目之好盡生民之膏興土木之工傷樸素之化供一己逸欲而失天下心臣竊以爲陛下不取也疏入

忤高祖意遣宰相乏人廷臣會推損高祖謂左右曰我殊不喜此老狂議遂寢無何嬰足疾退居永州北滄塘湖上詩酒自娛尋病卒葬州西北高良梅花嶺損性輕利重義嘗捐貲築高良之邪陂灌田鄉里賴之著有桂香集若干卷射法一卷

南漢書

卷十

八

南漢書卷十終

南漢書考異卷十

順德梁廷枏章冉撰

劉濬傳

父崇望拜中書門下平章事

阮通志前事畧濬父崇龜為清海軍節度

使據歐史濬崇望之子舊唐書崇望傳崇

龜大順中出為廣州刺史清海軍節度嶺

南東道觀察使卒新唐書昭宗紀龍紀元

南漢書考異 卷十

年改翰林學士承旨兵部侍郎劉崇望同

中書門下平章事按濬父崇望非崇龜崇

望相昭宗無出領清海節度事阮志誤

周傑傳

未詳何地人

阮通志作南海人註云引宋史方伎傳按

宋史周克明傳不著其鄉貫通志云南海

者當以傑曾遷居嶺南而補書之也

耻以星歷事人託病不出

宋史周克明傳耻以星歷事僭偽按是時

隱尚為節度使不當云僭偽也

遇復之豐

宋史周克明傳傑以周易筮之得比之復

日卦有二土土數生五成於十二五相比

以數言之當五百五十與銀傳作遇復之

豐異銀傳與東都事畧合今從之阮通志

南漢書考異 卷十

引事畧云遇比之豐誤

陳用拙傳

會詔烈宗為清海節度乃自請充官告使

十國春秋傳假使節南歸加烈宗清海節

度同平章事隱世家為清海節度事在天

祐元年加同平章事在天祐二年紀傳互

異按通鑑天祐元年止云以隱為清海節

度使不云同平章事則別為一年可知春

秋於用拙傳合爲一事誤且與世家自爲
矛盾

攝觀察判官

黃通志作觀察推官今從十國春秋

使君身是濟川舟

述州志作使君自有濟川舟

黃損傳

舉梁龍德二年進士第辭歸嶺表時高祖已稱

南漢書考

卷十

三

帝損上十策授永州團練副使

十國春秋梁初應進士編投三書公卿間

識者謂此王佐才也已而登龍德二年進

士第歸自京師遠嶺南與中朝隔絕遂家

居不復入汴高祖既嗣立頗加親任損獻

十策乞居幕府自效逾年授永州團練判

官進尚書左僕射高祖取湖南諸州其策

皆自損出阮通志登梁龍德二年進士第

編投三書公卿間識者交薦之遂授永州

團練判官會天下亂遠廣州與梁絕乃仕

南漢主龔國事多所諮詢遷尚書左僕射

取湖南數州皆其策也按阮志投公卿書

在龍德二年及第後其爲團練判官卽在

梁時釋褐所授官與春秋異據零陵總記

長興初損爲永州團練副使一語則去登

第已過十年事當在歸嶺南後也又春秋

南漢書考

卷十

四

高祖嗣立獻策乞居幕府在登第歸自京

師後損以龍德二年登第時巖稱帝已六

年矣何云乞居幕府且取湖南虔容等州

在乾化元年損尙未策名南漢而取昭桂

等州又在晟時爲巖死後事所云取湖南

數州皆用損策其誤與阮志均也

退居永州北滄塘湖上

零陵總記淡塘在永州北三十里其水有

九十九源長興初黃損為永州團練副使
求為別業有詩云傍水野禽通體白釘盤
山果半邊紅據此似損卜居湖上即在官
永州時與十國春秋異今從春秋
尋以病卒

東坡志林虔州布衣賴仙芝言連州有黃
損僕射者五代時人僕射蓋南漢官也未
老退歸一日忽遁去莫知其存亡子孫畫

南漢書考 卷十 五

像事之凡三十二年復歸坐阼堦上呼家
人其子不在孫出見之索筆書壁云一別
人間歲月多歸來人事已銷磨惟有門前
鑑池水春風不改舊時波投筆竟去不可
留子歸問其狀貌甚似影堂老人也連人
相傳如此其後頗有仕者又百斛明珠亦
載其事其書壁詩李調元曾收入全五代
詩中十國春秋所云或曰一夕遁去莫知

其存亡蓋據此也按 大清一統志

連州志並云南漢黃損墓在連州西北高
良梅花嶺是損固有葬地可考全唐詩註
亦稱其書壁詩與賀知章還鄉詩多同則
并此詩亦為偽託志林遁去一語自屬傳
聞之誤今從一統志又損之卒固無年月
可考然雅言雜纂載林楚材贈損詩云身
閑不恨辭官早詩好常甘得句遲楚材本

南漢書考 卷十 六

楚賀州人乾和六年南漢取賀州始入南
漢與損倡和則損卒當在乾和六年後矣

南漢書卷十終

南漢書卷十一

順德梁廷相章冉撰

列傳第五

諸臣傳三

蕪二梁程二王簡鍾列傳

蕪章封州人少事烈祖為牙將性忠厚以勇力

著乾寧初薛王知柔出鎮南海廣州將盧瑀使

譚宏玘據端州境拒之章從烈宗進討伏甲舟

南漢書

卷十一

中誘殺宏玘復襲殺瑀迎知柔以功奏署衙內

馬步軍都指揮使既而從征盧延昌於韶州舟

師出雙石會大霧日昏瞑如夜延昌兵四出以

鐵纜繫巨鈎投烈宗艦中士卒驚撓失措章引

弓射殺數人持巨斧擊鈎鈎盡折鐵纜無所施

延昌退走越日薄其城城中人隱望樓指烈宗

罵語極穢褻烈宗慚甚不敢視左右章伏施樓

中射罵者應弦皆倒舟兵乘勝鼓譟欲登時清

遠峽北水暴漲廣州糧運中絕延昌父光稠又

擁眾來援烈宗遇戰屢敗乃班師延昌開城襲

其後章勸烈宗捨舟由陸行士卒不成列烈宗

馬斃章即以已騎授之而徒行為殿韶兵望見

不敢逼表遷封州刺史充左右街使高祖稱號

命典禁衛諸軍白龍末楚人舉舟師來攻圍封

州城州兵出戰敗於賀江溺死者千人事聞高

祖遣章領神弩軍三千戰艦百艘赴援章至賀

南漢書

卷十一

江沉鐵絙水中兩岸作巨輪以挽絙築長堤隱

之預伏壯士堤中章駕輕舟逆戰佯敗楚人以

為怯逐入堤中壯士挽輪舉絙楚艦不能進退

乃以強弩夾水對射盡殲楚兵圍解就遷封州

團練使章驍勇善戰行軍每合古法為一時名

將子五人俱至中郎將豪俠任氣所為多不軌

世號五郎將章老不能教會有告其謀逆者逮

下獄皆殺之廷議以章屢立戰功得不坐愧不

自安抑鬱成疾大有十年卒

梁克貞不知其所自起事高祖有將畧先是交州曲承美自其父顯已據有其地至承美始受梁節鉞高祖稱帝承美常斥為僭偽抗不賓服高祖積不平之大有中遣克貞與李守鄜出兵攻拔其城執承美獻俘於朝又使人占城占城在西南海中與真蠟為隣多產水兕山羊犀角孔雀自前世未嘗通中國高祖聞其實貨充積

南漢書

卷十一

三

至是遣克貞潛赴掠之克貞航海至其國賈以兵威載寶而還自是海外皆懾服久之交州牙將皎公羨殺節度使楊廷藝而據其眾廷藝故將吳權發兵爭之公羨來乞援師高祖使交王洪操赴救以克貞為前部敗歸語詳洪操傳守鄜亦有勇力善戰陣交州之役高祖命克貞統軍而以守鄜為副協力進攻承美既被俘獲師旋與克貞同受上賞焉

程寶未詳其家世官至承旨高祖既命梁克貞等攻破交州俘曲承美以李進為刺史留兵守備明年愛州將楊廷藝養假子三千人欲圖交州進已偵知其事廷藝恐其聞於高祖不得志陰使以賂遺進進受之遂匿不以聞廷藝潛舉兵由黃江口來犯圍交州進始倉皇入報高祖亟遣寶統軍赴援甫及交境進已先棄城遁廷藝方據城堅守寶懼無功即鼓眾薄城門廷藝

南漢書

卷十一

四

引軍出戰會寶兵遠來疲乏大敗寶猶力戰為廷藝所殺時有孫德成者有氣力然性遲重數從高祖出兵戰功頗亞於寶大有中使將兵侵楚蒙州分兵掠桂州楚文昭王以其弟希廣權知軍府事自帥步騎五千屯桂州以備德成懼引兵自蒙州歸尋卒

王宏不詳其家世少穎悟工為詩賦乾亨中第進士官翰林學士承旨珥筆左右被寵最渥高

祖新建南宮明年有白虹入宮之三清殿中羣臣咸以爲災異中外詢高祖亦內憂疑不自適宏思有以悅之乃改白虹爲白龍作白龍見賦中述天降靈物爲國家受命之符稱頌備至奏進高祖疑慮果釋大加褒美賞予特厚卽下詔改元白龍旣而昭陽殿成又獻賦美之文采華麗辭旨暢洽亦傳誦一時

王詡咸寧人喜爲詩賦乾亨初舉進士拜中書

南漢書

卷十一

五

舍人未幾白虹見南宮翰林學士王宏揣知高祖疑懼改爲白龍賦獻於廷果大稱旨詡繼進白龍頌詞條華燦時稱雙絕白龍改元長和遣使來求婚致朱鬃白馬詡爲賦上之大有七年昭陽殿成詞臣多獻賦爲頌咸推詡爲冠傳誦他國故事每遇廷臣文字奏進必厚頒賞資是時賜予稍緩詡揚言曰吾賦字字作金聲何受賜之晚也其自負多類此同時有陳光父者亦

擅賦名雅尙詞藻乾亨中文德殿成獻賦高祖極稱賞之賜珍珠數斤

梁高潯州桂平人少好學善聲律富有文藻所居縣北百六十里有山曰閩石峯巒競秀如列旌嵩選勝得之意大愜築室讀書其中所學益進舉白龍元年進士第一遷翰林學士時高祖喜用酷刑一方之人若據烘爐岌岌不可終日嵩竊憂懼不復求仕進乞謝職歸養母因獻倚

南漢書

卷十一

六

門望子賦語極懇摯有云盈庭之護草徒榮滿眼之蘆花自落楊朱陌上蕭條而恨淚潛潛漢武臺邊宛轉而殘霞漠漠旣進上高祖覽而憐之聽其去臨行厚加賜資皆謝不受獨請蠲本州一歲丁賦從之嵩歸里後常肆意山水一日乘白馬出遊東壕墟過渡溺死葬縣之麒麟山州人感其舊德爲立廟歲祠不絕先是嵩登高第鄉黨以爲榮更其鄉名曰鵬化里曰折桂曰

龍街云

簡文會咸寧人幼即穎異銳意積學喜讀書工
為詩章性尤耿介乾亨中高祖用楊洞潛議首
開進士科如唐故事擢文會第一累官尚書右
丞中宗弒立峻刑法以示威諸王相繼遭慘戮
每醉後輒暴怒莫可制左右侍者皆得罪文會
切諫忤旨謫正州刺史到部潔已愛民一切利
弊靡不盡心規畫視民事如其家循聲大著未

南漢書

卷十一

七

幾卒官所居鄉曰魁崗堡里第旁有井人號狀
元井

鍾允章其先邕州宣化人徙家番禺素淹博能
文辭高祖時設科取士舉進士及第累遷中書
舍人中宗即祚尤以文字為所知凡誥敕碑記
及朝廷一切應撰文字多使屬草允章文思敏
捷援筆立成詞藻燦漫每撰進無不稱旨由是
聲華籍甚諸國皆耳熟其名嘗扈蹕羅浮山應

制為詩中宗大加褒賞目為倚馬才又從幸英
州盤龍石室歸命撰雲華御室記選詞徵義甚
為文士所稱尋拜工部郎中知制誥乾和中使
楚求婚楚不許允章還報中宗怒問曰馬公復
能經畧南土乎允章奏曰方今希廣新立希慕
起兵武陵兄弟相爭亡於不暇安能有餘力及
我願陛下選將勵兵乘其隙而圖之必得志機
不可失也中宗曰然希廣懦而吝嗇其士卒忘

南漢書

卷十一

八

戰日久此吾進取之秋也遂決意用兵遣招討
使吳懷恩等帥師便宜行事所至克捷不數年
開先後拔其賀昭蒙桂宜連梧嚴富柳冀象柳
等十三州之地以允章首建議恩遇愈隆頃之
有司言允章名儒宜為儲君輔導遂承命傅東
宮已而中宗晏駕後主嗣帝位推恩舊學頗致
禮遇遷尚書右丞參政事允章雖以文學結主
知然為人最耿直不畏權要且性慙不善作隱

語先是中宗時宦官林延遇等已預朝政至後主信任尤專內外事咸使裁決朝臣但備員數允章素深嫉其所爲至是進位知政職事皆爲所侵不令預參機密意益不平乃毅然抗疏請誅亂法宦官數人以正綱紀後主不從羣閣聞愈惡之密謀傾陷必欲致之死而未得其間會後主將祀園邱前三日允章率禮官登壇安設神位偶四顧指揮內侍監許彥真望見曰此殆南漢書 卷十一 九

謀反也卽帶劍升壇允章叱使下彥真馳入官告允章將於郊祀日作亂反形已露請急付廷尉又預約其黨龔澄樞李托等證成之後主曰允章爲朕藩府舊僚朕素待之厚豈肯背朕反耶澄樞等合詞謂彥真言信乃詔收允章繫含章樓下禮部尙書薛用丕與羣閣窮按其獄刑酷不可忍因誣服詔殺允章暴其尸并收二子邕昌族誅之是日天色慘淡道路聞者皆以允章忠鯁獲罪相與太息稱其冤有掩泣涕下者逾數年彥真謀反伏誅始收葬焉弟有章自有傳薛用丕大寶初爲禮部尙書與允章友善彥真告允章謀叛用丕心憐其冤思爲平反而宦官輩輒先雜治之因不能救用丕揣宦者意知必不免乘間私以告允章允章執用丕手曰老夫今日猶枕上肉耳分爲讎人所烹但恨邕昌幼不知吾冤及他日長公爲語之彥真聞之罵南漢書 卷十一 十

南漢書卷十一終

南漢書考異卷十一

順德梁廷枏章冉撰

蕪章傳

封州人

黃通志十國春秋皆不云何地人今從九

國志

表遷封州刺史充左右衛使就遷封州團練使

封川志作左右衛使與十國春秋作衛使

南漢書考異

卷十一

異按南漢依唐上京制置衛使封川志誤

春秋無遷封州刺史事今從九國志

梁克貞傳

遣梁克貞與李守鄜出兵攻拔其城

薛史交州土豪曲承美亦專據其地梁正

授旄鉞陟遣將李知順伐之執承美以獻

自是盡有嶺南地及開錢鏐封吳越王恥

稱南海之號乃嘆曰中原多故誰為真主

安能萬里梯航事偽庭乎梁貞明三年八

月乃潛號於廣州據此執承美在巖未稱

帝之前且承命伐交州者為李知順與歐

史通鑑並異歐史通鑑皆云遣克貞守鄜

攻克交州無知順之名且事在大有三年

按歐史承美至南海巖登儀鳳樓受俘謂

承美曰公常以我為偽庭今反縛何也承

美頓首謝乃赦之則事在稱帝後明矣

南漢書考異

卷十一

孫德成傳

楚文昭王以其弟希廣權知軍府事自帥步騎

五千屯桂州以備

歐史止云攻蒙州不克無攻桂州及楚王

自引兵來援事按通鑑馬希杲有善政裴

仁煦言其收眾心希範疑之漢將孫德成

侵蒙桂二州希範命弟希廣權知軍府事

自將步騎如桂州希杲懼其母逆希範謝

曰希杲爲治無狀煩陛下親涉險阻妾之罪也希範曰吾人不見希杲聞其治行尤異故來省之漢兵自蒙州引去徒希杲知名親赴桂州以察其狀此來不專爲南漢也歐史闕書今從通鑑

王宏傳

作白龍見賦

南漢書考

卷十一

三

十國春秋白虹化爲白龍見三清殿宏爲白虹化白龍賦上之按薛歐二史及通鑑並云白龍見惟五國故事白虹入其僞三清殿中王宏欲悅嚴乃以白虹爲白龍見上賦以賀之據此則當時實白虹入見宏借虹爲龍改稱以賀非真虹能化龍也春秋特誤會故事之文耳

王詡傳

詡職官分紀作胡今從十國春秋

梁嵩傳

潯州桂平人

明一統志作潯州平南人按舊唐書地理志貞觀七年分置平南縣後自武林移蕺州治此方輿類纂平南縣隋爲武林縣地唐貞觀七年析置今縣屬蕺州尋爲州治天寶初曰臨江郡乾元初復故南漢因之

南漢書考

卷十一

四

明一統志亦云貞觀中分置平南縣後自武林移蕺州治此領陽川武林隋建大同四縣宋省四縣入平南據此則南漢時平南隸蕺州不隸潯州也十國春秋地理表既云潯州領平桂宣化二縣而嵩傳復依明一統志作潯州平南人誤
州之桂平縣北六十里有山曰圓石
十國春秋地理表潯州領縣二一日平桂

按明一統志作桂平春秋誤

陳光父傳

南漢春秋止作光今從十國春秋

鍾允章傳

其先邕州宣化人

十國春秋云其先邕州人徙家番禺註云

一曰宣化人廣州鄉賢傳亦止云邕州人

按舊唐書地理志宣化屬於邕州方輿類

南漢書考

卷十一

五

纂云貞觀六年改晉州曰邕州五代時屬

南漢則允章時宣化已屬邕州蓋邕之宣

化人也

不數年間拔賀昭蒙桂等十三州之地

歐史九國志皆云取梧桂諸州為乾和六

年事按是年允章使楚晟用允章言命吳

懷恩等出師伐楚其年十二月拔賀昭二

州九年十一月懷恩等拔蒙桂宜連梧嚴

富柳龔象等州十年命潘崇徹攻克柳州

凡前後得楚地十三州歐史云七州九國

志云半歲間得六州並誤也詳見中宗紀

考異

乘間私以告允章允章曰老夫今日猶枕上肉

耳分為讎人所烹

歐史允章與用丕有舊因泣下曰吾今無

罪自誣以死固無恨無用丕私告允章事

南漢書考

卷十一

六

所紀允章語亦與通鑑異今從通鑑

南漢書考異卷十一終

南漢書卷十二

順德梁廷枏章再撰

列傳第六

諸臣傳四

萬何蕭侯王盧陳李吳謝列傳

萬景忻亡其家世鄉里少以驍勇聞高祖稱號拔為牙校大有時屢從征討積功至指揮使殤帝初嗣位有妖賊張遇賢聚眾起正州攻掠近

南漢書

卷十二

海諸州縣殤帝命越王洪昌循王洪杲同率兵往討與賊遇戰半日賊圍益眾二主困不可出時景忻隸戲下與指揮使陳道庠挾弓弩馳馬畧其陣陣堅不可攻復奮劍大呼殺賊突圍入殺十餘人賊眾披靡以大楯蒙二王翼之走圍潰得脫賊遂解去應乾改元復出兵攻循州與遇賢戰敗之克復循州逐遇賢遇賢逾嶺不復南事聞有詔褒獎

何詞不得其鄉里累官至宮苑使乾亨末唐莊

宗滅梁即帝位兵威頗震高祖聞之恐遂有包

并四方志欲遣使入汴假通聘好因便覘其虛

實選難其人廷臣咸薦詞嫻言對當不為國辱

即命以原官往奉書稱大漢國主致上大唐皇

帝時莊宗在魏都詞至召見於鄴宮與講鈞禮

不少屈莊宗問高祖近事詞具言之且云本國

聞陛下新登大寶仰慕聲靈已發使臣大陳物

南漢書

卷十二

二

貢期以今秋必至先遣下臣肅將賀悃莊宗信

之禮成辭歸語高祖曰唐主自移梁鼎滿假而

驕近復寵嬖諸伶荒淫無度其朝章已紊行自

救不暇何能以道御遠方固知其無足畏也高

祖大悅遂不復與唐通逾年莊宗被弑人皆服

詞之先知焉同時有何瑱劉瑋鄭勣蕭規公孫

惠滕紹英者皆一時皇華之選嶺北諸藩歲時

通好多賴其方瑱仕高祖為左僕射美容觀風

姿玉立饒有文采大有初吳越武肅王薨承命如吳越致祭言論風發大得嗣王心劉瑋乾亨初容省使高祖稱帝命瑋告卽位於吳且勸吳王隆演稱大號蒙厚賚而歸翽大有時官都官郎中南唐烈祖受吳禪遣使來通好自後聘問不絕時烈祖以誕生日爲仁壽節翽銜命往南唐致賀逾年歸終於其官蕭規逸其職官鄉里高祖崩殤帝欲續隣好使告哀於南唐頗得

南漢書

卷十二

三

使臣禮公孫惠事高祖爲法物使光天元年繼規如南唐告卽位規先以六月至逾兩月惠亦至同時兩使南唐人盛稱殤帝能篤睦隣之誼云滕紹英亦失其官爵先是南唐烈祖仁壽節高祖歲遣使往賀殤帝嗣位將修故事擇能而使紹英遂膺是選

蕭益梁昭明太子之後先世皆顯宦多爲唐宰輔曾祖悟仕至大理司直祖倣登進士第歷諫

議大夫積官兵部尙書尋以本官同平章事累遷中書門下二侍郎左右僕射宏文館大學士出爲嶺南節度使父廩進士擢第累遷尙書郎免官侍父出鎮尋召爲中書舍人遷京兆尹高祖以益家世清顯召致錄用大有中累官崇文使時皎公羨與楊廷藝故將吳權相舉兵爭交州公羨遣使致賄來乞師高祖將襲有其地使萬王洪操統衆救公羨自將兵駐海門爲聲援

南漢書

卷十二

四

問策於益益曰今霖雨積旬海道險遠吳權桀黠未可輕視大軍當持重多用鄉導然後可進否則兵未戢也高祖不聽權果殺公羨引舟師來誘洪操戰於海口洪操全軍沒死高祖始思益言大悔收衆急還無何高祖病與右僕射王翽謀先出殤帝中宗於外鎮而後傳位越王洪昌計定欲降制會益入問疾高祖具以翽議告且令更籌之益諫曰立嫡以長古今通制違之

而立少者則長者必爭况兩王居外兵力易集若反兵內向何以禦之恐國家禍不旋踵矣高祖乃止

侯融未詳其世系事高祖官著作郎為人慷慨立朝能直言高祖初年出兵悉平諸寨諸州向不臣服者以次削平之頗以善兵自負稱號後益得志將舉兵北伐融乘間言嶺南久被征戰防百姓耕耨若不聊生陛下建大號者定疆宇

南漢書

卷十二

五

正宜弭兵息民奠安南土今窮兵黷武日事戰爭非太平所宜有也高祖稍用其言故乾亨初數年間不復衽席金革無何融卒交州之役交王洪操遇害高祖既深痛其子之死且以兵敗自愧追咎融言謂戎事不振實融所致詔剖棺暴其尸

王翺逸其鄉里大有末積官至右僕射兼西院御史高祖不豫當立儲以鴉帝中宗年雖長而

性皆驕恣獨越王洪昌孝謹有識頗與己類欲遂立洪昌意尙猶豫召翺議翺力贊成之且勸高祖亟出鴉帝鎮邕州中宗鎮容州俟其行而後下詔高祖是其言將有制書爲蕭益力諫事遂寢中宗初元遷左僕射乾和二年洪昌既被殺追論翺建議廢長之罪貶爲英州刺史未至使人要於路殺之

南漢書

卷十二

六

后有女弟字吳越王弟新安侯傳璠蚤寡馬后既歿高祖欲續楚舊姻將求爲繼后先請於楚文昭王王既內主其事而慮吳越不許約高祖自遣使往求之楚亦使其中軍使歐陽練偕行以期必濟至是膺以原職權攝太尉與尙儀謝宜清尙衣高素清等俱至吳越謁文穆王備陳高祖意王召馬氏商之馬氏具言久甘守節故夫義重不忍他適因以死誓文穆王從其志竟

不遣膺知不可奪辭歸中宗襲位拜中書侍郎同平章事乾和十五年卒官

陳偓亡其世序事高祖歷官戶部侍郎乾和初越王洪昌輔政有賢稱中宗恐其得眾計殺之於是更選揆席廷臣咸推偓遂加同平章事偓庸懦無能居相位絕少建白僅備員而已

李璵不知何地人事中宗為給事中交州吳權既敗死交王洪操自為節度傅子昌岌皆負固

南漢書

卷十二

七

不廷至是昌岌死其弟昌文使來稱臣中宗假以靜海節鎮遣璵持旌節招令入朝行抵白州會昌文中變遠使人止之曰海寇竊發往來道阻恐有行李之虞璵信之遂還後數年卒

吳珣鄉里已逸積官至巨象指揮使為人勇畧善出奇計乾和中中宗乘楚王兄弟爭國之釁思襲有其地使珣及招討使吳懷恩同攻賀州城既陷而後楚將徐知新任廷暉督兵來救

珣與懷恩謀先使人於城外鑿大窋以竹箔覆蔽傳土其上如平地設機穴中待之知新等引

眾逼城近珣潛募人入穴發機楚兵盡墮相踐踏死者不可勝算知新僅以身免懷恩分兵攻昭州珣復引所部擾掠全州邊乃還

謝貫少有膽勇喜鏖戰戰功稍遜吳珣而皆以善戰稱於時乾和中與內侍省丞潘崇徹攻楚

郴州時南唐武安節度邊鎬奉其國命駐湖湘

南漢書

卷十二

八

趣馬氏歸江南聞報發兵來爭崇徹迎戰貫策兵為應南唐大敗遂克郴州康崇保乾和中為步將從貫攻郴州南唐救兵至義章崇保與崇徹分兵為兩翼擊敗之俘獲無算悉滅其一臂縱之去

南漢書卷之十二終

南漢書考異卷十二

順德梁廷枏章冉撰

萬景忻傳

挾弓弩馳馬畧其陣復奮劍大呼殺賊十餘人賊眾披靡以大楯翼二王得脫

通鑑止云力戰救之九國志劉洪杲傳禪

將萬景忻等蒙以大楯翼二王以出陳道

庠傳道庠與景忻等奮劍大呼殺十餘人

南漢書考異

卷十二

不載蒙以大楯事十國春秋與陳道庠挾

持弓弩馳馬畧陣力救二王無奮劍呼殺

賊及蒙大楯事諸書互有詳畧今悉為補

入

何詞傳

欲遣使入汴假通聘好因便覘其虛實

通鑑漢主聞唐滅梁而懼遣何詞入貢且

覘中國強弱吳越備史亦云入貢京師惟

薛史書來聘按薛史云稱大漢國主致書

上大唐皇帝莊宗召問南海事狀具言本

國已發使臣陳貢物今秋卽至據此則詞

出使時未具貢物往不當書入貢矣又按

通鑑同光元年唐使吳稱詔吳人不受唐

帝易其書用敵國禮曰大唐皇帝致書吳

國主吳人復書稱大吳國主上大唐皇帝

今南漢書詞稱謂與吳同是用敵國鈞禮

南漢書考異

卷十二

當書聘不當書入貢矣十國春秋南漢紀

依通鑑云入貢誤蓋通鑑與備史皆尊中

朝書法應爾春秋各紀一國自有內詞且

更當核其實也又薛史稱大漢國王王當

作主蓋文偶缺耳

公孫惠傳

惠十國春秋作孫惠今從陸氏南唐書

蕭益傳

祖倣以本官同平章事遷左右僕射

通鑑天福三年註云蕭倣相唐懿宗新唐

書宰相世系表倣字思道相僖宗按新書

咸通十四年七月懿宗崩僖宗立十月以

倣同中書門下平章事則倣實相僖宗不

相懿宗也今從新書又新書尙書左僕射

蕭倣為中書侍郎同中書門下平章事今

按舊唐書倣傳咸通末復為兵部尙書判

南漢書考 卷十二

三

度支尋以本官同平章事累遷中書門下

二侍郎兼戶部兵部尙書遷左右僕射是

遷僕射在同平章後與新書異今從舊書

父廩累遷尙書郎召為中書舍人遷京兆尹

新唐書宰相世系表廩字富侯給事中按

舊唐書廩傳止云咸通三年進士擢第累

遷尙書郎乾符中以父倣鎮南海免官侍

行中和中徵為中書舍人遷京兆尹固不

云終於給事也今從舊書

大有中累官崇文使

新唐書宰相世系表益南州團練推官按

歐史通鑑皆止云官崇文使是時南漢諸

州地無名商者或益未仕南漢以前曾官

是職諸書無考今姑闕疑又十國春秋大

有初官崇文使按益為崇文使始見於通

鑑天福三年諫救交州事是年即南漢大

南漢書考 卷十二

四

有十一年歐史亦繫於大有十年後春秋

云大有初即官崇文使不知何據也

王翔傳

使人要於路殺之

通鑑云未至賜死內外皆懼不自保十國

春秋從之歐史云使人殺之於路按當時

追論立少之罪已遭貶謫復於半道遽賜

之死未免顯以淫刑示人矣晟雖克暴似

不出此釋歐史之文當如使盜殺洪昌故
智蓋必致之死而不欲自居殺之之名也

盧膺傳

官工部侍郎

吳越備史番禺劉龔遣偽攝太尉工部侍

郎盧膺來逆馬氏為繼室通鑑顯德四年

南漢中書侍郎同平章事盧膺卒膺姓名

官偕僅見於此曝書亭集歲在壬申重遊

南漢書考 卷十二

五

嶺表南海陳元孝飯子光孝寺語子劉龔

墓葬番禺治東二十里崇禎丙子土人發

其墓有碑一具書翰林學士知制誥正議

大夫尚書左丞上紫金帑臣盧應奉勅撰

文曰維大有十五年歲次壬寅四月甲寅

朔念四日丁丑高祖天皇大帝崩於正寢

越光天元年五月癸未朔十四日丙申遷

神於康陵禮也云云亡友吳志伊撰十國

春秋盧應更作膺謂事龔為工部侍郎大

有中加大尉中宗時拜中書侍郎同平章

事銜名不合惜其已逝未得此異聞也據

此則朱氏固以為膺即應而疑十國春秋

誤加改易矣又王士正皇華紀聞所紀盧

應下一字乃初字粵東金石畧引廣東新

語云所記應下一字乃勅字兩書俱無奉

字是其名一作應初一作應勅碑以崇正

南漢書考 卷十二

六

丙子出土至葵尊遊粵時中間裁隔五十

七年撰新語者又嶺南土著而所記互異

已若此蓋朱氏既得之口述而陳氏又出

自記憶均非目覩碑文則碑內之姓名尙

未確定又安能據碑而疑春秋之錯更乎

且據備史通鑑膺之歷官原與碑異或疑

碑內未題全銜然南漢職官多依唐制今

考舊唐書志工部侍郎與尚書右丞皆第

四品下階則兩銜對品究以何者為所遷階乎知撰碑者別為一人無疑矣又春秋稱膺才藻俊茂酷有體裁二語他無所據當暗指撰康陵碑而言似吳氏亦嘗疑兩人即一人特未敢懸斷耳

馬氏有女弟字傳璠蚤寡

十國春秋傳璠傳云天寶十四年娶楚武

穆王女馬氏未幾傳璠死按吳越備史膺

南漢書考 卷十二 七

如吳越逆馬氏在天福六年辛丑逆推至天寶十四年已闕百八十六年矣春秋誤

南漢書考異卷十二終

南漢書卷十三

順德梁廷枏章再撰

列傳第七

諸臣傳五

二劉鍾暨陸雷陳伍盧李植蕭王馮胡列傳

劉傳失其家世大有末官循州刺史州境與正

州接壤殤帝初元羣盜四起各擁眾無所統制

共推博羅縣吏張遇賢為帥圍循州時烏合之

南漢書 卷十三

眾不下數萬事起倉卒傳兵少不能禦城陷死之

劉博古不知其鄉里中宗時歷官潯州刺史能

恤民疾苦多惠政部民愛之若所自出州有陸

公井博古嘗植橘其旁潯人稱曰橘井以誌舊

德博古既沒猶共指為劉公遺澤不忍斬刈云

有曾芳者不知何時人官程鄉令為政清簡因

民苦瘡瘍給藥濟之求者踵相接芳乃以大囊

盛藥投井中令民汲水飲皆愈程鄉人名其井曰曾井芳沒立祠井旁病者禱之飲井水亦愈謝傑亦不知何時人官高州刺史先是州多虎患夜入城郭噬人民爭訴之傑沐浴詣城隍祠舉杯祝神曰愚民何辜而虎暴之此刺史無德化所致願虎但食刺史無傷民祝畢屏去左右獨宿洞庭夜漏三下祠東南隅忽有物如雷吼良久乃止旦見數虎皆斃

南漢書

卷十三

鍾有章尙書左丞允章弟也少有文藻與允章齊名累官翰林學士中書舍人後主初嗣位於羅浮山建天華宮又立雲華閣兩門左爲含陽右爲起雲其亭有甘露羽蓋諸名皆極宏麗命有章爲文記之稱大手著作不半年允章被誣伏法遂有滅門之禍時有章已先卒故不及見暨彥贊家世未詳乾和中累官巨艦指揮使時中宗尙奢華離宮宴幸耗費不貲正供所入日

就支絀因陰遣彥贊率兵士入海窺商舶重載者詐爲盜劫其金帛歸獻充益無名之費內侍省丞潘崇徹旣克郴州使彥贊戍其地捍衛邊境悉盡心力頗以方畧聞於時大寶七年宋將丁德裕等來圍郴城彥贊出戰不利城陷爲宋兵所殺

南漢書

卷十三

陸光圖四會人祖東升初爲烈宗裨將守端州高祖稱帝遷兵部侍郎父昂累官桂州刺史領靜江軍節度使光圖胄望顯貴少承家學讀書識大義歷官至閩門副使後主方寵任閩宦百官多求人知內待省光圖以爲辱力請外任後主知其意不足於閩宦惡之欲處以極邊惡地卽除郴州刺史光圖至郴出俸錢周恤窮民招輯逃亡士卒日加訓練四境遂安謐無寇警郴民呼爲陸父大寶七年宋師南來抵郴鄙光圖遣兵柵騎田嶺會雨漲黃溪水溢宋將丁德裕

潘美等乘漲卒至柵為所破光圖與指揮使暨
彥贊力戰大敗被執抗罵不少屈遂與俱死時
有龐姓者亡其名為光圖舊所屬吏嘗因奏事
見後主後主識之及降宋後過騎田嶺龐迎謁
後主驚曰若胡在此對曰大王之國非有萬里
之遙邊境不過至此極矣先是後主意郴州遠
在窮荒之北罰光圖居之故吏言如此

雷嶽不知何地人少績學能詞章尤工駢偶文
南漢書 卷十三 四

乾和末厯官御書院給事才名雅為中宗所知
朝廷有大著作多出其手先是韶州證真寺僧
文偃自高祖時屢加欽重至是死其徒將葬之
乞銘中宗允所請命嶽撰身塔銘詞極宏贍抄
誦者踵門一時紙貴

陳守中里居家世不可考事後主官西御院使
集賢學士承旨遷大中大夫行左諫議大夫知
太僕寺事上柱國賜紫金魚袋守中博覽羣籍

富瞻詞翰著作為當時詞臣之冠生平最精通
內典大寶七年昇雲門山證真寺為大覺禪寺
命撰碑記多至三千餘言末云臣才異披沙學
同鑄水虔膺鳳旨紀實性以難周愧匪雄詞勒
貞珉於不朽撰成進上後主大喜即命以原文
鐫於石厚予賞賚不知其所終

伍彥柔不詳其官大寶末宋潘美等圍賀州廷
議起故將潘崇徹統兵拒之崇徹辭不受詔後
南漢書 卷十三 五

主怒曰伍彥柔豈無方畧耶何必崇徹也遂拜
彥柔為將使急率兵赴援美等聞彥柔將至先
退二十里以奇兵潛伏南鄉岸為二覆以待之
彥柔夜至不知是計泊南鄉艤舟岸側遲明挾
彈登岸踞胡牀左右指揮伏兵卒發彥柔歟大
亂所將軍五萬死者十七八彥柔被擒死焉
盧收事後主官至招討使美等攻連州後主遣
收統兵拒騎田嶺嶺為邊隘要地收晝夜戒嚴

鼓角聲不絕宋師挑戰多傷敗久不能過時李廷珙已降宋引兵出春陵屯平陽去嶺百餘里聞收堅壁禦守無計取勝思收所領將士多已舊部下說之必動策馬直至嶺前招之兵果謹諫多相繼走宋軍降收知不可守乃燒壘潛遁以餘眾退保清遠連州遂陷

李承渥不知所自起事後主數有戰功大寶十三年賀昭桂連諸州相繼爲宋將潘美等所陷

南漢書

卷十三

六

後主意四州本楚舊地宋既克復當卽旋師已開宋師長驅指韶州始懼命承渥爲都統將十餘萬眾列陣韶之蓮花峯下先是承渥嘗教象爲陣每象必十數人各操兵刃坐象背凡戰則先驅象佈陣前以壯軍威至是列象待戰美等盡索弩射象象不能抵相率奔蹏乘象兵士皆傾側墮地自相踐踏步軍蹂躪死者不可勝算美等率眾諫逐之遂大潰承渥遁歸韶州自此

不能守辛延偃累官韶州刺史承渥敗美等入韶城被執拘留宋軍中見軍盛知不復可拒遣人問道歸勸後主詣軍前迎降後主意動召諸臣謀爲內太師李托所阻卿文遠事後主官至諫議大夫出視師韶州承渥與美等戰文遠在圍城中與辛延渥協力固守承渥既敗走宋師乘勝攻陷文遠被擒

植廷曉字朗伯東莞人爲將有勇畧見後主酷

南漢書

卷十三

七

虐日甚解去兵柄大寶十三年宋師既破李承渥拔韶州後主顧諸將無可使者始起用廷曉命與郭崇岳統眾六萬屯馬逕列柵待敵明年宋將潘美等陷英雄二州進次瀧頭後主遣使請和美等挾使者直逼馬逕前鋒來挑戰廷曉將發兵擊之崇岳屢言不可廷曉曰北軍乘席捲之勢其鋒不可當也我士旅雖眾然皆傷痍之餘今不驅策而前亦坐受其斃矣乃自領兵

握水而陣約宗岳為後殿使禦宋軍奔衝美等
濟水廷曉迎擊力戰不勝遂死焉

蕭淮事後主扈官右僕射大寶末年正月宋將
潘美等克雄州進屯柵口砦於雙女山下後主
欲逃入海不果乃遣淮偕卓惟休奉表詣宋軍
求降潘美召諭以太祖意曰奉天子明詔謂彼
能戰則與之戰不能戰則勸之守不能守則諭
之降不能降則死不能死則亡非此五者他不

南漢書

卷十三

八

得受因留淮惟休不遣未幾隨宋殿直冉彥袞
入汴授太子中允卒惟休大寶時官中書舍人
與淮並使宋軍乞降被留同送至汴授太僕寺
丞

王珪大寶末官諫議大夫為人性方直見宦官
輩用事素惡之宋將潘美兵日逼會衛兵與宦
者合謀盜金寶妃嬪走後主皇迫無計遣珪詣
宋軍通好使用隣國禮既行後主料珪必不得

所請復遣蕭淮奉表稱臣乞降美等留淮遣珪
還師亦隨至國亡後從後主入宋太祖責問龔
澄樞等降戰翻覆及縱火焚府庫事澄樞等俯
首無語時珪在側數之曰昔在故國機務並爾
輩所專火又自內中起今天子遣使按問尚不
自承欲推過何人遂直前唾之手批其頰澄樞
等乃引服

馮邴其先始平人曾祖禧唐末官廣州遭黃巢

南漢書

卷十三

九

亂不得還遂註籍焉烈宗接禮中原人士禧精
術數策名嶺表逮邴祖父三世並為日御至邴
夙承家學世其職國亡從後主至汴京授保章
正子元字道宗少聰慧七歲方讀易母夜夢異
人以紺蓮華與元吞之且曰善讀此後必貴顯
已而從父歸宋由大中祥符元年進士累官翰
林學士轉侍讀遷戶部侍郎卒事具宋史
胡賓王字時賢韶州曲江人少即肆力問學流

覽極博馳聲遠近喜中宿峽山水奇勝遠絕人
境讀書其中經史疑義皆有發揮已而第進士
甲科累官中書舍人知制誥時後主淫虐不道
賓王逆知運數不能久棄官歸里著南漢國史
自烈祖至後主爲五主傳楊洞潛至陸光圖等
三十三人爲純臣傳又有具臣亂臣宦官女謁
諸傳合十二卷入宋後易名曰劉氏興亡錄上
之以明經授著作郎會詔有官者得與科試遂

南漢書

卷十三

十

登咸平庚子進士第以翰林學士致仕卒於家
賓王爲人樂易俊爽操行謹慎不苟言笑居官
憂國奉公務盡其職守鄉黨中有貧寡者必周
恤之晚於縣東二十里毬岡下構堂講書旁置
濯纓亭几案皆石爲之題有水向石邊流出冷
風從花裏過來香之語其風趣多類此又好表
章同里前哲遺文唐國子生邵勗有詩集爲序
而行於世卒後人號所居曰學士里

南漢書

卷十三

十

南漢書卷十三終

南漢書考異卷十三

順德梁廷枏章冉撰

劉傳傳

州境與正州接壤盜起推博羅縣吏張遇賢為

帥

通鑑有神降於博羅縣民家註云博羅漢

古縣唐屬循州時為漢土按方輿類纂博

羅縣隋屬循州南漢屬正州十國春秋地

南漢書考異 卷十三

理表亦云南漢改循州為正別立循州於

北境領龍川縣一據此則遇賢為正州人

攻據循州陸氏南唐書稱循州人張遇賢

本羅縣小吏蓋舉其地之舊名也春秋地

理表既以博羅隸正州而殤帝紀又云遇

賢循州人遇賢傳云博羅人則自矛盾矣

曾芳傳

官程鄉令

黃通志曾芳者不知何許人南漢時為程

鄉令又云芳他政無所考然歷六七百年

後而名傳不朽雖兒童走卒過其祠井下

咸加禮拜其感人如此十國春秋亦云未

詳何地人故漢時有為廣州刺史者芳其

後也廣州志曾井在潮州漢時縣令曾芳

因民苦瘴以大囊藥投井令民汲飲之宋

皇祐間狄青征儂智高經此軍士疾癘禱

南漢書考異 卷十三

於井飲泉盡愈旋師首以為言仁宗降制

封芳忠孝公且賜飛白書曾氏忠孝泉五

字旌之按諸書並止稱芳仕南漢而不詳

何時何主不可與諸臣次列而循良吏治

難使泯沒無傳今以事蹟相類與謝傑等

並附博古傳後

暨彥贊傳

家世未詳

十國春秋云或曰吳暨艷後不知所據今

姑闕疑

伍彥柔傳

不知其官

宋史遣大將伍彥柔領兵赴賀按彥柔歷

官無考大將不過將帥之通稱十國春秋

職官表南漢無以大將為官名者而李承

渥傳忽云積功至大將宋師破連賀諸州

南漢書考 卷十三

後主署為都統據其書法是以大將為

銜名矣似誤

盧收傳

兵果謹謀多相繼走宋軍降

十國春秋兵稍稍解去不云降也按廣州

人物傳揚旗揮之果謹謀而降今從之收

人物傳連州志並作枝春秋依之今從宋

史並續通鑑

李承渥傳

每象十數人操兵刃坐象背

續通鑑十數人皆執兵伏宋史張傳每象

十數人皆執兵仗按執兵而伏則不能戰

矣通鑑伏當即仗之訛今從宋史

兵遂大潰承渥遁歸

南漢春秋云承渥敗死按續通鑑宋史並

云軍遂大敗承渥以身免不云戰死也今

南漢書考 卷十三

從之

卿文遠

續通鑑作鄒文遠今從宋史

辛延偃累官韶州刺史

續通鑑擒其刺史辛延偃宋史張傳亦作

刺史而李托傳又作節度副使兩傳互異

今從續通鑑

植廷曉傳

九國志續通鑑並作楊廷曉今從宋史

蕭灌傳

灌為右僕射

宋史太祖紀及潘美傳並作左僕射今從

張傳並續通鑑灌太祖紀作灌十國春秋

作灌今從美傳

大寶末年正月宋師進屯柵口遣灌與卓惟休

奉表詣宋軍求降

南漢書考 卷十三

五

宋史張傳美傳並作二月事按美等露布

劉銀遠懼傾危尋差人使初則稱臣上表

具陳歸化之心後則設詐藏奸翻作歛兵

之計臣與將士仰憑睿旨不敢逗留於正

月二十七日到柵口張乃頻遣寮佐往來

商議漸無憑準似奉表求降在未到柵口

之前然續通鑑云正月甲子至柵口乙丑

至馬逕南漢主懼乃遣右僕射蕭灌中書

舍人卓惟休奉表詣軍門乞降據此則灌

等奉表求降在美等度馬逕後露布之言

知為統舉之詞也今從之馬逕九國志作

馬逕文之訛也

馮邴傳

曾祖禧策名嶺表逮邴祖父三世為日御至邴

仍世其職

十國春秋馮元傳四代祖官廣州烈宗據

南漢書考 卷十三

六

南海僑斷士人故三世居嶺南為日御大

寶末元父子從後主朝宋元父某授保章

正按四代祖禧即元高祖云三世為日御

是合禧并禧子及孫同官一職而邴不與

矣然考宋史元傳高祖禧以術數事劉氏

傳三世至父邴云傳三世者是禧之外更

歷三傳為邴並官日御合禧實為四世邴

入宋乃改授保章正也春秋誤今從宋史

又按宋史元幼從崔頤正孫奭爲五經大義與樂安孫質吳陸參譙夏侯圭善羣居講學號四友進士中第授江陰尉時詔流內銓取明經元自薦通五經謝泌笑曰子尙少能盡通耶據此則仕南漢爲日御者自邨而止元入宋時尙幼未嘗授官也南漢春秋傳題云日御馮元亦誤

胡賓王傳

南漢書考

卷十三

七

韶州曲江人

南漢春秋云一作乳源人宋史地理志乳源縣乾道二年析曲江之樂昌依化鄉於州頭津置方輿類纂云乳源縣本曲江樂昌二縣地宋以韶州諸縣水道不通析置今縣於依化鄉之村頭津日按乳源卽曲江舊地南漢尙無乳源之名春秋誤登咸平庚子進士

黃通志作咸平二年己亥進士然考諸志並云陳堯咨榜則咸平二年庚子矣黃志誤

南漢書考

卷十三

八

南漢書考異卷十三終

南漢書卷十四

順德梁廷枏章冉撰

列傳第八

軒轅胡林古何梁楊吳丁列傳

軒轅述乾亨時人精通岐黃術治病多奇驗遠近爭趨之尤好讀前代醫學諸書能自具卓識不膠執古人成說居常孜孜著作老而不倦先是青霞君作寶臈論三篇著變煉金石之訣述

南漢書

卷十四

既病其未善因為刊去謬誤博採以補其缺為寶臈暢微論三卷成書時年已九十矣尋卒所遺書醫家爭寶之

胡萬頃不知何地人並亡其年代幼神悟通九宮三元之法卜事奇中百不失一撰六壬軍鑿式三卷太乙時紀陰陽二遁立成歷二卷行世術數之士咸守如繩尺焉

林楚材賀州富川人乾和中中宗取賀州楚材

始隸籍性樂布韋不求仕進精數學能詩一時

縉紳咸折節與之遊左僕射黃損謝病歸里於

永州滄塘湖上闢別業黃冠草服多與往來飲

酒賦詩為樂尤好與楚材唱和嘗贈損詩有云

身閑不恨辭官早詩好常甘得句遲人多稱之

大寶末有稻田白海上浮至上魚藻門外眾方

聚觀楚材適至見之嘆曰水魚湫湫兮有好事

者在側異其語而莫明所謂因私記之未幾宋

南漢書

卷十四

二

師來潘美為都部署方悟楚材所語於文為潘咸追服其先知云

古成之字亞夷正州河源人避地增城性簡靜

寡嗜好嘗結廬羅浮山力學不倦淹通群籍時

作為詩歌以見志出語輒驚其儕輩由是名動

四方見時政百弊叢生知其國祚不永不敢求

進取入宋登第官元氏尉改知益都召除秘書

省校書郎出知魏成改綿竹卒事具宋史

何澤韶州曲江人徙家番禺父鼎有文名第進士除著作郎遷瀧州司馬累遷容管經畧使治所部多惠政尤善星歷時梁太祖跋扈不臣鼎誠諸子曰汝慎毋事全忠全忠兇類安賊而宣淫過之終有慶緒之禍他日全忠勢必改玉然揆之星象晉分野有王氣唐當復興後果如其言澤少承家學負俊才長於詩歌乾寧中舉進士偕計至三峯行在舊同年崔某聞澤至欲爲

南漢書

卷十四

三

延譽緘詩贈之會崔徹爲相頗不滿於澤意別有屬主試者得澤卷心賞之而重違徹旨遂落第漂流嶺海間烈宗深加禮接辟就清海軍從事梁太祖受禪表薦於朝賜及第梁亡入唐爲洛陽令轉倉部郎中擢吏部郎中史館修撰遷太常少卿坐未拜命上章稱新官致仕晉高祖卽位以原職召用未赴卒於家事具五代史記梁文京兆萬年人先世多以仕宦顯烈宗鎮嶺

南招致中原士族文聞遂來就參議政務爲烈宗所喜署之幕職高祖嗣節度文以舊屬仍留佐軍府及將稱帝文以非王命意竊非之知群議既定勢難中止遂不諫卽位後幕僚遍加官爵及文獨力卻不受辭去避居東莞終其身時論高之子光運官至右職捕賊與戰爲所害光運弟光遠亦仕爲兵職佐戎政光遠子頤字微之幼秉奇節強學篤行朋友稱其信義尤瞻詞

南漢書

卷十四

四

章八宋補武仙簿恩鬱林尉封州司戶參軍遷光祿寺丞卒
楊廷藝初爲愛州將梁克貞等旣攻克交州執曲承美使李進爲刺史進愚懦而貪廷藝欲襲之私蓄健兒三千皆冒爲子未發使以賂遺進進偵知其事不以聞明年廷藝突犯交州進棄城走高祖使程寶將兵往援廷藝據城拒殺寶高祖知不可與爭因就拜交州節度使大有十

年皎公羨作亂為所殺公羨初為交州牙將素有大志惡廷藝所為起所部攻殺廷藝而代為節度明年廷藝舊部吳權起兵為廷藝復仇圍公羨公羨使來告急高祖利其內亂將收復其地使交王洪操援之未至公羨已敗死

吳昌文父權隸靜海節度使楊廷藝麾下為將頗見親信使統所部鎮愛州牙將皎公羨倡亂襲殺廷藝據有交州權素與比肩不肯屈志事

南漢書

卷十四

五

之起所部兵聲言復仇時交王洪操以兵來助公羨會公羨先為權殺洪操遇權於海口與戰亦敗權即自為州帥未幾卒昌文兄昌岌繼之乾和中昌岌臨卒以位付昌文先是自權兩世皆與我絕昌文新立遣使來臣附求靜海節鎮中宗如所請命兼安南都護欲致其人朝遣給事中李璵往招之昌文不欲行以道梗止璵後終不至大寶六年卒

丁璉祖公著為交州牙將父部領大有中楊廷藝受高祖節旄使公著權驩州刺史兼禦蕃都督公著卒部領嗣其任初吳昌文來納款中宗命節度靜海軍至是卒交管諸將爭立喬知護起峯州楊暉起武寧州昌文參謀呂處珩交州牙將杜景碩各擁兵相持不下境內大亂土豪多乘機嘯聚相結為寇盜攻交州璉隨部領以所部三萬人擊之皆敗賊黨潰散闔安堵交

南漢書

卷十四

六

民德之乃推部領為州帥號大勝王部領自署璉為節度使使以事來告後主因命璉即真居三年璉遂私嗣王號聞宋師克嶺表入貢方物太祖命仍為靜海節度使不數年卒
廷珪曰女子所貴節烈耳文才尚不與况武事哉詩小戎婦人號知兵而二千餘年動人流連乃在栢舟一什當南漢時寇賊充斥能捍衛其鄉隅瑋瑋若鬚眉丈夫者一時竟得兩人焉求

所謂節且烈者吳氏守志而身處異地莫筌又為奔亡之思婦由此而外蓋未之前聞豈宮闈之地以淫倡故俗靡風頹不知義死之可貴歟不然何攻取虜辱之多而卒無一傳史籍也夫史籍無傳卽謂當時無節烈之女子可也作女子傳

女子傳

吳武牢莫李列傳

南漢書

卷十四

七

吳氏越州山陰人中書侍郎定保妻也會祖葛有名於時賜號文簡先生父融字子華龍紀初進士及第累遷侍御史坐累去官尋召為左補闕以禮部侍郎為翰林學士拜中書舍人進戶部侍郎遷翰林承旨定保少第進士融愛其才以吳妻之未幾融卒會中原亂定保南遊湖湘吳獨留長安久之定保不還因假緇服如楚求定保至則預以故白武穆王武穆王令人引吳

先待於僧舍勸定保往與會吳下簾自蔽立簾內誚詰定保負已定保不為動武穆王聞深鄙之禮意日衰定保自是去楚遊嶺吳知定保無

北歸志遂緇服終身或勸其他適者輒以死誓武婆齊昌府人居府之西二里有智畧為鄉里所推服值干戈擾攘盜賊四起村落時被剽掠

人不安其居遠近深以為患共就武商之武因

糾合近村斂資出丁就其地築一城工竣挈村

南漢書

卷十四

八

人避其中賊至率眾悉力捍禦賊捨去不復敢犯時號其城曰武婆城

牢氏尚書左丞鍾允章妻賢行素著允章名位

通顯而性吝嗇官俸所入豐歲獲賞資亦最優

厚然未嘗以絲毫與人故舊雖貧欲求資助不

可得被劫者皆腹誅之牢乘間語允章曰妾昔

事君子家止一銖無釜鬻爾時尙能款接賓友

今寶貨盈室而義路榛塞戚黨中曾無所沾漑

雖富貴何足尚也因出舊所用銚示之允章大
慚後乃稍散其藏積義聲日著始自嘆其內助
之賢云

莫氏名全周渭妻也渭本隸長沙娶莫生二子
中宗與楚構兵渭為我兵所俘莫母子流離昭
州後渭北走入宋未暇與莫訣時二子並幼家
貧不能給莫年裁二十餘父母欲嫁之莫泣曰
渭非久困者今遭難遠適必能自奮於是勤女

南漢書

卷十四

九

紅規蠶確春贍給朝夕二子長皆為畢婚渭時
在宋適官廣南轉運久已改娶距歸宋時且二
十餘年矣抵治使人訪其故里知莫尚存遂自
往迎之莫辭曰君既有室我不可復行且吾有
婦孫居此久足自樂不忍捨以去渭知不能強
具奏其事詔特爵為縣君并其二子皆賜官
李氏雷州海康人勇敢有謀畧遠近皆信服後
主時荒亂無政民間孤弱者率為勢家凌暴無

可申訴謀共推李為帥使保衛之及宋師來討
以後主入汴時遠州將士尙多握兵未服四出
剽劫李統所部擊之皆敗走各散一方賴以安
稱之曰李夫人及卒立祠歲時奉祀不絕

南漢書

卷十四

十

南漢書卷十四終

南漢書考異卷十四

順德梁廷樞章再撰

按軒轅述林楚材胡萬頃身非職官述與萬頃二人以例應別立技術傳古成之未仕南漢可不立傳然考其隱處羅浮在南漢未滅以前踐土食粟較之石文德孟賓于有別於例應與楚材並入隱逸傳何澤止佐隱幕府梁文雖就巖幕而稱帝時辭

南漢書考異 卷十四

職遁去不可目為南漢臣例應別立幕屬傳楊廷藝吳昌文雖稱臣而終其身不肯入朝丁璉雖曾授旄節而私稱王號於例亦應別立外臣傳今嫌名目繁瑣統附諸臣之後而別為一卷

林楚材傳

賀州富川人

十國春秋林楚材故番禺布衣不測其為

何人全五代詩楚材賀州富川人按乾和五年賀州始入南漢或其後遷家番禺也水魚湫湫兮

青箱雜記有稻田是海中浮來布衣林楚材嘆曰水魚湫湫兮當時好事或有記其語泊王師至潘美為部署方悟為潘字南漢春秋楚材見而嘆曰地宜靜不宜動一旦浮至在水旁而有米有田於字為潘禾

南漢書考異 卷十四

者五穀之美其必有姓名潘美者來獲斯土既而嘆曰水魚湫湫兮時好事記其語及宋師至潘美為部署方悟按楚材既云有潘美來獲斯土是明以未來事告人何用復作隱語且奚云美至方悟為潘字也况當聚觀時眾耳咸屬遽稱國家喪失而實之以爭地者之姓名楚材以布衣而處後主猜忌嗜殺時斷有所不敢春秋說本

廣州志然志但云識者謂於字爲潘不引楚材語春秋牽合之而不自知其矛盾也

何澤傳

韶州曲江人

十國春秋云按通鑑註及歐陽史唐莊宗時洛陽令何澤係廣州人先時劉陟薦於梁擢進士第後歷唐晉官至太常寺卿中間爵里不同似非一人也按歐史稱澤廣

南漢書考

卷十四

三

州人原與通鑑合唐摭言作韶陽曲江人而與歐史並云父鼎容管經畧又通鑑註引薛史貞明中劉陟薦其才以進士擢第摭言亦云梁太祖受禪假廣南幕職入貢敕賜及第然則諸書所載以事蹟考之實同一人所異者鄉貫耳摭言爲王定保著與澤同時同佐南漢慕其見聞自較歐史通鑑尤確又廣州鄉賢傳何鼎番禺人考

郭棻戴璟黃佐三廣東志番禺志並云其先曲江人後徙番禺據此則摭言乃溯其世籍通鑑歐史不過指其新遷異而實同春秋失考也然有可疑者摭言謂乾寧中澤隨計至三峯行在永樂崔公卽澤之同年丈人聞澤來以一絕振之曰四十九年前及第同年唯有老夫存今日殷勤訪我子穩將鬻蠶上龍門是澤先與崔同舉進

南漢書考

卷十四

四

士不第至乾寧中再舉時已閱四十九年也歐史晉高祖入召爲太常少卿以疾卒由乾寧中推至晉高祖天福元年已四十餘年合之四十九年則九十餘年矣其未與崔同舉之前爲年幾何尙未可考豈非在百歲以外乎又通鑑註引薛史云貞明中陟薦其才而通鑑於貞明元年已云陟自是與梁絕矣何復有表薦之事耶今惟

依春秋作官隱從事餘合摭言歐史通鑑
而具書之且誌疑於此

梁文傳

避居東莞

余靖梁顛墓表文佐幕番禺劉氏據有南
海耻非王命不從所署遁於東莞又云顛
字微之國家削平僭偽統一函夏君即占
籍高要據此是文先避居東莞至顛入宋

南漢書考 卷十四

五

後始遷家高要戴璟廣東志以下稱云文
戴通志

遷於東莞宋初遂占籍高要以人宋遷高
要並作文事誤又文戴通志作員今並從
墓表

楊廷藝傳

因就拜交州節度使

宋史後有楊廷藝紹洪皆受廣南署繼為
交趾節度使東都事畧後有楊廷藝受劉

氏爵命為其牙將皎公羨所殺通鑑天福
二年交州牙將皎公羨殺安南節度使楊
廷藝而代之據此則廷藝曾為南漢節度
使事當在程寶戰死後詳高祖紀考異

吳昌文傳

權因為州帥

宋史交趾傳時劉氏擅命嶺表遣將李知
順伐曲承美執之乃并有其地後有楊廷

南漢書考 卷十四

六

藝紹洪皆受廣南署繼為交趾節度使紹
洪卒州將吳昌岌遂居其位據此無公羨
殺廷藝及為權殺事今從歐史並東都事
畧

女子傳考異

吳氏傳

久之定保不還

十國春秋定保舉進士第南游湖湘不為

馬氏所禮又定保既無北歸志遂縊服終身按全唐詩註定保及第吳子華侍郎以子妻之子華卽世定保南遊湖湘吳女縊服自長安來謁馬殷令引見於佛寺吳隔簾謂之又直齋書錄解題云喪亂後入湖南棄其妻弗顧士論不齒據此則吳融在長安以女妻定保融死定保遊楚吳氏仍留長安故云在長安來在楚一見後是時

南漢書考 卷十四 七

吳氏始知其夫無歸志故歸而矢志獨守非定保初遊楚卽知其必不還也今悉補入又按吳氏未至嶺表然定保實仕南漢妻統於夫故爲立傳

武婆傳

齊昌府人於其地築一城

明一統志武婆故城在興寧縣西二里五代時縣嫗武姓者料合村舍築城自衛興

寧志城在縣西一里許十國春秋地理表南漢乾亨元年升循州之興寧縣爲齊昌府按明統志但稱五代時築城其年代無考梁開平以後始稱五代是時其地頗安謐不聞盜賊竊發惟光天元年張遇賢起正州陷循州齊昌在其隣境武氏築城捍衛當在此時

莫筌傳

南漢書考 卷十四 八

後北走入宋

大清一統志馬氏與南漢相持渭爲南漢俘獲後脫身北走連州志渭爲廣人俘獲妻子流離昭州劉鋹政煩賦重渭率鄉人踰嶺將避地零陵未至賊起斷道絕糧渭脫身北上據此是渭入南漢未幾卽私亡入宋涑水紀聞太祖平廣南得渭喜以爲平廣南得一人耳以渭歸宋在南漢亡後今從

一統志

距歸宋時且二十餘年

涑水紀聞云別二十七年 大清一

統志云二十六年連州志云與妻契濶三

十年按連志稱渭建隆初至京師太平興

國二年為廣南轉運副使在嶺南凡六年

是渭以太平興國七年去任由是年逆推

至建隆元年凡二十三年再逆推三年為

南漢書考 卷十四 九

晟乾和十五年如云別莫二十六年則是

年銀尙未立與志稱劉銀政煩賦重避地

北上語不合如云別莫在銀立後三十年

則已在雍熙端拱之間渭時久去嶺南任

斷無去任後始遣人還求妻子之理且紀

聞已明云後以為廣南轉運使人訪其妻

也三書各異今姑缺疑

李氏傳

雷州海康人

十國春秋地理表海康縣隸常州按明一

統志雷州府唐貞觀初改為雷州天寶初

改海康郡至德初復為雷州五代時屬南

漢宋隸廣南西路海康縣附郭隋於此置

海康縣唐為雷州治宋初以遂溪徐聞二

縣併入據此南漢時海康實隸雷州常州

時屬南唐春秋誤又輿地紀勝雷州云五

南漢書考 卷十四 十

代郡有一女子失其姓勇敢強力眾皆信

服相與築城以禦寇而女子為之帥偽漢

歸順餘黨尙行剽掠皆為女帥所敗一方

賴之女子死眾私諡寧國夫人立廟祀之

按郝玉麟廣東志載李夫人事與此畧同

且同時同縣當是一人因志無築城事紀

勝又亡其姓今從郝志而附誌於此

南漢書考異卷十四終

南漢書卷十五

順德梁廷枏章冉撰

列傳第九

廷枏曰由漢唐來宦官之衆之重且專與夫殺害之慘而召亡之速未有如南漢之極盡無餘者也高祖初設內監數裁三百浸積而千餘人浸積而七千餘人說者乃謂其後之盛至二萬人奇此二萬人者衣服飲食車馬僕隸之給

南漢書

卷十五

一

其糜耗可數計哉使能軍伍其人糧餉其費不必問其裨於疆圉者何如而禍源先清矣然而其君不悟也自昔三公論道尊禮之爲朝廷賓師巖求夢卜猶恐不足備其員今乃以使令之賤躋保傅之列褻此名也無乃實甚夫地褊勢盛正當急切求才則何不懸其官爵食邑招徠豪傑之士使收其效而報其功耶然而其君不悟也朝廷之上庶司爲陽婦寺爲陰婦人在軍

中則氣不揚宦官亦婦人類耳典禁衛猶且不可顧俾之建高牙樹大纛擁數萬之衆與中原全力爭微論其荒無紀律必致喪辱而後已也以陰乘陽厥象先不利於國然而其君亦不悟也且夫閹宦之害非其黨雖明哲有時無所逃何者處近則言易入浸潤則惑滋深也庸主方謂其孑然一身不作肥家室長子孫計傾心腹而任之而其小信小忠又足以濟其陰柔忍刻

南漢書

卷十五

二

之性固結日深險詐日甚禍機遂一發不可解族允章害諸王若許彥真林延遇者不過猶行古來宦官之道而已矣以宦官之流毒也如此君之縱使流毒也又如此假令國祚稍長龔澄樞諸人得正衣冠終衽席上首惡旣已無恙踵起者復效其尤此邦之人曷其有極然而天道禍淫之謂何能任六十州之號寒啼飢久受其荼毒也乎此時雨之師之所以不數月至其國

都而黨之衆者散爵之重者奪柄之專者殺抱
屈死者可以起九原而呼快也然至是而其君
仍不悟也嗚呼作宦官傳

宦官傳一

吳邵林鄧趙許陳列傳

吳懷恩番禺人事高祖爲內府局丞性謹愿典
宿衛二十餘年未嘗有小過光天初遷內常侍
殤帝驕侈居高祖喪酖酒縱聲樂醉後左右稍

南漢書

卷十五

三

不如意輒被殺廷臣畏禍莫敢言懷恩屢切諫
既而值內宴東西兩教坊伶官千餘晝夜出入
宮禁懷恩諫曰今禁中自有簫韶府內樂百餘
人皆善音律夜宴用此足矣焉用教坊若令夜
間雜入禁中不拘闌籍恐姦人竊發不可不慎
帝不聽逾年果有陳道庠之禍中宗初襲位授
宮闈諸衛押番乾和中進開府儀同三司西北
面招討使與指揮使吳玠率兵侵楚賀州楚將

徐知新來援未至城已陷懷恩設大竅城下施

機軸穿穴通竄敵兵中機多陷語詳玠傳懷恩

縱兵出擊走其餘衆鼓勵士氣乘捷攻破昭州

分掠全州境會楚內難作荆南貞懿王使人來

約共出兵分楚地帝加懷恩桂州管內招討使

特進內侍上柱國將兵屯境上密伺楚釁時楚

王兄弟方爭持不相下希廣聞懷恩復至遣指

揮使彭彥暉屯兵備於龍峒希萼亦自衡山遣

南漢書

卷十五

四

使以彥暉爲桂州都監使判軍府事靜江節度
副使希隱時知桂州素惡彥暉潛遣人召蒙州
刺史許可瓊可瓊畏懷恩勢銳聞召卽棄城趨
赴桂州遇彥暉於城中與戰彥暉敗走衡山可
瓊駐軍桂州懷恩遂據蒙州進掠桂管大擾其
邊希隱可瓊不知所爲但相與飲酒對泣帝以
書招之降又爲僚佐所阻懷恩突引兵至城下
希隱可瓊率其衆夜斬關奔全州桂州亦爲懷

恩所拔因復析兵畧定宜連梧嚴富柳夔象等
州始盡得嶺南地以功進封濮陽縣公大寶中
宋丁德裕等克郴州進取連州邊將多敗死後
主懼改懷恩桂州團練使令修治戰艦為守禦
計懷恩馭所部嚴臨事精察每舟成必親臨視
製造稍不如法輒撈殺工役役者皆腹怨後主
議親征懷恩督造龍舟十備用工竣懷恩以綿
繆已手徧捫鈎楯匠役區彥希在側舉斤斷其
南漢書 卷十五 五

首墮船中左右皆驚走逾數日捕彥希棄市懷
恩慙事三朝於中宗尤被寵任嘗從幸盤龍石
室有野人出獻神丹中宗不敢食求石室深秘
處鑿石藏之左右盡屏去時從人者獨懷恩一
人其治兵最嚴整有法所向皆克捷當時戰功
推首及被害識者深以為憂

邵廷珩連州桂陽人自其先世居高良鄉之龍
口幼為黃門供事禁廷殤帝嗣泣為內謁者遷

內府局令總宿衛兵軍令嚴肅性好文雅重儒
士客從他國至必先招延之察其材可用豐為
資助而後極力引進大寶中遷內常侍時後主
驕侈日甚人情憂危廷珩從容諫曰男兒十五
奪父志今宗社安危繫於陛下願加檢束後主
不聽會建禹餘宮成後主常避暑其中廷珩每
從幸愛其地山水因求解去兵柄改領宮使後
主從之而仍令典兵偶入武庫驗試諸戎器多
南漢書 卷十五 六

壞乃製式親督匠役改造之既而宋受周鼎廷
珩屢言於後主曰先朝乘唐亂故有南越之地
五十餘年幸中國有故干戈弗及而我益驕於
無事兵不識旗鼓人主不知存亡夫天下亂久
矣亂久必治自然之勢也今真主已出必將盡
有海內其勢非一天下不能已聞諸國悉珠寶
奉中國而陛下未嘗遣一介之使馳咫尺之書
珠貝犀象瑇瑁翠羽積於內府歲久而不可較

曾未聞舉以修聘一旦兵至何以禦敵後主惡廷瑁言直深恨之未幾宋果以兵攻郴州招討使暨彥贊與刺史陸光圖皆戰死乘勝進圍連州團練使吳懷恩素號善戰會爲部軍所殺後主始思廷瑁言加開府儀同三司東西面招討使使率舟師屯浣口宋軍旣退廷瑁撫循士卒招撫亡叛邊禁嚴明無敢犯復繕治甲兵親爲訓練圖復所失地同列忌其成功投無名書言

南漢書

卷十五

七

廷瑁反後主信之遣使就軍中賜死士卒排軍門爭入見使者哀訴廷瑁無反狀請覆加核驗不許卒被殺廷瑁雖中官然言論峭直頗羞與群闈伍有文武幹畧博覽書史而最善騎射當時倚爲良將旣橫死軍民皆痛哭共立祠祀於浣口

林延遇閩清人性險詐多計術少爲閩宦者高祖以女清遠公主歸閩惠宗闈因道遠使延遇

置邸於興王府專掌國信高祖賜以大第稟給甚豐嘗從容問以閩事延遇不對退謂人曰去閩語聞去越語越處人宮禁可如是乎或告於高祖高祖以爲賢用爲內常侍使鈎枝諸司事聞惠宗被弒屢求歸國卒不許遂素服向其國哭三日乃止中宗嗣位加甘泉宮使大被倚任延遇亦恃其權寵與宮人盧瓊仙等表裏交煽恣爲殺戮中宗誅殺諸王盡出其謀高王洪邁

南漢書

卷十五

八

在邕州鎮有誣其謀亂者遣延遇持醜往賜之死乾和十四年延遇病甚自知不起言於中宗曰臣死惟澄樞可用中宗從之故澄樞得不次遷擢卒之日國人聞者相與撫掌稱慶云
鄧仲家世不詳乾和時爲內侍位至特進素與陳道庠父璫有舊道庠旣引力士拉弒殤帝自恃功高頗橫恣不法中宗性猜忌勳舊相繼皆誅戮以苟悅漢紀一部賜道庠道庠不解持以

問伸伸叱曰熬獠韓信誅而彭越醢皆在此書
宜審讀之道庠乃悟中宗聞伸言以為洩漏已
意逮下獄與道庠同日棄市夷其族

趙純節大寶時官內侍監性恬淡惟給事禁庭
恪盡職守不喜侵漁朝政時陳延壽龔澄樞權
傾中外李托尤恃椒房親專擅國柄中官爭攀
附之黨結益固純節雖與共事意獨不善其所
為遇事輒自退謝酷愛植芭蕉樹軒庭檻砌間
南漢書 卷十五 九

皆滿時人以蕉迷日之

許彥真後主時為內侍監性酷詐尤工讒間尚
書左丞鍾允章惡宦官亂法請後主稍除之彥
真懼誣允章謀叛誅死遂與龔澄樞同獲柄用
又密結先朝李麗妃為內援自是益無顧忌既
而妬澄樞居已上權屢被侵因相傾軋澄樞意
積不平會有告彥真通麗妃澄樞力發其事彥
真疑謀出澄樞與其子計圖之澄樞遣兩班將

軍王仁遇告彥真父子謀反逮下獄族誅之

陳延壽大寶時宦官與龔澄樞輩結心腹交弄
權賣法後主弱年襲位盡委朝政使代剖決延
壽作諸淫巧日費數百萬多方蠱惑見桂王璇
興已長恐遂柄用分已權乃密奏後主言先帝
得傳陛下由盡殺群弟後主然之因便慫恿稍
誅諸王而先殺璇與時才人盧瓊仙最有寵亦
出預外政延壽憑以為奸又引樊胡子入宮妄
南漢書 卷十五 十

陳福福使作玉皇言延壽等皆上天命來輔爾
當盡心委之無得妄有疑慮後主信彌篤由是
內外淫亂朝章大壞國亡後不知所終

南漢書卷十五終

南漢書考異卷十五

順德梁廷枏章冉撰

吳懷恩傳

為內府局丞遷內常侍授宮闈諸衛押番加開府儀同三司西北面招討使就加桂州管內招討使特進內侍上柱國進封濮陽縣公

十國春秋止云官內常侍進開府儀同三

司西北面招討使金石萃編西鐵塔銘按

南漢書考異 卷十五

云謝中丞啟昆粵西金石畧載蒼梧縣感

報寺銅鐘亦南漢乾和十六年行內侍吳

懷恩所鑄其題銜皆吳任臣所未及今按

鐘款題萬華宮使桂州管內招討使特進

內侍上柱國春秋固為失考然九國志亦

止云晟襲位授宮闈諸衛押番乾和六年

加開府儀同三司西北面招討使與鐘款

亦多不合今從九國志且依鐘款補之又

南漢內官多領宮使或有數宮並領者蓋

在當時為散官與宋諸觀提點相似當無

一定品級隨時可授鍾款所題萬華宮使

其授自何年已不可考傳中不可強隸今

姑從缺

邵廷瑁傳

連州桂陽人

九國志作循州人今從連州志按連州於

南漢書考異 卷十五

晟乾和九年始入南漢廷瑁在龔時已選

為黃門則仕南漢在連州未取之前也

為內謁者

十國春秋百官表南漢內官無內謁者之

名按舊唐書內謁者監六人正六品下宋

史張傳晟時稍增內常侍諸謁者之稱蓋

倣唐制而設春秋失考也今從九國志

遷內府局令內常侍加開府儀同三司東西而

招討使

十國春秋傳止云內常侍不敘其他官自註引南海古蹟記云東莞鎮象塔禹餘宮使邵廷瑁造廷瑁官名更見於此今按鎮象塔尙有招討使行內侍監上柱國等銜而禹餘宮使及廷瑁名字均已剝蝕不可考今歷官但依九國志書之

今真主已出陛下未嘗遣一介之使一旦兵至

南漢書考

卷十五

三

何以禦之

南海古蹟記云否則宜歛兵自守歐史云勸張修兵爲備按廷瑁勸張言諸書互有詳畧今從九國志

投無名書言廷瑁反

南海古蹟記作張疑廷瑁必叛無投書告反事今從歐史

鄧伸傳

五國故事作申今從歐史

乾和時爲內侍位至特進

通鑑九國志並作官特進惟五國故事作內侍按南漢貴瑤多授特進者今從故事與陳道庠父瑤有舊

十國春秋伸父瑤與陳道庠舊友也按九國志道庠父瑤唐末避亂於封州隨隱入廣州遷雄虎將軍鄧伸與瑤有舊據此則

南漢書考

卷十五

四

瑤爲道庠父非伸父也春秋誤又歐史道庠懼其友鄧伸以漢紀遺之以伸爲道庠友不云瑤友也今從九國志

許彥真傳

爲內侍監有告彥真與麗妃通者與其子計圖之

歐史止云宦者許彥真十國春秋事申宗父子爲內侍監今從之或以彥真有子且

人告其通中宗李妃因疑彥真非內監按西鐵塔銘鄧氏三十二娘南漢春秋謂龔澄樞妻澄樞而有妻又何疑於彥真之有子乎南漢職官多自闈求進彥真之爲內監其自幼供事內庭與否書無明文或未官時先已娶妻生子後乃投身爲闈宦未可知也私通一事雖未經按治情偽尙無憑信然首告內監私通嬪御古所希聞據

南漢書考

卷十五

五

續通鑑云澄樞發其事彥真懼則當時蓋有可以動聽者南漢內職最多其異聞正復不少卽此已令人不可解固不獨師保令僕之能駭人聽聞也

陳延壽傳

又引樊胡子入宮

五國故事委政內官龔澄樞及才人盧瓊仙又引巫樊胡子言玉皇大帝附其身似

樊胡子之入宮爲澄樞二人所引不云延壽也今從歐史並宋史又延壽宋史作延受今從歐史

南漢書考

卷十五

六

南漢書考異卷十五終

南漢書卷十六

順德梁廷枏章冉撰

列傳第十

宦官傳二

潘郭龔李薛余樂列傳

潘崇徹咸寧人事高祖為內侍省局丞讀兵書頗有鈐畧乾和中率兵攻郴州時南唐將邊錡據湖南援兵至義章與崇徹遇崇徹令裨將康

南漢書

卷十六

一

崇保分兩翼掩敵大破其眾遂定郴管逾年潭州王逵起眾五萬圖復郴州崇徹領所部赴之遇於壕石逵軍遠至疲乏不能陣崇徹登壕望見笑曰軍懈若此可一鼓擒也乃揮兵縱擊斬首萬餘級伏尸至八十里逵敗走中宗嘗命招討使吳懷恩伐桂州平之大寶中懷恩部下亂為所害命崇徹代統其眾加西北面招討使歲餘後主頗中於飛語遣薛崇譽監其軍覘之且

戒崇譽曰崇徹果有異志可即軍中斬其首以號眾崇譽至崇徹戒兵自衛始出見崇譽懼不敢發還白後主曰崇徹在軍旦夕領伶人百餘衣錦繡吹笛為竟夜飲不恤軍政後主大怒將逮治之會崇徹以單騎來歸束身請罪後主但奪其兵柄釋不問自是居常抑鬱不得志既而宋將潘美等來攻師次賀州刺史陳守忠告急是時舊將多以讒構誅死宗室可統軍者又翦

南漢書

卷十六

二

滅殆盡諸將率驕懦不可恃後主詔廷議咸請起用崇徹崇徹辭以目疾後主怒即遣伍彥柔領眾禦宋已而彥柔遇伏死賀州遂失後主始惶迫加崇徹內太師馬步軍都統領眾三萬戍賀江宋師攻昭州急警報叠至崇徹但擁兵自保不肯出援聞英雄二州相繼陷知國不復能守率所部眾詣宋軍降入宋太祖聞其不為後主用特赦之授汝州別駕尋卒

郭崇岳番禺人宮嫗梁鸞真養子幼爲闔豎頗
慧黠善伺人意乾和中爲內侍監後主嗣位遷
內侍中太微宮使大寶十三年宋將潘美以兵
來攻韶州都統李承渥領數萬衆出韶陽爲所
敗後主震駭顧諸將莫可使者計無所出晝夜
不復寧居鸞真知之密薦其子有將畧可用卽
授招討使使與大將植廷曉各統所領兵守馬
逕去與王府裁百餘里宋師進至瀧頭越日過

南漢書

卷十六

三

馬逕與崇岳寨相距十里前軍摩壘挑戰崇岳
本乏謀勇其統卒又半屬韶英敗傷亡虜之餘
畏敵鋒銳各瑟縮無鬪志廷曉屢請於崇岳欲
引本部拒戰崇岳不可但日禱祀鬼神求却敵
誠將士自固壁壘未幾宋師進益急後主無計
乃遣正王保興率百官將詣宋營求降道過崇
岳寨崇岳堅阻之不使達保興因盡起國內兵
來助戰崇岳仍主守議廷曉力爭始強出語詳

廷曉傳於是廷曉領前鋒據水列陣崇岳退後
美等師濟廷曉力戰死崇岳望寨奔還美謂其
轉運使王明日彼編竹木爲柵若篝火以攻必
致擾亂因其亂而夾擊之萬全策也遂分遣丁
夫持二炬間道造我柵會暮夜萬炬俱發先是
南風甚勁美軍至風勢卒轉烟埃益起軍中惶
遽不知所爲崇岳爲亂兵所殺

南漢書

卷十六

四

爲內供奉官累遷內給事乾和中甘泉宮使林
延遇病且死薦以自代卽日擢知承宣院兼內
侍省已改龍德宮使兼德陵使玉清宮使後主
嗣位加特進開府儀同三司行內侍監上柱國
封武昌縣開國男食邑三百戶時後主喜親宦
官澄樞貌爲廉信小心將事倚任最篤兼萬華
宮使授驃騎大將軍改上將軍左龍虎軍觀軍
容使進內太師澄樞與陳延壽等專恣內外引

女巫樊胡子入宮使以妖言惑後主語詳延壽傳繼與許彥真爭權不相下以計誣殺彥真自是軍國重務一歸掌握思峻刑以服衆因置酷法之具少有過犯輒榜掠無完膚民益苦之而莫可更訴時宦官雖掌兵柄然城壁壕隍但飾爲樓池宮室兵器甲械皆腐敗不治大寶十三年宋將潘美師至白霞後主遣澄樞馳驛往賀州宣慰戍卒久在邊多貧乏聞澄樞至以爲必南漢書 卷十六 五

大賞資皆歡躍引領待已而澄樞出空詔撫諭衆皆解體美等遂得連勝旣逼興王府城澄樞謀於崇譽等曰北軍之來不過利我國珍寶耳今盡焚之使得空城無以守必不能久駐當自還也乃縱火焚宮殿府庫一夕皆盡及後主出降澄樞被執同糜龍德宮旣而送歸汴京斬於千秋門外初高祖改名龔有術者謂他日恐有此姓敗國至是果如所言

李托封川人少稱謹愿好習騎射初事高祖爲內府局令中宗嗣位遷內侍省內侍充宮闈諸衛押番兼秀華宮使大寶初改玩華宮使內侍監兼甘泉宮使後主廣選嬪御托所養一女皆有色進之長封貴妃次封美人詔百官事無大小皆稟托旨加特進開府儀同三司行內侍監上柱國拜內太師六軍觀軍容使行內中尉遷驃騎上將軍封開國伯食邑七百戶時後主好事佛祈福庇建武節度推官阮紹莊夢韶州故僧文偃以拂子招之云吾在塔多年汝可言於李特進爲吾奏請開塔時托奉敕在韶州設諸寺齋供紹莊醒以語托托卽上聞有詔開塔迎骨骸入宮中逾月復令托將歸原所值後主乾德節作佛事命托採烏金於興王府城法性寺鑄千佛塔輪相莊嚴後主大悅由是倚託加隆一時權勢赫奕尤在龔澄樞陳延壽諸人上宋

南漢書 卷十六 六

師既陷韶城統軍李承渥敗走刺史辛延偃遣人間道勸後主納欵托力持不可及被擒至宋京太祖遣責問托及澄樞等曰前大軍致討爾國已約降復率眾來拒戰軍敗又縱火焚燒府庫首是謀者誰托懼不敢對諫議大夫王珪直前唾罵之乃伏罪語詳珪傳與澄樞崇譽同日棄市

薛崇譽曲江人善孫子五曹算術事中宗爲內

南漢書

卷十六

七

門使兼太倉使時國用日蹙離宮巡歷遊幸費歲耗不貲崇譽握算持籌較量出納頗盡心力後主嗣位遷內中尉加特進開府儀同三司簽書點檢司事大寶中吳懷恩死以潘崇徹代之後主以蜚語疑崇徹遣崇譽使其軍就中伺察虛實崇譽還奏遂奪還崇徹兵權宋師圍賀州守土官告急羽書馳報不絕邊境震動後主既遣龔澄樞撫慰賀州士卒復使崇譽往桂州畫

守備計逾年師臨興王府崇譽因澄樞言力主焚棄倉廩語詳澄樞傳人汴後太祖宣暴其罪命攝大理寺卿高繼申引於千秋門外斬之

余延業大寶中爲內常侍體質么麼性拙率口不擇言宋將丁德裕等以兵攻郴州城時延業與同輩十餘人在圍城中城陷被獲部送汴京太祖召人問曰爾在嶺南爲何官對曰臣在國爲扈駕弓箭手官太祖命授之弓矢使射延業

南漢書

卷十六

八

極力控弦不能開太祖因笑問爾主政治何如延業備言後主作燒煮剝剔諸刑令罪人搏虎擊象賦歛煩重百姓入城者人輸一錢置媚川都令民入海取珠所居宮殿皆飾珍寶又歲時遊幸派豪民貲供宴犒太祖大驚曰吾當救此一方民既而果命師來伐嶺表平罷媚川都禁民不得採珠廢後主所制大量令民每石輸耗僅二升嶺民便之咸謂延業一言爲首功云藍

繼宗字承祖咸寧人幼以宦豎給事後主年十二隨後主入宋遷為中黃門官至邕州觀察使卒贈安德軍節度使諡僖靖事具宋史

樂範少為宦者官至開府儀同三司大寶末宋潘美等破英雄二州進屯雙女山下後主聞報失措議欲為浮海計選大船十餘載其後宮妃嬪及內庫金寶遲未即發範知必亡密誘宿衛軍士千餘人竊船舶先逃入海自統衛兵為帥

南漢書

卷十六

九

後主既歸宋逾歲範將圖復嶺南約後主故將容州都指揮使鄧存忠韶州賊帥周思瓊春恩道都指揮使麥漢瓊等分據五管之地負嶠作亂範自海率舟師應之時美為嶺南道轉運使與尹崇珂同知市舶向駐師廣州分兵進剿太祖復遣中使李神祐來督戰數月悉平其黨嶺表遂安

南漢書卷十六終

南漢書考異卷十六

順德梁廷枏章冉撰

潘崇徹傳

咸寧人

宋史傳九國志傳皆云南海人按南漢分南海為咸寧常康二縣十國春秋作咸寧人不知何據今姑從之

懷恩部下亂為所害

南漢書考異 卷十六

宋史吳懷恩為部下所殺九國志懷恩傳區彥希運斤斬之十國春秋云懷恩召歸宿衛命崇徹代其任誤

加西北面招討使

宋史作西北面都統今從九國志

遣薛崇譽監其軍視之

宋史張頌疑崇徹遣薛崇譽使其軍以察之九國志見疑於張遣郭崇岳來覘薛崇

譽監其軍崇岳至崇徹知其意悉以所部兵自衛以見崇岳不敢發據此似崇譽止來監軍而來伺察還報者別爲崇岳也按續通鑑開寶三年以宮媼梁鸞眞薦始用崇岳爲招討使事在崇徹復用之後此時何得有使覘崇徹事九國志誤今從宋史會崇徹以單騎來歸夷身請罪

宋史止云銀怒奪其兵柄不云崇徹自歸

南漢書考 卷十六

請罪按當時後主方信崇譽言如當盛怒召歸必不止奪去兵柄當以其自歸請罪恕之也今從九國志

加崇徹內太師馬步軍都統領厭三萬

九國志作乃加內大司馬步軍都統今從續通鑑宋史領兵五萬成賀江續通鑑九國志並作三萬今從之

英雄二州陷率眾詣宋軍降

九國志王師度馬逕崇徹請降歐史開寶四年正月平英雄二州張將潘崇徹先降續通鑑王師克英雄二州南漢都統潘崇徹來降按續通鑑克二州後進次瀧頭南漢請和美等復進至柵口乃度馬逕歐史續通鑑皆以崇徹請降在克英雄二州後九國志在度馬逕後誤

宋授汝州別駕

南漢書考 卷十六

按宋史張傳初龔雖任中官其數裁三百餘位不過被廷諸局令丞至晟時千餘人稍增內常侍諸謁者之稱至張漸至七千餘有爲三師三公者但其上加內字今崇徹始爲內侍省局丞進內太師則爲宦官無疑矣或疑崇徹倘果內官則歸宋後不應復領外任然以宋史宦者傳考之宋初諸內侍多有從征伐爲防禦等使者中如

藍繼宗亦先事張為宦者歸朝累官會州刺史邕州觀察使則崇徹以內官授別駕固無足異也

郭崇岳傳

大寶十三年潘美等來攻韶州

諸書皆作十三年惟九國志崇岳傳作十二年誤

鸞真知之即薦其子有將畧可用

南漢書考 卷十六

四

宋史張傳云師至白霞刺史陳守忠告急

張乃遣李托往韶州郭崇岳往桂州畫守

禦之策歐史亦云遣崇岳守桂州惟東都

事畧注薛崇譽往桂州不云崇岳也按續

通鑑宮媼梁鸞真薦其養子郭崇岳可用

乃以為招討使事在大寶十三年十二月

是年九月宋師次白霞張已分遣人戍韶

桂賀等州時崇岳尚未為將安有先守桂

州事今從事畧

龔澄樞傳

事高祖為內供奉官遷內給事知承宣院兼內侍省改龍德宮使兼德陵使王清宮使加特進開府儀同三司行內侍監上柱國武昌縣開國男食邑三百戶授萬華宮使驃騎大將軍改上將軍左龍虎軍觀軍容使進內太師

宋史澄樞傳無王清宮使十國春秋無行

南漢書考 卷十六

五

內侍監上柱國西鐵塔銘無特進及萬華

宮使驃騎大將軍上將軍左龍虎軍觀軍

容使內太師武昌縣開國男食邑三百戶

等銜陳守忠雲門山碑亦無諸將軍及內

太師銜塔款作於大寶六年五月雲門山

碑作於大寶七年四月碑題銜與塔款同

止多封爵食邑知爵邑之賜在六年五月

後七年四月前而授諸軍官銜及進太師

則在七年四月以後矣又通鑑宋史皆稱
澄樞兼內侍省阮通志云省者寺署監者
其官南漢承唐梁之制內侍省有監有內
侍而未嘗稱其官為內侍省宋史通鑑及
十國春秋稱澄樞為內侍省似並誤監為
省云云今按唐六典內侍省內侍四人從
四品上新唐書百官志內侍省監二人從
三品註云天寶十三年置內侍監則天寶

南漢書考 卷十六 六

後始稱監不稱省矣然考五代會要後唐
同光元年以左監門衛將軍判內侍省李
紹宏兼內局是五代時稱省之證南漢乾
亨寺鍾欵題守內侍省內府局令賜紫金
魚袋梁延康是南漢稱省之証當時省監
原可通稱澄樞蓋以知承宣院兼內侍省
監宋史偶省其文耳又按舊唐書職官志
凡九品以上職事皆帶散位謂之本品職

事則隨才錄用或從閑入劇或去高就卑
遷徙出入參差不定又武德令職事解散
官欠一階不至為兼職事卑者不解散官
貞觀令以職事高者為守職事卑者為行
仍各帶散位其欠一階依舊為兼與當階
者皆解散官永徽已來欠一階者或為兼
或帶散官或為守參而用之其兩職事者
亦為兼頗相錯亂

南漢書考 卷十六 七

原註欠一階之兼古念
反兩職事之兼古恬反
字同音異今宋史稱兼內侍省碑塔並題行內
侍監蓋前後兩官前以知承宣院兼內侍
省監後以開府儀同三司行內侍監宋史
誤以兩官合為一官也又阮志傳委任其
政於澄樞特進開府儀同三司特進上無
加字釋其文又似作遷授之義解亦誤

李托傳

兼秀華宮使 至 食邑七百戶

歐史大寶五年銀以宦者李托養女為貴
 妃專寵托為內太師續通鑑建隆三年南
 漢主納李托二女拜托為內太師二書皆
 云拜內太師在五年進女時而大寶七年
 雲門山碑題銜無之則碑未題全銜也大
 寶十年東鐵塔記題開國伯食邑七百戶
 雲門山碑於龔澄樞銜亦題封爵食邑而
 托獨無之知封邑在七年後也又南漢春

南漢書考 卷十六 八

秋引塔銘作食邑十萬戶今拓本則明云
 七百戶按澄樞封男爵食邑三百戶托封
 伯食邑自應稍隆然斷無加至十萬戶者
 春秋據寺僧寫本其誤易明

薛崇譽傳

命高繼申引於千秋門外斬之
 明一統志崇譽曲江人宋太祖遣師克廣
 州崇譽義不降後被執死之據宋史銀傳

銀又遣其弟保興率百官奉迎為郭崇岳
 所遏李托傳辛延渥間道遣人勸銀降托
 堅阻其議續通鑑上遣呂餘慶劾問翻覆
 及焚府庫之罪銀歸罪於龔澄樞李托薛
 崇譽上復遣使問澄樞等皆俛首不能對
 上命引澄樞托崇譽斬於千秋門外按當
 時不欲降宋者止郭崇岳李托二人非崇
 譽也崇譽被擒瑟縮畏罪獻俘駢斬與懷

南漢書考 卷十六 九

慨就義迥殊明統志云然誤也

余延業傳

通鑑作韓延業今從東都事畧及宋史

南漢書考異卷十六終

南漢書卷十七

順德梁廷栢章再撰

列傳第十一

廷栢曰世言南唐之亡因惑於浮屠氏以子讀陸氏書小長老自北至說後主多造塔象以耗其帑庾為不祥語搖惑其眾復請造寺千餘間宋師既來即其寺為營又有北僧立石塔於采石磯宋以浮橋繫塔渡明明為間而信之奉之

南漢書

卷十七

一

故卒至於敗而不可救南漢不然如敏文偃以下不過演曹溪支流鼓其機鋒致人主欽崇使興其教而大其宗而已非有好詐煽誘之足以亡人國家也倘後主即其地獄天堂之說以堅其祈福禳禍之心因是而去暴刑減課稅奉佛之虔百姓之利矣蓋後主之信之猶未篤也信之未篤然後招方士鍊藥以求長生夫已則求長生而盡置其赤子於死地天下有此神僊哉

作方外傳

方外傳

黃勵大有末官正州刺史是時高祖用刑嚴酷民犯者刀鋸備試制法既定下其式於諸州勵不忍用辭職歸入羅浮山下地於水簾洞左築室居焉務雲華野人之名因亦自號黃野人嘗獨處山中逢一羽客至授以丹術依訣修鍊遂得道時服黃衣繫皂絛腰懸玉瓢出遇病者輒

南漢書

卷十七

二

以藥投之立愈後飛昇去人各其地曰書堂坑莫公賀州富川人不知其各自號爽朗道人幼好道七歲辭母入石巖中終年跣趺靜坐鮮與外間人接年二十自謂能空明寂滅一夕伺之忽失所在疑其冲舉去矣

甘佃象州人性靈異言人禍福無不奇中家素豐厚有以匱告者輒探囊中金予之皆滿所欲而去忽一日聚鄉里告曰吾久處塵世今已厭

之將行矣因舉修身事親諸大端對衆縷述妮
妮不倦言畢瞑目逝鄉人肖貌祠之號曰廿大
將

暨濟物字子虛不詳何地人少講求黃老術隨
朱法師遊吳越居餘杭縣之大滌山剝垂象樓
三間積書千卷日事著述每講貫元學聞者輒
嘆服吳越王召與語大悅接待有殊禮屢欲為
賜度弟子濟物辭曰山中獨居久頗樂閒靜不

南漢書

卷十七

三

願有徒嗣也既而語人曰吾不久歸羅浮石樓
矣一日去不知所之

石仲元字慶宗號桂華子後主時居桂州七星
山有詩云石壓筍斜出岸懸花倒生楊徽之守
湘源甚賞之日為玉方響將歿謂徒曰昨夢得
句地連錦野東西去水接朱川次第來此吾有
生之患榮謝當然因出詩三百餘篇屬代傳之
烏利道人不知何許人時稱之日烏利遊方至

西樵山耽噴玉巖之勝構屋棲焉辟穀食能用
禁咒於所居側闢園遍植茶株晚喜燒煉巖下
有丹井二泉水赤白各一丹成遂羽化山家人
卽其地祀之甚著靈異

陳代仁連州人家下盧鄉之瀧口少貧有親年
皆老代仁日入山樵採歸就市鬻之得錢具酒
肉為養遠近稱其孝一日出樵於養父嶺見二
道士對奕代仁立觀良久道士飲酌殊不顧局

南漢書

卷十七

四

終乃舉所食殘桃子之日汝孝養通靈故以仙
果餌汝又授以一盒封識甚固囑曰歸可啟視
依法賣卜當不憂洗腆也代仁持至家窮日夜
習之盡通其術設肆市上以卦決人休咎無不
中嘗於山下叢簿中置小祠懸巨鐘山頂作仙
翁壇古木上貫一鐵鐘相去十里許每日代仁
至擊其一則兩鐘並鳴其地最幽僻遇旱潦人
有所禱非齋戒不可入夜靜風恬輒聞鐘聲後

棲白鶴山不知其究竟

黃步松亡其所自隱居麀腦山喜談爐火而未得其要久之遇道流指授頓悟燒丹既成服之白日翀舉去人名所居曰遇仙洞側有丹井積水至深冬不涸竭取頃復滿飲者皆得上壽

陳金少隸鎮南節度麾下爲軍士從劉信圍處州私與其徒五人發一大塚棺甫啟見白髯老叟如生人隨有白氣自墓衝出直上香甚烈棺

南漢書

卷十七

五

蓋上有物如粉金掬取衣包之歸營衆迎問香氣所從來金知有異且輒汲水浸食至盡城平八僧舍偶述其事僧曰此城中富人之遠祖生時有敎餌硫黃者云數盡當死死後三百年墓開卽解化之期今其時也金復邀僧往視老叟已失惟衣尙存若蟬蛻自是無病後入南海爲清海軍小將年七十餘輕健如故不知所終番禺村女大寶時人本農家女隨其母餉田忽

雲雨晦冥及霽失女所在母哭遍求之不可得後月餘復晝晦雨止庭中陳列筵席有鹿脯乾魚果實酒醢甚豐媿女盛服至母驚喜持之女自言爲雷師所娶將至石室中親屬婚禮一如人世今暫使歸不可再矣其母問雷郎可見否曰不能留數宿一夕風雨甚復失之

譚氏二女不知其父少嗜黃老術大寶初相挈入誕山莫知所之值天大旱同里禱雨不得二

南漢書

卷十七

六

女忽偕至謂里翁曰能餉我卽爲汝作雨翁未之信姑如言餉之二女辭去甫行雨果大沛如注翁追覓不復見跡至誕山下呼之山上作應聲上山不見又呼之則轉在山下尋聲得一巨石四周光潤無草木携所遺衣帶歸自後居人入山恆見二女並坐石上櫛髮山麓有泉湧出味甘冽病中啜者汲飲立愈因立廟焉廣南僧不知其名烈宗偶出獵至僧所踞坐如

故前騎告之曰來者大王也盍起迎之僧曰非但大王來佛來亦不起左右以告烈宗就問曰佛非汝師乎僧曰然烈宗曰見師爲何不起對曰卽起亦未足酬恩也

僧如敏福州人棲韶州靈樹山烈宗署爲知聖大師禮意隆重或問佛法至理若何如敏但展其手又問師年多少答曰今日生來朝死居靈樹四十餘年異跡頗著高祖初稱帝將事兵戎

南漢書

卷十七

七

詣如敏院使決進止未至如敏已先知之忽一日召其徒語曰吾已不久住世滅後必遇無上人爲吾茶毘因畱一緘使俟駕至進之逾年遂坐逝高祖適至驚問其徒曰師何時得疾對曰師無疾適遺一緘令呈陛下高祖啟函得一帖云人天眼目堂中上座高祖悟遂決意寢兵命火其尸得舍利無數賜號靈樹禪師詔塑其形於方丈祀之

僧文偃嘉興人姓張氏爲晉王同東曹參軍翰之十三代孫生而聰慧總角卽慕出家投空王寺志澄座下爲童子受戒常州壇教之經偈一覽未嘗遺忘居久之聞睦州道蹤爲黃蘗宗派關鑰高險乃辭志澄往謁抵道蹤舍數月偶他出歸扣門道蹤問爲誰文偃以名對道蹤開門問頻頻來作甚麼文偃曰學人已事不明道蹤曰秦時轆轤鑽因以手托出閉門文偃由是大

南漢書

卷十七

八

悟畱數年持行益堅道蹤語之曰吾不能爲汝師矣盍去此遂入閩泰雪峰時雪峰大會禪衆千餘方說法見文偃甚器重之一僧問雪峰如何是觸目不見道運足焉知路雪峰曰蒼天僧不達私問文偃文偃曰三斤麻一疋布僧後還語雪峰雪峰曰我常疑箇布衲於是密有傳授未幾辭去遍謁諸山其後雪峰將死門人集問和尚佛法付誰雪峰曰遇松偃處住蓋隱指文

偃也最後遊曹溪抵靈樹山謁如敏先是如敏住靈樹二十年不立首坐忽令擊鐘召衆僧使速延首座及出迓則文偃行脚適至一見如膠漆乾亨二年高祖幸靈樹時如敏先逝召文偃入對賜紫衣令於本州開堂說法道俗數千問答嚮應州官何希範問曰弟子請益文偃曰目前無異草自是問禪者日益衆文偃倦於延接奏請移居許劄寺雲門山賜名光泰禪院已而南漢書

卷十七

九

一時出禮文偃曰三人一狀有問禪者曰正好辨有問道者曰透出一宗或問以祖意曰日裏看山有纜跨門者卽以杖打之忽謂其徒曰來去是常吾當行矣適侍者捧湯至文偃舉湯椀付之曰第一是吾着便第二是汝着便語畢促令繕備遺表復自書札曰吾滅後弗可效俗教衣孝哭泣備喪車之禮致紊禪宗遂躡足而逝時乾和七年四月也塔全身於方丈大寶六年南漢書

卷十七

十

詔使入朝高祖問如何是禪文偃對曰聖人有問臣僧有對復問作麼生對曰請陛下鑒臣前語高祖大悅授左右街大僧錄不謝侍臣代表奏言師修行已知蹊徑不樂榮祿乃放歸山出內帑銀絹香藥賜之加號匡真大師中宗嗣位復迎入內殿賜六銖衣一襲他物稱是改賜所居曰瑞雲院經月始還雲門嘗見衆集久文偃徐曰汝若不會三十年莫道不見老僧時有三僧匡聖宏明禪師

僧竟欽姓王氏蜀之益州人初投峨嵋洞溪山黑水寺爲釋子年二十一具戒巡禮居數年間高祖稱號崇重西教來遊嶺表時文偃領衆開雲門山叅學歲千人竟欽入謁與語盡得其指歸嘗爲雲門募修大藏函帙完具喜韶州雙峰山清勝創興福寺遷焉營置皆出己囊寺旁植松蔭數十里廣置田庄與靈樹之知聖光運之證誓靈鷲之景泰及雲門文偃並受高祖寵遇

南漢書

卷十七

十一

中宗嘗召問禪機應對敏捷加元辨妙用無量清淨廣悟慧真之號賜磨衲方袍其他僧服多雜以綿綺大寶中送文偃內身入闕留內庭受供恩渥逾常旣而辭歸將死預作身塔畢工聚緇流夜話焚香合掌而逝

僧實智名清裔不知其所自中宗信奉佛法乃範銅爲羅漢像十八軀詣闕獻之有旨召對喜其器識高遠於碧玉院備浮屠氏威儀使升座

說法中宗自西向坐聽之旣而詔自選勝地奉像焚修實智因請得月華山開建寺院從之落成賜名花界

僧實性姓陳氏初名志庠封州人受記曹溪稱雲門嫡嗣文偃將死召付以法實性禪機圓朗能脫然聲利頗爲後主所禮嘗召至闕賜於韶州開山建刹名白雲因以爲號人稱曰白雲禪師實性之後有志文契本達真妙光惠龍五世

南漢書

卷十七

十一

皆傳燈具眼契本居溫門山號感悟大師大寶中部署文偃內身入都留居內庭厚被賞賜章禪師有禪慧亦文偃弟子中宗嘗問如何是禪良久不對中宗莫測其指因賜號曰禪想

僧性實名子祥亦文偃法嗣也實性奉勅開白雲山延性實同住善繼雲門禪乘能不墜其宗風初居慈光院中宗召入問祖意教意同異奏對稱旨及遷白雲將示滅白衆曰此去卽他方

相見言已跌坐而逝

僧聰公新州人姓譚氏少具佛性投南華寺爲沙彌持律嚴謹夜夢惠能謂曰吾今夜半當有難惟汝能救醒而惠能塔院被火寺僧移塔莫能舉聰趨入昇出山門外衆稱異已而欲航海往吳越叅普陀又夢惠能云我昔有難得汝護我今汝南行我來爲汝說偈逢東則住逢林則止早結菩提緣能救衆生苦聰覺密記其語至

南漢書

卷十七

三

清遠東林寺止焉日於寺西採蘆葦造大筏積至數百維於江濱人莫測其意未幾賊入境邑人將避賊南岸無舟賴筏以濟賊退競攜金帛來謝求之不見最後於竹林得之已坐逝矣僧徒爲土像奉於寺

僧贊聖姓盧氏名道倫新州新興人童年出家遊雲門山師事洪智後返新州住延長山移住龍境山法相禪院無疾而逝邑人歛貲助其徒

塔埋之逾三年塔忽自裂光皎四射衆驚啟視

皮肉作金色事聞後主贈洪直廣福贊聖大師僧達岸名志清姓梁氏新州人幼聰慧九歲從師受孝經過目成誦歸語其母曰孝經何如佛經孝經不過顯親揚名佛經可超生死能令九世生天勝顯揚多矣遂懷出家志十二拜慧濤座下爲弟子披剃後發願叅方先向雲門受文偃戒尋至曹溪謁惠能像最後抵興王府住法

南漢書

卷十七

西

性寺後主偶遊幸見之召與語賜玉環銀鉢金欄袈裟一日渡城西河阻風登南岸愛其地僻奏請移居後主爲發帑藏建寶光寺使駐錫焉於是大闡宗乘叅學至者舍不能容多就田間結廬居死時靈光燭一室久之乃散

僧善會姓廖氏清遠人九歲隨父客遊潭州於龍牙山出家旋往江陵聽經因叅華亭僧德誠頗獲禪悟歸住峽山不知其終

長壽寺尼本宗室女不知其所生性好佛不樂富貴屢求剃度為尼因卽梁寶莊嚴寺地更為長壽寺使居之

南漢書

卷十七

五

南漢書卷十七終

南漢書考異卷十七

順德梁廷枏章冉撰

黃勵傳

大有末官正州刺史

勵官正州刺史年月無考惠州府志石晉時南漢據百粵勵為正州刺史按晉高祖天祐元年卽南漢大有九年據惠志則勵官正州當在是年後也

南漢書考異 卷十七

自號黃野人

明一統志羅浮山王野人五代時惠州按卽

南漢刺史按博羅縣志云又有王野人者

名觀惠州府志引李翔云王野人名體靜

同州人兩野人皆王姓非黃也明統志云

王野人惠州刺史誤又按谷音云葛洪弟

子亦號黃野人則為晉時人洪畱舟於羅

浮服之遂為地行仙勵蓋以己亦姓黃且

隱羅浮故相慕而同其號也又明統志魚
肉道人生於宋大觀中手足攣縮瘖不能
言遇異人以藥一粒納口遂能言語動作
知隱事遇武當孫坦先生曰羅浮山王野
人五代時惠州刺史棄官學道宜往拜之
道人至羅浮緣藤上崖見野人踞坐拜而
拱立野人曰子可教取魚肉與之道人自

此能食生肉

按此與洪邁奇
堅志互有詳畧

博羅志勵傳

南漢書考 卷十七

二

云後又度蘇庠成仙語在吳興陶安世所
撰蘇後湖遇黃真人記勵至宋末猶存人
多見之者按兩事皆在南漢後事今附記
於此

莫公傳

賀州富川人

十國春秋作昭州富川人按方輿類纂富
川縣隋初屬賀州大業初州廢改屬始安

郡唐武德初年仍屬賀州天寶初改為富
水縣尋復故宋因之據此則南漢時富川
屬賀州春秋地理表既以富川屬賀此又
云昭州富川自為矛盾又春秋莫公甘佃
皆不著時代南漢春秋並作高祖時人今
以次黃勵後

陳代仁傳

家下盧鄉之瀧口

南漢書考 卷十七

三

阮通志引廣東名勝記云陳代仁里人也
不知所謂今從連州志又連志作唐人通
志作南漢人傳在黃損後按連志黃損亦
作後梁人知其所繫年代間未盡確今從
阮通志

黃步松傳

亡其所自

十國春秋或云乾和初中宗所遇道流卽

步松也按鍾允章雲華御室記云有一道流衣短褐歛容而至自稱野人本無姓名又云野人逶旋踵隱入石縫間罔知厥止據此則當時野人已自隱其姓氏一去絕踪其為步松與否從何聞悉不知所據今姑闕疑

陳金傳

金後為清海軍小將

南漢書考 卷十七

四

稽神錄云今為清海軍小將按晁公武讀書志載徐鉉自序自乙未歲至乙卯凡二十年則始於後唐廢帝清泰二年迄於周世宗顯德二年金入南海時無年月可考當在乙未以後也

番禺村女傳

大寶時人

稽神錄云庚申歲事按徐鉉自序是錄為

乙未後乙卯前作庚申為宋太祖建隆元年即南漢大寶三年後乙卯已五年矣當為此二十年中庚子庚戌之訛也

譚氏二女

大寶初

南漢春秋大寶末譚氏二仙女飛矛於山今從十國春秋

廣南僧傳

南漢書考 卷十七

五

烈宗偶出獵至僧所

按隱遇僧時不知其年據十國春秋云左右報大王來通鑑隱封大彭郡王在開平元年今左右稱隱大王事當在是年後也

如敏傳

逾年遂逝 十國春秋高祖初立有事於師旅將詣院

決臧否如敏已先知恬然坐逝及高祖至

驚問何時得疾按雷嶽文偃塔銘云丁丑
知聖大師召學徒曰吾滅後必遇無上人
爲吾茶毘至戊寅高祖天皇大帝巡狩韶
石幸於靈樹知聖遷化陳守中雲門山碑
亦云戊寅歲知聖大師順寂恰遇高祖天
皇大帝駕幸韶陽是先一年丁丑與其徒
語知高祖必至明年戊寅死而高祖適來
也春秋未明哲今從碑補之

南漢書考 卷十七

六

文偃傳

州官何希範問曰弟子請益

十國春秋後繼如敏開堂高祖親臨請益
文偃曰目前無異路高祖大加欣賞據陳
守中雲門山碑云高祖駕幸韶陽師是時
奉詔對敷便命說法次年又賜於本州爲
軍民開堂師據知聖筵說雪峯法牧守何
希範禮足日弟子請益師曰目前無異草

按碑作對何希範語與雷嶽撰塔銘同十
國春秋以爲對巖語誤今從 御選

偃禪師語錄又觸目不會道運足焉知路
語錄作偃語又初叅睦州連三日扣門並
與塔銘異語錄有與江州陳尙書問答事
碑皆無之兩碑亦畧有同異今並從塔銘
遂登足而逝時乾和七年四月也大寶六年有
阮紹莊者夢見文偃

南漢書考 卷十七

七

陳守中雲門山碑云於屠維作靈之歲爾雅

在己口屠維四月十日其日子時暝目怡
在酉日作靈顏登足而化後一十七年我皇帝陛下中
興佛法大寶六年歲次癸亥八月推官阮
紹莊忽於夢中見大師又碑載後主敕云
雖雙林示滅十七年靡易金軀隻履遺蹤
數萬里應迴慈嶺按雷嶽文偃塔銘亦云
己酉年死己酉爲晟乾和七年閏十七年

爲大寶九年丙寅而碑題大寶七年甲子立則後文偃死止十五年與碑稱後十七年夢見文偃語不合如云碑文偶誤不應下敕亦誤殊不可解十國春秋亦云卒後十七年示夢蓋誤沿碑文而未及詳考也又塔銘作法齡七紀二僧臘六旬六是文偃死時七十二歲以六歲出家而碑乃云壽齡八十六僧臘六十六則爲二十歲始

南漢書考 卷十七 八

出家矣塔銘立於大寶元年寺碑立於大寶七年相去裁六七年間而所聞各異如此亦不可解然塔銘云幼慕出塵寺碑亦云纔逾卅歲便慕出家據此似當依塔銘年歲爲當也今並闕疑

諡匡聖宏明禪師

十國春秋諡匡真宏明按雷嶽文偃塔銘止稱故匡真大師陳守中雲門山碑戊戌

高祖詔師入關賜號匡真大師又大寶六年下制曰可贈大慈雲匡聖宏明大師是先號匡真迦骸骨後加諡匡聖也春秋誤竟欽傳

二十一具戒巡禮居數年遂來遊嶺表

張天錫廣悟禪師塔銘幼投峨嵋爲釋二十一歲具戒巡禮晚見韶州雲門匡真禪師醉得三昧按陳守中雲門山碑乾亨七

南漢書考 卷十七 九

年文偃開雲門山今天錫塔銘云圖棲禪之地西指雙峯又云師開山四十九年僧臘六十有二世壽八十有二太平興國二年五月坐逝由宋太平興國二年逆推四十九年爲南漢大有二年文偃開山雲門時竟欽年二十七其來叅文偃在二十七歲後三十二歲前以僧臘六十二計之則出家時已二十一歲塔銘所云幼投峨嵋

晚見匡真皆誤也

實性傳

南漢春秋云一載名子祥字性實按封川

縣志白雲禪師名實性字志庠為雲門嫡

嗣偽劉嘗延之開山名白雲按此即雲門

山碑所云付法於白雲山實性大師志庠

亦即黃通志引余靖稱挽出聲利入杳靄

湛如太虛者也又十國春秋子祥字性實

南漢書考 卷十七

住慈光院晟召問祖意教意者事跡各

異似是兩人阮通志亦兩傳並收今從之

達岸傳

新州人

南漢春秋作韶州曲江人今從新興志

後主為發帑建寶光寺

郝通志大通寺五代劉晟時名寶光寺按

南海百詠南七寺詩有井於南宮煥寶光

語寶光為二十八寺之一張大寶間建郝

通志云晟時先名寶光似誤

長壽寺尼傳

因即梁寶莊嚴寺地更為長壽寺使居之

南漢春秋寶莊嚴寺高祖時改長壽有宗

女於此為尼建千佛塔內古井九下瘞佛

牙按輿地紀勝淨慧寺端拱中郡人林修

建古井九環列基外有巨鼎藏劍二鏡一

南漢書考 卷十七

瘞佛牙於其下劉氏長壽寺也又黃通志

淨慧寺在府西北半里即舊寶莊嚴寺寺

有舍利塔梁大同三年創寺唐高宗時重

修宋端拱中改今名據此則建塔為南漢

以前事建古井及瘞佛牙為南漢以後事

均與建長壽時無涉春秋誤

南漢書考異卷十七終

南漢書卷十八

順德梁廷栢章冉撰

列傳第十二

廷栢曰鄭樵有言晉史黨晉而不有魏凡忠於魏者目為叛臣王凌諸葛誕毋邱儉之徒抱屈黃壤齊史黨齊而不有宋凡忠於宋者目為逆黨袁粲劉秉沈攸之徒含冤九原予論撰南漢至叛逆傳取斯言而三復之反觀而通其意夫

南漢書

卷十八

一

陳道庠弒君之賊張遇賢寇盜之流夫人而知之矣若周渭李廷珙兩人之在宋循聲懋績皆卓卓爭光史乘然考其仕履實先委質於嶺南渭則中道奔逃不聞解職從容而去律以亡叛義有難辭至廷珙乃反面稱戈身為鄉導必致故主之敗亡而後已豈未踐朝階之唐承裕駱崇燦比乎蓋於宋則為歸命於南漢則為叛臣著州乘者所以有奉化不如奉義之責也

連州志廷

珙嘗為番禺簿銀而不可與言有辭辭或曰潘焉耳君子曰惜也里名奉化不如奉義崇徹擁眾不効命臨危而請降是亦叛臣也予應之曰南漢之官職半無人理能與語名教哉名教之設可以例君子而不可以強小人作叛逆傳

叛逆傳

周李陳張列傳

周渭字得臣連州人幼孤養於諸父乾和中招

南漢書

卷十八

二

討使吳懷恩乘桂州之勝連兵直下與楚軍相持居民為我兵所虜渭在焉其妻子避兵流離昭州已而昭連並隸於我渭遂家恭城中宗聞其才召官之大寶初見賦歛繁苦棄家挈其鄉里亡出將避地零陵途次遇賊掠偕行者各相失渭隻身入宋汴都因薛居正上書太祖陳時務召試同進士出身釋褐白馬主簿擢右贊善大夫後主入宋後累遷廣南諸州轉運副使奏

去後主繁稅官至益州轉運使坐事降彭信軍節度副使召還未赴卒年七十七涓工詩能爲日家之學著彈冠必用一卷子建中爲乘主簿妻莫氏自有傳

李廷珙連州星子人祖仕唐著有勞績父處顏能屬文後唐天成間以佐征淮甸功擢署武安軍節度幕府掌文翰未幾歿廷珙尙孩提貧甚母子不能自存寄養舅氏稍長岐嶷不羣其舅

南漢書

卷十八

三

器之曰此千里駒也他日齒長必追風矣乾和中除番禺簿大寶初擢土軍都知兵馬使時羣闕用事忠直之臣多啣冤死百姓苦征歛不聊生廷珙常懷去志既聞宋太祖滅蜀志盡削除僭僞知後主終不免九年四月走降宋太祖嘉其效順授郴州沿邊招收指揮使銀青光祿大夫檢校工部尙書兼御史大夫持節春州刺史廷珙感激益爲宋用明年獻平嶺表策及潘美

等南伐詔以廷珙爲嚮導下賀州復下昭桂將東攻連山招討使盧收統重兵戍騎田嶺美等力攻不下憂形於色廷珙進曰收所統皆廷珙故部曲願輸忠久矣往招當聽指使乃策騎至嶺前親舉旗揮之收衆見廷珙皆歡呼四散國旣亡廷珙以功遷廣西總管招討使諸州未降者悉討服之還汴勞賜有加改其所居鄉爲奉化終刑部尙書

南漢書

卷十八

四

陳道庠端州人父瑄唐末避亂封州有膂力烈宗召隸帳下隨入廣州遷雄虎將軍卒道庠幼俊爽有父風起家虎賁郎大有末給事晉王府高祖旣彌留命道庠爲元帥府馬步軍都指揮使光天初從越王洪昌循王洪杲討張遇賢錢用館之戰賊圍二王急道庠與指揮使萬景忻奮力救出二王由是益加善視中宗在藩每懷非望收道庠爲心腹知殤帝好角觝使道庠引

劉思潮等習於私第，殤帝聞，即召諸王宴，令道
庠等獻技。既罷，宴道庠，乘其醉，與思潮等扶掖
入內宮，共拉其脅，弑之。中宗立，封道庠為功臣，
出領英州刺史，賞賜甚厚。既而道庠恃功驕肆，
中宗頗不能忍。及思潮等伏誅，道庠內不自安，
中宗亦欲其自悟，求退。一日，賜以漢紀，道庠不
喻，持問內侍鄧仲伸為解之。語詳仲伸傳。道庠大
懼，遂稱疾不出。將謀作亂，未及發，為中宗所覺。

南漢書

卷十八

五

即收捕下獄，斬於市。遷怒，仲遂族兩家。

張遇賢，正州人，為博羅縣小吏。初有神降於縣
之刻杉鎮民家，能與人言，而不見其形。就決吉
凶，多驗。神語眾曰：遇賢非常人，當使事我。遇賢
往禱祀之，殊謹。會州境盜起，各擁眾無所統，一
共決於神。神又大言謂遇賢：前身為十六羅漢，
當奉為汝主。遇賢遂稱中天八國王，建元永樂，
置百官，皆衣絳衣。遇賢無他謀，畧諸賊帥，但告

進退各以便宜。四出犯州縣，光天初陷循州，
帝命越王洪昌、循王洪杲討之。戰於錢帛館，遇
賢圍之數重。二王敗走，明年指揮使萬景忻統
所部復循州。遇賢與戰，大敗。神曰：逾嶺取虔州，
大事可濟。遂棄循，襲虔。南唐節度使賈浩閉門
登陴，守不敢出。遇賢據白雲洞，烏合之眾至十
餘萬，營造宮室，聲勢頗振。南唐主遣洪州營屯
都虞侯嚴恩赴援，以通事舍人邊鎬為監軍。虔

南漢書

卷十八

六

有書生白昌裕，沉密多智，慮鎬引與定計，刊木
開道，出其營後襲之。遇賢禱於神，神已棄去，不
復語。賊眾遂潰，其裨將李台執遇賢及其副黃
伯雄、謀主僧景，全降。恩等並殺之。

延柙曰：唐之季政不行於天下，而藩鎮強及其
卒也。藩鎮之合不能自行於其軍，而諸州擅兵
賦，南海亂，最後諸州之稱兵者，自盧瑊始。既而
曾彥據韶州，劉士政據桂州，葉廣畧據邕州，龐

巨昭據容州劉昌魯據高州劉潛據新州曲頌
據交州惟虔州盧光稠最號強盛而烈宗兄弟
數年之間以次削平之而自立及其後僭偽分
據宋亦以次削平之區宇混一而南漢遂亡蓋
閱六十年仍用其局如昨日事焉天理之循環
有如是哉今舉事蹟可考者臚於篇作外傳

外傳

盧龐劉曲列傳

南漢書

卷十八

盧光稠虔州南康人狀貌雄偉無他才能幼與
同縣譚全播友善全播嘗奇其爲人唐末天下
亂南方羣盜四起全播謂光稠曰天下洶洶此
真吾等建功之時無徒守此貧賤爲也因相與
聚集爲盜衆推全播作帥全播曰諸君意止爲
賊乎抑欲成功也如欲成功固非盧公不可衆
疑未決全播怒拔劍擊木三斬之曰不從吾令
者如此木衆懼乃共主光稠攻據虔州自稱刺

史逾嶺攻下韶州以其子延昌留守別遣弟光

睦攻潮州光睦好勇輕進爲烈宗擊敗全播預

以奇兵伏我兵歸路我兵至伏起邀擊轉勝遂

陷潮州烈宗率戰艦圖復韶州光稠大懼謂全

播曰虔韶皆公所取今日非公不能守也全播

曰吾知劉隱易與耳乃設伏誘我師果敗績光

稠自以與烈宗怨深慮卒爲所制因舉州附吳

復遣使請命於梁梁置百勝軍以光稠爲防禦

南漢書

卷十八

八

使兼五嶺開通使又建鎮南軍以爲留後開平
四年十二月卒延昌天復初據韶州自稱刺史
光稠病篤以符印付全播不受及卒延昌自韶
奔喪全播迎立之吳太祖遣使拜延昌虔州刺
史延昌復因楚密通表於梁曰我受淮南官欲
緩其謀耳必爲朝廷經畧江西梁太祖得表卽
以延昌嗣鎮南留後因表薦其將廖爽爲韶州
刺史延昌既受節鎮遊田無度百勝軍指揮使

黎球伺其出獵閉門拒殺之

龐巨昭不知其所起唐末為容州觀察使黃巢之亂嶺以南州郡多被破陷巨昭籍其部內諸蠻數千親加訓練分據險要拒守巢懼不敢犯事聞遷寧遠節度使烈宗起封州圖盡據嶺表地惡巨昭不附使高祖率兵攻之為巨昭所敗巨昭故精天文緯候之學會楚指揮使李瓊收服嶺表諸州巨昭聞聚其將謀曰李瓊有破竹

南漢書

卷十八

九

之勢必長驅侵吾境奈何容南指揮使莫彥昭對曰瓊甲馬雄盛其志必驕當盡焚城內軍儲潛兵入山峒空其城以待至則返兵攻之彼外無援師糧盡不能守可成擒也巨昭曰吾每中宵占象巽軫間馬氏當五十餘年與霸安能長與對壘乎不如具牛酒犒其軍為富家翁足矣彥昭不從巨昭深夜殺之舉州迎楚挈其族數百口入長沙武穆王久震巨昭名遣使慰勞

授檢校太傅領容管經畧使初巨昭在嶺南嘗謂所親曰劉隱兄弟不道殘害良善吾終當逃難於長沙至是卒如所言或問楚國祚與吳孰長巨昭曰吾入境聞童謠曰三羊五馬馬子離羣羊子無舍馬氏當五主羊氏當三主蓋定數也後亦如所言貞明中卒年七十六

劉昌魯字安國相州鄴縣人唐末明經登第授項城主簿累遷尚書郎乾符中出刺高州黃巢

南漢書

卷十八

十

寇境昌魯率居民拒守與士卒同甘苦且夕戒嚴巢舍去以功擢本州防禦使治高三十餘年民情帖服及烈宗降旄節數召之欲籍沒而有其地昌魯不至高祖出兵與戰復大敗然自是益內懼慮終非烈宗敵乃刺血致書楚武穆王曰僕昔占籍鄴中受恩唐室蒞高三載遇黃巢之亂收合生齒保於涼山因深為壘憑高作壘攻苦食淡以勤士卒泊盜賊平定一境獨全高

涼之民至今相戴而中原多故嶺南不賓劉隱
亂常僭興師律舉蠻貊之眾成吞噬之心僕常
訓勵甲兵躬當矢石掃壘一戰劉巖遁走雖仗
義者必勝恃力者必亡然而山越之人瘡痍眾
矣殘民以騁所不忍為昔古公去豳寶融歸漢
千古之下迭為推美僕雖顛愚景慕前烈竊惟
明公負江湖之固有桓文之業土宇至廣仁風
素厚願以所部歸欵於執事謹刺血染翰上達

南漢書

卷十八

十一

誠悃惟明公圖之武穆王得書即遣其捉生指
揮使張可球部轄兵馬於界首昌魯盡輦帑藏
及將屬三千餘口隨入長沙奏授永順軍副使
兼行軍司馬天成中卒

曲承美祖裕梁開平初為靜海節度使父顛權
知靜海軍留後及裕卒梁太祖使嗣為節度未
幾亦卒承美繼之遂專有交趾十二州之地甫
立即遣使貢梁方物得正旄節高祖稱尊屢欲

并吞交管而慮道遠兵力不繼因使招之承美
堅不肯內附對人指高祖為偽朝高祖聞益怒
大有三年命梁克貞與李守鄜統眾攻之承美
戰敗被執高祖受俘儀鳳樓數其罪承美伏謝
乃赦不殺

南漢書

卷十八

十一

南漢書卷十八終

南漢書考異卷十八

順德梁廷枏章冉撰

周涓傳

中宗聞其才官之

十國春秋無官南漢事涑水紀聞涓為廣南所虜其妻莫氏并二子留在家涓在廣南有官祿矣連州志亦云涓為南漢俘獲委質為臣後脫身北走今從之

南漢書考異 卷十八

後主入宋遷廣南轉運副使

十國春秋擢為贊善大夫嶺南平涓始還鄉里奏去後主無藝之征按連州志涓以太平興國二年為廣南轉運是時去南漢亡後已七年蓋服官鄉土非假還也春秋所云似誤

李廷珙傳

乾和中除番禺簿大寶初擢土軍都知兵馬使

廣州人物傳連州志並云父處顏天成間累功為武安節度幕屬處顏歿廷珙寄食母家以勲闕初調番禺時羣雄割據劉氏植廣左馬氏聚眾榔連廷珙懼禍仕南漢為土軍都知兵馬使據此以廷珙初為番禺簿非南漢官其後入仕南漢時初授為兵馬使誤按處顏死在後唐天成後即以天成末年計之推至晟乾和元年首尾相

南漢書考異 卷十八

去裁十五年連志謂廷珙猶在襁褓處顏遽沒則晟立時廷珙年尚幼番禺又久隸興王府知其初仕即為縣簿且即事晟也今從十國春秋

九年四月走降宋

連州志云以乾德六年欵塞效順是年為南漢大寶十二年十國春秋廣州人物傳並作乾德四年今從之

陳道庠傳

端州人

九國志作穎川人今從通鑑

外傳考異

盧光稠傳

梁置百勝軍以為防禦使兼五嶺開通使又建

鎮南軍以為留後

通鑑止云以光稠為鎮南留後餘無之今

南漢書考 卷十八

從十國春秋

龐巨昭傳

巨昭

湖湘故事作巨曦薛史作巨源今從通鑑

舉州降楚

湖湘故事巨昭深慮劉巖不道加害於己

遂差小吏間路密持書款歸於馬氏是時

湖南遣澧州刺史姚彥章領馬步軍八千

徑往容南巨曦遂帥萬餘眾歸馬氏按九

國志作殷使姚彥章李瓊來迎無致書事

今從通鑑又九國志李瓊傳云殷以瓊為

桂州刺史合經畧嶺南遂襲容州降龐巨

昭亦誤

劉昌魯傳

治高三十餘年

昌魯為高州刺史年月無考據昌魯致馬

南漢書考 卷十八

殷書稱在高三載過黃巢之亂按新唐書

紀黃巢掠嶺南在乾符六年至開平四年

昌魯降楚已越三十二年巢未來之前三

年已為高州刺史距降楚蓋三十四年也

張可球

九國志作張球今從湖湘故事

曲承美傳

父顯權知靜海軍留後嗣為節度

薛史以靜海行營司馬通鑑考異行營當作行軍權知留後曲顥起復為安南都護充節度使按通鑑以其子權知留後顥為節度使考異云薛史既云起復知其子也今從之

南漢書考異

卷十八

五

南漢書考異卷十八終

南漢書

南漢叢錄卷一

順德梁廷枏章再輯

南漢書撰成尙多軼聞雜事無年可隸且例不得入紀傳者隨手錄之彙得兩卷畧為類次其已見南漢書及考異所經引者則不復重收將有地理之纂舉凡諸州縣疆域沿革概未竄入焉雜引舊文故曰叢錄

南漢叢錄卷一

湖南帥馬希聲在位多縱率有賈客沈申者常來往番禺間廣主優待之令如北中求寶帶申於洛汴間市得玉帶一乃奇貨也回由湘潭希聲竊知之召申請衙賜以酒食抵夜送還店預戒軍巡以犯夜戮之湘人俱聞莫不嗟憫爾後常見此客為崇或在屋脊或據欄檻不常厥處未久希聲暴卒其弟希範嗣立以玉帶還廣人北夢瑣言

按希聲以後唐長興三年卒是年為南漢大有五年所云廣主益南漢先主襲也

偽災兵部尚書覃潭言其所知為嶺南節度獲

一橋其大如升將表獻之監軍中使以為非常

物不可輕進取鍼微刺其帶下乃有蠕蠕而動

者因破之中有一小赤蛇長數寸稽神錄

按十國春秋潭傳高祖時為兵部尚書考隆演以梁開平二年立時劉隱已為節度使所云嶺南節度即隱也

陳氏正州人父志年八十惟依一女及志卒女

南漢叢錄 卷一

哀毀不自得未幾亦死鄉人以其死孝搏像於

龍華寺祀之禱雨輒驗烈宗封為昌福夫人十

國春秋

按惠州府志孝女祠在博羅縣西五十里梁大同中沙河民陳志年八十獨有一女志卒女哀毀過甚墓畢亦卒廣州刺史蕭譽為立祠曰孝女南漢封昌福夫人禱雨有應又博羅志志卒無子女幼痛父哀毀甚矢志不嫁以禮營葬畢乃以其宅為龍華寺以田為祀田令僧世主其祀大同二年所司以考聞女尋卒廣州刺史蕭譽立祠寺側據此則陳氏為梁大同間人南漢因而追封十國春秋誤以蕭梁為朱梁意

以為劉隱時人故為立傳

南漢地狹力貧不自揣度有欺四方傲中國之

志每見北人盛誇嶺海之強世宗遣使入嶺館

接者遺茉莉文其名曰小南強及本朝張主面

縛偽臣到闕見洛陽牡丹大駭歎有緝紳謂曰

此名大北勝清異錄乾和十四年周遣使來聘晟

欲誇嶺南之強館接者遣使者以茉莉文其名

曰小南強蓋譏之也宋時後主入汴諸臣不識

南漢叢錄 卷一

三

壯丹有朝臣謂之曰此名大北勝蓋報此語十國春秋

南漢僭創小國乃作平頂帽自冠之由是風俗

一變皆以安豐頂為尚清異錄

或謂廣東以守則有餘以攻則不足五代時劉

巖承父兄之業擅有嶺南享國者亦且四世此

善守之明驗也方輿紀勝

擒劉鋹知制誥扈蒙草露布至旨召對從福殿

賜金紫 玉海

擒劉銀至闕下欲獻俘太廟莫知其儀時張昭以戶部尚書致仕於家深識典故初規制皆張昭與竇儀所定太祖遣學士李瀚就問俘廟之儀庶同參酌張昭臥病口占其式以授瀚不遺一字瀚遂心服昭之賅明 玉壺清話

潘美平廣州時入城俘其宗室官屬送汴有宦者百餘人盛服來見美曰是桀人多矣吾奉詔

南漢叢錄

卷一

四

伐罪正謂此輩悉斬之

續通鑑長編

嶺表初平上以其民久困苛政思惠養之令吏部銓自襄荆以南州縣選見任年未五十者移為嶺南諸州通判得携族之官以廣南偽署官送學士院試書判稍優則授上佐合錄簿尉 宋史

選舉志

開寶四年六月丁丑命翰林試南海官取書判優者授合錄簿尉 宋史太祖紀

釋銀罪以保與為右監門率府率左僕射蕭淮為太子中允中書舍人卓惟休為太僕寺丞餘並署諸州上佐縣令主簿 宋史銀傳

廣南平遣司農少卿李繼芳祭南海除去劉銀所封偽號及官名易以一品服 宋史禮志

二月辛卯大赦廣南免二稅偽署官仍舊三月

丙申詔廣南有買人男女為奴婢轉傭利者並

放免偽政有害於民者具以聞除之 宋史太祖紀

南漢叢錄

卷一

五

嶺南平范文遷知邕州兼水陸轉運使會南漢知廣州官鄧存忠劫土人二萬眾攻州城七十餘日文殊死戰賜璽書獎之 宋史范文傳

開寶中平嶺表擇廣州內臣聰慧者數十人於教坊習樂名簫韶部改曰雲韶部內宴則用之

麗水燕談錄

胡行廬陵人俗所謂胡六真人也生於後梁宋初行醫至博遂家焉慕仙道喜與施煉藥搗三

十杵成八百九號胡氏家寶丹治疫疾賴以食
活者眾嘗居水簾洞即白玉蟾所稱胎仙也卒
之日以火解得舍利三十六大如菉豆色黃
紫藏之金盒子二長日椅次日磴椅避亂懷舍
利至蘇州驛私金盒棄舍利於溲廟潭真人憑
佃人召磴語前事令白於官出椅改氏為符又
云潭底有石形如波獅我在獅子口內每暴雨
晴化金龜出曝石上人果有見之者 博羅縣志

南漢叢錄

卷一

六

五季文章卑陋甚矣然當時諸僭偽其國頗亦
有人吾頃遊博白之宴石山號普光禪寺者為
屋數椽而已其山迴絕洞穴奇怪得一碑乃偽
漢時人為寺記特書其兩語曰蔬足果足松寒
水寒 鐵圍山叢談

按碑作松寒竹寒蔡氏誤竹為水也

鶴奔岡在梧州府城西相傳漢太守劉曜嘗鑿
斷岡脊有雙鶴飛去因名又通星山在府城北

六十里南漢劉曜為太守嘗登此山仰觀星象
故名 明一統志

按 飛鶴岡 大清一統志作鶴飛岡名勝志作

清涼堂在巖竇之中冷氣逼人外有天門昔外

來繇之南漢狄 按霍山志引此作秋然 昭云霍

山有書堂石三教聖賢並聚於此 天下名勝記

君廣州懷集人也五世祖某嘗為劉氏相所作

懷州大陂凡溉田數萬頃民到於今賴之 宋鄭俠林

南漢叢錄

卷一

七

絢墓志銘

謹案廣西在五代時始則楚馬殷有桂昭賀梧
蒙龔富等州至漢高祖乾祐元年劉晟遣巨象
指揮使吳珣內侍吳懷恩取賀昭二州周太祖
廣順元年懷恩又攻取蒙桂昭宜連梧嚴富昭
柳龔象等州於是嶺南之地盡屬南漢楚所有
在全州凡薛歐二史所載梁唐諸朝除拜廣西
之官大抵皆遙領而已 謝啓昆廣西通志

廣西在五代時南漢與楚分據其地馬氏亡後地歸南漢惟全州始屬南唐旋復失之其官之可考者張齊一人而已謝廣西志

周邦字容若平南人南漢時官御史大夫以直節著大清一統志周邦白龍元年乙酉梁嵩榜謝廣西志

三石山在永安州城南十里偽漢時有兵入靖

江過此黎明遇獵者牽黃犬逐一鹿兵以鎗刺

南漢叢錄

卷一

八

鹿徐視之石也已而人犬與鹿皆化為石鼎峙道旁今一石尚有鎗痕名勝志

烏蠻山在橫州東六十里江北古江口清一統大

志烏蠻一名烏澣即漢谷永所招其上為烏巖

山去州東城六十里偽漢主名巖乃易為烏蠻

考異物志稱烏蠻在南海郡之西安南都統司

之北即烏澣蠻也古子產國有烏蠻灘焉漢建

武中國廢如此則烏蠻之名不起自偽漢矣勝名

志
大唐新纂七卷南漢石文德撰阮元廣東通志

按連州志文德連州平合鄉人游湖漢間無所知名天策學士劉昭再言於馬希範授水部員外郎尋出為融州刺史卒十國春秋亦云文昭王時僦屋長沙考楚文昭王希範以唐長興三年襲位卒於晉開運四年後四年為劉晟乾和九年其年連州始入南漢而文德當希範時已先居長沙因登仕籍不得謂文德為南漢人也

越王走馬埒在縣北十里南漢劉鋹祖安仁為

潮州長史時所築其孫隱僭王南越追封南越

南漢叢錄

卷一

九

王其埒上平坦可容數百人遺址尚存海陽縣志

舍人巷在府治南五十餘步五代時張昭遠為

起居舍人因名連州府志

按昭遠歸善縣志作明遠

盧循故城在南海縣南六里元和郡縣志南漢時以

為倉廩人呼為劉王廩黃佐廣東通志

按輿地紀要云在郡南十里與廣州隔江相對與此云六里異

倉岡山在四會縣西三里林巒從秀舊傳南漢

劉氏嘗建倉貯兵儲於上故名 明一統志

坡山在南海縣城內西南隅高三四丈 清一統志

志向在江干相傳晉時渡口故稱坡山古渡頭

山為劉龔所鑿竟成培塿其頂有丹竈其陽有

穗石 廣州府志

青螺嶂在番禺城南四十里 廣東輿圖 嶂高五百丈

一名白鹿岡相傳劉龔時獲白鹿於此 黃廣東志

雙女山在南海縣西十五里一名鳳山宋史潘

南漢叢錄 卷一

美等伐南漢渡瀧頭之險至馬徑砦於雙女山

劉鋹出降即此 大清一統志

席帽山在番禺雙井街高二十餘丈周六里許

有南漢郊壇址 黃廣東志

朝漢臺在廣州城西硬步五代南漢郊天於此

亦名郊臺舊志在郡北席帽山者非 郝玉麟廣東通志

蓮花峰在韶州東五里形似蓮花故名 輿地紀勝 宋

史潘美伐南漢劉鋹使其將李承渥列象為陣

拒美於蓮花峰下即此 大清一統志

滘江巡司在清遠縣東一百三十里 大清一統志

即滘口宋潘美克南漢之郴州劉鋹懼使邵廷

瑁屯洸口是也 方輿紀勝

瀧頭水在英德縣南十五里源出翁山經象岡

至此與瀧水合瀧水即溱水也其地險隘兩山

夾峙水多激石宋史潘美伐南漢克英州次瀧

頭即此 大清一統志

南漢叢錄 卷一

封川之西十里許有大村墟曰江口相傳為舊

縣治云受西粵灘鬱黔賀諸水即偽漢劉龔命

蘇章沉鐵纆敗楚軍處也 龍頭廟碑

海豐縣宋師嶺宋師伐南漢時聚此累土為階

汲故跡尚存 郝廣東志 沃野一望四百餘丈舊水道

不通宋師至舟不得渡遂鑿而通之上五里有

嶺號宋師嶺 黃廣東志

瀧頭水在英德城南五十里宋潘美等次瀧頭

後主遣使請和卽此 郝廣東志

南溪山在臨桂縣南五里 太平寰宇記 白龍洞在南

溪平地半山中龕有大石屋由屋右壁入洞行

半塗有小石室 桂海虞衡志 五代漢末南漢謀并靜

江地湖南遣兵屯龍洞以拒卽此 大清一統志

信都鎮賀縣南一百里卽古南鄉鎮宋潘美圍

賀州南漢將伍彥柔趨援美伏兵南鄉岸擒彥

柔卽此舊有巡司今因之 大清一統志

南漢叢錄 卷一 三

海門鎮博白縣東南百五十里晉天福二年交

州亂南漢劉龔圖取其地屯兵於海門是也 方輿紀要

紀要

百寶水有稻田自海中浮來上魚藻門外 番禺縣志

正州故城河源縣西南一里南漢劉鋹築 惠州府志

梁斐高祖時刺韶州始築韶州城 阮廣東志 韶州府

城卽始興故城漢城在湏水東蓮花嶺下隋城

在武水西地勢卑濕五代南漢移治於中白龍

二年始築州城 方輿紀要

韶州南華寺有達摩衣鉢鉢有一痕偽劉公主

所觸今寺補鉢莊卽公主捨也 貴耳集

南漢廢宮在南海縣子城中五代史南漢世家

劉氏有南宮大明昌華甘泉玩華秀華玉清太

微諸宮凡數百不可勝記今盡湮廢 大清一統志

銀之宮輒名龍德 邵氏見聞錄

有離宮在藥洲上 黃廣東志

南漢叢錄 卷一 三

甘溪陸公亭在廣州府城北五里北山下吳刺

史陸允築堤瀦水以便民汲民德之建亭溪上

唐節度使盧鈞復加疏鑿以濟舟楫更飾廣廈

爲踏青游覽所南漢廣之爲甘泉苑中有泛杯

池濯足渠避暑亭卽今譚譚水也 黃廣東志

劉王花塢卽劉氏華林園在郡西六里名半塘

有桃梅菱蓮之屬 輿地紀勝 又有芳華苑芳春園俱

在城北 黃廣東志

又望春園在城南二里許今已盡為民居惟花
塢故址僅存 大清一統志

昌華苑一名顯德園亦偽劉故址也在荔枝灣

廣袤數十里又芳華苑在千佛寺側桃花夾水

一二里可以通舟 黃廣東志劉鋹設紅雲宴於此 中見聞

玉液池偽劉所築中有明月峽含珠亭紫雲閣

每端午宮人競渡其間 勾漏集

南漢叢錄 卷一 西

廣州府城堞因山分爲二東爲歌舞岡越王臺

其西爲觀音閣山半爲呼鸞道偽漢劉龔故蹟

也 廣州遊覽小志劉龔時鑿石爲呼鸞道折而北有歌

舞岡龔時夾道栽菊建樓觀於其上一名越井

岡亭之上有小池雖極旱不竭 番禺志郡城稍北

觀音山有越王臺劉龔時疊石爲呼鷹道有歌

舞崗龔夾道栽菊九日登高 勾漏集

香山在南禺山在北聯屬如長城南漢鑿平之

就香山積石爲朝元洞後改清虛洞復以沉香
爲臺觀於禺山 勾漏集 香山禺山劉龔皆鑿平之
廣州府志

越臺井鑿自佗時深百尺泉味甘冷南漢號玉

龍泉 黃廣東志南漢劉龔號玉龍泉禁民不得汲

古蹟 記登粵秀山轉而西行憇悟性寺中東苑一

井視九眼殊勝蓋越井岡偽劉王玉龍泉也 黃明

諫廣州水記

南漢叢錄 卷一 五

碧落洞在英德縣南十五里下通溪流懸石如

霓旌羽蓋狀旁有小洞曰雲華深不可測 大清

一統志南漢主晟嘗假宿其中命侍臣鍾允章撰

碧落洞天盤龍御室記 郭廣東志

崑崙清界南漢立殿未成遺址尙在 黃廣東志

流化橋在廣州城北南漢建按流花不詳何代

所建據方殿元流花橋歌云橋邊昨日鸞亂啼

桃花無主飛東西一西一東何處止夙恨殘香

逐流水流花不減粵王臺芳春園內百花開素
馨夜染同心髻茉莉香浮長命杯紅粉憑闌看
比日顧影鴛鴦相對浴只恨無因致牡丹那知
天意多翻覆秋去春來水自流兩岬青青草色
幽又向橋南作王府移花種上越王頭是爲南
漢所建無疑矣 阮廣東志

提督學院署在內城九曜坊卽南漢南宮舊址
阮廣東志

南漢叢錄

卷一

六

志載劉龔時鑿湖五百餘丈聚方士煉藥於此
洲以是名但閱宋許彥先詩有花藥氤氳海上
洲之句恐是會栽紅藥故云藥洲水中有九曜
石云皆罰罪人移自太湖及三江所產者太湖
途遠安得致此恐屬訛傳 張明先學署考古記
布政司署乾寧初爲清海軍節度司南漢潛竊
多所變易名節度府曰乾和殿其西改構景福
思元定聖龍應等宮 阮廣東志

遊羅浮山者自龍華寺 有福昌夫人祠 七里登山循延

祥而東七里餘抵冲虚觀丹竈衣冠塚蓬萊閣

後遺履軒銅玉皇像及二侍從三尊南漢所鑄

者觀之西北曰長壽觀本南漢天華宮今呼爲

南天宮自冲虚觀會仙橋東行三里餘抵明福

觀南漢建亦名九天觀 惠州府志

長安塘上有橋曰奉宸南漢僞主由此往天華

宮故名其前古松七株上凌霄漢仙靈常此憩

南漢叢錄

卷一

七

息後有七星壇葛仙履素在焉 博羅縣志

宋轉運使司署在廣州航海門內仙湖街開寶

六年廣南平其後置轉運使嘉祐中始定置司

署改僞漢南宮爲之 黃廣東志

南漢叢錄卷一終

南漢叢錄卷二

順德梁廷枏章再輯

東西南北二十八寺列布四方偽劉所建上應二十八宿尙大半無恙今各以寺名爲詩東七寺詩慈度天王更覺華蒼龍東角梵王家普慈化樂成塵土興聖猶兼覺性誇西七寺詩文殊千佛顯真乘水月光中見定林昭瑞當時連集福咸池今日應奎參南七寺詩并軫南宮煥寶

南漢叢錄 卷二

光千秋古勝並延祥祇今兩寺無名字地藏旁聯四實方北七寺詩國清尊勝北山隅證果報恩同一區地藏荒蕪并報國尙餘悟性斗牛墟

南海百詠

海珠慈度寺舊在州東舊志載南漢大寶間始創合南海定林等二十八寺列於郡之四方以應列宿自東之慈度寺至南之地藏等十四寺則番禺縣地今慈度寺乃番禺東南十四寺之

一也 王文鳳慈度寺記

大通寺在河南大通津上南海百詠五代劉晟時名寶光寺 郝廣東志

海幢寺在河南蓋萬松嶺福場園地也舊有千秋寺址南漢所建廢爲民居 嶺海名勝紀

菖蒲觀覺真寺並在蒲澗東坡詩云昔日菖蒲方士宅後來薜蘿祖師禪是以寺爲安期生宅也而圖經載遺履之事乃以觀爲宅今未詳觀

南漢叢錄 卷二

今名碧虛中有劉氏碑東坡題名其上郡人歲以正月之二十五日爲蒲澗節帥使而下傾城來遊南征錄云正月二十五日乃劉王生日 南海百詠

仁壽光運寺在曲江縣西 大清一統志 隋時名仁

壽臺唐天寶有道廣者居之因名廣戒寺 黃廣東志

南漢改曰仁壽 武溪集

資福寺在東莞縣禹餘宮使邵廷瑁建週圍四

井為界有羅漢閣舍利塔 明一統志

華嚴寺定慧寺在四會縣貞山都南漢建 肇慶府志

宴石寺在縣城西南六十里宴石巖唐節度高

駢建南漢大寶間都監劉崇遠重建 博白縣志

博羅縣寺曰延慶在浮碇岡下五代時建 興寧縣志

古塔在縣北五里南漢置齊昌府治建今廢僅

存故址 興寧縣志

按惠州府志作縣北三里

南漢叢錄

卷二

三

鎮象塔在東莞西南南漢禹餘官使邵廷瑁建

南海古蹟記 時有群象害稼官捕殺之廷瑁聚骨建

石塔以鎮在資福寺南 金光祖廣東通志

按塔記今廢缺已無年歲名字可考詳南漢書考異

明福觀在羅浮山朱明洞東南漢建即泉源福

地 大清一統志

紫明觀在博白城西南六十里 金鉞廣西通志 在紫陽

巖南漢劉崇遠建 博白縣志

韜真觀在北流縣東北勾漏山南漢時建 明一統志

出白沙洞而西左右皆小峰相對山北平曠孤

烟落照茅茨篁竹間始有人居曰道村其東南

諸峯間見層出寒松古樾蒼鬱杳藹有洞掩映

其間曰韜真觀中有石碣記南漢時中官陳君

所經營及今近二百年醮壇道院故址盡沒榛

莽左右二石室其深四五尋其一狹而長捫壁

度穴直抵玉虛洞後山而出讀其碣云巖洞多

南漢叢錄

卷二

四

嵌空或深數尺遂積土以實之予陋之曰凡石

以嵌空為奇政欲空所有安可實所無哉 元吳元美記畧

靈臺觀在北流縣勾漏山 明一統志 按圖經有此觀

久矣南漢始更今名殿庭卑隘門徑荒蕪碑碣

可考可詢令人慨歎不已觀東百餘步有龍潭

洞觀後二小洞南向者曰太陽有浮屠像其北

曰太陰淺塞不通然名義所稽第恐俚語以南

北分陰陽耳故附書之或有知其詳者元吳元美記畧

光孝寺庫中有銅釋迦像一尊高一丈羅漢一

十六尊各高二丈鐵塔二座各高二丈二尺四

面七層有千佛如來像南漢大寶二年鑄乃開

元寺舊物也黃廣東志

淨慧寺有銅羅漢十六劉氏時物也黃廣東志

海光寺在新安縣南門外相傳南漢時有鐵佛

在海中夜有光因建寺祀之大清統志又有石

南漢叢錄

卷二

五

魚亦南漢時物金廣東志

昭州光孝寺銅佛一軀五代偽劉時所鑄後有

維大漢大寶四年輿地碑目

昔張及二子各範銅為像少不肖即殺冶工凡

再三乃成今尚在天慶觀中東廡南海百詠

修慧院在東莞縣東監南漢大寶三年內承宣

使劉廷威鑄鐘二百五十勛置院中後改慧雲

寺廣州府志

南漢乾和白石秀林之記在桂平謝廣乾和三年歲次乙酉奉勅鑄石玉皇儀像侍衛九軀并

修金錄齋慶讚記臣吳可一撰輿地碑記

宴石寺在博白縣西六十里南漢建內造銅鐘

鐵佛五百羅漢明一統志

古銅鐘在崇善縣上刻大漢乾和四年辛亥鑄

於東禪院金廣西志

南漢銅佛識在平樂謝廣西志報恩光孝寺殿貯銅

佛一軀跌坐蓮花中五代偽劉時所鑄高一丈

南漢叢錄

卷二

六

二尺濶六尺座高七尺縱濶一丈巨拇圍五寸

他稱之金蘭寶陣皆銅所範妙極精巧後有識

云維大漢大寶四年輿地碑記

紫陽巖博白縣南六十里巖洞清虛萬象森列

上連碧崖下瞰清泉最為幽勝大清統志南漢

劉崇道所鑄鐵佛像銅鐘古碑存焉金廣西志

劉王墓鄴北山七里有雷洞亦劉王墓也南海

百詠俗謂偽劉雷將軍墓又云劉氏時所鑿謂之雷藏欲以饗雷事見番禺志然其上因山爲之初不封樹近歲爲風雨所圯方洞見其中識者亦疑爲趙佗墓 黃廣東志

崇正九年秋北亭洲間有雷出奮而成穴一田父見之投以石空空有聲乃內一雄鷄其中夜盡聞鷄鳴於是率子弟入堂宇豁然珠簾半垂左右金案玉几備列有金人十二舉之各重十

南漢叢錄

卷二

七

五六斤中二金像冕而坐若王者與后重各五六十斤旁有學士十八以白銀爲之地皆金蠶珠貝所築旁有便房當牕寶鏡大徑三尺光燭如白日寶硯池中有玉魚能游動碧玉盤一以水滿注其中有二金魚影浮出他珍異甚眾田父先持鏡歸光動隣舍亟碎之有一珠入夜輒作怪狀懼而棄之於是隣人覺而爭往遂白令令亟臨其地視搜發令得玉枕一金人四以歸

玉枕作卧虎形長可尺許大小珠見風悉化灰土口含之而出乃得完好承棺有黃金磚四棺既斧碎有懷其齒髮以出者一碑當穴門中立辭稱高祖天皇帝哀册文翰林學士知制誥正義大夫尙書右丞相紫金袋臣盧應敕撰並書其所爲大帝者崩於歲壬寅四月甲寅朔廿四日丁丑號爲大有十五年葬以光天元年蓋劉龔墓也 精華錄訓纂

南漢叢錄

卷二

八

按此與曝書亭集互有同異集作右丞上紫金幣此作右丞相無上字相上同音朱竹垞先生得自陳元孝先生口述或緣音同而誤也

博大山在番禺縣東北四十里下有銅鼎溪今

湮其東有昭陵山南漢陵寢在焉 大清一統志

南漢清海軍副使陳息卿墓在番禺陳家村 金

東志

宋刑部尙書李廷珙墓在陽山縣將軍坑白水

城 連州志

中書舍人知制誥胡賓王墓在大塘毬岡乳源縣志

銀青光祿大夫刑部尚書唐承裕墓在全州城

西官道覺山下李紱廣西通志

邵柱國祠在英德縣洗口巡司右宋開寶三年

祀南漢時邵廷瑁郝廣志廷瑁東莞人邵村者即

其遺族也陳璉哀忱口詩序

石洞神周氏高要人唐貞觀初封真正公劉漢

加王爵七星巖志

南漢叢錄 卷二 九

清瀧廟在雷豐鄉祀李尚書康熙六十年建按

今雷豐鄉清瀧灘即清瀧有古墓相傳為李尚書

墓康熙六十年旱西岸司巡檢禱雨於此俄得

大雨遂立廟焉在墓之左其墓今名尚書墩陽山縣志

按志稱李尚書即李廷珙入宋官刑部尚

書故云

嘉應廟在平落府城北祀宋御史周渭凡祈禱

必應累封靈濟忠顯惠烈王明一統志

杯渡山在城南二十里廣州府志東莞舊志山在縣

南二百八十里即屯門山也枕居大海遠望黃

木灣正相對南漢大寶二年封為瑞應山今有

瑞應巖虎跑泉大清一統志

潮水泉在貴縣西六十里其水盈涸不時南漢

封其神為澄瀾公凡祀饗時或日三四十潮明一統志

龍腹井在貴縣北二十里水深三尺觀之則濁

南漢叢錄 卷二 十

汲之則清歲旱禱雨輒應漢封其神為清源公

明一統志

峻靈山一曰神山嶺延袤十里九峯為縣主山

俗名落膊崗漢封其神為鎮海廣德王上有石

池石峯石船凡旱澇患難疾病往禱輒應昌化縣志

在城東北十里舊名神山高百餘丈上有石如

帽黎人呼為落膊石五代時望氣者言山有寶

番人艤舟其下鑿石求之夜半大風碎其舟南

漢封鎮海廣德王 瓊州府志

射木神祠在陽春縣射木山南漢封儲休侯昔

江南李氏無子一夕夢神託生為嗣因名符後

登第麻官知春州辭其母曰兒往必不歸矣逮

抵官謁祠下顧瞻門廡若舊所親未幾卒自符

之生而廟食廢及其卒而廟復靈 明一統志

周王祠在恭城縣治東祀宋周渭 大清周

渭建隆初由桃源舉進士走京師以書干藝祖

南漢叢錄 卷二

皇帝畫下嶺表之策太宗時為御史乞不受錫

賜願充昭州所收百姓秋苗耗米鄉人德之為

立祠徐俯為記 方輿勝覽

白馬廟在平南縣東六十里五代時梁嵩乘白

馬行至東濠墟沒於水鄉人立廟祀之 郝浴廣

公名崧字子高既得請歸里至東濠墟急於見

親野渡無舟乘白馬過沒焉 明李鰲白

林學士梁嵩墓在桂平縣麒麟山 金廣西志

五代偽劉時僧惠進作瑞像記立於中閣院殿

側 輿地紀勝

瓊州乾亨寺鐘在開元寺有南漢乾和九年鐘

銘 輿地紀勝

拓路題記在湖陽南漢大寶三年十一月正書

寰宇記碑錄

陵山劉氏墓子嘗摩挲斷碑但見其詞皆是葬

婦人墓誌 南海百詠

南漢叢錄 卷二

石塔殘字存按碑在博羅羅浮山寶積寺門外

與南漢乾和石幢對峙四層中斷年代不可考

所存之文皆佛語以字法考之疑亦南漢物也

阮廣東志

劉龔僭據業承先世身為蛟蜃恣厥吞噬乃自

謂膺乾符執坤樞熙鴻名恢駿圖鑿翠闕郭繞

瀛作都雙闕微道九軌經途門千戶萬宿衛周

闕耀玉題與金鋪采鳳洞泐以迤邐藻井狎獵以紛敷後宮則有禹餘太一景福龍應玉清思予南宮定聖南薰別殿北接明光椒鶴貫魚紗服靚裝溫室甲帳永巷迴廊飾華棖以懸黎緣繡栢以璧璫苑囿則有昌華芳華甘泉望春飛橋跨沼崇桃映津泛杯濯足異異鱗鱗離宮閒館亘五十里呼鸞載道引以蘭綺蒼蚪銜綏白澤衛軹時升中於回邱或耕籍於東鄙復通鄰南漢叢錄 卷二 三

而耀武啟封疆而自喜左三湘而右八桂控賁禺而役交趾又有玉液之池明月之峽含珠之亭紫雲之閣築壁對峙沈泉旁達脩篁灌木青翠相發風露披瀆於翳薈日月投光於巖穴矚名勝而建浮屠宮於四周者二十有八叶列宿之景曜金磬鐘鐃而互答遵彼北川迄於西城層軒疊閣建鼓揚舩宮娥競渡貂璫練兵招羽人於藥洲陳不死之丹經又有三事六官府署

司院蘭臺石室濟濟儒彥虎鵬開幕闕戟我弁張鄜列庫征摧充羨金稜供御紅雲設宴蟾姬瓊仙握爵銜憲學士自宮以求進才人調謔而相見乃設水獄乃樹刀山槐棘之貴就侈猶管虐焰散於黃墟腥德通乎予間民亦何辜羅此凶艱 黃佐粵會賦畧

隱興滅年世諸書皆同蓋自唐天祐二年隱為廣州節度使至宋開寶四年國滅凡六十七年

南漢叢錄

卷二

十四

舊五代史以梁貞明三年龔僭號為始故曰五十五年耳 五代史記原注

南漢叢錄卷二終

南漢文字略

南漢文字畧目錄

卷一

文目

三主

與楚馬希隱書

後主

贈故僧文偃匡聖宏明大師敕

黃損

南漢文字畧目錄

諫興建宮室疏

梁嵩

倚門望子賦

鍾允章

雲華御室記

王定保

唐摭言科第總序

摭言諸論

撫言贊

撫言科第散序

卷二

陳十八郎

尊勝經石幢記

雷嶽

匡真大師塔銘

龔澄樞

南漢文字 畧 目錄

法性寺西鐵塔銘

李托

法性寺東鐵塔銘

陳守中

匡聖宏明大師碑銘

僧神坦

長慶寺鐘款

吳懷恩

感報寺銅鐘款

劉崇遠

新開宴石山記

僧義初

寶林寺鐘款

僧宗愍

乾亨寺鐘款

缺名

南漢文字 畧 目錄

鎮象塔記

長壽寺鐘款

卷三

詩目

黃損四首

張瀛一首

趙損二首

鐘允章一首

文丙四首

王定保一首

王詡一首

蔣吉七首

謝孚一首

林楚材一首

王言史一首

徐疆一首

南漢文字 目錄

周涓一首

周濟三首

林衢一首

石仲元一首

古成之二首

僧卿雲四首

無名氏一首

附

趙氏一首

先主石讖

羅浮劍文

廣州童謠

卷四

附

閩祭劉隱文

劉昌魯致楚書

南漢文字 目錄

梁末帝命錢鏐進取海南劉巖敕

南唐致劉鋹第一書

南唐致劉鋹第二書

宋潘美等露布

閩詹敦仁復留從効問劉巖改名音義詩

五

南漢文字畧卷一

順德梁廷枏章冉輯

文錄

三主

名晟諡文武光聖明孝皇帝廟號中宗

遺楚靜江軍節度副使馬希隱書

武穆王奄有全楚富強安靖五十餘年正由

三十五舅三十舅兄弟尋戈自相魚肉舉先

人基業北面仇讎今聞唐兵已據長沙竊計

南漢文字畧 卷一

桂臨繼為所取當朝世為與國重以婚姻觀

茲傾危忍不赴救已發大軍水陸俱進但令

相公舅永擁節旄常居方面

按南漢先主娶楚王馬殷女故書內稱希廣三十五舅希萼三十舅希廣希萼皆殷

也

後主

名鋌入宋封恩赦侯薨封南越王

贈故僧文偃匡聖宏明大師敕

定水澄源火蓮發艷夙悟無生之理永留不

朽之名萬象都捐但秘西乾之印一真不動

唯餘一作發南祖之燈韶州雲門山證真禪寺

匡真大師早契宗乘洞超真覺雖雙林示滅

十七年靡易金軀隻履遺蹤數萬里應迴慈

嶺朕顯膺麻數續一作續嗣丕圖泊三朝而並

切皈依乃一心而不忘迴向仰我師而獨登

果位在冲人而良所嘆嘉宜行封賞之文用

示褒崇之典可贈大慈雲匡聖宏明大師證

南漢文字畧 卷一

真禪寺宜昇為大覺禪寺

黃損字益之連州人梁龍德二年進士仕先主官至尚書左僕射著有桂香集若干卷射

法一卷南漢書有傳

諫興建宮室疏

陛下之國東低閩粵西逮荆楚北阻彭蠡之

波南負滄溟之險蓋舉五嶺而表之犀象珠

玉翠玳果布之富甲于天下所謂金城湯池

用武之地也今民庶窮落而工役繁興天災

人怨兵家所忌苟或不虞其何恃以為戰且

湖洛未平荆吳狂狡正宜務農息民以宏聖

基庶遏強敵乃縱耳目之好盡生民之膏興

土木之工傷樸素之化供一己逸欲而失天

下心臣竊以為陛下不取也

梁嵩 潯州桂平人白龍元年舉進士第一官翰林學士南漢書有傳

倚門望子賦

蒼蒼茫茫道遠倚倚望望情傷念遊子之久

南漢文字

卷一

別役慈心於遠方渺渺何之動幽懷於眷戀

滔滔不返向上國以觀光當其截髮投師操

心託迹遙望帝都俯登紫陌嚼臂於衛國門

前題柱於昇仙橋側擔簦日久希寸祿以資

榮負米程遙仗何人而請益征輪蓬斷別騎

塵飛睇盼睽睽凝思依依欲麻而既升雲路

遙憐而獨倚柴扉泪沒難明我則每晨昏而

悵望宗支有託汝曷無早晚以言歸常曠望

於烟霄每淒於蓬華杳杳兮故鄉寂寂兮

舊室幾行雁陣空來萬里家書難述水聲遠

驚懷古之思別恨惟對秋風之夕眷戀徘徊

愁心靡開抑鬱之情恒自切湮淪之事有誰

哀駕一葉之津涯誠難去矣聽孤鴻於碧落

得不悲哉想彼淹留傷予離索躊躇兮不止

優游乎何托盈庭之護草徒榮滿眼之蘆花

自落楊朱陌上蕭條而恨淚潛潛漢武臺邊

南漢文字

卷一

四

宛轉而殘霞漠漠恨陸海之高深念行役以

難尋憶昔伯俞之志寧無泣杖之心見月而

常憐獨坐聞蛩而每憶寒吟動茲懷土之思

惟憑蜀魄觸爾還鄉之計暗托秋砧嗟夫峨

峨仲邱殷勤士子獻書之數復何如干祿之

心幾時止遣我日日望紅塵此心終未已

鍾允章

其先邕州宜化人徙番禺先主時舉進士累官中書舍人三主時遷工部郎中知制誥後主立擢尚書左丞參知政事宦官許彥真誣以謀反族誅南漢書有

傳

雲華御室記

大漢享國之三十有三祀龍集己酉季冬莫
開十四葉上以萬機有暇四海無波時屬祈
寒節當東狩九卿扈駕百司隨鑾巡英州舍
於閭石翼日排仙仗整翠華羽衛星羅旗幢
雲布嶽靈警蹕風伯清塵上衣龍章絳袍曳
鳳文翠綬佩流黃鏤金之劍御飛靈凌崖之

南漢文字

卷一

五

輿幸茲盤龍石室者也伏惟大聖文武元德
大明至道大廣孝皇帝陛下聖惟天縱功格
帝堯味道探元章真元之化端拱垂袞返淳
朴之風百度惟貞九圍承式因訪清虛之景
爰追汗漫之遊斯山之勝槩也得非元化興
機巨靈運智丹臺璿室真為上帝之居乳竇
芝房宛是長生之境白犬吠而壺天晝永幽
禽語而洞壑雲深神草含華元泉瀉瑞于是

拂石牀而設御停玉輦以凝旒遂感龜鶴呈祥

河宗效器俄頃有一道流衣短褐斂容而至

自稱野人本無姓名云昔時葛先生於此石

室煉丹砂藥成息焰躡雲而舉今野人且伏

火延神秘丹於靈符并云後五百載當有真

人降此子宜以其還丹呈獻昨畧筭之起重

光單闕之歲迄屠維作聖之年將四百九十

紀果今金德主來幸驗真君之言明矣野人

南漢文字

卷一

六

因匍匐而來上喜聞所陳問僊者靈丹何在
野人曰尺耳遂捫蘿於峭壁中取出一小
石函函上有金書古篆題九蛻之丹四字內
有神丹七粒大如黍粟光影射人僊者開函
取丹躬自持獻野人遽旋踵隱入石縫間罔
知厥止時有近臣奏曰聖上德契元微感茲
靈異尚以兆民係念四海為心雖獲還丹未
宜輕服上然所奏遂屏左右迺召從臣吳懷

一第22下冊續修四庫全書第4版反內

恩捧丹隨御於石室深邃處鑿石秘之眾莫
知矣擇日亟命道眾設壇場陳齋醮以申告
謝靈貺由是龍顏開豁圓蓋舒情緩撫瑤琴
弄流泉之激越親灑宸翰奮睿思之縱橫奏
九成之簫韶烟霞縹緲感百獸之率舞洞府
喧闐羣后子來皆朝於禹會眾僊萃至競祝
於堯齡微臣榮列紫垣獲隨鑿輅紀僊靈秘
奧之事媿乏好辭頌聖朝煥克之功慚無麗

南漢文字

卷一

七

藻拜承綸旨伏積兢惶

按諸書所載少有異同飛靈五代史記注
本作靈飛章真之章十國春秋本亦奉寫
瑞之瑞南漢春秋本亦作瑞以瑞旒之以作
而而舉之而作西今野人果今兩今字十
作春秋皆作令九十紀之紀作祀真君之
真作其持獻之持南漢春秋作捧又十國
春秋九統從之丹下有四字兩字註本則
無之今統從註本考其異文且補所缺
南漢書有傳

唐撫言科第總序

王定保

南漢書有傳

周禮鄉大夫具鄉飲酒之教考其德行察其
道藝三年舉賢者貢於王庭非夫鄉舉里選
之義源於中古乎夫子聖人始以四科齒門
弟子後王因而範之漢革秦亂講求典禮亦
解循塗方轍以須賢俊考德行則升孝廉而
激浮俗揄道藝則第雋造而廣人文故郡國
貢士無虛歲矣繇是天下上計集於大司徒
府所以顯五教於萬民者也我唐沿隋法漢

南漢文字

卷一

八

孜孜矻矻以事草澤琴瑟不改而清濁殊塗
丹漆不施而豐儉異致始自武德辛巳歲四
月一日敕諸州學士及早有明經及秀才俊
士進士明於理體為鄉里所稱者奏本院考
試州長重覆取其合格每年十月隨物入貢
斯我唐貢士之始也厥有沿革錄之加左
撫言諸論

永徽之後以文儒亨達不由兩監者稀矣于

時場籍先兩監而後鄉貢蓋以朋友之臧否

文藝之優劣切磋琢磨匪朝伊夕抑揚去就

與眾共之有如趙邵蕭李趙驍邵軫蕭穎士李華婁郭

苑陳婁師德郭元振苑成陳子昂靡不名遂功成交全契

分泊乎近代厥道寢微玉石不分薰蕕錯雜

長我之望殊缺遠方之來亦乖止謂羣居固

非瓦合是知生而知之者性也學而知之者

習也渾金璞玉又何追琢之勞乎潢汗行潦

南漢文字 卷一 九

又何板築之置乎紵衣之獻彼跡疎而道親

也畫龍之刻斯面交而心賊也後之進者定

交擇友當問道之何如

孟軻言遇不遇命也或曰性能則命通以此

循彼匪命從於性耶若乃大者科級小者等

列當其角逐文場星馳解試品第潛方於十

哲春闈斷在於一鳴奈何取舍之源殆不踵

此或解元永黜或高第尋休黃頰以洪奧文

章蹉跎者一十三載劉棻以平漫子弟汨沒

者二十一年温岐濫竄於白衣羅隱負冤於

丹桂由斯言之可謂命通性能豈曰性能命

通者歟苟佛於是何姦宄亂常不有之矣

子曰不怨天不尤人下學而上達又曰求己

不責於人君子振跡發身咸覲善地反之於

己何怨天不尤人之於人則愛憎之競作

王冷然之負氣推命何疏魏丞相之復仇尤

南漢文字 卷一 十

人太過陵轍險詖二子得之有若李文公誨

弟之書華良夫干時之啟所謂君子之儒也

徐凝馬植豈非得之且武當垂名於不朽尹

璞所謂雖文何益後之學者得不以為炯戒

哉

科第之設沿革多矣文皇帝撥亂反正特盛

科名志在牢籠英彥邇來林棲谷隱櫛比鱗

差美給華資非第勿處雄藩劇郡非第勿居

斯乃名實相符享達自任得以惟聖作則爲
官擇人有其才者靡捐於甕牖繩樞無其才
者詎繫於王孫公子莫不理推畫一時契大
同垂三百年擢士衆矣然此科近代所美知
其美之所美者在乎端己直躬守而勿失味
其美之所美者在乎貪名巧宦得之爲榮噫
大聖設科以廣其教奈何味道由徑未旋踵
而身名俱泯又何科第之庇乎矧諸尋芳逐

南漢文字

卷一

十一

勝結友定交競車服之鮮華騁杯盤之意氣
沽激價譽比周行藏始膠漆於群強終短長
於逐末乃知得失之道坦然明白邱明所謂
求名而亡欲益而彰苟有其實又何科第之
關與

范宣之三立德居其首夫子之四科行在其
先矧乃五常者總之於仁百慮者試之於利
禍福不能迴至德貧富不能竄至仁夫矧成

之倫而窮達不侔者其惟命與苟屈諸道又
何窮達之異致矣

書云人無常師主善爲師於戲近世浮薄率
皆貴彼生知恥乎下學質疑問禮者先懷愧
色探微頤奧者翻汨沈流風教頹圯莫甚於
此由是李華自曰師於茂挺李翱亦曰請益
退之于時名遂功成才高位顯務乎矯俗以
遏崩波盛則盛矣方之繆公以小吏一言北

南漢文字

卷一

十一

面而師之者可謂曠古一人而已有若考覈
詞藝之臧否振舉後生之行藏非唯立賢所
謂報國噫今之論者信僥倖之賊歟
馬不必騏驎要之善走浴不必江海要之去
垢苟華而不實而此周鼓譽者不爲君子腹
誹鮮矣

夫求知者匪言不通旣通者匪節不合得之
於內失之於外萬萬不能移也所以越石父

免於羈束未旋踵而責以非禮善窺其合而已矣其有屬辭叙事言雖訐口知之者不其咎歟苟異於是其如險詖何

士之謀身得之者以才失之者惟命達失二揆宏道要樞可謂勤于脩己者與苟昧於斯繫彼能否臨深履薄歧路紛如得之則恃已所長失之則尤人不盡干祿之子能不慎諸及知命也者足以引之而排缺望不足倚之

南漢文字 卷一

三

而圖富貴倚之則事怠怠則智性昏引之則感通通則尤怨弭故孔孟之言命蓋阨窮而已矣有若立身慎行與聖哲同轍者則得喪語默復何蔓芥乎復何穹隆乎然士有死而不忘者思與知而已矣包子之誤放李翱之奏章足以資笑談不足以彰事實有功成身退冥心希夷者吾不得而齒矣
古人舉事之所難者大則赴湯火次則臨深

履薄李少卿又曰操空拳冒白刃聞者靡不膽寒髮豎永為子孫之戒噫危矣彼之得因我也失亦因我也殊不知三百年來科第之設草澤望之起家簪紱望之繼世孤寒失之其族餒矣世祿失之其族絕矣愧彼為裘之義覩乎析薪之喻方之湯火深薄空拳白刃危在彼矣是知瓜李之嫌惹苴之謗斯不可忘若邵鄧二子單進求名之志先其類雖順

南漢文字 卷一

十四

坂之勢可惜而握苗之戒難忘名既靡揚得之不求崔公脅制仁者所不為也許蔡二公所取者道也非為名也莎錦之譬諱浪而已才者璞也識者工也良璞投於賤工器之陋也偉才任於鄙識行之缺也由是立身揚名進德脩業苟昧乎識未有一其行藏者也矧乃時之不來命或多蹇善惡蔽於反己得失倖於尤人豈不驟達終危雖榮是辱非夫克

明躁靜之本洞究存亡之域臨財毋苟得臨
難毋苟免而能索身於坦夷者未之有也楊
子雲曰治亦鳳也美才高識其唯君子歟
無義而生不若有義而死邪曲而得不若正
直而失雖抱屈於一時竟垂裕於千載者賈
得之矣比夫天地無全功聖人無全能者白
得之矣麟肝鳳髓不登於俎者其唯將君乎
工拙由人得喪者命非賢之咎伊時之病善
不爲名而名隨之名不爲祿而祿從之苟異
於是不汨而小人之儒也尤人君子之儒也
反已詩曰風雨如晦鷄鳴不已
夫子口無擇言身無擇行言之遜人不以爲
諂言之危人不以爲訐蓋言與行契行由言
立故生人以來未有如某之聖者儒有用言
干進幾乎若乃交道匪終得言紀之者時則
有其人矣

南漢文字

卷一

五

語云當仁不讓於師顏氏子亦曰舜何人也
子何人也苟得其道自方於舜不爲之太過
苟失其道五尺童子能不鄙其妄與參以五
利受售不繫能否儒行缺矣輕薄之徒終喪
厥德旅葵之戒人子其惟慎諸
蕭琛以桃杖虎靴邢紹以絳綿糾髮所務先
設奇以動衆後務能以制人振天下之大名
爲一時之口實者也鄭公之服錦王公之衣
纈得無意於彼乎苟名實相遠則服之不衷
身之災沈酗之失聖人所戒雖王佐之才得
以贖過其如名教何
構思明速稟生知乎用不以道利口而已不
盾相攻其揆一也惜名掩善仁者所忌堯舜
其猶病諸
飛書毀謗自古有之言之公足以改過不公
足以推命睚眦讐之無益於己夫子之謂桓

南漢文字

卷一

六

應孟子之稱臧倉其是之謂與

七情十義靡不宗於仁而祖於禮者矧乃四
科之本文不居先三益之門德常在首又何
片言小善辨口利辭垂於簡編侔於粉績者
也或曰不然夫人頂天踵地惟呼最靈有德
者未必無文其上也文不勝德其次也德不
勝文有若文德具美含元不耀者其惟聖人
乎奈何近世薄徒自爲岸谷以含毫紙墨爲

南漢文字

卷一

七

末事以察言守分爲名流泊乎評品是非適
較古今竟不能措一辭發一論者能無愧於
心乎故僕雖題親詠折衝罇俎者皆列於門
日斯所以旌表瞻敏而矛盾榛蕪也亦由辱
以馬馮而俟之鶯谷知我者當免咎與若乃
先達所傳臧否人物雖不研究根本皆可著
鑑行藏莫匪正言足方周諺其有迹處皂隸
而行同君子者苟遺而不言則取舍之道賤

賢而貴愚忠孝之本先華而後實七十子之
徒其臣於季孟者亦其類而已

撫言贊

孰以顯廉臨財不苟孰以定交宏道則久窮
乃益堅達以胡有無得無喪天長地久君子
行之小人則否

舉孤棄讐聖人所美下展蔽善匹夫所鄙懿
彼數公時行時止守道克勤薦賢不倚冷然

南漢文字

卷一

六

所尚鴻儒不爲矣

撫言散序

定保生於咸通庚寅歲時屬南蠻騷動諸道
徵兵自是聯翩寇亂中土雖舊第太平里而
跡未嘗達京師故治平盛事罕得博聞然以
樂聞科第之美嘗諮訪於前達間如丞相吳
郡公宸翰林侍郎濮陽公融恩門右省李常
待渥顏夕拜薨從翁丞相溥從叔南海記室

渙其次同年廬十三延讓楊五十一贊圖崔
二十七籍若等十許人時蒙言及京華故事
靡不錄之於心退則編之於簡策始以進士
宴遊之盛案李肇舍人國史補云曲江大會
比爲下第舉人其筵席簡率器皿皆隔山拋
之屬比之席地幕天殆不相遠爾來漸加侈
靡皆爲上列所據向之下第舉人不復預矣
所以長安遊手之民自相鳩集目之爲進士

南漢文字

卷一

九

團初則至寡泊大中咸通已來人數頗眾其
有何士參者爲之酋帥尤善主張筵席凡今
年纔過關宴士參已備來年遊宴之費繇是
四海之內水陸之珍靡不畢備時號長安三
絕南院主事鄭容中書門下
張良佐并士參爲三絕團司所由百餘
輩各有所主大凡謝後便往期集院團司先
於主司
宅則稅一大第院內供帳宴饌卑於輦轂其
與新人期集日狀元與同年相見後便請一人爲錄事舊
例

率以狀元
爲錄事其餘主宴主酒主樂探花主茶之

類咸以其日辟之主樂兩人一主飲妓放榜

後大開科頭兩人第一常詰且至期集院常

宴則小科頭主張大宴則大科頭縱無宴席

科頭亦逐日請給茶錢平時不以數後
每人日五百文第一

部樂官科地每日一千第二部五百見燭皆

倍科頭皆重分逼曲江大會則先牒教坊請

奏上御紫雲樓垂簾觀焉時或擬作樂則爲

南漢文字

卷一

十

之移日故曹松詩云追遊若遇三清樂行從
應妨一日春赦下後人置被袋例以圖障酒
器錢絹實其中逢花卽飲故張籍詩云無人
不借花園宿到處皆携酒器行其被袋狀元
錄事同檢點闕一則罰金曲江之宴行市羅
列長安幾於半空公卿家率以其日揀選東
牀車馬闔塞莫可殫述泊巢寇之亂不復舊
態矣

南漢文字畧卷二

順德梁廷枏章冉輯

陳十八郎

尊勝經石幢記

上缺

乾和三年太歲乙巳三月八日丙寅

下

缺

陳十八郎敬贖造加

缺

佛尊 缺 陀羅尼幢

一座追廌幽途胡誤物并乞自

下缺

長於羅

浮 下缺

禪院供養設齋慶讚訖

南漢文字畧

卷二

按幢在羅浮山寶積寺門外太作大薦作薦

雷嶽

事三主麻官御書院給事南漢書有傳

匡真大師塔銘

詳夫水月定形覺浮生之可幻火蓮發艷知

覺性之宜修故妙果圓明寂爾而不生不滅

真如常住湛然而無去無來祛其華則是色

皆空存其實則眾魔咸折亦由山藏白玉泥

塗不能汙其珍沼出青蓮塵垢不能染其質

南漢文字畧卷一終

南漢文字畧

卷一

三

者也故匡真大師業傳西裔性達南宗戒珠
朗而慧日融光覺海揚而慈霖普潤示非法
無法之說若電翻輝應真空不空之談如鍾
逐扣以心唯清淨道本慈悲常挑智慧之燈
洞照昏衢之路將使化周有截終期證後無
爲故我釋迦如來厭綺羅絲竹之音痛生老
病死之苦踰金城而學道依檀持而修真六
載成功萬法俱熟爲四十九年慈父演八萬

南漢文字

卷二

四干法門現千百億化身

此句似衍一字

遍娑婆世

界說多多緣起開種種導門誓化迷淪令超
正覺于時求法寶者是諸沙數得道者於意
云何小則證須阿洹斯陀舍大則超阿羅漢
辟支佛卷舒自在蓮花中藏十二音聲變現
無窮芥子內納三千國土迺後化緣將卒示
滅雙林卽以法服衣傳于迦葉葉傳阿難難
傳商和那修修傳優波毘舍如如此展轉相傳

俾令常住世不滅矣泊至曹侯溪大圓滿至

真起覺大師是爲第三十三世祖若祇認達

磨禪師傳衣法至于曹溪則中華推爲第六

祖焉故西來智藥三藏駐錫曹溪云一百七

十年後當有無上法寶肉身菩薩于曹溪興

化學道者如林故號曹溪爲寶林自祖師成

等正覺後現一百六十九口生身菩薩遍在

諸方行化迺后得道莫知其數皆曹溪之裔

南漢文字

卷二

三

也故匡真大師嗣于一葉焉師諱文偃姓張
氏晉王罔東曹叅軍翰十三代孫也翰知世
將泯見機休緣徙于江淞故胤及我祖生于
蘇州嘉興郡師幼慕出塵乃棲于嘉興空王
寺志澄律師下爲童凡諸經無煩再閱及長
落髮具足于常州壇後侍澄公講數年頃家
四分指歸乃辭澄謁睦州道蹤禪師則黃蘗
之派也一室常閉四壁唯空或復接人無容

竹思師卷舒得志徑往扣門禪師問誰師曰
文偃師關門云頻頻來作什麼師云學人已
事不明禪師曰秦時轆轤鑽以手托出閉門
師因是發明又經數載禪師以心機秘密關
鑰彌堅知師終為法海要津定作禪天朗月
因語師云吾非汝師莫住師遂入閩纔登鳥
骨直奮鵬程因造雪峰會三禮欲施雪峰乃
云何得到詰麼師不移絲髮重印全機雖等

南漢文字

卷二

四

截流還同戴角由是學徒千餘凡聖莫審師
昏旭叅問寒煥屢遷樞衣惟切於虛心得果
冥輸于實腹因有僧問雪峰云如何是觸目
不見道運足焉知路雪峰云蒼天僧不明問
師師曰三斤麻一疋布僧後問於峰峰云嘻
我常疑個布衲師於會裏密契玄機因是出
會遍謁諸山尊宿頗有言句世所聞知後雪
峰遷化學徒乃問峰佛法付誰峰云遇松偃

處住學徒莫識其機偃者蓋師名也至今雪
峰遺誠不立尊宿辛未禮于曹溪旋謁靈樹
故知聖大師以心機相露膠漆契情歲在丁
丑知聖大師一日召師及學徒曰吾若滅後
必遇無上人為吾茶毘至戊寅高祖天皇大
帝巡狩韶石幸于靈樹知聖遷化果契前約
敕為契之獲舍利塑形于方丈于時詔師入
見特恩賜紫衣敕師于本州廳開堂師於是

南漢文字

卷二

五

踞知聖筵說雪峰法實謂禪河洶湧佛日輝
華道俗數千問答應嚮郡守何公希範禮及
曰弟子請益師曰目前無異草有人問如何
是本來心師云舉起分明別有言句錄行于
世爾後大師心唯恬默奏乞移菴敕允癸未
領學志開雲門山五載功成四周雲合殿宇
之簷楹翼翥房廊之高下鱗差邃壑幽泉控
暑月而寒生戶牖喬松修竹冒香風而韻篋

宮商近於三十來秋不減半千之眾歲納他
方之供日豐香積之厨有殊舍衛之城何異
靈山之會院主師傅大德表奏院畢功敕賜
光泰禪院額及朱記至戊戌歲高祖天皇大
帝詔師入闕帝問如何是禪師曰聖人有問
臣僧有對帝曰作麼生對師云請陛下鑒臣
前語帝悅云知師孤戒朕早欽敬宣下授師
左右街僧錄師默而不對復宣下左右曰此

南漢文字

卷二

六

師修行已知蹊徑應不樂榮祿乃詔曰放師
歸山可乎師欣然山呼萬歲翌日賜內帑香
藥施利鹽貨等廻山并加號曰匡真厥後每
年頒降頒宣繁不盡記恭惟我當今大聖文
武立德大明至道大廣孝皇帝歲在單闕運
聖謨而手平內難奮神武而力建中興恩極
八紘道弘三教乃詔師入內經月供養賜六
銖衣一襲香藥施利等而廻并御製塔額預

賜爲寶光之塔瑞雲之院師自從示眾卓爾
宗風凡在應機實當奇特常一時見眾集久
乃云汝若不會三十年莫道不見老僧時有
三僧一時出來禮足師云三人一狀有問禪
者則云正好辨有問道者則云透出一宗有
問祖意者則云日裏看山有纜跨門者則以
杖打之有時云眾云直下無事早是埋沒也
迷緣不已豈是徒然畧舉大綱將禪往代師

南漢文字

卷二

七

以法無定相學無准常每修一忌齊用酬二
嗣諱此處字似有訛師一坐道場三十餘載求法寶
者雲來四表得心印者葉散諸山則知覺路
程開雙林果滿諸漏已盡萬法皆空雖假臥
漳未少妨於叅問終云虛幻乃示寂以韜光
侍者奉湯師付盃子曰第一是吾着便第二
是汝着便記取遺修表祝別皇王乃自札遺
誠曰吾滅後汝等弗可效俗教着孝服哭泣

喪車之禮則違佛制有紊禪宗也付法于白雲山實性大師志庠師會下已匡徒眾已酉

歲四月十日子時師順世嗚呼慈舟壞兮輪

迴失渡法山摧兮飛走何依緇倫感薤露之

悲檀信動式微之詠宋雲遇處但携隻履以

無還慈氏來時應召三峯而再出月二十有

五諸山尊宿具威儀道俗千數送師于浮圖

靈容如昔依師訓塔于當山方丈內法齡七

南漢文字 卷二

八

紀二僧臘六旬六于日行雲斂態隴樹無春

覩嶽孤猿啼助哀傳之苦穿林幽鳥聲添惜

別之愁弔客掩襟佇立以泣在會叅學小師

守堅終始荷贊洞契無為門人淨本大師常

實等三十六人知事皆明佛性雅得師宗也

在京弟子報恩寺內供奉七十餘人皆出自

宮闈素精道行救賜與師為弟子法經內僧

錄六通大師教中大法師道聰洞容入門尤

精外學也嶽鏤冰蕤映雪功疎自愧斐然
濫承厚辟編成實性紀彼銘云

師歸何處超然寂然愛河萬頃涉若晴川

恩超四果難降眾魔迷則眾劫悟則刹那

是色非色真空則空如水涵象若燭隨風

雖云有佛難窮于佛如地有芽逢春自出

菩提無種覺花無子妙果如成有何生死

是法非法恍惚難尋無內無外即心傳心

南漢文字 卷二

九

劫名成灰兮邱陵潛燬大海為田今人倫斯

改紀師實性兮刻于貞珉龍化會開今師蹤

如在漢大寶元年歲次戊午十二月一日建

按此與陳守中所紀文假事畧有同與透

出一宗宗字守中作字僧問觸目不見道

峰日昨不明又問師日更奉三尺竹高祖

問作麼生是本來心日舉起分明並異

龔澄樞 咸寧人先主時為內給事後主
時累官至內太師南漢書有傳

西鐵塔記

玉清宮使德陵使龍德宮使開府儀同三司

行內侍監上柱國龔澄樞同女弟子鄧氏三十二娘以大寶六年歲次癸亥五月壬子十七日戊辰鑄造永充供養

入緣弟子內給事都監韶州梁延鄂

弟子劉軍 缺

按塔四面刻銘各七行行八字至十字不等外一行官名文皆同皆有佛號三面字皆殘缺過半惟西面獨完好末一行亦為三面所無是塔作於大寶六年澄樞所自造東塔作於大寶十年李托等奉敕造朱竹垞先生曝書亭集謂二塔並立一屋一

南漢文字 卷二

作記一題名因誤翁覃溪先生粵東金石畧云竹垞謂其列名皆宦者今觀其列名皆沙門監造而宦者惟澄樞一人今按西塔無沙門題名東塔宦官又止李托無澄樞名則金石畧所記亦誤也

李托等 托封川人 事先主為內府局令後主時累進內太師南漢書有傳

東鐵塔記

大漢皇帝以大寶十年丁卯歲勅有司用烏金鑄造千佛寶塔壹所七層并相輪蓮花座高二丈二尺保龍躬有慶祈鳳厓無疆萬方

咸使於清平八表永承於交泰然後善資三有福被四恩以四月乾德節設齋慶讚謹記

上缺 使秀 下缺 官點檢 下缺 將軍行 下缺 開

國伯食邑七伯戶 下缺 教中大法師內 下缺 監 下缺 大夫檢校工部

尚書 缺 法 缺 師沙 下缺

上缺 中大 下缺 檢校 缺 部尚書 下缺 門 下缺

教中大法師內供奉講經首座金紫 下缺 夫

南漢文字 卷二

檢校工部尚書寶法大師沙門臣 下缺

內殿大僧錄教中大法師金紫光祿 下缺 檢

校工部尚書曉真大師法門臣道 下缺

按塔記鑄鐵為之已剝蝕不完卯輪躬數字已缺金石萃編本咸下又缺一字南漢春秋所載是底字道光廣東通志金石畧作使字以拓本考之固使字也又佛上一字萃編本誤作十字千上兩本均缺一字細繹拓本實空格也今據南漢春秋本補入而更正之

陳守中 後主時官西御院使集賢學士承旨遷大中大夫知太僕寺事南漢書有傳

匡聖宏明大師碑銘

原夫真空無相劫火銷而性相何來妙法有緣元氣剖而因緣何起造化莫能為關鍵元黃不可為種根凡乎十號之尊出彼三祇之劫增莫知而滅寧觀詎究始終望不見而名無言孰明去住不有中不空中空匪動匪搖常寂常樂拘留孫之過去釋種圓明毗婆尸之下生元符合契絲是修行道者相好業

南漢文字

卷二

十一

成爰授記於定光迺度人於摩揭自是一音演說二諦宏宣開八萬法門化三千世界大乘六而小乘九慧業難基欲界四而色界三昏波易染所以興行六度接引四生求真者竟洗六塵修果者咸超十地盡使昏衢之內俱萌捨筏之心大磨人天俾居淨土其後衣纏白氎履脫金沙示無住之身現有終之理於是迦葉結集阿難證真遞付心珠住持法

藏象教遠流於千華覺花遍滿於十方馬鳴興護法之功龍樹顯降魔之力師師相受法法相承大化無窮不可思議而自我祖承運明帝御乾符聖夢以西來圖粹容而東化金言玉偈摩騰行首譯之文鹿苑雞林佛朔遂身遊之化迨於魏晉迄至隋唐達理者甚多得道者非少其如麻帝麻代有廢有興未若當今聖明欽崇教相者也伏惟睿聖文武隆

南漢文字

卷二

十二

德高明宏道大光孝皇帝陛下德參覆載道合照臨叶九五之龍飛應一千之鳳麻承帝譬有堯之慶鴻業教興體下武繼文之基聖功崛起每念八紘紛擾九土艱虞耀干戈弧矢以宣威救生靈塗炭用聲明文物而闡教致寰宇雍熙櫛沐忘勞暨大禹之所未鑿造化不測開巨靈之所未開慶雲呈而甘露垂嘉穀生而芝草出其於儒也則石渠金馬刊

定古今八索九邱洞窮淵奧其於道也則探
元抱朴得太上之妙門寶籙靈符授虛皇之
秘訣於機暇既崇於儒道注宸衷復重於佛
僧是以奉三寶於虛空福萬民於寰宇紺宮
金剎在處增修白足黃頭聯辰受供而乃頻
彰瑞感顯應昌期矧以韶石奧區漕溪勝地
昔西來智藥三藏駐錫於漕溪曰一百七十
年後當有無上法寶肉身菩薩於此興化學

南漢文字

卷二

四

道者如林故號漕溪曰寶林也二十八祖之
心印達磨東傳三十三代之法衣祖師南授
自六祖大師登正果之後所謂學者如林天
下高僧無不臻湊者矣大慈雲匡聖宏明大
師者則別穎一枝也大師澄真不渾定性自
然馳記荊之高名躡迦維之密行惠燈呈耀
智劍發矧六根淨而五眼清不染不著四果
證而三明明自悟自修啟禪門而定水泓澄

搜律藏而戒珠瑩徹水上之蓮花千葉清淨
芬芳空中之桂魄一輪孤高皎潔機無細而
不應道有請而必行固得百福莊嚴萬行圓
滿盡諸有漏達彼無為大師諱文姓張氏吳
越蘇州嘉興人也生而聰敏幼足神風不雜
時流自高和纔逾卅歲便慕出家乃受業
於嘉興空王寺律師志澄下為上足披經懺
偈一覽無遺勤苦而成依年具尸羅於常州

南漢文字

卷二

五

戒壇初習小乘次通中道因聞睦州道蹤禪
師闢鑰高險往而謁之來去數月忽一日禪
師發問曰頻頻來作什麼對曰學人已事不
明禪師以手推出云秦時轆轤師因是發
明微而有理經數載策杖入閩造於雪峰會
下三禮之後雪峰和尚頗形器重之色是時
千人學業四眾咸歸肅穆之中凡聖莫測師
朝昏參問寒煖屢遷昂鶴態於羣流閉禪扉

於方寸因有僧問雪峰曰如何是觸目不見
道運足焉知路雪峰曰吽其僧不明舉問師
此意如何師曰兩斤麻一疋布僧又不明復
問何義師曰更奉三尺竹僧後聞於雪峰峰
曰噫我常疑箇布衲其後頗有言句繁而不
書乃於眾中密有傳授因是出會游訪諸山
後雪峰遷化學徒問曰和尚佛法付誰峰曰
遇松偃處住學徒莫測偃者則師之法號也

南漢文字 卷二

六

遺誠至今雪峰不立尊宿辛未屆於漕溪旋
謁靈樹故知聖大師如敏長老以識心相見靜本
畧同傳侶接延僅逾八載丁丑知聖忽一日
召師及學徒語曰吾若滅後必遇無上人為
吾茶毗及戊寅歲知聖大師順寂恰遇高祖
天皇大帝駕幸韶陽至於靈樹勅為焚蕪果
契前言也師是時奉詔對敷便令說法授以
章服次年又賜於本州為軍民開堂師據知

聖筵說雪峰法牧守何希範禮足曰弟子請
益師曰目前無異草是日問禪者接踵其對
答備傳於世師亦後倦於延接志在幽清奏
乞移庵帝命俞允癸未領眾開雲門山構創
梵宮數畝而畢莫不因高就遠審地為基層
軒邃宇而湧成花界金繩而化出曉霞低覆
絳帷微襯於雕楹夕露散垂珠網輕籠於碧
凡匝匝盡奇峰秀嶺逶迤皆潑黛堆藍泉幽

南漢文字 卷二

七

而聲激珠璣松老而勢擎空碧由是裝嚴寶
相合雜香廚樞衣者歲溢千人擁錫者雲來
四表菴羅衛之林畔景象無殊者闍崛之山
中規模匪異院主師傳表奏造院畢功勅賜
額曰光泰禪院至戊戌歲高祖天皇大帝詔
師入闕朝對有容因宣問曰作麼生是本來
心師曰舉起分明帝知師洞韞元機益加欽
敬其日欲授師左右街大僧錄遜讓再三而

免翌日賜師號曰匡真大師延駐浹旬賜內帑銀絹香藥遣迴本院厥後常注宸衷頻加賜賚尋伏遇中宗文武光聖明孝皇帝繼承鴻業廣布皇風廓靜九圍常敬三寶復降詔旨命師入於內殿供養月餘仍賜六銖衣錢絹香藥等却旋武水并預賜塔院額曰瑞雲之院寶光之塔師禪河浩淼聞必驚人有問禪者則云正好辨有問道者則云透出一字

南漢文字

卷二

六

有問祖師意者則云日裏看山凡所接對言機大約如此了義元遠法藏幽微化席一興歲華三紀師於生滅處在色空中來若鳳儀作僧中之異瑞去同蟬蛻爲天外之浮雲於屠維作噩之歲四月十日寢膳微爽動止無妨忽謂諸學徒曰來去是常吾當行矣命侍者奉湯師付湯椀於侍者曰第一是吾著便第二是汝著便亟令修表告別君王乃自札

遺誠曰吾滅後不得敬俗家着孝衣哭泣備喪車之禮則違我誠有紊禪宗也付法於白雲山實性大師志庠其日子時瞑目怡顏疊足而化嗚呼化緣有盡示相無生端然不壞之身寂尔歸真之性惠兼雖乾於此界法山復化於何方峰雲慘澹以低垂眾鳥悲鳴而不散學徒感極瞻鴈塔以銜哀門客戀深拜禪龕而雪涕以當月二十有五諸山尊宿

南漢文字

卷二

五

四界道俗送師入塔壽齡八十六僧臘六十六香飄數里坐振一隅護法龍神出虛空而閃爍受戒陰隲現髣髴之形容其後諸國侯王普天僧眾聞師圓寂竟致齋羞而後一十七年我皇帝應天順人垂衣御極順三靈而啟聖紹四葉之耿光大振堯風中興佛法至大寶六年歲次癸亥八月有雄武軍節度推官阮紹莊忽於夢中見大師在佛殿之上天

色明朗以拂子招紹莊報云吾在塔多時汝

可言於李特進秀華官使特進李托也托他奏聞為吾

開塔紹莊應對之次驚覺麻然是時李托奉

勅在韶州於諸山門寺院修建道場因是得

述斯夢修齋事畢迴京奏聞聖上謂近臣曰

此師果圓滿坐化多年今若託夢奏來必有

顯現宜降勅命指撝韶州都監軍府事梁延

鄂同本府官吏往雲門山開塔如無所壞則

南漢文字 卷二 三

奏聞迎取入京梁延鄂於是准勅致齋然後

用功開鑿菩薩相依稀旋觀蓮花香馥郁先

聞須臾寶塔豁開法身如故眼半合而珠光

欲轉口微啟而珂雪密排髻髮復生手足猶

軟放神光於方丈晃耀移時興瑞霧於周迴

氤氳永日即道即俗觀者數千靈異既彰尋

乃具表奏聞勅旨宣令李托部署人船往雲

門修齋迎請天吳息浪風伯清塵直濟中流

俄達上國勅旨於岷嶽步駐泊翌日左右兩

街諸寺僧眾東西教坊四部伶倫迎引靈龕

入於大內螺鈸鏗鏘於玉闕幡花羅列於天

衢聖上別注敬誠賜昇秘殿大陳供養疊啟

齋筵排內帑之瓊珍饌天廚之蒞藻列砌之

瓊珠斛滿盈盤之虹玉花明浮紫氣於皇城

炫靈光於清禁聖上親臨寶輦重換法衣謂

侍臣曰朕聞金剛不壞之身此之謂也於是

南漢文字 卷二 三

許羣寮士庶四海蕃商俱入內庭各得瞻禮

瑤林畔千燈接晝寶山前百戲聯宵施利錢

銀不可殫紀以十月十六日乃下制曰定水

澄源火蓮發豔夙悟無生之理永留不朽之

名萬象都捐但秘西乾之印一真不動惟發

南祖之燈韶州雲門山證真禪寺匡真大師

早契宗乘洞超真覺雖雙林示滅十七年靡

易金軀隻履遺蹤數萬年應迴葱嶺朕顯膺

麻數績嗣不圖洎三朝而並切版依乃一心
而不忘迴向仰我師而獨登果位在沖人而
良所歎嘉宜行封賞之文用示褒崇之典可
贈大慈雲匡聖宏明大師證真禪寺宜昇爲
大覺禪寺重臣將命乳奠坤儀太常行禮於
天墀綸誥宣恩於雲陛固可冥垂慈睨密運
神通資聖壽於延長保皇基於廣大師在內
一月餘日聖澤優隆七寶裝龕六銖裁服頒
賜所厚今古難倫當月二十九日宣下李托
部署却迴山門有參學小師雙峰山長老廣
悟大師賜紫竟欽溫門山感悟大師契本雲
門山上足小師應悟大師常寶等同部署真
身到闕亦在內庭受供恩渥異常其諸上足
門人常厚等四十餘人各是章衣師號散在
諸方或性達禪機或名高長老在京小師悟
明大師都監內諸寺賜紫常一等六十餘人

南漢文字

卷二

三

或典謀法教或領袖沙門臣才異披沙學同
鑄水虔膺鳳旨紀實性以難周愧匪雄詞勒
貞珉於不朽乃爲銘曰
於穆大雄教敷百億亭育二儀提攜八極不
滅不生無聲無色卓爾神功昭然慧力其一化
無不周道無不備法既流兮教既布矣爰示
滅樂歸乎妙理實性真宗枝分風靡其二祖祖
傳心燈燈散燭詮諦騰鑣聖賢交躅種種津
梁門門杼軸正覺廣焉尋之不足其三厥有寶
林重芳一葉布無上乘登無上檝法炬墮隴
尼珠焯煜拯溺迷津救焚塵劫其四南北學徒
樞衣朝夕無醉不醒無昏不釋示其生焉來
彰慧績示其滅焉歸圓真寂其五湛然不動塔
韞寶光玉毫彌赫金相彌莊時乎未矣我則
晦藏時乎至矣我則昭彰其六爰於明朝現茲
法質如撥障雲重舒朗日瑞應皇基福隆帝

南漢文字

卷二

三

室聖覽禎祥恩頒洋溢其七三翼沿沂千里請

迎迎來丹闕設在三清金銀羅列瓊壁堆盈

俄生紫氣潛覆皇城其八日陳供席夜奏笙歌

施億寶貝捨萬綺羅神傾蔭葡天降曼陀前

佛後佛顯應斯多其九明明聖君仁仁慈主聖

比和風慈同甘雨祚與天長教將地固勒之

貞珉永芳千古其十維大齊七年歲次甲子

四月丁未朔列聖宮使甘泉宮使秀華宮使

南漢文字 卷二

三

翫華宮使開府儀同三司行內侍監上柱國

臣李托 玉清宮使德陵使龍德宮使開府

儀同三司行內侍監上柱國武昌縣開國男

食邑三百戶臣龔澄樞承旨建 右街大乾

亨寺內殿供奉講論兼表白意法大師賜紫

沙門臣行修奉勅書 右龍虎軍控鶴將軍

陪戎副尉臣孔廷謂臣廷津臣陳廷嗣臣鄧

懷忠等鑄字

功碑本鑿作鑿剝作剝曹溪之曹作漕載

與乳源縣志及五代史記注所載本又少

有同異注本缺老矣誠有奈禪宗地振炫

利銀錢位所毫等字又志本欲界之界作戒

俱萌之萌作明屍脫之屍作履藏象之藏

之道作通繼久之久作授佛朔之朔作塑宏道

是妙之妙作以僧倫作增修泊六祖之泊

作自果證之證作澄幼足之幼作多譯倘

之譯作釋數月之月作日兩斤之兩作三

後聞作復問榻于之榻作居路同之路作

畧吾若滅後必遇無上人志無若無字使

令作便命歲滿之溢作益僧號之僧作師

遣迴之迴作還中宗下無文武八字降詔

南漢文字 卷二

三

無詔字題賜塔院作預塔院額師意無師
字命侍者無命字本府無府字用功開鑿
無用功字異耀之異作見盈船之船作盤
於廣大之於作而優渥之渥作隆章衣之
衣作服長者之者作老交闕之交作受皇
降之降作基福隆之福作降今從碑本而
考證諸刊本
補其闕文

僧神坦

長慶禪院銅鐘款

漢乾和十五年歲次丁巳十一月一日癸未

朔二十日壬寅雲母山長慶禪院沙門神坦

普勸眾緣鑄造洪鐘一口重八百斤上資國
祚普及四恩下濟三有永充供養

按款內既書十一月一日復云癸未朔於
義為複又濟作濟蓋當時沙門中不通文
者所為也

吳懷恩 番禺人先主時為內府局丞累官桂州
團練使為部軍所殺南漢書有傳
感報寺銅鐘款

維大漢乾和十六年太歲戊午閏六月庚辰
朔十六日己未弟子南華官使桂州管內招

南漢文字 卷二 三

討使特進行內侍上柱國吳懷恩鑄造鴻鐘
一口重五百斤置於梧州雲蓋山感報寺永
充供養上資當今皇帝龍圖永固聖壽萬春
謹記

按鐘在蒼梧縣光孝寺高三尺口徑一尺
七寸真書徑六分

劉崇遠

新開宴石山記

以上缺
容州管內都製置鹽鐵發運等務竝

白州永資院點檢義勝等都 缺 務 缺 賜紫金

魚袋劉崇遠 蓋聞住非聲而去非色無滅

無生視不見而聽不聞有 缺 有 下缺 三空俄

顯一德爰彰善念必通勤行可學明明宗旨

麻麻程途實有路以堪躋 缺 二門而可入自

是心源不透智筏未征達彼岸以何由湊元

關而莫迨崇遠自親禁掖厚忝渥恩凡覩靈

蹤悉虔俗志冀精勤於一善上報答於九重

南漢文字 卷二 七

宴石山者在白州博白縣之西鄉與馬門灘

狀波公之祠鄰近圖經云昔有神人稱陳越

王今有古宮基址見在廉州合浦縣 缺 二曾

宴於此山故以為名焉其山也西枕清波南

連翠 缺 曉則輕雲簇白晝則遠樹攢青石罅

泉噴點點而斜飛皓雪 缺 二花秀葉叢而密

綴紅 缺 左紉右迴前龜後鶴蔬足菓足松寒

竹寒昔曾有人臨水 缺 二作佛像約高五丈

餘未窮其年代者矣缺有壬向石室一所唐

咸通中高相座缺統十道兵師禦八蠻疆境

經行之際於此缺塑造佛像今以缺崇遠

因監製運遂切經營乃命良工闢為精舍一

山迥臺兩室相鄰缺是以黑金鑄釋迦瑞象

設於東室又鑄釋迦牟尼佛一座兼別鑄五

百阿羅漢缺羅漢設於西室其次有石引

廊齋堂僧房等在於室外請僧師肇道志惟

南漢文字 卷二

天

敏惟忠住持焚修缺則飛章聞奏皇澤爰頒

賜額號於缺今為覺果之禪院缺謂覺乃

大覺之缺果乃勝果之門覺與果齊果因覺

集缺外天鑿洞臨致去石嵐永為勝地又

別有東峯石山一座中有東西南北四室鬼

峩若畫礪魄如鑄直疑乎造化剗開又恐是

神仙斲出多景多致唯煙唯霞亦以黑金鑄

玉皇道君老君天地水三官並置左空右元

真人玉童玉女左右龍虎君元中大法師設

於室內卓爾威儀森然侍衛請道士廖德崇

劉守清盧守和等別建道院住持焚修以乾

和十五年丁巳歲八月二十三日建迄于

大寶元年戊午歲十二月二十七日畢功建

置道場設齋慶讚訖莫不青蓮金柱如切利

以初來錦舌蒼肝似藥珠而乍降綵是命乎

緇侶招彼羽人金鑪曉炷以粉醴銀炬宵燃

南漢文字 卷二

天

而炫耀用全因果上贊休明缺來四海之朝

宗盡類眾星而拱極功既畢矣願且周焉可

以齊嵩華之堅可以竝江河之永靈基勝跡

萬古千秋時大漢大寶二年太歲己未九月

癸卯朔二十四日丙寅記 晨輝殿使知白

州軍州事都管勾容州管內都製置鹽鐵發

運等務朝請郎檢校尚書工部員外郎柱國

賜緋魚袋樊匡嗣榮秉郡符同崇缺勝社

左靜下缺 都部領將金紫光祿大夫左領缺

將軍檢校刑部上書缺五 上柱國蔡彥宏

寧遠軍節度衙前兵馬使充製置務表狀孔

目官缺 昭書 製置務客司軍將李道員鑄

按記真書徑八分許在博白縣考縣志云
真石山在頤敷堡與紫陽巖相連兩地寺
觀皆劉崇遠闢建僭竊之世具此物力取
於民多矣己未周恭帝顯德六年也記為
覺果禪院作蒸條鐵圍山叢
談稱普光寺者宋時改名耳

僧義初

南漢文字 卷二

寶林禪院鐘款

粵維大寶二年太歲己未七月甲辰十九日

壬戌樂昌黃蓮山寶林禪院住持長老明徽

大師賜紫沙門義初召眾緣鑄造銅鐘一口

重四百斤勸首弟子給事郎守內侍省內府

局令都監樂昌防遏諸都并監樂昌院事賜

紫金魚袋鄭敬贊以七月二十八日設齋慶

讚永充供養 奉勅鑄題黃蓮山銅鐘壹口

官力

僧崇愍等

乾亨寺銅鐘款

維大漢大寶四年歲次辛酉九月辛酉朔二

十五日乙酉鑄造銅鐘一口重一千五百斤

於乾亨寺永充供養僧正大德崇愍都監大

德行超監寺大德都維那僧楚彤住持從義

楚澄榮然戒詮智暹知亮宏遇西頭供奉官

南漢文字 卷二

都監賀州防拓應援等軍竝監賀州事徵事

郎守內侍省內府局令賜紫金魚袋梁延康

管甲指搆使全友誠劉處詳佐遷內承旨黃

守鐔指搆使陳匡遠左雄勇指搆使都監賀

州應援軍銀青光祿大夫檢校刑部尚書兼

御史大夫上柱國郭達西頭高品譚文定西

上閣門使副權錄事參軍梁延福 郭居弟

子楊德威廖師進宋居訓黃進又詹延達鄧

承潤王廷猷梁承選蕭彥鎬黃仁祚李延亮
孟漢璿劉意琅黃少璘陳延福胡延舉蕭彥
湘王景起莫少宣陳進清孟漢達孟意通陳
德用姚宏雅黃仁裕虞從慶王鄰倫延綬嚴
匡演楊燦李常溫廖延通李延意莫楷虞才
訓 女弟子蔣氏六娘黃二娘徐四十娘李
十四娘虞二十一娘陳二娘歐陽十八娘陶
五娘李二十八娘馮一娘 高品銀青光祿

南漢文字 卷二

大夫檢校國子祭酒兼侍御史柱國莫道贊
翰林 待詔文林郎試大理評事王師訓
眾緣應援軍十將盧法住龐保定楊僧羅法
寧劉光美李善能楊象封帑陳令簡鄧會陳
道情梁雪羅貴楊道意楊公海覃廷儀潘廷
美馮金劉迢何匡韻龐婺兒伍僧會潘楚規
楊軍朗梁瑤盧嫩龔硯楊知蘇蘊黃延集楊
虔吳採龐奴甯舍梁彥通梁幼余戀甯光包

邵兒洗初鍾添唐勝梁云慶堯保成劉史乾
亨寺住持僧宏遇善儒志寬善慧寺監寺大
德緣集法喜正惠禪院監院大德智堅西山
勝果寺監持大德惠長寺主契真仁王寺監
寺大德善德峽山寺大德從惠審依東南道
靈化寺大德延蒲 鑄造匠人梁道崇顏位
鄧珠書人區昱鐫字匠人齊公延齊公握阮
仁與田從訓 眾緣弟子馬軍郭道崇陳延

南漢文字 卷二

嗣何懷堅李懷進梁道崇李廷真區彥從錢
珣唐緒顏位陳彥詳防拓軍十將何肱聶軻
王畋成行柔阮敬芝張利保區珍陳廷桂李
辛宋從順楊廷懿蘇全志植昌鐵陳體陳癸
黎小錐陳保得吳甯收區昱鄧珣楊延慶凌
孟益羅敬曼黎匡克黎崇徽陳法善梁觀音
林光嗣禰慶眾張僧養林讓梁匡錫陳延智
何佛養陳延壽梁保志馮僧保李文叨陳潘

久蘇亞張料六梁保綬何廷泛劉道誠梁敬
遷梁度嚴留梁光嗣吳佛保陳公遠區延志
聶再隆陳彥嵩盧光志王佛壽劉韶向延古
陳佛看蘇保兒蒙愛梁延愛梁和尚莫宋張
佛王老徐嫩植崇保梁懷徹盧延保區紹陳
承鄴黃知道王期陳師黎佛念鄧法護洗光
嗣李張盧邢封善修盧從緼陳思憲 女弟
子陳三姪區四娘宋九娘李八娘陳二娘任

南漢文字

卷二

三

八娘簡十娘王一娘劉二娘李九娘廖二娘
趙十六娘徐九娘何一娘陳一娘 左廂都
押衙知桂嶺縣事歐陽敬忠右廂都押衙梁
存忠防城都押衙黃延靜四界馬步都虞候
知馮乘縣事孟漢堆馬步都虞候莫慶典承
議郎守連山縣程崇珪捕賊官陳子勳虞承
遠馮合瑁軍事孔目官知寶城場務虞延慈
鼓鑄都勾孔目官知富川縣梁珠軍事押衙

官勾蕩山縣科敬楊蘊讀示孔目官鍾全美
廳勾孔目官陳昌鼓鑄孔目官鍾虔眇曹都
鍾仁英州司孔目官虞保忠陳承保黃承畔
表奏孔目官費沆虞仁贊王廷規虞仁祚倉
督廖仁亮臨賀縣都行耆壽虞師岳陳子璩
歐陽續桂嶺縣都行耆壽李宰餘富川縣都
行耆壽王漢膺董仁興馮乘縣耆壽何仁富
蕩山縣耆壽黎霜層寶城場行首賓懷祚

南漢文字

卷二

三

按鐘文真書徑五分在賀縣三乘寺高四
尺四寸口徑二尺五寸四面皆有款廣西
通志云其官位及僧徒稱謂亦足考一時
之制內多異姓如洗慶植禪科賓之類
音喧今南中尚有此姓而洗或作洗觀是
鐘知其誤自五代時已然大寶辛未為宋
太祖建隆二年考史是年九月
朔壬戌此云辛酉亦差一日也

缺名

鎮象塔記

以大寶 下缺 月乙卯朔六日庚申 下缺 面招
討使行內侍監上柱國邵 下缺 地一段收 下

及諸寺院僧尼鑄造佛頂尊勝下缺尼下

大白衣觀下缺薩尊下缺塔五層四面龕

室裝嚴佛像又捨黑下缺差僧延嗣任持焚

修伏以所崇妙善益下缺羣象踏食百姓田

禾累奉勅下差人採捕驅括入欄烹宰應贖

軍下缺其戴甲披下缺負來之下缺遺骸帶

魄難超捨去下缺良因免涉幽扇之苦速承

濟度永辭異類之徒

南漢文字 卷二

三

按吳萊南海古蹟記云東莞鎮象塔兩餘宮使邵廷珪造粵東金石畧題大寶五年然據路振九國志廷珪於大寶七年始加招討使而今拓本已題有招討使之銜其年月名字俱缺疑未必果為廷珪矣詳南漢書考異

長壽寺鐘款

大漢皇帝維大寶七年歲次甲子正月一日

戊寅鑄造洪鐘一口重銅壹千四百六拾斤

於長壽寺永供養 其鐘元在長壽寺至今

戊辰歲四月八日却移於法明寺永充供養

都維那僧惟省直歲僧法光典座僧令恩上座文昌

按戊辰為大寶十一年鑄鐘後四年而移於他所也

南漢文字畧卷二終

南漢文字 卷二

三

南漢文字畧卷三

順德梁廷枏章再輯

詩錄

黃損

有諫與建官室疏已入文錄

公子行

春草綠綿綿
驕驂煖烟微
風飄樂韻半日
醉花邊打鵲拋金盞
招人舉玉鞭
田翁與蠶婦平地看神仙

南漢文字畧卷三

讀史

逐鹿走紅塵
炎炎火德生家肥
生孝子國霸有餘臣
帝道雲龍合民心
草木春須知烟閣上一半老儒真

出山吟

來書初出白雲扃
乍躡秋風馬走輕
遠近留連分岳色
別離嗚咽亂泉聲
休將巢許爭喧雜自其伊臯論太平
昨夜細看雲色裏
進賢

星座甚分明

書壁

一別人間歲月多
歸來人事已銷磨
惟有門前鑑池水
春風不改舊時波

按東坡志林損未老退歸適去凡三十三
年乃歸書壁上投筆而去此即書壁詩也
全唐詩云與賀知章還鄉詩多同則此詩
果為損作否不可知矣詳南漢書本傳考
異損詩尚多剩句吟意雜錄載機關縷
運動勝敗便相隨又忽遇南遷客若為西
入心又往來三島近活計一囊空又三通
明主詔一片白雲心又掃地待明月踏花

南漢文字畧卷三

迎野僧又水請彭澤湖山憶武陵深又金
經冷光風宛轉錦袍紅潤雨霏微又高齊
日月方為道動合乾坤始是心零陵總記
淡塘別業云傍水野禽通體白前盤山果
半邊紅湖湘故事鴈鳴云而今世上多
離別莫向相思樹下啼又見古今詩話
張瀛父碧有詩名瀛能世其學累官至曹郎

贈琴棋僧歌

我嘗聞師法一說波上蓮花水中月不垢不
淨是空色無法無空亦無滅吾嘗聽師禪一
觀浪溢齋頭蟾魄滿河沙世界盡空空一寸

寒灰冷燈畔吾又聽師琴一撫長松喚住秋
山雨絃中雅弄若鏗金指下寒泉流太古我
又聽師棋一著山頂坐沉紅日脚阿誰稱是
國手人羅浮道士輸却藥法懷斟下紅霞丹
束手不敢爭頭角

按雅言雜系流音為歌贈琴棋僧同列見
之日非足父不生是子

趙損 其先洛陽人光裔長子事先主官翰林學
士承旨尚書左丞進中書門下侍郎同平

章事南漢書
附光裔傳

南漢文字

卷三

琴歌

綠琴製自桐孫枝十年窓下無人知清聲不
與眾樂雜所以屈受塵埃欺七絃脆斷蟲絲
朽辨別不會逢好手琴聲若似琵琶聲賣與
時人應已久玉徽冷落無光彩堪恨鐘期不
相待鳳嘯吟幽鶴舞時撚弄錚鏜聲亦在向
曾守貧貧不徹賤價與人人不別前迴忍淚
却收來泣向秋風兩條血乃知凡俗難可名

輕者却重重者輕真龍不聖土龍聖鳳皇啞
舌鳴鼻鳴何殊此瑟哀怨苦寂寞沈埋在幽
戶萬重山水不肯聽俗耳樂聞人打鼓知君
立身待分義驅喝風雷在平地一生從事不
因人健步宰雲皆自致不辭重拂絃上塵市
塵不買多讒人莫辭憔悴與買取為君一曲
號青春

廢長行 原注辨其惑於無益之戲而不務恤民
也

南漢文字

卷三

四

紫牙鏤合方如斗二十四星銜月口貴人迷
此華筵中運木手交如陣鬪不負勞神運枯
木且廢為官恆憚獨門前有吏嚇孤窮欲訴
門深抱冤哭耳厭人催坐衙早纔聞此戲身
先到理人似愛長行心天下安平多草草何
當化局為明鏡挂在高堂辨邪正何當化子
作筆鋒常在手中作法令莫令終日迷如此
不治生民負天子

鐘允章 有雲華御室記已入文錄

絕句

舊業分明桂水頭人歸業盡水東流春風日

暮江頭立不及漁人有釣舟

按吟窓雜錄允章有咏射句云金箭離絃三尺電星鎗破的一聲雷

文丙 全五代詩丙曾官嶺南

羅浮山

羅浮多勝境夢到固無因知有長生藥誰為

南漢文字 卷三

五

不死人根雖盤地脈勢自倚天津未便甘休

去須棲老此身

蘇花

寂寞人偏重無心愧拉丹秋風凋不得流水

泛應難怪石從教徧幽庭一任盤若逢公子

顧重疊是朱欄

柳

何事動吟哦長堤翠色和垂陰千樹少送別

一枝多帶霧籠彭澤搖風舞汴河只因隨帝

植民力幾銷磨

牡丹

萬物承春各鬪奇百花分貴近亭池開時若

也姮娥見落日那堪公子知詩客筵中金瑤

滿美人頭上玉釵垂不同寒菊舒重九只擬

清香泛酒卮

王定保 有唐摭言序論已入文錄

南漢文字 卷三

六

下第題長樂驛壁

三十驂騑一烘塵來時不鎖杏園春楊花滿

地如飛雪應有偷遊曲水人

按定保第唐光化三年進士為容管巡官留仕南漢此詩蓋光化三年前作也

王詡 南海人先主柘縣為咸寧常康遂為咸寧人舉乾亨初進士官至中書舍人南漢書

有傳

獨不見

日晚宜春暮風軟上林朝對酒近初節開樓

蕩夜謠石橋通小澗竹路上青霄持底誰見
許長愁成肢腰

蔣吉 全五代詩吉嶺南人

石城

繫纜石城下恣吟懷暫開江人撓艇子將謂
莫愁來

漢東道中

九十九崗遙天寒雪未消羸童牽瘦馬不敢

南漢文字

卷三

七

過危橋

大庾驛有懷

一囊書重百餘斤郵吏寧知去計貧莫訝偏
吟望鄉句明朝便是嶺南人

旅泊

霜月正高鸚鵡洲美人清唱發紅樓鄉心暗
逐秋江水直到吳山脚下流

樵翁

獨入深山信脚行慣當羆虎不曾驚路傍花
發無心看惟見枯枝刮眼明

昭君冢

曾為漢帝眼中人今作狂胡陌上塵身死不
知多少載冢花猶帶洛陽春

聞歌竹枝

巡隄聽唱竹枝詞正是月高風靜時獨向東
南人不會弟兄俱在楚江湄

南漢文字

卷三

八

謝字

蒼梧卽事

近岼江聲急孤舟下杳冥峽泉飛暴雨灘石
走羣星水有瀟湘色援同巴蜀聽令人思舜
德一望九疑青

林楚材 賀州富川人布衣南漢書有傳

怨詩

何處期郎遊小苑花臺間相憶不可見且復

乘月還

按雅言雜系楚材贈黃損云身閑不恨辭官早詩好常甘得句遲

王言史

廣州王園寺伏日即事寄北中親友

南越逢初伏東林度一朝曲池煎畏景高閣

絕微颯竹簟移先灑蒲蒸破復搖地偏毛瘡

近山毒火威饒裏汗絺如濯親床枕並燒墮

枝傷翠羽萎葉惜紅蕉且因流金熾難成獨

南漢文字 卷三 九

酌謠望霖窺潤礎思吹候纖條旅恨生烏澗

鄉心繫浴橋誰憐在炎客一夕壯容銷

徐璽

綠珠渡

早出綠蘿村晚過綠珠渡日落白州城草芳

梁女墓江水流古今滔滔不相顧今人不見

古時人依舊青山路如故

周渭 字得臣連州人官南漢亡入宋麻官兩浙轉運使南漢書有傳

贈道士吳崇岳

楮為冠子布為裳吞得丹霞壽最長混俗性

靈常樂道出塵風格早休糧枕中經妙誰傳

與肘後方新自寫將百尺松梢幾飛步鶴棲

枝上禮虛皇

按郡閣雅談吳崇岳泉州龍興觀道士辟穀多年嘗登松梢禮拜處松枝可六七十尺福建漕使周渭贈以詩太平興國詔入京

周漬 全五代詩云漬渭之昆弟

南漢文字 卷三 十

重門曲

樵悴容華怯對春寂寥宮殿鎖閉門此身却

羨官中樹不失芳時雨露恩

逢鄰女

日高鄰女笑相逢慢束羅裙半露胸莫向秋

池照綠水參差羞殺白芙蓉

廢宅

牢落畫堂空鎖塵荒涼庭樹暗消春豪家莫

笑此中事曾見此中人笑人
林衢 長樂人

題廣州光孝寺

開池曾記虞翻苑列樹今存建德門無客不
觀丞相硯有人曾悟祖師幡舊煎訶子泉猶
冽新種菩提葉又繁無奈益州經卷好千絲
絲縷未消痕

古成之

字亞爽河源人入宋登端拱二年進士
卒官綿竹令南漢書有傳

南漢文字 卷三

憶羅浮

憶昔羅浮最上峰當年曾得寄仙蹤憑欄月
色出滄海欹枕秋聲入古松採藥靜尋幽澗
洗寄書閒仗白雲封紅塵一下拘名利不聽
山間午夜鐘

坡山

予元分古觀南鎮越王城五石空留穗羣仙
不記名丹砂雖久鍊鷄犬自長生檻簇鰲頭

景門通鶴脛程烟霞沿砌起花木逐時榮古

井涵虛碧疏鐘入竹清荒蕪延野色寒溜入

秋聲丹竈封苔老芝田積雨平風光齊岳麓

音信接蓬瀛願得身從此乘雲到玉京

按成之未仕南漢而當劉氏未滅時半生
隱居羅浮憶羅浮詩或入宋登第後作也

石仲元

字慶宗桂林七星山道士南漢書有傳

陽朔道中

平原翠削萬瓊瑰頓轡塵沙眼暫開文網牽

南漢文字 卷三

人寧底急未妨得意看山來

按桂林府志仲元有句云石壓鉤斜出岸
懸花倒生崖一本作崖

僧卿雲

舊國里

舊居梨嶺下風景近炎方地暖生春早家貧
覺歲長石房雲過濕杉徑雨餘香日夕竟無

事詩書聊自強

秋日江居閒詠

寄居江島邊閑詠見秋殘草白牛羊瘦風高
猿鳥寒檢方醫故疾挑薺備中餐時復停書
卷鋤莎種木蘭

長安言懷寄沈彬侍郎

故園梨嶺下歸路接天涯生作長安草勝爲
邊地花雁南飛不到書北寄來賒堪羨神仙
客青雲早致家

送人遊塞

南漢文字 卷三

去去玉關路省君曾未行塞深多伏寇時靜
亦屯兵雪每先秋降花嘗近夏生閑陪射鵰
將應到受降城

無名氏

羅浮山

四百餘峰海上排根連蓬島蔭天台百靈若
爲移中土嵩華都爲一小堆

附趙氏一首

寄情

春風白馬紫絲韁正值鷺眠未採桑五夜有
心隨暮雨百年無節待秋霜重尋繡帶朱藤
合更認羅裙碧草長爲報西遊滅離恨阮郎
纔去嫁劉郎

按全五代詩題云趙氏南海人引全唐詩
話云房千里初第遊嶺微舉子韋滂自南
海携趙來擬爲房妾房不欲韋遂自納爲
妾又全唐詩千里有寄妾趙氏詩一首序
云余初上第遊嶺微有進士韋滂邀趙氏
而來爲余幸西上京都調於天官余乃與

南漢文字 卷三

趙別約中秋爲會期趙極悵戀余乃抒詩
寄情是趙氏會爲千里妾千里行後滂乃
自娶之故有百年無計待秋霜及阮郎纔
去嫁劉郎之語然考千里以唐太和初第
進士至梁開平初元已八十年滂會昌二
年進士千里詩序稱滂進士則見趙氏時
當在會昌二年後然去梁初尚六十年李
雨村先生收此詩入全五代詩中不知何
據今編南漢詩多採
之故附錄而考證焉

先主石識

人人有一山山值牛兔絲香骨蓋海承劉

羅浮古劍文

丁與水同宮王將耳口同尹來居口上山岫

護重重

廣州童謠

羊頭二四白天雨至

按以上三種解見南漢書後主紀

南漢文字

卷三

五

南漢文字畧卷三終

南漢文字畧卷四

順德梁廷相章冉輯

附

閩祭劉隱文

惟靈五羊奧區番禺巨壤漢為列郡唐作雄藩總百蠻五嶺之殷有出將入相之盛是故地啓嘉數天生大賢濬六韜三畧之才謀擅五袴二天之政術俾其於家受詔衣錦馮牙

南漢文字

卷四

一

控二十四州之繁難當二十八齒之美茂光揚千古冠絕一時至若恢張霸業揚簸清波臺陟九層靡媿郭隗劍提三尺授自呂虔爰持副貳之雄姿遂領節旄之重寄繇是澤施甘露金肅秋霜掀文房武庫以連雲騰逸氣英風而偃草上榻則阮瑀下賢則左車從善則軾間宣威則斷案故得越伏波之銅柱獻欵而來感鄂公之鐵鞭呈祥以見火山改色

珠浦生光無煩處默之酌泉大鄙趙佗之累
土然後鳴鐘出入調鼎升聞致交趾之封疆
歸石門之教化九遷渥澤克居浴鳳之池雙
立節旄遠過跼鳶之水雖士鮪列弟兄三地
山簡兼荆湘四州語未同年事推曠世嗚呼
是何才德之若彼功業之如此而彼穹者天
不壽其齒天子方欲使降皇華恩宣金冊表
裏東周之盛旌崇南越之隆胡二豎之亟攻

南漢文字 卷四

二

以難勝五月指期表同盟之必至嗚呼曩馳
羔雁今遺蘋蘩伊人事之有茲顧痛傷而何
極然則荀龍賈虎大馮小馮雖嗟松壠之長
歸終慶荆枝而繼茂永言歡好寧怠初終幸
朋靈之一臨鑒此丹赤嗚呼哀哉

劉昌魯致楚書

僕昔占籍鄴中受恩唐室蒞高三歲過黃巢
之亂收合生齒堡于涼山因深爲塹憑高作

南漢文字 卷四

三

壘攻苦食淡以勤士卒洎盜賊平定一境獨
全高涼之民至今相戴而中原多故嶺南不
賓劉隱亂常僭興師律舉蠻貊之眾成吞噬
之心僕常訓勵甲兵躬當矢石掃壘一戰劉
巖遁走雖仗義者必勝恃力者必亡然而山
越之人瘡痍衆矣殘民以騁所不忍爲昔古
公去幽寶融歸漢千古之下迭爲推美僕雖
顛愚景慕前烈竊惟明公負江湖之固有桓

文之業土宇至廣仁風素厚願以所部歸款
干執事謹刺血染翰上達誠悃維明公圖之
梁末帝命錢鏐進取海南劉巖救

朕聞越紀亂常前王無赦懲惡勸善有國不
私苟罪惡以顯新在刑名而何道其有身當
殊寵既受國恩敢行不軌之心具驗速辜之
跡頒行典憲仍令詰諸靖海建武等軍節度
使上柱國平南王劉巖頃因乃父發跡本藩

南漢文字 卷四

四

尋賴其兄致身賓席受先朝之拔擢極上將
之寵權念其尊獎之誠許繼藩宣之任乃自
行軍之職繼膺推轂之恩秩進三司位同四
輔自朕獲承大寶累進崇資一門無比其超
榮百世豈酬其寵耀而敢飛章不紀希寵無
厭始末都統四鄰後請封王南越貪婪斯甚
踰僭無階朕每含容再申漫渥授之東鎮加
以南平迺罔思止足益恣凶狂妄稱漢室遺

宗欲繼尉佗醜迹結連淮海阻塞梯航徒惑
遠方僭稱大號在人情而共棄豈天道以能
容宜命討除用清逆亂爾天下兵馬都元帥
錢鏐志扶社稷任總兵師每興憤激之辭願
舉誅夷之令用是俾爾元老討彼叛臣先行
奪爵之文爰舉摧囚之典劉巖在身官爵並
宜削奪於戲將相重任子孫殊榮不能常守
於藩修而乃自干於國典指凶殘而必取念

南漢文字 卷四

五

染汚以將新非我無終始之恩實彼有滿盈
之罪凡百珍重悉體朕懷

南唐致劉鋹第一書

僕與足下叨累世之盟雖疆畿阻闊休戚實
同敢奉尺書敬布腹心昨大朝伐楚足下疆
吏弗靖遂成釁隙初為足下危之今敝邑使
臣入貢皇帝幸以此宣示曰彼若能幡然改
圖軍車之使造廷則百萬之師不復出矣不

然將有不得已者僕料大朝之心非貪土地也怒人不賓而已且古之用武不計強弱小大而必戰者有四父母宗廟之讎一也彼此烏合民無定心二也敵人進不捨我退無守路戰亦亡退亦亡三也彼有敗亡之勢我乘進取之機四也今足下與大朝無是四者而坐受天下之兵決一旦之命安國家利社稷者固如是乎夫強則南面而王弱則玉帛事

南漢文字 卷四

六

大屈伸在我何常之有違天不祥好爭危事天方相楚尙未可爭而況今日之事邪地莫險於劍閣而蜀亡矣兵莫強於上黨而李筠失守矣竊意足下國中必有矜智好謀之臣獻尊主強國之策以謂五嶺之險非可遽前堅壁清野絕其饜道依山阻水射以強弩彼雖百萬之兵安能成功不幸而敗則輕舟浮海猶足自全豈能以萬乘之主而屈於人哉

此說士之常談可言而不可用異時王師南伐水陸並舉百道俱進豈暇俱絕其饜道盡保其壁壘或用吳越舟師自泉州航海不數日至足下兩都矣人情恟恟則舟中皆爲敵國忠義敢死之士未易可見雖有巨海孰與足下俱行乎近奉大朝諭旨以爲足下無通好之心必舉上秋之役卽命敝邑速絕連盟雖善鄰之心期於永保而事大之節焉敢固

南漢文字 卷四

七

違恐煜之不得事足下也臣子之情尙不逾於三諫煜之極言於此三矣是爲臣者可以逃爲子者可以泣爲交友者亦惆悵而遂絕矣

南唐致劉鋹第二書

煜與足下叨累世之睦繼祖考之盟情若弟兄義敦交契憂戚之患曷常不同每思會面而論此懷抵掌而談此事交議其所短各陳

其所長使中心釋然利害不惑而相去萬里
斯願莫申凡於事機不得款會屢達誠素冀
明此心而足下視之謂書檄一時之儀近國
梗槩之事外貌而待之汎濫而觀之使忠告
確論如水投石若此則又何必事虛詞而勞
往復哉殊非宿心之所望也今則復遣人使
罄申鄙懷又慮行人失辭不盡深素是以再
寄翰墨重布腹心以代會面之談與抵掌之

南漢文字 卷四

八

議也足下誠聽其言如交友諫爭之言視其
心如親戚急難之心然後三復其言三思其
心則忠乎不忠斯可見矣從乎不從斯可決
矣昨以大朝南伐圖復楚疆交兵已來遂成
釁隙詳觀事勢深切憂懷冀息大朝之兵求
契親仁之願引領南望於今累年昨命使臣
入貢大朝大朝皇帝果以此事宣示曰彼若
以事大之禮而事我則何苦而伐之若欲興

戎而爭我則以必取為度矣見今點閣大猷
仍以上秋為期令敝邑以書復敘前意是用
奔走人使遽貢直言深料大朝之心非有唯
利之貪蓋怒人之不賓而已足下非有不得已
之事與不可易之謀殆一時之忿而已觀夫
古之用武者不顧大小強弱之殊而必戰者
有四父母宗廟之讐此必戰也彼此烏合民
無定心存亡之幾以戰為命此必戰也敵人

南漢文字 卷四

九

有進必不捨我求和不得退守無路戰亦亡
不戰亦亡奮不顧命此必戰也彼有天亡之
兆我懷進取之機此必戰也今足下與大朝
非有父母宗廟之讐也非同烏合存亡之際
也既殊進退不捨奮不顧命也又異乘機進
取之時也無故而坐受天下之兵將決一旦
之命既大朝許以通好又拒而不從有國家
利社稷者當若是乎夫稱帝稱王角立傑出

今古之常事也割地以通好玉帛以事人亦古今之常事也盈虛消息取與翕張屈伸萬端在我而已何必膠柱而用壯輕禍而爭雄哉且足下以英明之資撫百越之眾北距五嶺南負重溟藉累世之基有及民之澤眾數十萬表裏山川此足下所以慨然而自負也然違天不祥好戰危事天方相楚尙未可爭若以大朝師武臣力實謂天贊也登太行而

南漢文字

卷四

十

伐上黨士無難色絕劍閣而舉庸蜀役不淹時是知大朝之力難測也萬里之境難保也十戰而九勝亦一敗可憂六奇而五中則一失何補況人自以我國險家自以我兵強蓋揣於此而不揣於彼經其成而未經其敗也何則國莫險於劍閣而庸蜀已亡矣兵莫強於上黨而太行不守矣人之情端坐而思之意滄海可涉也及風濤驟興奔舟失馭與夫

坐思之時蓋有殊矣是以智者慮於未萌機者重其先見圖難於其易居存不忘亡故曰計禍不及慮福過之良以福者人之所樂心樂之故其望也過禍者人之所惡心惡之故其思也忽是以福或修於謙望禍多出於不期又或慮有矜功好名之臣獻尊主強國之議者必曰慎無和也五嶺之險山高水深輜重不並行士卒不成列高壘清野而絕其運

南漢文字

卷四

十一

糧依山阻水而射以強弩使進無所得退無所歸此其一也又或曰彼所長者利在平地今舍其所長就其所短雖有百萬之眾無若我何此其二也其次或曰戰而勝則霸業可成戰而不勝則沉巨舟而浮滄海終不爲人下此大約皆說士孟浪之談謀臣捍闔之策坐而論之也則易行之如意也則難何則今荆湘以南庸蜀之地皆是便山水習險阻之

民不動中國之兵精卒已逾於十萬矣况足下與大朝封疆接畛水陸同途殆雞犬之相聞豈牛馬之不及一旦緣邊悉舉諸道進攻豈可俱絕其運糧盡保其城壁若諸險悉固誠善莫加焉苟尺水橫流則長堤虛設矣其次曰或大朝用吳越之眾自泉州泛海以趣國都則不數日至城下矣當其人心疑惑兵勢動搖岸上舟中皆為敵國忠臣義士能復

南漢文字 卷四

十一

幾人樓進退者步步生心顧妻子者滔滔皆是變故難測須臾萬端非惟暫乖始圖實恐有誤壯志又非巨舟之可及滄海之可遊也然此等皆戰伐之常事兵家之預謀雖勝負未知成敗相半苟不得已而為也因斷在可疑若無大故而思之又深可痛惜且小之事大理固然也遠古之例不能備談本朝當楊氏之建吳也亦入貢莊宗恭自烈祖開基中

原多故事大之禮因循未遑以至交兵幾成危殆非不欲憑大江之險恃眾多之力尋悟知難則退遂修出境之盟一介之使纔行萬里之兵頓息惠民和眾於今賴之自足下祖德之開基亦通好中國以闡霸圖願修祖宗之謀以尋中國之好蕩無益之念棄不急之爭知存知亡能強能弱屈已以濟億兆談笑而定國家至德大業無虧也宗廟社稷無損

南漢文字 卷四

十一

也玉帛朝聘之禮纔出於境而天下之兵已息矣豈不易如反掌固如太山哉何必扼腕肝衡履腸喋血然後為勇也故曰德翰如毛鮮克舉之我儀圖之又曰知止不殆可以長久又曰沉潛剛克高明柔克此聖賢之事業何恥而不為哉况大朝皇帝以命世之英光宅中夏承五運而乃當正統度四方則咸偃下風儉狃太原固不勞於薄伐南轅返旆更

屬在於何人又方且遏天下之兵鋒俟貴國之嘉問則大國之義斯亦以善矣足下之念亦可以息矣若介然不移有利於宗廟社稷可也有利於黎元可也有利於天下可也有利於身可也凡是四者無一利焉何用棄德修怨自生讐敵使赫赫南國將成禍機炎炎奈何其可嚮邇幸而小勝也莫保其後焉不幸而違心則大事去矣復念頃者淮泗交兵

南漢文字 卷四

古

疆陲多壘吳越以累世之好遂首為厲階惟
有貴國情分愈親驩盟愈篤在先朝感義情
實慨然下走承基理難負德不能自己又馳
此緘近奉大朝諭旨以為足下無通好之心
必舉上秋之役即命敝邑速絕連盟雖善鄰
之懷期於永保而事大之節焉敢固違恐煜
之不得事足下也是以惻惻之意所不能云
區區之誠於是乎在又念臣子之情尚不逾

於三諫煜之極言於此三矣是為臣者可以
逃為子者可以泣為交友者亦惆悵而遂絕
矣以下各本所無皇帝宗廟垂慶清明在躬冀日廣
徽猷時膺多福徒切依仁之戀難窮報德之
情望南風而永懷庶幾撫我指月日以自誓
夫復何言

南漢文字 卷四

古

按周必大二老堂雜志云太祖皇帝常命
江南李煜作書諭廣南劉鋹令歸中國煜
命其臣潘佑視草文甚辨麗累數千言今
藏之太祖實錄饒州董氏刻佑集亦有之
然皆不載後十句蓋私體不敢以聞也
予年十餘歲因隨侍至廣州常得其全文
其辭曰皇帝宗廟垂慶云云今據補入又
按書者為第一書載於宋史者為第二書兩
書雖詳畧不同然詞意大段重複殊不可
解東都事畧所載書與南唐書多異而與
宋史則多同蓋節省第二書原文今不復
載十國春秋所載同宋史而中
少有刪減不知所據何書也

宋潘美等露布

臣聞飛霜激電上帝所以宣威伐罪弔民明
王以之耀武今我國家仰稽元象大啟鴻基

將復三代之土疆永泰萬方之生聚西平巴蜀雲雷敷潤物之恩南定衡湘江漢鼓朝宗之浪惟嶺南之獷俗獨恃遠以偷安人皆照臨罔遵聲教偽漢國主劉鋹性惟克惡識本庸愚以虐害為化風以誅戮為政事置火床鐵刷之獄人不聊生設剗斫湯鑊之刑古未曾有恨刀鋒之未快用鋸解之恣情齣割封屠窮彼殘毒一境告天而無路生民踏地以

南漢文字

卷四

六

稱冤歎心向明如望皎日皇帝仁心惻隱義切救焚遂發于戈拯其塗炭臣等上憑仁武逞稟睿謀舉軍未及於半年乘勝連收於數郡累逢戰陣無不掃除劉鋹遠懼頃危尋差人使初則稱臣上表具陳歸化之心後則設詐藏姦翻作欵兵之計臣與將士仰憑睿旨不敢逗留於正月二十七日甲子到棚口去廣只一程鋹乃頻遣寮佐往來商議漸無憑

準固欲浚延兼於諸路到處新出偽命文榜皆是會合逆黨拒敵王師至二月四日己巳果遣其弟保興等部領舉國軍兵併力決戰將士等感大君之撫御咸願竭忠怒逆寇之執迷爭先效命八十里槍旗競進數萬人殺戮無遺又分布師徒徑收賊寨其劉鋹知城隍之必陷將府庫以自焚烈焰連天更甚崑岡之火投戈散地甘從涿野之誅在州百姓

南漢文字

卷四

七

乍除苛虐咸遂生全無不感帝力以霑襟望皇都而稽首此蓋天威遠被宸算遐敷平七十年不道之邦救百萬戶倒垂之命殊方既久長成日月之回光鴻祚無疆永荷乾坤之降祐
閩詹敦仁復留從劾問劉鋹改名龔音義詩
伏羲初畫卦蒼頡乃制字點畫有偏傍陰陽貴協比古者不嫌名周人始稱諱始諱猶未


酷後習轉多忌或援他代易或變文迴避濫
觴久滋蔓傷心日益熾孫休命子名吳國尊
王意竄苟震異僻鉅盈寇焚異梁復踵其非
時亦迹舊事魏杰自其一蜀闖是其二鄙哉
仇啓名陋矣越齟義大唐有天下武后擁神
器私制迄無取古音實相類亟鳳②囿○底
患至而坐舌囿及照厥作史難詳備唐祚值
傾危劉龔懷僞偽吁嗟毒蛟董脾睨飛龍位
龔儼雖同音形體殊乖致廢學愧未宏來問
尋不棄可字難雄博摛文伏韓智因誦鄙所
聞敢布諸下吏

南漢文字畧

卷四

十六

南漢文字畧卷四終



南漢紀 又卷

烈宗紀

南漢紀一

嘉應吳蘭修編

烈宗姓劉名隱路振九其先蔡州上蔡人王禹偁東

銀傳宋史南漢世家同考異唐書劉知謙傳云壽

州上蔡人南漢世家同考異唐書劉知謙傳云壽

道下蔡屬壽州隸淮南道傳誤也薛居正五祖安仁

代史册府元龜並云彭城人蓋稱族望耳

歐陽修五代史南漢世家司馬光資治通鑑馬端臨

文獻通考王象之輿地紀勝同考異薛史册府元

龜宋史並仕唐為湖州長史因家嶺表薛史册府元

百一十九同考異東都事畧陸平集宋史並作潮

州刺史歐史通考上蔡人後徙閩中商賈南海因家

輿地紀勝泉州下引清源志云劉王墓在番禺縣地

名劉店馬舖之西即廣州後漢劉龔之祖葬於此吳

遂葬焉諸父謙字德光本傳作劉知謙

說互異父謙字德光

紀一

謙蘭修按十國紀年云劉謙望字德光亦名知謙後

止名謙諸書皆作劉謙是也唐書兩傳不應互異

素有才識咸通中宰相韋宙出鎮南海謙時為牙校

職級甚卑薛史劉陟傳

賜清海軍宙以兄女妻之眾謂不可考異薛史云宙

額傳誤也宙以兄女妻之眾謂不可

我族類慮招物議風幕僚諫止之宙曰若人狀貌

非常吾以子孫託之考異蘭修按唐書韋丹傳以此

應互異又按東都事畧云韋宙以其兄之子妻安仁

之子生謙謙生隱上生字當是誤衍與諸書不合

乾符六年黃巢自嶺表北還湖湘間羣盜蟻結唐書

謙傳考異蘭修按唐書通鑑皆作謙擊之屢有功

乾符六年事歐史作乾符五年誤也謙擊之屢有功

因據封州今不從中和三年六月辛丑授封州刺史

通鑑兼賀水鎮使以遏梧桂謙撫納流亡考異原書作

本書通例 愛奮用度養士卒未幾得精兵萬人多具戰艦

境內肅然久之疾病召諸子曰今五嶺盜賊方興吾

有精甲犀械爾勉建功時哉不可失也唐書劉知謙傳乾寧

元年冬謙卒通鑑共推其子隱為嗣唐書劉知謙傳

謙墓在封川縣通鑑即章氏女所生也幼而奇特薛史

北十里劉王岡通鑑及居喪於賀江胡三省注賀水出賀州富川縣

石龍至州城合桂嶺水謂之賀江

土民百餘人謀亂隱一夕盡誅之嶺南節度使劉崇

龜召補右都押牙考異薛史册府元龜通鑑兼賀水鎮使未幾

表為封州刺史通鑑用法清肅威望頗振薛史册府元龜通鑑

百二十二年七月以薛王知柔為清海節度使胡三省

是年賜嶺南節度使軍額日清海通鑑同平章事仍權京兆尹俟反正日

紀一

二

赴鎮三年十二月薛王知柔行至湖南廣州牙將盧

琚譚宏玘考異唐書通考有盧琚無譚宏玘薛史册

祖諱也歐史據境拒之使宏玘守端州宏玘結隱許妻

以女隱偽許之託言親迎伏甲舟中夜入端州斬宏

玘遂襲廣州斬琚胡三省注按九域志自封州東南

至廣州二具軍容迎知柔入視事通鑑知柔至深德之

辟為行軍司馬委以兵賦薛史册府元龜通鑑光化

元年十二月韶州刺史會袞舉兵攻廣州州將王瓌

考異十國春秋帥戰艦為應隱一戰破之韶州將劉潼

秋作王懷胡三省注復據洧洽或曰劉潼據洧洽在韶州洧洽縣界

斬之三年九月乙巳考異舊唐書徐彥以徐彥若同

平章事充清海節度使通鑑附錄通鑑崔胤以太

若位在己上惡之彥若亦自求引去時藩鎮皆表隱

為節度副使宋史南天復元年十二月彥若薨遺表

薦隱權留後附錄宋史南漢世家彥若卒遺表薦隱

歐史通考軍中二年虔州刺史盧光稠攻嶺南昭韶

州胡三省注韶虔二州相去雖六百餘里特以大庾

牙將李圖自稱知州事按十國紀年歐史使其子延昌

守之通鑑考異九國又遣其弟光睦攻潮州九國

志作光睦好勇而輕進譚全播戒其持重不聽度其

必敗乃為奇兵伏其歸路光睦果敗走潮人追之全

播以伏兵邀擊大敗之歐史盧光稠傳錦繡同擒其首

紀一

三

將鄭廉遂從光睦圍潮州九國志譚隱發兵擊走之

乘勝進攻韶州隱弟巖以為延昌有虔州之援未可

遽取隱不從遂圍韶州會江漲餽運不繼胡三省

糧以餽韶州通鑑行營當派流而上江漲光稠自虔州引

兵救之通鑑隱與戰屢敗九國志蘇章封州人少事隱為

將性忠敢有勇力從征譚玘盧琚有功薛王奏署衙

內馬步軍都指揮使從隱討盧琚延昌於韶州隱率舟

師出雙石會天大霧昏暝如夜韶人四出以鐵纜繫

擊鉤投隱艦中士卒驚擾章引弓射殺數人以巨斧

城上望樓中有人罵隱言頗穢隱甚怒遣使觀其

右章伏望樓中引弓射隱言頗穢隱甚怒遣使觀其

光稠自虔州擁兵來接隱與戰屢敗乃班師韶人以

乘馬援隱因徒封州刺史充左右街使乃令巖以兵數

萬攻虔州光稠大懼謂全播曰虔韶皆公取之考異

國志改正今日非公不能守也全播曰吾知劉巖易本作

與爾乃選精兵萬人伏山谷中陽治戰地於城南告

巖戰期以老弱五千出戰戰酣偽北巖急追之伏兵

發巖遂大敗歐史盧單騎遁免九國志譚全播傳

知謙傳九國志譚全播傳並與歐史合今從之通鑑

以城南之敗為韶州無攻虔州事誤也又按唐書云

巖攻虔州與歐史小異天祐元年正月己亥以崔

遠為中書侍郎同平章事劉昫舊唐書昭宗紀

已初徐彥若臨薨表隱為兩使留後昭宗未許命宰

相崔遠為節度使遠行及江陵聞嶺表多盜懼隱違

詔遲留不進會遠復入相薛史劉陟傳册府元龜

按彥若薨於天復元年十二月命遠始詔隱權節度

為節度使當在二年今併載於此按薛史劉陟傳云

雷後會遠復入相乃詔考異雷後據新舊唐書遠

復相在天祐元年正月與劉知謙傳隱進佛哲國訶

天祐初始詔隱權留後正合今從之陵國羅越國所貢香藥

百六十九二年冬隱以重

路結朱全忠乃奏以隱為清海節度使尋加同平章

事通鑑考異歐史隱為節度在天祐二年不著月

日辭史册府元龜並云隱為雷後久未即真及梁

祖為元帥隱遣使持重賂以求保薦梁祖即表其事

遂降旌節節度使按朱全忠為元帥在天祐二年十月

湖秦隱為節度使當在是冬之末矣通鑑為節度使

在元年之末加同平章事在二年三月與兩史不合

今並移入又按舊唐書昭宗紀天祐二年三月乙未

制新除清海軍節度使獨孤損賜一子八品正員官

五月壬申制新除靜海軍節度使兼安南都護獨孤

損責授棣州刺史足證是時劉隱尚未授清海節度

也使梁太祖開平元年四月改元三月唐遣使奉册寶

如梁四月梁王全忠更名晃稱皇帝趙師淵通戊辰

大赦改元國號梁歐史梁五月己卯通鑑加隱檢校太

尉兼侍中封大彭郡王薛史劉陟傳册府元龜二百

元龜不紀月日通鑑云五月己卯加清海節度使劉

隱兼侍中初隱屢上書勸進至是以擁戴功加檢校太

尉兼侍中封大彭郡王未如何據附錄胡三省通鑑注

自宋武帝以彭城之裔興於江南後多以彭陳用拙

城之劉為名族劉隱封大彭王意蓋取此

勸隱仍奉天祐年號隱是其言而不能用遂以用拙

掌書記攝觀察推官黃佐嘉靖廣東通志附錄嘉

顯連州人唐天祐元年擢進士第授著作郎見朱溫

弒逆遂假使節南歸加清海軍節度使劉隱同平章

事隱遂假使節南歸加清海軍節度使劉隱同平章

國春秋作觀察判官十是月改潘州茂名縣為越裳

縣考異王溥五代會要隱進奇寶名藥十月獻助軍

錢二十萬又進龍腦腰帶珍珠枕瑇瑁香藥等十一

月進龍形通犀腰帶金托裏含校玳瑁器百餘副香

藥珍巧甚多薛史梁太祖紀册府元龜二百二圖形

獻之耳有兩缺附錄薛史梁太祖紀按符瑞圖鹿

壽千歲變白耳一缺今驗此鹿耳有二缺其獸與色

皆應金行實表嘉瑞考異十國春秋以隱獻白鹿為

事誤也二年九月楚王馬殷遣步軍都指揮使呂

師周將兵侵嶺南與隱十餘戰昭賀梧蒙龔富六

州考異歐史楚世家云馬殷遣呂師周率兵攻嶺南

州取昭賀梧蒙龔富等州殷表師周昭賀梧蒙龔富等

州與劉隱十餘戰而克之奏授昭賀州刺史蘭修按象

州早屬湖南韶州尚為盧延昌所據與隱十月辛酉

無涉韶當作昭象當作蒙皆傳寫之誤十月辛酉

以隱為清海靜海節度使胡三省注兼交廣二鎮也

紀一 四

紀一 五

考異 歐史開平二年兼靜海軍節度安南都護詳以
 膳部郎中趙光裔右補闕李殷衡充官告使隱皆雷
 之通鑑胡三省注二史言羣雄割據各收拾衣冠之
 光裔為副使因家嶺外與通鑑不合三年正月郊
 禋禮畢加隱檢校太師兼中書令元龜二百二十三
 同 考異 歐史事在三年不若月日今據薛史繫四
 於正月十月國春秋加中書令在乾化元年誤也
 月甲寅封南平王 薛史梁太祖紀 四年四月進
 封隱為南海王 五代通鑑作四月庚子四年四月進
 都事畧通考隆平集並云開平初封南平王無封大
 彭南平王通鑑開平元年五月開平初封南平王
 梁祖南平王通鑑開平元年五月開平初封南平王
 三年四月封南平王 乾化元年封南平王 俱無封大
 彭事惟九國志開平元年封大彭王三年改封南平
 王四年進封南平王 三者備載今從之 又按薛史梁
 太祖紀與劉陔傳異紀云開平三年四月甲寅封南
 平王 師兼中書令初封大彭王 梁祖南平王 俱無封大
 靜海兩軍節度使進封南平王 梁祖南平王 俱無封大
 隱貢犀玉及舶上薔薇水 元龜一百九十七同 黃巢
 之寇嶺南也 龐巨昭為容管觀察使 考異 薛史作龐
 鋒傳曹衍湖湘 劉昌魯為高州刺史 帥羣蠻據險以
 拒之 巢眾不敢入境 唐嘉其功 置寧遠軍於容州 以
 巨昭為節度使 胡三省注 按通鑑唐昭宗乾寧四年
 寓領節度使 考之新書方鎮表 容州以李克用大將蓋
 鎮亦在是年 龐巨昭建節當在是年之後 以昌魯為
 高州防禦使及隱據嶺南二州不從 隱遣弟巖攻高
 州 昌魯大破之又攻容州亦不克 考異 十國春秋 昌魯

紀一 六

紀一 七

自度終非隱敵是歲致書請自歸於楚楚王殷大喜
 遣橫州刺史姚彥章將兵迎之彥章至容州裨將莫
 彥昭說巨昭曰湖南兵遠來疲乏宜撤儲侍棄城潛
 於山谷以待之彼必入城我以全軍掩之彼外無繼
 援可擒也巨昭曰馬氏方興今雖勝之後將何如不
 若具牛酒迎之彥昭不從巨昭殺之舉州迎降彥章
 進至高州 胡三省注 九域志容州東 以兵援送巨昭
 昌魯之族及士卒千餘人歸長沙楚王殷以彥章知
 容州事以昌魯為永順節度副使 通鑑 附錄 湖湘
 十有二月容南龐巨昭深慮廣南劉巖不道加害於
 己遂差小吏問路密持書款歸於馬氏是時湖南遣
 澧州刺史姚彥章領馬步軍八千徑往容南巨昭遂
 帥萬餘眾歸於馬氏 又高州防禦使劉昌魯以廣南
 先主劉巖欲并吞嶺外數召昌魯欲籍沒其家族昌
 魯知之乃刺血寫書投馬氏具述急難湖南遣
 生指歸使張可求部轄兵馬於界首應接一行三千
 餘口歸使張可求部轄兵馬於界首應接一行三千
 諸蠻得精於馬氏九國志龐巨昭於廣南巨昭括部內
 觀其境以數千人親自選練分屯險隘巨昭括部內
 犯其境以數千人親自選練分屯險隘巨昭括部內
 率眾歸附巨昭遣姚彥章率兵迎之長驅而南
 乘席捲之勢必來我將士而謂之日李瓊甲馬而南
 曰瓊軍遠來士必疲乏請盡撤儲侍棄城潛於山谷
 以待之瓊至當據吾城外無救儲侍棄城潛於山谷
 備也 瓊之問瓊可擒也 巨昭曰吾觀楚氣甚銳未易
 破也 瓊不從 巨昭殺之 迎勞瓊 瓊以軍徑赴城中
 廣南劉巖率眾來我師不能守於是盡撤其府實驅
 其人民以歸 巨昭慰勞其族數百口 隨歸長沙 殷
 巨昭之名 遣使慰勞 即日奏授檢校太傅 領容管
 署使 巨昭在嶺南嘗占翼軫間 有善星 因謂所親曰
 劉隱兄弟不道 殘害良善 吾終當逃難於長沙 至是
 果歸附 貞明中 卒 年七十六 劉昌魯傳 昌魯字安國
 相州鄴縣人 唐末 明經 登第 釋褐 項城 主簿 累遷 至

皆招禮之定保容管巡官附錄陳振孫書錄解題

士為吳融子華唐進士光化三年進

及第有賦名唐進士孟夔唐進士昭宗

詩飲酒為樂唐進士昭宗唐進士昭宗

濬崇望之子附錄昭宗唐進士昭宗

以避亂至殷衡德裕之孫附錄昭宗唐進士昭宗

右補闕以奉使至皆辟置幕府待以賓客傑善星厓

唐司農少卿因避亂至隱數問以災變傑恥以星術

事人常稱疾不起隱亦容之洞潛初為邕管巡官秩

滿客南海隱常師事之後以為節度副使及巖僭號

紀一

十

為陳吉凶禮法為國制度畧有次序皆用此數人焉

歐史南漢世家



烈宗紀

南漢紀一 受業楊懋建校

高祖紀

高祖名龔初名巖又名陟九國志謙庶子也母段氏生

巖於外舍考異歐史皆稱謙妻韋氏素妬聞之怒拔

劍而出命持巖至將殺之及見而悸劍輒墮地良久

曰此非常兒也後三日卒殺段氏養巖為己子考異

按胡賓王劉氏與亡錄九國志並云謙三子曰隱龔

也又按五國故事云巖之正母韋氏頗妒聞其生乃

仗劍於中門使其兒至將殺之家人不敢匿其生乃

去既為己子與歐史合北夢瑣言以巖為韋氏所生

亦有說也又方信孺南海百詠云昔蒲觀今名碧虛中

長善騎射身長七尺垂手過膝隱為行軍司馬巖亦

紀二

一

辟辟王府諮議參軍隱鎮南海巖為副使是時交州

曲頰考異本有桂州劉士政五字按邕州葉廣

畧容州龐巨昭分據諸管考異歐史南漢世家云龔

房士政龔取容管逐巨昭歐史南漢世家云龔

寧三年馬殷取桂管房士政歐史南漢世家云龔

海化元年劉龔取容州凡十六年併合為一誤也

光稠據虔州以攻嶺上考異本有其弟光睦據潮州

遺其弟光睦攻潮州取之是時劉巖起南海擊走光

據潮州事今刪其子延昌據韶州高州刺史劉昌

魯新州刺史劉潛及江東七十餘寨皆不能制隱攻

韶州巖曰韶州所賴者光稠擊之虔人必應應則首

尾受敵此不宜直攻而可以計取隱不聽果敗而歸

考異蘭修按事在天因盡以兵事付巖巖悉平諸寨
 復二年已見烈宗紀
 漢世家 乾化元年五月甲申朔梁大赦改元
 詔隱賜一子六品正員官
 甲辰以巖為節度使
 石版有篆文曰隱合巖因名其子巖
 節度使實錄乾化元年五月授清海節度使
 謝其母弟巖為軍情所戴七月友珪加劉巖檢校太
 傅吳錄天祐四年九月南海王劉巖自立為漢
 末帝紀貞明五年九月南海王劉巖自立為漢
 吳越備史載制詞亦云彭城巖節度使劉巖
 來使莊宗列傳自嗣立至建號皆云劉巖
 未使就宗是今以其次首尾名巖但稱劉巖
 鑑考異原文失次今正如左薛史東都事畧
 云歐史皆稱巖通鑑未借號以前皆稱巖今從通鑑
 又按吳長元五國故事跋云此書傳鈔多誤如漢先
 主名巖後名巖注云後又名巖傳本脫去巖字
 注無考不知為後字之謬惟明代劍光閣鈔本不誤
 巖多延中國士人置於幕府出為刺史由是刺史無
 武人鑑十二月貢犀象奇珍及金銀其估數千萬
 梁太祖紀册府元巖聞譚全播病發兵攻韶州破之
 龜一石九十七同巖聞譚全播病發兵攻韶州破之
 刺史廖爽奔楚至湖三省注唐天復二年庾人取韶州
 盧氏取潮韶蓋謂光睦已據潮州也今不從又周羽
 部曲隨而至者數千人命光圖自韶陽叛舉族來奔其
 陳南越可取之狀言甚激切段亦將開拓疆土聞其
 所陳甚善使其步將李勳將數萬眾擊南越未數月
 拔桂管十八城劉漢懼而乞盟勳即李老虎也勇壯
 絕倫每李老虎先拔桂管斤皆割為大爵而啖之故時
 人號曰李老虎先拔桂管斤皆割為大爵而啖之故時
 號呼而走及勳拔桂管斤皆割為大爵而啖之故時
 三誤奔楚者廖爽非其子光圖其誤一也李勳當

李瓊通鑑光化三年馬殷遣李瓊等擊劉士政取桂
 管九國志李瓊魁岸多力每食肉十餘斤軍中號曰
 李大蟲先是桂林兒童聚衢路中忽相驚走曰大蟲
 來大蟲來至是果應云云此事與劉巖毫不相涉其
 誤二也士政降楚在廖爽奔楚之前十有一年前後顛倒其誤三也
 復遣兵攻容州楚
 王殷遣都指揮使許德勳以桂州兵救之姚彥章不
 能守乃遷容州士民及其府藏奔長沙巖遂取容管
 及高州通鑑胡三省注開平四年楚
 世家 容管及高州至是棄之 又取邕管
 龐巨源或自擅兵賦數侵曠之西鄙陟舉兵討之邕
 容皆敗因附庸於陟云 二年四月梁帝聞嶺南與楚
 相攻甲戌以右散騎常侍韋戩等為潭廣和協使來
 解之通鑑除巖檢校太保同平章事
 犀牙雜寶貨及名香合估數千萬 漢世家巖獻金銀
 省使引進使韋堅報之迴以銀茶上獻其估五百餘
 萬册府元龜一 六月鄧王友珪弑其主晃而自立
 七月加巖檢校太傅通鑑考異引梁太祖實錄
 三年八月廣州白龍見圖形進於梁册府元龜三年
 正月封巖南平王九國 二月東京畱守均王友貞與
 宿衛將趙巖等殺友珪即帝位稽古錄 三月丁未梁
 帝更名鐔久之又更名瑱通鑑悉以隱官爵授巖襲封
 南海王歐史南漢世家 考異薛史劉陟傳云末帝
 稱正月封南平王殆先封南平王 十月巖求昏於楚
 而未帝進封南海王也今並著之
 楚王許以女妻之通鑑四年五月巖遣供軍巡官陳用
 拙使吳越於七月約計遣使當在五月今移入凡各

國書聘問者做此十國春秋著於二月誤附錄嘉靖
 廣東通志吳越王錢鏐與用拙語稱其專對實以金
 幣用拙語謝迎寶圭洞石室中玉宸道君及葛真人
 石像至南海附錄地紀勝嶺真觀在
 始當句漏洞之中有鄰玉虛面指玉田東望寶圭西
 抵普照巖考異蘭修按南海百詠清異錄輿地紀勝
 赤雅等書所載南漢事類無年月貞明元年八月巖
 十國春秋以意編次今姑從之
 逆婦於楚楚王殷遣永順節度使存送之十一月乙
 丑梁改元通鑑胡三省注此巖聞錢鏐冊封吳越王
 恥稱南海之號王鏐史劉陟傳考異通鑑巖以吳越
 蘭修按吳錄云天祐十四年南海王劉巖自立為漢
 與薛史正合今從之吳越國王南海郡王是以恥之
 表求封南越王及加都統梁帝不許巖謂僚屬曰今
 中國紛紛孰為天子安能梯航萬里遠事偽庭乎自

紀二

四

是貢使遂絕

通鑑

乾亨元年

梁末帝貞明三年八月癸巳九國巖即皇帝

位於番禺國號大越赦改元乾亨考異通鑑載於
 日今據九國志補吳越備史云貞明四年夏四月廣
 帥劉巖稱大漢皇帝年號大有又云進士王詵之
 在南海著昭陽殿賦序云皇帝基構乾坤十有八歲
 矣甲子春始作茲殿計其甲子則巖本年僭號或云
 前年丁丑僭號其誤明矣云云蘭修按甲子春當作
 甲午春以甲午上推之實貞明三年丁丑與諸書正
 合備史反以為四年何也其云以梁使趙光裔為兵
 部尚書考異歐史作節度副使楊洞潛為兵部侍郎
 附錄嘉靖廣東通志楊洞潛字昭元始興人先世自
 唐祭酒潤生遂寧太守回生勉自蜀嶺因家焉
 勉生垂垂生軫軫生洞潛少好經史有權畧劉隱薦
 為試大理評事清海建武節度判官及巖繼立洞潛
 首言刺史不宜用武夫宜廣延中國士人置於幕府
 出為刺史俾宣政教則民受其福巖悅從之尋表為

節度副使御史中丞及建國擢為兵部侍郎同平章
 事考異蘭修按歐史止云洞潛初為通官秩滿
 客南海隱常師事之後以為洞潛嘗為隱畫策取湖
 南容管及巖與楚王馬殷爭嶺南西道屢戰皆捷遂
 盡有五管以功表洞潛為節度副使云云十國春秋
 從之按通鑑乾元元年十二月巖始取容州隱不得
 有容管周廣順元年巖始取桂州巖亦不得盡有五
 管也今節度判官李殷衡為禮部侍郎並同平章事
 不錄陳用拙為吏部郎中知制誥嘉靖廣東通志附
 拙明悟音律著大唐正聲琴譜十卷載琴家論議操
 名及古帝王名士善琴者古調無徵音又補新徵音
 譜其法以四絃中徽統會極極黃鐘正宮合南呂宮
 無射商即徵音也知音者皆秘之其書遂不傳唐書
 藝文志陳用拙大正聲新徵琴譜十卷考異蘭修
 按鄭樵通志藝文畧與唐志合嘉靖志以新徵譜別
 知何據未建三廟追尊祖安仁曰太祖文皇帝父謙
 曰代祖聖武皇帝兄隱曰烈宗襄皇帝以廣州為興

紀二

五

王府鑑析南海為常康咸寧二縣

安郭裴萬麻廣東通志附錄永樂大典引宋會要
 常康咸寧二縣以移循州於雷鄉縣分循州之歸善
 博羅海豐河源四縣為嶺州與地析合浦置常樂州
 兼置博電零綠鹽場三縣歐陽志與境內置五嶽與
 外三十五里橋山之南嶽行官在賀州城朝天門
 其一也又唐李衛公廟在賀州偽漢劉陟封光政侯
 廟在龍川縣北八十里霍山記感應傳云霍山有神
 號羅王魏王霍王曾經文殊受記祭以蔬食偽劉時
 封國清公後封昌國祜化永清王偽國籍使狄昭嘗
 謂霍山有書堂石三教聖賢並萃於此又資福靈讚
 侯廟在鎮津縣西威靈致福夫人廟在鎮津縣西北
 皆偽漢劉氏封明一統志射木神廟在陽春縣射木
 山南漢封嶽山侯戴景廣德通志初嶺南漢劉襲封
 昌化縣靈嶽山為鎮海廣德通志初嶺南漢劉襲封

封頤州水東廟二神曰興祚王泰民王封博泉神曰
 龍母夫人又陳孝女祠在博羅縣沙河驛東龍華寺
 內蕭梁時沙河民陳志年八十獨有一女志卒女哀
 段過甚葬畢亦卒廣州刺史蕭譽為立祠曰孝女南
 漢封昌福夫人考異蘭州修按南詔野史云南詔異牟
 尋封點蒼山夫人考異蘭州修按南詔野史云南詔異牟
 高黎貢山為西嶽雪山為北嶽劉氏於境內置五嶽
 所由助與僧竊之世祀典不經大率類此今以南漢
 封峻靈山為峻靈王附於此又十國春秋乾亨元年
 靈山即昌化縣山十國春秋誤分今為二又按蘇軾碑
 記元豐五年詔封山神為峻靈王今以為南漢封亦
 誤
 十月遣客省使劉瑋使於吳告即位且勸吳王稱
 帝是歲閩王審知為其子牙內都指揮使延鈞求昏
 以清遠公主妻之通鑑越主女而於清泰二年稱遠公
 主今補又按延鈞後改名鑄於唐長興六年傳號歐
 史閩世家云鑄妻早死繼室金氏賢而不見答審知
 婢陳金鳳鑄妻之遂立為后所云初娶早卒者即清
 遠公主也附錄張端義貴耳集韶州南華寺有達摩
 衣鉢鉢有一痕偽劉公主不知所屬今寺補鉢莊即
 節度使曲顛遣子承美為歡好使來聘黎黎大越史志
 同考異二書並云承美至廣州規虛實是年顛
 卒承美讓位蘭修按諸書不載此事太平御覽九百
 二十四引南方異物狀云余寓番禺會遊新會遇安
 南歡好使顛將軍自注云名承美見代交趾歸也與
 二書合顛即越主初欲僭號憚王定保不從遣定保
 曲之異文
 使荆南及還懼其非已使倪曙勞之告以建國定保
 曰建國自有制度吾入南門清海軍額猶在四方其
 不取笑乎越主笑曰吾備定保久矣而不思此宜其
 譏也歐史南漢世家考異蘭州修按遣使月日不著
 春秋荆南世家書使鑄乾亨重寶錢重三銖六參洪
 至於貞明二年誤也鑄乾亨重寶錢重三銖六參洪
 泉志六銖疑當時所鑄陳萊孝鍾官圖徑引董道錢

紀二

六

諸乾亨重寶悉聚南海珍寶為玉堂珠殿歐史南漢
 世家孔傳
 帖同飾以金碧翠羽東都事畧
 二年梁末帝貞明四年十一月祀南郊附錄南海百詠
 西硬步平地突起數十尺八陛大赦改國號曰漢通
 宛然土人至今猶呼拜郊臺
 以國用不足鑄鉛錢十當銅錢一十國紀年附錄
 輪郭鏤薄文曰乾亨重寶大者徑一寸重三銖九參重
 寶二字傳形小者徑九分重三銖九參余抵嶺外始
 獲此品若銅錢是歲漢主幸韶州雲門山聽僧文偃
 今世所存至多
 說法賜以章服陳守中雲門山匡聖宏明大師碑
 帝駕幸韶陽至於靈樹即乾
 亨二年也碑文具金石志
 三年梁末帝貞明五年吳武正月立越國夫人馬氏
 為皇后殷之女也九月丙寅鑑梁以南海僭號吳越
 史
 命吳越王鏐討之胡三省注以嚴稱
 行通鑑胡三省注以嚴稱
 吳越備其力以伐與國此割據者之意不行者不肯
 朕問越紀亂常前王無赦懲惡勸善有國不私苟罪
 惡以顯彰在刑名而何道其有身當闕寄世受國恩
 敢行不軌之心具驗使速幸之迹須行憲典仍命誅夷
 糧海不武等軍節度使嶺南東西道觀察處置供軍
 持節都督廣州刺史上柱國南平王食邑五千戶劉
 巖頭因乃父發跡本藩尋賴其兄置身賓席受先朝
 之拔擢極上將之職權念其尊獎之恩秩進三司位同
 任乃自軍承大寶累進崇資一門無比其超榮百世
 豈儔其寵耀而敢飛章不紀希寵無厭始末都統四
 鄰優渥請封王南越貪饕斯甚踰僭無階朕每含容再
 妄稱漢室遺宗欲繼尉佗醜跡結連淮海阻塞梯航
 徒惑遠方僭稱大號在人情而共棄豈天道以能容
 宜命討除兵師每與憤激之辭願舉誅夷之令是用
 廟社任總兵師每與憤激之辭願舉誅夷之令是用

紀二

七

乾亨八月白虹入三清殿見南官三清殿漢主憂

畏中外震懼會詞臣王宏以為白龍見上賦以賀之

漢主悅乃改元白龍五國故事上賦遂以為白龍耳

薛史歐史通鑑並云白龍見南官則失辭矣通鑑在十二月

非虹化之時且以梁高舉白龍元年進士證之非十月

二月改元明矣又按五國故事止稱宏為詞臣十國

翰林學士承旨不知何據又更名龔以應龍見之祥

歐史南賜梁嵩等進士出身有差汪森粵西文載

漢世家平南人白龍元年舉進士第一歷翰林學士

嵩時多苛政遂求去嘗戲倚門望子賦曰蒼蒼茫茫

道遠倚望幽懷於春戀治之久別役慈心於遠方

當其截髮投師操心於仙橋望帝都俯登紫陌蘭

於衛國門前題柱於昇仙橋望帝都俯登紫陌蘭

資榮賈米程遙仗何人而請益征輪蓬斷別騎塵飛

涕盼瞻瞻凝思依依欲而既升雲路遙憐而獨倚

柴扉晚以言歸我則每晨昏而張望宗支有托汝易

無早鄉晚以言歸我則每晨昏而張望宗支有托汝易

今故鄉晚以言歸我則每晨昏而張望宗支有托汝易

水聲遠驚懷古之思別根雁陣空來萬里家書難述

愁心靡開抑鬱之情恆自鴻於淪落能事有誰哀駕

葦於津涯離索躑躅今不聽孤鴻於淪落能事有誰

淹留傷子離索躑躅今不聽孤鴻於淪落能事有誰

草徒榮滿眼之蘆花自落楊朱陌上蕭條而根淚潛

潛漢武臺邊宛轉而殘霞漠漠恨陸海之高深念行

役以難尋憶昔伯俞之志寧無泣杖之心見月而常

憐獨坐聞蛋而每憶寒吟動茲懷土之思惟憑蜀魄

觸爾還鄉之計暗托秋砧嗟夫岷峨仲邱殷勤士子

獻書之數復何如干祿之心幾時止遣我日日望紅

三年唐明宗天成二年十二月漢主如康州通鑑胡三

志廣州南至康州一百九十里

大有元年唐明宗天春行藉田禮薛史劉三月楚大

舉水軍圍封州通鑑封州兵敗於賀江附錄九國志蘇

者千人漢主懼以周易筮之遇大有遂赦境內改

元大有遣左右街使蘇章考異本作遣將蘇章據通

漢都番禹做唐上以兩鐵索沈賀江中為巨輪於岸

上築隄隱之輕舟迎戰陽敗而奔楚人逐之章舉輪

挽索鎖楚舟以彊弩夾江射之盡殺楚人歐史南漢

大敗解圍遁去以章為封州團練使欽州羅浮山

民掘得古劍以獻有篆文曰丁與水同宮王將耳口

同尹來居口上山岫護重重文獻通考初國人莫之

辨及平廣南競傳其言知者云宋太祖以丁亥年降

為出蓋丁亥年聖君出也考異嘉靖通志云通考作

己與水同宮謂太宗以己亥降誕非是據陳璉羅浮

山志作丁亥年聖君出也考異嘉靖通志云通考作

祖之世故知者以丁亥聖君出也按嘉靖通志云欽州羅

浮山本名安京後人以形似惠州羅浮故改陳璉作

惠州羅浮山

志未免牽混

二年唐明宗天成四年

三年唐明宗長九月遣將梁克貞李守鄜考異歐史

通鑑同薛史宋史作李知願通鑑作李和攻交州拔

順安南志畧作梁克正越史記作李克正

之執靜海節度使曲承美以歸通鑑胡三省注唐末

而敗考異五漢主登儀鳳樓受俘謂承美曰公常

代會要作曲美

以我為偽廷今反面縛何也承美頓首伏罪乃赦之

歐史南漢世家 (考異) 蕭修按通鑑交州曲承裕子

顯顯子承美凡三世皆為靜海節度使越史云曲

氏洪州人承美為巨族其先承裕寬和愛人為眾所服

唐會要棄城承裕自稱節度使請命於朝唐帝因授

之顯惠藉舊業始據羅城稱節度使分定各處路府州

社置令長正佐均田租蠲力役政尚寬簡民獲蘇息

曲氏三世起庚子終庚寅共五十二年與

通鑑合安南志畧祇有顯承美二世誤也

交州刺史漢主謂左右曰交趾民好亂但可羈縻而

已安南志畧越史記同 (考異) 安南志畧作大有三

年事與歐史通鑑合薛史作劉陟未備號以前事

也誤 十月克貞入占城取其寶貨而歸通鑑胡三省注

海上其地方千里東至海西至河南鄰真臘北

抵驩州其人俗與大食同其乘象馬其食稻米

四年唐明宗長 愛州將楊廷藝養假子三千人圖復

交州交州刺史李進知之考異本州守將歐史

安南志畧越史記並作交

州刺史受其賂不以聞是歲廷藝舉兵圍交州胡三省

今據改 受其賂不以聞是歲廷藝舉兵圍交州胡三省

舊唐書地理志交州西至愛州界 漢主遣承旨程寶

小黃江口水路四百一十六里 漢主遣承旨程寶

救之考異越史 未至城陷進逃歸漢主殺之寶圍交

州廷藝出戰寶敗死通鑑胡三省注 去年

五年唐明宗長 漢主立其子耀樞為雍王龜圖為康

王洪度為賓王洪熙為晉王洪昌為越王洪弼為齊

王洪雅為韶王洪澤為鎮王洪操為萬王洪杲為循

王洪暉為恩王洪邈為高王洪簡為同王洪建為益

王洪濟為辨王洪道為貴王洪照為宣王洪政為通

王洪益為定王未幾徙洪度為秦王通鑑胡三省注

為名 考異 蕭修按諸名通鑑本封宏歐史九國志

皆避宋宣祖諱作洪今改從之歐史封耀樞為魯王

洪度為秦王洪暉為息王與通鑑異又按歐史通

鑑俱封十九人五國故事封其子十有八人誤也

六年唐明宗長 興四五月遣左僕射何瑱致祭吳越

王吳越備史 考異 備史至於長興四年七月即

七年唐愍帝應 順元四年四月唐廢 春作昭陽殿考異

故事無年 月據王詡之昭陽殿賦 以金為仰陽銀為

地面簷楹榭梅皆飾之以銀殿下設水渠浸以真珠

又琢水精琥珀為日月列於東西玉柱之上考異一

西二樓 漢主親書其榜五國故事原注 已上見進士

非虛也 附錄 五國故事 進士王詡之上昭陽殿賦

其餘官室殿宇悉同之 進士王詡之上昭陽殿賦

吳越備史 考異 吳越備史作進士王詡之五國故

事作進士王詡之言也 義本相因當是王宏字詡之宋人

也說文詡大言也 王詡之為王詡與王宏

避諱或稱字耳 十國春秋以王詡之為王詡與王宏

為二人矣又職官分紀載中書舍人王翊獻朱鬣馬

賦期與宏聲同與詡形近亦疑是一人十國春秋云

進士拜中書舍人是也十二月辛巳皇后馬氏殂漢

主命判六軍秦王洪度募宿衛兵千人皆市井無賴

子弟洪度昵之同平章事楊洞潛諫曰秦王國之冢

嫡宜親端士使之治軍已過矣况昵羣小乎漢主曰

小兒教以戎事過煩公憂終不戒洪度洞潛出見衛

士掠商人金帛商人不敢訴嘆曰政亂如此安用宰

相因謝病歸第久之不召遂卒通鑑 附錄 通鑑注

潛為相游水合梁恩堂謝洞潛見之謂同列曰恩血

脈貫眸子行步嬰樂類驚鷹當有風雷之厄及恩至

縣未幾颶風壞廨壓死 蘭修按今鈔本九國志從承

廢大興一萬八千一百三十四至二十七卷內錄出

序邵廷瑀潘崇微郭崇岳入傳此條當是楊洞潛傳

中語今本無之
其散佚多矣

八年唐廢帝清泰二年吳天祐元年閏永和元年

九年唐廢帝清泰三年晉高祖天福元年閏通文元年四月遣將孫德威侵

蒙桂二州考異歐史云遣將孫德威成攻蒙州楚王希範自將步騎五

千如桂州漢兵自蒙州引還附錄通鑑希範命其弟武安節度副使希廣權

知軍府事自將步騎五千如桂州希範懼其母華夫

人逆希範於全義嶺謝曰希範為治無狀致寇戎入

境煩殿下親涉險阻皆妾之罪也願削封邑灑掃掖

庭以贖希範罪希範曰吾久不見希範聞其治行尤

異故來省之無它也漢兵自蒙州引去徙希範知朗州

侍郎劉濬為中書侍郎同平章事通鑑十一月契丹立

石敬瑭為晉皇帝綱目

十年晉高祖天福二年南唐昇元二年三月漢主以疾愈大赦交州

將皎公羨殺安南節度使楊廷藝而代之通鑑陸游南

峽越史記並作考異十二月南唐遣使來告即位唐書

國春秋書使至於十月庚子十封州團練使蘇章卒

章子五人俱為中郎將豪俠任氣所為不軌號為五

郎將章年老不能教訓會有告其謀叛者逮捕下獄

悉斬之章以功得不坐慚悻成疾卒九國志蘇章傳

蘇章傳止稱大有十年卒考異十一月楊廷藝故

如南唐賀即位陸游南唐書三月遣集賢殿學士鄒禹謨

將吳權考異本胡注改自愛州舉兵攻皎公羨於交

州胡三省注劉昫曰愛州東至小黃江口四百六十里入交州界公羨遣使以賂求

救於漢漢主欲乘其亂而取之以其子萬王洪操為

靜海節度使徙封交王附錄九國志劉洪操傳洪操

弟也幼知書及長有將兵救公羨漢主自將屯於海

門為之聲援考異九國志劉洪操傳遣大將軍漢主問

策於崇文使蕭益附錄通鑑益之孫也胡三省注

書宰相世系表倣相倣宗胡注云相倣宗誤也按表

倣子廩給事中倣子益商州團練推官商州隸關內

道始益未入益曰今霖雨積旬海道險遠吳權桀黠

未可輕也大軍當持重多用鄉導然後可進不聽命

洪操帥戰艦自白藤江趨交州胡三省注白藤江當

峯州權已殺公羨據交州引兵逆戰先於海口多

植大楸銳其首旨之以鐵通鑑改說文杙楸也權

兵乘潮而進洪操逐之潮退舟還檣者皆覆洪操

戰死考異九國志漢主收餘眾而還歐史南先是著

作佐郎侯融勸漢主弭兵息民至是以兵不振追咎

融剖棺暴其尸通鑑考異通考宋史交趾傳並云

地送款於末帝因授節鉞時劉陟擅命嶺表遣將李

和順伐承美執之乃并其土宇後有楊廷藝紹洪皆

受廣南偽署繼為交趾節度使紹洪李州

十二年晉高祖天福四年門下侍郎同平章事趙光裔

言於漢主曰自馬后崩未嘗通使於楚親鄰舊好不

可忘也胡三省注劉昫曰因薦諫議大夫李

紆可以將命漢主從之楚亦遣使報聘通鑑初光裔自

以唐甲族考異本宗紀注恥事偽國常怏怏思

尚衣高素清如吳越逆故王弟傳肅之室馬氏不克
 馬氏楚王殷之女也先是馬后既卒遂求其弟是行
 也楚王希範亦遣中軍使歐陽練俱往馬氏誓不許
 故不克吳越備史考異備史至於五月十國春秋
 天寶十四年娶楚武穆王女馬氏未幾傳肅死馬氏
 奮不欲生天福中南漢主命盧膺逆馬氏為繼室云
 云蘭修按備史事在天福六年辛丑距天寶十四年
 十四年乙未凡一百八十七年其誤甚矣 十二月
 漢主寢疾通鑑有胡僧言讖書滅劉氏者龔也漢主乃
 採周易飛龍在天之義為龔字音儼以名焉歐史南
 附錄宋史龔澄樞傳後張 十二月遣使區延保聘
 於南唐陸游南唐書考異原書至於昇元六年閏
 也蘭修按通鑑是日錄天福七年閏三月此云閏正月
 不奉晉正朔也 是月甲申朔庚寅為初七日十國春
 紀二 六

秋書遣使於十四是歲中書侍郎同平章事王定保
 卒考異蘭修按通鑑天福五年漢主以王定保為中
 年卒於十四年今據移入
 十五年晉高祖天 四月長星見漢主避暑於甘泉宮
 五國寢疾以秦王洪度晉王洪熙皆驕恣少子越王
 故事 洪昌孝謹有智識與右僕射兼西御院使王翺謀出
 洪度鎮邕州洪熙鎮容州而立洪昌制命將行會崇
 文使蕭益入問疾以其事訪之益曰立嫡以長違之
 必亂乃止考異歐史云龔病臥寢中召右僕射王翺
 不足任吾事惟洪昌類我吾欲立之奈何吾子孫不
 省後世如鼠入牛角勢當漸小爾泣下歎歎翺為謀
 出洪度於邕州洪熙容州然後立洪昌為太子議已
 定崇文使蕭益入問疾龔以告之益諫曰少者得立

長者爭之禍始此矣由是洪 丁丑漢主殂通鑑
 度卒得立與通鑑詳畧互異 丁丑漢主殂通鑑
 三月丁丑漢主殂通鑑詳畧互異 丁丑漢主殂通鑑
 年閏三月甲申朔則三月四月丁丑均高祖天寶
 碑云四月甲寅朔廿四日丁丑高祖天寶大崩於
 正寢通鑑史五國故事反作四月丁丑與通鑑合今從之十
 國春秋通鑑作三月誤也 年五十四諡曰天皇帝廟
 號高祖陵曰康陵通鑑元龜二百二十四九國志同
 錄黎遂球蓮鬚開集予家板橋對岸有洲名北亭當
 五羊城之東先人有田在焉崇禎丙子秋田間有雷
 出奮而穴一雄雞其中至夜靜聞雞鳴無恙於是卒子
 弟發之有金人如翁仲者凡數各重十五六斤其正
 處二金像冕而坐若王者與后之儀各五六斤其地
 皆金釵珠貝魚之有鏡一光照暗不可指識先攜鏡
 硯池中發動鄰舍無餘今其穴故在碑文隱隱可讀
 歸家光緒發無餘今其穴故在碑文隱隱可讀
 其地朱彝尊曝書亭集陳元孝語予南漢主劉龔葬
 番禺縣治東二十里北亭明崇禎丙子秋九月土人
 發其墓隧道崇五尺深三丈有金像十二一冕而坐
 一弁而坐殆馬后也夾侍十人疑是諸子又學士十
 入以白金鎔鑄其珍異物甚夥有紫金魚袋臣盧
 應奉勅撰文曰惟大天有十五年歲次壬寅四月寅
 朔廿四日癸未朔十四日丙申帝崩於正寢越光天
 年五月癸未朔十四日丙申帝崩於正寢越光天
 亡友仁和尚志伊撰十國春秋盧應更作膺謂事龔
 平章事街名不大有中加太尉中宗時拜中書侍郎
 修按所載碑文不合惜其已逝未得此異聞也考異
 紀聞作光天五年又盧應更撰或傳寫脫誤或拓本
 皇華紀聞作天五年又盧應更撰或傳寫脫誤或拓本
 之未審也至盧應更撰或傳寫脫誤或拓本
 天福六年五月即大有一十四年康陵碑刻於次年五
 月而結銜互異疑非一人矣又按南海百詠陵山劉
 氏之墓也在郡東北二十里漫山皆荔子樹龜趺石
 既歷墓也存昔有發其墓者其中皆以鐵鑄之子嘗
 至此地摩挲斷碑不見始末但見其詞皆如南海縣
 墓誌考之偽史疑是謠言也他尚見其詞皆如南海縣
 之據此則爭若所見在郡東北非北亭之康陵可知

且其文漫山皆荔子樹為句十國春秋謂康陵在興王府城東二十里之漫山尤誤也 高祖初

生時有日者視之謂代祖曰公諸子惟少者貴耳 國

事為人辨察多權數 通鑑僭位之後廣聚南海珠璣西

通黔蜀得其珍玩窮奢極侈 薛史劉城中番禺兩山

相屬命鑿平之就番山積石為朝元洞後更名清虛

洞而以沉香為臺觀於禺山 雜志附錄南海百詠

藥洲在子城之西址漕臺之北界舊居水中積石如

林今西偏壅塞水尚瀦其東幾百餘丈穴城而導石如

海綠淨如染圖經云為劉聚方士習丹鼎之地又九

曜石在藥洲水中圖經云石太湖產也偽劉時有富

民負罪者每運實此以自贖遂成勝景矣鄭陞番禺

縣志粵秀山半運實此以自贖遂成勝景矣鄭陞番禺

舞岡樓觀於其上 作昭陽諸殿秀華諸宮皆極瑰麗

五國故事 附錄南海百詠引泉以給廣東北五里北

山脚 下東晉太守陸胤所鑿引泉以給廣東北五里北

泉唐會昌間節度盧公遂疏導其源以濟舟楫更飾

廣夏為路青避暑之地偽劉時復鑿山為甘泉苑中

果於殺戮每視事則垂簾於便殿使有司引罪人於

殿下設其非法之具而屠膾之 五國有灌鼻割舌支

解劊剔炮炙烹蒸之法 通鑑附錄通鑑或聚毒蛇

同平章事楊洞潛諫不聽 五國故事又有投湯鑊之

後更加日曝沃以鹽醋肌體腐爛尚能行立久之乃

死 鎚鋸互作血肉交飛腥穢之氣冤痛之聲充沸庭

廡而其唇吻必垂涎及頤領若喻膏血之氣者久之方

復常態有司俟其復常乃引罪人而退蓋妖蜃毒龍

之類非可復以人論也 五國末年尤猜忌以士人多

為子孫計故專任宦者由是國中宦者大盛 通鑑

紀二

三

漢書十三卷 漢書一室抄本

高宗紀

南漢紀二 受業楊懋建校

唐天子為洛州刺史 歐史南漢家其妄自尊大皆此類也

考異五國故事以洛州刺史為劉晟語誤 素性嚴酷

殤帝紀

南漢紀三

殤帝名玠高祖第三子九國志考異蘭修按稽古

按歐史云漢主昂弟晟殺昂自立是玠亦名昂也又

第三子玠也初名洪度歐史南漢世封賓王又封秦

王九國志同 四月即皇帝位更名玠以洪熙輔政

改元光天尊母趙昭儀曰皇太妃通鑑考異十國

誤以高祖為 遣使蕭規如南唐告哀陸游南唐書

六月唐主 五月丙申葬天皇帝於康陵陸游南唐書

通鑑作 六月遣法物使公孫惠如南唐告即位南唐

申十國考異原書至於八月甲 有神降於博羅縣民家

胡三省注博羅縣漢古縣唐屬循州時為漢土郡國志

循州有羅浮山浮海而來傳著羅山故名博羅宋朝

博羅縣屬惠州九域志在州北四十五里宋白曰博

羅縣接境於羅山故曰博羅東接龍州南接西平西

城界與人言而不見其形閩人往占吉凶多驗縣

吏張遇賢事之甚謹考異馬令南唐書張遇賢傳遇

鎮有神降云云蘭修按當云循州博羅縣小吏秦循

聲近又脫博字也陸游南唐書遇賢傳云循州人張

遇賢本羅縣小吏亦脫博字又按輿地紀勝乾亨初

移循州於雷鄉縣時博羅已屬順州二書蓋沿舊稱

也時循州盜賊羣起莫相統一賊帥共禱於神神大

言曰張遇賢當為汝主於是共奉遇賢稱中天八國

王改元永樂置百官攻掠海隅遇賢年少無他方畧

諸將但告進退而已漢主以越王洪昌為都統循王

洪杲為副以討之通鑑附錄九國志劉洪杲傳洪

功立事皆起馬上獨使我老一經乎龔以兵書教之

遂畧通大義光天初循州賊張遇賢自稱中天八國

王據眾攻下郡邑洪杲請統眾討賊玠以其尚幼不

許洪杲曰兵法尚變不尚齒也因令越王為都統洪

杲副之考異蘭修按南儀謝氏當從 次錢帛館軍士

吳越備史作尚儀謝氏傳寫之誤 方食賊眾奄至洪杲率親信數百人介甲躍馬徑入

賊中殺賊數十人賊為少却俄而越王領眾繼至與

賊大戰自辰及午賊眾益盛圍我師數重矢下如雨

軍士多死洪杲矢盡挺劍力戰流血滿袖指揮使陳

道庠考異此六字 禪將萬景忻等蒙以大楯翼二王

以出九國志劉洪杲傳附錄九國志陳道庠傳道

聞其忠勇召至帳下隨隱入廣州遷雄虎將軍卒道

庠幼俊爽起家為虎賁郎果有父風大有未給事

使光天初張遇賢命以道庠為元帥府馬步軍都指揮

從越王循王東征遇賊錢帛館賊圍之數重自辰及

午我師殆盡道庠與景忻奮劍大呼殺十餘人賊眾

披靡於是掖二王而出考異蘭修按九國志洪杲以

戰功授桂州觀察使諸史未見今不取又按通鑑道

庠端州人當是其父任 十月丙子張遇賢陷循州殺

刺史劉傳通鑑使滕紹英如南唐賀仁壽節陸游南唐

原書至於 十二月 二年 晉出帝稱天福八年南唐

九年 保大元年閏天德元年 三月丙戌漢主遇弒

九國志考異馬令南唐 漢主性庸昧即位之後大

恣荒淫薛史劉 高祖在殯召伶人作樂飲酒宮中裸

男女以為樂或衣墨縵與娼女夜行歐史南漢世東

音律夜宴用此足矣焉用教坊若夜雜入禁中不拘

關籍恐姦人竊發不可不慎漢主不聽九國志吳懷

通鑑左右忤意翻死無敢諫者惟越王洪昌及內常

侍與懷恩屢諫不聽考異蘭修按王闢之灑水燕談

錄開寶中平嶺表擇廣州內臣聰慧者數十人於教

坊習樂名籍韶部改日雲韶部內燕則用之云云蕭

韶部即南漢舊稱韶部謂賜名籍常猜忌諸弟每宴

韶部雍熙初改日雲韶部誤也

集令宦者守門羣臣宗室皆露采然後入胡三省注

索之恐其拔晉王洪熙欲圖之乃盛飾聲伎娛悅其

懷兵刃也

意以成其惡漢主好手搏洪熙令指揮使陳道庠引

力士劉思潮譚合禪林少強林少良何昌廷考異歐

延等五人習手搏於晉府第也考異歐

洪泉洪昌陰遣陳道庠養勇士劉思潮等習為角觝

辭史云晟與其弟越王洪昌等同謀弑功蘭修按通

鑑云洪昌屢諫不聽又云洪泉請斬思潮等則漢主

謀逆之舉洪泉洪昌必不與聞矣今從通鑑

聞而悅之丙戌與諸王宴於長春宮觀手搏至夕罷

宴漢主大醉洪熙使道庠思潮等掖漢主因拉殺之

胡三省注因扶掖盡殺其左右通鑑考異九國立

而拉其脅殺之二年年二十四諡曰殤歐史南

殤帝紀

南漢紀三 受業楊懋建校



中宗名晟九國志本二名考異十國春秋注云五國故事

名宏晟矣蘭修按五國故事蓋謂晟本名宏熙以上

一字犯宣祖諱故去之而不書其於劉龔諸子十餘

人皆不書無去上一字而稱單名者於劉龔諸子十餘

若謂宏熙嗣位之後改名宏熙必不然矣初名洪

熙封晉王考異薛史云初封勤王又封晉王與諸書

異又云陟第于蘭修按當云第四子

既弑殤帝歐史南漢世明旦百官諸王莫敢入宮越

王洪昌帥諸弟臨於寢殿迎洪熙即皇帝位更名晟

改元應乾以洪昌為太尉兼中書令諸道兵馬都元

帥知政事考異歐史云以洪昌為兵馬元帥王洪泉

為副元帥參預政事陳道庠及劉思潮等皆受賞賜

甚厚考異歐史劉思潮等封功臣九國志晟立以道

庠為功臣紀四

漢主既立國中議論詢循王洪泉請斬思潮等以

謝中外漢主不從思潮等聞之譖洪泉謀反漢主令

思潮等伺之洪泉方宴客思潮與譚合禪帥衛兵突

入斬洪泉考異蘭修按九國志劉洪泉傳洪泉與親

信飲酒第中思潮與譚合禪帥衛兵排闥

而入斬其首以徇與通鑑合歐史云晟使使者夜召

洪泉洪泉知不免乃留使者入具沐浴詣佛前祝曰

屠害因涕泣與家人訣別然後赴召至則殺之今不

從於是漢主謀盡誅諸弟以越王洪昌賢而得眾尤

忌之建武節度使考異本武雄武胡三省云當作齊

王洪弼自以居大鎮懼禍求入朝許之七月指揮使

萬景忻敗張遇賢於循州遇賢告於神神曰取虔州

則大事可成遇賢率眾踰嶺趣虔州附錄馬令南唐

書張遇賢傳遇

賢襲南康百勝軍節度使賈浩始輕之不設備賊眾
連陷諸州縣兵擊之不勝浩戒嚴守城遇賢據白雲
洞造官室營署羣盜四出攻劫未幾通事舍人邊鎬
洪州屯營都虞候嚴思禮各帥師數千出援虔州賊
眾大敗焚其營署走數十里又敗之遇賢困窘復告
於神不復語遂棄營遁賊帥李台知其無神也
執遇賢及其副黃伯雄謀十月命韶王洪雅致仕十
主僧景全皆斬於建康市

一月丁亥祀南郊大赦改元乾和通鑑羣臣上尊號曰
大聖文武元德大明至道大廣孝皇帝鍾允章雲華

乾和二年晉出帝開運元年三月命中書令都元帥越王洪
昌謁烈宗陵於海曲至昌華官使盜殺之考異歐史
以戶部侍郎陳偃同平章事六月乙巳幽齊王洪弼

紀四

二

於私第十月丙午毒殺鎮王洪澤於邕州通鑑鎮王居

邕州有善政是歲鳳凰見邕州漢主怒故使人醜殺

之歐史南漢世家附錄赤雁南漢時邕州有六鳳

錦其鳴五尺金冠五彩飛入城中眾鳥朝之文若布

達村號絲含皆高山大木人跡所及斗米一二錢

皆瘴不識人也村民自誇我山多鳳凰吾且謂妄從

而詰之則曰其大如鷲五色有冠率居大木之顛穴

木而巢焉天氣清明則出出必雙雙而飛所過則羣

鳥舉為之歛翼俛首而伏不敢鳴者久之吾歎曰此

亦載此也古人謂南方丹山產鳳為信蘭修按赤雅

三年晉出帝開運二年八月殺韶王洪雅九月殺劉思潮林

少強林少良何昌廷譚令禮考異歐史云殺劉思潮

也今據補以右僕射王翺考異歐史云殺劉思潮

左僕射歐史則俱嘗與高祖謀立洪昌出為英州刺
史未至賜死內外皆懼不自保通鑑是歲於程鄉縣置
敬州太平寰宇記十國春秋在乾和四年宋

四年晉出帝開運三年劉思潮等既死陳道庠內不自安特

進鄧仲遺之漢紀胡三省注路振九國志陳道庠父

鄧仲父誤也道庠問其故仲曰懲獠此書有誅韓信

醢彭越事宜審讀之漢主聞之族道庠及仲通鑑

史作三年事九國志云道庠大懼遂謀亂事未及發

而展覺之乃收道庠仲下獄翼日同斬於市悉夷其

族五國故事云展既懼道庠欲其自退乃賜之漢紀

信釀彭越之謂也庠因稱疾展聞之反是歲析韶州

始興浚昌二縣置雄州太平寰宇記與地紀勝同

紀四

三

五年晉出帝開運四年漢二月辛未劉知遠即皇帝

位更稱天福十二年六月戊辰改國號曰漢九月漢

主恐諸弟與其子爭國殺齊王洪弼貴王洪道定王

洪益辨王洪濟同王洪簡益王洪建恩王洪暉宜王

洪照盡殺其男納其女充後宮通鑑胡三省注劉晟

紂之虐不如是之甚也

六年漢高祖乾祐元年八月遣知制誥鍾允章考異歐史作

制求昏於楚楚王希廣不許漢王怒問允章馬公復

能經畧南土乎對曰馬氏兄弟方爭亡於不暇安能

害我漢主曰然希廣懦而吝嗇其士卒忘戰日久此

乃吾進取之秋也十二月辛巳以內常侍吳懷恩為
 開府儀同三司西北面招討使通鑑與巨象指揮使吳
 珣歐史南漢世家珣領兵侵楚與歐史合通鑑失載
 也今據補西文載將兵擊楚攻賀州楚王希廣遣
 決勝指揮使徐知新等將兵五千救之未至懷恩已
 拔賀州鑿大穿於城外覆以竹箔加土下施機軸自
 塹中穿穴通穿中知新等至引兵攻城遣人自穴中
 發機楚兵悉陷從而擊之楚死者以千數知新等
 遁歸希廣斬之漢兵復取昭州通鑑胡三省注賀州
 等州考異蘭修按通鑑於後三年始取蒙桂連宜嚴梧
 五州皆克之掠全州而還九國志云吳懷恩與吳
 珣侵楚半歲間取梧州六州之地皆與通鑑異

紀四

四

七年漢隱帝乾十二月漢主如英州通鑑胡三省注
 廣州北至英州四百九十里受神丹於野人隨御雲
 華石室以藏焉五國春秋附錄廣語英德縣南約
 御室記大漢享國之三有記鍾允章碧落洞天雲華
 開十四葉上以萬機有暇四無波時屬祈寒節當
 冬侍九卿扈駕百司隨鑿巡英州舍於閭石翼日排
 僊仗整翠華羽衛星羅旗幟雲布嶽靈警蹕風伯清
 塵上凌龍章絳袍曳鳳文翠綬佩流黃鑲金之劍御
 飛靈凌崖之與幸茲盤龍石室者也伏惟大聖文武
 元德大明至道大廣孝皇陛下聖德遐追汗漫之功
 堯味道探元奉真元之化端拱垂衣返淳樸之風百
 山惟貞九圍承式因訪清虛之景爰追汗漫之遊斯
 為上帝之居乳寶芝房宛是長生之境白犬鳴瑞而
 天畫永幽禽語而洞壑雲深草含華元泉瀉瑞而
 是拂石牀而設御停玉輦以凝旒遂感龜鶴呈祥河
 宗效器俄頃有一道流衣短褐歛容而自稱野人
 本無姓名云昔時葛先生於此石室煉丹砂藥成息

昭躡雲而舉令野人且伏火延神秘丹於靈府并云
 後五百載當有真人降此子宜作靈之野人因九
 算之起重光單闕之歲迄屠維作靈之年將四百九
 十祀而果令喜聞所陳問仙者靈丹何在野人因
 耳遂捫蘿於峭壁中取出小石函上野人曰尺
 篆題九龍之丹四字內有神丹一粒函上野人曰
 射人倦者開函取丹自持獻野人遂旋踵隱入石
 縫間周知厥止時有海臣奏曰聖人德契元微感
 靈異尚以北屏去左右海為心雖獲還丹未宜輕
 於石室深遂處擊石秘之眾莫知矣吳懷恩捧丹
 設壇場陳齋醮以申告謝靈貺由是龍顏開豁蓋
 舒情緩舞九成之簫弄流泉之激越親瀝宸翰奮
 縱橫奏后子來皆朝於禹會眾僊萃至競祝於堯
 微頌聖朝煥赫之功應無麗藻拜承綸旨伏積兢惶
 八年漢隱帝乾以宮人盧瓊仙黃瓊芝為女侍中朝
 服冠帶參決政事宗室勳舊誅戮殆盡惟宦官林延

紀四

五

遇等用事通鑑胡三省注史言南漢終以宦官女寵
 海隅而中國十一月漢郭威弒其主承祐綱目
 九年周太祖十一月漢郭威弒其主承祐綱目
 周楚靜江節度副使知桂州馬希隱武穆王殷之少
 子也楚王希廣希萼兄弟爭國漢主以西北面招討
 使吳懷恩考異本作以內侍吳懷恩為西北面招討
 月漢主以內常侍吳懷恩為西北面招討
 招討使與九國志乾和六年除官正合則此年當書
 於西北面但稱內常侍九年為西北面招討使亦誤
 將兵屯境上伺間密謀進取希廣遣指揮使彭彥暉
 將兵屯龍峒以備之胡三省注桂州溪南有白龍洞
 希廣於上年十二月為希萼所殺此云希廣遣彭彥
 暉備南漢者追敘之辭也又按寰宇記南溪山在臨

桂縣南五里范成大桂海虞衡志白龍洞希萼自衡
山遣使以彥暉為桂州都監在城外內巡檢使判軍
府事希隱惡之潛遣人告蒙州刺史許可瓊可瓊方
畏南漢之逼即棄蒙州引兵趣桂州胡三省注蒙桂
相去四百餘里
與彥暉戰於城中彥暉敗奔衡山可瓊留屯桂州吳
懷恩據蒙州進兵侵掠桂管大擾希隱可瓊不知所
為但相與飲酒對泣漢主遣希隱書言武穆王奄有
全楚富彊安靖五十餘年正由三十五舅三十舅兄
弟尋戈自相魚肉胡三省注三十五舅謂希廣三
呼希廣舉先人基業北面仇讎胡三省注言今聞唐
等為舅舉先人基業北面仇讎胡三省注言今聞唐
兵已舉長沙竊計桂林繼為所取當朝世為與國重

紀四

六

以婚姻觀茲傾危忍不赴救已發大軍水陸俱進當
令相公舅永擁節旄常居方面希隱得書與僚佐議
降之支使潘元珪以為不可十一月丙寅吳懷恩引
兵奄至城下希隱可瓊帥其眾夜斬關奔全州胡三省
九城志桂州北至全桂州遂拔懷恩因以兵畧定宜
連梧嚴富柳龔象等州始盡有嶺南之地通鑑
異本作宜
於前三年已取昭州此處重出今刪加懷恩濮陽
縣公九國志吳十二月遣內侍丞潘崇徹胡三省注
唐內侍省
有監有少監未嘗有丞此南漢創置也附錄九國
志潘崇徹傳崇徹南海人崇徹為內侍省局丞頗知
十國春秋云咸寧人蓋以南海分置咸寧應度之也
將軍謝貫將兵攻郴州南唐邊鎬發兵救之通鑑
遇於

義章考異本作宜章蘭修按李攸宋朝事實太平興
正今改崇徹令步將康崇保分兵為兩翼以掩之南唐
兵大敗遂克郴州九國志潘
崇徹傳邊鎬除全道二州刺史
以備漢而辰南唐主以廖偃為道州刺史以黑雲指
揮使張巒知全州通鑑胡三省注全道二州
與南漢賀昭桂三州接界
十年周太祖廣
順二年南唐主既克湖南以知全州張巒兼
桂州招討使以圖桂州久之未有功四月遣統軍使
侯訓將兵五千自吉州趣全州與張巒合兵攻桂州
漢伏兵於山谷巒等始至城下罷乏伏兵四起城中
出兵夾擊之南唐兵大敗訓死收散卒數百奔歸全
州附錄五國故事江南李氏因湖湘之勢遂以兵侵
其境為晟所敗獲其敗卒盡滅去一臂以歸之江

紀四

七

南由是絕南顧之意矣考異馬令南唐書云秋劉十
晟取桂管將軍張巒爭之不克誤合上年為一事十
二月王逵將兵及洞蠻五萬攻郴州考異蘭修按時
自稱武平節度副使薛史潘崇徹救之遇於螺石胡
三省注螺石在崇徹登高望湖南兵曰疲而不整可破
也縱擊大破之伏尸八十里通鑑考異歐史云斬
首萬餘級九國志云逵
僅以身免
十一年周太祖廣
順三年正月遣兵侵全道永州朗州劉言
以何敬真為南面行營招討使朱全瑋為先鋒使將
牙兵百餘人會潭州兵以禦之附錄通鑑敬真全瑋
郊迎宴飲連日多以美妓餌之敬真因淹留不進逵
乘敬真醉使人詐為言使者責敬真不承捍禦因收
繫獄全瑋逃去二月辛亥朔斬敬真以徇未幾獲全
瑋及其黨十餘人皆斬之考異蘭修按敬真與逵不

主殂通鑑九國志同考異吳越年三十九歐史南

九國諡曰文武光聖明孝皇帝廟號中宗陵曰昭陵

府元龜二百二十四九國志同中宗率性荒暴劉晨

傳既弑兄不順懼眾不服乃益峻刑法以威眾南歐史

家又造生地獄凡湯鑊鐵牀之類無不備焉人有小

過咸被其苦辭史劉陰遣巨艦指揮使暨彥贊以兵

入海掠商人金帛作離宮游獵有南宮大明昌華甘

泉玩華秀華玉清太微諸宮凡數百不可悉紀南歐史

家殿側置宮人望明牕以候曉謂之候牕監清異每

宴會則獨處殿庭間侍宴臣僚皆結彩亭列坐殿之

兩隅宴酣則有司以檻獸進兩旁翼以戈戟漢主親

持弓矢下殿逡巡獸出移庭而上引弓射之兩旁戈

戟競進獸乃斃其為樂皆類此五國嘗夜飲大醉以

瓜置伶人尚玉樓項拔劍斬之以試劍因并斬其首

明日酒醒復召玉樓侍飲左右白既殺之嘆息而已

歐史南漢世家

紀四

十



中宗紀

南漢紀四

受業楊懋建校

後主紀

南漢紀五

後主名鉉九國志初名繼興封衛王歐史南漢世家九國

同中宗長子也辭史劉鍾傳八月辛巳即帝位更名

鉉改元大寶通鑑時年十七辭史劉鍾傳五國故事同

宋史並作年三十六蘭修按後主卒於太平興國五國

事皆決於宦官玉清宮使龔澄樞胡三省注歐史曰

龔有南宮大明昌華甘泉玩華秀及女侍中盧瓊仙

等考異宋史作臺省官備位而已十一月辛亥葬文

武光聖明孝皇帝於昭陵通鑑孝皇帝考異本作文武光

大寶二年周世宗顯以中書舍人鍾允章藩府舊僚

擢為尚書右丞考異歐史廣州人參政事甚委任之

允章請誅亂法者數人以正綱紀漢主不能從宦官

聞而惡之十一月漢主將祀園正前三日允章帥禮

官登壇四顧指揮設神位內侍監許彥真望之曰此

謀反也即帶劍登壇允章叱之彥真馳入官告允章

欲於郊祀日作亂漢主曰朕待允章厚豈有此耶玉

清宮使龔澄樞內侍監李托等共證之以彥真言為

然乃收允章繫合章樓下命宦者與禮部尚書辭用

丕雜治之用丕素與允章善告以必不免允章執用

丕手泣曰老夫今日猶机上肉耳分為仇人所烹但

恨邕昌幼不知吾冤及其長也公為我語之彥真聞

之罵曰反賊欲使其子報仇耶復白漢主曰允章與

紀五

十一

坐帳中宣禍福呼漢主為太子皇帝國事皆決於胡

子盧瓊仙龔澄樞等爭附之胡子乃為漢主言澄樞

等皆上天使來輔太子有罪不可問歐史南漢世家

漢世家又有梁山師馬又踵祖父之奢縱立萬政殿

飾一柱凡用銀三千兩以銀為殿衣間以雲母五國

鑄鐵柱十二為乾和殿附錄南海百詠銀鑄鐵柱今

述所致也二者猶見於相安亭濠水中餘不知所在

郭裴嶺海名勝記今藩司署鐵柱是也一沒於城東

濠一沒於直司泥潭中附錄建二十八寺列布四方以

修按今布政司堂存二柱附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

應二十八宿南海百詠附錄應二十八宿南海百詠

三年宋太祖建正月宋太祖受周禪奉周帝為鄭王

錄古宦者陳延壽言於漢主曰陛下所以得立由先

帝盡殺羣弟故也漢主以為然三月丁巳殺其弟桂

王璇興李燾續資治通鑑長編以四月誕日為乾德

節光孝寺東於荔支熟時設紅雲宴清異錄附錄

園東接露露之水可以通舟其橋曰流花銀與女

侍中盧瓊仙黃瓊芝李瞻姬等為紅雲宴於此

內府局令邵廷珪為內常侍時漢主春秋已長而未

知稼穡荒於游宴人心危惴廷珪每從容言曰宗社

安危繫於陛下願加檢慎漢主建禹餘宮在城東南

六十里山水奇絕漢主避暑多往焉廷珪雅所愛尚

因請解兵職願為官使漢主從之而令典兵如故廷

珪以諸戎器不甚犀利弓弩不能及遠甲鎧銷薄不

可以禦大敵乃為式親督工匠造之九國志附錄

志廷珪循州人幼為黃門給事禁中言論峭直與羣

士有內調者遷內府局令總宿衛兵軍務嚴整尤重儒

薦多被任用考異長編云廷珪循州人與九國志合

誤屬也與地紀勝

四年宋太祖建芝菌生宮中野獸觸寢門苑中羊吐

珠井旁石自立行百餘步而仆樊胡子皆以為符瑞

諷羣臣入賀歐史南漢世家續六帖同考異蘭修

云野草生於官殿御井石自行

五年宋太祖建十二月漢主納李托二女長為貴妃

百餘步孤鳴鬼哭妖怪日作

次為美人皆有寵拜托為內太師考異錢大昕二十
 州乳源縣雲門山匡聖宏明大師碑大寶七年建其
 文云列聖宮使甘泉宮使翫華宮使開府儀同三司
 行內侍監上柱國李托 政事必先稟托而後行許彥
 真既殺鍾允章益恣橫惡龔澄樞等居已上頗侵其
 權澄樞怒會有告彥真與先主麗妃私通者考異十
 姬麗 澄樞發其事彥真懼與其子謀殺澄樞澄樞遣
 西班牙將軍王仁遇告彥真父子謀反下獄族誅之編
 乾和後多聚銅錢城內用鉛城外用銅禁其出入犯
 者抵死俸祿非特恩不給銅錢附錄清異錄南漢史
 不設席而分饋阿堵時會僚屬
 六年宋太祖乾 八月宋以泰州團練使潘美為潭州

紀五

六

防禦使漢兵數侵桂陽及江華為美所敗長編
 宋史潘美傳無月日長編併載於授官時也 十月甲
 午贈韶州雲門山證真寺僧文偃為大慈雲匡聖宏
 明大師以寺為大覺禪寺雲門山匡聖宏明大師碑
 十月十六日制日定水澄源火蓮豔發夙悟無生之
 理永留不朽之名萬象都捐但秘西乾之印一真不
 動惟發南祖之燈韶州雲門山證真寺僧文偃全師
 早契宗乘洞超真覺雖雙林示滅十七年摩易大
 隻履遺蹤數萬年應迴雙林示滅十七年摩易大
 泊三朝而並切飯依乃一慈心而不忘迴向仰我師而
 獨登果位在沖人而良所嘉歎宜行封賞之文用示
 褒崇之典可贈大慈雲匡聖宏明大師證真禪寺宜
 昇為大覺禪寺重臣將命乳奠坤儀太常行禮於天
 壽於延宣恩於雲陛固可冥垂慈照密運神通資聖
 月特進李長保皇基於廣塔尋令奉迎入內供養月餘
 月迴山門文下李托部署 作燒煮剝剔刀山劍樹之

刑或令罪人鬪虎抵象東都事畧劉餗傳制大量重
 斂於民凡輸一石乃為一石八斗長編陳均九每石
 白配百六十錢長編開寶四年一見開寶六年今類
 載於民入城者輸一錢考異宋史世家云錢
 米稅五錢東都事畧於海門鎮募兵能采珠者二千
 人號媚川都考異南海百詠隆平集並云二千人與
 云八千人考異南海百詠隆平集並云二千人與
 太平軍者與地紀勝云媚川都在廉州合浦縣宋於此置
 川節是矣而今東莞縣海處往往猶有遺珠凡
 百詠亦云至今東莞縣海處往往猶有遺珠凡
 采珠以石繩索繫於足而沒焉深或至五百尺溺死
 者甚眾編久之珠璣充積內府所居殿宇梁棟簾箔
 率以珠為飾窮極華麗譚錄陳延壽作諸淫巧日

紀五

七

費數萬金考異本傳陳延壽今改從通鑑
 隻各受三斗考異本傳陳延壽今改從通鑑
 魚英蓋魚鬪骨海人亦以為罕有附錄清
 十師劉氏在郡西里名花塘乃劉氏華林園又名西
 通小舟劉氏在郡西里名花塘乃劉氏華林園又名西
 木擁之如畫顯德園在荔枝灣舊廣四里表五
 里今盡為民居廣德園在荔枝灣舊廣四里表五
 園在焉其在半塘者為花叢華林園南有華苑顯德
 烟水二園餘里多種菱荷總名西園城有華苑顯德
 北有苑春園東里得甘泉苑大抵無多城之半為
 離宮苑圍民之得甘泉苑大抵無多城之半為
 花田在城西十里三市平田彌望皆香馨於他
 征錄云劉氏時美類人死葬骨於此至今香馨於他
 處謝維新合璧事類引雍山志素馨花本名那悉於
 昔劉王有侍女名素馨其家素馨花因以得名廣
 語花田南漢內女名素馨其家素馨花因以得名廣
 鎮多植素馨以織之素馨花因以得名廣
 官賈南越喜行紀之由是得名草木狀稱那悉於花
 官賈南越喜行紀之由是得名草木狀稱那悉於花

之謂家上自生者傳會也明一統志劉王女墓在陽
 江縣東女名素馨葬此冢上生那悉若花四名素馨
 劉王侍女為劉山志談以漢主遊幸常至月餘或旬日
 以豪民為課戶供宴犒之費宋史南漢世家附錄
 園勝第一廣上常與幸嫺李瞻妃微行至此憩酌
 幸燕之所是歲靜海節度使吳昌文卒長其參謀吳
 起廟子亭是歲靜海節度使吳昌文卒長其參謀吳
 處平朝編年作吳處坪皆傳寫之誤峯州刺史矯知
 護考異歐史作喬知祐長編作喬知祐感史記作矯
 史知祐當是知祐轉為交州望族喬知祐感史記作矯
 寫為祐更為祐矣武寧州刺史楊暉牙將杜景碩
 等爭立管內十二州大亂部民嘯聚起為寇盜攻交
 州通考宋史交趾傳同附錄越史記國內大亂所
 家考吳起吳昌據平橋嶺峯州阮寬據阮
 阮守捷據仙遊唐據細江阮超據西扶烈矯順據
 回湖范白虎據藤州陳覽據布海號十二使君
 七年宋太祖乾三月令宮人關花凌晨開後苑各任
 采擇少頃赦還宮鎖苑門膳訖普集角勝負於殿中
 宦者抱關宮人出入皆搜懷袖置樓羅麻以驗姓名
 法制甚嚴號花禁負者獻要金要銀買燕清異錄
 按清異錄以樓羅麻三於城西關池百餘步列石甚
 字標題蓋記名籍也富為明月峽玉液池其南北曰含珠亭紫雲閣每歲
 端午令宮人競渡於此南海九月戊子考異宋史太
 壬寅當是奏宋南面兵馬都監引進使丁德裕與潭
 州防禦使潘美朗州團練使尹崇珂衡州刺史張勳
 陷郴州刺史陸光圖及招討使暨彥贊戰死附錄嘉

紀五

八

通志陸光圖四會人祖東昇為劉隱禪將守端州及
 度使光圖累遷兵部侍郎父昂桂州刺史領靜江軍節
 度使光圖武官多入知內侍省光圖堅求外都遂出
 為郴州刺史百官昏愚以郴為極邊惡地故徒任之
 父大寶十三年宋師來伐光圖遣兵圍郴城民呼陸
 與黃溪水溢宋將潘美順流破其柵遂取郴州光圖
 注光圖有故吏龐姓者常奏事見銀不屈俱死之原
 宋過騎田嶺龐來迎銀驚曰爾亦在此耶對曰大王
 極邊意必在此窮荒之極非有萬里之遠也銀初以
 郎史見故主曲考異龐修按此與長編後主行至公
 安郎史龐師進迎謂事相餘眾退保韶州初內常侍
 類或一事而傳聞異辭也禹餘官使邵廷珪累言於漢主曰漢乘唐亂居此五
 十餘年幸中國多故干戈不及而漢益驕於無事今
 兵不識旂鼓而人主不知存亡夫天下亂久矣亂久
 必治今聞真主已出將盡有海內其勢非一天下不
 能已請飭兵備不然悉內府琛寶遣使通好漢主情
 然莫以為慮惡廷珪言直深恨之及是始懼思廷珪
 言乃以廷珪為招討使領舟師屯泚口長編原注九
 言王師乘勝克連州劉銀懼始用廷珪按他書皆不
 然今不取考異九國志大寶七年加廷珪開府儀
 同三司東南而招討使蘭修按東莞鎮象塔記刻於
 大寶五年十一月時廷珪結銜已稱東面招討使矣
 八年宋太祖乾初邵廷珪屯於泚口以待宋師會宋
 師退舍廷珪招輯亡叛訓士卒修戰備國人賴以少
 安有投匿名書譖廷珪將圖不軌漢主信之六月遣
 使賜廷珪死士卒排軍門見使者訴廷珪無反狀請
 加考驗弗許乃相與立廟洗口祀之附錄清異錄南

紀五

九

性雅喜芭蕉凡軒窗館宇咸種之時稱純節為蕉
十國春秋純節大寶時官內侍監與漢人忠於事者
惟廷珣耳以誣殺之宜其亡矣若純節者猶無貶焉
故附 八月甲子宦者莫少璘等七人降宋是歲驩州
刺史丁部領與其子璉帥兵三萬人擊破吳處珩等
遂自立為萬勝王 考異九朝編年安南志畧作萬勝
王越史記初號萬勝王開以璉為靜海節度使遣使
寶元年稱大勝明皇帝以璉為靜海節度使遣使
來告漢主因而授之 稱萬勝王以璉為靜海節度使
度使於乾德元年移入九朝編年書之 考異長編
併書於乾德元年今移入九朝編年書之 考異長編
月授交州丁璉為靜海節度使 考異長編
處立三年內璉父位璉至七年矣聞上平定嶺南懼
而寶六年求內附璉七年璉為靜海節度使 考異長編
年部領自稱萬勝王為乾德三年與十國紀年上推三
十國春秋大寶三年部領為大勝王誤也又按東都
事部領死詔於太平興國初十國春秋大寶八年三
為交州節度使亦誤

紀五

十

九年宋太祖乾 南海民妻生子兩首四臂 歐史南漢
通考同 考異十國春秋作常康縣 尊南海神為昭
民妻蓋以南海析置常康以臆度之 考異蘭修按事載
明帝廟為聰正宮其衣飾以龍鳳 長編開寶四年云
太祖詔削去帝號及宮名易一 西北面招討使吳懷
恩為部下所殺先是漢主命懷恩治戰艦於桂州懷
恩督役嚴材有良窳不等及制度疏畧者輒行捶撻
執役者皆怨之於是作龍舟成 附錄九國志吳懷恩
征懷恩躬自臨視以綿幕其手徧捫鉤楯匠區彥希
在側因運斤斫其首墮船中左右驚散後數日乃擒

彥希斬於市懷恩為將數有功及被害國人愈恐漢
主命潘崇微代其任 長編原注懷恩崇微皆宦者也
寶二年大寶二年顯德六年也 據懷恩傳稱王師取
柳連後懷恩乃死又潘崇微傳云崇微代懷恩師取
罷兵而當附此年未也 王師取崇微不知以何官代懷
州今并言柳連蓋誤耳 潘崇微不知以何官代懷
當考司馬光朝載此事於建隆元年四月且云懷
恩不取 附錄九國志吳懷恩傳懷恩崇微皆宦者也
為內府局丞性謹愿典宿衛二十餘年未嘗有小事
玠襲位遷內常侍晟襲位授官閣諸衛押番乾和六
年大寶中為桂州團練使考異蘭修按九國志載區
公希殺懷恩事與長編同宋史潘崇微傳亦云懷
為部下所殺又按十國春秋云懷恩召潘崇微命崇
其任誤也 考異桂州管內招討使特進內侍上柱國九國
志諸官使桂州管內招討使特進內侍上柱國九國
皆失載

紀五

十

十年宋太祖乾 四月勅有司用烏金鑄造千佛寶塔
於法性寺 光孝寺東鐵塔記 附錄鐵塔記大漢皇
造千佛寶塔一所七層并相輪蓮花座高二丈二尺
保龍躬有慶所鳳麻無疆萬方咸使於清平八表永
承於交泰然後善資三有福被四恩以四月乾德節
設齋慶讚記考異南海百詠云法性寺乃南越趙建德之
亨寺後復舊名今為報恩光孝寺乃南越趙建德之
宅虞翻之園圍也 蘭修按即今西城光孝寺塔記闕
卯輪躬三字茲據足本載之 題 寺有菩提樹一株高
一百四十尺大十圍傳云蕭梁時西域僧真諦所手
植蓋四百餘年矣是夏為大風所拔 附錄劉修按南
海百詠菩提樹在六祖影堂前宋末那支摩三藏所
手植天台志菩提樹智藥三藏移植於廣州光孝寺
者其樹不花不實經冬不凋葉之筋脈細緻如絹秋
廣人每用此為燈為花為蟬蟲之翼均與詳史異
漢主寢室屢為雷震 附錄史劉修按

十一年宋太祖開寶元年三月西北面招討使考異

潘崇徽傳作潘崇徽以飛語見疑漢主遣內侍監郭

崇岳往覘其軍考異宋史潘崇徽傳云遣戒之曰崇

徽果有異志即就誅之崇岳至桂州崇徽嚴兵衛以

見之崇岳不敢發還白漢主曰崇徽日夕領伶官百

餘輩考異九國志宋史並云伶人百餘十並衣錦繡

吹玉笛為長夜之飲不恤軍政非有反謀也漢主怒

會崇徽單騎來歸漢主釋不問但奪其兵權而已長

合宋史潘崇徽傳云張怒召歸奪其兵柄初宋師

陷郴州獲南漢內品十餘人有余延業者人質么麼

宋太祖見之問曰爾在嶺南為何官對曰為扈駕弓

紀五

三

箭官乃授以弓矢延業極力控弦不開太祖笑因問

本國政事延業具言累世奢侈殘酷之狀太祖驚駭

曰吾當救此一方之民長編東都事畧考異蘭修按

宋史作乾德中事於是道州刺史王繼勳言劉鋹肆

為昏暴民被其毒又數出寇邊請王師南伐太祖猶

未欲亟加以兵乃命南唐主諭意令漢主先歸湖南

舊地九月南唐主遣使致書漢主不從長編高州大風

雨壞廨宇及舍五百區十月瓊州颶風壞城門州屋

民舍殆盡宋史五漢主及二子各範銅為象少不肖

似即殺冶工凡再三乃成置天慶觀中南海百詠與

附錄嘉靖廣陳通志天慶觀今元妙觀也人以張儻

偽時用物精多不敢贗犯其象嘉靖初提學魏校銷

毀為鏡命鑿增江水口欲通舟道入羅浮山不果方

紀要考異東坡集云本朝革命四方僭叛以次誅

服劉氏懼焉將欲潛遁羅浮為狡兔之穴命於增江

水口鑿濠通山往來山峒倉卒為航舟之計開寶四

年乃始歸命知劉氏為寶官於山間無事則為臨賞

之樂警急則為逃遁之所其計審矣考異蘭修按羅浮非

可守之地直為遊玩計耳蘇氏所論誤也羅浮書羅

陽水甚淺可筏而不可舟南漢劉鋹於增江水口穿

渠達羅浮惜其未成此渠成則北從增城舟入羅浮

之陰南從東莞舟入羅浮之陽無不可矣

十二年宋太祖開寶二年六月癸未宋以右補闕王明為荆

湖轉運使將用兵於嶺南也長編有兵過蒙州黎明遇

獵師驅黃犬逐鹿過前兵以鎗刺鹿視之一巨石也

已而人犬皆化為石輿地紀勝

十三年宋太祖開寶三年八月南唐主復令知制誥潘佑作

書數千言勸漢主歸款於宋遣給事中龔慎儀來使

長編考異吳處厚青箱雜記作尚書禮部侍郎其

與南唐書不合東都事畧作龔正儀避孝宗諱也其

書曰煜與足下叨累世之睦繼祖考之盟情若弟兄

義敦交契憂戚之患曷嘗不同每思會面而論此懷

抵掌而談此事交議其所短各陳其所長使中心釋

然利害不惑而相去萬里斯願莫伸凡於事機不得

款會屢達誠素冀明此心而足下視之謂書檄一時

之儀近國梗概之事外貌而待之汎濫而觀之使忠

告確論如水投石若此則又何必事虛詞而勞往復

哉殊非宿心之所望也今則復遣人使罄伸鄙懷又

慮行人失辭不盡深素是以再寄翰墨重布腹心以

代會面之談與抵掌之議也足下誠聽其言如交友諫爭之言視其心如親戚急難之心然後三復其言三思其心則忠乎不忠斯可見矣從乎不從斯可決矣昨以大朝南伐圖復楚疆交兵已來遂成釁隙詳觀事勢深切憂懷冀息大朝之兵永契親仁之願引領南望於今累年昨命使臣入貢大朝大朝皇帝果以此事宣示曰彼若以事大之禮而事我則何苦而伐之若欲興戎而爭我則以必取爲度矣見今點閱大眾仍以上秋爲期令敵邑以書復敘前意是用奔走人使遠貢直言深料大朝之心非有惟利之貪蓋怒人之不賓而已足下非有不得已之事與不可易

紀五

古

之謀殆一時之忿而已觀夫古之用武者不顧小大強弱之殊而必戰者有四父母宗廟之讐此必戰也彼此烏合民無定心存亡之機以戰爲命此必戰也敵人有進必不捨我求和不得退守無路戰亦亡不戰亦亡奮不顧命此必戰也彼有天亡之兆我懷進取之機此必戰也今足下與大朝非有父母宗廟之讐也非同烏合存亡之際也既殊進退不捨奮不顧命也又異乘機進取之時也無故而坐受天下之兵將決一旦之命既大朝許以通好又拒而不從有國家利社稷者當若是乎夫稱帝稱王角立傑出今古之常事也割地以通好玉帛以事人亦今古之常事

也盈虛消息取與翕張屈伸萬端在我而已何必膠柱而用壯輕禍而爭雄哉且足下以英明之姿撫百越之眾北距五嶺南負重溟藉累世之基有及民之澤眾數十萬表裏山川此足下所以慨然而自負也然違天不祥好戰危事天方相楚尙未可爭恭以大朝帥武臣力實謂天贊也登太行而伐上黨士無難色絕劍閣而舉庸蜀役不淹時是知大朝之力難測也萬里之境難保也十戰而九勝亦一敗可憂六奇而五中則一失何補况人自以我國險家自以我兵強蓋揣於此而不揣於彼經其成而未經其敗也何則國莫險於劍閣而庸蜀已亡矣兵莫強於上黨而

紀五

五

太行不守矣人之情端坐而思之意滄海可涉也及風濤驟興奔舟失馭與夫坐思之時蓋有殊矣是以知者慮於未萌機者重其先見圖難於其易居存不忘亡故曰計禍不及慮福過之良以福者人之所樂心樂之故其望也過禍者人之所惡心惡之故其思也忽是以福或修於慊望禍多出於不期又或慮有矜功好名之臣獻尊主強國之議者必曰慎無和也五嶺之險山高水深輜重不並行士卒不成列高壘清野而絕其運糧依山阻水而射以強弩使進無所得退無所歸此其一也又或曰彼所長者利在平地今捨其所長就其所短雖有百萬之眾無若我何此

其二也其次或曰戰而勝則霸業可成戰而不勝則泛巨舟而浮滄海終不爲人下此大約皆說士孟浪之談謀臣掉闔之策坐而論之也則易行之如意也則難何則今荆湘以南庸蜀之地皆是便山水習險阻之民不動中國之兵精卒已逾於十萬矣况足下與大朝封疆接畛水陸同途殆雞犬之相聞豈馬牛之不及一旦緣邊悉舉諸道進攻豈可俱絕其運糧盡保其城壁若諸險悉固誠善莫加焉苟尺水橫流則長堤虛設矣其次或大朝用吳越之眾自泉州泛海以趣國都則不數日至城下矣當其人心疑惑兵勢動搖岸上舟中皆爲敵國忠臣義士能復幾人懷

紀五

六

進退者步步生心願妻子者滔滔皆是變故難測須與萬端非惟暫乖始圖實恐有誤壯志又非巨舟之可及滄海之可遊也然此等皆戰伐之常事兵家之預謀雖勝負未知成敗相半苟不得已而爲也固斷在不疑若無大故而思之又深可痛惜且小之事大理固然也遠古之例不能備談本朝當楊氏之建吳也亦入貢莊宗恭自烈祖開基中原多故事大之禮因循未遑以至交兵幾成危殆非不欲憑大江之險恃眾多之力尋悟知難則退遂修出境之盟一介之使纔行萬里之兵頓息惠民和眾于今賴之自足下祖德之開基亦通好中國以闡霸圖願修祖宗之謀

以尋中國之好蕩無益之忿棄不急之爭知存知亡能強能弱屈己以濟億兆談笑而定國家至德大業無虧也宗廟社稷無損也玉帛朝聘之禮纔出於境而天下之兵已息矣豈不易如反掌固如泰山哉何必扼腕盱衡履腸蹀血然後爲勇也故曰德輶如毛民鮮克舉之我儀圖之又曰知止不殆可以長久又曰沈潛剛克高明柔克此聖賢之事業何恥而不爲哉况大朝皇帝以命世之英光宅中夏承五運而乃當正統度四方則咸偃下風獫狁太原固不勞於薄伐南轅返旆更屬在於何人又方且遏天下之兵鋒俟貴國之嘉問則大國之義斯亦以善矣足下之忿

紀五

七

亦可以息矣若介然不移有利於宗廟社稷可也有利於黎元可也有利於天下可也有利於身可也凡是四者無一利焉何用棄德修怨自生仇敵使赫赫南國將成禍機炎炎奈何其可嚮邇幸而小勝也莫保其後焉不幸而違心則大事去矣復念頃者淮泗交兵疆陲多壘吳越以累世之好遂首爲厲階惟有貴國情分逾親歡盟愈篤在先朝感義情實慨然下走承基理難負德不能自己又馳此緘近奉大朝諭旨以爲足下無通好之心必舉上秋之役卽命敝邑速絕連盟雖善鄰之心期於永保而事大之節焉敢固違恐煜之不得事足下也是以惻惻之意所不能

云區區之誠於是乎在又念臣子之情尚不逾於三
諫煜之極言於此三矣是為臣者可以逃為子者可
以泣為交友者亦惆悵而遂絕矣宋史東南漢世家
游南唐書所載書辭詳畧不同今並錄之東都事畧
頃者大朝南伐圖復楚疆交兵以來遂成隙事
事勢深切憂懷冀息使臣入朝大親我皇則何
此望於今累年彼若命使臣入朝大親我皇則何
而伐之若與興戎而爭則大必以禮而事我則何
振師旅仍與之秋為期深料大朝以取非度矣見
貪蓋怒人之不賓而足下非大朝以取非度矣見
易之謀殆宗廟之警此必戰也彼古之用武而必
存亡之機以守無命此必戰也彼古之用武而必
求和不得退守無命此必戰也彼古之用武而必
足下與大朝有退守無命此必戰也彼古之用武而
之際也既大朝進非天守無命此必戰也彼古之用
之時也既大朝進非天守無命此必戰也彼古之用

紀五

大

稷者當是乎况大朝皇帝以命世之英光宅中夏
亦善矣足下之兵亦元矣若介然不移有利於宗
廟社稷身可也若利於宗廟社稷身可也若利於
利於宗廟社稷身可也若利於宗廟社稷身可也若
使朝論旨國將成禍無機焉奈何棄德修怨自生
善鄰事之期以足為永保而無事大朝之憂也
不疆事足阻也陸游南唐事大朝之憂也
雖疆事足阻也陸游南唐事大朝之憂也
伐楚足阻也陸游南唐事大朝之憂也
邑使臣入貢皇帝幸靖遂成隙尺書敬足下腹心
單車之使入貢皇帝幸靖遂成隙尺書敬足下腹心
得己者僕造廷幸靖遂成隙尺書敬足下腹心
且古之武不計朝之弱心非貪土也戰者有父不
廟之警也武不計朝之弱心非貪土也戰者有父不
我退無守路也武不計朝之弱心非貪土也戰者有
乘進取之機四戰亦此鳥退亦亡三心也戰者有
夫強則兵決而一旦之命玉帛事大朝也戰者有
有達天不祥而王弱則命玉帛事大朝也戰者有
日之達天不祥而王弱則命玉帛事大朝也戰者有

紀五

九

李筠失守矣竊意足下國中必有矜智好謀之臣
尊主強國之策以謂五嶺之險非可遽前好謀之
成其不道而依山水則輕舟浮海猶足自全豈
時主師南伐於人哉此說舟道之常言豈可全
盡保其壁壘或用水陸並舉舟道之常言豈可
足下國都矣人情則海則舟道之常言豈可全
心惟與大臣熟計之周必大老堂雜志太祖皇帝
常令江南北李煜作書論廣南劉銀令歸國太祖
臣潘佑視草甚麗論廣南劉銀令歸國太祖皇帝
禮不董氏刻也予亦十有餘年矣後十常得蓋私
全文其辭曰皇帝年十有餘年矣後十常得蓋私
時膺多福日切帝廟垂清窮報德之情望南風
永懷庶幾撫我編白之日以自誓夫復何言
按東都事畧長編並云兩致書復何言
遣人使重器歸長編並云兩致書復何言
寄翰墨重器歸長編並云兩致書復何言
陸游所載唐書第二卷遺儀事其第一兩見開寶
太祖太祖始決意伐之九月己亥朔修按錢大昕
龔慎儀驛書答南唐主甚不遜南唐主以其書上
使潘美為賀州道行營兵馬都部署考異宋會要
行營兵馬都部署宋史王繼勳傳亦作賀州道
紀作貴州道蓋傳寫之誤辭應旅績通鑑廣州人
傳並作桂州道又朗州團練使尹崇珂副之會要
海並作武州道又朗州團練使尹崇珂副之會要
原宋史王繼勳傳潘美等八月二十二日辛卯今
據宋史王繼勳傳潘美等八月二十二日辛卯今
新錄本紀會要潘美等八月二十二日辛卯今

引宋會要作九月八日李仁甫所據殆別一本也

先是南漢舊將多以讒死

宗室剪滅殆盡掌兵者惟宦官數輩城壁壕隍俱飾

為官館池沼樓艦器甲輒腐敗不治及宋師次於白

霞考異宋史南漢世家賀州刺史陳守忠考異九國

遣使告急內外震恐漢主遣龔澄樞馳驛往賀州宣

慰時士卒久在邊多貧乏聞澄樞至以為必大加賞

賚皆喜而澄樞出空詔撫諭眾皆解體宋師陷馮乘

前鋒至芳林考異寰宇記馮乘縣在賀州北一百二

澄樞惶懼乘輕舸遁歸是月癸丑宋師遂圍賀州原

九國志五代史及劉鑑傳皆言王師次白霞銀即遣

龔澄樞往賀州郭崇岳往桂州李托往韶州畫守禦

計今考之此延時所遣但澄樞耳崇岳為招討乃李承

渥改後而幸延渥勸銀納款托猶居中沮其議則王

師次白霞時托與漢主召大臣議皆請以潘崇徹將

兵拒宋師崇徹自罷兵柄常怏怏於是辭以目疾異

蘭修按九國志潘崇徹傳亦云辭以目疾十漢主怒

曰何須崇徹伍彥柔獨無方畧耶遂使彥柔將兵援

賀州戊午宋師聞彥柔至退二十里潛以奇兵伏南

鄉岸彥柔夜泊南鄉考異方輿紀要南鄉鎮在賀縣

於此艦舟岸側遲明挾彈登岸踞胡牀指揮而伏兵

卒起眾大亂死者十七八擒彥柔斬之梟其首以示

城中城中人猶堅守弗下隨軍轉運使王明言於潘

美曰當急擊之恐援兵再至則為所乘我師老矣諸

將頗猶豫明乃躬擐甲胄率所部護送輜重卒百餘

人丁夫數千舂鍤皆作堙其塹直抵城門城中人大

懼遂開門降原注十月十二日庚辰克賀州奏始到

傳王師九月圍賀州尋克之十月乃攻昭州又十國

紀年古錄賀州乃九月二十一日己未也考異蘭修

按稽古錄賀州非是其事畧長編宋史太祖紀潘美傳並云

先克富州三百一十里西北至昭州一百六十里不與

至賀州接壤宋師不能越昭賀而取富州明矣其證不與

也賀州西北一百八十里為馮乘縣又北一百三十

里為萌渚嶠即五嶺之一與道州行營命官發十州兵

踰嶺即涉賀州故以賀州道行營命官發十州兵

賀州城下其證也九月朔日出師二十五日癸丑圍

賀州必無半月前已克富州之事二千已未克

六十里亦必無遲至二日始行奏到之事其證

三也愚謂本紀九月二十二日始行奏到之事其證

後互錯致時與地俱不可通耳今訂正宋師督戰

艦聲言順流趨廣州漢主憂迫計無所出乃加潘崇

徹為內太師考異蘭修按九國志作馬步軍都統領

眾三萬考異宋史云屯賀江會宋師徑趨富州崇徹

但擁眾自保而已考異原作徑趨昭州今改蘭修按

謂由賀江趨昭州矣達廣州及漢兵屯賀江而宋師

不趨廣州日昭州據其角連擊西亦兵法也然則何以

面受敵非計也昭州據其角連擊西亦兵法也然則何以

雄州由滇江乘流而十月宋師陷富州考異蘭修按

是月之初昭州刺史田行稠棄城遁桂州刺史李承

進亦奔還遂陷昭州桂州原注十一月月初四日壬寅

在此月未得日耳考異蘭修按宋史本紀必

皆據奏到之日世家十月昭州連三州遂下韶州尤誤

云十二月壬寅下桂昭連三州遂下韶州尤誤十一月

月宋師破開建寨殺數千人考異宋史殺擒寨將斬

紀五

三

紀五

三

暉原注本紀於十一月月初書克昭桂二州月未又書
暉潘美破廣南軍二千於封州開建縣斬暉據九
國志十國紀年及劉錡傳則先破開修斬暉然後
克昭桂今從志傳及紀年考異蘭修按長編注所
南昭州在賀州西境絕不相屬宋史世家云十月
昭州破開建寨長編亦書於趨昭州之後並蓋既
在此時故國史書於仍由賀州進取連州其破開
之後連州未陷之前也今移入進攻連州編招討使
盧收據長編宋史改戍騎田嶺宋師敗績叛將李廷
珙引兵出春陵屯平陽去收屯百餘里聞收堅壘以
拒潘美憂形於色廷珙進曰收眾皆廷珙故部曲願
輸忠久矣招之必下乃單騎揚旗麾之果謹譟而降
收燒壘道去廣州人傳其祖唐有功父處類善李廷
掌文翰廷珙猶在祿而處類沒送寄食母家幼岐

紀五

三

嶽不羣其器之日此千里駒也其齒若長當追風
矣以劉錡為不道橫征暴斂民不聊生廷珙知其必
亡以乾德四年四月款塞效順太祖詔授州沿邊
招收指揮使銀青光祿大夫檢校工部尚書持節
州刺史兼御史大夫光祿大夫檢校工部尚書持節
三年詔潘美為桂州行營都部署尹崇珂為副延珙
嚮導伐之南漢平詔為廣西總管署尹崇珂為副延
望風歸附詔延珙入覲勞賜有加改漢主聞之謂左
其所居鄉為奉化官至刑部尚書
右曰昭桂連賀本屬湖南今北師取之足矣其不復
南也原注十二月月初五日連州捷奏到其克時當在
宋史太祖紀十二月月初五日連州捷奏到其克時當在
初四日奏到注誤也東都事畧十二月辛巳朔當云
乃初二日稽古錄辛未之譌也又歐史云十月平部
州又平桂州十一月辛未之譌也又歐史云十月平部
本屬湖南云云按詔皆當作昭蓋傳寫之誤初南
漢取桂連二州皆徙其民毋得居城內乾和九年十

二月戊子宋太祖令長吏招撫立里閉給廬舍以處
之宋師長驅至韶州都統李承渥領兵十餘萬宋史
凡三見太祖紀云萬餘人南漢世陳於蓮華峯下
宋史世家作蓮華山蘭修按華俗書作華轉寫作葉
耳輿地紀勝云蓮花山在韶州東五里形似蓮花故
名初南漢教象為陳每象載十數人皆執兵仗凡戰
必置陳前以壯軍威宋師集勁弩射之象奔蹏乘者
皆墜反踐承渥軍遂大敗承渥僅以身免原注世家
免李托傳言承渥戰死未知孰是遂陷韶州附錄宋
而韶州亦云承渥僅免今從之
及諫議大夫鄒文遠原注十二月二十四日辛卯韶
也據十國紀年十二月七日乙亥王師趨韶州初旬
異蘭修按四史朔間考十二月七日乙亥王師趨韶州

紀五

三

三日注誤也東都事畧十二月戊子克韶延渥問道
遣使勸漢主迎降六軍觀軍容使李托深阻其議國
中震恐漢主始命塹東濠為拒守計願諸將無可使
者官媼梁鸞真薦其養子郭崇岳可用乃以為招討
使附錄九國志郭崇岳岳番禹人官媼梁鸞真
襲位遷內侍與大將植廷曉統眾六萬屯馬運列柵
以拒宋師距番禺纔百餘里長編考異九朝編年
十五萬阻山截宋史潘美傳並云集兵
谷堅壁以待
十四年宋太祖開正月宋師陷英雄二州都統潘崇
徹降原注崇徹傳云王師過馬徑乃降今從國史劉
到據十國紀年克二州乃去年十二月今附正月十
考異蘭修按九域志雄州在韶州東北二百三十

五里英州在韶州西南二百二十里蓋先取雄州乘
 流而下復取英州宋太祖紀王沐宋元通鑑載
 丑取英州雄州正據奏到之日王宗沐宋元通鑑載
 於二月誤也附錄宋史潘崇徹傳崇徹至京太祖特
 州別駕卒宋師次瀧頭漢主遣使請和且求緩師瀧
 頭山水險惡潘美等疑有伏兵乃拔使者速度諸險
 甲子至柵口乙丑至馬逕原注甲子正月二十七日
 列柵處也傳云去廣州十里蓋誤九國志言柵口去
 廣州才百里王師所次去柵口又十里露布言去廣
 州只一程又言八十里槍旗競進當得其實也考
 異蘭修按瀧頭在英州南十里與瀆水合由此下
 陽中宿臨漢諸峽以至柵口約五百餘里又按長編
 宋史並作馬逕九國志作馬逕周去非嶺外代答云
 南人謂水一折為逕故有七十二逕之名又載天威
 遙碑云陸有川遙頭石梗斷據此則馬逕為方言諸
 書凡屯雙女山考異吳興祚廣東輿圖雙女山直瞰
 郭崇岳柵游騎數出挑戰崇岳本無將才所將多詔
 英敗卒鬪志皆盡植廷曉欲戰崇岳不從但堅壁自
 守晝夜禱祠鬼神而已漢主取船十餘艘載金寶妃
 嬪欲入海未及發宦官樂範與衛兵千餘盜其船而
 去漢主懼乃遣右僕射蕭灌考異宋史世家作右僕
 左僕射又歐史東都事畧宋會要宋史南漢世家潘
 美傳並作蕭灌是也太祖紀作蕭灌十國春秋作蕭
 灌皆傳寫之誤中書舍人卓惟休奉表詣軍門降潘美即令
 部送赴關附錄宋史潘美傳二月遣其臣王珪詣軍
 卓惟休奉表乞降美因諭以上意以為彼能戰則與
 之戰不能戰則勤之守不能守則諭之降不能降則
 死不能死則亡非此五者他不得受美即令殿直冉彥
 益懼復令崇岳戒嚴二月丁卯朔又遣其弟判六軍
 十二衛禎王保興率國內兵拒宋師原注此據露布

紀五

五

國志言保興率文武官屬來降王師不納與露布異
 無關志豈敢更遇保興則保興必不以降出今止從
 崇岳保興領眾拒戰然則保興必不以降出今止從
 露布不至國紀年亦云保興帥百官迎王師潘美以
 漢主不至國紀年亦云保興帥百官迎王師潘美以
 考異潘修按露布二月一日南漢主乃使保興拒戰
 之修不後乃設詳露布二月一日南漢主乃使保興
 睿旨不後乃設詳露布二月一日南漢主乃使保興
 頻發新出僚來往商議漸無憑準固欲淹延兼於諸
 收果遣其弟保興等是會合逆黨拒敵王師至二月
 據此則遣使在保興等未至柵口之前淹延在既至
 後復領舉國軍兵併力決戰也長編與露布合今從
 歐史東都事畧潘美兩傳互異植廷曉謂郭崇岳曰
 軍乘席捲之勢其鋒不可當也吾士旅雖眾然皆傷
 瘵之餘今不驅策而前亦坐受其斃矣庚午廷曉乃
 領前鋒據水而陳令崇岳殿後禦其奔衝既而宋師
 濟水廷曉力戰不勝遂死之附錄嘉靖廣東通志植
 漢之亡以戰而死獨於廷曉有取焉夫當宋受命大
 小諸國以次削平其間竭忠仗節之臣不可多見而
 廷曉獨能不避國亡與其節焉崇岳奔還其柵潘美謂
 事非其主君子不沒其節焉王明日彼編竹木為柵若篝火焚之必擾亂因其擾
 亂夾擊之此萬全策也遂分遣丁夫人持二炬間道
 造其柵會暮夜萬炬俱發天大風烟埃坌起南漢軍
 大敗考異宋史王明傳是夕大風發屋折木眾乃驚
 道先搗賊壘大軍尊食陳以待之俄而萬炬皆發焚
 其柵賊驚果犯大軍因逆擊之賊大敗斬首數萬
 崇岳死於亂兵保興逃歸龔澄樞李托與內侍中薛
 崇譽等謀曰北軍之來利吾國中珍寶爾今盡焚之
 使得空城必不能久駐當自還也乃縱火焚府庫官

紀五

五

殿一夕皆盡原注奠澄樞等傳皆云師至白田漢主素
 至白田今從世家及紀年辛未宋師至白田漢主素
 服出降潘美承制釋之遂入城考異蘭修按長編二
 五日薛史云二月五日王師壓廣州擒劉少圭迎大
 軍於城北七里潘美令中貴宣赦釋罪是日天地黯
 慘兵火四焚六十餘年基業一旦煨燼云云與二書
 合劉氏興亡錄為胡賓王撰事俘其宗室官屬九十
 由日擊當得其寶也今從之
 七人與漢主皆縻於龍德宮保興初匿民間後乃獲
 之有閹工百餘輩盛服請見美曰是椽人多矣吾奉
 詔伐罪正為此等命悉斬之考異宋史世家云美以
 露布告捷附錄永樂大典二萬二千八百一十二引宋
 兵部總管潘美副總管尹崇珂都監朱憲等上尚書

紀五

美

王以之耀武國家仰稽元象大啓鴻基將復三代之
 土疆永泰萬方之生聚西平巴蜀雲南之獨特遠
 南倫安久背照臨朝宗之浪推嶺南之獨特遠
 以識本庸愚不以慮害為化風以誅戮國主劉錫性
 忍刷之未快人聊生設到唯湯割之刑古未嘗有恨
 刀鋒之未快人聊生設到唯湯割之刑古未嘗有恨
 日我皇天而無路生民何地以稱冤割之刑古未嘗有恨
 臣等上憑神武遙稟義切救焚遂發千戈拯其塗炭
 收於數郡累武遙稟義切救焚遂發千戈拯其塗炭
 人使初則稱累武遙稟義切救焚遂發千戈拯其塗炭
 翻月二款兵之計臣與將士等仰承睿旨不敢違逾於
 正發新條來往日已將士等仰承睿旨不敢違逾於
 收發新條來往日已將士等仰承睿旨不敢違逾於
 月四日新條來往日已將士等仰承睿旨不敢違逾於
 臣等憤其翻覆其弟保與等部領軍軍師於諸處
 誓眾行營將士等感此狂迷尋結陳以交鋒復怒逆
 之拒張先將士等感此狂迷尋結陳以交鋒復怒逆
 遺府庫以分先將士等感此狂迷尋結陳以交鋒復怒逆
 將府庫以分先將士等感此狂迷尋結陳以交鋒復怒逆

甘從涿野之誅劉錫則尋便活擒廣州則當時不定
 其在州官吏僧道軍人百姓等存除苛虐遂全
 無不感帝力以需襟望皇都而借首此蓋天威遠被
 宸算遐敷平承日月之迴光鴻祚無疆永荷乾坤之
 殊方既劉錫承日命六軍十二衛劉錫承日命六軍
 崇徽玉清宮使左龍軍容使內太師李使內太師李
 列聖宮使六軍觀軍容使內太師李使內太師李
 大將軍內侍中薛崇譽等助劉錫承日命六軍十二
 倅獻露布以幸陪戎事崇譽等助劉錫承日命六軍
 謹奉露布以幸陪戎事崇譽等助劉錫承日命六軍
 作而扈蒙傳以問考異劉錫承日命六軍十二衛劉
 殿賜金紫則似追為之矣蘭修按宋文鑑玉海並載
 露布與會要互異二十餘字又關其劉錫承日命六
 下九十一已丑至京師考異宋史太祖紀己丑克廣州
 日也與長編合今從之宋會要云二月庚寅宋羣臣
 稱賀遂賜宴凡得州六十縣二百四十戶十七萬二
 百六十三原注新舊錄與本紀州縣戶數不同今從
 也又按今宋史本紀云縣二百四十則本紀地理志云縣二
 百一十四世家地理志戶口與長辛卯宋赦廣南管内州
 縣常赦所不原者偽署官並仍舊無名賦歛咸蠲除
 之除開寶三年以前逋租民饑者發廩賑之諸軍俘
 獲悉還其主縱遣劉錫父祖守墳官人俊士奇才所
 在詢訪修辭挺節恥仕偽邦者長吏以名聞祠宇工

紀五

美

壠悉加營護原注大定錄稱平廣南周渭策然畧
 渭字得臣昭州恭城人幼孤養於諸父力學工為詩
 劉錫據五嶺政繁賦重民不聊生渭率鄉人六百餘
 嶺將避地奔道州未至賊起斷道絕糧復還恭城則
 舍煨燼遂居正所禮為書言時務召試賜同進士出
 京師為辭居馬正所禮為書言時務召試賜同進士出
 身解褐白馬正所禮為書言時務召試賜同進士出
 南諸州轉運副使初渭求賜錢米存卹之及是渭始
 三年平廣南詔昭州訪求賜錢米存卹之及是渭始

特進開府儀同三司萬華宮使驃騎大將軍改上將
軍左龍虎軍觀軍容使內太師軍國之務皆決於
樞與李托辭崇譽置酷法之具甚苦之李托傳
封州封川人少習騎射以謹愿事龔為內府局令
龔立改玩華宮使內侍充官監兼列聖景陽二宮
進開府儀同三司將軍內侍兼六軍觀軍容使行
中尉善孫子五曹算晟署為內門使兼崇譽韶州
江人善孫子五曹算晟署為內門使兼崇譽韶州
位遷內中尉特進開府儀同三司簽書檢點司事
釋後主罪及其官屬禎王保興等各賜以冠帶器幣
鞍馬附錄宋會要五月一日帝御明德門樓所司
官蕃落諸州又設獻俘儀在京九品以上官皇親
親蕃落諸州又設獻俘儀在京九品以上官皇親
之南向北向司武武士以帛係劉銀等及其偽官
馬持露布前司武武士以帛係劉銀等及其偽官
至大廟次西風門原注並由東偏門入皆於御路
押將校次西南門下馬入告禮畢於西南門出乘馬
紀五

至太社將如儀又押至明德樓南御路之西下馬立
俟校戎服帶引至儀又押至明德樓南御路之西下馬立
將校戎服帶引至儀又押至明德樓南御路之西下馬立
位定獻俘至儀又押至明德樓南御路之西下馬立
扇皇帝常服即御侍中孟元珪奏請申嚴百官就
三稱萬歲起居詔御侍中孟元珪奏請申嚴百官就
獻前位將校等詣樓前拜舞起居之儀宣引露案諸
樓前位將校等詣樓前拜舞起居之儀宣引露案諸
人跪授中書門下轉授攝兵部尚書次攝刑部尚書
盧多遜進當樓前跪奏請以所獻俘付所攝刑部尚書
於樓前詰進當樓前跪奏請以所獻俘付所攝刑部尚書
澄樞等先臣舊覆之罪銀對曰臣年十六僭偽位是
臣下澄樞等先臣舊覆之罪銀對曰臣年十六僭偽位是
太師潘崇徽等却臣舊覆之罪銀對曰臣年十六僭偽位是
龍虎軍觀軍容使使使使使使使使使使使使使使
李托內門使使使使使使使使使使使使使使使使
攝大理卿高繼申承制押登樞聖人立於樓前西廂
張大禮命盧多遜宣制曰汝殘害遠民恣行弊政及
師之命固罪傾夷就節以無赦罪之文釋縛示思之
請命以死賜就節以無赦罪之文釋縛示思之
寬爾赦以死賜就節以無赦罪之文釋縛示思之
罪特赦以死賜就節以無赦罪之文釋縛示思之

與等罪自張而下各賜襲衣冠帶靴笏器幣鞍馬咸
服其服列謝於樓前中書門下文武官進前跪賀侍
中奏禮畢初議獻俘之禮羣臣莫能知乃遣使就問
吏部尚書致仕張昭昭臥病口占以授使者咸服其
該博遂用之附錄王壺清語張昭以戶部尚書致仕
所定太祖遺學士李瀚就問伴廟之儀是日大宴大
昭臥病口占其式以授瀚不遺一字
明殿附錄宋史太祖紀大丁酉以潭州防禦使潘美
領山南東道節度使朗州團練使尹崇珂領保信節
度使同知廣州如故以右補闕王明為秘書少監領
昭州刺史廣南諸州轉運使宋師南伐明知轉運事
嶺道險絕不通舟車但以丁夫負荷糗糧數萬眾仰
給無闕每下郡邑必先收其版籍固守倉庫頗亦參
紀五

預軍畫太祖嘉其功故擢用焉辛丑太祖宴後主於
崇政殿六月壬午編授金紫光祿大夫檢校太保右
千牛衛大將軍員外置同正員封恩赦侯朝會班上
將軍之下宋史南食邑二千戶宋會俸外別給錢五
萬米麥五十斛長編考異詔錢月給增錢五萬米
以其弟保興為右監門率府率考異長編作四年事
准為太子中允中書舍人卓惟休為太僕寺丞餘並
署諸州上佐縣令主簿附錄長編六月命學士院試
上佐縣令錄簿尉十一月初平南命諸州司倉司戶
參軍縣丞捕賦等官初平南命諸州司倉司戶
知瓊州以備崖振萬安四州屬焉上謂宰相曰荒
災瘴不不必別命正官且令仁俊擇偽官因其俗治
五年閏二月乙卯仁俊州事徐觀其效可也初高祖
上日各授檢校官俾知州事徐觀其效可也初高祖

主體質豐碩眉目俱疎有口辨性絕巧嘗以真珠結鞍勒為戲龍之狀考異五國故事銀鞍勒者尚四十六養焉及至京銀乃自結真珠龍鳳鞍靴以獻太祖清異錄劉錡自結珠龍九五鞍獻闕下宋史世家與長編尤為精妙以獻太祖太祖詔示尚方諸工官考異宋史作皆駭伏給錢百五十萬償其直因謂左右曰銀好工巧遂習以成性儻能移以治國豈至滅亡哉原注銀鞍轡實錄在五年五月今移入考異蘭修按宋史太祖紀五年五月庚申賜恩赦侯劉錡錢一百五十萬即此事後主在國時多置醜以毒臣下一日太祖乘肩輿從十數騎幸講武池從官未集後主先至詔賜卮酒後主疑之奉杯泣曰臣承祖父基業拒違朝廷勞王師致討罪固當死陛下不殺臣今見太平為

紀五

善

大梁布衣足矣願延旦夕之命以全陛下生成之恩臣未敢飲此酒太祖笑曰朕推心置人腹安有此事命取酒自飲之別酌以賜後主大慙頓首謝太平興國四年正月乙未宴潘美等於長春殿後主及淮海王俶武定節度使陳洪進等皆與附錄宋史南漢世召近臣宴後主因言朝廷威靈及遠四方僭竊之主銀預之今日盡在坐中旦夕平太原劉繼元又至臣率先來朝願得執梃為諸國降王長太宗大笑賞賜甚厚其諛諸類此編長子守節守正皆至崇儀副使守正卒太宗聞其家貧詔月給萬錢守素咸平中為侍禁亦貧真宗賜白金百兩語宰相曰諸偽主子孫率多窘迫

蓋僭侈之後不知稼穡艱難所致也後至內殿崇班天禧中又錄為閣門祇候守通供奉官守正子克昌為三班奉職國昌為借職宋史南漢世家附錄宋九月詔廣南劉氏子孫未食祿者聽敘用仁宗紀明道二年六月壬寅錄劉錡後

紀五

善

漢紀五
受業楊懋建校

後主紀

南漢紀五

受業楊懋建校

道光乙酉年鑄

西夏書事

小峴山房藏板

序

古之爲史舉其大綱堯舜二典是也其後爲編年以序事迨司馬遷始創紀表書傳之體漢以下承之是不必大一統之有史也大事書之策小事書之牘侯國並著其官孟子曰楚謂之檮杌晉謂之乘魯謂之春秋其義一也然則有守土設官職立功名而畀子孫者雖異俗偏隅其世系可考治亂可誌典章名物之可詳賢否善惡之可勸可戒誠有不容泯者矣拓跋氏漢西羌之別種而見于載籍則自晉建元元年

石序

爵拓跋猗盧爲代王始北史魏本紀魏之先出自黃帝軒轅氏黃帝以土德王北俗謂土爲拓謂后爲跋遂以爲氏隆安間拓跋稱帝歷晉宋齊梁享國日久迨高洋族魏子姓遂微間有散處於幽朔間者越三百三十年而拓跋復興豈其苗裔歟或曰黨項部落南雜春桑北連吐谷渾其間八姓並強而拓跋氏爲最當唐季分崩五代擾攘之際而拓跋竊據西土思恭仁福創肇于前德明元昊鳴張于後結好契丹雄視中土時而據誠時而構覺開邊通市奮揚其志而

饗養其欲拓地數千里傳世十餘禩雖以藝祖太宗之英武僅僅示尊寵申盟約幾有宋之世羈縻之而已職其故寧夏古羗戎地漢曰朔方晉赫連勃勃所都山有賀蘭之險水有奢延之廣右達嘉峪左抱榆林自古西戎必爭之地加以元昊梟獍之雄馭桀驁之衆人爲之用而威在遠夷立國之由雖曰地利人事有焉跡其建學校設兵防班爵祿備禮樂文修武舉儼然西陲一大國矣仿之遼金本無多讓而遼金有史夏無專書間或散見諸編異同難出稽古者不

石序

二

能無憾也雲間吳子西齋讀書三十年尤究心於史班之學而又韜才遜志不欲以作家自命特輯西夏書事一書一遵綱目編年之例自唐僖宗中和元年至宋理宗寶慶三年三百四十一年中拓跋氏之世次昭著行事詳析不蔓不支有條有序予奪嚴而採擇慎洵乎得古良史之遺意焉惜紀載鮮考蒐羅莫迫不獲具紀表書傳之體辜作者深心多矣雖然先賢有言曰古史文約而意周近史敘繁而體雜五代而降辭意兩蔑哀然成書迄無敢發令人展卷思睡

不若存其大凡以昭一國之紀綱風俗不失春秋左氏之意不猶善歟是則西夏書事一書之不可無而足與遼金二史相發明雖並垂不朽也可
賜進士及第 誥授通議大夫山東按察使前翰林院修撰同學弟承堂石韞玉頓首拜序

石序

三

序

馬班改編年爲紀傳荀袁又改紀傳爲編年自是而還作者林立古人待作者而傳耶抑作者藉古人而傳耳然而或傳或不傳異焉者何也大抵言人所已言則其傳者常少言人所未言則其傳者常多故載筆者尤貴知所擇焉史部自正史而外僭僞之國類多誤述阮氏七錄立僞史一門嗣是晉書末附載記隋志唐六典改稱霸史如吳越春秋越絕書十六國春秋華陽國志下逮十國記年五國記事江表志南

趙序

唐書蜀檣机三楚新錄吳越備史等書皆與正史相出入雖瓜分豆剖蠅聲紫色不得比於中朝然其盛衰興廢之迹治亂得失之故亦未始不足以示鑒戒資考証也河西李氏自思恭授鉞於中和仁福析珪於乾化傳至元昊跋扈張僭稱尊號凡十世而降於蒙古自古偏隅竊據享國傳世固未有若是之歷年多者考拓跋本党項八部唐書厠諸西域宜也洎仁福晉封王爵儼然西陲一大國矣乃歐陽氏五代史仿龍門例撰十世家擯而不與或以是時十國次

第剗夷而西夏方抗衡中國尙未能要其始終且惡

其夜郎自大不予以割符世爵故耶然仁福列傳猶進之劉守光李茂貞等藩鎮之列則固未嘗夷之也厥後元人修宋史則竟置西夏於外國曾留從效陳洪進之不若遂與高麗日本同科遼金二史因之夫豈歐陽氏進退之意哉其專紀夏事者羅氏夏國世次久佚王氏西夏事畧卽東都事畧中之夏國傳乃好事者鈔出別題孫氏夏國樞要已入宋史傳中劉氏西夏須知訖於神宗之世較之正史反不逮遠甚良

趙序

由西夏僻處羌夷華風未染文藝詰牒盡易蕃書國人卽間有紀載亦莫能辨其文義以故典章闕畧簡策凋殘縱或散見諸書獲存什一於千百而歲遠則同異難密事積則起訖易疎誰復從千百年後網羅放失珠聯而繩貫之是可慨已吾友吳子西齋夙負儻才淹通羣史思有以自表見而無所藉手也於是取唐以下各正史之記夏事者參以李氏長編諸家續通鑑續綱目旁及稗官野乘奏議文集苟可掇拾補綴無不廣爲搜採以供疏證每年必冠以中朝正

朔用昭大一統之義并附遼金紀元俾易稽考至於
褒誅予奪書法畧仿紫陽疑者闕之蓋其慎也書成
名曰西夏書事西齋殆知所擇者歟殆能言人所不
言者歟嗚呼足以傳矣吾邑自

國朝以來潭西楊氏熟精史學所著五代史志疑遼
金綱目已登秘府近日虞尊湯氏南唐書注取法世
期是皆有史學而知所擇者也其並傳也固宜

道光六年歲在丙戌季夏六月

賜進士出身 誥授朝議大夫廣東高州府知府署

趙序

三

高兼道事愚弟趙逢源宗遠甫頓首拜序

叙

昔聖人作春秋爲史家編年之祖逮馬班創立紀傳
古史之法微矣袁陳而降述作紛紛有正史有別史
有雜史別史雜史所以詳正史之畧也予友西齋吳
君精於史學正史別史靡不討尋所著西夏書事一
書蓋補雜史畧也西夏綿延五代終始遼金顧遼金
有史夏鮮成書志古者憾焉西齋撫河西陳跡搜拓
跋遺文事之不可沒者書之事之不容諱者書之內
事必書外事間書之盛衰理亂功罪或大書或特書

周叙

一

月緯年經具有體例余受而讀之竊嘆是書之成其
難有三焉元拓克拓修宋遼金史舊有實錄可據不
過仍其文而稍爲編次西夏典籍云亡其攻伐禮樂
兵刑諸大務僅散見於宋遼諸史及王偁東都事畧
李燾通鑑長編於此而鈎索攷稽以成一國紀載難
矣哉卽劉溫潤西夏須知孫吳夏國樞要編殘簡斷
紕繆紛紜理亂絲而入扣殊費經營於以知西齋之
用心勤矣古人著述莫先聚書梁沈約任昉輩並號
良史才其藏書各有數萬卷宋司馬光作通鑑所採

書自正史外至三百三十有二種西夏蕃書紀事文
 義罕明故歷朝一統志陝甘新舊通志綬靈寧夏各
 州衛志職方失考文獻少徵而儒生力綿購貯家鮮
 秘藏第籍耳目過閱以爲證援難乎不難乎於以知
 西齋之見聞博矣且陸翹著鄴中記徐鉉撰江南錄
 鄭文寶增修江表志以及周羽翀之三楚新錄句延
 慶之錦里耆舊傳之數人者非生長其國卽身立其
 朝而或失之誣或失之畧猶未免見嗤君子矧西夏
 僻處西陲去今五百餘載地偏則見聞失實世遠則
 周叙
 攷據無從乃網羅散佚貫立條流正其舛訛抒以論
 斷使二十一主三百四十餘年之事迹釐然不紊作
 者固不知其難讀者亦忘其爲難於以知西齋之才
 識實乎不可及已西齋知予有同好每一過從輒以
 史學相規摹悉其撰述尙有廿二史金石攷異明史
 紀事本末補歷朝名年紀畧明遺雜記諸稿則予之
 序是編也亦祇嚆矢之鳴而已道光六年歲次丙戌
 仲春中浣弟周郁濱泉南氏拜撰

西夏書事目錄	第一卷	起唐僖宗中和元年盡梁末帝龍德二年
	第二卷	起後唐莊宗同光二年盡周恭帝顯德六年
	第三卷	起宋太祖建隆元年盡宋太宗太平興國八 年
	第四卷	
西夏書事 目錄	一	
	第五卷	起宋太宗雍熙元年盡淳化元年
	第六卷	起宋太宗淳化二年盡至道元年
	第七卷	起宋太宗至道二年盡宋真宗咸平三年
	第八卷	起宋真宗咸平四年盡六年
		起宋真宗景德元年盡三年

第九卷

起宋真宗景德四年盡大中祥符七年

第十卷

起宋真宗大中祥符八年盡宋仁宗天聖五年

第十一卷

起宋仁宗天聖六年盡景祐元年

第十二卷

起宋仁宗景祐二年盡寶元元年

西夏書事

目錄

二

第十三卷

起宋仁宗寶元二年盡是年

第十四卷

起宋仁宗康定元年盡慶厯元年正月

第十五卷

起宋仁宗慶厯元年二月盡二年六月

第十六卷

起宋仁宗慶厯二年七月盡三年六月

第十七卷

起宋仁宗慶厯三年七月盡四年

第十八卷

起宋仁宗慶厯五年盡八年

第十九卷

起宋仁宗皇祐元年盡嘉祐二年

第二十卷

起宋仁宗嘉祐三年盡八年

第二十一卷

起宋英宗治平元年盡四年

西夏書事

目錄

三

第二十二卷

起宋神宗熙寧元年盡三年

第二十三卷

起宋神宗熙寧四年盡五年

第二十四卷

起宋神宗熙寧六年盡元豐三年

第二十五卷

起宋神宗元豐四年盡是年

第二十六卷

西夏書事凡例

一 霸國有史晉唐以來述作紛紛載籍極博未有天下幾三百年西夏遼金並雄西北而遼金有史夏鮮專書緣其地連沙磧人半羌夷元昊自造蕃書以紀國事國亡之後文義莫辨遂至掌故失傳宋遼金三史有附傳而弗詳廣成 謬輯是編雖無當于參稽或亦可以備殘缺焉

一 梁蕭氏方等 三十國春秋魏崔氏鴻 十六國春秋

宋劉氏恕 十國紀年等書皆分紀列傳體擬正史

西夏書事 凡例

一

西夏事散見諸史者不過朝貢攻伐數大端即歷朝一統志陝甘新舊通志綏靈寧夏各州衛志自拓跋啟疆職方失考終夏之世絕少人文蒐羅不易紀傳為難惟于立國之始終傳祚之世數以及夫朝政之理亂主德之昏明皆約而可稽爰為件繫條分綱舉目附名之曰書事

一 繼遷立國元昊稱尊開國承家幾與有宋相終始而西夏之稱亦始于宋則書西夏當以宋為斷然溯契丹者大基習宇志女真者盛始胡來夏自思

恭秉節夏綏綿延五代爵晉西平擬之當時荆南吳越諸國無多讓也首卷追述中和蓋亦討本尋源之意

一 朱子作綱目凡正統未一天下概不大書年號明屠氏喬孫 項氏琳 所訂十六國春秋悉將晉宋正統繫年蓋尊中國大一統理固然也李氏系出羌戎稱臣唐宋故自始迄終悉以中國冠元至元昊僭號始書改元某年備列年數于後

一 綱目正統繫年之下分注僭國某年所以別正偽

西夏書事 凡例

二

紀興亡也西夏自繼遷請婚遼國乾順受地金源玉帛干戈紛紜錯雜若不節注二國紀年事難稽考然俟互有關涉方行附入既便查核亦免支離一元托克托纂修三史惟金史列傳年月稍詳餘則叙事混濛詮次頗難是編分年析月悉遵三史帝紀夏國附傳或遵王氏傳 東都事畧李氏燾 通鑑長編及薛氏應旂 宋元通鑑商氏翰 宋元續綱目王氏宗沐 徐氏乾學 畢氏沅 通鑑後編續通鑑諸書其餘稗官紀載時日不同亦必前後不相矛盾

方始甄錄

一以宋遼金書借叙夏事最易喧客奪主篇中綱主西夏目則參引諸史間有刪節乃以嚴主客之辨非敢蹈割裂之愆

一古史體例一代之主必著論贊西夏統系絕續者三自思恭至彝昌而一絕自仁福至繼捧而再絕因其尙未成君僅附總論若繼遷建都西平傳德明而封夏王至元昊而稱國主自可卽其行事述其生平偶附小論餘皆仿此

西夏書事

凡例

三

一史以傳信亦以傳疑是編于宋遼金事稍涉西夏靡不收羅然有時地不詳及原委莫竟者則于分條之後或按時或因事另立附例概不混書以示疑也

一史各有志如天文地理職官選舉禮樂兵刑別類分門務取該備而霸史則祇見紀傳中以彰一朝治亂西夏典策云亡其文志不少概見因就管窺所及畧志數條姑存梗概簡漏之譏知所不免

一王氏傳西夏事畧劉氏溫潤西夏須知孫氏吳宋史藝

文志作蘇氏 夏國樞要及夏臺事迹諸書言人人殊較

之正史不無舛錯至于前賢章奏郡國圖經以及家乘誌銘叢談野說見有不同詞多相戾竊附己意訂正之然必詳溯根原藉徵確據非敢憑空臆斷焉

一史文浩博鑑體謹嚴編輯諸家無不去復刪繁期于簡核夏事如爭城爭地文畧相同賀節賀正辭多不載然亦正書附列採綴靡遺非故貪多務得漫失翦裁良因補錄訂亡無敢疏畧

西夏書事

凡例

四

一古來撰述班固衍司馬氏之文延壽節南北史之要已足自名一家其有專事網羅不資藍本則亦文獻具在任吾取攜西夏去今歲餘五百舊籍流傳率皆零簡焚絲不入機杼焉成經緯書中所錄根尋散佚參合異同雖然菅刺並收竊幸條流粗貫後有作者請以爲盤孟之助

宋元諸儒喜于論史雖不能于聖賢作述深心膈合無間然其講明切究亦能抉奧探微是編文冗事穢未免顯晦相參竊于是非邪正之致興亡得

失之由間綴數言以免抵牾倘博雅糾其繆而賜正之則幸甚

一龍門作史記班氏謂一人之精文重思煩其書多不齊一矧廣成拘墟譴陋愧乏三長賴諸同志參

考互訂數載于茲今幸觀厥成謹登諸君姓氏以見他山之助裨益良多

西夏書事

凡例

五

西夏書事卷一

青浦 吳廣成 西齋集

唐僖宗中和元年春三月宥州刺史拓跋思恭起兵

討賊

拓跋思恭

金史夏國傳夏臣羅世昌譜敘夏國世次稱元魏衰微其居松州者復姓為拓

跋本党項羌

隋書党項傳西羌別種其國在禹貢析支之地東至松州西接葉護南界

春桑北鄰吐渾地方三千餘里新唐書党項有八部以姓別為部落而拓跋氏最強始祖赤

辭初臣吐谷渾可汗慕容伏允待之厚與結婚姻

太宗時諸羌歸順拓跋氏不至貞觀八年行軍大

西夏書事

卷一

一

總管李靖奉詔擊吐谷渾赤辭屯狼道峽抗王師

廓州刺史久且洛生遣使諭以禍福辭曰渾主以

腹心待我不知其他若速去無污吾刀洛生怒引

輕騎破之肅遠山斬首數百級擄雜畜六千太宗

因其敗令岷州都督李道彥招之赤辭從子思頭

潛納欵其下拓跋細豆亦以所部請降赤辭知宗

族攜沮稍欲自歸岷州大都督劉師立復誘之乃

與思頭俱內屬分其地為懿嗟麟可三十二州以

松州為都督府擢赤辭西戎州都督賜姓李遂職

貢不絕開元中吐蕃寢盛拓跋畏逼請內徙元宗

詔慶州置靜邊等州處之以赤辭孫守寂為右監

門都督封西平公天寶之亂守寂有戰功擢容州

刺史領天柱軍使廣德二年河北副元帥僕固懷

恩叛誘党項渾奴刺入寇朔方節度郭子儀以党

項吐谷渾部落散處鹽慶諸州恐其滋亂表徙靜

邊州及夏州樂容等六府党項于銀州之北夏州

之東明一統志謂夏州即今寧夏衛諸書俱沿其舊考杜氏通典及李氏元和郡國志夏州東至銀州一百八十里東南至延州四百里又續通典綏州東北至夏州二百六十里以地界按之當

西夏書事

卷一

二

在今榆林府界內復徙寧朔州吐谷渾駐夏西以離沮之

于是召大首領左羽林大將軍拓跋朝光拓跋乞

梅等五刺史入朝代宗厚賚之使還綏其部自後

乞梅居慶州號東山部朝光居銀夏號平夏部宋

奏疏党項是前漢呼韓邪所處河南地幅頓千里從銀夏泊青白兩池地惟沙磧俗謂平夏是也

貞元中有夏州刺史拓跋乾暉銀州刺史拓跋乾

曜拓跋澄等俱官其地思恭乾暉裔孫也司馬氏通鑑考

異曰歐陽氏新五代史作拓跋思敬意謂薛氏舊五代史避國諱耳後唐書實錄皆作思恭又實錄

天復二年九月武定軍節度使李思敬以城降王建思敬本姓拓跋鄜延節度思恭保大節度思孝

弟也思孝致仕以思敬為保大留後升節度又徙

武定軍新唐書党項傳思恭為定難節度卒弟思

諫代之思孝為保大節度以老荐弟思敬為留後

俄為節度思恭思敬乃是兩人歐史合為一人誤

據有宥州太平寰宇記開元二十六年以六胡州殘人于夏州西南長澤縣地置宥州處

之寶應後廢元和九年于經畧軍復置宥州屬

夏綏銀節度以護党項距故州北三百五十里稱

刺史歐陽新史作夏州偏將冊府元龜作夏州將時寃句盜黃巢由潼

關陷長安僖宗幸蜀關中大亂思恭糾合夷夏兵

數萬約渭北鄜延節度李孝昌會于鄜州誓牲討

賊剋日入援

按禮莫重于君臣事莫大于征討有唐中葉太

阿廢銳藩鎮連兵龐勛裴甫之徒乘機肆亂殫

財動眾禍難始平迨乾符以後賊陷兩京宰衡

稱疾乘輿播遷一時行間將帥非畏賊托風濤

之阻即縱寇畱富貴之資雖有義成入援鳳翔

傳檄而有倡寡和寇患益深思恭党項小羌位

卑力弱獨能會合鄰道舉義勤王較之代北朱

耶雲州赫連奉詔興師者不加一等乎書起兵

著其能為西州之倡書討賊嘉其克盡人臣之

誼也

西夏書事

卷一

三

夏四月權知夏綏銀節度事

長安陷夏綏銀節度諸葛爽屯軍櫟陽巢將朱溫

誘之爽降賊僖宗遂以思恭為左武衛將軍權知

夏綏銀留後 胡三省曰此拓跋氏強盛遂為跨

據西夏張本

進兵武功

思恭兵進武功與鳳翔鄭畋義存王處存涇原程

宗楚河中王重榮四節度盟圖復長安

戰于王橋不利

西夏書事

卷一

四

諸軍進薄長安黃巢東走市民爭出迎程宗楚恐

諸將分功獨夜入城肆掠賊謂知官軍不整且諸

鎮不相繼引兵還襲之宗楚死巢復入長安詰旦

思恭與李孝昌來援與賊遇于王橋戰不利死傷

甚眾

秋七月進軍東渭橋

思恭聞忠武節度周岌昭義節度高潯連復鄧華

諸州復與李孝昌引軍進屯東渭橋守水北壘以

逼長安賊遣偽中書令尚讓東面行營都虞候朱

溫帥二萬騎拒之

按上書不利茲書進軍嘉思恭志在滅賊不因

敗而稍挫也

八月授夏綏銀節度使九月與賊將尚讓朱溫戰弟

思忠死之

朱溫尚讓率眾涉渭思恭遣弟思忠迎擊戰于東

渭橋橋表有鐵鶴思忠射之沒羽賊駭走思忠逐

北深入殲于陣僖宗贈宥州刺史立祠渭陽

按書死之子節也思忠為繼遷遠祖史不具官

西夏書事

卷一

五

諒非顯秩然當賊勢鴟張千里勤王一死報國

非忠勇性成者不能宜其廟食一方祚傳二百

餘年之久也

冬十一月戰于富平不勝奔夏州

諸鎮勤王皆以師老遷延勿進賊將知右軍事孟

楷襲思恭軍于富平思恭力不支領殘眾奔歸本

道

按春秋私逃書奔奔者匹夫之行思恭兵敗不

奉王命擅回本道書以貶之

十二月夏州賜號定難軍

思恭既回夏州繕甲訓兵表請討賊僖宗嘉之賜其軍號定難促兵入衛

中和二年春正月定難軍節度使拓跋思恭授京城南面都統夏四月進軍屯渭橋

宰相王鐸見諸道無心討賊發憤請行僖宗命鐸兼中書令充諸道行營都都統令夏綏鄜延諸軍

會之授思恭京城南面收復都統檢校司空同中書門下平章事思恭復出兵屯渭橋受鐸節制

西夏書事

卷一

六

按上書不名此復名重威首也後仿此

秋八月授京城四面都統

思恭以銳士八千頻與賊戰僖宗進為京城四面收復都統權知京兆尹事

中和三年夏四月定難軍節度使拓跋思恭從雁門節度使李克用復長安

思恭奉詔從克用討賊連敗賊將尚讓黃揆兵進軍渭南與克用將楊守宗河中將白志遷等擊賊

一日三捷賊眾奔潰諸軍自光泰門入京城黃巢

焚官闕遁

秋七月晉爵夏國公

僖宗以思恭討賊功

歐陽新史云朱玫之亂思恭與鄜州李思孝以兵屯渭橋

其後黃巢陷京師與王重榮李克用等同破賊有大功考新唐書攻亂在僖宗光啟二年後黃巢亂五年鄭夏兵不至新史誤

按此夏國得號之始

復賜李姓

自後歷世仍之

按賜姓始于漢婁敬至唐而盛綱目書之不勝

西夏書事

卷一

七

書必甚美甚惡乃書思恭之功雖不及克用然較全忠茂貞輩不啻天淵矣書以美之

光啟元年秋九月定難軍節度使李思恭合邠寧軍討河中

河中節度王重榮據鹽鐵之利中尉田令孜惡之建請領屬以佐軍食重榮不可據河中叛令孜使

邠寧節度朱玫與思恭合鄜夏軍三萬討之

十二月戰于沙苑敗績

諸軍分壁沙苑王重榮計誘河東李克用合兵拒

戰攻不勝鄜夏兵俱敗

光啟二年冬十一月定難軍節度使李思恭奉詔討襄王煊次于綏州

朱玫恥為中人用與重榮克用連和上表請誅令

我大掠而西僖宗幸鳳翔避之玫與同平章事蕭

遵等奉嗣襄王煊權監軍國事據長安旋立為帝

改元建真僖宗詔山南諸鎮及夏州兵討之思恭

發兵次綏州觀望不出境已聞煊敗遂還

按春秋伐而書次其次為善救而書次其次為

西夏書事

卷一

八

既時李煊據長安田令孜劫帝如寶雞諸道

貢賦不至從官衛士皆乏食勢不已孔迫乎思

恭願觀望不前無復以國事為急書奉詔以嚴

其赴救之責書所次以著其怠緩之罪

文德元年李思恭取鄜延以弟思孝知留後

中和中改鄜延節度為保大軍以東方遠領節度

使遠病去思恭遣弟行軍司馬思孝襲取之自稱

留後思恭為請于朝授鄜坊丹瞿等州觀察使並

檢校司徒同中書門下平章事

按有唐末造藩鎮兼吞始于韓簡之攻河陽繼

于秦宗權之陷鄭州極于朱全忠之并臨淄徐

鄆禍結兵連至唐亡不解思恭之取鄜延所謂

鄭伯效尤也宜後日克用表中以為口實乎去

官貶之也

唐昭宗大順元年夏六月定難軍節度使李思恭偕

保大軍節度使李思孝出兵會都招討使張濬于晉

州

河東李克用攻防禦使赫連鐸于雲州宣武節度

西夏書事

卷一

九

朱全忠盧龍節度李匡威奏討之宰相張濬請任

其事昭宗令將京軍數萬及邠寧雜虜三萬人抵

晉州思恭與思孝率鄜夏兵會之

冬十月棄張濬軍先歸

官軍出陰地關李克用遣養子李存孝營于趙城

擊敗鎮國節度韓建兵乘勝抵晉州西門張濬出

戰又敗入城拒守思恭與保大靜難鳳翔諸軍先

渡河歸

按晉州之役議者咸咎張濬小人淺謀誤國然

將帥與其事者不當以是非論也思恭既奉命
興師則敵王之愾惟力是視乃見敗不救棄帥
先歸直書之其罪自見

乾寧二年定難軍節度使李思恭卒弟思諫嗣

思恭子仁祐早卒孫彝昌幼軍中立其弟思諫嗣
為節度使

按此李氏世襲節度之始

秋七月保大節度使李思孝檢邠寧將王令陶于黎
園寨

西夏書事

卷一

十

邠寧節度王行瑜求尚書令不得與鳳翔節度李

茂貞舉兵犯關遣將王令陶據黎園寨思孝與河

東將李存信攻檢之獻于行在舊唐書八月己丑

若癸巳于黎園殺邠寧軍數千獲大將王令陶以

獻又詔鄜州節度李思孝以本軍進討似屬兩事

八月思諫思孝充邠寧東北二面招討使

李茂貞聞河東兵至斬假子李繼鵬上表請罪王

行瑜拒守如故昭宗命思諫等為招討使從邠寧

四面行營都招討李克用討之

乾寧三年春三月保大節度使李思孝致仕表弟思
敬自代

昭宗詔思孝以太師致仕思敬為保大軍兵馬留

後旋授節度使後徙武定軍附李茂貞天復二年

西川王建攻之思敬舉洋州降

乾寧四年春正月定難軍節度使李思諫兼寧塞軍

節度使

中和二年以延州置保塞軍司馬氏通鑑作三年

已更號寧塞此據司馬氏通鑑考新唐書方鎮表

西夏書事

卷一

十一

塞軍節度是乾寧四年鎮是時李茂貞據延洋秦

隴諸州朝廷命思諫兼寧塞節度以分其勢茂貞

不奉詔

附司馬氏通鑑乾寧四年夏四月加定難軍節

度使李承慶同平章事而新舊唐書党項傳思

諫一生未嘗離定難何以節度忽易承慶此或

坊本有誤故從附書

秋九月奉詔討李茂貞授鳳翔行營四面副都統

當時興元邠寧鄜坊河中同華諸鎮之兵並起交

爭惟夏州不為唐患朝廷寵錫優異時鳳翔李茂
貞復以兵逼京畿神策諸軍不能禦昭宗奔華州
詔加思諫副都統命帥師與鳳翔四面行營都統
孫奭會諸道軍討之茂貞尋上表請罪願得自新
師不出

唐昭宣帝天祐三年秋九月邠州李繼徽將六鎮兵
攻夏州冬十月李思諫告急于梁梁遣劉知俊等擊
走之

先是朱全忠攻邠州降靜難節度李繼徽繼徽茂

西夏書事

卷一

三

貞假子也全忠令鎮邠州質其妻子于河中已而
私其妻繼徽怒遣使與茂貞連兵茂貞令率鳳翔
靜難彰義秦隴等六鎮兵圍夏州思諫告急于全
忠全忠使匡國節度劉知俊出兵援之繼徽以五
萬眾陣于美原知俊擊破之乘勝取鄜州等地自
是夏州服于梁

按此李氏變節之始去官貶之也自是終梁之
世皆不具官

梁太祖開平元年夏五月李思諫加檢校太尉兼侍

中

梁受唐禪遣使宣諭州鎮封兩浙錢鏐為吳越國
王如思諫等皆進秩

開平二年冬十一月李思諫卒思恭孫彝昌嗣

軍中遵思諫遺命共立思恭孫彝昌為留後薛氏

及王氏東都事畧以彝昌為思諫子而尋起復正
宋史夏國傳云思諫卒思恭孫彝昌嗣

授旄鉞

開平三年春二月夏州將高宗益弑其節度使李彝
昌

西夏書事

卷一

三

宗益官夏州都指揮與其黨謀據夏州遂作亂執
彝昌殺之

按前書李氏不具官茲書節度使何正高宗益
之罪也夫彝昌為思恭孫不能繩其祖武屈首
朱梁固不為無罪然以宗益戕之則下犯上矣
續綱目書殺此書弑揆之尊卑上下之義或倍
謹嚴云

三月夏州人誅高宗益迎蕃部指揮使李仁福為留
後

夏州將吏誅高宗益并其黨相率迎仁福于戍所

立為留後仁福以聞梁祖授檢校司空定難軍節

度仁福彝昌族父也歐陽新史及王氏東都事畧皆云仁福不知于思諫為親

疎也宋史夏國傳彝昌遇害將士立其族子蕃部指揮使仁福司馬氏通鑑考異云仁福諸子皆連

行也當以通鑑為正按當時朝廷衰亂方鎮專恣非以部民逐主帥

即以偏裨領軍務上下恬然毫不知怪夏州將

吏獨能誅討逆賊迎立故宗其忠義之氣有非

他州可及者書以嘉之

西夏書事

卷一

十四

論曰思恭際拓跋中衰平夏勢弱而以區區一

州之眾事十八葉天子于危亡之際振數十世

遺緒于頽廢之頃蓋不特著忠于國抑且垂裕

于家也雖其取鄭延棄張濟事多可議顧當邠

寧犯順岐汴劫遷方鎮爭衡中原板蕩獨不聞

夏州一騎渡河其保境息民循分效順為何如

耶思諫嗣職庸庸自保視椒蘭之弑而不知援

見汴梁之篡而不之討畧公義重私恩以視思

恭殆有愧焉然當授受之際承兄繼姪為宋太

宗元仁宗所不能為亦可謂善全同氣者矣彝

昌立甫逾年身無失德禍及閭門以思恭亮節

再傳而嫡嗣云亡殊可慨已

開平四年秋七月晉師岐師圍夏州李仁福城守不

下

梁忠武節度劉知俊功名寔盛見梁祖性日猜忍

內不自安潛以同州附于岐王李茂貞後兵敗奔

岐茂貞無地處之使將兵取靈夏知俊攻靈州兩

月不克于是茂貞與邠寧節度李繼徽涇原節度

西夏書事

卷一

十五

李繼鸞遣使太原請會兵攻夏州晉王李存勗令

振武節度周德威于是月劉邠五代春秋八月晉人素人侵夏州與五代

史通鑑異合五萬眾自麟府渡河初梁祖遣供奉官張

漢攻國禮使杜廷隱諭賜夏州抵石堡寨聞晉岐

軍至廷隱以防卒三百人星馳入城既而圍合仁

福兵力俱乏借廷隱漢攻與指揮使張和李君用

率州民及防卒分陣拒晝夜不少懈

按拓跋與朱耶滅黃巢賜國姓同功一體人也

晉王志在滅梁仁福若舉四州之眾與之共扶

王室則揚劉夾寨諸戰仁福身在行間存最何
敢專為己功從此共求李氏立之何後唐之有
哉乃授甲登陴誓為賊守其有愧于沙陀之賜
姓多矣

冬十一月鄜延援師至圍解

仁福固守逾月遣使告急于梁梁祖遣夾馬指揮

使李遇劉綰率鄜延師直趨銀夏邀其歸路大破

之薛氏舊史後唐紀是役也劉知俊為岐人所搆

乃自退與梁紀異且梁紀在十一月唐紀在九

西夏書事

卷一

七

十二月加檢校太保同平章事

梁祖嘉其却晉岐師也

附薛氏舊史梁紀乾化元年夏四月己卯詔曰

邠岐未滅關隴多虞宜擇親賢總統戎任應關

西同雍鄜延華夏等六道兵馬並委冀王收掌

指揮是時夏州奉詔出兵與否攷新舊兩史並

不載

乾化二年春正月李仁福加檢校太尉

並益食戶實封

梁末帝乾化三年春三月李仁福加檢校太師兼中
書令封隴西郡王

按此李氏封王之始新舊五代史乾化二年封

高季昌渤海郡王是荆南受封先夏州一載耳

後世史家顧以高氏備十國置李氏不與何也

龍德二年春二月李仁福入獻

晉兵圍德勝末帝徵諸道軍赴援仁福聞之貢馬

五百匹助戰

西夏書事

卷一

七

西夏書事卷一終

西夏書事卷二

青浦 吳廣成西齋 纂

後唐莊宗同光二年夏四月定難軍節度使李仁福
晉朔方王

仁福聞莊宗滅梁自以向拒晉師中懷恐懼首遣
宥州刺史李仁裕奉表入賀莊宗詔晉仁福爵仁
裕仁福從兄也

按前書仁福不具官茲特具官者殆以後唐繼
統嘉其反正乎非也蓋朱梁為唐室賊臣從之

西夏書事

卷二

一

者皆賊爾書法自不容稍假若後唐與晉漢周
史臣稱為亂世例可從寬昔朱子作綱目于周
室未亡天子在上則以王法正諸侯之稱迨周
室既亡上無天子則諸侯悉任其所稱劉氏謂
此綱目隨時變通不得已之意也故自同光訖
顯德李氏非大悖逆不去官

後唐明宗天成元年綏銀軍亂剽州城

夏俗喜復仇然有凶喪者不伐已負甲葉為記仇
解用雞猪犬血和酒貯罇中飲之祝曰若復報

仇穀麥不收男女禿癩六畜死蛇入帳其力微不
能復者則集鄰族婦女烹牛羊具酒食介而趨仇
家縱火焚其廬舍俗謂敵女兵不祥其俗稱婦
人為麻魁輒
避去訴于官故事州刺史之下有和斷官擇氣直
舌辨者為之以理其曲直殺人者納命價錢百二
十千綏銀為夏州巡屬兩州兵以緝故相仇殺主
者究詰之遂闕而起縱掠二州城市銀州防禦使
李仁顏與綏州刺史李彝敏討定之仁顏仁福族
弟彝敏仁福族子也

西夏書事

卷二

二

天成二年秋九月定難軍節度使李仁福賜功臣號
與鳳翔節度李從曠朔方節度韓洙並加食邑

附薛氏舊史唐紀天成三年秋七月貶刑部侍

郎馬縞為綏州司馬曹州刺史成景宏為綏州
司戶參軍續流宥州攷河西自李氏世襲綏宥
諸州不歸十道故終五代諸姓不復銓除明宗
此舉或欲示其威權而李氏從違新舊兩史並
不載

天成四年冬十月夏州進白鷹

樞密使安重誨拒不受明宗密遣人諭使者納之
宮中

長興四年春二月定難軍節度使李仁福卒子彝超

嗣

仁福追號號王

胡氏通鑑註云李仁福子孫強盛遂為宋朝西邊之禍所謂西夏也

攻宋史夏國傳仁福傳至繼捧而絕繼遷乃銀州防禦使仁顏後胡氏不明西夏世系後并以繼捧

繼遷為彝
殷子謬

三月徙為延州留後彝超不受代

先是夏州党項寇延州守臣擊敗之追至賀蘭山

西夏書事

卷二

三

而還於是邊將多言仁福潛通契丹

薛氏舊史言河西諸鎮皆

言李仁福潛通契丹司馬光曰是時河西止有涼州沙州二鎮然使命不常通也竊意河西當作關

西歐陽新史只作邊吏朝廷恐其併吞河朔南侵多言仁福通於契丹

關中會仁福卒三軍立左都押牙四州防遏使彝

超為留後矯為仁福奏云臣疾日甚已委子彝超

權知軍事乞降真命明宗怒命彝超移鎮延州以

延州節度安重進為夏州留後又命邠州節度藥

彥稠宮苑使安從益帥師送重進赴鎮仍降詔諭

之云近據西北藩鎮奏定難軍節度使李仁福薨

朕以仁福自分戎閭遠鎮塞垣威惠俱行忠孝兼

著當本朝播遷之後及先皇興復之初爰及渺躬

益全大節統領有術遠邁咸安委仗方深凋殞何

速突觀所奏深槍子懷不朽之功既存於社稷有

後之慶宜及於子孫但以彼藩地處窮邊每資經

畧厥子年纔弱冠未歷艱難或虧駕馭之方定啟

奸邪之便其李彝超已除延州節度觀察留後便

勒赴任但銀夏綏宥等州最居邊遠多染夷狄之

風少識朝廷之命既乍當於移易宜普示以渥恩

西夏書事

卷二

四

其夏銀綏宥等州管內罪無輕重常赦所不原者

并公私債負殘欠稅物一切並赦自刺史指揮使

押牙以下皆勒依舊各與改轉官資朕自總萬幾

惟宏一德內安華夏外撫戎夷先既懷之以恩後

必示之以信且如李從暉之守岐隴疆土極寬高

允韜之鎮鄜延甲兵亦眾咸能識時知變舉族歸

朝從暉則見鎮大梁允韜則尋除鉅鹿次及昆仲

並建節旄下至將僚悉分符竹又若王都之食上

谷李賓之恡朔方或則結構契丹偷延旦夕或則

依憑党項竊據山河不稟除移惟謀旅拒纒與討
伐已見覆亡何必廣引古今方明利害祇陳近事
聊諭將來彼或要覆族之殃則王都李賓足為鑒
戒彼或要全身之福則允韜從贖可作規繩朕設
兩途爾宜自擇或慮將校之內親要之間幸彼幼
冲恣其熒惑遂成騷動致累生靈今特差邠州節
度藥彥稠部領馬步兵士五萬人送安重進赴任
從命者秋毫無犯違命者全族必誅先令後行有
犯無赦云已彙超上言臣奉詔授延州留後已迎

西夏書事

卷二

五

受恩命緣三軍百姓擁隔未遂赴鎮明宗復遣閻
門使蘇繼顏賁詔促之彙超不納

按

李氏自知留後三世矣茲軍中已立彙超不

書官未王命也特書徒何李氏世居夏州明宗

特詔移之於此可以覘乾綱於此可以觀臣節

夏四月發兵守青嶺門五月襲蘆關不克

彙超聞重進軍至遣兄阿囉王守青嶺門集境內

党項諸胡以自救藥彥稠等進屯蘆關

馬入漢界至蘆關百
三十里四無水泉
彙超遣党項抄掠糧運及攻

具官軍自蘆關分兵退保金明一夕夏州城上舉
火比明雜虜數千騎突至重進遣先鋒使宋溫擊
之虜騎敗走

秋七月官軍攻夏州拒却之

重進乘勝進攻夏州州城為赫連勃勃所築

州城赫連勃勃蒸土所築在朔方之北黑水之西

其城土白而堅南有亢敵峻險非人力所能攻

堅如鐵石官軍穴地道至城下剗鑿不能入彙超

兄弟登城謂重進曰夏州貧瘠非有珍寶蓄積可

西夏書事

卷二

六

充朝廷貢賦但以祖父世守此土不欲失之葛爾

孤城勝之不武何足煩國家勞費如此幸為表聞

若許其自新或使之征伐願為衆先時四面党項

萬餘騎抄掠糧運官軍無所芻牧山路險狹關中

民輸斗粟束藁費錢數緡困敝不能供明宗遂命

班師重進等還軍伍不整彙超令部下逐之官軍

遺戈棄甲失亡甚夥其後有知夏州陰事者云仁

福畏朝廷除移揚言結契丹為援契丹實不與之

通也致朝廷誤興是役無功而還自是李氏益輕
朝廷

按 此李氏顯據夏州之始

冬十月遣使請罪仍授定難軍節度使

彛超上表請罪求昭雪明宗授定難軍節度檢校

司空加檢校司徒彛超修貢如初

後唐廢帝清泰二年春二月定難軍節度使李彛超

卒弟彛殷代

彛超奏已疾病以弟行軍司馬彛殷權知留後彛

殷送代為節度薛氏舊史以彛殷為彛超兄司馬

王氏東都事畧
俱作彛超弟

西夏書事

卷二

七

晉高祖天福元年春正月定難軍節度使李彛殷加

檢校太尉同平章事

晉祖以皇基初造詔彛殷與湖南節度楚王馬希

範鳳翔節度西平王李從曠並加官及封邑示普

恩也

晉出帝天福八年春三月定難軍節度使李彛殷加

檢校太師

時以楚王馬希範守尚書令兼中書令彛殷亦加

官

按 李氏自後唐入晉非有大功可紀而晉爵拜

官書不勝書前賢謂亂世之爵賞不足以服人

適足以驕人其以此夫

秋七月綏州刺史李彛敏作亂奔延州

彛敏結夏州衙內指揮拓跋崇斌襲州城事世彛

殷檢斬崇斌出兵襲擊彛敏敗與弟彛俊等五人

棄州挈骨肉二百七十口奔延州當州押送赴闕

稱與兄彛殷偶起猜嫌互相攻擊故也

八月彛殷表李仁裕知綏州

西夏書事

卷二

八

仁裕在宥州多戰功西羌服其威猛彛殷以綏州

新亂奏使權知州事出帝從之

九月李彛敏伏誅

彛殷表奏彛敏作亂狀出帝諭彛敏潛結兇黨顯

恣逆謀骨肉之間尚興屠害照臨之內難以含容

命執送夏州令彛殷斬之

按 彛敏執送夏州彛殷奉王命斬之用以警蕃

部之不靖者揭書伏誅則賊臣之罪正而天討

之嚴著矣

開運元年春正月定難軍節度使李彝殷起兵助攻契丹

契丹自後魏始見中國至唐而盛其地北接室韋東隣高麗西界夷國南至營州種分八部部有大入常推一大人爲王建旗鼓統之三年則以次相代唐末有阿保機者滅七部一之僭稱帝號阿保機死子德光嗣後唐清泰二年晉高祖起兵河東遣使求助約事捷之日割盧龍一道及雁門關以北諸州爲謝德光親將兵五萬會之遂滅唐社終

西夏書事

卷二

九

高祖世奉事不衰出帝立從天平節度景延廣議稱孫不稱臣契丹遣使責讓延廣以言觸之契丹主怒會平盧節度楊光遠叛引契丹兵由馬家口入寇彝殷合蕃漢兵四萬自麟州渡河侵契丹西境以牽制之

按綱目書定難軍節度使李彝殷侵契丹以救

晉夫救善詞亦急詞也當契丹入寇大河以南諸鎮袖手獨奠殷侵入其境以撓兵勢故書以善之乎然考晉自延廣挑釁北虜南牧一敗於

鴉鳴谷再敗於威城三敗於馬家口卽無彝殷之衆晉力尙足相當迨開運二年淳沱師潰將帥北降此時望救孔殷不聞夏州一卒渡河何耶茲不書救而書助以見彝殷此舉無關於晉之緩急然仍不沒其善也

西羌破母族亂綏州刺史李仁裕擊之敗死

羌性強悍帳族有生熟戶接連漢界入州城者謂之熟戶居深山僻遠橫過寇掠者謂之生戶其人多有世仇不相往來遇戰鬪則傳箭相率其從如

西夏書事

卷二

十

流俗尙然也破母乃西羌熟戶仁裕在州頗事威福蕃性不便破母舉族謀亂走南山仁裕率所部追擊戰敗爲所殺

夏四月授彝殷契丹西南面招討使

出帝以彝殷協助有功故有是命

漢隱帝乾祐元年春二月定難軍節度使李彝殷兼侍中

隱帝以登極思命彝殷與湖南節度楚王馬希廣並進秩

三月請討西羌

彝殷上表賀請討叛羌咬母族為李仁裕報仇率

眾屯境上慶州請益兵為備謂備羌也隱帝以司天言

今歲不利先舉兵諭止之

夏六月河中李守貞遣使夏州乞援

護國節度李守貞久蓄異謀是時漢室方新嗣君

纒立自謂舉無遺策發兵扼潼關稱秦王遣人賫

蠟書重幣至夏州求援

秋八月彝殷出兵次延州

西夏書事

卷二

十一

彝殷聞鳳翔王景崇永興趙思綰與守貞連衡陝

州節度白文珂攻之不克乃亦出兵逼延州為守

貞聲援已隱帝遣樞密使郭威赴河中節制諸軍

掘長塹築連城困之彝殷遂抽師回

按綱目書漢護國節度使李守貞反者逆詞

也出師以援逆是亦反而已然書次于延州次

者緩詞何氏休曰從義兵緩而後者功薄從不

義兵緩而後者惡淺是則彝殷之罪可從未減

故不書反而書次以原之

冬十一月上表自陳

延州節度高允權素與彝殷不協夏州兵雖退允

權以聞彝殷上章自訴紛然互訐隱帝賜詔和解

之

乾祐二年春二月以靜州隸定難軍李彝殷上表謝

彝殷見中原多故有輕傲之志藩鎮有叛者輒以

兵陰助之邀其重賂朝廷知其事亦以恩澤羈縻

之 史臣曰拓跋據銀夏是時漸以桀驁遂成宋

朝繼遷之亂

西夏書事

卷二

十三

按此定難軍屬有五州之始

秋九月賜兼中書令

隱帝因河中平命彝殷與兩浙節度吳越國王錢

宏俶湖南節度楚王馬希廣並加官

周太祖廣順元年春正月定難軍節度使李彝殷復

封隴西郡王

隴西本仁福舊封是時周祖新立復封荆南節度

高保融為渤海郡王彝殷亦復舊爵然彝殷未嘗

表賀也

夏五月遣使附于北漢

周祖殺湘陰公劉贇夷夏胥怨贇父鈞起兵太原稱北漢彝殷遣使奉表附之

按夏州當五代之時自開平訖顯德終始五十二年暮楚朝秦充然無復廉耻然其表附北漢則有可取焉蓋郭威篡奪漢祚弑湘陰公四方藩鎮靡然從之於時北顧太原危如一綫彝殷獨以邊方慕義力扶孱弱是真不以成敗利鈍之見存於中者也

西夏書事

卷二

七

廣順二年冬十二月北漢麟州刺史楊崇訓求援於夏州不應

初麟州土豪楊信自為刺史受命於周信卒子崇

訓司馬氏通鑑考異崇訓或作崇勳世宗同彝實錄作崇訓後避恭帝諱改作重訓

殷以州降北漢至是為郡羌所圍乃求救于夏州彝殷不赴

顯德元年春正月定難軍節度使檢校太尉加太師侍中兼中書令同平章事李彝殷晉西平王

周祖以疾祀圜邱改元大赦內外職官並加恩於

是荆南高保融封南平王彝殷亦封西平王

按五代之際篡亂相仍豪傑蜂起稱帝稱王不可枚舉後世史臣摭其遺事特於紀傳表志外立為世家蓋尊之也李氏坐擁河西自思恭至彝殷已傳六世使其先妄自稱尊誰得禁之乃於朱梁始膺王號後唐繼進朔方迨周顯德改元爵晉西平遂得與吳越荆南並列夫律以春秋之義李氏固未得為純臣然與五代諸世家較不特遙遠華胄足以推重當時即其服事中

西夏書事

卷二

古

朝保輯境內歸往之謂王當之庸有愧乎故具官書封以見有土有爵有世系若列入世家可謂名稱其實矣

秋七月加守太保

世宗新即位覃慶諸侯彝殷於是月辛巳與南平王高保融並進秩

周世宗顯德二年春正月定難軍節度使李彝殷以兵塞府州路既而罷之

夏州為緣邊大鎮李氏世秉節旄素自貴重元年

五月府州防禦使折德辰入朝世宗置永安軍於府州即以德辰為節度折氏晚出彝殷惡其職與已埒以兵塞路不許通詔使世宗謀於宰相對曰夏州邊鎮朝廷每加優恤府州禍小得失不繫輕重且宜撫諭彝殷庶全大體世宗曰德辰數年來盡力以拒劉氏奈何一旦棄之且夏州惟產羊馬百貨悉仰中國我若絕之何能為乃遣供奉官齊藏珍賫詔責之彝殷惶恐撤兵謝罪

按昔劉平謂五代之末中國多事惟制西戎為

西夏書事

卷二

五

得之中國未嘗遣一騎一卒遠屯塞上但任土豪為眾所伏者封以州邑征賦所入足以贍兵養士由是邊鄙安寧表獻不絕今觀彝殷兵塞府州世宗以一詔撤之於茲言益信

顯德四年冬十一月李彝殷叛北漢誘楊崇訓歸周彝殷計誘崇訓歸周與永安節度折德辰上言河東麟州刺史楊崇訓屢被蕃部攻圍乞歸世宗詔曰據夏州節度使李彝殷奏崇訓等拒命吾朝被蕃部侵迫欲歸備覩變通之意特用宏納之仁宜

分析名銜申奏加恩酬賞遂授崇訓本州防禦使檢校太傅

按彝殷既事北漢又復臣周已屬守義不固而又計致崇訓乃情之無可原者書叛書誘深罪之也

秋七月加太保

益食邑六百戶實封三百戶

周恭帝顯德六年秋七月定難軍節度使李彝殷加太傅

西夏書事

卷二

六

史臣曰拓跋氏攷諸前史可見也自赤辭納欵於貞觀守寂立功於天寶中和初思恭以宥州舉義秉節夏綏厥後子孫歷鎮五代地逾千里爵進西平供賦不入公朝巡屬惟其除授益夏雖未稱國而自王其土久矣

論曰事有必至理有固然自古未有為國守土為民惜命而其後不昌者試觀唐季鴟軍赴難肇啟後唐負璽從行遂開前蜀射潮保境吳越歷有百年伏甲誅殘南漢祚傳五主積功食報

自古爲昭拓跋自思恭舉義思諫討李茂貞思孝破王行瑜有徵必至無役不從當是時中原鼎沸闢帝圖者八姓十三君郡邑瓜分秉節旄者九州數十主間閭多誅求之困行間切鋒刃之憂獨銀夏綏宥靜五州兵不事戰征民不睹金革休養生息幾及百年西夏之昌早基於此而歐陽五代史列南平高氏於世家置西平賜姓於雜傳例不盡符故余敘西夏事自中和訖顯德歷書其顛末以補新史之闕云

西夏書事

卷二

七

西夏書事卷二終

西夏書事卷三

青浦 吳廣成西齋 纂

宋太祖建隆元年春正月定難軍節度使西平王李彝興加太尉

彝股于顯德中雖受恩秩貢奉甚稀聞太祖受禪遣銀州防禦使李光曦奉表入賀避宣祖諱改名興太祖嘉之使守太尉光曦彝興族子也 陳師道曰宋初職備三公者內則趙普外惟彝興彝興以藩鎮領之尤異數也

西夏書事

卷三

一

三月遣都將李彝玉禦北漢兵于麟州

北漢主劉鈞結代北諸部侵掠河西太祖詔諸鎮會兵禦之彝興遣彝玉進兵抵麟州北漢引去遣使告捷彝玉彝興從弟也

按 此李氏立功宋室之始

建隆三年夏四月定難軍節度使李彝興貢馬

宋初市馬沿邊陝右諸州最盛河東川峽僅居其半如麟府豐嵐益文黎雅及唐隆鎮濁輪砦岢嵐火山永康等軍未入版圖場市甚隘彝興聞北漢

兵常擾麟州知中國需馬遣使以良馬三百匹入獻

五月賜玉帶

太祖嘉彝興命玉工治帶親臨視之召夏使問曰汝師腰圍幾何使言彝興腰腹洪大如合抱之木太祖笑曰真馬也成遣使賜之彝興感服

按有宋幅幘之廣東南至海西盡巴焚北極三十六州及西夏五州耳然燕雲為北門鎖鑰石

西夏書事

卷三

二

晉失之遂開契丹入寇之徑若銀夏諸州羌戎瘠壤得其地不可耕撫其衆不可守非若吳越荆南近在肘腋勢所必爭也太祖有見于此因其貢獻厚加賜賚以服其心而羈縻之誠得柔遠之道哉

秋九月夏州蕃尙波于以伏羌縣地入獻

初秦州西北夕陽鎮連接山谷材木所出夏人久擅其利尙書右丞高防知秦州建議置採造務闢地數百里築堡要害募卒三百人為戍自渭而北

夏人有之自渭而南秦州有之歲獲大木萬章給京師夏屬酋長尙波于率蕃部千餘人涉渭奪木筏殺兵役防與戰敗之俘其屬四十餘人以獻太祖不欲邊境生事遣使至夏州諭彝興約束之悉歸其所俘賜以錦袍銀帶尙波于感恩遂以所居伏羌縣地詣秦州獻

按綱目攻取之際地有關於成敗之大者必特書重之于時尙波于獻伏羌縣地宋與夏未交惡也何以書蓋伏羌據西北險要為秦渭屏藩

西夏書事

卷三

三

異時繼遷頻犯涇原延慶不入秦州即元昊再犯渭州亦信宿即去地勢使然也兼以壤接吐蕃潘羅支唃廝囉之屬全倚秦渭聲援乃敢與夏州抗若伏羌不通二族何恃以建功可不謂重乎况繼遷未生伏羌先入更若有天意存其間焉

乾德元年春二月銀州防禦使李光曦生子繼遷

光曦贈宥州刺史思忠後祖仁顏以長厚稱仕唐為銀州防禦使父彝景嗣于晉光曦嗣于周宋初

會奉彝興表入賀循謹有禮太祖賜資甚厚至是

與妻罔氏游無定河生繼遷繼遷生即有齒見者

咸異之宋史夏國傳建隆四年繼遷生于銀州之無定河太祖紀建隆四年因是年十一月改元乾德史臣于帝紀即以乾德紀年而夏國傳仍其舊也茲正之

按王侯子生無故不悉書繼遷州將子曷以書

為其厄宋也然繼遷不厄宋則李氏將不存是

又西夏之興區係焉故書

夏四月彝興獻犛牛一

犛牛生西羌似牛而尾甚長毛可為翽異產也彝

西夏書事

卷三

四

興得之遣使以獻康譽之昨夢錄西夏有竹牛重數百斤角甚長黃黑相間用以製弓極佳夏人常獲犀角以市焉吳任臣山海經注謂即犛牛之類攷物類志犛牛足四節廣志犛牛黑色出西南微外腹下及肘皆有赤色長尺餘尾大如斗尺子左彝以此尾為之或曰尾長而勁中國以為德人若射之則自斷其尾與竹牛異

乾德五年秋九月定難軍節度使太尉兼中書令西平王李彝興卒子光獻權知州事

彝興嗜貨財識機變五代時雖向背不常然未嘗

顯與中國抗入宋後貢奉惟謹徵調時應北漢劉

鈞累遣使持幣由間道約以兵助彝興不納太祖

聞厚資之至是卒太祖廢朝三日贈太師追封夏

王子行軍司馬光獻自權知州事

附宋史劉平傳平獻攻守之策言太祖有天下

懲唐末藩鎮之盛盡削其兵柄收其賦入邊方

世襲宜異于此而誤以朔方李彝興靈武馮繼

業一切亦徙內地自此靈夏仰中國戍守千里

運糧兵民交困張方平傳太祖不勤遠畧如靈

夏河西皆因其酋豪許之世襲及太宗謀取燕

薊內徙李彝興馮暉于是朝廷始旰食矣攷夏

西夏書事

卷三

五

國傳及李氏長編彝興歸宋無內從事

冬十月光獻授定難軍節度使

加檢校太保

開寶元年冬十月夏州屬蕃擾邊

太祖以夏州近邊授董遵誨為通遠軍使遵誨至

鎮名綏夏夷落諭以朝廷威福眾皆感悅至是未

數月夏州蕃族擾邊遵誨率兵討定之光獻遣使

謝

開寶三年秋九月綏州亂故刺史李光琇子丕祿討

平之

綏州羌族強悍易于騷動刺史李光琇在州繕完城堡訓約戎夷一方安之及卒羌人乘隙為亂丕祿捕首事者誅之餘黨遂散

開寶四年春正月李丕祿授綏州刺史

綏州定光獻令丕祿權知州事表聞于朝太祖詔授本州刺史

開寶五年春三月定難軍節度使李光獻請入朝

光獻聞太祖解諸將兵權罷藩鎮節度內不自安

西夏書事

卷三

六

遣使貢獻表請入朝詔不許

開寶七年定難軍節度使李光獻以李繼遷為管内都知蕃落使

繼遷善騎射饒智數嘗從十餘騎出獵有虎突從

山坂下繼遷令從騎悉入柏林中自引弓踞樹巔

一發中虎眼斃之蕃部由是知名光獻愛其勇遂

授以官

開寶八年夏五月北漢兵侵銀州

北漢劉繼元數出兵寇宋不克遣使招誘夏州光

獻不從繼元怒遣兵萬餘渡河掠銀州光獻禦却之

開寶九年秋九月定難軍節度使李光獻率兵伐北漢

北漢兵既却後復數使招諭光獻並以聞太祖以

江南既平命侍衛都指揮使党進宣徽北院使潘

美率兵伐漢分五道入太原又命兵馬監押馬繼

恩進河東界焚蕩堡砦光獻亦率所部次天朝定

朝兩關遣使表言伺黃河凍合進兵

西夏書事

卷三

七

冬十月攻吳堡寨破之

斬首七百級獲牛羊鎧甲數千俘寨主侯遇以獻改名克獻

時太祖崩太宗即位光字避帝諱也

宋太宗太平興國元年十二月即太祖開寶九年定太宗于是月改元

難軍節度使李克獻加檢校太尉

太宗即位嘉克獻擊北漢功晉秩褒之

太平興國二年冬十一月夏人掠靈州進奉使

羌人素不知教養自彝興歸宋後蕃部數犯西鄙

慶州刺史姚內斌號武猛在鎮十餘年西夏畏伏不敢犯塞及內斌卒羌族復肆時靈州貢使回夏人游牧過境猝遇之悉奪其鞍馬器甲去知通遠軍兼靈州巡檢董遵誨移檄夏州欲討之克獻懼執送作過蕃酋盡歸所掠請罪

按前書夏州屬蕃擾邊茲書夏人掠靈州進奉使西羌驚悍易肆難馴異日繼遷之亂其端已見

太平興國三年夏五月定難軍節度使李克獻卒子

西夏書事

卷三

八

繼筠嗣

克獻馭下寬和屬下有小過輒不較故終其世羌人感悅無攜貳者太宗聞其卒廢朝二日贈侍中子衙內都指揮使檢校工部尚書繼筠自權知州事旋授檢校司徒定難軍節度觀察畱後

太平興國四年春三月定難軍畱後李繼筠出兵討

北漢

太宗親征北漢繼筠表率所部進討因遣銀州刺史李克遠綏州刺史李克憲率蕃漢兵卒緣黃河

列塞渡河畧太原境以張軍勢

按漢周世為仇讐廣順顯德中無歲不擾宋有天下餘忿未消猶以兵寇麟府諸州李氏自歸宋以來頻與漢戰累立大功其効順之心可謂誠矣

太平興國五年冬十月定難軍畱後李繼筠卒弟繼捧嗣

繼捧本衙內都指揮嗣為畱後

太平興國六年秋八月銀州刺史李克遠襲夏州不

西夏書事

卷三

九

克

初繼筠卒子幼不得嗣繼捧以季弟襲職失禮諸父宗族多不協克遠素暴悍與弟克順等率兵襲夏州繼捧偵知伏兵以待克遠兵至入伏敗死冬十一月繼捧以銀州變聞

太宗詔令撫綏屬族無使滋亂

太平興國七年春二月月犯井鬼

掩鬼之西南星入于井史記天官書東井與鬼雍州之分新唐志夏州東井分之

按 月犯列宿其國主兵夏州將亂乾象先示其咎孰謂天道與人事遠哉書西夏天象始此

三月綏州刺史李克文請詔使諭夏州入覲

自克遠死李氏宗族攜貳綏州刺史西京作坊使

李克文上言繼捧不當承襲恐生變亂請遣使備

至夏州諭令入覲克文繼捧從父也

按 節度使入朝自是常職夏州歷唐五代未嘗

親覲宋初光獻表請不許以其邊方重鎮故弗

深求也克文因骨肉微嫌首請詔使其心之為

西夏書事

卷三

十

公為私皆不可知然肇西邊十餘世兵燹之患

貽有宋二百年征討之勞皆此一請致之書以

誌亂始

夏五月繼捧入朝遂獻銀夏綏宥靜五州地

夏州入中國有三路一由綏州歷豐林縣葦子驛

入鄜延東北一由夏州越五百餘里至蘆關出蕃

界入金明境為延州正北一從夏州經四百里至

宥州入洪門由永安城歷萬安鎮抵延州西北此

三處皆土山柏林溪谷相接徑路仄狹駝馬不得

並行故李氏自上世以來未有親覲者克文表至

太宗遣中使持詔命克文權知夏州以西京作坊

使尹憲同知州事召繼捧來京繼捧有難色克文

與詔使並促之不得已率家屬入朝見于崇德殿

太宗大喜賜白金千兩帛千匹錢百萬祖母獨孤

氏獻玉盤一金盤三亦厚賚之繼捧感謝自陳諸

父昆弟多相慰乞納境內五州八縣地

按 夏綏宥四州與 留居京師 王氏東都事畧異

繼捧既與宗族相慰復為詔使敦迫束身歸

西夏書事

卷三

十一

命勢固難已然留其圖籍任克文輩推擇賢能

權知留後宋以夏州沙漠或未必為籍土之謀

乃欲快己私頓遺先業遂使繼遷忿不思難騷

動西陲是肇禍者克文致亂者繼捧也公羊謂

遂者生事之辭書遂獻地與前書尚波于獻地

吳

論曰繼捧之祖仁福素鮮大勲系居疎族特以

夏州弒亂將士樂推思召伯者愛及甘棠戴羊

公者碑傳墮泪況思恭遺澤孔長仁福為其族

子乎願當梁唐之際自知異姓孤臣功不足以服朝廷力不足以脇諸鎮假結胡虜冀免除移遂使邊吏震驚王師薄伐負其隅固要索寵榮事則成矣如名不正何自是以後以擅知雷後為常經以陰援叛鎮為能事彝超碌碌固無足稱若彝興兵擾契丹力援國難表附劉漢念切故君而向背不常緩急難恃無非色厲豈是壯夫宋興太祖即西平王爵榮加太尉繼以克敵忠貞繼筠克肖貢禮無缺漢寇頻摧蓋天下之統一而反覆之心定矣迨繼捧嗣立不為劉鈞守土遠效錢俶歸朝豈兄弟鬩牆莫禦其侮耶何後復合繼遷臣契丹也噫此天所以啟思忠之後歟

六月定難軍都知蕃落使李繼遷奔地斤澤

繼遷時年二十王氏東都事畧李氏長編俱作年十七攷宋史繼遷乾德元年生乾德五年改元開寶開寶九年太宗即位即以是年為太平興國元年所云七年實六年也夏國傳作年二十自兄繼捧入朝與克文議不協自率故部居銀州會詔使至護送李氏總麻以上親赴闕始

西夏書事 卷三 三

知五州地盡歸朝廷繼遷不樂內徙與弟繼冲東都事畧作親信張浦等謀曰吾祖宗服食茲土逾三百年父兄子弟列居州郡雄視一方今詔宗族盡入京師死生束縛之李氏將不血食矣柰何繼冲曰虎不可離于山魚不可脫于淵請乘夏州不備殺詔使據綏銀可以得志浦曰不然夏州難起家庭蕃部觀望克文兼知州事尹憲以重兵屯境上卒聞事起朝發夕至銀州羌素不習戰何以禦之吾聞小屈則大伸不若走避漢北安立室家聯絡

西夏書事 卷三 三

豪右捲甲重來未為晚也繼遷善之詐言乳母死出葬于郊悉以兵甲置喪車中挈其家族數十人出奔蕃族地斤澤澤距夏州三百餘里繼遷出其祖思忠像長編作彝與像誤以示戎人戎人拜泣從者日衆

按此李氏異宋之始

秋九月權知夏州事李克文入朝

克文性恭順既權知夏州與尹憲謹飭封埃撫安蕃族以待朝命太宗遣使召之克文應詔挈其家

屬入京以唐僖宗所賜其祖思恭鈔券及朱書御札獻太宗宴之崇德殿嘉獎備至授澧州刺史賞資無算

綏州刺史李克憲拒命通事舍人袁繼忠諭降之

初克憲恃畧太原功跋扈不順命李繼筠奏罷之

授克文為刺史及克文移駐夏州太宗以戎人易

亂綏州無主命仍以州事委克憲已詔赴闕克憲

偃蹇不肯行克文請以尹憲兵討之太宗不欲用

武遣袁繼忠持詔往諭克憲謂繼忠曰李氏何負

西夏書事 卷三 十四

于朝廷不能以一州相假乎繼忠曰天子以夏州

歸順錫以車旗予以銀幣將擢其諸父昆弟並居

方面寵榮極矣綏銀僻在羌夷民貧地瘠朝廷召

公等入京共享富貴今克文詣闕綏州孤立無援

若猶懷顧望一旦兵臨羌人嗜利忘義勢換心離

悔何及耶克憲遲疑久之乃隨繼忠入京授單州

刺史與克文並賜第京師

冬十月夏州亂李克文復權知州事

克文入京戎人相率蠢動尹憲發州兵討擊斬首

數百級獲牛羊萬計遣使以聞太宗以戎人不忘李氏復命克文權知州事赴鎮以安撫之

十一月李繼捧授彰德軍節度使

自夏州歸順蕃部酋豪樂于內附者凡二百七十

餘人族種五萬餘帳十年以來戎人所掠生口牛

羊數萬計悉還其主太宗以為繼捧功特授彰德

軍節度并官其諸父克信等十二人有差嘗宴羣

臣于苑中謂繼捧曰汝在夏州以何道制諸部對

曰戎人驚悍但羈縻而已非能制也

西夏書事 卷三 十五

十二月李繼遷攻夏州

繼遷聞戎人不靖自地斤澤率眾攻夏州尹憲使

請濟師太宗詔引進使梁迥領兵往護銀夏諸州

事繼遷聞之退

按此繼遷構兵之始

太平興國八年春三月繼遷入貢內侍秦翰賫敕招

之不聽

繼遷聞繼捧等俱受恩命遣所部詣麟州貢馬及

橐駝等物奉表言世澤長存祖功未泯人心思舊

蕃部樂推不望通顯皇朝但假餘生戎落克遂肯
構肯堂之志常爲不侵不叛之臣云云太宗使秦
翰賚救諭曰朕恭迓天庥懋昭皇極山陬海澨盡
一車書日照月臨罔非臣庶爾河西李氏世分旄
鉞久任邊疆忠節著于前朝豐功彰于昭代屬茲
家庭多難幾化參商幸逢恩詔曲全無虧棣萼業
經同族共列王朝何忍一夫遠居荒俗况夷落之
內或有跳梁親近之間豈無煽動敢行旅拒難遣
天誅不特宗祀忽焉抑且身名兩敗細維善後合
西夏書事 卷三 六
念歸誠寵秩有加不失當躬富貴恩榮勿替永貽
奕世箕裘禍福分途從違早計繼遷留翰宿帳中
出入無疑間翰思手刃之不得乃還
夏五月戰于葭蘆川不克
繼遷數寇河西銀夏諸州無寧日太宗令銀夏綏
宥都巡檢使田欽祚與西上閣門副使袁繼忠宋史
繼忠傳奉詔與田仁朗率兵定河西諸州大破西
人于葭蘆川而田仁朗傳九年命仁朗率兵巡銀
夏歲餘召還不載破葭蘆川事且太平興
國無九年二傳疑誤茲從荆嗣傳敘之 率兵巡
護繼遷從榻柞嶺引衆拒之戰于葭蘆川不勝棄

鎧甲走

秋九月犯三岔口又敗

繼遷聞田欽祚袁繼忠屯兵三岔控扼夏州要害
潛率衆攻之不勝退入狐貉谷欽祚等出萬井口
逐之繼遷請戰麾衆圍雄武軍千人于後繼忠命
龍衛指揮荆嗣往援列陣格鬪繼遷始却失人馬
七百餘已欽祚軍還侯山爲營繼遷亦寨其下欽
祚與嗣募勁卒五十人乘夜縱火擊之繼遷不及
備營柵悉燬軍士死者千餘人

西夏書事 卷三 七

冬十二月以西戎兵攻宥州

初太宗詔綏銀夏等州官吏招引沒界外民歸業
繼遷見部下攜貳謂張浦曰我宗社久墟蕃衆飢
敝今中國以財粟招撫流民親離衆散殆不可支
浦曰宋兵遍駐銀夏勢難與爭宥州富庶恃橫山
爲界若誘諸部併力圖之扼險觀變亦克復之策
也繼遷乃誘西戎衆合二萬人攻宥州巡檢使李
詢率所部蕃漢卒擊走之
按繼遷兵力未足而使戎落之衆悉爲已用是

弱能假強寡能假衆也書以著其始大之漸

西夏書事

卷三

六

西夏書事卷三終

西夏書事卷四

青浦 吳廣成西齋 纂

雍熙元年繼遷匿地斤澤夏五月党項咩鬼族請附繼遷攻宥州不勝仍駐地斤澤地斤善水草便畜牧生聚漸衆令弟繼冲煽誘諸蕃咩鬼酋領魔病人七崖素與南山諸族結黨爲亂率其所部請降繼遷遣張浦往受之

秋七月掠王庭鎮

鎮在夏州西北蕃部所聚繼遷引衆襲之俘擄萬

西夏書事

卷四

一

計尹憲自夏州赴援不及

九月知夏州尹憲都巡檢使曹光實襲破地斤澤繼遷棄母妻走

繼遷集衆萬餘令張浦李大信等四出假擾蕃漢苦之尹憲與曹光實計日地斤四面沙磧兵難驟

進潛使人偵知所在于是月王氏東都事畧獲繼

史夏國傳繫此事于太平興國八年太宗紀則在雍熙元年傳紀不合又紀及實錄皆載于是年十月庚寅者李氏長編云益據奏到之日耳當移見九月今從之發精騎數千夜襲

之再宿而至大破繼遷衆斬首五百級焚千四百

帳獲牛羊器械萬計繼遷與弟繼冲棄衆走妻與母罔氏皆被獲

按續綱目書知夏州尹憲襲李繼遷破走之議

者謂其擅兵生事違命邀功致有後日銀州之敗然除君之惡惟力是視未可以兵行詭道違斥之故書襲書破以見宋室未有之捷書棄書走以見繼遷未有之屺也

冬十二月聚兵黃羊平

繼遷既敗懼官軍追襲轉徙無常處而西人以李

西夏書事

卷四

二

氏素著恩德憫其窮蹙稍稍賑給之繼遷因語豪

右曰李氏世有西土今一旦絕之爾等不忘先澤

能從我興復乎衆曰諾相與屯黃羊平平在夏州

北招來蕃衆兵勢復振于是羌豪野利等族皆以

女妻之

宋史夏國傳景德元年繼遷卒于德明立年二十三母曰順成懿孝皇后野利氏攷帝紀太宗雍熙元年至真宗景德元年共年二十是德明生母非此野利氏可知史臣曰蕃俗諸母衆多不能備詳職此故也

雍熙二年春二月繼遷誘都巡檢使曹光實殺之

初繼遷棄銀州蕃部拓跋遇入訴本州賦役苛虐

乞移居內地太宗不許遂作亂夏州巡檢梁迥率

兵討破之迥等散居山谷遣人說繼遷曰銀州地

居四塞西接夏綏東鄰麟勝公家先澤未遠若潛

師以來遇以蕃衆濟之城可得也繼遷問計于衆

從弟延信曰地斤之役乃備禦之疎非戰鬪之罪

漠北不足以立室家今遇衆來歸天假之便失此

不圖後悔何及張浦曰時不再來機不可失但曹

光實老將知兵若不誘之離城攻其無備我軍大

創之餘鶴唳風聲難保必勝也于是令弟繼冲糾

西夏書事

卷四

三

合蕃族自與豪酋破丑重遇貴

新唐書党項居雪山者曰破丑氏又

慶州有破及張浦李大信等赴銀州

宋史夏國傳丑氏三族及張浦李大信等赴銀州繼遷等赴夏

州以詐降誘殺曹光實于葭蘆川而光實從子克

明傳光實擊敵于葭蘆川戰歿克明時護輜重在

後懼軍亂秘不發喪陽令人西來傳光實命還軍

銀州而潛與僕張貴入敵中護光實尸還夫既云

還軍銀州則繼遷給給曹光實云我數奔北勢窮

不能自存公許我降乎因致情款陳講甥舅之禮

期日會于葭蘆川納節光實信之且欲擅功不與人謀及期繼遷設伏領數十人近城迎光實光實

令從子克明護輜重在後自從百騎先赴之繼遷

前導北行將至其地忽舉手揮鞭伏兵起殺光實
殲其從騎

按春秋書楚子誘蔡侯般殺之曰誘者惡其誦
也然戰爭之際身居將帥而為人所誘獨無責
乎是時繼遷以詐降之計殺光實雖繼遷之誦
亦光實之愚有以致之不書戰死而書誘殺交
譏之也

遂入銀州據之自稱定難軍留後以張浦劉仁謙為
都押牙預署諸州刺史等官

西夏書事

卷四

四

繼遷既殺光實假其旗幟襲破銀州獲軍資器械
無算于是蕃族附者日衆李大信等議推繼遷為
定難節度西平王號令蕃衆張浦曰自夏州入觀
無復尺疆今甫得一州遠爾自尊恐乖衆志宜先
設官授職以定尊卑預署酋豪各領州郡使人自
為戰則中國疲于備禦我得盡力于西土矣繼遷
曰是我心也遂稱都知蕃落使權知定難軍留後
以浦仁謙為左右都押牙李大信破丑重遇貴為
蕃部指揮使李光祜李光允等為團練使復署蕃

酋折八軍為并州刺史折羅遇為代州刺史鬼悉
咩為麟州刺史折御也為豐州刺史弟延信為行
軍司馬其餘除授有差

三月焚會州城

銀夏夷落散居川谷平時雖各有鞍甲並無魁首
統攝繼遷自得銀州乘勝攻會州直抵城下縱火
焚毀城郭吏民死者千計會州由是淪陷太宗遣
知秦州田仁朗閭門使王侁副使董愿官苑使李
繼隆馳傳發兵討之并賜勅書與麟府銀夏豐州

西夏書事

卷四

五

及日利月利諸族諭之并力

按會州地居四塞銀夏有警秦涇援師皆得赴
此為戰守計今繼遷取之而不能守火毀其城
以絕中國駐兵之所異時銀夏數州失而不復
非職此故耶

進攻三族岩若主折遇也以城降遂圍撫寧岩

繼遷連取二州益以強大率兵掠銀州巡屬之未
下者攻河西三族岩三日岩將折遇也殺監軍使
者與之合繼遷乘勢抵撫寧圍之

按降者勝服之詞謂敵力強已力屈有以致之
遇也殺使獻城非力屈比也書以罪之

夏四月扼濁輪川與官軍戰敗績棄銀州走

田仁朗行次綏州請益兵畱月餘聞繼遷兵攻撫
寧喜曰戎人常烏合寇邊勝則進敗則走不可窮
其巢穴今繼遷嘯聚數萬盡銳以攻孤壘撫寧小
而固非浹旬可破我俟其疲以大兵臨之分遣強
弩三百邀其歸路必成擒矣部署以定故示閒暇
縱酒擣蒲副將王侁等媒藥之太宗聞三族陷微

西夏書事

卷四

六

仁朗還下御史獄劾問請益兵及陷三族狀仁朗
對曰綏夏二州兵皆以城守爲詞不依調遣所部
千餘人皆曹光寶舊卒器甲不完故請益兵三族
去綏州遠非元詔所救也臣已定擒繼遷策會詔
至不果因言繼遷得羌戎情願優詔懷來或以厚
利啖部落酋長令圖之不爾他日大爲邊患太宗
特貸死流商州命侁等進兵侁率所部由綏州至
濁輪川繼遷撤撫寧圍拒戰喪失五千餘麾下沒
邵浪悉訛及免頭川東西諸族皆破遂領蕃部棄

銀州遁

按戎人烏合厚利可啖當日宋廷之上計中敵
情者仁朗一人而已使果用其謀則撫寧一戰
應有全功乃王侁小人忌能誤國戰雖倖勝而
自濁輪之役繼遷請婚以結強援僞降以歛兵
勢寇環州則大合戎類取靈武則先據山川秘
計深謀歷久愈熟故銀州之棄塞翁失馬未足
爲繼遷憂也

署代州刺史折羅遇戰歿于悉利峇降將折遇也
西夏書事

卷四

七

獲
繼遷既敗王侁收復銀州率兵出州北至悉利諸
族署代州刺史折羅遇與弟埋乞迎戰敗死侁復
由開光谷西趨杏子坪敗保寺保香諸族首領埋
九已等兵斬五十七人又破保洗兩族俘三千人
降五十五族擒三族岩報將折遇也誅之于是三
族豪酋折八軍等三千餘衆皆遣使獻馬首罪願
改圖自效爲國進討

夏州岷伽羅膩等族附繼遷六月內客省使郭守文

擊之諸族皆破滅

繼遷濁輪之敗蕃族雖破而本部未潰夏州鹽城

鎮岌伽羅賦十四族俱党項種落繼遷誘之合遂

與吳移越移等族結黨應援守文奉詔自三交乘

驛趨夏州借尹憲引兵至鹽城鎮吳移越移四族

請降岌伽等不應憲與守文合擊之擒斬千百焚

千餘帳銀麟等州諸部一百二十五族合萬六千

一百八十九戶皆內附一族皆酋豪折御也窮蹙

棄繼遷歸命守文置之部下

西夏書事

卷四

八

莊岌伽羅賦十四族及其渠帥雍熙初詔就知夏州攻破李繼遷之衆于地斤澤攻党項傳雍熙二年六月夏州尹憲引兵至鹽城吳移越移等四族來降憲等撫之岌伽羅賦十四族拒命憲等擒斬千計又郭守文傳雍熙二年夏人擾攘詔守文討之破夏州鹽城鎮岌伽羅賦十四族憲傳載在雍熙前

雍熙三年契丹聖宗春二月繼遷初降于契丹

契丹西境直對夏州党項東山諸部臣事者多李

氏自思恭賜姓未嘗外附繼遷見諸部潰散謀于

衆曰吾不能克復舊業致茲喪敗兵單力弱勢不

得安北方耶律氏方強吾將假其援助以爲後圖

乃遣張浦持重幣至契丹請附契丹主隆緒意未

決西南招討使韓德威言河西爲中國右臂向年

府州折氏與銀夏共衝劉漢致大兵援應無功今

李氏來歸國之利也宜從其請契丹主納之

遼史西夏傳初西夏臣宋有年賜姓曰趙聖宗統和四年繼遷叛宋來附遂復姓李攷是時繼遷未賜姓也

按此西夏臣契丹之始李氏自彝殷救晉未嘗

與契丹相通今繼遷稱臣事之書初降以著其

去夏就夷之罪

西夏書事

卷四

九

夏四月契丹授定難軍節度使都督夏州諸軍事

契丹主以繼遷效順遣侍中蕭里得持詔授繼遷

定難軍節度銀夏綏宥等州觀察處置等使特進

檢校太師都督夏州諸軍事繼遷爲副使

遼史百和四年置夏州管内蕃落使授李繼遷置四蕃都軍所授李繼沖與聖宗紀及李氏長編異

冬十二月如契丹請婚契丹許之

繼遷既受契丹官兵勢稍振自以五百騎款契丹

境言願婚大國永作藩輔時契丹將耶律盼與宋

戰于秦州不利契丹主欲使繼遷牽制宋兵許以

公主歸之

雍熙四年契丹統和五年春二月繼遷侵夏州敗知州安守

忠兵于王庭鎮

繼遷兵掠夏州徘徊不遽進知州事安守忠率眾三萬擊之至王庭鎮繼遷設伏誘戰大敗守忠兵追及城門而止

按書侵是掠境未攻城也春秋兵詭道而勝之曰敗如隱十年公敗宋師于菅是也繼遷設伏以致守忠掩而覆之較之薄未陣者其計更詭

西夏書事

卷四

十

遂圍夏州夏四月麟州援師至乃還

繼遷進兵圍夏州逾兩月不解知麟州韓崇訓領大兵赴援乃退

夏五月李繼捧出為崇信軍節度使

繼遷數為邊患有言其悉知朝廷事蓋繼捧泄之乃出之于外并改其從父澧州刺史克文為博州單州刺史克憲為道州防禦使並遣之任宋制憲五代藩鎮之弊特制諸州通判凡知府公事必長史通判簽議連書方行時太宗親選常參官為二

州通判以專郡政

秋八月屯兵黑水河邀擊銀夏綏府都巡檢使石保興兵敗績

繼遷居沙漠逐水草便于攻掠是時屯黑水河側據險自固石保興方巡按罨子砦繼遷以數千人攻之見保興所部不過二千人遽渡河決戰保興伏兵河澗俟半渡擊之繼遷眾亂大敗

冬十一月党項咩兀等族謀殺繼遷不果

繼遷凶忍虐用其屬宥州党項咩兀等族首領都

西夏書事

卷四

十一

指揮遇也布九人謀誅繼遷時繼遷剋期攻銀州會諸族于無定河側遇也布等以暗箭射之中其鼻創久不愈師期乃緩遇也布以聞太宗賜敕書安撫之

按此党項異繼遷之始

端拱元年契丹統和六年春二月李繼捧遷威德軍節度使初繼捧出為崇信節度崇信地狹境偏不得專郡政心怏怏伴上言繼遷凶頑少智朝廷若遣其親信以恩禮招徠之可不煩兵致也太宗用其言徒

陝西路威德軍節度以招繼遷

三月繼遷遣牙校李知白貢于契丹

繼遷以契丹許歸公主逾年不見真命遣知白表獻請之

按此李氏事契丹之始書貢誌始且備事也

夏五月繼捧復為定難軍節度使賜姓名趙保忠

朝廷數以勅書諭繼遷及同叛蕃部繼遷佯遣都

押牙張浦詣知環州程德元所陳歸順意然終不

出降侵擾益甚諸將用兵皆無功宰相趙普言繼

西夏書事

卷四

十一

捧所鎮隨州與繼遷聲問遠遠不若委以銀夏故

地令圖之太宗因召赴闕賜姓名親書金花五色

賤賜之授夏州刺史充定難軍節度使及銀夏綬

宥靜等州觀察處置押蕃落等使賜黃金千兩銀

器萬兩錦綵二千匹并賜所管五州錢帛芻粟田

園保忠辭曰太宗宴之長春殿賜襲衣玉帶銀鞍

馬及副馬百匹謂之曰若繼遷歸欵當授以官也

保忠荐內殿崇班張繼能材武乞為副乃命繼能

同經理西事遣都虞候王杲領兵千人護送赴鎮

杲還保忠賸以方物杲不受

畢氏續資治通鑑于雍熙元年九月知夏

州尹憲襲破李繼遷下即云于是賜李繼捧姓名

趙保忠授夏州刺史定難節度以討繼遷至是年

五月復敘之殊為舛

張溥曰繼捧懦而不制繼

遷狡而得眾彼惟為昆弟諸父所怨祈留京師乃

令其歸招繼遷無論繼遷不肯下反失一繼捧矣

冬十二月趙保忠言繼遷降

保忠至鎮數月上言繼遷已悔過歸誠乞賜官職

安之

按繼遷實未請降保忠妄奏以示己功誑君固

位其罪大矣

授銀州刺史充洛苑使不受

太宗允保忠請授繼遷官

畢氏續資治通鑑作銀州刺史西南巡檢使與

宋史夏國傳異繼遷不受

按宋信保忠之言授繼遷官而繼遷未降肯遠

受命耶宋于此猶不悟前言之妄真為保忠所

愚矣

端拱二年契丹統和七年春正月繼遷上表契丹請與繼捧

通好不許

繼遷自言與兄繼捧有怨乞與和好契丹主知其非誠不許

三月貢于契丹契丹以義成公主嫁之

契丹主封王子帳節度耶律襄女為義成公主下

嫁繼遷賜馬三千匹

宋史夏國傳云雍熙三年契丹以義成公主嫁李繼遷與

遼史西夏傳不合

夏四月趙保忠言降宥州御泥布囉樹等族加特進

同中書門下平章事

保忠表言臣遵詔市馬三百匹宥州党項御泥布

西夏書事

卷四

古

囉樹二族党附繼遷不肯賣馬臣領兵掩殺三百

餘人擒百餘人其族即降太宗獎諭之加保忠特

進同中書門下平章事

按特進同中書門下平章事宰衡職也保忠空

言得之宋君臣不察授之書以交譏也

秋八月趙保忠言夏州馬生二駒

在州民程真家保忠以聞

按馬兵象也繼遷寇勢方張二駒之生天示之

兆保忠藉以獻瑞妄矣

九月党項慎州節度使佶移附繼遷其子突厥羅請內屬

初繼捧入朝党項諸族渠帥半請內屬青岡嶺三

角城龍馬川兀泥中族大首領佶移首先歸附授

慎州節度繼遷知佶移為大族使張浦等數誘之

遂復叛降其長子突厥羅率千餘帳使人至府州

折御卿軍前請內屬御卿以聞

附劉渙西行記賀蘭山西北回鶻麼囉王子逸

擊王子部落甚盛向無統屬端拱中李繼遷破

西夏書事

卷四

五

滅之其地遂成荒穢攻宋史回鶻傳端拱二年

九月麼囉王子逸擊王子及回鶻都督石仁政

越黜黃水州巡檢四族來貢宋賜以錦袍銀帶

不言繼遷攻滅疑記有誤

冬十月攻熟倉族首領咩唎素惡繼遷繼遷以兵攻

熟倉會州蕃族首領咩唎素惡繼遷繼遷以兵攻

之咩唎合來離諸族兵掩擊繼遷不勝走還

十二月掠西蕃貢使于橐駝口

靈州橐駝口夏州入中國要路諸蕃由此貢馬京

師繼遷兵扼之不得達環州右班都知周仁美率
騎士赴援繼遷兵乃退

淳化元年契丹統和八年春三月繼遷貢于契丹

初繼遷流離沙磧雖臣事契丹貢不成禮及契丹
妻以公主羌部備服輸牲畜者日衆繼遷遣使如
契丹謝獻良馬二十四匹粗馬二百匹馳一百頭錦
綺三百匹織成錦被褥五合菴蓉砮石井鹽一千
斤沙狐皮一千張兔鶻五隻犬子十隻自後每歲
八節貢獻

西夏書事

卷四

六

夏四月趙保忠言破繼遷于安慶澤繼遷中流矢走
繼遷駐兵磧中安慶澤數與沿邊熟戶構難疆吏
以聞保忠上言遣使諭之不聽已將兵討擊繼遷
拒戰不勝中流矢遁去

冬十月攻夏州趙保忠乞濟師

繼遷謀取夏州遣破丑重遇貴等至州詐降謂繼
遷創甚不能軍保忠信之不設備繼遷陰合諸族
渠帥突攻州城保忠出兵拒戰重遇貴等從中起
保忠僅以身免遣使上表乞援

冬十一月獻捷契丹

繼遷攻夏州月餘不能破休兵王庭鎮遣張浦至
契丹以大敗宋軍告

十二月契丹封繼遷為夏國王

時契丹敗于徐河大將耶律休哥創甚國中奪氣

遣使促繼遷進兵加以王封令益困中國宋史夏國傳雍

熙三年契丹封繼遷夏國王與遼史聖宗紀異張齊賢曰契丹與中國

為難慮繼遷感中國之恩斷右臂之勢署王爵以

糜之遣戎使以鎮之王爵至則刺史之命輕矣戎

西夏書事

卷四

七

使至則動靜皆伺之向背之心異矣夫夏國王之
稱虛名也而在契丹命之于彼國無損于中國為
敵其謀不甚深哉

按此李氏稱夏國王之始書契丹封惡其煽亂
也

附遼史聖宗紀及西夏傳統和八年十二月李

繼遷下宋麟鄜等州遣使來告攻是時繼遷未

得銀夏焉能越取麟鄜宋史紀傳並不載

西夏書事卷四終

西夏書事卷五

青浦 吳廣成西齋

淳化二年契丹統和九年春正月商州團練使翟守素將兵

援趙保忠于夏州

太宗命守素率大兵援保忠賜保忠茶百觔上醜

十石

附 遼史聖宗紀統和九年二月夏國王李繼遷

遣使獻捷攷是時繼遷無與宋交兵事意即告

下麟鄜等州之偽詞耳故不書

西夏書事

卷五

夏四月謝契丹封冊

繼遷遣杜白

遼史西夏傳作李知白今從聖宗紀

至契丹謝并請合

兵入寇

秋七月由趙保忠請降授銀州觀察使

繼遷走漠北幾十年阻兵嗜殺蕃部被役屬者胥

怨夏州之戰雖敗保忠兵部下指揮朗吉等潛相

攜貳時聞翟守素至夏州恐兵力不敵詐遣人由

保忠奉表謝罪朝廷信之遂授以官

按 此繼遷受宋命之始書以為後日書反張本

賜姓名趙保吉

弟繼冲賜姓名趙保寧授綏州團練使母罔氏向

為曹光實所獲封西河郡太夫人留養京師命知

制誥王禹偁草制賜之保吉餽良馬五十匹為潤

筆禹偁不受

按 此西夏受宋姓之始

八月趙保吉上所授勅命于契丹

保吉先以復綏銀二州告至是復上勅命

按 宋史夏國傳終繼遷身不書賜姓名茲書趙

西夏書事

卷五

保吉惡之也寵以天潢之屬不能易其倔強之

心是宋欲愚繼遷而適為繼遷所愚矣

九月趙保忠言破保吉于王庭鎮保吉走鐵斤澤

王庭鎮為夏州外蔽地連沙磧向有寨柵可守保

吉于雍熙中焚毀之是時將兵據其舊址以窺夏

州保忠上言帥眾乘夜擊敗之熟戶貌奴猥才二

族以兵邀截奪牛畜二萬餘保吉復棄銀州奔入

鐵斤澤

冬十月出攻熟倉族

熟倉大族東西蕃部五千餘帳皆保聚巖谷為環
慶籓籬保吉不得熟倉不能入環慶遣使誘之曰
身已歸朝賜國姓今後請勿相拒共稟朝命諸酋
勿應保吉由鐵斤澤引兵攻之咩嚙復率來離諸
族拒戰保吉始退

趙保忠復言破宥州禦泥布羅樹二族

保忠奏二族既降陰使人朋附保吉已率兵襲破
之併其眾

十一月趙保忠叛以夏州降契丹封西平王復姓名

西夏書事

卷五

三

李繼捧

初保忠歸朝非其本意及受命圖保吉陰與之通
保吉復使人以契丹命誘之許以重復王爵永鎮
夏州保忠心動遣使表附契丹契丹主授推忠効
順啟聖定難功臣開府儀同三司檢校太師兼侍
中封西平王復本姓名 呂忠曰保忠之再入夏
臺故地趙普之謀也而保忠反與保吉合為邊患
附契丹普能知符彥卿之不可與以兵權何不能
知保忠之不可復歸其州耶

按 春秋例凡叛賤者不書故成十七年齊高無
咎之子以盧叛襄二十九年齊高比之子以盧
叛不書必卿佐而後書襄二十六年衛孫林父
入于戚定十一年宋公弟辰入于蕭十三年晉
趙鞅入于晉陽荀寅士吉射入于朝歌此四者
則書叛夏州雖保忠舊業然納為王土身為王
臣一旦據以外附非叛而何宋史遺其事不書
茲特補之以正其罪

淳化三年契丹統和十年春正月保吉復入銀州契丹兵至

西夏書事

卷五

四

大掠

保吉既誘保忠臣契丹復引兵入銀州據之遣使
由保忠請命入貢契丹主聞其懷二心遣西南招
討使韓德威率兵持詔詰之德威至銀州遼史聖
德威本傳俱云持詔至靈州攷是時靈州宗紀及
尚屬中國保吉所據乃銀州耳遼史誤保吉託
以西征不出見德威怒縱兵大掠而還

夏四月請通陝西互市

保吉自婚契丹歲時貢獻悉取資于蕃族財用漸
乏時陝西尚嚴邊禁積外商旅不遘保吉上言王

者無外戎夷莫非赤子乞通互市以濟費用太宗
詔從之

冬十月復貢于契丹

保吉以德威侵掠告契丹契丹王賜詔拊諭之于
是復遣使貢

十一月趙保忠貢白鶻

保忠既臣契丹與保吉謀益密朝廷未悉其奸謂
銀夏安靜優其俸給歲終賜予並加等保忠遣使
獻白鶻號海東青太宗詔以久罷田獵還賜之吳

西夏書事

卷五

五

五總志云登州海崖中有鶻能自高麗一飛渡海
名海東青唐人呼為洪雲兒本朝趙保忠曾得之
淳化四年契丹統和夏四月保吉反寇慶州

保吉雖復綏銀猶以未得宥夏等州遣使入請太
宗不許保吉怒曰五州故地先業畱遺拓土展疆
是誠在我乃令于衆曰身雖薄德承累世之澤撫
諸族之豪安能迷運守常沒身沙漠諸君其努力
圖之遂以李大信為蕃部都指揮使率衆犯慶州
州北直接沙漠地形漫衍無險可恃時以保吉納
款戰守無備兵至人情駭懼知州劉文質以私錢

二百萬給賞于是士皆奮關大信不能勝

秋八月入原州

陝西歲比不登加以餽餉勞擾民不堪命保吉偵
知虛實率兵入原州圍牛欄砦與圍練使石保普
相持數日乃還

冬十月圍環州除鹽禁

西羌部落種藝殊少惟用池鹽與邊民交易穀麥
保吉自銀州入擾朝廷震怒陝西轉運副使鄭文
寶建議以為銀夏之北千里不毛但以販青白鹽

西夏書事

卷五

六

為命請禁之以困戎人保吉可不戰屈也數月西
人大困沿邊熟戶無以資生皆叛歸保吉保吉合
四十二族首領盟于楊家堡引兵萬三千人寇環
州石昌鎮屠小康堡知環州程德元擊之不退太
宗詔知制誥錢若水馳驛詣邊弛其禁撫慰諸羌
乃已

按青白鹽為西人生計之原自保吉兵起一再
禁止歷德明元昊遂失其利夏國緣是終臣文
寶之策未為過也但太宗既從其議宜令邊臣

豫為之備保吉雖強豈能肆逞乃戎人擾動遠而改圖是朝廷之禁令憑敵勢為轉移豈謀國之計哉

淳化五年契丹統和十二年春正月保吉徙綏州民于平夏

牙將高文岷反攻之遂棄綏州

保吉兵至綏州令保寧徙民歸平夏牙將高文岷

唐刺史思祥後也世官綏州因眾不樂率羌酋蘇

移山海夜母馱香等反攻之保吉兵敗棄城走文

岷舉綏州降太宗詔授綏州團練使蘇移山海等

西夏書事 卷五

七

為懷化將軍宋史孫全照傳淳化五年率兵與李繼隆克綏州因與張崇貴等同戍守

之與宋史夏國傳異

按徙民大舉也平素恩義未孚鮮有不敗事者

況保吉以兵威脇之不特眾叛且親離矣綏州

之禍乃其自取于文岷何誅

三月趙保忠出次于野保吉襲敗之併其眾

初保吉攻圍諸砦侵掠居民肆焚積聚靈州及清

遠軍以聞王氏東都事畧保忠為保吉所誘陰與之合來寇靈州宋史夏國傳淳化五年

正月保吉圍堡砦掠居民焚積聚遂攻靈州李繼隆諸傳亦以攻靈州為文政太宗紀淳化五年正

月癸酉以侍衛馬軍都指揮李繼隆為河西行營都部署討李繼遷不言繼遷攻靈州至至道二年五月方書繼遷攻靈州則是時尚未犯靈州也故李氏長編云繼遷焚掠堡砦靈州及清遠軍以聞太宗命馬軍都指揮李繼隆為河西都部署尙食使尹繼倫為都監討之保忠聞繼隆兵至挈其家人吏卒壁于野外遣牙將李光祚告保吉保吉欲併其眾縛光祚帳中以輕騎乘夜襲保忠營保忠方寢聞難作散衣披髮單騎走還資財器用悉為保吉所奪會繼隆前部金明鎮使李繼周兵至保吉令蕃部數千邀之石堡砦不克而退

西夏書事 卷五

八

按保忠節度五州當大軍將至儲糗糧具卒乘以效前驅分也顧乃挈其母妻壁于野外何耶想其內不自安擇營利便緩則出迎王師急則走依保吉甚則叛投契丹狡免三窟情或有然即其被襲走回焉知非賺入夏州以為內應計耶奸雄之智真愈久愈幻矣

夏州將趙光嗣執趙保忠幽之保吉復棄銀州走漠

中

保忠嘗遣其牙內指揮李光嗣入貢光嗣潛輸誠

欵太宗賜國姓授供奉官尋遷禮賓副使使還鎮
凡保忠動靜必以聞既而保忠陰通保吉光嗣盡
出家財散士卒誓効順及李繼隆奉命討保吉保
忠猶獻馬五十匹上言已與保吉解怨乞罷兵太
宗怒甚詰保忠云不斬繼遷開狡免之三窟潛疑
光嗣持首鼠之兩端立遣中使督繼隆移軍擊保
忠師壓境保忠已爲保吉敗回光嗣執之幽于別
室開門迎繼隆神將侯延廣監軍秦翰議誅保忠
繼隆曰保忠机上肉耳當請之天子乃執送汴

西夏書事

卷五

九

隆平集保忠歸夏州又潛與保吉爲表裡遂任侯
之保吉不納復還夏州牙校已據其城保忠不得
入王師俘保忠以歸故保吉因保吉聞保忠被執
併夏州之地與宋史夏國傳異保吉聞保忠被執
遂棄銀州走漠中宋史秦翰傳王師次延州翰慮
保忠遁逸卽馳驛先往矯詔安撫
撫以緩其陰謀及王師至翰又諷保忠以地王之
禮郊迎因並驅而出遂就擒沈括筆談繼隆奉詔
由克胡渡河抵綏州諸將請駐兵石堡若以觀
隙繼隆曰今惟乘銳疾馳出其不意趁之若停石
堡夏州備禦完固不得入矣卽將兵日夜馳三百
里至夏州保忠猶未之知倉猝出迎遂執之攷李
氏長編云保忠先已出次野外旣爲保吉所
襲及還光嗣遂執之安得再出迎王師也
按觀于此而知夏州之亂保忠成之卽保忠甚
之也當其入朝伊始憾諸父之相懟願獻五州

以圖榮寵及夏臺再鎮則與保吉通連任其反
覆藉以煽動戎人畱資富貴蓋兩人謀雖同而
心自異也迨事機敗露身爲光嗣所幽保吉聞
之亦去豈非內援旣除外望自絕耶然而七載
無功五州終失名居叛逆身作俘囚噫若保忠
者真李氏之豚犬有宋之螿賊矣

夏四月削所賜姓名銀夏帳族皆內附

太宗下詔削保吉姓名復爲李繼遷又以夏州深
在沙漠常爲奸雄竊據欲墮其城宰相呂蒙正曰

西夏書事

卷五

十

自赫連築城以來世爲關右之患若遂廢之萬世
利也因盡遷其民于綏宥等州以官地給之于是
銀夏州管勾生戶八千帳族俱棄繼遷內投
五月趙保忠至闕賜爵宥罪侯

保忠至闕下白衫紗帽待罪崇政殿廷太宗詰責
數四保忠不能對但頓首稱死罪詔釋之賜冠帶
器幣並賜其母金銀等器尋補右千牛衛上將軍
封宥罪侯使之就第宋制諸衛上將軍及大將軍
等銜並環衛官無定品惟宗室爲之保忠雖責降

太宗猶以賜姓待之也

按書賜爵譏宋失刑且失賞也昔東漢彭寵據

漁陽叛蒼頭子密殺寵以降光武封為不義侯

北魏宦官符承祖坐贓應死孝文原之封佞濁

子斯二者史臣猶議其非況保忠身為叛逆罪

又甚焉而有之侯之是叛逆可有何罪不可宥

叛逆可侯何人不可侯哉紊刑賞而壞名器太

宗此舉所失多矣

繼遷母罔氏羈于延州

西夏書事

卷五

十一

罔氏即曹光實所獲者參政寇準請斬于保安軍

北門外以儆凶逆宰相呂端曰昔項羽欲烹太公

漢祖曰遺我一杯羹夫舉大事者固不顧親況繼

遷悖暴之人哉且今日殺之明日繼遷可捨乎不

然徒樹怨仇而益堅其叛心宜置于延州使善視

之以招繼遷雖不能即降終可以係其心而母之

生死在我矣太宗從其策

司馬光涑水記聞及呂誨補其祖正惠公端傳

以為此事在端為相準為樞密副使時據長編攷異云與二人進官年月不合蓋準于淳化二年為樞副九月改同知四年六月準罷端始參政五年九月準亦參政至道元年四月端拜相仍參政二

年七月準罷參政端相如故咸平元年十月端罷相端在中書凡六年其初為參政時準即罷樞密矣補傳記聞皆誤又云淳化五年四月詔削奪繼遷所賜姓名或因是準欲斬其母而端救之耳今宗其後罔氏病死延州

六月繼遷屯橐駝路熟蕪族首領亂遇擊之走還平

夏

繼遷既遁李繼隆遣弟洛苑使繼和入奏請于銀

夏南界山中增置堡戍斷敵糧運且為諸部熟蕪

之敵繼遷聞之先率兵扼橐駝路脇兩州內屬戎

人及橐駝等物歸平夏党項熟蕪族首領亂遇率

西夏書事

卷五

十一

所部反攻繼遷敗之其弟力戰而死遇內歸太宗

詔授會州刺史

秋七月遣牙校貢馬

繼遷數寇夏州嘗與神衛指揮使許均一日十二

戰不能克乃遣左都押衙張浦指揮李光祚詣綏

州見內殿右班張崇貴偽求納款會于石堡砦崇

貴椎牛釀酒犒諭之給以錦袍銀帶浦等同繼遷

遂遣牙校以良馬入貢且謝過

八月遣弟延信入朝

繼遷知中國恩禮未衰遣從弟延信貢橐駝名馬入朝謝罪且言違叛事出保忠願赦勿誅太宗召見延信面加撫慰厚賚遣還

附 遼史蕭撻凜傳統和十二年夏人梗邊皇太妃受命總烏古及永興宮分軍討之撻凜爲阻卜都詳穩凡軍中號令太妃悉委之師還以功封蘭陵郡王攷西夏傳是年書夏國入貢而聖宗紀不載梗邊事

至道元年契丹統和十三年春正月繼遷遣左都押牙張浦

西夏書事

卷五

三

入貢被畱不遣

繼遷叠次進獻太宗遣張崇貴賜以器幣茶藥衣服持詔諭之云既除手足之親已失輔車之勢繼遷見之惶懼復遣張浦李光祚以良馬橐駝入貢太宗令衛士翹關超乘引強奪槊于後圍李氏長士數百輩射于崇政殿俾浦等觀之初李延信還廷與宋史夏國傳異賜勁弓三皆力及一石六斗繼遷意上欲威示戎裔非有人能挽也至是浦見士皆拓兩石弓有餘力大駭太宗笑曰羌人敢敵否浦曰羌部弓弱矢

短但見此長大人已遁矣況敢敵乎太宗謂曰戎人貧窶飲食衣被粗惡無可戀者繼遷何不束身自歸永保富貴浦頓首謝太宗以浦爲繼遷謀主授銀青光祿大夫檢校工部尙書鄭州刺史兼御史大夫充本州團練使畱之京師

三月獻馬契丹

繼遷聞宋畱張浦遣使獻馬契丹以自結

夏四月請禁邊軍盜掠

太宗詔令謹守疆場以所盜物還之

西夏書事

卷五

古

六月表乞夏州授鄜州節度使不受

繼遷遣使奉表言懷攜柔遠王者之洪規裕後光前子臣之私願臣先世自唐初向化永任邊陲迨僖廟勤王再忝國姓歷五代而恩榮勿替入本朝而封爵有加德並戴天情深拱極茲以家庭多難骨肉相仇遂致帳屬流離箕裘隕越庭堅之宗忽焉不祀若敖之鬼嗟其餒而臣雖拓跋小宗身是蓋臣後裔十世之宥義在衷忠三代之仁典昭繼絕聿維夏州荒土羌戶零星在大宋爲偏隅于渺

躬為世守祖先靈爽應戀首邱明發私懷敢忘宗
土恭惟皇帝陛下垂天心之慈愛捨茲彈丸矜蓬
梗之飄零俾以主器誠知小人無厭難免僭越之
求伏祈聖主寬仁遠降哀全之詔曲成靡既再造
莫酬臣不勝惶悚恐懼云云太宗覽奏知其詐遣
閭門制使馮訥中使賈繼隆持詔拜繼遷為鄜州
節度使鄜州去延安止二小程其城周圍二十里
二土山在其中正當狗道嶺靈夏並隔沙磧川原
平坦繼遷以易受中國控制不奉詔

西夏書事

卷五

五

秋七月逐党項睡泥族于蕭關

西界蕃部不下數十萬帳始猶互相捍拒及繼遷
兵勢寢盛自靈州北河外鎮戎軍環州至敏子山
賀蘭山西隴山內外黃河以東諸族無不帖服獨
睡泥族首領唃廝囉不肯下繼遷以兵掠其七百餘
帳唃廝囉兵潰奔蕭關副首領你乜逋遣子詣靈州
請救太宗詔以資糧助之

還襲都鈐轄劉用兵于烏白池不克

劉用駐兵烏白池扼鹽夏要路繼遷輕兵襲之用

設伏以待斬首數千級奪馬五百餘匹繼遷大敗
還

八月夏州獻嘉禾

趙保忠被執李繼隆選夏州家戶為廳子軍送京
師請授趙光嗣為夏州團練使守其地光嗣獻嘉
禾一函

按西陲倣擾民不聊生何瑞之有此書獻嘉禾
下書寇清遠比事以觀其義得矣

九月訐奏轉運副使鄭文寶寇清遠軍

西夏書事

卷五

六

繼遷數窺靈夏太宗議城古威州拒之遣內侍馮
從順訪于轉運使鄭文寶言威州在清遠軍
西北樂山之西水甘土沃有良木薪秸之利約葫
蘆臨洮二河壓明沙蕭關兩戍東控固原北固峽
口城之誠便然自環州至伯魚伯魚抵青岡青岡
距清遠已皆兩舍而威州更去清遠八十里緣邊
有警繼遷引平夏勝兵三千據清遠之衝乘高守
險數百人守環州甜水谷獨家原傳箭野利十族
脇從山中熟戶党項誰敢不從又分千騎守磧北

要路則自環至靈七百里之地非國家所有豈一
威州可禦哉請先建清遠城為頓師歸重之地則
朔方可安太宗從其議文寶至清遠畱屯數千人
親督其役繼遷親信酋長鬼囉鬼悉俄文寶誘以
金帛與手書要約畱其長子為質令陰圖之事成
當授以刺史又豫漆木函以備馳獻繼遷首亟發
民夫曳古碑石詣清遠圖紀功而鬼囉等悉以情
告繼遷上表請罪尋以千餘騎攻清遠文寶與守
將張延拒卻之

西夏書事

卷五

七

熟蕓族首領札遇復擊繼遷繼遷誘之降不聽

札遇數攻繼遷奪牛馬三千餘繼遷使人誘之降

札遇曰吾一心向漢誓死不移延州以狀聞太宗

授遇檢校司空賜帛五十四匹茶五十觔

復削所賜姓名

繼遷雖叛連次入貢猶稱所賜姓名中國答詔因

仍不去會寇清遠太宗下詔嚴責復削之

冬十月攻兀泥族首領黃羅悉其族帳北走

党項兀泥族首領黃羅嘗以兵敗契丹繼遷誘與

之合不得淳化末偕兀泥中族首領佶移子突厥
羅內屬授懷化將軍領昭州刺史繼遷數舉兵攻
之黃羅不敢悉其族帳北遁數年不敢入貢
十一月遣使獻捷契丹

十二月誘契丹兵犯府州

先是契丹招討使韓德威率數萬騎誘党項勒浪

鬼族犯府州觀察使折御卿敗之于子河汭夏州

逼近麟府德威既敗繼遷為之氣喪會御卿病繼

西夏書事

卷五

六

遷牒告契丹誘之入邊許以兵助御卿與疾出禦

德威聞之不進繼遷兵亦不出

西夏書事卷五終

西夏書事卷六

青浦 吳廣成西齋 纂

至道二年

契丹統和十四年

春正月繼遷貢于契丹

繼遷事契丹謹歲時進奉及賀正生辰使不絕于道

三月邀官軍于浦洛河奪其糧運

自清遠至靈武中有浦洛耀德二廢城為河西餉

道繼遷西掠諸戎路率由此懼有兵扼其要害輒

揚言曰中國如脩浦洛城我必力爭之常以蕃卒

西夏書事

卷六

一

駐其地時洛苑使白守榮馬紹宗護芻粟四十萬

赴靈州太宗命將輜重先後作三隊丁夫持弓矢

自衛士卒布方陣為護遇敵則戰可以無失復命

會州觀察使田紹斌率兵應援紹斌抵鹽井繼遷

遣三千騎從枝子平截之且行且鬪至耀德部下

死者千人仍尾紹斌後至浦洛河紹斌復將騎三

百步弩三百搏之乃退既而轉運副使盧之翰令

守榮等併輜重為一運行繼遷初見紹斌旗不敢

擊已紹斌與守榮議不合引所部去繼遷先設伏

桑乾河以羸騎誘戰俟官軍逐入大陣麾眾圍之

擊敗守榮兵盡奪糧運

曾氏隆平集守榮紹宗敗紹斌為擊走賊眾護糧以

行詔褒之攻宋史紹斌傳守榮敗紹斌率所部引

還至清遠與張延會食見濠中人裸而呼曰我白

順乘驛以聞是紹斌無再護糧行事

夏四月侵吐蕃折平族首領握散請會師討之

吐蕃自唐季衰弱族種分散大者數千家小者百

十家無復統一凡儀渭涇源環慶鎮戎秦州靈夏

皆有之太平興國中諸族以良馬入獻自後進奉

不絕時折平族蕃部賣馬過靈州党項襍部誘繼

西夏書事

卷六

二

遷奪之表訴于朝繼遷益侵其種落于是首領握

散上言久苦侵掠願會兵靈州以備討擊太宗賜

幣答之

按此吐蕃請討繼遷之始綱目蠻夷借兵之辭

五日致助曰請助曰入援順辭也曰發兵曰徵

兵尊辭也曰遣使以某兵至敵辭也曰乞兵甲

辭也曰求救急辭也吐蕃苦繼遷侵掠願會兵

靈州應書請助茲書請討以存中國而惡繼遷

也蓋繼遷既降復叛則夷夏之防君臣之義兩

不容恕故凡與繼遷難者微書擊甚書討書伐後倣此

攻西涼府

西涼本吐蕃涼州地周圍二千餘里東界原州南界雪山吐谷渾蘭州西界甘州北界吐蕃領姑臧神烏番禾昌松嘉麟五縣戶二萬五千有奇宋初置府淳化中毀直丁惟清奉詔往西涼市馬比至而境大稔因爲所留至是土人請立帥太宗卽以惟清知府事繼遷知西涼強盛進攻府城押蕃落

西夏書事

卷六

三

副使折逋喻龍波禦卻之與吐蕃都部署沒暇于入朝獻名馬以告

五月合党項諸族兵圍靈州索使人張浦

先是兵馬都部署侯延廣知靈州部下嚴整戎人悅服繼遷不敢犯其境及延廣病去繼遷合党項兀泥中族首領佶移女女殺族首領越都女女夢勒族首領越移女女忙族首領越置女女籠兒族首領党移沒兒族首領莫末移路七族首領越移細七族首領慶元路才族首領羅保細母族首領

羅保保也等衆數萬圍靈武索取張浦守吏遣使告急繼遷獲其使知城中危窘遂頓兵城下四方

館使曹璨自河西入朝悉以狀聞太宗召宰相謀之呂端請發兵出麟府鄜延環慶三道會兵直擣平夏覆其巢穴繼遷必懷內顧憂如此則靈武圍自解矣或云塞垣表裡沙磧三道兵從何處會合况盛夏涉瀚海瀚海一名早海趙珣聚米圖經云早海自環州出青岡川本靈州大路自此過美利若漸入平夏中經早海七百里無溪澗山谷難得水泉錢卽曰瀚海地皆馬鹵或以飲馬口鼻皆裂水泉乏絕糧運艱辛未

西夏書事

卷六

四

見其利不如靜以待之太宗不聽賜敕書招諭諸族命十州都部署李繼隆出環州容州觀察使丁罕出慶州殿前都虞侯范廷召出延州殿前都指揮使王超出夏州西京作坊使張守恩出麟州五路進援靈武

八月回師援平夏與官軍戰于烏白池敗績

繼遷據瀚海險要久圍靈武城中糧糗俱竭供奉官實神寶潛遣人市糴河外以濟間出兵擊之李氏長編云實錄正月乙卯命曹璨知靈州爲侯延廣病故也二月延廣卒據璨傳璨未至卽改爲麟府

獨輪若鈐轄及繼遷窺靈州部署郭密亦已卒而
琛復自河西入奏至六月戊戌乃命慕容德豐知
靈州不知夏秋間靈州守臣果係何繼遷不能克
人獨賣神寶傳畧見因撥出附此

既聞諸將分道出塞知兵勢大恐平夏有失解靈
州圍退走時李繼隆違旨不救靈州由青岡峽棄
馳路徑趨平夏兵行數日與丁罕合又行十餘日
無所見引還張守恩遇夏兵不敢擊率軍歸本部

獨王超與范廷召由鐵門關遇蕃兵一戰破之抵
無定河水源涸絕軍士渴乏會河東轉運使索湘
輦大斂千枝至鑿井得泉遂賴以濟進師烏白池

西夏書事

卷六

五

繼遷列陣據險兵銳甚超持重不進宋史張昭允傳為河西馬

步軍鈐轄從王超討李繼遷超深入數百里道阻
糧絕昭允以所部援之戎人乃敗與李氏長編異

其子德用請為先鋒乘之轉戰三日繼遷敗未暮
軍主吃囉指揮使等二十七人皆被執宋史石保

二年與范廷召等五路討賊還至烏白池夏人為
方陣來拒保與麾眾出入陣中馬中流矢挺身持

滿易騎大呼行且鬪凡三日四德用日歸師迫險
十二戰夏人引去與德用傳異

必亂領兵距夏州五十里先絕要害下令日敢亂
行者斬一軍肅然繼遷躡其後見隊伍嚴整不敢

逼李氏長編上初以方畧授諸將先閱兵崇政殿

令軍士多習強弩及遇賊萬弩齊發賊不能禦

皆散走凡十六戰而抵其巢穴悉焚蕩之賊中老
弱者咸告曰人馬死者過半不能化矣光謂
活為化言不能再活也與宋史諸傳異

冬十月夏州地震

繼遷將寇夏州會地震百餘日城郭廬舍多壞不
敢駐營去

按夏州地自唐末入于李氏太平興國中始沾

王化于是馬生二駒地產嘉禾方以為休徵可

喜乃至是而地震是變也震而壞城郭廬舍是

大變也不二年其地復賜繼遷淪為異域幾三

西夏書事

卷六

六

百年豈非豫為之兆乎書西夏地震始此

十一月復逐党項泥中族于黃河北

泥中等族舊皆內附繼遷誘之叛不從數以兵侵

掠其大首領名悉俄與首領皆移尹遇崔保羅沒

諸族帳徙居黃河北避之

十二月攻石堡砦

石堡屬綏州距夏州三百里淳化中趙保忠被擒

壁壘殘破邊臣議修葺之量置戍守繼遷遣兵數

千四出攻掠以擾其役鄜延巡檢張思均率眾奮

擊繼遷不勝

至道三年契丹統和十五年春二月繼遷將史訛遇以兵扼

橐駝口敗死

繼遷以西部內屬者衆遣軍主史訛遇率兵屯橐

駝口西北雙埕以遇絕之熟藏族蕃官訛遇以告

都部署李繼隆遣副部署劉承蘊田敏會訛遇兵

擊之斬首數千級史訛遇戰死失牛馬橐駝萬計

夏四月獻捷契丹契丹封爲西平王

繼遷以大敗宋兵告契丹契丹復其西平王爵繼

西夏書事

卷六

七

遷尋遣使謝

五月圍保安軍

保安爲鄜延外障繼遷圍其城副都部署曹瑛同

巡檢張思均引兵赴援繼遷解圍走瑛等追奔三

十餘里至木場而止

冬十月納靈州叛人鄭美遂攻州城不克

靈州屯戍軍校鄭美違主將令懼罪叛投繼遷說

以靈州可取狀繼遷授指揮使職令爲前導率兵

攻靈州與都部署楊瓊戰于合河鎮北大敗失人

畜無算已以騎五百掠城下又敗退走五十里乃

免

十二月復上表請降授定難軍節度使復姓名趙保

吉

淳化中保吉納款議者以保吉懷戀父祖舊基別

無他望授以銀州觀察冀滿其意自後攻劫不已

盡降麟府州界八部蕃酋又脇制東山諸部党項

及南山野利諸族其勢益張嗣兀泥等十族皆奉

敕書歸順咩咩族開道使泥埋與其弟屈子子成

西夏書事

卷六

八

逋數以兵攻繼遷繼遷戰不勝會太宗崩眞宗卽

位遣使資詔諭之繼遷舉所部大臨縞素發哀遣

牙校李光祚至京修貢表求蕃任意不得夏州不

已也眞宗方在諒陰姑從所請命內侍右班都知

張崇貴賜以詔曰先皇帝早深西顧欲議眞封屬

軒鼎之俄遷築漢壇之未逮故茲遺命特付眇躬

爾宜望弓劔以拜恩守封疆而效節特授夏州刺

史充定難軍節度夏銀綬宥靜等州觀察處置押

蕃落等使司馬光奏狀李繼遷假擾西陲十有餘年關中困弊眞宗皇帝卽位赦其大罪

割靈夏等州除其子德明為定難軍節度使由是邊境安寧者四十年其說誤復賜姓名加食邑千戶實封三百戶益功臣號賜資甚厚錢若水太宗實錄章得象國朝會要不著繼遷納款月日其制詞據成材朝野雜編與實錄所載差異又雜編云事在真宗即位之次年宋史夏國傳亦云在咸平元年春考太宗紀在至道二年冬十二月真宗初立後張崇貴傳所載同

按此復受定難節度之始保吉復之德明繼之縣延四十餘年而後稱帝蓋其圖度經營匪伊朝夕矣

張浦還

西夏書事

卷六

九

真宗以繼遷既臣加浦鄭州防禦使遣還

朱真宗咸平元年契丹統和十六年春正月保吉遣使表讓

恩命

保吉使押牙劉仁謙奉表請讓恩命畧曰天子宅中聲教訖于海澨王者無外懷柔溥及戎方恭維皇帝陛下恩深繼絕度豁包荒垂念祖禰之功俾承堂構之舊全家細小均沐鴻慈合族豪酋同遊化宇從此以享以祀在天對越堪依斯哭斯歌沒世首邱可樂皆出于皇帝至仁之所賜也惟是臣

遠處夷落賤屬草莽初無汗馬之勞克勤王事繼肆憑城之技屢擾邊陲雖蒙聖主施仁神武不殺自念渺躬負罪夢寐何安謹遣下臣拜上恩命敢塵旒冕竊冒殿庭望垂日月之明使國蟻効俯鑒狂瞽之瀆藉展葵忱元造曲全天恩莫報臣不勝悚惶待罪之至蓋張浦謀也真宗見表不允賜仁謙錦袍銀帶遣回

按讓美德也此書表讓譏偽也繼遷表乞夏州表求蕃任屢言之矣茲忽表讓恩命將誰欺乎

西夏書事

卷六

十

綱目封拜書讓者三曹操司馬昭劉裕皆著其偽而已矣

二月以得地告契丹

以得銀夏綬宥靜五州告

夏四月遣弟繼瑗入謝

保吉歸順真宗諭陝西縱綬銀流民還夏州家給米一斛保吉遣弟繼瑗獻馬入謝授亳州防禦使封保吉生母衛慕氏衛國太夫人子德明定難軍節度行軍司馬

五月朔日有食之

食將既

按日食爲陰勝陽食既則臣叛主兵大起其保

吉復叛之兆乎

秋九月襲綏州熟戶李繼福敗之遂寇鄜延復寇石州不克勒兵據賀蘭山

保吉受節鉞復姓名氣日驕肆知集賢院田錫上言繼遷不合與之夏州又不合呼爲趙保吉雖賜姓與名已自先朝然羈縻無用恐關輔勞擾從此

西夏書事

卷之六

十一

生國家耗費從此起已與綏州熟戶李繼福構釁縱所部攻敗之因擾鄜延與鈐轄張崇貴都監王榮戰失具裝馬數十匹轉攻石州知州韓崇訓率兵拒之保吉大敗盡棄輜重退屯賀蘭山勒兵據險守

咸平二年

契丹統和十七年

夏六月保吉掠河西殺指揮使

李璠

保吉引萬餘騎掠河西與虎翼指揮李璠遇于隘口揮衆圍之璠力戰手格殺數十人身被數鎗馬

中矢仆遂死

秋八月河西羌導攻麟州援將折海超等戰死

麟府緣邊失于撫禦其大族蕃部多投保吉河西黃女族長蒙異保府州蕃部啜訛誘保吉日麟府爲河東要地攻易守難若以盛兵乘之唾手可得得麟府則崑崙火山諸軍皆可圖矣保吉遂以蒙異保爲前部啜訛佐之率衆攻麟州由萬戶谷進至松花砦府州將洛苑使折惟昌與從叔同巡檢使海超弟供奉官惟信率兵赴援保吉揮衆叢射

西夏書事

卷之六

十一

惟昌中矢已墜馬忽攝弓起得裨將馬突圍出兵衆不能禦乃擊海超惟信于陣殺之

附宋史韓崇訓傳咸平二年再知麟州繼遷來

攻敗之于城下考此事與折惟昌事不合且無

月日可據

九月進犯府州敗還

戎性往來飄忽勢難久持然其民皆兵居易于黠集保吉前圍麟州不克令部下萬私保移埋糾合蕃族犯府州境與守將折惟昌鈐轄宋思恭戰于

埋井峯敗還

夏州言石隕有文冬十二月出兵攻延安

保吉駐夏州聲言石隕帳前有文曰天戒爾勿為

中國患蕃漢爭傳之右班殿直盧鑑入奏事真宗

問之鑑曰此詐也宜益為備未幾保吉以萬騎圍

延安陝西轉運副使張佶督兵禦卻之

按書石隕記異也春秋書石隕一綱目書石隕

一十二無書有文者惟秦政三十六年石隕東

郡或刻之曰始皇死而地分越明年其言果驗

西夏書事

卷六

三

茲言石隕有文言有未必有也書以著其詐

夷鎮戎軍

至道中都部署李繼隆于古原州城鎮戎軍當回

鶻西涼六谷吐蕃咩逋賤遇馬臧梁家諸族要路

為瓊慶原渭儀秦北面捍蔽李繼和奏疏平涼舊地山川險阻旁扼夷

落為中華襟帶若無此軍寇來有數路自隴山下

南去則由三白堡入儀州制勝關自瓦亭路南去

則由彈箏峽入渭州安國鎮自青石嶺東南去則

由大盧小盧潘谷入潘原縣若至潘原西則入渭

州東則入涇州若至青石嶺東公主泉南去則由

東山岩故彭陽西並入原州其餘細路不可勝數

嗣保吉納款不復置守保吉率眾夷其城址掠定

軍界蕃族南至渭州安國鎮北二十里西至南市

界三百餘里

附宋史石保興傳咸平二年知威虜軍夏人入

抄保興發帑錢數萬分給戰士主者執不可保

興曰城危如此安暇申覆事定覆而不允願以

家財償之夏人退驛置以聞真宗貸而不問考

威虜軍屬河北路在鎮定二州北距銀夏遼遠

中隔契丹夏兵豈易到此疑傳有誤

咸平三年契丹統和十八年春二月保吉兵屯蕭關

西夏書事

卷六

古

蕭關唐武州地襟帶涇原咽喉靈武保吉令萬子

米逋西鼠等族三千騎屯聚蕭關以圖原渭靈瓊

諸路熟戶

夏五月攻濁輪砦

濁輪砦屬麟州鈐轄劉文質擊走之宋史文質傳蕃酋萬保移

來寇文質擊走之乘勝拔其砦賜錦袍金帶徙知慶州不言其擊保吉事茲從真宗實錄

秋九月復邀靈州糧運殺轉運使陳緯

靈州糧運路由瀚海自冬至春芻粟始集保吉偵

得輒奪之朝議于秋涼解運令慶州發兵護詣靈

州殿中丞鄭文寶素知西州形勢言西人必復邀奪至積石保吉以所部康奴等族萬餘衆夜截之緯與知靈州李守恩拒戰死邠寧副都部署王榮率師赴援亦敗保吉盡得糧運遂頓兵于積石河按靈州介在河上復絕一方保吉制瀚海之衝斷飛輓之路關右二十五州之民爲轉輸死者十餘萬人而芻糧二十五萬到者不十之三昔張鑑謂靈州爲西陲要地實中國蠹區旨哉言也議者猶以咽喉重地西北要衝爲惜致糧運

西夏書事

卷六

五

一失再失豈謀國之道乎

冬十一月契丹授德明朔方節度使使取靈州

契丹聞保吉頻掠糧運阻絕瀚海遣使授德明

作德昭避景宗諱也朔方節度使保吉取靈州

按書契丹授斥煽禍也朔方以靈州爲鎮治未

得其地先授以官非教之肆兵乎

附宋史李繼周傳咸平三年復爲先鋒入夏境

焚蕩積聚殺人畜獲器甲凡六十餘萬攷眞宗

紀是年無西討事傳不知何據

十二月使如契丹貢

契丹自保吉歸附諸夷皆從特重所遣人使令禮

臣議進奉朝見儀班在宋高麗之次遼史禮志夏

常朝畢使者左入至丹墀面殿立繼上露臺立少

前拜跪附奏起居訖俯與復位閣門使宣問國主

安否鞠躬聽旨跪奏國主安俯伏與復位閣門主

至丹墀面殿立禮物右入左出畢閣使鞠躬通夏

國使姓名候見共一十七拜贊祇候平立有私獻

過畢揖使者鞠躬贊進奉收訖贊祇候引左上殿

西夏書事

卷六

六

就位立與臣僚齊贊進奉酒三行左右下至丹墀謝宴

五拜畢贊有敕宴五拜祇候引右出禮畢于外賜

宴客省使伴受賜衣物事軍朝辭亦俟常朝後引

使者左入通夏國某使祇候再拜不出班起居

再拜出班戀闕致詞復再拜賜衣物如

常儀遇賜宴五拜畢贊好去從右出

西夏書事卷六終

西夏書事卷七

青浦 吳廣成西齋 纂

咸平四年契丹統和十九年夏四月保吉謀攻西州回鶻回

鶻請兵于朝

回鶻自唐末浸微散處甘涼瓜沙間各立君長分

領族帳時保吉猶駐積石河將西掠吐蕃健馬北

收回鶻銳兵然後長驅南牧西州回鶻可汗祿勝

知其謀遣樞密使曹萬通入貢言本國東至黃河

西至雪山有小郡數百甲馬精習願朝廷命將統

西夏書事 卷七 一

領使得縛繼遷以獻真宗嘉之賜以詔曰夏綏抗

命神人所棄卿世濟忠烈誼篤舅甥繼上奏封備

陳方畧且欲大舉精甲就覆殘妖拓土西陲獻俘

北闕可汗功業其可勝言嘉歎所深不忘朕意今

更不遣使臣一切委卿統制特授萬通左神武大

將軍優賜祿勝器服

按 此回鶻請討保吉之始

吐蕃六谷都首領潘羅支以兵來討

知鎮戎軍李繼和言六谷都首領潘羅支願戮力

討夏州請授以刺史廷議羅支已為酋帥授刺史

太輕乃以為鹽州防禦使兼靈州西面都巡檢使

于是羅支遣部下李萬年率兵進討貽書繼和請

師期

擄羌嵬逋走回

嵬逋乃保吉擾河西時掠得者乘間率屬千餘內

投保吉自萬戶谷追之不及

秋七月以下恒環等州告契丹

保吉遣李文驥遼史夏國傳作李文貴與聖宗紀異獻于契丹因以

西夏書事 卷七 二

下恒環慶三州告契丹主賜詔褒之

按 此與前告下麟鄜同偽詞耳何以書罪其妄

也偽妄之詞一之為甚可再三乎

八月遣使獻馬

猶稱所賜姓名然寇掠邊鄙益甚

攻靈州不克田其境地

靈州居平夏西北南去鎮戎約五百里東去環州

六七日程中隔瀚海數百里乏水草烽火亭障不

相望若聚眾急攻早已不守保吉欲俟中國財用

關輔民力盡耗然後取之是時以五萬騎攻城城中兵少不出戰據其山川險要凡四旁膏腴之地使部族萬山等率蕃卒駐榆林大定間爲屯田計墾闢耕耘騷擾日甚眞宗謀之叅政李至至言靈州雖西北要衝今援絕勢孤不能不棄若移朔方軍于環州保固邊境亦一時之權也乃遣宰相張齊賢行邊齊賢上言靈武孤城必難固守徒使軍民六七萬陷于危亡之地知制誥楊億亦言棄之便輔臣咸以靈州乃必爭之地苟失之則緣邊諸

西夏書事

卷七

三

郡皆不可保宰相李沆曰繼遷不死靈武終非朝廷有莫若遣使密召州將使部分軍民空壘而歸如此則關右之民息肩矣眞宗不從以王超爲西面行營都部署將兵六萬援之

九月襲定州及懷遠鎮鎮將李贊自焚死連取保靜永州攻清遠軍破之

清遠據積石嶺在瀚海中去靈環各三四百里四面懸絕保吉攻靈州不克復遣牙將趙光允貢馬潛以衆襲破定州圍懷遠李贊兵不滿百拒戰累

日力盡積藁自焚連破保靜永州攻清遠知軍劉隱監押丁贊分兵拒守走間使詣慶州請援都部署楊瓊遣副部署潘璘都監劉文質率兵六千赴之且曰俟吾繼至已而遷延不進保吉自鼓兵攻南門令子阿嚕督精甲攻北門堙濠斷塹以戰七日城中力竭兵馬都監段義啟門降保吉兵威益熾踰支子平直薄青岡城下阿嚕德明小字也

按保吉攻城奪砦未有如此詳書者緣河外五城乃靈州肩背而清遠據積石之衝屯糧置守

西夏書事

卷七

四

以通環慶援兵尤爲要害自保吉取清遠靈州遂失聲援矣

冬十月升保靜縣爲靜州

按此李氏更改郡縣之始

徇唐隆鎮與麟州兵戰于柳撥川不勝

保吉旣得清遠以兵徇唐隆鎮謀從蕭關武延石門路攻麟府麟州副部署曹瓌出蕃兵邀之鎮西柳撥川保吉戰不利退走三十餘里

十二月攻河外砦降守將李瓊

自清遠軍陷盡焚青岡峽諸砦環慶鄜延麟府以外近河之地皆屬保吉真宗詔西蕃諸族有能破夏州者當授節度使賜銀綵茶六萬舉族來附者給田宅于是蕃部阿荊譚豬訛遇等皆內屬保吉謂中國誘之率兵攻靈州河外砦砦主李瓊拒守旬餘保吉知其困遣人招之瓊舉城降部將臥浪已內降

真宗命補軍主賜之田宅

咸平五年

契丹統和二十年

春正月保吉置市于赤沙橐駝

西夏書事

卷七

五

等路

赤沙川橐駝口兩路為靈夏二州蕃族屯聚處保吉各置會貿易以誘熟戶于是歸者日衆中國禁之不止

三月取靈州殺知州事裴濟改州為西平府

河外五城相繼陷沒靈州孤堞僅存關陝之民困于轉輸陷鋒鏑填沙磧者不下數十萬歲荐飢城中斗米價至十貫裴濟至鎮甫二載謀輯八鎮大興屯田民間稍有生色保吉集蕃部併力攻之濟

被圍兩月餉援並絕刺血染奏乞救保吉遣兵斷瀚海要路王超大軍不得進別將張煦出鎮戎軍入夏州界由白豹鎮抵柔遠川戍兵七百騎邀戰煦擊敗之星夜赴援未至而城陷濟死焉濟在鎮有聲望及沒夏人惜之保吉以世爵西平又受契丹西平王冊典遂改州為西平府

勝

夏四月使清遠蕃酋偽降邀環慶官軍于白豹鎮不

西夏書事

卷七

六

漢人使旅經由並在熟戶安泊所求賂遺謂之打當如漢逆旅家宿食之值也習以為常保吉聞援將張煦引兵

將抵清遠使新降蕃酋偽為熟戶以甲騎三千約降願給資糧為餉導煦察其詐亟嚴軍待會環慶路部署張凝率師按部還保吉遣兵邀之凝將敗煦領銳卒赴援一矢殪一大將乃解

五月以下靈州告契丹

初保吉遣使契丹貢馬馳至是又使劉仁勗告下

靈州

六月圍麟州知州事衛居實擊敗之

保吉聲言欲取儀州制勝關將由此大入謀者以

告真宗詔徙老幼芻粟內地避之知儀州盧鑑曰

此奸謀也徙之適以示弱不奉詔保吉知不可動

突于是月宋史夏國傳保吉圍麟州在咸平六年六月真宗紀在五年六月紀傳互異

以二萬騎入河東圍麟州副部署曹璨請濟師真

宗閱地圖曰麟州依險三面孤絕修力可守但乏

水可憂耳命金明巡檢李繼周部兵星夜赴援未

至保吉據水寨負板四面薄城者五日勢將陷知

西夏書事

卷七

七

州衛居實出奇突擊又夜縱勇士襲之城上鼓噪

矢石如雨夏眾披靡走自相蹂踐死者萬餘人宋史

張進傳咸平中為并代副部署李繼遷寇麟州

將遣單介問道乞師太原諸將以無詔旨未決進

獨抗議發兵赴援既至而圍始解與夏國傳異

夏州旱秋七月築河防

黃河自積石經河州合河水東北流至蘭州過

鳴沙河應里州北繞靈武由懷遠縣入夏州鄭道

經注黃河自薄骨律鎮北經農城東又北經上

北流百餘里過踏白城銀川寨與湟水合又東北

百餘里合洮河東北流過達達地至豐州西受降

城折而正東過古天德軍中受降城復折正南與

黑河合又南流過保德州葭州入興州境合于吃

那河俱與潘昂向有古渠二曰漢源長袤二百五

十里一名漢渠後漢書西羌傳順帝永建四年尚

郭瑒激河浚渠為屯田省內郡費曰唐梁長袤三

百二十里一名唐渠唐書李聽節度靈鹽境內有

書太初三年夏四月遣光祿勳徐自為築五原塞

即自為所開唐因其舊而復修夏州自上年八月

之不雨穀盡不登至是旱益甚保吉令民築堤防引

河水以灌田役人有小過輒繫頭投之河使人就

下流接視蕃人則出之漢人則沉之

按書西夏河渠始此

渡河攻党項莊浪族不克

莊浪族數萬帳居黑山北廣袤數千里東接契丹

北鄰塔坦南至河西大涼小涼諸族中隔銀夏道

路遼絕其首領龍移昧克或稱莊浪昧克素不與

保吉合常以馬附藏才族入貢頗勤外禦真宗授

吉惡其不附已舉兵渡河襲之大敗而回

八月大雨河防決

雨九晝夜不止河水暴漲防四決蕃漢漂溺者無數

按黃河源遠而高流大而疾歷代為中國患惟

靈夏諸州咸受其利昔太史公河渠書言朔方

河西酒泉等郡皆引河水及川谷順其趨下之

性入渠溉田數萬頃故旱澇不能為大害今保

吉逞其小智勞民動衆妄事曲防宜其潰不可

西夏書事

卷七

九

支也

九月破濁輪岩党項折勒厥麻諸族皆內奔

保吉以澍雨彌旬田稼盡沒謀取糧于緣邊諸岩

會部下教練使李榮挈族內投保吉憤甚復入麟

州攻濁輪破之殺掠甚慘党項折勒厥麻等三族

恐被侵奪率屬千五百帳越河請內屬真宗命分

處邊境邊臣言折勒厥麻向為保吉黨恐復叛去

乃徙置憲州樓煩縣地

進圍府州

麟府路鈐轄張佶率兵拒戰首領中矢死者二人餘衆退還大寨

冬十月遣使誘六谷諸蕃首領潘羅支執之

六谷分左右廂左廂副使折逋游龍鉢實叅羅支

軍事真宗方務綏懷命龍鉢領宥州刺史其六族

首領褚下箕等皆為懷化將軍保吉用兵買馬必

由西涼惟恐梗塞遣人以鐵箭誘六谷諸蕃叛附

羅支戮一人縶一人表聞候旨真宗褒諭之聽自

處置

西夏書事

卷七

十

十一月涇原官軍襲康奴族援之不及

康奴恃其險衆桀黠難制屢導保吉抄掠靈州糧

運涇原部署陳興與副部署曹瑋率衆潛行直抵

巢穴康奴出不意人畜害粟悉被檢獲保吉聞之

赴救興等已退

十二月與賀蘭山大小涼族構兵

二族居賀蘭山北部衆甚盛初合于保吉繼有隙

迭相攻掠咩逋族首領遣使以聞真宗特詔使者

激二族兵討保吉

咸平六年契丹統和二十一年春正月保吉建都西平

初保吉居夏州修復寢廟撫綏宗黨舉族以安及得靈武愛其山川形勝謀徙都之弟繼瑗言銀夏係累世經營祖宗靈爽實式憑之今恢復未久遽爾遷棄恐擾衆心保吉日從古成大事者不計苟安立大功者不徇庸衆西平北控河朔南引慶涼據諸路上游扼西陲要害若繕城浚濠練兵積粟一旦縱橫四出關中將莫知所備且其人習華風尚禮好學我將藉此爲進取之資成霸王之業豈

西夏書事

卷七

十一

平夏偏隅可限哉遂令繼瑗與牙將李知白等督衆立宗廟置官衙挈宗族建都焉

按此西夏建都之始

盡復綏宥諸州地

保吉雖授定難軍節度而綏宥諸州尙屬中國及建都西平兵力日盛眞宗遣張崇貴王涉議和盡割定難軍州地與之于是保吉盡收緣邊七鎮東西二十五驛南北十餘驛地爲己有尋葬其祖于紅石峽賈漢復陝志繼遷葬其祖葬昌障水別流于紅石峽葬昌非繼遷支志誤

鑿石爲穴既葬引水其上後人莫知其處

按此復全定難五州之始宋以靈武不守并棄綏宥保吉從此據朔方併西涼丕基式廓宋實有以成之嗚呼雖曰天命豈非人事哉

二月出駐繳子山復以鐵箭誘六谷首領潘羅支不答

初羅支遣咩逋族蕃官成逋至鎮戎軍請會兵討保吉邊臣以無文牒疑爲詐護送部署司成逋懼而逸馬蹶墜崖死眞宗令渭州以禮葬保吉聞之

西夏書事

卷七

十二

引衆自靈州出屯繳子山放還六谷投去蕃部遣人復送鐵箭羅支稱已納款朝廷願與結好羅支不答

潘羅支謀取西平府三月請兵使還遣人奪其告敕潘羅支數與繼遷戰奪人畜甚衆時以靈州無備遣蕃官吳福聖臘入貢言感朝廷恩信憤保吉佩強已集騎兵六萬乞會王師收復靈州眞宗以保吉常在地斤三山之東每來寇邊師出則遁使六谷部族近塞捍禦與官軍合擊亦國家之利也遂

加羅支朔方軍節度靈州西面都巡檢使賜鎧甲器幣又以吳福聖臘為安遠將軍次首領元佐等七人為懷化將軍使出兵共圖保吉吳福聖臘還過西平保吉遣人邀之盡奪羅支牌印官告及所賜衣服器械吳福聖臘僅以身免

牛羊蘇家等族襲夏州族帳二百人被殺

自靈武失守綏銀割棄中國所得役屬者不過河外諸小羌餘皆心懷去就叛服不常牛羊蘇家二族恃其險遠嘗與保吉數入邊邊吏招諭不聽時

西夏書事

卷七

三

河西蕃族拽浪南山及葉市族囉埋同弟囉胡率百餘帳持保吉署牒請內附真宗授以本族指使等官二族心豔之反兵襲夏州殺族帳二百餘環慶部署上其功真宗詔厚賜之

吐蕃者龍族與潘羅支攻夏州拒卻之

者龍族居移卑陵山首領斯敦瑟與潘羅支協力

攻夏州不勝已遣使入朝稱集本族騎兵願隨大

軍西討真宗優賚之

宋史吐蕃傳咸平六年八月者龍族首領來貢上嘉其嘗

與潘羅支協力抗賊令優待之又党項傳咸平六年二月涇原部署言者龍族移卑陵山首領斯敦

晉遣使言已集騎兵願隨軍討賊是一族分見兩傳也然羅支為吐蕃屬則與羅支協力應屬吐蕃宋史入党項傳誤

銀夏宥三州飢夏四月徙其民于河外五城

三州荒旱飢殍相望保吉籍州民衣食豐者徙之河外五城不從殺之于是蕃漢重暹嗟怨四起

按書西夏災稔始此

攻環州圍洪德砦

保吉前掠環州擄虎翼軍士魏瓊等四人置之屬下至是逃歸保吉逐入環州攻洪德砦蕃官慶香

西夏書事

卷七

四

與札都慶族合勢接戰砦主段守倫率兵策應保吉敗首領被擒者四十九人墜崖墜死者甚眾悉棄旗鼓鎧甲走還

攻白馬族破之

白馬亦環州蕃族其首領與保吉鬪不勝徙帳避之遣使入告真宗賜以廩粟

五月聚兵蒲洛河

環慶二州川原平直兩邊雖有土山山外皆高原川谷內屬戎人與西界蕃族錯居保吉屢經脇誘

環慶副部署張凝領兵由木波鎮直抵八州原下寨招降岑移等三十二族又從淮安鎮入分水嶺降麻謀等二十一族柔遠鎮降巢迷等二十族遂攻業樂鎮降彬樹羅家等一百餘族合四千八百戶銀夏大震保吉與子阿哆集兵屯浦洛河護衛諸羌西面部署以聞真宗詔鎮戎軍洪德岩嚴斥堠整軍旅互援之

六月駐東關鎮掠河東

東關鎮在靈州東三十里保吉以部下飢亂挈其

西夏書事

卷七

五

族黨三萬人樹柵居之分掠河東邊境與豐州蕃瓦窰沒剌加羅昧克等族兵頻戰不勝于是隴山西延家族首領禿逋內附折勒厥麻暨西蕃八部二十五族皆願出兵會圍靈夏

按于時銀夏飢荒靈州殘亂保吉至于野次可謂窮矣宋不因隴山諸族之附乘其敝而圖之非其智力有不足實天之默相李氏者深也

秋八月攻麟州敗于屈野河

麟州數受侵掠常屯重兵境上而輸餽悉仰河東

中隔河津之阻粟價貴賤不常真宗命河東轉運使鄭文寶于府州定羌軍置浮橋通之人以為便保吉擁衆入麟州謀奪餉道八族都校明義潛兵伏屈野河側擊之保吉大敗喪失甚衆自是不敢犯麟府

九月夏州教練使安晏內附

晏與其子守正俱內屬授殿直賜衣服緡錢

冬十月襲西涼府破之殺知府丁惟清改府為州

保吉嘗言我與西涼自來無事向為萬山等族所

西夏書事

卷七

六

誘與之構隙今六谷衆盛難以加兵不復進取蕃部信之是時境內日窘抄掠鮮獲盡籍五州丁壯大會諸族于鹽州聲稱分屯橐駝車箱峽兩路入攻環慶而潛移兵取西涼襲破其城執惟清殺之悉逐居人城外據其府庫復府名為州兵勢復振按于是西夏勢成而靈州永固矣蓋平夏以綏宥為首靈州為腹西涼為尾有靈州則綏宥之勢張得西涼則靈州之根固况其府庫積聚足以給軍需調民食真天府之國也嗣後保吉身

亡德明終能保守靈夏豈非涼州畜牧甲天下
藉以養成銳氣哉

還自西涼戰于石門川敗績

保吉以西涼鹵獲運回西平抵石門川鎮戎軍知
軍曹瑋伏兵川側邀之保吉麾衆迎戰不勝盡棄
所俘走

夏州蕃官劉贊時又內附

保吉虐用蕃族部下突陣指揮使劉贊與銀州牙
校時又率族內奔真宗授以官賜器甲粟帛慰撫

西夏書事

卷七

七

之已而曹瑋移書銀夏諸蕃諭以恩信于是豪酋
都移等族皆棄保吉由贊等請附保吉禁之不止
十一月有星孛于東井

大如杯色青白光芒四尺餘貫五諸侯

按 孛爲兵凶之象保吉君臣寡學無術不能鑑
此宜其及也

出兵攻六谷朔方節度使潘羅支以者龍諸族衆擊
敗之奔還西平

初保吉奪羅支牌印官告知中國已授朔方節度

心惡其逼舉大衆往攻羅支見勢盛僞使請降保
吉坦受之張浦曰兵務慎重貴審敵情羅支倔強
有年未挫兵鋒遽爾降順詐也不若乘其詭謀未
集一戰擒之諸蕃自伏若懸軍孤立主客勢殊未
見其可保吉曰我得涼州彼勢已促力屈而降何
詐之有况殺降不祥爾勿疑以阻向化之心且先
返西平我當撫安餘黨以免後患浦怏怏而回于
是羅支陰集六谷諸豪及者龍族兵數萬合擊之
于三十九井保吉大敗中流矢奔還靈州

西夏書事

卷七

六

按 保吉叛亂幾二十年諸蕃相角不能稍挫其
威羅支累請討擊至是竟伸其志故六谷者龍
合兵破敵特書羅支以者所以歸功于羅支也

十二月復聚衆浦洛河

聲言攻環州以創甚不果

西夏書事卷七終

西夏書事卷八

青浦 吳廣成西齋 纂

景德元年契丹統和二十二年春正月保吉卒

保吉創勢日增自度孤危囑德明日爾當傾心內

屬一表不聽則再請雖累百表不得請勿止也李氏

長編云觀德明初報張崇貴書云未葬難發表章

意猶倔強不服朝廷多方招諭僅得其款附耳疑

繼遷此等語或德明假托故二年後乃言之非實

情也考數語見宋史向敏中傳載在景德初故列

西夏書事 卷八

長兵間備嘗艱苦今俾以靈夏之眾雖不能與南

北爭衡公等戮力輔之識時審務或能負荷舊業

為前人光吾無憾矣言訖卒時月之二日也遼史

二十一年夏五月丁巳西平王李繼遷薨其子德

昭遣使告哀統和二十一年宋咸平六年也王氏

東都事畧及李氏長編亦云咸平六年冬繼遷中

流矢至靈州三十里死考宋史夏國傳景德元年

正月二日卒真宗紀景德元年二月環慶年四十

部署奏李繼遷死潘羅支獻捷前三書誤年四十

一繼遷死應是四十一宋史夏國傳

作年四十二查帝紀年數自知

按綱目去官書卒多貶詞保吉去官明其不得

為宋臣也不得為宋臣曷不遵盜賊酋帥例書

死而書卒何則以保吉為西夏之祖傳祚繼世

西夏書事 卷八

三五三

要非隗囂公孫述等無成者比也故以僭國創

業例書

論曰繼遷生而英奇長而慄悍方其任司蕃落

地據銀州當繼捧入覲之初鮮引義力爭之舉

蓋懟其兄也素矣迨詔使護送諸父昆弟連袂

歸朝方始奮其雄才策其群力激羌戎以先烈

約契丹為強援遂使關右震驚中朝盱食控弦

靈武扼平夏之要衝驅馬涼州成河西之右臂

于是五州盡復諸族懾從逆者攻以兵順者役

西夏書事 卷八

其眾卒之暴戾速亡驕盈致敗不死于天討而

死于流矢佳兵不祥理固然耶然夏綏傾覆沙

磧流離田少一成卒無一旅終能恢萬里之基

創累世之業亦可謂有志者事竟成也

子德明嗣

德明保吉妻野利氏生深沉有器度多權謀時年

二十三嗣位于保吉柩前稱定難軍留後以左都

押牙張浦兼行軍左司馬綏州刺史趙保寧兼右

司馬指揮使賀承珍兼左都押牙劉仁勗為右都

二

押牙破丑重遇貴為都知蕃落使白文壽賀守文為都知兵馬使何憲白文贊為孔目官郝貴王旻等為牙校復以李繼瑗為夏州防禦使李延信為銀州防禦使其餘陞賞有差

二月告哀于契丹

契丹主贈保吉尚書令遣西上閣門使丁振弔慰遼史禮志夏告終使至契丹主于行宮左右下卸帳設使客幕次于東南使者入有司以嗣子表狀先呈樞密院准備奏呈先引北面臣僚各常服近御帳相對其餘臣僚並朝服依班位序立引使人右入至丹墀面殿立引右立揖少前拜跪奏訖宣問若嗣子已立恭身受旨奏訖復位嗣子未立

西夏書事

卷八

三

不宜問引右下丹墀面北鞠躬通班畢引面殿再拜奏聖躬萬福再拜出班謝面天顏復位再拜出班謝遠接復位再拜贊祇候退就幕次再入依前面北鞠躬通辭再拜敘戀闕再拜贊好去乃畢

三月麟府兵襲神堆禦之失利

夏州蕃部寇洪德岩閣門祗候段守倫率兵拒之力戰三日擒獲甚眾事聞真宗諭緣邊部署鈐轄乘保吉死速圖攻取之策于是麟府路出兵攻神堆夏兵戰不勝營柵盡破

始遣使如鄜延

鄜延鈐轄張崇貴移書德明諭以朝廷恩信德明

遣使報稱未葬難發表章請俟釋服稟命崇貴請遣使弔問令大臣至邊召其親信張浦等議之

夏四月夏州蕃部指揮使都尾走降于洪德岩

環慶邊臣皆以德明初立乞行招撫知鎮戎軍曹

瑋言繼遷擅河南地二十年兵不解甲使中國有

西顧之憂今其國危子弱部族離心不即乘此捕

滅後更強盛不可制矣願假臣輕兵出其不意擒

德明送闕下復河南為郡縣此其時也真宗欲以

恩致之詔德明審圖去就並諭蕃族萬山萬遇龐

西夏書事

卷八

四

羅逝安鹽州李文信萬子都虞候及都軍吳守正

馬尾等能率部下歸順者授團練使銀萬兩絹萬

匹錢五萬緡茶五千斤其有亡命叛去者皆釋罪

甄錄諸蕃以保吉殘暴久不聊生聞詔書招撫爭

觀之無不泣下于是夏州蕃部指揮使都尾率屬

入降 張溥曰西事自靈州之陷夏乃日逞迨繼

遷死德明初立斯時國危子弱真宗不從曹瑋之

請恢復河南至元昊習兵而宋重困矣但慕春秋

不伐喪而不知臥榻鼯睡太祖有明戒也譏宋亡

者云聲容盛而武備衰議論多而成功少于夏事已見之矣

五月子元昊生

德明三娶一衛慕氏次咩米氏次訛藏屈曠氏衛

慕氏銀州大族嘗與德明游賀蘭山夜夢白龍繞

體遂有妊懷十二月至是月五日生啼聲英異兩

目奕奕有青光德明愛之字為鬼埋曾氏隆平集作小名崖塊

國語謂惜為鬼富貴為埋也

涼州亂遣兵攻之不克

西夏書事

卷八

五

西涼自保吉死與蘭州龔谷宗哥覓諾諸族謀拒

夏州德明遣兵攻掠朔方節度潘羅支率蕃衆禦

之夏兵不勝而還

趙保忠死

保忠狀貌雄毅居環列奉朝請常怏怏不自得咸

平中丁內艱以本官起復遷金吾衛上將軍判岳

州移復州至是病劇上言有子永奇凶惡不受教

訓乞配春梅州真宗以戎人獷悍且病語不實授

以永州別駕使監軍察之保忠尋卒贈威塞軍節

度使天禧中錄其孫從吉為三班奉職

按保忠臣于宋歿于宋何以書于夏編終其入

朝獻地事也去官書死何惡反覆也反覆雖王

侯之貴與蠻夷盜賊同書所以誅奸頑于身後

而立名教之防也

六月發兵攻者龍族殺朔方節度使潘羅支

初保吉死潘羅支使其甥厮陀完獻捷已遣兄邦

逋入奏欲更舉部族及回鶻精兵直抵賀蘭山討

除殘孽請發大兵援助真宗詔涇原部署陳興鼓

西夏書事

卷八

六

衆赴石門策應兵未發保吉故黨迷般囑及日逋

吉羅丹二族亡歸者龍共圖羅支以報仇者龍凡

十三族其六族附迷般等迷般陰請德明遣兵攻

者龍羅支率百餘騎赴援議事間二族猝起戕羅

支于帳下事聞贈羅支武威郡王

復取涼州

潘羅支死西涼大亂六谷諸酋共推羅支弟厮鐸

督為首領德明乘人心未定率兵復攻西涼取之

秋七月葬保吉于賀蘭山

在山西南麓寶元中元昊稱帝號為裕陵

八月萬子軍主以兵寇永寧砦

萬子軍主與萬山萬遇等族同附保吉數為中國
患邨延鈐轄張崇貴築臺于保安軍北召戎人所
親信者與定盟約歸順者日衆萬子軍主不應率
屬犯永寧砦知鎮戎軍曹瑋與河西藥令族合謀
合擊敗之斬首二百餘級于是蕃官茄羅兀賊成
王等皆獻馬贖罪請內附

九月使如契丹謝弔贈

西夏書事

卷八

七

并以保吉遺物獻

冬十月銀州屬蕃侵麟州

銀州蕃族乘潘羅支身亡聚衆攻麟州西京作坊

使李繼周率兵會永寧軍主李繼福擊退之

十二月孔目官何憲走降于邠州

憲靈州人保吉破州城時得之愛其才使掌兵數
事德明立授孔目官嘗勸德明勿殺潘羅支以為
後日納款計不聽乃挈家乘間走邠州請降部署
以聞真宗詔令乘傳赴闕

景德二年契丹統和二十三年春正月德明遣趙保寧如契丹
請封

德明嗣職期年未膺封冊蕃族多懷觀望行軍司
馬趙保寧言國家疆宇雖廓自西涼擾亂先王被
害蕃衆驚疑若不假北朝威令懾之恐人心未易
靖也德明遂遣保寧獻方物契丹以請封冊契丹
主曰此吾甥也封冊當時至待保寧加禮遣回
二月以下青城告契丹

契丹自澶州之敗雖與中國講和其戎心未嘗一

西夏書事

卷八

八

日忘故許德明封冊以為臂使之需德明欲臣中
國慮其見疑乃以兵下青城告

按 青城之役宋遼二史不載亦偽詞也德明嗣

位未幾詐偽一如乃父洵亂世奸雄哉

出兵寇環州破旺家族執首領都子

蕃部累奏德明迫脇攻劫狀真宗命安撫使向敏
中諭之敏中言掠去蕃口勢不能給還惟令自作
要約以絕後犯德明不聽舉兵入環州境攻熟戶
旺家族執都子等去都子所部亦獲德明軍主慶

吉以獻

附

宋史吐蕃傳景德二年厮鐸督遣甥阿昔來

貢且上與德明戰功狀並言蕃帳周斯那支有

智勇請授六谷都巡檢使上從之攻李氏長編

載此事于是年二月其戰在何時真宗紀及夏

國傳皆不書

夏六月遣牙將王旻入貢請降

德明聞石隰部署耿全斌率兵入伏洛關招誘蕃

族諸部內附者數千人禁之不能止謀之張浦曰

西夏書事

卷八

九

先王遺命應即表聞緣降之太易彼將輕我今兵

復西涼國威已振請之此其時矣乃遣玉旻以保

吉遺言奉表入獻畧曰同軌同文王者大車書于

一統至神至聖遠人瞻天日于無疆臣父承闔邊

陞蒙恩優渥方且心乎王室拱北極而抒誠靡意

難起同袍

謂党項諸族也

糾西蕃而生事遂致鞠躬盡瘁

賚恨莫伸然而戀闕深情平時懇切作忠遺教垂

沒叮嚀臣賦性顛蒙素懷恭順向居苦塊欲進表

而無由今屬禪除敢請臣之或後恭惟皇帝陛下

德超遠古道建大中海不擇乎細流朝宗者必納

山豈遺乎土壤環向者咸依伏望俯鑒孤忠得盡

小心翼翼垂憐微末克遵先訓諄諄存沒啣恩子

孫感德云云真宗見表賜旻錦袍銀帶遣侍禁夏

居厚持詔荅之賞給甚厚已遣閭門通事舍人焦

守節諭張崇貴以保吉昔時變遷之狀今當使德

明自為誓約納靈州土疆止居平夏遣子弟入宿

衛盡散蕃漢兵送還掠去官吏及質口封境之上

有侵擾者稟命朝廷令旨凡七事則許德明以定

西夏書事

卷八

十

難節度子歲賜給內地節度俸聽回圖往來及放

行青鹽凡五事崇貴等呼旻示之如能順命即降

恩旨繼而德明使張浦詣崇貴面議但多邀求不

肯自為誓約也

秋七月契丹冊為西平王

契丹主使北院樞密副使蕭承德持節封德明西

平王復姓李氏賜車旗衣幣等物

九月都知兵馬使白文壽入貢

真宗以德明誓約未定命樞密使向敏中自永興

軍赴鄜延經畧之敏中使人招諭德明乃遣文壽入貢

冬十月趙保寧如契丹謝封冊

義成公主無所出契丹冊德明時諭以善事公主

克光先烈德明遣保寧往謝且日恪遵諭詔未敢

有違也

十二月教練使郝貴入貢

中國答賜甚厚

博州防禦使李克文卒

西夏書事

卷八

十一

克文在鎮恭謹守法保吉之亂口不言兵卒贈岳

州防禦使大中祥符中子繼元為開門祗候上表

言已與繼遷本五從兄弟名同上字心甚恥之願

改名守元真宗詔從之擢供備庫副使厚其廩給

按具官書卒錄賢也克文實肇夏州之禍然非

其意料所及况入朝以後頗稱恭順即博州之

置亦不聞稍有怨悻較之保忠可謂李氏賢裔

矣故仍得書于夏編

景德三年

契丹統和二十四年

夏四月德明妙娥等族走降于

鎮戎軍

夏州妙娥熟鬼數大族見德明孤弱以蕃書移鎮

戎軍請拔帳自歸諸將猶豫不敢應知軍曹瑋曰

德明野心不折其翮後必飛揚即日將兵出石門

薄天都山受降者內徙諸小族皆望風納質德明

不敢拒

遣使貢馬表乞恩命

德明先遣左都押牙賀承珍獻馬已遣兵馬使賀

守文入貢先是向敏中張崇貴屢與德明書議立

西夏書事

卷八

十一

蕃約德明遷延其辭于七事未肯承也表文但云

乞先賜恩命餘徐議之

六月周伯星見遣使入賀

德明聞中國司天奏周伯星見復遣賀承珍入賀

秋七月獻馬謝賜

德明獻馬五十匹謝連次賜答之物真宗復賜襲

衣金帶器幣並諭自今答賜勿復謝恩

熟戶潘保薛等內投表請誅之不得

保吉曾掠延州蕃部潘保薛四族安置綏州已而

挈族內奔鎮戎軍鈐轄秦翰出兵應之德明訴于朝願舉刑章翰言四族本延州熟戶茲還舊居非新有招納也真宗詔張崇貴移報德明自今勿復侵預境外

八月謀侵麟州

河東蕃落諸將因德明信約未定皆訓練士馬料率器械以待德明謂其圖已點集諸族戎人謀入河東掠麟府諸州內屬蕃戶偵知以報向敏中請命帥臣鎮之已而德明兵不出

西夏書事

卷八

三

按謀侵未侵也何以書誅其心也于是抄掠之計集議已定特因事機洩露聞有備中止耳書以罪之

斬渭州叛卒于境上

渭州戍卒十餘人叛入夏州德明納之偵者以告都鈐轄曹瑋瑋方與客奕佯怒曰我固遣之汝顯言之何也德明聞即斬叛者投其首于境上

九月遣使進誓表

先是真宗詔許德明毋納靈州止遣子弟入宿衛

及母得攻劫西路進奉蕃部縱有爭競並取朝廷和約他約悉除之然猶不聽回圖往來禁放青鹽至是河西諸羌多請內附真宗因德明歸順下詔諭止令其各守疆場德明感恩遣右都押牙劉仁勗奉誓表請藏盟府且言父有遺命永無貳心又言所乞回圖及放青鹽禁雖宣命未許然誓立功効冀爲後日賞典也

按此西夏進誓表之始

行牒索降蕃于鄜延

西夏書事

卷八

四

景德初綏州蕃部指揮麻結內附真宗命給府州地居之德明行牒鄜延請還本道朝議以麻結降在進誓表前諭止之

按此西夏行牒之始

冬十月復受定難軍節度使爵西平王

真宗嘉德明降授特進檢校太師兼侍中持節都督夏州諸軍事行夏州刺史上柱國充定難軍節度夏銀綬宥靜等州管內觀察處置押蕃落等使宋史石普傳趙德明納款詔降制命鄜延路都總管石普言不宜授以押蕃落使使之總制屬羌則

強不可制矣乃止兼管內蕃落使與夏國傳異爵西平王食邑六千戶實封三千戶又賜推忠保順翊戴亮節功臣號遣內侍左右班都知張崇貴太常博士趙湘充旌節官告使賜襲衣錦帶銀鞍勒馬銀萬兩絹萬匹錢三萬貫茶二萬斤 劉平曰趙德明僻守一隅畏王師問罪數馳驛奏願備藩臣于時朝廷若止棄銀夏綏靜四州限山為界則德明遠居漠北可無後日患矣乃以靈宥兩州及山界人戶并授之山界蕃漢勁勇善戰使德明得畜甲治兵漸滋邊患此

西夏書事

卷八

五

鄭延環慶涇原秦隴諸州終不能弛備也

按此李氏復王爵之始

責子弟入質不遣

詔使數責子弟入質德明以入質非先世故事不肯遣惟獻御馬一十五匹散馬七百匹橐駝三百頭謝恩

十一月使請俸賜

德明使至京師特請俸子因市禁物隱關算為奸利朝議聽之自是歲以為常

十二月環州降酋蘇尙娘叛執之西界蕃部奔投內地者德明輒入境追逐久之不止乃表言臣所管蕃族近日多投鎮戎軍蓋秦翰等招納不已也今臣已受朝命乞賜曉諭真宗以表示邊臣止之環州酋蘇尙娘曾禦保吉有勞屢告夏州機事授臨州刺史已叛投德明至是復求內附部署以聞廷議以尙娘反覆無信特恐狙詐以誤邊吏又使德明緣此為辭不可納也德明聞遣兵執尙娘歸

西夏書事

卷八

六

西夏書事卷八終

西夏書事卷九

青浦 吳廣成西齋 纂

景德四年

契丹統和二十五年

春三月德明使謝廩俸

宋制節度使俸給錢四百千粟一百五十石春冬

加絹各百匹大綾各二十匹小綾各三十匹羅各

十匹綿各五百兩惟諸王皇族充節度及藩鎮管

軍節度則有之外蕃遙領者不與焉真宗賜德明

廩俸悉與內地節度同德明感恩遣使奉表自稱

草土臣獻馬五百匹橐駝三百頭以謝故事賜物

西夏書事 卷九

謝恩止給來使緡帛真宗以德明進奉頻數加賜

襲衣金帶器幣

請于京師市易

德明表請進奉使至京師市所需物詔從之

夏四月建館舍于綏夏二州

德明以中國恩禮優渥天使頻臨遂于綏夏州建

館舍二曰承恩曰迎暉五百里內道路橋梁修治

整飭聞朝使至必遣親信重臣郊迎道左禮儀中

節漸有華風

五月母罔氏卒遣使告哀

德明嫡母罔氏卒遣都押牙賀承珍詣京師告哀

真宗命殿中丞趙稹為弔贈兼起復官告使授德

明鎮軍大將軍右金吾衛上將軍員外置同正員

餘如故德明以鼓樂迎至柩前明日衣禫衣受賜

泣對使者曰蕃夷母喪蒙天子弔贈起復寵榮極

矣及葬請修供五臺山十寺為母祈福真宗遣閣

門祇候袁瑀為致祭使隨護送德明所供物至五

臺李氏長編德明請詣五臺寺修設追薦其母陳堯叟欲令張崇貴諭以路由河東多涉軍壘不

西夏書事 卷九

便聽由鎮州路上日宜令崇貴答以不敢奏聞若誠願則聽致施物于鄜延委崇貴差人送五臺也與宋史夏國傳異

按

此西夏告哀中國之始

契丹使來弔祭

且賜起復

行牒延州請止保安軍修驛

自德明納款真宗令緣邊城池依誓約應行修葺

外自餘移徙砦柵開復河道無大小悉禁之時保

安軍起葺驛舍德明移牒延州言邊民擾懼不安

願罷其役從之

六月貢馬助皇后園陵

章穆皇后初葬德明獻馬五百匹助修園陵真宗嘉納之

索夏州民劉岩等不得秋七月請置榷場于保安軍先是夏州民劉岩等二十餘人內屬給以延州曠土耕之而所居當綏州要路德明部族出入多為搶戮及德明歸順移牒求岩等復還真宗難之頗嚴邊禁德明請置榷場于保安軍許蕃漢貿易朝

西夏書事

卷九

三

議從之令以駝馬牛羊玉玷瑱甘草易繒帛羅綺以密蠟麝香毛褐獬狝角礪砂柴胡茯苓紅花翎毛易香藥蠶漆器薑桂等物其非官市者聽與民交易

按此西夏復互市之始

九月出兵攻六谷不果行

六谷諸酋久推忠順自潘羅支死折道游龍鉢等盡歸德明部下惟羅支弟朔方節度西涼府六谷大首領厮鐸督猶與德明抗德明以六谷世仇意

將阻絕使人使不得列于緣邊屬戶侵掠無虛日厮鐸督潛以蕃書入訴真宗令張崇貴諭之德明不聽率兵屯境上謀取六谷厮鐸督授結回鶻為備德明兵不出

冬十月請行儀天歷

宋初用周時舊歷建隆三年始命司天少監王處訥別造新歷命名應天太平興國中改為乾元真宗嗣位命司天監史序攷驗前法研覈舊文取其樞要成儀天歷時咸平四年三月也西夏自保吉

西夏書事

卷九

四

倣擾羌戎不知正朔幾二十年德明遣貢使表請真宗以新歷并冬服賜之初詔延州牙校賈往比聞德明葺館舍修道路以待朝命乃命閣門祗候往賜德明受而行之

按此西夏受歷之始

十一月請于麟州置榷場

真宗以延州已置不許

大中祥符元年契丹統和二十六年春正月德明賜守正功臣號

益食邑千戶實封四百戶時天書降于承天門故有是賜守正乃賜中書樞密號也

出兵侵甘州回鶻

回鶻有甘州沙州西州新復州數種而甘州地逼西夏其可汗夜落紇嘗與沙州可汗祿勝數出兵為保吉難保吉死德明思報怨遣將張浦率騎數千抄掠其境夜落紇出兵拒之浦不能勝

三月復遣萬子等族襲甘州大敗

張浦兵還德明遣萬子等四軍主悉其族兵取六

西夏書事

卷九

五

谷進圖甘州萬子軍主至西涼見六谷兵盛不敢攻徑趨甘州襲回鶻回鶻偵知設伏示弱不與鬪俟其過奮擊之剿殺殆盡軍主挺身走免其被擒者回鶻驅坐于野悉以所獲資糧示之曰爾輩鼠規求小利我則不然盡焚訖乃殺之

夏四月請市青鹽

鹽乃中國利藪鹽州五原縣烏白池所出青白二鹽味勝解池邊人商販者多西戎久擅其利自保吉騷動禁止入塞德明初附時力請放行不得是

時見朝廷恩禮日隆致書于鄜延部署張崇貴請之崇貴以聞真宗以德明所納誓表付崇貴諭之蓋向未載放鹽事也

五月夏州屬戶擾涇原

涇原向少籬籬保吉時鈐轄秦翰規摩要害嘗以三十萬工鑿巨壘數年而成保吉遂不能入寇時夏州屬戶以德明納款輒越壘侵掠涇原德明不禁真宗遣翰巡視邊部夏人聞翰至懼而退

六月殺銀夏三州旱

西夏書事

卷九

六

殺銀以大理無定兩河為灌溉近甘涼間則又有居延鮮卑沙河諸水襟帶迴環故歲無旱澇之虞是時天時亢旱黃河淤淺諸水源涸居民惶亂邊臣以聞真宗詔榷場勿禁西人市糧以賑其乏

秋七月太白犯輿鬼

入積尸

八月自將侵甘州不克
甘州兵乘勝追逐德明不能拒越黃河走免可汗夜落紇上言乞朝廷署孔目官一員至本道以撫

納羌衆真宗慰諭之

九月靈夏飢表求粟百萬未得而罷

西北少五穀軍興糧饋多用大麥華豆青麻子之

類其民春食豉子蔓鹹蓮子夏食菘蓉苗小蕪蕒

秋食席雞子地黃葉登廂草冬則畜沙葱野韭柁

霜灰祿子白蒿鹹松子以爲歲計時綬銀久旱靈

夏禾麥不登民大飢德明遣使奉表求粟百萬斛

廷議不知所出或言德明方納款而敢渝誓請降

詔責之宰相王旦曰第語德明爾土實饑朝廷撫

西夏書事 卷九

七

馭荒遠固當賑救然極塞芻粟屯戍多不可輟易

已敕三司具粟百萬于京師可遣衆來取德明得

詔慚且拜曰朝廷有人臣不合如此遂止續綱目

于三年冬十二月考李氏長編云此事不審何時

然據羣臣言德明方納款則亦可隱度故因夏州

早連按救患分災禮也春秋之世歲飢告糴何國茂

有求粟百萬則異矣未得而罷則尤異矣

冬十月遣使入獻賜兼中書令

德明聞中國封泰山遣使入獻真宗令西京左藏

庫使閻承翰爲加恩官告使賜德明兼中書令益

食邑一千戶實封四百戶承翰因德明于綏夏各

建館舍恭伺王人使還亦請于浦洛河置館以待

夏使詔以荒貧勞役不許

大中祥符二年契丹統和二十七年春三月德明移牒鄜延請

罷慶州濬濠

德明遣人輒由間道竇違禁物竊市于邊環慶都

鈐轄曹瑋發兵濬慶州濠堽過之德明牒鄜延鈐

轄李繼昌言其事中朝方務招納遂罷之

西夏書事 卷九

八

夏四月遣兵攻甘州敗還

夏俗以不報仇爲恥德明與回鶻世仇憤其兵數

敗遣張浦將精騎二萬攻甘州可汗夜落紇拒守

經旬伺間遣將翟苻守榮夜出兵襲之浦大敗還

夜落紇令左溫宰相何居錄越自秦州獻捷表陳

兵敗德明其立功首領請加恩賞真宗詔給司戈

司階郎將告敕十道使得承制補署

六月謀者盧蒐入環慶被獲

邏卒捕得之法當死真宗詔械送夏州令德明自

處之

冬十一月使請市弩

德明進奉使白守貴請市弓弩朝議以舊制弓矢

兵器不入外夷不許

十二月復出兵侵甘州恒星晝見懼而還

德明精天文通兵法夏俗出兵先卜其法有四一

炙勃以焦艾灼羊髀骨一辨算辨竹于地以求數

若探著然一咒羊夜以羊焚香祝羊又焚穀火布

靜處晨屠羊視其腸胃通則兵無阻心有血則不

西夏書事

卷九

九

沈括筆談西戎用羊卜謂之跋焦卜師謂之厥

利以艾灼羊髀骨視其兆謂之炙跋焦其法兆

之上為神明近脊處謂之坐位坐位者主位也近

旁處為客位蓋西戎之屬所居正寢常留中一間

以奉鬼神不敢居之謂之神明主人乃坐其旁以

此占主客勝負又有先咒粟以食羊羊食其粟則

自搖其首乃殺羊視其五臟土人九神四聽弓以

之謂之死跋焦與未史夏國傳稍異

矢擊弓弦審其聲知敵至之期與兵交之勝負及

六畜之災祥五穀之凶稔是時德明自出兵攻回

鶻恒星晝見經天下之不吉大懼還

按德明甘州之役四書矣茲書復甚之也然能

因星變而懼則猶有畏天意焉

契丹使來告哀

承天皇太后喪也

大中祥符三年契丹統和二十八年春三月德明母野利氏卒

野利氏德明生母既卒鄜延路以聞宰臣曰德明

頃年以告母喪朝廷錫以命典蕃戎之俗諸母衆

多必俟其有請別加商議既而德明不告哀中國

亦置之

按書卒不書告哀著夷俗也夷俗諸母衆多使

不勝告然以生母并畧之亦成其為夷而已矣

西夏書事

卷九

十

夏六月攻河州諸羌破之出大理河築蒼耳平柵

德明境內荒歉與鄰近族帳爭博羅量斛以平物

價又點集所部廣作礮樓西攻河州宗哥諸族破

之盡掠其貨財出大理河至蒼耳平築柵戍兵與

永平界蕃族日相劫殺

遂寇延州

德明遣鄜延都鈐轄張崇貴書稱遣牙校貢馬并

言延州熟戶明愛侵其綏州地崇貴疑其詐潛遣

兵戍境上德明果以兵三千入寇兵未發先遣所

部緣邊貿易潛覘虛實俄而衆突至戍兵出不意逆擊大敗還

按此德明擾邊之始前書侵麟府伐其謀也茲

書寇延州實其事也

秋七月蕃族萬子太保掠西蕃貢使于天都山

吐蕃部署綽克宗向屬西涼府咸平中爲趙保吉

所破徙居龕谷至是聞夏州歸順以馬三百匹入

貢過天都山德明屬下萬子太保見而奪之得至

京師僅二十餘匹此事實錄正史皆不載今據會要錄之

西夏書事

卷九

十一

按上書德明茲書蕃屬上尤下效勢固然也

九月契丹封德明夏國王遂建官闕于鐵子山

契丹主隆緒以德明朝貢時至遣使持冊封爲夏

國王宋史夏國傳大中祥符元年契丹遣使冊德明爲大夏國王考遼史聖宗紀大夏國王至

太平元年始德明益自大役民夫數萬于鐵子山

封宋史誤大起宮室縣亘二十餘里頗極壯麗山在陝西延

州境西北德明駐軍于此蓋欲窺中國也

按春秋遂者繼事之辭德明因朝廷姑息桀驁

漸形然未敢顯逞也迨契丹予以國號加以王

封遂敢建官闕窺邊境大起僭端德明之跋扈固可誅而契丹教孫之罪其又奚辭比書以交惡之

冬十二月奉表自陳

德明表訴明愛侵耕綏州界乞遣使按視眞宗詔

張崇貴詳度令明愛等還居內地然實未侵其界

仁宗詔令在四年正月茲連敘之

大中祥符四年契丹統和二十九年春二月德明遣使入貢

德明貢使所過州軍官吏犒設頗簡眞宗以遠人

西夏書事

卷九

十一

按慕義接不以禮恐生慢心特詔戒之

夏四月賀正汾陰進中書令

德明聞中國祀汾陰貢馬稱賀禮畢賜德明衣帶

鞍馬器幣賓佐將士銀帛茶葷時貢馬子弟或與

京城民爭毆折其齒開封府言當杖脊眞宗詔付

鄜延路令移文德明就彼裁處尋遣勾當皇城使

韓守殷作坊使張佶爲官告使進德明中書令

秋八月掠回鶻貢奉使西蕃宗哥族發兵援之

甘州數與夏州戰夜落紇所遣貢使過境德明遣

人抄奪吐蕃宗哥族咸中國恩化發兵護送方得

至京師

九月攻涼州樣丹族不克

樣丹西涼大族自作文法素不屬夏州德明遣軍

校蘇守信領蕃騎襲擊六谷大首領所鐸督會諸

族禦之大敗守信兵守信西涼人也

大中祥符五年契丹開泰元年春正月德明入貢

夏州貢使在道市物頗擾民真宗詔所在有司嚴

示約束

西夏書事

卷九

三

三月誘延州蕃落不得遂以侵黑林平地入奏

鄜延鈐轄張崇貴卒德明益踰軼常令所部釀酒

招內屬蕃戶飲之誘其叛附飲者多不如約延州

黑林平地向與夏境鄰德明誣為熟戶侵佔真宗

令陝西轉運使薛奎按驗奎閱郡籍得德明嘗假

道黑林平文移錄示之德明乃伏

獻馬契丹

契丹畜牧之法西夏與室韋例進馬三百匹是時

德明以良馬二百匹凡馬百匹獻契丹主優賜之

夏四月表乞綏州土田人戶

德明上表請以綏州土田人戶割隸本道邊臣爭

之不許德明復使詣闕上訴真宗詔陝西轉運使

取德明元進誓書與邊臣詳定報之

冬十一月中國禁使臣造軍器

德明供奉使至京輒仿中國制潛造軍器攜歸真

宗下詔禁之

十二月加太保

聖祖降于延恩殿覃恩

西夏書事

卷九

十四

大中祥符六年契丹開泰二年春二月德明如斂子山

德明雖臣宋與契丹而僭擬日甚是時由夏州如

斂子山大輦方輿鹵簿儀衛一如中國帝制

按此德明僭帝制之始

夏五月党項曷党等部來投不納

東山党項諸部皆順契丹因徵發悉道黃河北

依模赧山以居惟曷党烏迷兩部尙居故地遣使

約歸夏州德明不敢納

秋七月以兵從契丹攻党項

契丹主聞曷党等西歸遣使撫諭不聽賜詔德明曰党項叛我今欲西伐爾當東擊毋失犄角之勢德明出兵境上應之

八月契丹使賜車馬

契丹主以夏兵助討党項遣引進使李延宏賜德明及義成公主車馬

九月旺家族首領都子走還環州

隨之走者又三族

大中祥符七年

契丹開泰三年

春二月德明遣使入朝加宣

西夏書事

卷九

五

德功臣號

宣德賜皇子皇親號也德明聞車駕謁太清宮遣使詣行闕朝賀獻方物特加賜號寵異之

秋七月張浦卒

浦銀州人事保吉德明兩世忠誠練達知無不言及卒德明臨其喪哭之慟贈銀州觀察使元昊僭號追封銀川伯

按書夏臣卒始此

冬十一月遣使入貢

德明進奉使每挾帶私物規免市征鄙延路鈐轄張繼能奏請條約真宗以戎人遠來獲利無幾命第如舊制

西夏書事

卷九

六

西夏書事卷九終

西夏書事卷十

青浦 吳廣成西齋 纂

大中祥符八年契丹開泰四年春三月德明表請市鹽復責入質不遣

德明以西鹽不通蕃部困敝遣牙內指揮白守貴詣京師陳請朝議德明必欲通鹽禁惟子弟入質方許蓋以必不肯從之事絕之也德明果不肯遣于是禁鹽如初

夏四月蕃部浪密囊等叛投環州

西夏書事 卷十

一

德明蕃部指揮浪密囊麻孟桑二人投環州真宗以前有熟戶逃亡曾為西界所納可移牒追取俟其遣還乃以浪密囊等付之

五月遣使入獻

夏國進奉使入邊輒奪其所乘馬邊人以價值賤爭市之于是使者帶馬日多疆吏以聞真宗詔嚴其禁

秋八月西蕃唃廝囉攻夏州拒卻之

唃廝囉吐蕃贊普裔初居宗哥城與論逋李立遵

不協徙居邈川有勝兵六七萬自西涼破潘羅支

舊部聳昌廝均等悉歸唃廝囉回鶻降者復數萬

由是富強時以兵攻夏州德明禦卻之唃廝囉希

朝廷賜子請聚舉國之衆助討夏州真宗以其累

次侵邊或有變詐命周文質監涇原軍曹瑋知秦

州備之

冬十一月築堡麟州建榷場

初延慶二州熟戶其親族在西界輒私致音問潛

相貿易夏人因以為利中國察其奸不許德明乃

西夏書事 卷十

二

于麟州之濁輪谷築堡建榷場以誘致商旅真宗詔緣邊安撫使禁止之

大中祥符九年

契丹開泰五年

夏五月德明使蕃騎寇慶州

德明數請市鹽私置榷場不得在國點閱兵馬陰

謀侵掠兀泥族大首領名厓其從父盛信先為保

吉所虜授白池軍主密遣使告名厓名厓以聞真

宗命邊臣謹備之至是有夏州蕃騎千五百入寇

慶州為內屬蕃部邀擊敗還

按

宋史真宗紀五月夏州蕃騎千五百入寇慶

州不言德明使茲特書之蓋德明以市鹽建場不遂其欲糾集兵騎陰謀內擾慶州之寇不謂德明使不得也

追上保吉尊號

德明既僭帝制令官屬建議祀典劉仁勗曰先王創造大業中道崩殂今徽號未加非報本追崇之意德明用其言上保吉尊號曰應運法天神智仁孝至道廣德光孝皇帝廟號武宗群臣上表賀

按史言德明稱帝國中然猶外順宋命未有明

西夏書事

卷十

三

據觀于追上父號僭越顯然矣

秋七月夏州甘露降

德明大救國中

按德明嗣位十餘年一書夏州旱再書恒星晝見皆災異也因其時圖伐甘州戾氣致變天道人事原相應耳茲書甘露降豈夏州朔漠有善政足以致之抑中朝之受天書迎聖祖草木雲霧無不稱祥上有好而下有甚者乎然德明自是而後併甘涼降瓜州兵威日熾是適以滋其

悍也

冬十月遣使入貢請詔約邊臣

德明數苦邊境鄜延鈐轄張繼能削竹為簽署其上云以備記將士殺獲功狀德明聞之懼遣大校劉仁勗貢馬二十四匹上言蕃漢部落戎寇祿居劫掠是常通亡不一臣自景德中來進誓表朝廷亦降詔書應兩地逃民緣邊祿戶不令停舍皆俾交還從茲謹守翰垣頗成倫理自向敏中歸闕張崇貴云亡後來邊臣罕守舊制各務邀功不虞生事

西夏書事

卷十

四

遂致延綏涇原等界擅舉甲兵入臣境土其有叛亡部族劫掠主財去者百無一回臣之邊吏亦務蔽藏俱失奏論漸乖盟約臣今欲將所部應有南界背來蕃族人戶乞朝廷差到使臣就界上交付所有臣本道自進納誓表後走投南界蕃戶亦望下詔逐處發遣歸回未賜俞允即望敦諭邊臣悉遵詔約肅清往來之奸寇止絕南北之逋逃俾臣得內守國藩外清戎落豈敢違盟負約有始無終虛享爵封取誦天下但恐朝廷不委茲事詔未察

本心須至剖陳上干天聽真宗答詔曰卿世濟勲庸任隆屏翰翊忠規而奉上正師律以守藩布露懇誠條陳章疏載加閱覽備悉傾輸且國家奄宅中區統臨四海咸推覆育豈限邇遐凡命將帥之臣惟存備禦之戒所有文字往來辭說異同部族賤貧輾轉仇報掠過生口彼此交還其如不見端倪互相誣執或因緣懷竊增飾邀求朝廷固不細知邊壘亦爲常事及詳來奏深究弊源難悉難窮當申約束已令郵延涇原環慶麟府等路部署鈐

西夏書事

卷十

五

轄司今後約勒蕃部不得輒相刦奪擅興甲兵凡稍涉交爭須盡公措理其有廣佔阡陌隱庇逃亡晝時勒窮押送所管卿本道亦宜嚴戒部下不得更有藏匿各遵紀律共守封疆嘉歎之懷不忘寤寐

涼州守將蘇守信死十一月甘州回鶻攻破之

德明使守信守涼州有兵七千餘馬五千匹諸蕃畏其強不敢動回鶻貢路悉爲阻絕守信死其子囉麻自領府事部衆不服甘州可汗夜落隔遣兵

攻破之擄其族帳百餘斬級三百奪馬匹甚衆囉麻棄城走于是涼州屬于回鶻

天禧元年

契丹開泰六年

春二月德明加太傅

德明聞中國有大典禮必遣使入賀是時真宗改元詣玉清昭應宮上玉皇天尊寶冊袞冕謝天地于南郊大赦中外官並加恩會夏州使至詔加德明守太傅食邑千戶實封四百戶

夏六月有龍見于溫泉山

山在懷遠鎮北德明以爲瑞遣官祀之于是有遷

西夏書事

卷十

六

都之意

秋八月囉麻請取涼州不克

囉麻走入沙漠潛遣人至涼州約舊時蕃卒內應請德明出兵赴援回鶻結六谷諸部拒之卒不能克

天禧二年

契丹開泰七年

春三月德明掠甘州貢奉使

德明攻西涼不得志輒與甘州構難偵知其貢使安信等入京遣蕃部從間道掠之會正使先發僅得餘騎而還

秋七月吐蕃遣使假道不許

吐蕃別種可汗并里尊以朝貢契丹道紆不能猝

達契丹主諭以假道夏州并里尊遣使來請德明

不許

天禧三年

契丹開泰八年春二月德明繼立母卒

德明遣使告哀真宗以屯田員外郎上官僖充弔

贈兼起復官告使閩門祗候常希古為致祭使

按書卒不書氏史闕也

三月攻慶州敗官軍于柔遠砦

西夏書事

卷十

七

德明部落委乞骨咩大門諸族由柔遠砦寇慶州

巡檢楊承吉與戰不利真宗曰德明向順朝命邇

何頻次侵擾豈邊將失于撫綏耶命曹瑋為副都

總管環慶秦州緣邊巡檢使備禦之瑋至慶州骨

咩大門等族爭內降

宋史夏國傳載德明攻柔遠在真宗乾興元年之明年乃

仁宗天聖元年也而李氏長編在天禧三年三月

真宗紀骨咩大門等族歸附在天禧三年九月茲并敘之

冬十一月加崇仁功臣號

崇仁賜親王重臣者時真宗郊祀受尊號故覃恩

天禧四年

契丹開泰九年春正月德明屬羌寇延州

德明數受中國恩禮志氣驕盈不復謹約蕃部宥

州羌臘兒率眾劫延州熟戶門嵬族金明監押李

士彬率兵擊之斬臘兒奪馬三百匹真宗詔鄜延

部署司以其事報德明

夏四月兩月並出

見西南方

五月契丹兵攻涼州擊走之

并里尊以假道不許不復朝契丹契丹主歸罪德

西夏書事

卷十

八

明親將兵五十萬佯言出獵直攻涼州德明率眾

逆拒敗之

附

李氏長編天禧四年六月辛丑鄜延鈐轄周

文質言趙德明繼遣人騎寇掠熟戶望多發兵

馬于慶州界破蕩族帳以遏侵擾按德明繼遣

屬在何時宋史無考

冬十一月城懷遠鎮為興州定都之

靈州懷遠縣始于後周宋初廢為鎮保吉取靈州

時盡逐居民城外遂皆徙依懷遠德明以龍見之

祥思都其地謀之于衆僉曰西平土俗淳厚然地居四塞我可以往彼可以來不若懷遠西北有賀蘭之固黃河繞其東南西平為其障蔽形勢利便洵萬世之業也况屢現休徵神人允協急宜卜築新都以承天命德明善之遣賀承珍督役夫北渡河城之構門闕宮殿及宗社籍田號為興州遂定都焉宋史夏國傳德明城興州在乾興二年而李氏長編在天禧四年末其考異云德明正傳載城興州在李士彬斬羌酋臘兒後不得其時考士彬斬臘兒在本年正月故附年末今從之史臣曰河自南來入青銅峽與西夏羣山相會出

西夏書事

卷十

九

峽口北流三百餘里直接賀蘭興靈包絡其中可謂四塞險固矣西夏據此二百餘年後以韓范經營亦不能恢復雖元昊諒祚輩梟雄難制亦其憑恃者險也

按此西夏定都之始

天禧五年

契丹太平元年

夏五月德明終喪入內都知藍繼

宗來賜起復

德明與繼宗較射繼宗每發必中德明驚服遺以所乘名馬

按凡賜起復無故可不書此書美繼宗也德明自張崇貴卒輕視中國日肆鴟張今繼宗較射多中使知中朝材武即宦寺中且不乏人也

秋七月契丹暨夏平封德明大夏國王

德明既卻契丹兵謹封埃嚴點集為備契丹主見進奉使不至恐為邊患諭意講和德明亦請臣貢如初契丹主遣金吾衛上將軍蕭孝誠齎冊授德明為尚書令晉大夏國王

按西夏自繼遷跳梁德明款附雖有逆順之分

西夏書事

卷十

十

然其心總易視中國畏視契丹非惟資其援助抑亦憚其兵威也契丹知其然一切不稍假借故其勢常尊今一戰不勝而願與之平且稱為大夏是其不競直與宋同春秋例和而不盟曰平暨者不得已也書以譏之

冬十一月使如契丹謝

德明謝契丹封冊獻良馬二十匹凡馬百匹

乾興元年契丹太平二年春正月德明加純誠功臣號

德明自歸順以來每歲旦聖節冬至皆遣牙校進

獻朝廷恩錫官告每以襲衣五金荔支帶金花銀匣副之又銀沙羅盆合千兩錦綵千匹金塗銀鞍勒馬一匹副以纓遣內臣就賜之

夏五月表請大食國貢使取道夏州

大食波斯別種其入貢路由沙州涉夏境抵秦州德明思掠其進奉物上表請敕使者道其國中時仁宗新立知其詐不許詔大食自今入貢取海路由廣州入京師

秋七月納洪德崇蕃官慶香降

西夏書事

卷十

十一

環州洪德崇蕃族巡檢慶香與屬戶者龍等十八人詣供奉官胡寧給稱夏兵入邊諸族危迫寧信之率眾赴援至歸德川伏發戰死慶香率本族三百餘帳亡入夏界德明納之環州部署招之還者幾二百香等百餘戶不出

八月西蕃宗哥族侵夏州

天禧初宗哥族酋長馬波叱臘等與伏羌崇蕃部厮雜波連結為亂知秦州曹瑋率神武軍破之野吳谷餘眾遁走沙漠至是舉眾侵夏州德明治兵

相攻殺西州貢路不通

九月契丹使賀生辰

德明生辰契丹主使堂後官張克恭來賀

宋仁宗天聖元年

契丹太平三年

春正月德明加尚書令

仁宗即位改元故

二月萬子軍主蘇渴崑內附

中國授三班奉職賜名李文順居之陳州

秋八月掠平涼

戎人飄忽多詐出沒不時德明部落屢肆侵掠朝

西夏書事

卷十

十一

廷莫之問時有眾萬人入渭州直犯平涼方渠等州守將與軍候周美追擊破之戎人從九井原烏崙河道

冬十月閣門祗候康德興來賜冬服

德興父贊元雍熙中為作坊使嘗從曹光實襲地

斤澤夏人謂德興曰前戰靈武康將軍非先世耶

德興懼復仇給曰非也

按

上犯平涼此賜時服賞之愈濫威之愈微德明之肆宋實啟之

天聖二年契丹太平四年春二月德明作省嵬城于定州

定州省嵬山在懷遠西北百餘里土地膏腴向為

蕃族樵牧地德明于山之西南麓築城以馭諸蕃

夏四月綏州蕃寇保安軍

蕃族軍主罔列等擊敗之鄜延路以聞仁宗令以

其事報德明

六月遣使入謝

德明使至中國私市禁物隱關稅為奸利戶部郎

中薛奎知延州請留蜀道縑帛于關中轉致給之

西夏書事

卷十

三

熒遂絕宋史奎傳云事在元昊時李氏長編載在是年六月戊寅考奎以天聖二年六月知

延州三年二月徙并州旋改秦州七年二月參知政事景祐元年八月卒傳誤

冬十月月犯并鉞

鉞一星附東井前

天聖三年契丹太平五年夏五月太白犯辰星

在東井十三度

西羌亂六月遣使來假兵不許

環原州屬羌撒逋渴等擁眾數萬圍柳泉鎮鶻鵠

泉岩環慶都監趙士隆都指揮杜澄戰死洪德岩

主趙振引諸將援之抵平遠力戰七日破其圍斬

首數千級羌勢大衰使人渡河求助德明守境不

應羌眾不支請降

按德明洵有功于宋矣是時羌眾雖敗猶冀夏

州之援以圖再舉自德明拒之始望絕而降矣

書以予之

秋七月中國遣使來諭

羌人之亂仁宗以德明為疑遣使詔諭德明據實

以聞

西夏書事

卷十

四

冬十一月貢于契丹

契丹主以德明勢日強盛厚賜使者遣還

十二月月犯東井

按宋史天文志自是年十二月至六年七月共

月犯東井七

天聖四年契丹太平六年春二月德明請與并代二州和市

時陝西已有榷場二德明復請于并代路置場和

市仁宗許之

夏六月遣兵助契丹攻甘州

甘州回鶻阿薩蘭部叛契丹契丹主遣魏國公蕭惠徵諸路兵討之德明點集蕃衆遣之西出蕭惠攻甘州三日不克部下阻卜諸酋復叛急引歸德明兵亦還

秋八月癸亥入東井

十餘日始去

附 遼史聖宗紀太平六年冬十月遣使問夏國

五月與宋交戰之事考宋史仁宗紀是年五月

無夏人構兵事

西夏書事

卷十

五

天聖五年

契丹太平七年

春二月德明入貢

德明遣都知兵馬使白文美入貢方物且告其東

南蕃部多有叛入漢界者乞賜還仁宗詔鄜延部

署司據數遣之

夏四月歸中國逃戶

初中國沿邊軍民之逃者必爲熟戶畜牧或以遺

遠羌易羊馬故常沒者數百人間有自歸者中道

輒爲夏人所得是時仁宗聞落蕃戶口日多命夏

州護送境上德明遵詔還之

附 五朝史五月壬寅以延州金明縣都監李士

彬爲供備庫副使初西人寇金明士彬與弟士

均率兵擊敗之斬首千餘級據長編考異云西

人或是趙德明或是屬羌未攷

秋九月有星沒東井

出于北河沒于東井

按 德明自仁宗登極西州尙屬相安而恒星列

曜垂異分野史不勝書蓋是時元昊年長雄圖

漸啟戎馬生郊戰爭方始天文預兆未始無因

西夏書事

卷十

六

也

西夏書事卷十終

西夏書事卷十一

青浦 吳廣成西齋一纂

天聖六年契丹太平八年夏五月德明使子元昊攻回鶻取

甘州

初德明降真宗錄其誓表令渭州遣人資至西涼

府曉諭諸蕃部及甘沙首領于是諸州雖與德明

抗使介猶相往來及德明數侵回鶻其可汗夜落

隔益遣使貢方物結援中朝德明知其故遣元昊

將兵突至甘州襲破之李氏長編云德明每不聽元昊用兵其攻陷甘州想

西夏書事 卷十一

非德明意故傳稱元昊忽引兵襲破甘州是德明不在兵間可知攷德明于祥符中嘗五次圍甘州

李氏以為非德明意不可信夜落隔歸順王倉卒出奔元昊置

兵戍其地而還元昊取甘州實錄正史皆不著年月日長編併敘于德明臨卒時宋

史夏國傳則年而不用續綱目記在是年五月

按甘州東據黃河西阻弱水南跨青海北控居

延綿亘數千里通西域扼羌隴水草豐美畜牧

孳息漢竇融嘗謂河西殷富帶河為固張掖屬

國精兵萬騎一旦緩急杜絕河津足以自守豈

非以山川扼塞負隅易固哉晉張氏世有其地

併于苻堅後張掖為沮渠蒙遜所都唐嗣聖中

甘州積穀至四十萬斛瓜沙以西皆仰其餽貞

元後吐蕃據之遂以富強今德明得之恃其形

勢制馭西蕃靈夏之右臂成矣

遂立元昊為太子

德明三子長元昊衛慕氏生次成遇畔米氏生幼

成鬼訛藏屈曠氏生元昊性雄毅多大畧好衣長

袖緋衣冠黑冠佩弓矢每出乘馬令從衛步卒張

青蓋以二旗前導百餘蕃騎自隨十餘歲時見德

西夏書事 卷十一

明以馬椎易漢物不如意輒斬使者嘗諫曰吾戎

人本從事鞍馬今以易不急之物已非策又從而

殺之則人誰肯為我用乎德明奇之及長圓面高

準身長五尺餘沈括筆談曹瑋在陝西日聞元昊

不可得乃使圖其狀貌視之真通兵法精野戰歌

及太乙金鑑訣遇戰鬪謀勇為諸將先數勸德明

勿臣宋且曰吾部落實繁財用不足苟失衆何以

守邦不若以所得俸賜招養蕃族習練弓矢小則

四行征討大則侵奪封疆上下豐盈于計為得德

明日吾久用兵疲矣吾族三十年衣錦綺此宋恩
也不可負元昊曰衣毛皮事畜牧蕃性所便英雄
之生當霸王耳何錦綺為至是德明以元昊氣議
英邁諸蕃營服遂冊為太子

按僭國立子無故可不書此何以書惡稱太子
也太子非侯國所敢稱元昊梟雄德明先以帝
制待之他日之稱帝決矣

立衛慕氏為后

衛慕銀夏大族德明既立元昊為太子立衛慕氏

西夏書事

卷十一

三

為后以顯之

秋九月契丹使賀生辰

使人吳克勤應對嫺雅德明待之有加禮

天聖七年

契丹太平九年

春二月德明為元昊請婚契丹

元昊先娶於母族衛慕氏至是德明欲結好契丹

遣使請婚契丹主許之

夏五月觀察使阿遇子內奔阿遇掠麟州

遇子與父不合挈從人投麟州阿遇索之不得以

部眾入州境大掠民戶約還子乃歸所擄

秋九月麟州將張岳來索俘戶還之

麟州以阿遇侵掠不已縱其子還及索所擄阿遇
負約不遣安撫使令牙將張岳詰問阿遇辭窮留
岳共食以佩刀貫大轡啗岳岳引吻就刀食阿遇
復弦弓張鏃指岳腹而殺岳神色不動阿遇擲弓
撫其背曰真男兒也翌日與岳縱獵雙兔起馬前
岳發矢連斃之阿遇驚服遺岳馬馳悉歸所擄如
約

天聖八年

契丹太平十年

春三月回鶻瓜州王請降德明納

西夏書事

卷十一

四

之

瓜州回鶻乃沙州分部其王賢順見德明勢日熾

率屬請降

高居誨使于闐記云自靈州過黃河西

北五百里至肅州西渡金河西至瓜州西

西百里出玉門關經吐蕃界西至瓜州一統志瓜

州古西域地漢為敦煌郡晉分晉昌郡唐初置瓜

州後陷于吐蕃其城在肅州西五百二十里時

德明雖得甘州與瓜州相距千里中隔肅州回鶻

與夏國世仇賢順何以遽降宋史回鶻傳不載疑

夏國傳有

悞俟攷

秋九月火星入南斗天子下堂走德明出居賀

蘭山藏之

冬十二月德明獻馬求經

德明獻馬七十匹乞賜佛經一藏仁宗從之并以

祀園丘大赦加賜德明功臣號

天聖九年契丹太平十一年

夏六月契丹使至興州告哀

契丹聖宗崩也

冬十月遣使如契丹奠慰

德明先遣使奉慰繼使銀州都押牙賀惟貴奠慰

遼史禮志夏奠慰進聘使至契丹契丹主與太后居葭塗殿分南北間坐使至幕次宣賜素服皂帶

西夏書事

卷十一

五

更訖先祭奠使副捧祭文南洞門入臣僚並舉哀

至丹輝立西上閣門使受祭文上殿啟封置香案

哭引使副南階上殿至褥位立揖再拜大使近前

上香退再拜復近前跪捧臺瑗奠酒三退再拜揖

隨中書二舍人跪伏讀祭文訖舉哀下殿南向

北立于是弔慰使副亦從南洞門入四使同向

前再拜引出歸幕次契丹太后別殿坐弔慰使副

捧書匣右入當殿立閣門使受書匣上殿奏封全

開讀訖使副從南階上殿傳達弔慰訖下殿近南

北面立俟祭奠使副入四使同見勸躬再拜不出

班奏聖躬萬福再拜出班謝面天顏又再拜立俟

傳論撫問就位謝再拜引歸幕次契丹主御南

殿使副入見如見太后儀加謝遠接撫

問湯藥再拜受賜物即拜就館燕

十二月契丹以興平公主歸元昊

公主契丹宗室女時興宗新立封元昊為駙馬都

尉爵夏國公遣兵衛公主至興州元昊以數萬騎

托言親迎留屯府州境知州折惟忠率麾下備禦

戒士卒勿妄動一夕風霾有數誕馬突走惟忠營

衆驚報惟忠臥不起徐命擒獲之元昊知不可動

乃退

明道元年

契丹興宗重熙元年

春正月熒威犯東井

犯井東北星

夏五月德明封夏王

德明稱臣三十年頻窺邊境中國約束之即引還

西夏書事

卷十一

六

貢獻之使歲時不絕仁宗以其恭順遣使持冊封

夏王車服旌旗降天子一等又加食邑千戶德明

尋上表謝

按此夏王錫號之始必中國封之其名乃正

秋七月鎮星犯鬼

犯東南星時大風揚塵拔木德明心惡之既祝曰

涼州其當之乎

九月取涼州

自回鶻取涼州德明常謀恢復是時懼朝廷令六

谷諸酋赴援先遣蕃部侵環慶走馬承直李德以
聞仁宗命鄜延路移文戒約之使人未至興靈德
明已命元昊將兵攻涼州回鶻勢孤不能拒遂拔
其城

按西涼南界橫山西通西域東距河西土宜三
種善水草所謂涼州畜牧甲天下者也昔漢人
取之號為斷匈奴右臂德明立國興靈不得西
涼則酒泉敦煌諸郡勢不能通故其畢世經營
精神全注于此但繼遷取西涼而難作德明復

西夏書事

卷十一

七

西涼而身亡豈歲星在越時果不利耶抑天道
惡盈不使貪心得廢也

冬十月夏王趙德明卒

年五十一遣使入京告哀仁宗輟朝三日同皇太
后乘輿至幕殿服素服為德明舉哀贈太師尚書
令兼中書令以開封府判官度支員外郎朱昌符
昌符道病侍御為祭奠使六宅副使內侍省押班
史孫祖德代之馮仁俊副之賜賻布三百匹絹七百匹副以上醢
米羊麩將葬賜物稱是皇太后所賜亦如之宋史夏國

傳作天聖九年十月德明卒誤

按禮諸侯曰薨大夫曰卒得明既書夏王不書
薨書卒不予其王也蓋德明受爵天朝跡其稱
帝國中侵掠邊境意中豈復有天子乎昔周室
東遷諸侯放恣夫子作春秋外諸侯皆書卒蓋
變文斥之也後夏主書卒倣此

論曰德明當西涼大創之後諸戎叛渙之初若
猶執前修苟循覆轍河南討擊之師不崇朝而
集矣于是表守遺言晉修職貢朝聘之使往來

西夏書事

卷十一

八

如家牛羊縉帛彼此各受其利使塞垣之下有
耕無戰逾三十年殆所謂識時務者耶迨俸賜
既贍兵力亦完然後東戰契丹南扼蒼耳北城
懷遠西拔甘涼粟支數年地拓千里夏國之業
實基于此元昊雖雄非藉德明燕翼其遂夜郎
自大乎嗚呼雖曰偏據亦云偉矣

葬于嘉陵

在賀蘭山元昊稱帝後追號

子元昊嗣十一月授定難軍節度使西平王

元昊時年二十九仁宗命工部郎中楊告爲旌節
官告使禮賓副使朱允中副之授元昊特進檢校
太師兼侍中定難節度夏銀綏宥靜等州觀察處
置押蕃落使西平王告等至興州元昊遷延不出
迎及見使者猶遙立不動屢促之乃受詔拜起顧
左右曰先王大錯有如此國而猶臣拜于人耶既
而享告等于廷設席欲自尊告婉折以禮始以客
位讓然東屋後有千百人礮礪聲告知有異志不
敢詰也

西夏書事

卷十一

九

改姓嵬名氏稱吾祖

元昊既襲封衣白窄衫粘冠紅裏冠頂上獨垂紅
結綬表異蕃衆復以李趙賜姓不足重自號嵬名
氏稱吾祖吾祖華言可汗也于是屬族悉改嵬名
蕃部尊榮之疎族不與焉

按自古僭號之主改姓者二一劉勃勃嫌其祖

從母姓改赫連氏一北魏孝文取拓跋爲土之
義改元氏元昊其有所取耶抑有所嫌也夫襲
封伊始卽改賜姓他時叛逆已兆于此

使如契丹賀應聖節

應聖節法天皇太后生辰也

十二月契丹賜冊爲夏國王

元昊告哀契丹契丹主宗真以婚好之誼遣宣徽
南院使朔方節度蕭從順潘州觀察使鄭文用持
冊封元昊夏國王賜良馬三十匹精甲二具

明道二年契丹重熙二年元昊改元顯道

元昊招納亡命申明號令以兵法部勒諸蕃族每
出兵必率部長與獵有獲則下馬環坐而食割鮮

西夏書事

卷十一

十

佐飲各問所見擇取其長因避父諱改中國明道

元爲顯道稱于國中天運紹統元昊改元顯道在景祐元年與宋史異

按此西夏改元之始嫌名不諱二名不偏諱故
臨文無忌焉况正朔之頒大典攸係元昊以父
二名而輒改之僭端見矣故以改元直書

春正月貢于契丹

夏使回沿路私市金鐵契丹主下令禁之禁市金鐵遼史
興宗紀在十二月
茲因使貢連及之

三月下禿髮令

元昊欲革銀夏舊俗先自禿其髮然後下令國中使屬蕃遵此三日不從許眾共殺之于是民爭禿其髮耳垂重環以異之

夏四月中國使賜太后遺物

章獻皇太后崩仁宗使供備庫副使李用和持賜遺留

五月升興州為興慶府遂立官制

元昊自先世併吞西土三十餘年聚中國所賜資財無算外倚契丹為援異謀日甚升興州為府改

西夏書事

卷十一

十一

名興慶廣宮城營殿宇其名號悉仿中國所稱故事羌俗以帳族盛大者為長官亦止有蕃落使防禦使都押牙指揮使之職至是始立文武班日中

書掌進擬庶務宜奉命令屬有侍郎散

國兵防邊備與中書對持文武二柄日三司總國

貢賦之入屬有正使副日御史臺正綱紀屬有御

使鹽鐵使度支使等官日開封府掌尹正畿甸之

御史大夫御史中丞殿中日統制訓練藩衛

右軍巡使判官左右日翊衛司戊守及侍衛扈從

諸事官有馬步都指揮副都指日官計司職事員

開注籍日受納司及給受等事日農田司委積平

應選日受納司及給受等事日農田司委積平

少卿丞主簿等官日群牧司屬有制置使副使

都監日飛龍苑專防護宮城警捕盜賊以武幹

等官日飛龍苑親信者為之或以內臣充職日

磨勘司司選敘磨勘日文思院掌造金銀犀玉金

冊賣其制多與宋同自中書樞密宰相御史大夫

侍中太尉以下命蕃漢人分為之而其專授蕃職

有甯令有謨寧令有丁盧有丁弩有素齋有祖儒

有呂則有樞銘皆以蕃號名之

按書西夏職官始此

西夏書事 卷十一 十一

別服式

文資則幘頭靴笏紫衣武職則冠金帖起雲縷冠

緋衣金塗銀黑束帶垂蹠蹠穿靴或金帖紙冠間

起雲銀帖紙冠餘皆禿髮衣紫旋襪下垂束帶佩

解結椎短刀弓矢韉馬乘鯢皮鞋垂紅纓打跨鈿

拂便服則紫皂地繡盤球子花旋襪束帶民庶則

衣青綠以別貴賤 按書西夏服式始此 秋七月遣將蘇奴兒攻西蕃麓牛城被執

吐蕃與夏州數構兵吻斷囉恐為所併屢使人至秦州求內屬仁宗詔授寧遠大將軍愛州團練使旋進保順軍節度觀察留後元昊惡其強遣令公蘇奴兒將兵二萬五千攻薺牛城城中兵迎戰奴兒敗被執

九月復攻薺牛城冬十月破之屠其民

元昊聞奴兒敗自率兵赴援復攻薺牛經月不下

遣人詐約和陰以兵躡其後俟城開入據之大殺

居民無遺李氏長編言元昊屠薺牛城富在景祐二年而趙琦聚米圖經繫之明道二年

西夏書事

卷十一

三

景祐元年契丹重熙三年元昊開運元年春正月改元

元昊雖仍貢奉然車服儀衛悉擬帝制至是策士

楊守素上言王者神武立功德威御眾要必建元

表歲以示維新國家累世經營規模宏遠猶遵中

國舊號豈足彪炳皇猷昭示區宇元昊乃下諭改

顯道三年為開運元年大赦國中

填星犯輿鬼

占者云大臣有變元昊大肆殺戮

二月以兵攻府州

初元昊于沿邊山險之地三百餘處修築堡砦欲以收集老弱並驅壯健為入寇計邊將領兵驅逐元昊遂激怒蕃眾侵掠府州境而還

按此元昊用兵中國之始

夏五月復攻府州

仁宗詔并代州部署司各嚴兵備

秋七月掠環慶

慶州西七十里為馬嶺砦北十餘里有蕃部殺

牛族領族帳二千餘戶負險自固向不附中國元

西夏書事

卷十一

四

昊令為前驅掠環慶州境殺戮居人朝廷下詔約

東不聽

築白豹城及後橋堡遂犯慶州執都監齊宗矩

白豹東接金湯北鄰葉市與後橋諸砦侵入漢界

百餘里阻絕延慶二州經過道路元昊先修白豹

已復增築後橋小堡慶州柔遠砦蕃部巡檢鬼浦

發兵攻破之元昊聲言復仇直犯慶州緣邊都巡

檢楊遵柔遠砦監押盧訓以騎七百戰于龍馬嶺

不勝環慶路都監齊宗矩走馬承受趙德宣寧州

都監王文赴援次節義峯元昊伏兵以待通事蕃官偵以告宗矩不聽過濠迎戰元昊發伏執宗矩歸久之始放還續綱目書趙元昊寇環慶以龜通夏國傳自屬兩事又夏國傳元昊報仇為日攷宋史月弑母後李氏長編則載在七月茲事分為兩而月則同之

九月有星如太白出東井

色黃赤有尾跡向東沒光照地

冬十月殺逆臣山喜弑母衛慕氏

元昊嗣立尊衛慕氏為皇太后王氏東都事畧及李氏長編俱作米

西夏書事

卷十一

五

母氏與宋史不同畢氏續資治通鑑云米其族人與衛聲相近蓋卽一字而譯語互異耳

山喜謀殺元昊事覺元昊沉山喜族于河進醜弑

衛慕氏宋史夏國傳衛慕氏死遣使來告哀遣使

入告哀仁宗以內殿崇班閻門祗候王中庸為致

祭使兵部員外郎兼起居舍人郭勸為弔贈兼起

復官告使授元昊鎮軍大將軍金吾衛上將軍員

外置同正員元昊贈遺勸等百萬勸悉不受既而

元昊復立訛藏屈曠氏為兀泥兀泥者華言太后

也周禮曰子弑父凡在官者殺無赦當是時元

昊有覆載不容之罪使宋室有人則當窮治其惡正其弑逆之罪春秋之法許世子以不嘗藥而書弑况醜其母乎前寇邊不聞有伐叛之師此弑母不聞有討罪之舉則是上無天子下無方伯人類變為禽獸矣噫

按山喜謀逆沉之宜也不書誅而書殺元昊身為逆臣不以討逆之詞子之也至衛慕氏是其

生母乃遷怒醜之忍心害理何如乎宋史不書茲揭書弑以正其罪

西夏書事

卷十一

六

十一月子甯令哥生

元昊第五娶野利氏出元昊見其貌類已特愛之

按元昊為子弑母而弑父之子接踵而生天道

好還何其速也

十二月獻馬求經

元昊陰鸞峻誅殺然好浮屠學遣使獻馬五十匹

求佛經一藏仁宗特賜之

西夏書事卷十一終

西夏書事卷十二

青浦 吳廣成西齋 纂

景祐二年契丹重熙四年春正月元昊改元廣運

或言開運乃石晉敗亡號故改宋史夏國傳作改元廣民今從李氏

長編

三月遣匿名書于環州

環州知州高繼嵩久任西土以勇敢聞元昊惡之

將其遺箭繫以匿名文字言繼嵩已投本國置于

延州境上部署司以聞繼嵩不自安表乞還朝右

西夏書事 卷十二

司諫韓琦曰繼嵩背義投西元昊果忠于朝廷則

當密奏其事何必以遺箭達其叛狀乎其為反間

無疑也仁宗命繼嵩勿離所治元昊之計不行

夏五月太白犯填星

在輿鬼

殺妃衛慕氏

衛慕元昊舅氏女幼孤育于惠慈太后嘗后被弑

時氏以大義責元昊元昊盡誅其族因氏懷妊幽

之別宮及生子野利氏譖其貌類他人元昊怒并

子殺之

秋七月以兵入環慶

元昊使首領訛遇等率兵數入寇環慶路部署司

以聞

冬十月加中書令

仁宗受尊號加恩內外遣內侍省都知馮從順至

興州進元昊中書令元昊受之益倨富弼奏狀朝

元昊多不致恭或故作滯留而不迎或伴為忿遽

而見迫或欲負展而對或欲專席而居雖相見之

西夏書事 卷十二

十一月自將攻西蕃敗唃廝囉將安子羅師還潰于

宗哥河

唃廝囉居邈川以論逋温逋哥亂集兵殺之徙居

青唐城元昊知其衰困出兵攻宗哥帶星嶺諸城

進圍青唐唃廝囉遣部將安子羅以兵十萬絕其

後元昊還兵與戰晝夜角鬪至二百餘日子羅方

敗時元昊糧匱士卒飢死者眾至宗哥河半渡子

羅潛使人決水淹之大潰還王氏東都事畧元昊

三州宋史夏國傳亦云元昊敗唃廝囉部將安子

年十一月取三州在三年七月瓜州在五代時猶與吐蕃雜處若沙州二州宋初即為回鶻所據二書連敘殊混

遣使入貢

元昊雖反猶歲遣人入貢使者出入民間無禁工部侍郎韓億請除館舍禮之使官主貿易立羈防夏使始斂

按 此夏使館市之始

十二月復攻西蕃大敗于河湟

元昊憤宗哥之潰并兵臨河湟唃廝囉知衆寡不

西夏書事

卷十二

三

敵壁鄯州不出元昊已渡河插幟志其淺廝囉偵得之潛使人移植深處及戰元昊潰歸士卒視幟而渡溺死者大半所失輜鹵甚衆廝囉數以奇計破夏兵元昊遂不敢窺其境 吕大防曰元昊既得甘涼遂有窺隴蜀之志緣唃氏中強不敢復思進取蓋有以撓其後也

按 唃廝囉以鹵獲來獻朝議加廝囉節度使樞

密院韓億以為二虜皆藩臣今不諭令解仇乃因捷加賞非所以御四夷也議遂寢嗚呼元昊

寇府州犯環慶執朝廷命官叛狀屢著尙得謂之藩臣乎今不因廝囉兵勢加之節鉞使統諸蕃以披其背及其退居歷精夏勢猖獗急而求之無能為已

景祐三年

契丹重熙五年

元昊廣運二年春正月還自西蕃

妃索氏有罪自殺

索氏元昊第二娶素無寵元昊攻唃廝囉兵敗訛傳已死索氏喜日娛音樂益自修容既元昊還懼罪自殺元昊滅其家

西夏書事

卷十二

四

按 索氏畏懼自殺元昊未之罪也書有罪何倫常之理不以夷狄殊索氏聞夫死而喜罪莫甚焉

夏四月羈天竺國進奉僧于夏州

天竺入貢東行經六月至大食國又二月至西州又三月至夏州先是僧善稱等九人至京師貢梵經佛骨及銅牙菩薩像留京三月仁宗賜束帛遣還抵夏州元昊留于驛舍求貝葉梵經不得羈之由是西域貢僧遂絕

秋七月攻回鶻取瓜沙肅三州

瓜沙肅諸州本唐歸義軍向陷于回鶻建隆中節度使曹元忠以州內附子孫世主軍事元忠引兵攻之求援于回鶻不應三州相繼沒于是元忠盡有河西之地

按河西舊屬月支漢分酒泉敦煌兩郡黑山峙其東北黃河遶其西南地方二千餘里川無蛇虺澤無虎兕誠羌戎之都會屯守之要區也歷南北朝為諸涼所據唐大歷中始陷吐蕃宋初

西夏書事

卷十二

五

回鶻得之遂號富強太祖時沙州曹元忠雖舉地來歸亦羈縻勿絕而已元昊自涼州盡有其地則控制伊西平吞漠北從此用兵中原無後顧憂矣

九月定兵制

西夏風氣強梗民多耐寒暑忍飢渴而性惡雨雪其部族一家號一帳小族數百帳大者千餘帳故制年登十五為丁每有戰鬪隨族之大小出丁助陣元昊立制率二丁取正軍一人每負擔一人為

一抄負擔者隨軍雜役也四丁為兩抄餘號空丁

願隸正軍者得射他丁為負擔無則許射正軍疲弱者為之故壯者得正軍為多凡正軍給長生馬馳各一死則償之團練使以上帳一弓一箭五百

馬一橐駝五旗鼓鎗劍棍棒抄袋雨毡渾脫背索

鐵鏃斤斧箭牌鐵策箠各一曾氏隆平集云凡年六十以下十五以上

皆自備弓矢甲冑而行與宋史夏國傳異刺史以下無帳無旗鼓人各

橐駝一箭三百幕梁一兵三人同一幕梁幕梁織

毛為幕而以木架之有砲手二百人號潑喜陡立

西夏書事

卷十二

六

旋風砲于橐駝鞍縱石如拳得漢人勇者為前軍號撞令郎若脆怯無他技令往守肅州或遷河外耕作合國內諸州計之總兵五十餘萬曾氏隆平集云趙德明時兵十萬而已元昊遂踰十五萬自以地廣兵勁敢行叛逆今以宋史夏國傳攷之曾說尚畧

別立揜生軍十萬與靈之兵精練者二萬五千別

副以兵七萬為資擔另選豪族善弓馬五千人迭

直號御園內六班直分三番宿衛月給米二石每

有事于西則自東點集而西于東則自西點集而

東中路則東西皆集遇敵則虛設砦帳伏兵包敵

後以鐵騎為前軍乘善馬重甲斫刺不入用鈎索絞聯雖死不墜其兵凡三千分十部戰則先出突陣陣亂則衝擊之步兵挾騎以進發兵則以銀牌召部長面受約束晝則舉烟揚塵夜則篝燈為候出戰率用隻日避晦日資糧不過一旬戰則大將居後或據高險弓皮弦矢柳箬中之必貫甲會氏隆平集云夏兵長于騎射不善刀鎗而柳弓皮弦遇雨雪則不能施又其所短故所向無不破也

立軍名

西夏書事

卷十二

七

唐制節度使下刺史亦得掌兵宋徽五代之弊特設通判以莅州政其徵調征伐進退軍將仍聽節度使表聞德明復自置防禦使職元昊地廣兵衆因分左右廂立十二監軍司曰左廂神勇駐天曰石州祥祐宋史夏國傳神諤克米脂進攻石州意即其地曰宥州嘉寧宥州曰韋州靜塞州曰西壽保泰駐柔狼曰卓囉和南駐黃河曰右廂朝順駐夏州曰甘州甘肅唐剛丹縣曰瓜州西平州曰黑水鎮燕駐兀刺曰白馬強鎮駐鹽曰黑山威福駐漢居延故城東北限大澤西北接沙磧

諸軍並設都統軍副統軍監軍使一員以貴戚豪右領其職餘指揮使教練使左右侍禁官數十不分蕃漢悉任之

冬十月攻蘭州諸羌破之築城于瓦川

元昊既取河西地遂有窺隴蜀之志恐吐蕃諸族為中國用舉兵循阿干河盡破蘭州諸羌南掠地至馬銜山築城瓦川會留兵鎮守絕西蕃與中國相通路

西夏書事

卷十二

八

按瓦川為西蕃要路蘭州諸羌所藉以通中國者元昊作城戍守于是唃廝囉諸族隔在塞外聲勢不復相聯書以惡之

十二月誘西蕃叛唃廝囉

初唃廝囉娶李立遵女生二子曰瞎毡曰摩角毡又娶喬氏生子曰董毡立遵死李氏寵衰斥為尼錮之廓州瞎毡等結母黨李巴全竊載其母出奔瞎毡據河州摩角毡據邈川撫有其眾唃廝囉不能制元昊聞二子怨其父陰以重賂間之且誘諸酋歸附有温逋哥子一聲金龍温逋哥本唃廝囉論逋哥論逋者相也温逋哥

作亂被殺擁眾萬餘叛附元昊結為婚姻斯囉勢蹙更與喬氏西徙歷精城高永年元符龍右日錄元昊既行賂間斯囉二子遂舉兵數犯宗哥及破麓牛城斯囉勢折西徙青唐與趙瑜聚米圖經異

景祐四年契丹重熙六年元昊大慶元年春正月始制蕃書改元

元昊善繪畫明律法史言其案上常置法律書通蕃漢文字能

創製物始嘗以己意造蕃書令諱寧令野利仁榮

演繹之新唐書慶州蕃落有野利氏族五沈括筆談元昊叛其徒野利遇乞先創造蕃字獨

居一樓累年方成至是成十二卷字形方整體類

西夏書事 卷十二 九

八分曾氏隆平集及李氏長編謂其字形屈曲如符篆而畫頗重複教國

人用以紀事群臣上表獻頌遂改廣運三年為大慶元年

按西域書多異文有驢唇書蓮葉書節分書大

秦書馱乘書特牛書樹葉書起屍書石旋書覆

書天書龍書鳥音書凡六十四種元昊所造或

亦類是然自是以後國中紀事悉用蕃書歷二

百餘年不復改正夏史失傳良由于此書惜之

也

夏五月升州郡益邊防

元昊既據夏太平寰宇記漢朔方郡晉亂為赫連

化郡唐貞觀初平梁師都改夏州都督府領夏綏

銀三州陝西通志漢西河郡唐貞觀二年平武定中置

府銀州陝西中業二年廢唐貞觀二年置

置銀州中業二年廢唐貞觀二年置

李氏今陝西中業二年廢唐貞觀二年置

後屬夏綏銀節度中後魏置綏州唐置總管府

入于李氏今陝西中業二年廢唐貞觀二年置

置天寶中改為寧朔郡乾元二年復為宥州寄理

于經畧軍蓋以地居朔中乾元二年復為宥州寄理

遂廢元和九年復置屬夏綏節度靜州為宏靜縣

唐末入于李氏今在榆林府西界靜州為宏靜縣

本漢城居河外三里乃北魏薄骨律鎮之倉城也

太平寰宇記云唐神龍初改為安靜至德元年又

改保靜後升為州漢乾祐中屬靈州郡後魏孝昌二

定難軍今寧夏府東南靈州界靈州郡後魏孝昌二

年置靈州陸恭之風土記云朔方故城太和改

沃野鎮後周置普樂郡隋大業三年改為靈武郡

唐為靈州又為靈武郡開元中置朔方節度使五

代為朔方軍治宋咸平中入于夏今甘肅靈州府

鹽太平寰宇記西魏廢帝二年置隋改鹽州郡唐

城之名鹽州府又名保塞軍又曰鹽州郡唐

郡在靈州北三百里今定邊營是也

唐武德二年會州隋開皇十六年置會州唐武德

宋初亦曰會州平李軌置新會州廣德後沒于吐蕃

于夏今為蘭州府靜遠縣勝州唐初沒于周代置

鎮不立郡隋開皇中置勝州唐初沒于周代置

貞觀三年復之宋咸平中置勝州唐初沒于周代置

沒于夏今在榆林府北界甘肅魏更名涼州後周

秋七月更定禮樂

夏州沿党項蕃俗自赤辭臣唐始習尊卑跪拜諸儀而其音樂尚以琵琶擊缶為節僖宗時賜思恭鼓吹全部部有三駕大駕用一千五百三十人法駕七百八十一人小駕八百一十六人俱以金鉦節鼓擗鼓大鼓小鼓鏡鼓羽葆鼓中鳴大橫吹小橫吹簫栗桃皮笳笛為器歷五代入宋年隔百餘而其音節悠揚聲容清厲猶有唐代遺風迨德明內附其禮文儀節律度聲音無不遵依宋制元昊

西夏書事

卷十二

三

久視中國為不足法謂野利仁榮曰王者制禮作樂道在宜民蕃俗以忠實為先戰鬪為務若唐宋之禱節繁音吾無取焉于是于吉凶嘉賓宗祀燕享裁禮之九拜為三拜沈括筆談云元昊令國中悉用胡禮即此革樂之五音為一音王鞏聞見近錄云增五音為六與夏臺事迹異有不遵者族

按書西夏禮樂始此

冬十一月設蕃漢二字院

元昊既制蕃書尊為國字凡國中藝文誥牒盡易

蕃書于是立蕃字漢字二院漢習正草蕃兼篆隸

其秩與唐宋翰林等漢字掌中國往來表奏中書

漢字旁以蕃書並列蕃字掌西蕃回鶻張掖交河

一切文字並用新制國字仍以各國蕃字副之以

國字在諸字之右故蕃字院特重

寶元元年

契丹重熙七年

夏大慶二年春正月朔日有食之

于是元昊僭謀益急

表請供佛五臺山

元昊使人往來中國熟悉邊臣因循之勢久思攻

西夏書事

卷十二

古

取河東是時欲議進兵道路表請供佛五臺乞使

臣引護并給館券仁宗從之

夏四月興平公主卒

公主素與元昊不睦先是元昊遣使貢于契丹不

以病告既卒契丹主遣北院承旨耶律庶成持詔

詰問

按此契丹西夏開隙之始異日幽州之師集而

不發其以此夫

秋七月盟諸蕃于賀蘭山謀攻鄜延

元昊入貢路由鄜延久謀取之特以部下諸蕃向背不齊未敢猝動迨使人自五臺還知河東備禦完固悉會諸族豪酋于賀蘭山坡與之盟各刺臂血和酒置罽毼中共飲之約先攻鄜延自德靖塞門赤城路三道並入諸酋有諫者輒殺之兵將發或言未建大號不足以服眾乃復止

九月左廂監軍山遇內奔至延州被執

山遇名惟亮元昊從父也與弟惟永分掌左右廂兵其從弟惟序亦親近用事元昊數窺邊山遇諫

西夏書事

卷十二

五

曰中國地大兵多關中富饒環慶鄜延據諸邊險要若此數路城池盡修攻守之備我弓馬之技無所施牛羊之貨無所售一二年間必且坐困不如安守藩臣歲享賜遺之厚國之福也元昊不聽心惡其不從已語惟序曰汝首山遇反吾以山遇官爵與汝不然俱族滅矣惟序不忍更以告山遇山遇欲內降惟永曰南朝無人不知兀卒所為將不信兄兄必交困山遇曰事至此不得已也若南朝有福則納我矣遣人持諾敕詣金明巡檢李士彬

所欲自將兵扼黃河南渡發部落內屬入告其母獨孤氏母曰汝自為計我年八十餘不能從汝去為汝累當置我室中縱火焚之山遇等涕泣如母言挈其妻野利羅羅司馬光日記云韓周言子阿山遇妻李氏先自殺遇及親屬二十二人以珍寶名馬內奔是月至保安軍知軍朱吉以告知延州郭勸勸與鈐轄李渭議自德明納貢四十年有內附者未嘗留因遣山遇還山遇不可謂等疑其詐令人執之山遇與惟永惟序等號哭稱冤勸等不聽命監押韓周將兵

西夏書事

卷十二

六

衛送于夏州

按山遇手掌西夏軍政其初至延州時即言元昊精兵纔八萬人餘皆老弱不堪戰鬪蓋深悉國中虛實者若留以為西蕃屏翰則用其手足制其腹心較之中朝將佐冒昧操戈其效當不啻倍蓰乃遣使執送不特阻戎人向化之心而宋室寡謀早被元昊窺見一斑矣

山遇還至宥州殺之

元昊恐山遇入漢率師來討自將兵出駐宥州部

署蕃族爲禦敵計會韓周送山遇至與元昊見于
鐮移坡元昊衣錦袍黃綿胡帽不肯受曰延州誘
我叛臣我今引兵問罪當于知州廳前受之周說
諭良久始聽遂集從騎射殺山遇父子山遇有勇
畧其死也國人哀之富弼曰西界地多帶山馬
能走險瀚海彌遠水泉不生王旅徂征軍需不給
窮討則遁匿退保則襲追以逗撓爲困人之謀以
遲久爲匱財之計元昊恃此險阻敢肆猖狂復知
先朝屢次兵征終棄靈夏今其自負強盛有逾往

西夏書事

卷十二

七

時而爲之羽翼者又皆狡焉多謀憤然思逞山遇
雖欲遏之得乎然其一心向化爲庸奴所敗遂致
身死族滅遇亦窮矣

冬十月元昊稱帝建國號大夏改元天授禮法延祚
元昊稱兀卒已數年兀卒者華言青天子謂中國
爲黃天子也至是與野利仁榮楊守素等謀稱帝
號于是月十一日築臺興慶府南徐午一統志表
夏州自李元昊
建國稱帝尋徙州遂廢是
未明元昊建號在興州也受冊卽皇帝位改大慶
二年曰天授禮法延祚元年以野利仁榮嵬名守

全張陟張絳楊廳徐敏張文顯爲中書樞密侍中
等官專主謀議以楊守素鍾鼎臣嵬名聿榮張延
壽爲官計受納諸司主文書以野利旺榮野利遇
乞成逋克成臥移賞多如定多多馬寶維吉分駐
十二監軍司地主兵馬其餘拜授有差

上諡號

元昊令羣臣奉冊諡祖保吉日神武皇帝廟號太
祖妣野利氏曰順成懿孝皇后父德明日光聖皇
帝廟號太宗妣衛慕氏曰惠慈敦愛皇后已立妃

西夏書事

卷十二

六

野利氏爲憲成皇后子甯明爲皇太子
十一月祀神西涼府遂不遣賀郊人使
元昊遣潘七布昌里馬乞點兵集蓬子山自詣西
涼府祀神時中國南郊故事諸藩有貢元昊因自
帝不復使賀仁宗詔陝西河東舊與元昊界互市
者所在禁絕之

西夏書事卷十二終

西夏書事卷十三

青浦 吳廣成西齋 纂

寶元二年契丹重熙八年夏天授禮法延祚二年春正月遣使以稱帝入告

元昊遣樞密使御史大夫等官奉表抵延州郭勸等以表函尚稱臣令韓周伴送入京至東華門始去本國服至殿呈表畧云臣祖宗本出帝胄當東晉之末運創後魏之初基遠祖思恭于唐季率兵拯難受封賜姓祖繼遷心知兵要手握乾符大舉

西夏書事 卷十三

一

義旗悉降諸部臨河五郡不旋踵而歸緣境七州悉券肩而克父德明嗣奉世基勉從朝命夏主之號夙感于頒宣尺土之封顯蒙于割裂臣偶以狂斐制小蕃文字改大漢衣冠革樂之五音裁禮之九拜衣冠既就文字既行禮樂既張器用既備吐蕃塔坦莫不稱臣張掖交河成甘稽首稱王則不喜朝帝則是從輻輳是期山呼齊舉伏願一杯之土地建為萬乘之邦家再讓靡遑羣集又舉事不獲已顯而行之遂以十月十一日郊壇備禮為世

祖始文本武興法建禮仁孝皇帝王鞏聞見近錄寶元中元昊始

遣介稱教練都使乞于其國中稱元卒與宋史稱帝事異國稱大夏建元天授

伏望皇帝陛下睿哲成人寬慈及物許以西郊之

地備為南面之君敢竭庸愚常致歡好魚來雁往

任傳鄰國之音地久天長永鎮邊方之患至誠慝

懇仰俟帝俞謹遣弩涉俄疾你斯問臥普令濟鬼

伽崖媼奉表詣闕以聞朝廷却其所獻馳馬猶善

遇使者使者臨行不肯受詔及所賜物而還 富

弼曰元昊反狀素彰表詞犯順故其使介赴闕個

西夏書事 卷十三

二

強少馴以不辱君命為有才以能抗中國為善策

朝廷若察其敢來之意伐其所叛之謀存之適以

遂其奸誅之足以喪其魄立行羈執盡肆市朝事

既乖其本心勢將行吾所令于此赫然震怒或發

兵聲討或命將備邊上則可以示中國不測之威

下則可以杜奸宄好亂之漸戰士必為之增氣戎

人且憚而失圖豈不建哉豈不快哉

二月白豹砦都指揮使裴永昌內奔

柔遠砦蕃官珪鬼招之以降仁宗詔補三班借職

本族巡檢

夏四月遣使購中國官人

初仁宗放官人二百七十名

李氏長編作二百七人今從宋史

任所之元昊陰以重幣購得數人納諸左右于是

朝廷刑賞官闈陰事纖悉具知

五月定朝儀

宋承唐制以元日五月朔冬至行大朝會禮羣臣

上壽設宮縣萬舞其常朝儀百官入赴文德殿正

衙日常參五日起崇德殿日起居元昊僭謀陰蓄

西夏書事 卷十三

三

使介往來久悉中朝典故至是于正朔朝賀雜用

唐宋典式而見官屬以六日為常參九日為起居

均令蕃宰相押班百官以次序列朝謁舞蹈行三

拜禮有執笏不端行立不正趨拜失儀者並罰

建蕃學

夏州自五代後不列職方其官屬非世族相傳即

幕府遷擢尚無科目取士之法元昊思以胡禮蕃

書抗衡中國特建蕃學以野利仁榮主之譯孝經

爾雅四言雜字為蕃語寫以蕃書于蕃漢官僚子

弟內選俊秀者入學教之俟習學成效出題試問

觀其所對精通所書端正量授官職并令諸州各

置蕃學設教授訓之

西蕃唃廝囉攻涼州

唃廝囉西徙中阻瓦川城不復通中國仁宗遣左

侍禁魯經自古渭川抵歷精城加廝囉保順節度

遼川大首領使背擊元昊廝囉出兵四萬五千襲

西涼守將遣兵禦之不得進殺游邏數百人聲音

圖再舉然卒不能也

西夏書事 卷十三

四

遣謀誘蕃漢民六月削賜姓官爵

元昊慮中國兵臨潛使人出入諸邊刺探機事並

煽誘蕃漢歸附仁宗下詔削奪賜姓官爵

宋敏求朝錄趙德明歸欵真宗賜以宗姓不附屬籍晁文

元草制云奕世荷殿邦之德舉宗聯命氏之榮而

宋史仁宗紀云六月壬午削趙元昊官爵除屬籍誤茲依商氏續綱目

揭榜于邊募人能擒元昊若斬首獻者授定難節鉞賞錢二百

萬能捕所遣刺探者賞錢十萬西界蕃漢職員能

帥族內順者等第推恩 李燾曰呂氏家塾記云許公在大名時聞朝廷降此詔驚曰謀之誤矣立

削奏曰前代方鎮叛命如此詰誓則有之非所以御戎狄也萬一有不遜語得無損國體乎朝廷議改未及果有嫂書事

秋七月授延州人劉重信環州刺史

重信世居延州聞元昊稱帝往投授環州刺史改名奇微令其招誘延州諸部屬羌尋為金明都監李士彬捕得送京師伏誅

八月請置權場于延州

延州逼近夏國蕃漢素相熟習元昊以保安軍舊

西夏書事

卷十三

五

市奉詔禁止遣使請于延州再建權場意在脇制中國也仁宗不許

九月置尙書令設十六司

元昊以中書不能統理庶務仿宋制置尙書令攷百官庶府之事而會決之又改宋二十四司為十六司分理六曹于是官制漸備

冬十一月寇保安軍不克

夏國與鄜延環慶涇原毗接其環慶路邊砦排密近者三十里遠者四五十里列據要害蕃部素不

知其山川道路兼有宿將劉平趙振等為之守禦

其涇原路有鎮戎軍渭州城兩處壁壘堅固屯兵

亦衆所置蕃落弓箭手甲騎精強而西蕃瞎毡據

河州牽制兵勢所以元昊不輕犯其境惟鄜延地

濶砦疎自承平至安遠約二百里自長寧至黃河

一百里並無城砦土兵寡弱元昊嘗以金幣王爵

誘保安軍諸族巡檢劉懷忠懷忠毀印斬使元昊

怒點其軍作五頭項每頭項作八溜共四十溜脅

降屬戶悉壞沿邊籬落七百里中兵烽不絕逕攻

西夏書事

卷十三

六

保安軍懷忠出戰敗死鄜延鈐轄盧守勤急使巡

檢指揮使狄青將兵拒之青臨陣披髮帶銅面具

往來奮擊元昊知不敵解圍退元昊寇保安司馬光稽古錄在十二月

月而范雍疏趙珣曰是役也元昊棄下攻城之

具極多然觀其器極拙鈍不堪用蓋欲邊將見之

疎其備也

復圍承平砦十二月環慶官兵攻後橋堡及十二盤

乃還

先是元昊為金銀冠佩陰飾甲騎以遺屬羌約為

內應知環州趙振潛以金銀誘取之得冠佩銀鞍
三千甲騎數百使告鄰郡俾以環州爲法不聽于
是東陵萬劉諸族勝兵數萬元吳皆誘而有之時
攻保安不克退圍承平砦砦將出戰捨之掠軍民
甚衆鄜延部署許懷德兵馬都監張建侯率勁卒
千餘突圍奮擊元吳令一驍騎出陣前據鞍罵
懷德引弓一發仆之兵士皆駭走李氏長編云承平所以不破乃許懷德之力而范雍疏內稱懷德不歷軍陣不知何據元吳相持六日間環慶鈐轄高繼隆同知慶州張崇俊領兵入界拔後

西夏書事

卷十三

七

橋堡李氏長編云破後橋堡實錄載于明年正月十七日蓋記其行賞耳司馬光稽古錄記在是年十二月趙珣聚米圖經在十一月據范雍論諸路出兵牽制則聚米圖經當得其實鎮都監劉政走馬承受石全政破蕩吳家等族盛兵截十二盤口恐歸路斷引還

閏十二月遣賀永年置媿書於歸娘族

元吳素知契丹使者入南朝倨傲殊甚故遣使輒選強辨有智盛其騎從使之當廷抗對肆行倔強富弼奏疏元吳遣使全擬虜廷部伍甚雄辭禮俱亢觀其勇悍難制強辨自高若非使者請行卽是元吳選任以能揣國情爲智以不辱使中國每優命爲賢必謂莫敢加誅得以恣其僭強

容之及稱帝表至朝臣請誅使者尙書左丞程琳曰遣使常事也殺之不祥後使來益驕或議因使者入傳舍壞垣斃之琳曰前不殺無罪也今既驕橫法當死因暴其罪誅之于是元吳不復遣使用楊守素言遣賀永年于是月元吳媿書宋史仁宗六月削元吳賜姓後考夏墓事述元吳媿書稱天授禮法延祚元年十二月蓋此年末也賀媿書納旌節告勅及所得勅榜置神明匣留歸娘族境上延州上其書畧曰持命之使未還南界之兵早動漫于鄜延麟府九處入界李燾云媿書言邊兵九處入界實錄

西夏書事

卷十三

八

正史未聞涇原環慶一旅凱旋又曰南兵善走詳當考棄下旗鼓刀鎗甚多我將出奇殺却漢蕃軍吏兵民不少又曰既先違誓約又別降制書誘導邊情潛謀害主諒非聖意有偏必皆公卿異議有失宏規全忘大體又曰蕃漢各異國土迴殊幸非僭逆嫉妬何深況元吳爲衆心之所推循拓拔之遠裔爲帝國王有何不可又曰崑伽回將到詔書與界首張懸勅旨不同言不由衷人真無信又曰元吳與契丹姻親有素炎宋與契丹玉帛久馳倘契丹

聞中朝違信媾言亦遣全師請罪西北交困廟算何施又曰伏冀再采菲言深詳微懇回賜通和之理薦行結好之恩尾稱天授禮法延祚元年冬十二月書 史臣曰元昊妄肆逆謀慮下不從上此媾書規得謹絕以激怒其眾時著作郎張方平請順適其意使無由猝發得歲月之頃以其間選將勵士堅城除器為不可勝以待之雖終于必反而兵出無名吏士不直其上難以決勝小國用兵三年不勝必折我以全力制其後必勝之道也時天

西夏書事

卷十三

九

下全盛皆謂其論出姑息決計用兵遂致西州重困惜哉

誘鄜延都監李士彬士彬執使人斬之

元昊為書以錦袍金帶投金明縣境上

宋史范雍傳元昊引

兵數萬破金明砦周美傳康定初美請修金明砦通鑑諸書仍之考地理志熙寧五年省金明縣為砦則仁宗時不當以砦稱也約士彬同叛候人得之諸將皆疑

鄜延副都部署夏隨曰此夏人行間耳士彬與羌

世仇若有私約通贈遺豈使眾知耶召士彬與飲

厚撫之士彬感泣誓立功自効已而元昊潛使人

入金明誘士彬曰果約降當富貴與共士彬斬使縱從者還報士彬繼周子也

遣使入鄜延請和

元昊遣供備庫使毛迎吸已至鄜延境上賫表請和辭甚悖慢中國不從遂激眾曰吾求罷兵而南朝不許柰何于是眾怒戰益奮

殺蕃族吹同乞砂等家

乞砂西蕃首領與弟吹同山乞各率族兵于蕃界撿夏官內奔元昊追之不及盡誅二人家屬乞砂

西夏書事

卷十三

十

等至中國授三班奉職繼擢左千牛衛大將軍各賜帛三十疋茶三十勛使還本族捍御

乞砂陸攢在康定元年二月庚子

茲并書之

附 楊偕奏議閣門祇候王文恩入西界為夏所

敗士兵皆竄惟東兵二百人捍拒射殺夏兵甚

多據李氏長編列偕疏于寶元二年末或移見

明年二月偕自河中徙陝時疏中言即近事而

是時宋兵入夏紀傳皆不載

康定元年契丹重熙九年夏天授禮法延祚三年春正月朔

日有食之

日西先有一珥楊守素曰此吾軍勝象也力請元

昊取延州

破金明縣執都監李士彬

元昊誘士彬不得使蕃部詐降士彬白知州范雍

請徙置南方雍不可賞以金帛令隸麾下於是降

者絡繹分置諸寨甚眾元昊又令將士與士彬遇

輒不戰而退曰我等聞鐵壁相公名莫不膽墜地

也士彬聞之氣益驕一日縱兵自保安軍土門路

西夏書事

卷十三

十一

入聲言取金明

魏泰東軒筆記云康定中元昊入延州東路安遠承平兩砦又以兵

犯西路聲言將襲保安軍故延州發兵八萬支東西二隅而元昊乃乘虛由北路襲金明

嚴兵待夜分不至釋甲而寢翌旦兵大入降者執

士彬及子懷寶以獻

趙琦聚米圖經云元昊本舉兵趨延州悉發兵捍東

西二路士彬所部兵既分保極邊小砦但一日間三十餘砦盡破士彬父子俱死又司馬光記聞云夏

人屯黑兒砦夏兵併入中路衆寡不敵

寶諫曰今當聚兵禦寇分則勢弱不可支也士彬

不聽懷寶遂戰死士彬急使其心腹赤定軍主以

珠帶示母妻使逃母妻策馬走延州范雍不信使人謂之皆為夏人所擒又云元昊得士彬割其耳

而後殺後十餘年乃卒與宋史夏國傳異

陳仁錫曰士彬世守金明

部兵十萬延州號鐵壁相公專使控扼中路元昊

使軍吏詐降怯戰以驕其氣又知士彬馭下嚴士

心不悅輒以金爵誘其所部渠帥及兵大入降者

內應左右以弱馬鞍士彬并其子致之元昊抑何

畧也

按金明一邑舊砦三十六胡兵十萬人其北百

里間有塞門安遠栲栳三砦洵延州之保障熟

戶之藩籬也士彬貪而無智常誘趙山遇內奔

侵沒其珍寶萬數致陷山遇以死元昊之計取

西夏書事

卷十三

十一

百端非獨金明有必爭之勢亦與士彬有不解

之冤也

附韓琦安陽集元昊侵鄜延熟戶李士彬及米

知順李思等族俱為之降且擄據李氏長編米

知順係保安熟戶其降虜月日未見李思并不

詳何處熟戶

分掠安遠永平諸砦不克

安遠居極邊元昊兵破其門再重至第三門監押

邵元吉總軍士奮擊拒守累日眾乃退永平砦主

初欲歛兵避山中指揮史吉率所部遮城門詰欲何之若主以謀告吉曰如百姓芻糧何且異日為有司所劾罪當死請先斬吉馬前不敢從行也若主慙而返吉登陴力拒城得以全

進攻延州敗官兵于三川口執副總管劉平等

初元昊將攻延州使衙校賀真至州言欲改過歸

命范雍喜禮真歸之遽以上聞不復設備及金明

破元昊得士彬帳下蕃兵數萬驅之逕薄延州州

夾河為兩城雜堞卑小兵士登九州臺瞰城中如

西夏書事

卷十三

三

畫攻圍甚急時副都部署石元孫領兵在外守城

者纔數百人鈐轄內侍盧守勤對雍號泣謀遣都

監李康伯通欵康伯寧死不肯行雍急召鄜延副

總管劉平于慶州平督精銳合元孫兵晝夜倍道

而前至萬安鎮平先發元孫繼進夜至三川口西

十里止營遣騎兵先趨延州爭門平與鄜延都監

黃德和巡檢万俟政結陣東行方五里元昊預為

偃月陣待之復令步兵涉水為橫陣衝擊官軍不

勝復蔽盾而前令驍將揚言獨當裨將郭遵遵揮

鐵杵碎其腦兩軍皆奮呼搏擊劉平右頸左耳碎

中矢元昊知平受傷日暮以輕軍進薄官軍不能

禦黃德和先走眾大潰遵持大稍橫突之元昊見

不可敵使人持索索立高處迎遵馬輒為所斷因

縱使深入攢矢注射馬中矢仆地殺之

王向記答言遵舍軍

親造黃德和壁趣救兵德和不從還與夏兵戰坐

下馬被射死步行殺數人走東原大崖下趨環州

聞德和已斬死事者皆得

封遂匿不敢出其說異

平率餘眾退保西南山

立七柵自固夜元昊使人叩寨問主將安在平戒

軍士弗應復使人假為戍卒遞文移者平殺之抵

四鼓環營大呼曰如許殘兵不降何待平旦又使

人呼曰汝降乎不然當盡死平卒不應元昊舉鞭

麾騎自山西出截官軍為二大敗之執平與元孫

等會雨雪兵士弛備聞麟州都教練使折繼閔柔

遠若主張岳襲破浪黃黨兒二族軍主教保被殺

并代鈐轄王仲寶以兵入賀蘭谷蕃將羅逋又敗

于長雞嶺乃解圍

范雍墓誌云二帥陷沒城中大恐無可守之勢雍曰延安西夏

之咽喉不守則關輔皆危今人力竭矣城南有嘉

嶺山其神素靈乃望而禱之是夕陰晦雨雪大下

夏兵暴露不知所為

乃引去其說近誕

西夏書事

卷十三

四

魏泰曰劉石之援延州也

兵抵大柳樹去州二十里日向夕忽有來使宣狀云范太尉已候城之東門然暮夜納眾恐透漏奸細請寫放人馬庶辨真偽也二將信之下馬據胡床躬撥隊伍每一隊行及五里許又放一隊至更餘約放五十隊矣二將顧問來使忽失所在心知有變遂整陣而前至五龍川去延州纔五里忽四山鼓角雷鳴埃煙斗合蕃兵墻進倏忽之間已陷重圍蓋夏人前一夕偷號入金明先斷東北路以致二將于覆中計亦狡哉

西夏書事

卷十三

五

按西界興兵之後境內生聚牛羊皆遷徙遠匿其守備族帳僅老弱耳然官軍入界遇之輒奔還不敢一戰若延州之寇夏人大寨在城北五十里五龍川口其後隊直接魚家庄去州二十里較其眾約十餘萬平等以八千人赴援謂其下曰義士赴人之急蹈湯火若平地況國事乎蓋明知勢有不敵而勇於公義奮不顧身不得以身入重地嘗其無識也

附 李氏長編康定元年三月戊午原州乾興砦

主李繼明監押孫信並杖脊刺配沙門島由夏人圍鎮西堡坐不卽救援也攷宋史夏國傳元昊是時尚未入涇原鎮西之圍紀傳無考長編疑誤

附 王闢之澠水燕談錄康定中趙元昊旣擄劉平遂約吐蕃毋得與中國陰相爲援朝廷患之使尙書屯田員外郎劉渙至青唐諭以恩信攷宋史唃廝囉傳元昊反使侍禁魯經持詔諭廝囉使背擊元昊旣元昊屢寇邊仁宗復遣經經

西夏書事

卷十三

六

固辭于是渙應詔往並無元昊約和吐蕃事附 一統志涼州平番縣北六十五里岔口之東偏有古荒址云宋康定初夏趙元昊築城于此以拒西蕃兵攷夏臺事迹及宋史夏國傳此事不得其詳

西夏書事卷十三終

西夏書事卷十四

青浦 吳廣成西齋 纂

康定元年契丹重熙九年夏天授禮法延祚三年夏四月西

蕃磨喃毡謀攻涼州

磨喃毡與父喃厮囉猜阻雖各治一城別立文法

然終不能統攝諸蕃寶元中中朝欲兼撫之命為

順州團練使磨喃毡感恩上表言有兵二萬願取

西涼請遣使護仁宗詔嘉之

五月取塞門砦執砦主高延德遂破安遠諸砦

西夏書事 卷十四

塞門蕃部舊址在蘆子關南距金明二百里向屬

夏州淳化中金明守將李繼周開治塞門鴉兒兩

路建砦其地然與延州相距路無人煙一水屈曲

涉渡五十七處勢殊孤絕元昊于二月中自延州

退兵金明遣首領約遇沒兀等部蕃騎七百餘在

塞門旁近駐泊已率大眾攻之砦中兵纔千人堅

守五月屢告急於鄜延總管趙振遣百餘人來

援趙振別傳元昊圍塞門有軍士趙義亡歸延州言元昊嘗殺犬與延德普使為內應振信之故不敢救與宋

史振傳異 元昊盡殲之聲言中國已棄此砦力

破之殺兵馬監押王繼元執砦主內殿承制高延

德悉取其糧草器甲畢氏續資治通鑑云據陳水

守不可守宜拔兵民以歸延德城守半數振卒不

救乃率眾棄城夏兵據險邀之與眾俱沒李氏長

編頗采之然長編於五月甲子但書元昊陷塞門

執延德不書棄城走宋史趙振傳亦不載移書事

乘勝圍安遠天風雨路泥淖蓬蒿深沒人膝元昊

慮延州援師至伏兵渾州川以邀歸路安遠失援

亦破於是分兵旁取栲栳黑水等砦五龍川一帶

邊戶於掠殆盡宋史夏國傳夏人攻金明執李士

慶歷元年正月奏疏云請以二月半合兵萬人自

永平砦進築承平砦俟承平畢功又擇利進築以

西夏書事 卷十四 二

牽制元昊而仁宗本紀夏五月元昊陷塞門又陷

安遠李氏長編五月甲子元昊陷塞門乙亥陷安

遠並不載破承平事惟韓琦奏議云栲栳塞門安

遠黑水等砦自為元昊所破直至延州更無障蔽

其承平長寧南安等砦亦當時倉猝棄之是歐

承平乃中國自棄者夏國傳謂元昊破謀 歐

陽修曰元昊假借名號以威其眾先擊砦堡之易

取者一二然後訓養精銳為長久之謀故其來也

雖勝而不前不敗而自退所以誘吾兵而勞之也

或聲言擊吾東而擊西或聲言擊吾西而擊東乍

出乍入所以使吾兵分備多而不得減息也吾欲

速戰彼則持重以養銳坐以待戰彼則欲避而不

來直待中國已困民力已疲又或中有水旱之災
調歛不勝盜賊四起彼乃奮其全力盡銳深入觀
其始告稱帝迄上媿書逾年不出一出則鋒不可
當執劫蕃官檢獲將帥多禮不殺此其陰謀所蓄
豈伊朝夕之故哉

華州生張元吳吳來投官之

華州生曰張曰吳者

王鞏問見近錄以張元為許州人疑誤

負氣倜

儻有縱橫才累舉不第

熊克復九朝通鑑李氏長編謂張元為華州進士又

元作源俱誤

薄游塞上規覽山川風俗慨然有志經畧

西夏書事

卷十四

三

取于自售放意詩酒出語驚人

田畫承君集張有鷹詩云有心待擗

月中兔更向白雲頭上飛又云好著金籠收拾取莫教飛去別人家吳亦有詩欲謁韓范二帥恥自

屈乃刻之石上使人拽于市而哭其後與容齋三筆所記同聞見近錄又載元客于長葛間縣河有

蛟長數丈每飲水轉橋人為斷行一日蛟方枕石飲元自橋上負大石中蛟宛轉而死血流數里又

每夜遊山林口吹鐵笛羣盜皆聞聲而避是其所策焉不為不特詩語驚人而

莫之知偃無所適聞元吳屢窺中國遂西走

聞見近錄

云元為縣宰所過項羽廟沽飲極酣酌酒像前悲

歌秦皇草昧劉項起吞併之詞大慟而行既入國

二人自念不出奇無以動聽各更其名相與詣酒

肆劇飲終日引筆書壁曰張元吳吳飲此運者執

之元吳責以入國問諱之義二人大言曰姓尚未

理會乃理會名耶時元吳尚未更名曩香所上表

奏仍用中國賜姓也聞言悚然異而釋之日尊寵

用事後入寇方畧多二人導之云

按昔魏公叔逵荐衛鞅于惠王曰不用即殺之

王以為悖而不聽後鞅入秦遂強秦而弱魏蓋

懷才之士不為我用即為敵資況負氣備儻縱

橫不羈如二人者乎願是時韓范生兵需才孔

西夏書事

卷十四

四

亟凡智能之士無不位置攸宜器使各當而獨

于二人失之豈非天哉

夏州民韓福內附

福初名懷亮見元吳偃修日盛自夏州內奔請改

名自效仁宗詔隸神衛軍後從任福破白豹城有

功補承局尋遷三班借職

按張吳以中國士人甘投夏國律以春秋去夏

就夷之義罪豈能辭福乃羌屬小民獨能潔身

慕義亦可嘉矣比書于冊使後世之士有如張

吳者聞福之風或媿而止歟

六月歲星犯井鉞秋七月又犯東井

在井十三度

分兵攻金明

元昊久駐金明朝廷使鄜延鈐轄張亢都監王達

率兵擊之始退延州兵馬都監周美請于安撫副

使范仲淹曰夏人新得志勢必復來金明當邊衝

若不亟完將遂失之仲淹因屬美城焉宋史明鑄

轉運使元昊寇延州破金明若既去議修復其城

西夏書事

卷十四

五

與周美數日元昊使兵攻之陣于延州城北三十

里與美力戰抵暮不解美徙軍山北多設疑兵將

士望見以為救至引還既而復出艾蒿山至郭北

平與美兵夜鬪美令部卒持炬從間道上山四面

大譟眾懼而走失牛羊橐駝鎧甲數千計

附遼史杜防傳重熙九年夏人侵宋宋遣郭禎

來告請與夏和上命防使夏解之如約罷兵各

歸侵地攷興宗紀九年秋七月癸酉宋遣郭禎

以伐夏來報遣樞密使杜防報聘不言如夏解

和傳疑誤

九月攻三川砦圍鎮戎軍大掠

涇原素稱衝要自鎮戎至渭州沿涇河大川直抵

邠涇畧無險阻雖有城池盡據平地與夏國路徑

交雜元昊率兵徑攻三川砦殺西路都巡檢使楊

保吉敗都監劉宗李緯等兵進攻獅子定川堡守

將三班借職郭綸實錄及韓琦奏議並作倫據蘇

川事差詳固守不能下掠劉璠堡降指揮玉遇都

虞候劉用宋史范祥傳祥通判鎮戎軍元昊圍城

西夏書事

卷十四

六

與夏國連破乾河乾溝趙福三堡圍鎮戎涇州駐

泊都監王珪以三千騎由瓦亭來援遇于獅子堡

揮兵圍之數重珪奮力闕破圍出會日暮珪語其

下曰兵法以寡擊眾利在暮復入陣索戰有驍將

持皂旗出槍直珪胸傷其右臂珪以左手杵腦碎

之又一將以槍進復斃之夏兵大驚將引還會珪

以馬中流矢退元昊留軍大掠三日聞涇原鈐轄

郭志高率大兵趨三川乃還

環慶官軍入白豹城師還復之

元昊之圍鎮戎也安撫副使韓琦使環慶副總管
任福率兵七千聲言巡邊自慶州東路華池鳳川
鎮趨七十里至柔遠砦大犒蕃部卽席部分諸將
夜抵白豹城范仲淹奏議延安之西慶州之東夏
界百餘里使人漢地中有金湯白豹
後橋三砦阻絕延慶二州所經
過道路使兵勢不接策應迂遠平明克之破蕩骨
畔等四十一族擒團練使一人蕃官四人蕃部走
匿土控中福焚殺之又燒積聚倉場酒務及太尉
衙元昊恐延慶合兵興州有失急回師援官軍已
退令騎躡其後神木北路都巡檢范恪引兵伏崖

西夏書事

卷十四

七

險俟半渡邀擊元昊與戰不勝乃還城中焚毀一
空令蕃衆修葺居之益兵爲守于是白豹復固

本末康定元年九月范仲淹令任福等出師
往攻夏白豹城破之而宋史屬之韓琦傳周禮

曰元昊兵寇三川官軍不能禦琦使任福夜攻白
豹破其族屬焚其積聚此所謂攻其所必救形格
勢禁之道也

設鐵冶務於夏州冬十月官軍分道來攻拒却之

夏衆甲冑皆冷鍛而成堅滑光瑩非勁弩可入蓋
夏州多鐵州東設鐵冶務去河東麟府界黃河西

約八十里先是部署葛懷敏出保安軍北木場谷
由鬼年嶺襲破夏兵數千人逐之直逼夏州而還
于是知延州范仲淹謀取鐵冶務以圖夏州復遣
懷敏與麟府都監朱觀率兵分六道掩襲觀等入
界破一十餘砦族帳二十餘處抵洪州夏人結砦
捍拒陰令橫山蕃部盡據險要出邀官軍後懷敏
等戰不勝再宿而退 田況曰夏界諸處設備甚
嚴官兵入界謂之打虜所獲無幾陷沒極多如郝
仁禹打瓦娥族亡三百四人無所獲任政打鬧訛

西夏書事

卷十四

八

堡亡百九十三人秦鳳部署司打隴波族亡九十
六人各獲首一級其餘大亡小獲無足言者至于
劉謙高繼嵩等破麗青諸族朱觀等入洪州牽制
皆爲有功者也然無不殺戮老弱以增首級此皆
吾民旣淪於異域而又無辜被戕反使遺民稱冤
西界以求復仇吁可媿也已

進兵爭青澗城敗於歸娘谷
夏國蘆子平扼金明要路元昊留兵戍守范仲淹
遣侍禁黃世寧攻破之然地遠不能守延州東路

鮮番離鄜州判官神世衡言延安東北二百里有故寬州請因其廢址興之以當敵衝右可固延安之境左可致河東之粟北可圖銀夏之舊仲淹為請于朝令世衡董其役城成賜名青澗以世衡知城事元昊攻之不能克退駐歸娘谷仲淹遣閣門祗候張繼勳更番襲擊夏兵屢敗相戒曰無以延州為意今小范老子腹中自有數萬甲兵不比大范老子可欺也

十一月築遮鹿砦以綏州狗兒廂主守之已而戰歿

西夏書事

卷十四

九

元昊見延州築青澗城又聞都監朱吉駐延安砦防東路指揮王信張建侯黃世寧駐保安軍扼中路巡檢劉政駐德靖砦控西路指揮張宗武等分屯敷政諸要害密佈兵馬聲勢日盛乃于綏州界外修築遮鹿砦冊二砦使狗兒廂主戍兵禦之范仲淹遣兵馬監押馬懷德以所部掩襲廂主督兵出戰懷德射殺之于是冊海溝茶山龍栢安化等砦皆不守

侵隴干城

初曹瑋知渭州于六盤山外隴干川築隴干城

修王堯臣墓志作龍竿城以蔽蕭關鳴沙諸路厚集土兵守之

曰異日秦渭有警此必爭之地也

王堯臣奏隴干城蕃漢交易市井富庶與近邊州郡不同其地去夏界則路甚平易去中國則有山川之阻所以夏必窺伺元

昊攻鄭延涇原不得志謀犯秦渭由生羌回家堡入圍隴干提點陝西刑獄劉兼濟將千餘騎禦于

黑松林夏兵不能進兼濟平之弟也

十二月慶州官兵入十二盤咄當迷子二砦潰

元昊計數黜賞罰明蕃部受約束者無不盡力為

西夏書事

卷十四

十

用慶州界北十二盤及咄當迷子二砦並戍人保聚處元昊入邊輒舉烽揚塵作援應勢慶州將范恪會諸道兵攻之抵十二盤蕃眾拒戰甚力恪中流矢不顧已視砲石中有火與者恪取號於眾曰夏兵矢盡用竈下斃矣士卒聞之爭奮破十二盤於是咄當迷子族戶皆委砦徙帳而北

慶歷元年契丹重熙十年夏天授禮法延祚四年春正月涇原官軍襲威福軍遣蕃官骨披等偽降不納黑山威福軍駐黃河西涇原都監桑懌率兵襲之

焚族帳掠馬馳甚衆元昊遣指揮骨拔等四人詐
投擇軍設誓願爲中國効力擇以告安撫使韓琦
琦不可

附 李氏長編正月乙亥并代部署司言西兵寇

麟府二州請發郵延等路兵馬入西界以牽制
其勢攷宋史夏國傳是時元昊尚未攻麟府長
編不知何據

歸塞門砦主高延德於延州請和安撫副使范仲淹
使以書來

西夏書事

卷十四

十一

元昊知骨拔等計不行歸延德詣延州與范仲淹

約和劉溫潤西夏須知元昊雖數勝然亦死亡瘡

境土而中國兵益練習名將稍出頗究敵中情狀

元昊始欲臣矣乃歸塞門砦主高延德乞和宋史

夏國傳因紀此事於七月仲淹見未具表奏且書

有僭號不可以聞李氏長編云延德之來初無書

高延德奉書至延州已送闕下則據此乃自爲書遣

監押韓周張宗永同延德還西夏本末延德被執

方與長編 致元昊曰高延德至傳大王之言以休
兵息民之意請於中國甚善又爲前者行人不達

而歸故未遣親信不爲書翰然詞意昭昭有足信

矣惟君子爲能通天下之志固當盡誠奉答曩者

景德初兩河休息中外上言以靈夏數州本爲內

地請河朔之兵合關中之力以圖收復我真宗皇

帝文德柔遠而先大王歸向朝廷心如金石言西

睡者一切不行待先大王以骨肉之親命爲同姓

封爲夏王旌旗車服極王公之貴恩信崇厚終始

不衰此真宗皇帝之至化亦先大王忠順之功所

致也自先大王薨背今皇帝震悼累日遣使弔賻

西夏書事

卷十四

十二

有加禮以大王嗣守其國爵命隆重一如先大王

大王以青春襲爵不知真宗有天地之造違先君

之誓書遂僭位號累遣人告於朝廷歸其旌節中

外驚憤請收行人僂於都市皇帝非不能以四海

之力支持一方念先帝歲寒之本意故夏王忠順

之大功豈一朝之失而驟絕之乃不殺而還假有

本國諸蕃之長抗命于大王而能含容若此乎省

初念終天子何負于大王前代故事諸侯于紀卽

日追奪爵命購求罪首朝廷寬大至于半年有司

屢告方令下詔此國家舊章不獲已而行也二年以來疆事紛起耕者廢耒織者廢杼且使戰守之人日夜競爲豺虎吞噬邊界蕭然豈獨漢民之勞敝耶天子遣仲淹經度西事命之曰有征無戰不殺無辜王者之師也仲淹拜手稽首敢不夙夜于懷至邊之日諸將士多務小功不爲大畧未副天子之意仲淹與大王雖未嘗高會向者同事朝廷于天子則父母也于大王則兄弟也豈有孝于父母而欲害于兄弟哉可不爲大王一二陳之大王

西夏書事

卷十四

三

世居西土衣冠語言皆從本俗而稱號獨與中朝侔豈欲以契丹自帝比乎夫契丹自石晉朝有援立之功久僭尊號若大王則世受天子厚恩如諸蕃有叛者大王當爲霸主率諸侯伐之則世世有功王王不絕乃欲擬契丹之稱究其體勢昭然不同也昔在五代羣雄咆哮生靈塗炭後唐明宗祈天生聖人以救天下是年我太祖皇帝應運而生及歷試諸艱中外欣戴受禪于周不血一刃四海大定豈非應天順人之至乎太宗皇帝聖文神武

表正萬邦真宗皇帝奉天體道清淨無爲與契丹通好受先大王貢禮自茲天下熙然同春今皇帝早朝至晏從諫如流有忤雷霆雖死必赦故四海望如父母真傳所謂以仁獲之以仁守之百世之朝也仲淹料大王建議之初人必謂邊城少備土心不齊長驅而來所向必克今強人猛馬奔衝漢地二年于茲漢之兵民蓋有血戰而死者無一城一將肯歸大王此可見聖宋仁及天下邦本不搖之驗也今邊士訓練日精恩威已立將帥而下莫

西夏書事

卷十四

四

不效命爭議進兵招討司現統兵四十萬約五路入界著律曰生降者賞殺降者斬獲精強者賞害老幼婦女者斬遇堅則戰遇險則奪可取則取可城則城縱未能入賀蘭之居彼之兵民降者死者所失多矣是大王自禍其民而官軍之勢不獲已也仲淹又念皇帝有征無戰不殺非辜之訓嘗與招討太尉夏公經畧樞密韓公竊議其事莫若通問大王以息兵爭以重民命其美利甚衆也蓋大王能以愛民爲意禮下朝廷復其王爵承先王之

志天下孰不稱賢一也倘衆多之情三讓不獲則如漢唐故事單于可汗之稱尙有可稽于本國語言爲便復不失其尊大二也但臣貢上國存中外之體不召天下之怨不速天下之兵使蕃漢之人復臻康泰無死傷相枕哭泣相聞之慘三也又大王之府用或闕朝廷每歲必有物帛厚賜爲大王助四也又從來入貢使人止稱蕃吏之職以避中朝之尊按漢諸侯王相皆出真拜又吳越王錢氏有承制補官故事功高者受朝廷之命亦足隆大

西夏書事

卷十四

五

王之體五也昨有邊臣上言乞以官爵金帛招致蕃部首領仲淹亦已請罷大王告諭諸蕃首領不須去父母之邦但回意中朝則遐邇同太平之樂六也國家以四海之廣豈無遺才在大王之國者朝廷不侈其家安全如故宜善事主以報國士之知惟同心向順自不失富貴而宗族必更優恤七也又馬駝牛羊之產金銀綉帛之貨有無交易各得其所八也大王如以仲淹爲可從則君臣同利不從則彼此相傷憂患何時息哉惟仁人擇焉

按是時經畧西事韓主用兵范主招納嘗有夏人杜文廣至延州言西界聞會兵入討國中呼集點配遷徙驚擾使乘此時令諸將直搗興靈疾雷不及掩耳元昊善謀亦難爲備乃朝議遷延元昊因順仲淹之說遣使約和益其志犯秦渭惟恐延州赴援籍此爲歛兵計耳仲淹遺書答之墮其術中矣

西夏書事

卷十四

六

西夏書事卷十四終

西夏書事卷十五

青浦 吳廣成西齋 纂

慶歷元年

契丹重熙十年

夏天授禮法延祚四年春二月侵

渭州誘官軍于好水川敗之殺行營總管任福等

元昊聞中國師出有期潛聚兵一路俟官軍出界

擊之已知不果乃大閱折薑會令諸將擇利進兵

偽使人至涇原請和韓琦曰無故請和詐也令諸

堡戒嚴而自行邊甫至高平夏兵已入渭州境薄

懷遠城琦急趨鎮戎軍盡發其兵又募勇士萬八

西夏書事

卷十五

一

千人命總管任福將之以都監桑懌為先鋒鈐轄

朱觀都監武英王珪各率所部從琦授福方畧申

令持重是夕夏兵趨懷遠東南旦日與福所部西

路巡檢常鼎劉肅戰于張家堡盡棄牛羊馬駝伴

北福自捺龍川引輕騎數千前逐薄暮偕桑懌屯

好水川觀英等屯籠絡川中隔隴山相距約五里

期明日會兵時元昊自將精兵十萬營于川口先

以數銀泥合密封鴿百餘置道旁詰旦福與懌循

川西行出六盤山下將近羊牧隆城得合發之鴿

自中起盤飛軍上俄而鐵騎四合自辰至午相持

不決元昊忽令陣中樹飽老旗長二丈餘左麾左

伏起右麾右伏起自山背下擊官軍多墮崖相覆

壓懌肅戰死元昊復分兵斷福歸路福力戰身被

十餘矢小校劉進勸福自免福不可揮四刃鐵簡

決鬪鎗中左頰絕喉而死于懷亮亦死元昊併兵

攻觀英殺英珪及參軍耿傅渭州都監趙津等惟

觀以千餘人免初中國以戶部尚書夏竦為陝西

經畧使竦揭榜塞上得趙元昊首者賞錢五百萬

西夏書事

卷十五

二

貫元昊亦令人入塞伴為賣箔者遺其箱于食肆

人以獻竦啟之中有榜得夏竦首與錢三千文是

役也張元題詩界上寺壁云夏竦何曾聳韓琦未

足奇滿川龍虎輦猶自說兵機後書太師尚書令

兼中書令張元隨大駕至此題

張元題詩聞見近錄云在攻邠延執

劉石時周輝清波雜志記在

史臣曰元昊乘中

國弛備悉眾寇邊王師大勦者三夫豈天時之不

利哉亦人謀之不臧也好水之敗諸將力戰以死

噫趨利而違節度固失計矣然秉義不屈庶幾烈

士者哉

按議者謂福以素未撫循之衆臨敵受命法制不立既又分出趨利以至於敗說殆非也元昊聞朝廷聲討方謀聚兵一路以拒官軍及朝議中止乃分兵四出蓋知涇原主戰非大創之不足挫其銳也故偽和以絕延州之援詐敗以驕諸將之氣道旁銀合陣內長旗其詭譎之智豈福等所能料哉書誘書敗著其黠也

圍劉璠堡

西夏書事

卷十五

三

涇原屬戶萬餘帳向來驕悍元昊六盤山之戰皆其嚮導故兵行徑路及設伏之處一如宿計是時引元昊乘勝圍劉璠范仲淹遣環慶都監劉政將銳卒五千來援夏兵聞之遂還

附范仲淹奏議山外兵敗之後據慶州申郝仁

禹等領兵入夏界輸折甚多又田况奏議仁禹打瓦娥族亡三百餘人此事紀傳不載

三月復以媾書遺延州

韓周等始入界迎者皆叩頭稱賀禮意殊善又行

兩日即聞山外兵敗狀意便驕慢既抵國中元昊不見留四十餘日方令親信野利旺榮為書書共二十六紙語極怨尤不遜又以劄付周等要求數事使人同至延州范仲淹發書對使焚之僅存後幅求通好語及周所賚劄上之樞密院

夏四月掠儀秦二州

夏國首領各將其種落兵謂之一溜少長服習作止自然既成行列每餐以手掩口絕不笑言整飭如是元昊之寇渭州初分兵為四溜期集于好水

西夏書事

卷十五

四

川任福所遇乃先至之一溜也猝遇福軍而駭欲奔所聚之地福不知虛實乘勝尾追遂陷大陣然諸將力戰至死不肯退夏兵雖勝殺傷亦相當故攻劉璠堡不克還屯天都山令游騎剽掠儀秦二州屬戶聞秦鳳副都部署曹琮設伏以待乃退沙州回鶻來侵卻之

回鶻土產珠玉為最帛有兜羅綿毛毳狻錦注絲熟綾斜褐藥有膻膈臍礪砂香有乳香安息篤耨其人善造寶鐵刀烏金銀器或為商販市于中國

契丹諸處往來必由夏界夏國將吏率十中取一

擇其上品賈人苦之後以物美惡襍貯毛連中

洪皓松漠紀聞云毛連以羊毛緯之單其中所以為袋以毛繩或線封之有甚麤者若間以襍色毛者則

又甚輕細然所征亦不貲自元昊取河西地回鶻種落

竄居山谷間悉為役屬曹瑋在秦州欲誘之共圖

元昊得西川舊賈使諭意于是沙州鎮國王子遣

使入貢奉書曰我本唐甥天子實我舅也自李氏

取西涼遂與漢隔今願率首領討夏已而以兵攻

沙州不克

西夏書事

卷十五

五

以中書令張元為國相

元好陰謀多奇計然性喜誅殺元昊殘暴多其贊

成故倚畀九重

五月遣盜入涇原

元昊行兵每以厚賞用間諜哨探至數百里外必

得其實又陰養死士專備剗刺初夏竦議五路進

師集幕職兵官密置兵馬分孽糧草凡五晝夜皆

有文字封鑰大櫃中數人不能舉一夕失之竦謀

遂沮是時韓琦駐涇原夜有人攜匕首入寢門遽

褰帳琦起問誰何曰來殺諫議問誰遣來曰西夏

張相公命琦復就枕曰取余首去刺者不忍取金

帶而出琦明日亦不治此事俄而守陴者以原帶

獻蓋刺者故張其事以搖中國軍心也

按綱目書盜十一書使盜三罪使者也涇原之

盜雖言張元所使實則元昊主之不書元者罪

有攸歸也

秋七月河東屬戶也羅導攻麟州圍十八日而解

夏國與陝西有大河之限難于援應若自興州徑

西夏書事

卷十五

六

越河津不十日程可入麟府元昊于河西伐木編

筏將為渡河計會河東屬戶也羅新授殿侍求錦

袍驛料於兵馬鈐轄康德與不與也羅有怨言或

譖其與夏國通戰則反射漢人也羅不能自明遂

投夏導兵入寇聲言侵關隴知并州高繼宣請備

麟府已而也羅果以河東兵弱自後河川逕渡首

攻麟州四面屬羌盡遭驅脇都監王凱乘城拒鬪

十餘日不解繼宣帥兵赴救自陵井抵天門關及

河師半濟黑靈暴合舟不能進繼宣具牲酒為文

以藉俄而晴朗師盡濟道勇士斫營不勝募隸配
廂軍二千人號清邊軍令凱將之出次三松嶺元
昊揮兵數萬圍之清邊軍奮鬪夏兵敗斬首千餘
蹂躪死者無算遂解圍退魏泰東軒筆錄麟州踞
河外扼西夏之衝但城
中無井惟一沙泉在城外其地善崩俗謂之抽
沙每欲包展入壁而土陷不可城廢歷中有戎人
謂元昊曰麟州無井若圍之半月兵民渴死矣元
昊從其言城中大窘有軍士獻計曰彼圍不解必
以無水窮我今願溝泥使人乘高以泥草積使敵
人見之亦伐謀之一端也州將從之元昊望見謂
戎人曰爾言無井今乃有泥以護草積何也即斬
之解圍去又陝西通志苗繼宣傳麟城素乏水圍
既久士卒渴乏或勸繼宣取污溝之泥以飾堦元
昊仰視曰謀謂我無庸戰不三日漢人當渴死今

西夏書事 卷十五 七

尙有餘以巧乃給我也斬之城下去攻宋
史張旨守府州亦載此事未知孰是俟攷

附 宋史王凱傳元昊反凱徙麟州都監嘗出雙

峯橋染枝谷與夏人戰破之又寶舜卿傳舜卿

爲府州兵馬監押夏人犯塞舜卿欲襲擊求援

于王凱凱弗應舜卿度事急提州兵出戰勝之

攷明鎬奏議凱在河外凡九年屢有戰功未必

係此一時事

八月破寧遠砦圍府州不克轉攻豐州取之

元昊攻麟州佯言軍士死傷者三萬餘人失輜重

數千以驕中國邊吏一日踰屈野河西山上白草
平攻寧遠破之殺砦主備禁王世璽兵馬監押王
顯焚倉庫樓櫓皆盡轉攻府州州城倚山險且固
東南有水門崖壁峭絕下臨大河兵從崖腹微徑
魚貫而進城上矢石亂下退攻城北與知州事折
繼閱士卒力戰死傷者千餘人宋史張旨傳旨通
判府州州城倚山險
城郭旨將城之州將曰吾州據險必不來旨不
聽城外不就元昊兵大至乃聯巨木補其罅以
考中其路不相聞者累日州無井民取河水以
人斷其路旨夜率兵擊之夏兵卻以官軍壁兩
旁使民出汲又以渠泥覆積草夏兵望見以乃
爲水有餘戰又不勝解去與折繼閱傳異

西夏書事 卷十五 八

刈禾稼盡發窖藏徙攻豐州破之知州事王餘慶

兵馬監押孫吉指使三班借職侯秀嚴訓皆死遂

大掠永安來遠保寧三砦蕃族

徇唐隆鎮降首領來守順等

唐隆爲西蕃太部與麟府僅隔一河元昊圍麟府

分兵破之守順請降徙之夏州未幾與麟州蕃官

麻崖府州巡檢默喇俱脫歸中國麻崖默喇皆元

昊勝以入西者也

九月復掠麟府與巡檢使張岳戰于龍門川不勝

元昊既破豐州回兵復扼麟府使二州隔絕民閉
壁乏飲黃金一兩易水一杯又縱游騎抄襲餉道
邀擊巡檢使張岳于深柏堰不克見近郊田比秋
成分兵據之岳將步卒九百人來爭元昊易其兵
少列陣龍門川以待岳奮力接戰夏兵被斬者數
百級失器械牛羊數千計

獻俘契丹

初仁宗詔河東安撫使移文諭契丹以元昊反奪
官削姓已發兵討之契丹亦以興平公主故憾元

西夏書事

卷十五

九

昊使人入聘元昊懼南北合兵會府州折繼閔護
送冬服至麟州伏兵盡奪之遣使獻俘契丹以求
和好

附 宋史郝質傳質與田朔將兵護軍需至麟州

道遇夏兵數千前抄質先擊力戰斬獲頗多又

張岳傳中使促賜軍衣至麟州夏人邀之青眉

浪岳馳往護流矢貫雙頰岳拔矢力鬪夏兵卻

此二事與折繼閔事孰先孰後紀傳不詳

冬十月容州刺史耶布移守貴以兵據琉璃堡戰敗

棄堡走

元昊久困麟府州民及僧道詣關請益兵廷臣以
二州在絕塞咸議棄河外守保德會并代鈐轄張
亢奉詔至與張岳合兵為戰守計耶布移守貴以
兵攻之屢敗悉眾據府北之琉璃堡分列三砦亢
使謀伏堡旁深草中伺其動靜見老羌方炙羊髀
卜吉凶驚曰明當有急兵且趨避之眾笑曰漢兒
皆藏頭膝間何敢爾亢知無備夜半引輕騎掩擊
三砦兵倉猝迎戰敗死者三百餘人失牛羊馬馳

西夏書事

卷十五

十

萬計遂棄堡走

十一月爭建寧砦大敗十二月盡撤諸路兵還

建寧據麟府之中最號險要元昊令蕃卒據之時

麟州郊賞至府州府餉麟地距百四十里非兵衛

不敢前張亢率所部護送夏人鈔之不得間聚蕃

眾數萬屯柏子砦邀亢歸路天大風亢順風奮擊

俘斬無算轉戰至建寧砦

與田朔行邊至柏谷敵塹道以阻官軍質禦之寒

嶺下轉關逐北遂脩復寧遠諸砦以扼敵衝所云
柏谷未知即柏子砦否俟考 砦兵披靡走亢修復砦址夏兵出

兔毛川爭之亢令張岳伏短兵強弩數千于山後
亢所將萬勝軍皆京師新募西人目爲東軍素易
之而憚虎翼軍勇悍亢陰易其旗夏兵誤趨之虎
翼軍力戰伏發夏兵大敗盡撤諸路兵還

慶歷二年契丹重熙十一年夏天授禮法延祚五年春正月

遣兵扼金湯城環慶將王仲寶來攻拒之敗績宥州
被圍五日而解

金湯東距延州德靖砦四十里西南距慶州柔遠
砦八十里爲國中和市處元昊自麟府還慮延慶

西夏書事

卷十五

十一

兵入界以重兵守金湯環慶副部署王仲寶與鄭
延都監狄青率兵襲擊殺數百人進攻宥州大掠
五日元昊遣兵拒卻之

團練使訛乞哆噉內附

元昊以官爵賤下沿邊逐族首領管三五百帳悉
署觀察團練之號景祐中訛乞曾受元昊職與族
弟訛介不合慶州蕃部巡檢趙明數遣人招之與
蕃官二十三戶內附仁宗厚賜授官已而哆噉亦
由嵐石都巡檢司請內屬

二月郎延兵援綏州卻之遂襲龍口坪

緣邊山坂重複元昊兵行必循大川是時屯兵無
定河郎延路都監周美擊破之乘勝抵綏州殺修
酋豪焚毀廬帳夏衆傳箭以拒美于龍口坪築砦
戍守元昊令精騎數千襲之美從百餘騎迎戰相
持數日而解

監軍野利旺榮使蕃將浪埋等詐降于青澗城

野利旺榮與弟遇乞分掌左右廂兵魏泰東軒筆

剛浪陵遇乞二人能用兵山界人戶善戰中間劉
平石元孫任福之敗皆二將謀也慶歷中神世衛

西夏書事

卷十五

十一

守青澗城用僧王光信賣書問之元昊大怒奪遇
乞兵殺之薛氏通鑑西夏剛浪陵號野利其弟號
天都王皆元昊腹心也宋史神世衛傳元昊未臣
其貴人野利剛浪陵遇乞兄弟親信用事世衛使
王嵩遺書問之皆誅死夏國傳及麗籍傳則言籍
與世衛致書野利旺榮並無剛浪陵名攷石林燕
語麗籍公知延州元昊親信臣野利旺榮遣牙校
李文貴來朝廷幸其至使籍作書答之是剛浪陵
即旺榮也皆有才謀號大王旺榮尤親信用事駐兵夏
州東彌陀洞郎延經畧使麗籍兩爲保安軍守劉
拯書賂蕃部破丑以達旺榮言公方持靈夏兵倘
內附當以西平茅土分冊之知渭州王沿副總管
葛懷敏亦使僧法淳持書及金幣招之田况集云
旺榮遇乞

分主夏廂兵附近漢界其居常出入從者不過一
二人王沿嘗欲募死士刺之因朝廷不肯出重賞
乃止宋史夏國傳知青澗城種世衡遣王嵩以棗
及畫龜遺旺榮旺榮囚嵩舍中歲餘知渭州王沿
總管葛懷敏方使法淳 旺榮令浪埋賞乞媚娘三
持書往與種世衡傳異 人詣青澗城種世衡軍前請降世衡知其詐曰與
其殺之不若因以為間留使監商稅出入騎從甚
寵法淳者睦峒山慧明院僧嘗率其徒力戰以護
御書院及保蕃漢老幼孳畜數萬者也

築阿干城破西蕃瞎玷衆于龕谷

瞎玷與父喃厮囉猜阻始據河州繼徙龕谷城自

西夏書事

卷十五

十三

立文法無所屬寶元中陝西經畧安撫都監趙珣
招之遺以緋錦瞎玷聽命屢通貢朝廷授澄州團
練使是時元昊築城阿干河旁距龕谷七十里中
國命瞎玷為緣邊巡檢使出兵圖之元昊惡其逼
遣將攻龕谷大破之喃厮囉不能救

三月慶州築大順城因遣兵戍白豹金湯等砦

自白豹金湯之破官軍一退元昊令蕃衆修復守
禦益固范仲淹謂大兵屢出不據險扼之徒滋怨
毒無益也慶州城西北馬鋪砦當後橋川口為夏

人出入必由地密遣子純佑與蕃將趙明負版築
大順城元昊懼扼其衝先伏兵河外以三萬人搦
戰佯北仲淹戒勿追元昊計不行遂以重兵戍金
湯白豹兩城蓋大順成則二城勢孤也 宋史范仲淹傳大順
既城白豹金湯夏人皆不敢犯攻仲淹奏議云臣
竊觀延安之西慶州之東有夏界百餘里侵入漢
道中間金湯白豹後橋三砦阻絕延慶二州經過
降之術據守之謀漢兵縱回敵據如故又李復圭
傳熙寧三年遣別將破其金湯白豹西人和市又
地理志進築白豹金湯俱在元符二年
則慶歷中二城尚未內屬未可云犯也

西夏書事

卷十五

十四

勁卒以甘言悅守臣一旦連犯亭障破金明李
士彬執砦門高延德而並邊籬落大壞檢劉平
于三川口死任福于好水川而西州勁兵盡亡
勢實駸駸不可制矣然而兵敵士寡憚于深入
其屢次入邊不過為擄掠計初未嘗據守城砦
也惜宋人計疎失于防禦觀于青澗既城大順
繼築金湯白豹勢漸不支其兵力不可概見耶
獻俘契丹以請師契丹出兵次幽州

宥州界首蕉蒿砦距大順城不及五十里范仲淹

使供備庫副使范恪破之元昊遣數千騎赴援恪
弓勝一石七斗矢鏃如鐸每發輒貫二人衆不敢
逼已而總管杜維序鈐轄高繼隆又分兵襲新築
漢乞薛馬都鬼三砦元昊慮漢兵深入以所掠緣
邊人馬獻于契丹請援契丹集兵幽州聲言分侵
河北使西南面招討使蕭塔列葛約元昊出別道
以會中國疆域戒嚴通判安肅軍李及之言契丹
與夏人姻故出兵姑應其請必不終失誓好願毋
過虞已而兵果不出

西夏書事

卷十五

五

西蕃兀二族來降夏四月知環州种世衡討破之
元昊數誘屬羌爲助環慶路酋長六百人約爲嚮
導范仲淹知其謀即日行邊稱詔犒賞諸羌悅服
聽命惟涇原間明珠滅臧兩大族步騎數萬號勁
勇北有二川直接夏境仲淹嘗請遣使招撫輒以
所受賜物呈送元昊作歸投質驗元昊授以官同
肆劫掠涇原路計討之仲淹以二族道險難攻而
止已二族誘環州兀二族受元昊署號結盟入擾
仲淹欲離其黨使世衡招諭不聽世衡令內屬蕃

官慕恩率兵掩至其地討破之其族百餘帳皆降
附 范仲淹奏議環州都監郝緒于安塞堡入夏
界折卻使臣軍官兵士四百五十餘器械無數
攷此事于實錄宋史未見

與延州官軍戰橋子谷不克
初夏兵入漢界官軍分地謹守不敢拒戰故往來
如履無人之境自鄜延環慶諸路設備復佈探馬
偵候兵至即會合掩擊于是稍知顧忌時延州守
龐籍以金明西北渾州川水土肥沃川尾橋子谷

西夏書事

卷十五

六

爲夏國險隘令部將狄青築招安砦于谷旁元昊
遣兵三萬爭之麾騎挑戰六班散直張玉持鐵簡
出關夏兵辟易退還自是興靈東界兵不得併力
西出

夏五月宥州侍中默香內附請封冊
默香素掌宥州兵馬龐籍使鬼泥族軍主阿克入
西偵伺默香告以國主請兵契丹使爲備旋與其
屬堪鬼布遇乞遣人賫告敕請內附求封爵仁宗
授順德軍節度封順德郡王賜姓名白守忠堪鬼

會州防禦使布遇乞敘州防禦使各賜襲衣金帶
然香等仍居宥州如故

遣兵援黑神堡復犯延州

元昊築黑神諸堡扼延州要路東路都巡檢馮懷

德平盪之元昊遣兵四萬躡其後復入延州界趨

僕射谷懷德分兵數千據谷旁高原以待夏兵恐

失地利揮眾搏戰懷德力拒不得進

六月綏延州將王嵩遣教練使李文貴請和

青澗僧王光信趨勇善騎射習知蕃部山川道路

西夏書事 卷十五 七

种世衡知青澗城時使為嚮導數盪族帳奏為三

班借職改名嵩世衡為蠟書遣嵩遺旺榮沈括補

衡以軍機數條絮袍一與嵩曰至彼須百計求見

遇乞非此人無以得其腹心嵩如所教間闕求見

遇乞與宋史言浪埋等至朝廷知王有向化心命

為夏州節度俸錢月萬緡旌節已至促其內附以

棗綴畫龜喻早歸意旺榮得書大懼自所治執嵩

以獻魏泰東軒筆錄嵩持書及山界即為邏者所

得資書以見元昊宋史夏國傳旺榮得書笑
曰种使君年亦長矣何為此兒元昊疑旺榮貳已
戲即囚嵩窖中亦與世衡傳異
不得還所治綑嵩窖中呂與獻文集記世衡遣嵩
入夏事頗詳宋元通鑑備

載之其遣文貴伴以旺榮旨報世衡且言不達書
說甚俚意或許通和願賜一言文貴亦言用兵以來資用
乏困人情便于和時世衡已去青澗麗籍疑其詐
留文貴不遣

西夏書事 卷十五 六

西夏書事卷十五終

西夏書事卷十六

青浦 吳廣成西齋

慶歷二年契丹重熙十一年夏天授禮法延祚五年秋七月

大旱黃鼠食稼

西羌風俗耕稼之事畧與漢同元昊頻年點集種植不時至是秋早有黃鼠數萬食稼且盡國中大飢

謨審令野利仁榮卒

仁榮野利后疎族多學識諳典故元昊建號之初

西夏書事 卷十六

一

顯庸創制動靜咨之嘗論興靈立國大勢言一王之興必有一代之制議者咸謂化民成俗道在用夏變夷說殆非也昔商鞅峻法而國霸趙武胡服而兵強國家表裏山河蕃漢雜處好勇喜獵日以兵馬為務非有禮樂詩書之氣也惟順其性而教之功利因其俗而嚴以刑賞則民樂戰征習尙剛勁可以制中國馭戎夷豈斤斤言禮言義可敵哉及卒元昊三臨其喪慟曰何奪我股肱之速也命厚葬之贈富平侯

八月納妃沒嚙氏營天都山居之

天都屬古蘭州地界五路間為國人嘯聚所凡欲舉兵必先至彼點集然後議所向元昊雖據數州其精兵僅數萬餘皆老弱婦女舉族而行故大舉不過二十日及入寇屢勝遂有并吞關隴之志會納其臣沒嚙皆山女為妃因天都與涇原路接山川平易勁騎疾馳渭州且暮可至特營宮室居之日與沒嚙氏宴樂其中天都守將野利遇乞后野利從父也謂其下曰吾女嫁二十年止故居今新

西夏書事 卷十六

二

得沒嚙氏即為修內何重之若是耶元昊聞而惡之

按自天都營遇乞見惡而种諤之間入自遇乞死而沒藏氏得幸野利后之廢成嗚呼元昊始以納一妃而致大將冤死繼以淫臣妻而成威黨弄權身亦隨之而隕自古奸雄亂世人不能制惟女戎足以禍之可不懼哉

逐環州謀入麟州攻青塞堡

元昊用兵多詭計知環州种世衡欲得之嘗以非

罪怒一蕃將命杖之百部下為請不可其人杖已
即奔夏國元昊用為親信歲餘盡得機事脫歸河
東元昊遣兵追之不及遂以二萬眾入麟州圍青
塞堡與并代鈐轄王凱戰由鞋邪谷轉鬪四十里
至杜肺川不勝而還

九月張元昊吳矯取家屬于隨州

二人既用事中國言者請示懷來以反間之賜其
家月米十石錢二十千文又以元之弟姪張秉彝
為華州長史張起張仲經為文學令往塞下招諭

西夏書事

卷十六

三

俟元等還一體優恤久之不至命當州部送二人
家屬一并赴關羈之隨州而以秉彝等百餘口送
房州安置譏察出入飢凍且死知州陳希亮言元
事虛實未可知使誠有之為國者終不顧家況此
皆疎遠無罪者乃釋歸其在隨州者卒不赦元與
吳潛使謀者矯中國令釋之吏民無知者一日臨
境作樂以駿馬輕車迎之歸

閏九月攻鎮戎軍殺涇原路副總管葛懷敏等

鎮戎距天都山百里西北則三川定川劉璠等砦

與石門前後峽連接乃前漢蕭關故地東路沿邊
有天聖乾興東山彭陽四城與原州平安開邊等
砦相錯其東南則渭州瓦亭砦與獅子攔馬平泉
三堡平列無險可恃元昊見李文貴不還與張元
等議元曰中國精騎並聚諸邊關中少備若重兵
圍脇邊城使不得出戰可乘間深入東阻潼關隔
絕兩川貢賦則長安在掌中矣元昊從之遂于天
都點集左右廂兵十萬范仲淹奏議夏人種落散
居衣食自給忽而點集併
攻一路故其
眾動號十萬分東西二道一出劉璠堡一出彭陽

西夏書事

卷十六

四

城合攻鎮戎知渭州王沿使葛懷敏率兵據瓦亭
砦以拒懷敏督軍進五谷口沿遺書戒勿深入第
背城為營以羸師誘敵至發伏擊之可有功懷敏
不聽由西南直趨養馬城元昊徒軍新濠外待之
官軍分四路進元昊與戰于趙福堡敗都巡檢劉
湛兵拔柵踰邊濠進懷敏入保定川砦夏兵毀板
橋斷其歸路別為二十四道以過軍合圍又絕定
川水上流飢渴其眾環慶都監劉賀率蕃兵戰于
河西潰去懷敏為中軍屯寨門東偏使知鎮戎軍

曹英軍東北元昊自福江川葉燮會四面躡之先以銳兵衝中軍不動回擊英軍黑風起東北陣擾大敗之懷敏為眾蹂躪幾死輿入瓮城是夕元昊聚火圍城臨西北呼曰爾非總管應點陣圖者耶爾固能軍乃入我圍中今復何往質明懷敏召諸將議結陣走有執轡諫者不聽上馬拔劍徑出馳至長城濠濠深濶各六七丈路斷不可過騎士皆散夏兵薄之遂殺懷敏并將校四十人司馬光記吳聲言入寇十月一日王沿使懷敏等部甲七萬出屯瓦亭劉賀以三萬兵從行留旬日寇攻平定

西夏書事

卷十六

五

平定守郭固及曹英來請援十三日進屯鎮戎涇原都監李和請救之懷敏未應知和奮然曰君祿盈車今偷安若是我不能也十五日遂以甲進寇以贏餽餌之知和告勝相繼軍中心躍十七日知和兵過平定十里為寇所窘來告懷敏以數千赴之至則知和已敗還軍擾寇繼至趙珣以數千騎旁出邀之寇乃退自是寇每夕出軍後呼噪軍中閉聲滅火且飲去糧道絕軍餒十日諸將皆欲還走珣曰來途寇必有伏若自籠竿彼無險且非所意自昏議至四鼓不決珣憤欲斫指眾勸之因罷比明中軍已行衆從之寇躡其後為方陣而行及溝上寇分二道自兩旁截之軍斷為三中軍殲焉前軍脫者十二道後軍自籠竿盡免懷敏張知和殪珣被擄沿閉城自固與實錄宋史異張溥曰元昊據地萬里有華州二生為之謀主山訛善戰助其剽銳挺戈犯順豈異天驕于時為宋計

用吳育之言當僭表初至姑許其求密修戰備拊背扼吭使不敢動者上也不得已而行范仲淹之策嚴邊城實關內相持數年敵必困敵次也乃在廷寡慮輕動干戈促其速反延州之戰士氣沮傷任福遠令敗于好水至定川之役懷敏等復死三戰皆北關右震動天子旰食以有道之世戰危若此佳兵不祥信哉

至渭州大掠

元昊乘勝南掠直抵渭州破欄馬平泉二城焚蕩

西夏書事

卷十六

六

廬舍毀夷若柵令張元作露布有朕今親臨渭水直據長安之語余靖奏議元昊黠虜舉動咸有次序削除枝附毀壞藩籬先攻易取之處以成常勝之勢金明之族最近賊庭故先取之豐州之險援兵難集故次取之涇原更懦故又次取關輔居民震恐多竄山谷間

冬十月東趨潘原戰于彭陽敗績

元昊既掠渭州併兵東逾平涼至潘原知原州景泰率兵五千從間道赴援遇于彭陽城西諸將欲退守泰勿許依山為陣陰遣三百騎分左右翼張旗幟為疑兵及戰夏兵偽遁泰勿追遣士搜山得

伏兵擊敗之獲人畜無算 李燾曰自夏人三敗
大兵聲勢益震然其所以復守巢穴者蓋是時鄜
延路屯兵六萬八千環慶路五萬涇原路七萬秦
鳳路二萬五千有以牽制其勢故不敢深入也

按元昊盡銳入寇能敗葛懷敏二十餘將之兵
不能勝景泰之五千騎何也蓋夏衆初來利在
擄掠人自爲戰故所向無前及既入漢地鈔掠
既盈士馬困敝無復鬪志故遇戰輒却宋之邊
吏苟能伺其初至深溝固壘絕勿與戰待其重

西夏書事

卷十六

七

掠思歸然後出奇以扼險要設伏以斷首尾且
追且擊亦何夏衆之不可盡哉

還自彭陽遣人入吐谷諸蕃市馬契丹禁之

初契丹于雲中路置西南兩招討西京兵馬部署
司南北大王府乙室王府山金司以控制西夏憚
其強也元昊自彭陽敗回數遣人于吐谷渾党項
諸處市馬契丹主慮其勢盛禁約諸蕃令沿邊築
障砦防遏之

十一月出兵爭馬蹄川不勝

延州塞門及河東豐州地舊有屬戶聚居經元昊
驅掠遂爲隙地團練使周美連築清水佛堂諸堡
進城馬蹄川招徠蕃族元昊令數萬騎攻之兵勢
大震經畧使趣諸將城黑水砦以待美獨以兵二
千遣管勾機宜楚建中禦之夏兵與戰不勝而還
孫沔曰余觀慶歷禦邊之備東起麟府西盡秦
隴地長二千餘里分爲路者五分爲軍爲州者二
十四分爲砦爲堡爲城者又二百餘皆須列兵守
禦故邊兵屯聚不得不分所分既多不能不寡而

西夏書事

卷十六

八

元昊用兵常舉其衆合一而來是漢兵雖多分之
則寡夏衆雖寡聚之爲多多寡已屬不敵而五路
大將所謂戰兵者又分在二十四軍州欲合而謀
則懼空其備各留其備再合其餘則數少而弱是
以當時用兵累年諸將力戰勝敗僅參半也
觀察使磋商南禹浪內投

中國授內殿崇班子鬼麻授三班借職

十二月有星出弧矢

貫東井南行没于濁赤黃有尾跡光燭地

太子甯明卒

甯明天姿聰慧好學明大義然性仁慈不樂榮利常從定仙山道士路修篁學辟穀法朝夕不少懈元昊惡之一日試問以養生之要曰不嗜殺人再問以治國之術曰莫善于寡欲元昊怒曰此子語言不類豈霸王之器乎不許入見甯明憂懼未幾習道氣忤食不入死遺奏以荒旱荐臻民不堪奔命為言末請白裕入棺以識不能體親之罪元昊見而哀之令仍以太子禮葬

西夏書事

卷十六

九

按甯明對問兩語意似相反理實可通元昊凶淫豈足語此然遺奏數言卒能感動其父異日緣此息兵其得古人尸諫之義者歟

立甯令哥為太子

元昊素愛甯令哥因野利氏請立之時白氣如繩貫日中者再羣臣以為言不聽

慶歷三年契丹重熙十二年夏天授禮法延祚六年春正月

契丹來諭罷兵令契丹使詣京師請和

初張元等雖貴顯用事而以窮沙絕漠飲食居處

不如中國常引苻堅劉淵及元魏故事日夜說元

昊攻取漢地令漢人守之則富貴功名衣食嗜好

皆如所願及兵數入邊得地不能據軍民死亡創

痍過半國中因子黠集財用不給牛羊悉賣契丹

飲無茶一絹之直八九千錢張方平玉堂集云元昊為寇三年雖常得

選然重子舉東故必歲年乃能一入連陷城若未能有尺寸地而絕其俸賜禁諸關市民間尺布至

直錢相為十不如謠怨之會契丹主遣同知析津

府耶律敵烈樞密院都承旨王惟吉諭令罷兵元

昊令使者詣京師言北朝曾封德明夏國王許令

西夏書事

卷十六

十

自置官屬自元昊襲爵遣人進奉每辭見宴會並坐矮殿今南北事同一家已令元昊請罪歸款其封冊典制能如北朝以優禮懷來之彼亦洗心自

新矣李氏長編云王珪撰梁適墓誌契丹使劉六

而元昊令賀從勉賫書至境上又命適至延州遂

定元昊復臣之禮放六符以九月二十六日持契

丹誓書同富弼來是報聘也十月二十六日又遣

蕭偕來言撤兵是時梁適為回謝使所云回謝蓋

指蕭偕非六符也墓誌恐誤今載招懷元昊事不實指六符及偕但云契丹使者示疑也

李文貴還 仁宗因契丹使言詔龐籍招納元昊苟稱臣雖仍

僭號無害若改稱單于可汗則固大善籍以元昊方勝而驕若遣人說之彼益偃蹇矣召李文貴語之曰汝之先主及今主之初奉事本朝汝曹無故妄加大名紛紛至今彼此之民肝腦塗地皆汝羣下之故也汝犯邊之初國家承平久民不習戰故屢為汝勝今邊民皆善鬪汝之屢勝豈能常耶我國家富有四海雖偏師小衄未至大損汝一敗則社稷可憂矣汝歸語汝主誠能悔過稱臣朝廷所以待汝主者禮數必優于前文貴頓首曰此固西

西夏書事

卷十六

七

人日夜之願也龍圖能為言之彼此休兵其誰不受賜文貴又致旺榮意請用小國事大之禮籍曰此非邊帥所知也而主若遣使奉表以來乃敢導致朝廷耳文貴遂還

二月縱王嵩歸延州復遣李文貴以野利旺榮等書議和

元昊固欲和而恥先發及文貴還聞籍語大喜出嵩子容厚禮之王氏東都事畧元昊囚嵩于地牢一日召入一官寺廳事廣楹皆垂班竹箔綠衣童立左右嵩意元昊宮室也少頃箔中有人出詰責嵩抗對命曳出誅之嵩大號言奉

命遣旺榮書今空死不了將軍事海中追問之嵩以密書呈遂命就館是元昊禮嵩不因文貴還也與宋史夏沈括補筆談夏人舍嵩遷于北境久之遇乞以疑死嵩避逆得亡歸盡得夏而不肯削僭號曰如國事以報與宋史夏國傳異日方中止可順天西行豈可逆天東下籍以其言不遜未敢復書為請于朝仁宗詔籍復書報之使稱旺榮為太尉籍曰太尉三公非陪臣所得稱使旺榮當之則元昊為不臣矣今其書自稱爵令或謨審令皆彼中官名也中國不能知其義稱之無

西夏書事

卷十六

七

嫌仁宗從之

三月獻俘契丹且賀尊號

定川之役獲鎮戎軍巡檢李良臣至是獻于契丹時契丹上興宗及后蕭氏尊號元昊貢獻稱賀

夏四月更名曩霄遣使稱男納欵

元昊雖欲改事中國以初叛時朝廷誅其使者不敢遽自陳請李文貴所賫旺榮等書猶假臣下名以伺動靜及旺榮再致麗籍書籍約以汝主如有誠心必專使奉表削僭號乃敢聞于朝元昊知許

和有緒遣六宅使伊州刺史賀從勗韓范文集與勗俱作勉

文貴至延州言契丹使人至本國稱南朝遣梁適

侍郎來言南北修好已如舊因西界未靖知北界

與彼為婚姻請諭令早議和江氏志司馬光為史館檢討時以時

政記及起居注不載元昊叛命契丹遣使諭和事

會麗籍監修國史光請即樞密院追尋本末自至

史館議之修撰孫抃謂國惡不故本國遣從勗上

可書事遂寢茲從范仲淹文集

書緣本國自有國號無上表體式也麗籍令保安

西夏書事

卷十六

三

兀卒曩霄上書父大宋皇帝而不稱臣籍言名體

未正不敢以聞從勗曰子事父猶臣事君也若得

至京師天子不許更歸議之籍具以聞且言元昊

自叛以後雖屢勝然喪和市之利民甚愁困今辭

氣稍順願聽從勗赴闕更選使者至彼申諭必稱

臣矣仁宗許之下令夏使所過郡邑加禮迎候逐

州通判官就驛燕勞于是籍遣良佐送從勗赴關

館于都亭西驛承受使臣取書呈中書省資政殿

學士富弼言元昊臣契丹而不臣我朝則是契丹

為無敵于天下矣須令稱臣乃可許和樞密院召

從勗諭曰所賚文字名上一字犯聖祖諱不敢進

其稱男情意雖見恭順然父子亦無不稱臣之禮

自今進表只稱舊名朝廷當行封冊為夏國主賜

詔不名歲賜銀二萬兩絹二萬匹茶三萬觔生日

每于十月一日賜賚如欲使人于界上承領所賜

亦如之許進奉正旦及乾元節其沿邊興復砦柵

並如舊從勗不敢爭而退仁宗詔假良佐著作郎

同從勗還議之韓琦曰元昊用兵累年蕃界勞

擾交鋒之下傷折頗多橫山界蕃部黠集尤甚但

西夏書事

卷十六

四

漢人未勝戎人重土不敢遽背耳元昊知眾之疲

聞下之怨乃求息肩養銳以逞凶頑實非心服中

國也

按中國事夷狄稱男則為卑夷狄事中國稱男

則為亢故綱目不書石晉所稱所以為中國諱

茲直書之所以著元昊之悍也

獻駝馬以謝契丹

曩霄以中國許和遣使奉駝馬詣契丹謝時集賢

校理余靖奉使在北契丹主示以曩霄表狀以見

夏國畏服之意

六月上書要請十一事

初賀從勗言南朝使至本國坐蕃宰相上見兀卒兀卒離雲牀起立問聖體萬福及良佐至曩霄令參于殿上倨坐問曰朝廷既欲議和何須往問北朝色殊不懌已遣如定聿捨張延壽偕良佐上書要請如歲賜割地不稱臣弛鹽禁至京市易自立年號更兀卒稱為吾祖巨細凡十一事朝議不決知諫院余靖言元昊所遣如定等已于紫宸殿朝

西夏書事

卷十六

五

見竊聞所上書中有吾祖之稱此西人玩侮之甚古者夷狄單于可汗之類固無嫌今元昊無端撰此名目彼稱陛下為父却令朝廷賜詔呼彼為吾祖可乎同官蔡襄歐陽修皆力言不可許如定等恃契丹強援要素不止時兩府厭兵欲為遷就樞密副使韓琦力陳不可退復上書爭之

西夏書事卷十六終

西夏書事卷十七

青浦 吳廣成西齋 纂

慶歷三年契丹重熙十二年夏天授禮法延祚六年秋七月

請契丹兵入寇契丹不許

曩霄迎契丹旨議和及邵良佐來議反不承納至是如定等奉使未還意為中國羈留潛令點集兵馬遣使契丹請出師南伐契丹主不許

附 李氏長編秋七月賜鄜延部署王信器幣初

延州麗藉于吳朝谷創石背堡夏人以兵二千

西夏書事

卷十七

一

入寇信擊敗之故有是賜攷宋史仁宗紀及信本傳不載此事

八月從契丹伐呆兒族

契丹夾山部落呆兒族

王氏東都事畧作保家族范仲淹言行錄作銀瓮族

與遼不順命契丹討之不克命曩霄會兵討擊破

其眾擄獲頗多契丹主專之不以分給

使臣如定聿捨等還

如定等入朝幾兩月要求無厭兩府諭之不服與押伴殿中丞任頴往復辨難頴屢以大義折之始

辭屈請還然和議卒未定也

九月月入東井

星月相犯占者云大臣憂

審令野利旺榮及弟遇乞得罪死

曩霄性忌刻多詭計左右用事之臣有疑必誅自

王嵩間入忌旺榮有二心因事誅之滅其家其弟

遇乞常守天都山號天都大王與曩霄乳母白嫗

有隙遇乞嘗引兵深涉漢境教宿白嫗乘間譖其

欲叛曩霄疑而未發种世衡誘得西酋蘇吃囊厚

西夏書事 卷十七

二

遇之吃囊之父得幸于遇乞世衡許吃囊金帶錦

袍緣邊職任使盜遇乞寶刀刀乃曩霄所賜者世

衡倡言遇乞內投以刀為信今為白嫗譖死乃越

境設祭王氏東都事畧元昊使其妻之兄甯令舅

野利旺榮及剛浪陵分將左右廂兵最用

事旺榮死世衡欲并間剛浪陵因設祭境上是為

王氏不知剛浪陵為旺榮并不知有遇乞也

文書于版多述野利兄弟有意中國并敘涉境相

見之歡哀其垂成而失入夜令人持其文雜紙幣

焚之照耀川谷西人走視悉取所委祭具銀器千

餘兩併得所賜刀及紙灰中板其文尚未滅以獻

曩霄曩霄見刀信之遂奪遇乞兵賜死李氏長編

歷五年正月七日卒其時野利兄弟未誅也范仲

淹誌世衡墓云嘗遣謀入敵中凡半歲敵臣誅者

二三人謀者還言其謀得行而世衡已歿上方懷

來故其績不顯而孫甫奏議于慶歷三年十二月

即有近聞元昊殺其用事之遇乞兄弟有大功死

臣遇乞等與宋史世衡傳同

不以罪自此君臣相猜至不能軍韓琦仁宗實錄

義張家堡十將張遂詣王沿言遇乞剛浪陵城通

西夏書事 卷十七

三

三人陰欲內附沿遂遣仁義等持書入西夏事覺

元昊族三司馬光義配遂居攬城及契丹西伐

獲遂以歸司馬光義記聞种世衡死其長子古

詣闕言世衡在青澗城嘗遣王嵩入夏反間其用

事野利旺榮兄弟皆被誅元昊田是勢衰納款

經畧使麗籍掩父功自取兩肝籍時在樞密院具

言嵩入夏界即被囚元昊委任旺榮如故元昊欲

和先令旺榮為書遺邊臣元昊妻即旺榮妹元昊

黜其妻旺榮怨望元昊稱臣後二年旺榮謀殺元

昊事泄夷族非因嵩反間也又李氏長編元昊納

沒移氏營天都山居之妻野利氏之叔遇乞有怨

言元昊怒會有告遇乞兄弟謀以奪令哥娶婦之

夕作亂元昊遂族遇乞剛浪陵城通等三家曾氏

隆平集所載亦

如之諸說互異

按 綱目罪辭有三有罪今罪也以罪前罪也得

罪非所罪而罪也旺榮遇乞為夏虎臣因間被

殺是曩霄自去其羽翼矣書得罪以見死非其

罪著曩霄之不明也

團練使訛疥侵環州為蘇家族薛乞所執

曩霄雖使議和然時縱兵窺伺環慶等路訛疥怨其兄訛乞內降擅眾侵掠環州蘇家族巡檢三班奉職薛乞誘執以獻

出兵窺涇原

曩霄以陝西四路惟涇原川原平曠步騎易入時陝西四路經畧安撫招討使鄭戢行邊至鎮戎軍趣蓮花堡天寒與僚佐置酒會曩霄自黑山擁兵近塞戢令按兵勿追曩霄愕視謂其下曰我已納款朝廷何用此公護諸將乃引還

西夏書事

卷十七

四

冬十月侵党項契丹遣使來詰不聽

曩霄建官置兵不用祿食每舉眾犯邊一毫之物皆出其下故風集雲散未嘗聚養然抄掠所得亦盡以給眾兵力雖盛用度時窘輒侵党項邊資以自給契丹使延昌宮使高家奴詰讓曩霄不聽十一月表請入售青鹽

初使人如定等同中國許以歲給數不過十萬及秘書丞張子奭右侍禁王正倫持詔諭使稱臣曩霄禮待甚倨強為要索子奭等應許給賜至二十

五萬始放還又附表請以青鹽十萬石歲售縣官秘閣校理孫甫言西鹽數萬石其值不下緡錢十萬朝廷已許歲賜二十五萬若又許其賣鹽則與契丹物數相當使契丹聞之不更生其貪得之心乎仁宗用其言不許

誘党項諸部叛契丹

曩霄本與契丹約相左右以困中國富弼奏議云為援私自相通共謀寇難緩則指其聲勢急則假其車徒甚至倚角為奇首尾相應多方牽制任意鴟張蓋先恃大國之強乃敢立中原之敵及劉六符求割關南地中國

西夏書事

卷十七

五

遣知制誥富弼報之兩進誓書復相和好曩霄怨契丹背約坐受所益歲幣于是有隙及伐呆兒族又忿契丹不分虜獲潛誘山南党項諸部及呆兒族八百戶盡叛契丹陰附于己

按續綱目書契丹党項諸部叛附于夏不書誘也然曩霄曾侵党項契丹遣使讓之則党項應德契丹而怨曩霄何遽棄好事仇此必曩霄有以致之故書誘以誅其隱

十二月復遣張延壽入議和事

曩霄所求諸事中朝皆未之許又遣延壽持書至中國議雖肯上表稱臣而書中年用甲子國號止易一字仍欲通市青鹽及自貿易又乞增歲賜至三十萬仁宗仍令任頴押伴禮折之

契丹築威塞城遣呆兒族擾之

契丹主聞曩霄怨望遣北院大王耶律侯晒巡視西邊沿河要地盡修堡砦又于天德軍歷夏境增築威塞城備之曩霄使呆兒族降戶時出侵擾殺其役卒

西夏書事

卷十七

六

契丹復城河清軍及金肅州以兵爭之不克

自李氏歸順契丹使介往來特開逕路以趨上京是時謀伐夏國徙民五百戶建河清軍復割燕民三百戶置金肅州曩霄遣兵二千餘爭之不克而返

慶歷四年

契丹重熙十三年

夏天授禮法延祚七年春正月

獻于契丹

因契丹築威塞城藉是以覘喜然也

二月侵青澗川

曩霄欲先割地然後議和遣衆于延州界上修築城壘廣占邊境見疆吏不敢與爭遂縱蕃騎數百掠青澗川為左班殿直折保忠所敗保忠西界蕃部馬山內附賜名者也

使臣張延壽還三月以兵掠秦州

延壽屢向押伴任頴要索頴密以陳仁宗惟許權塲及添歲賜五萬餘不許延壽還曩霄以兵臨秦州之平川族戶一千餘帳焚掠殆盡

按前書還誌要求之無厭也此書還罪忿兵之遽起也

西夏書事

卷十七

七

夏四月契丹山西五部來降

北方黑水之西為連山亦日夜來山其西有五大族各自為部胡人謂之山西族北與黑水胡南與塔坦接境最為勁悍素屬契丹曩霄自臣中國數以詔命臨之其節度使屈烈等舉其五部來投契丹主遣使責還曩霄不遣

圍青澗城

與宣武副都頭劉岳戰不勝

五月契丹討党項遣兵援之

契丹主以党項叛遣南面招討羅漢奴率所部討之党項乞援曩霄發兵助戰殺契丹招討使蕭普達四捷軍詳穩張佛奴等契丹主怒徵諸道兵會

西南邊討夏國

按 討而書援罪援者也

遣使如阻卜乞師阻卜執送契丹

曩霄聞契丹集兵聲討遣臣窰邑改請兵于阻卜阻卜酋長烏八執使者送于契丹且請以兵助契

西夏書事

卷十七

八

丹主出駐永安山使延昌宮使高家奴王氏東都事畧及李氏長編俱作延慶宮使耶律元衡以伐夏告于中國

六月遣使入獻始上誓表稱臣

曩霄議和經年中國遣張子奭諭還前侵延州地慢不肯聽及獲罪契丹始遣尹與則楊守素入京貢獻上誓表言兩失和好遂歷七年立誓自今願藏盟府其前日所掠將校民戶各不復還自此有邊人逃亡亦毋得襲逐臣近以本國城砦進納朝廷其栲栳鎌刀南安承平故地及他邊境蕃漢所

居乞畫中為界于內聽築城堡朝廷歲賜絹十三萬匹銀五萬兩茶二萬勛進奉乾元節回賜銀一萬兩絹一萬匹茶五千勛賀正貢獻回賜銀五千兩絹五千匹茶五千勛仲冬賜時服銀五千兩絹五千匹及賜臣生日禮物銀器二千兩細衣著一千匹雜帛二千匹乞如常數無致更改臣不敢以他事相干乞俯頒誓詔世世遵承永以為好倘君親之義不存臣子之心渝變使宗祀不永子孫罹殃守素進表訖即請早回本國仁宗以其言辭不

西夏書事

卷十七

九

順遲留久之諫官余靖以為言乃遣回 朱子曰天聖中曹瑋語王驥曰君當留意邊防因以元昊桀悍狀語之時德明尚無恙也其言至寶元而驗元昊以逆雛犯順忘食肉衣綺之恩肆猾夏亂華之虐陷將約和范雍不能悉其詐部人偽順士彬不能察其好好水之師任福不能遏其勢定川之役懷敏不能嬰其鋒自韓范行邊戰守大備將士始有稟承以郵延一路觀之狄青擊之保安許懷德破之永平入金明則見困于周美犯延州則見

推于王信以河東一路觀之在建寧則張亢易旗以誤敵在府州則張旨築城以捍禦以環慶涇原觀之和市在白豹任福破之蕃騎在三川王珪敗之及大順既城青澗起築地皆可守人習弓弩于是蛇豕喪膽犬羊屏息議和之使至于境上者一至于范仲淹者再至于龐籍者亦再然猶狡黠多端誠偽參半也暨夫遣使奏事者四納欵者一然後跋扈之氣消戰爭之志息始而帝繼而男終而臣矣

西夏書事

卷十七

十

按此西夏復臣中國之始

秋八月使如契丹契丹執之以兵窺唐隆鎮夏國唐隆鎮所居嘉舒克順等七族舊屬府州逃入西界曩霄入寇時又掠麟府人戶安置其地生齒日繁分爲十四族是時曩霄雖與契丹異猶遣使朝貢契丹主責以納叛背盟罪使抗對不屈曩之弗遣曩霄復使人貢詢以事宜不肯實告契丹主執而笞之發兵屯寧仁靜寇兩鎮待河凍卽過唐隆掠取戶口曩霄知其謀遣兵沿河嚴備之

九月使請誓詔

夏界連接諸蕃有茶數觔可易羊一口曩霄于茶數尤多邀索中朝許以五萬觔下三司擬取往年賜夏國大觔茶色號歐陽修奏狀五萬觔大定爲觔有三十萬小觔之數則例知制誥田況力爭之曩霄知不可得遣楊守素尹與則入請誓詔仁宗賜詔曰朕臨制四海廓清萬里西夏之土世以爲昨今乃納忠悔咎表于信誓質之鬼神要之日月及諸子孫無有渝變申復懇至朕甚嘉之俯閱來誓一皆如約宜明諭國

西夏書事

卷十七

十一

人藏之祖廟

冬十月契丹來伐拒戰于賀蘭山敗績契丹主親將騎兵十萬出金肅城遣皇太弟天齊王重元爲馬步軍大元帥將騎兵七千出南路北院樞密使韓國王蕭惠將兵六萬出北路東京留守趙王蕭孝友率師以從夏國與契丹僅隔大河向無城堡可守契丹兵三路濟河長驅直入四百里無人迹據得勝寺南壁以待曩霄遣党項謀者出覘敵契丹獲之射鬼箭遼史國語解凡主親征服甲祭諸先帝取死

因一置所向之方亂矢射之名射遂以左廂兵潛
屯賀蘭山北蕭惠遣殿前副檢點蕭迭里得護衛
經宿直古迭縱兵搏之曩霄親率兵掩擊圍之數
重迭里得奮勇力鬪左右馳射躍馬直擊中堅夏
衆不能當大潰而退

按前書契丹攻涼州此書伐罪夏也有罪則雖
夷狄相攻亦書伐

誘契丹進兵至河曲擊敗之遣使請和

曩霄既敗率殘衆謹守賀蘭見契丹兵日益遣使

西夏書事

卷十七

三

至軍中奉表謝罪請降契丹主遣右夷萬董蕭滴
洌來覘誠偽滴洌為陳禍福曩霄請退師十里俟
收叛黨以獻且進方物契丹主命北院樞密副使
蕭革逐之進軍次于河曲曩霄親率党項諸部待
罪契丹主命革詰以納叛背盟故賜之酒許以自
新蕭惠進曰夏人忘奕世恩萌奸計今車駕親臨
大軍並集天誘其衷使彼來迎天與不圖後悔何
及契丹主猶豫未決曩霄以未得成言退三十里
候之凡三退將百里每退必藉其地契丹馬無食

因許和曩霄又遷延數日度其馬飢士疲潛立拒
馬于河西突蔽盾前搏蕭惠督數路兵掩擊殺數
千人曩霄走惠又麾先鋒為左右翼邀之曩霄以
殘卒千餘潰圍出忽大風起飛沙眯目契丹陣亂
縱兵急攻惠軍敗蹂踐死者不可勝計復攻南壁

契丹主亦敗

王氏東都事畧及李氏長編契丹主
將兵入夏各據一山嚴兵相持曩霄

奉卮酒為壽大台樂折箭為誓既罷契丹主夜以
兵劫之曩霄覺而拒戰大敗契丹兵與宋史夏國
傳入蕭孝友砦執鶻突姑駙馬蕭胡覩及近臣數
十人盡獲契丹主器服乘輿已遣使請和願歸俘

西夏書事

卷十七

三

獲契丹主亦送還前所留使人 史臣曰曩霄之
事契丹雖世為甥舅烏足得其志哉興靈負遠納
叛侵疆乘隙輒動貢使方至事變隨生問罪與師
自將親征勝則無奇敗則有悔昔趙咨對魏主曰
大國有征伐之師小國有備禦之固豈其然乎
按曩霄此舉直以待宋者待契丹矣是時遼主
以十萬衆直逼賀蘭志吞平夏而曩霄乞降以
驕其師退兵以示之弱直待契丹士困馬疲成
功一戰而乘其全勝之勢即作請和之舉使契

丹不得不從與前之款宋者若出一轍豈非玩
二國於股掌上乎然宋之許和尚有契丹爲之
先容若契丹之和直自與和耳其不競更出宋
下矣噫

十一月入獻契丹俘

仁宗詔止受表而却其俘

按春秋時諸侯討四夷之罪則獻俘於王中國
則否曩霄獻俘其遵此禮歟非也蓋以此示威
且欲移禍於宋耳宋人却而不受有以哉

西夏書事

卷十七

古

十二月受冊爲夏國主

初梁適至契丹契丹主當適面遣使夏國自言指
呼之間便令曩霄依舊稱臣及其出兵伐夏又遣
使告宋以曩霄名體未正請爲中國討之乞止封
冊李氏長編契丹遣延慶宮使耶律元衡來告將
伐元昊其書畧云元昊負中國當誅故遣林牙
詳穩等問罪而元昊頑獷不悛載念前約深以爲
愧今擬將兵臨討或元昊乞臣幸無亟許而范仲
淹奏狀云契丹使人只問楊守素往至是朝廷聞
來次第並不堅請阻絕與長編稍異契丹已與夏平乃遣祠部員外郎張子奭等賜冊
命曰咨爾曩霄撫爰有衆保于右壤惟爾考服勤

王事光啟乃邦洎爾承嗣率循舊物向以稱謂非
宜疆侯有言鄙民未孚師兵勞戍而能追念前脩
自歸本朝騰章累請遣使緣道忠悃內奮誓言外
昭要質天地暴情日月朕嘉自新故遣尙書祠部
員外郎張子奭充冊禮使東頭供奉官閣門祗候
張士元充副使持節冊命爾爲夏國主永爲藩輔
光膺寵命可不謹歎仍賜御衣黃金帶銀鞍勒馬
銀二萬兩絹二萬匹茶三萬觔冊以漆書竹簡凡
二十四長尺一藉以天下樂暈錦金塗銀印方二

西夏書事

卷十七

五

寸一分文曰夏國主印龜紐錦綬金塗銀牌長七
寸五分濶一寸九分緣冊法物皆銀裝金塗覆以
紫繡約稱臣奉正朔改所賜勅書爲詔而不名許
自置官屬使至京就驛買宴坐朶殿朝使至國
相見用賓主禮然後宋使止館宥州終不復至興
靈而曩霄帝其國中自若也 劉永新曰夏亦得
志于宋矣哉良由宋有天下之始武功旣微而其
繼北則隙啟契丹西則難生李氏正如力弱之人
旣以千鈞壓首復以百鈞繼肩安能布武而趨乎

宜乎北講兄弟之好止得為兄西講父子之歡半居為父勢使然也

歸契丹伴蕭胡覩

曩霄獲契丹兵必則曩示辱故契丹國中每以無曩為詬誚胡覩貴戚曩霄不欲與契丹絕獨免其刑契丹主遣同知檢點耶律裊履持詔索之經三返乃放歸

中書令張元卒

元至夏不二年官至太師中書令國有征伐輒參

西夏書事

卷十七

夫

機密常勸元昊取陝右地據關輔形勝東向而爭更結契丹兵時窺河北使中國一身二疾勢難支矣既元昊議和爭之不聽及與契丹構兵知所志不就終日對天咄咄未幾疽發背死

按張元身率戎夷構難君父所志未竟中道而

天殆天奪之魄乎

遣使入賀正旦

初曩霄遣使甚少中國止以一班行待之後使人漸眾始命朝士為館伴並賜御宴禮數過優使益

驕慢是時遣丁督關聿則等賀正聿則故留延州議事至入朝已二月矣

西夏書事

卷十七

七

西夏書事卷十七終

西夏書事卷十八

青浦 吳廣成西齋 纂

慶歷五年

契丹重熙十四年

夏天投禮法延祚八年春正月

貢鴨于契丹

契丹自西征敗岢山前後困敵殆甚又女真渤海

所在擾亂曩霄知其衰常以兵掠其境契丹主怒

欲起傾國兵討之曩霄因以白鶺貢

二月復互市

天聖中陝西榷場二及曩霄稱帝互市絕保安軍

西夏書事

卷十八

一

榷場遂廢陝西並邊主兵官猶與屬羌交易後并

禁之曩霄數使請復乃復置場于保安軍及鎮戎

軍之安平砦

夏四月使賀乾元節

使人為素齋咩布移則張文顯

五月歸石元孫

元孫與劉平被執傳言已死仁宗贈平朔方軍節

度兼侍中謚壯武

王氏東都事畧平被執不食數日我縛我何之乎遂見殺年六十三宋史平傳平

執後降羌多言平在興州生子數年才死及元孫

歸乃知其實二書互異元孫亦贈中正軍節度兼太傅錄其

子孫七人是時曩霄因納款縱之還諫官御史奏

元孫被執不死為辱國請斬塞下以示西人賈昌

朝獨引春秋穀臣知營故事請赦之乃安置全州

閏五月使謝封冊

曩霄遣丁盧鬼名聿營呂則張延壽賚表入謝冊

命又遣蕃僧吉外吉法正等謝景祐中所賜佛經

附李氏長編五年閏五月丙戌朔賜通判鎮戎

軍雷周式五品服先是夏人圍鎮戎周式收散

西夏書事

卷十八

二

卒二萬人入保夏人引去故賞之按是時曩霄

臣服何以有圍鎮戎事宋史不載

六月貢于契丹

曩霄雖臣中國猶倚契丹為援聞其君臣謀議通

報丁口簡募甲兵日夜教閱思雪前恥懼其報復

故貢獻倍勤

秋七月寇筆築城

白豹砦蕃官浪尾等一百八十餘人其族帳傍近

環慶遣使至經畧司請內附曩霄謂中國招之以

兵三千入秦州侵筆策城掠人畜而還

按此西夏既臣復叛之始書寇嚴君臣之辨也
八月保安軍移文來詰地界不聽

初曩霄獻栲栳刀諸若繼言九州十三縣向屬

故土乞賜還

陳師道後山談叢作求割三州十六縣此據余靖奏狀州縣之名史不詳

載 中國不許及進誓表仁宗詔延州保安軍別定

封界其餘皆如舊境曩霄不肯如約鄜延經畧司

以聞詔保安軍移文宥州令遵守誓約指揮曩霄

遷延不奉詔

西夏書事 卷十八

三

出遇乞妻沒藏氏為尼

曩霄殺旺榮遇乞久之野利后訴旺榮兄弟無罪

曩霄悔之令求遺口得沒藏氏于三香家迎養官

中已與之私野利后覺之不忍殺使出為尼號沒

藏大師居于興州戒壇寺

按為尼何書誌亂成也曩霄之弒雖成于奪子

婦實始于私沒藏蓋沒藏為尼野利氏實出之

及生子諒祚野利氏母子不能安矣啟訛龐之

構逆致寤令之肆凶悉由于此書以為肆淫者

戒

冬十月行崇天萬年歷

德明時行中國儀天興注歷垂三十年乾興初真

宗命司天張奎運等議改歷其法以八千為日法

一千九百五十八為斗分四千二百九十九為朔

距乾興元年壬戌歲三千九百萬六千六百五十

八為積年至天聖元年八月歷成率以一萬五百

九十為樞法得九鉅萬數命曰崇天萬年歷未及

頒而曩霄稱帝自為歷日行于國中至是始奉仁

西夏書事 卷十八

四

宗頒賜行之

十一月駐兵葫蘆河

曩霄凡入塞先遣人放牧牛羊與蕃戶漢人相習

久之然後縱兵肆掠故緣邊莫之為備是時令二

萬騎立砦新築邊濠外及葫蘆河諸川或五里或

七里邊臣以仁宗詔諭勿得侵擾西界不敢驅逐

由是兵屯日衆

子阿理謀逆殺之及妃咩米氏

咩米氏曩霄第四娶生子阿理無寵屏居夏州王

庭鎮阿理年漸長謀聚衆爲亂其黨臥香乞以告
曩霄執阿理沉于河遣人賜畔米氏死

按王莽盜漢子臨弄兵石虎弑君遠宣謀逆從
古篡亂之奸必生逆子雖戾氣所鍾亦天道禍
淫之理也曩霄弑母叛君生子不教故分愛憎
釀成逆亂豈盡畔米氏罪哉

十二月侵屈野河執麟州指使魏智

麟府二州山川迴環五六百里悉蕃漢種植所自
曩霄侵掠尙餘三千餘戶散處黃河東岸自來所

西夏書事

卷十八

五

修堡砦僅通麟府道路夏兵知其別無城守輒放
人馬過界直逼屈野河東智引兵追逐夏兵執之
已聞知州領衆來救遂出銀川砦而回

遣楊守素至保安軍索在漢人戶

曩霄初上誓表言所掠蕃漢人戶兩不相還至是
遣守素自陳事宜理索在漢人戶仁宗詔保安軍
引伴至延州示以元進誓表諭之既而又索所降
黃族軍主黃移都等四十九人移都畏誅與其族
人各勒兵願死漢境鄜延經畧司言移都等來投

在朝廷未降約束前恐不宜遣去以快夏人之忿
從之

慶歷六年契丹重熙十五年夏天授禮法延祚九年春正月

遣使獻地復索過界人戶

曩霄遣楊守素持表及地圖入獻臥貴龐吳移已
布等城砦九處并理索過界人四百餘戶而所獻
並屬漢地但以蕃語亂之所云內投邊戶亦在漢
界不當還者仁宗降詔諭令增設誓條自今有過
界者雖舊係邊戶亦不得容納其緣邊封界只以

西夏書事

卷十八

六

誓詔所載爲定

夏四月復請邊臣毋納過界蕃戶

夏國作過蕃官浪瞎等七百六十二人爲環慶經
畧司招誘內降曩霄上表請禁且乞附入誓詔仁
宗從之

作避暑宮

夏俗皆土屋或織菴牛尾及粘糍毛爲葢惟有命
者得以瓦覆故國中鮮游觀所曩霄于城內作避
暑宮透迤數里亭榭臺池並極其勝

五月築後橋諸堡

後橋蕉蒿砦及十二盤諸堡向為中國所破曩霄令屬下蕃戶累至其地開築舊堡環慶路以聞

冬十月獻豐州地請定封界

初曩霄欲以沒寧浪等處為界仁宗下河東經畧使鄭戩議之戩言沒寧浪諸處並在豐州南深入府州之腹若從其言則麟府二州勢難以守宜以橫陽河為界議彌年不決曩霄復遣楊守素納豐州故地上言先以兵馬收獲承平分水向西一帶

西夏書事

卷十八

七

疆土已分賞得功將校今邊臣數有所爭未協累年之議仁宗以戩所上地圖命刑部員外郎張子夷至保安軍與守素面議會子夷病改命國子博士高良夫同東路巡檢馬懷德管經畧機宜文字楚建中往蒞其事議未定兵暴集騎皆傳矢引滿相向建中披腹當之毫無懼色眾服其量議稍有緒建中請築安塞黑水等八堡以控東道曩霄遣兵爭之聞有備不入

慶歷七年

契丹重熙十六年

夏天授禮法延祚十年春二月

獵于兩岔河生子諒祚

曩霄常顧沒藏尼于戒壇院臣下諫之不聽是時

出獵載沒藏氏偕行營于兩岔河而生諒祚王氏

事畧李氏長編俱始名寧令兩岔宋史夏國傳諒

以諒祚為遺腹生王氏東都事畧李氏長編並以為其兄名觀宋史

於小字寧令哥下既解其義復云兩岔河名沒藏

氏從元昊至此生諒祚遂名焉是諒

祚本名寧令兩岔哥字乃宋板訛也國語謂歡喜

為寧令沈括筆談云寧令華言大王也亦與史異兩岔謂至兩岔河而

西夏書事

卷十八

八

生時月之六日也曩霄令養于沒藏訛龐家訛龐

以漢人毛惟昌高懷正向屬遇乞帳下使二人妻

更乳之訛龐沒藏尼兄也

按綱目書子生五皆有關治亂之故者此書諒

祚醜夏也曩霄身為梟獍生子非夭死即逆誅

至以奸生之子繼承國統非譜牒羞乎羅氏夏

國世系不詳其事茲取李氏長編及王氏事畧

補之

二月起高臺寺

曩霄五月五日生國中以是日相慶賀舊俗止重

冬至曩霄更以四孟朔為聖節令官民禮佛為己

祈福至是于興慶府東一十五里役民夫建高臺
寺及諸浮圖俱高數十丈貯中國所賜大藏經廣
延回鶻僧居之演釋經文易為蕃字

三月以沒藏訛麗為國相

於是沒藏氏與訛麗日夜謀危寧令哥為立諒祚
計

夏四月通銀星和市

初楊守素等畫界既以橫陽河為定議而于麟州
屈野河西地則云吾馬足所踐即為吾土不肯明

西夏書事

卷十八

九

立界至仁宗命知麟州張繼勳勸之繼勳言夏人
日逼屈野河耕墾畜牧興置砦柵若即以河西為
禁地實與城相距非便若用咸平五年以前界至
則太遠難守當以大中祥符中所定為則遣臨塞
堡監押馬寧指使殿侍康均詣宥州與監軍司言
之曩霄令把關太尉曹勉管勾和市曹勅謂均等
曰中國若肯通銀星和市則河西疆界一切如約
經畧司令入保安軍自陳勉等至軍朝議以疆界
既肯如舊許之

五月奪子婦沒嚒氏立為后

曩霄先七娶

宋史夏國傳作五娶茲從李氏長編下同一衛慕氏二索

氏傳以索氏為第五

三都羅氏早死四啐米氏五野利氏

傳以野利氏居第三

生三子長寧明次寧令哥次薛哩早死

六耶律氏

傳以耶律氏為第一契丹公主也七沒嚒氏即營

天都山居者至是為太子寧令哥娶婦沒嚒氏見
其美而自納焉號為新皇后 張溥曰曩霄雄毅

多畧志成叛逆衛慕氏其母也而弑之山遇其叔
也而殺之及為子娶婦而美則自納焉衛宣高洋

西夏書事

卷十八

十

兩鍾其惡天命不佑宜其死不旋踵也

按自古亂倫之主若衛宣楚平及唐元宗梁朱

温皆國亂身危貽譏千古曩霄自中國講和契

丹戰勝志得意滿日即恣淫荒佚之事史不勝

書至奪寧令哥婦立以為后其滅絕天倫尤非

人類蓋不如是則罪不極貫不盈不足殞其身

弱其嗣也續綱目列其事于外注茲特書之以

著其惡

六月廢后野利氏

野利氏遇乞從女也

司馬光日記載麗籍語元昊妻即旺榮妹與宋史夏國傳

身願長有智謀常帶金起雲冠令人無得冠

者封憲誠皇后曩霄素畏之自納沒哆氏別居天

都山后稀得見旺榮遇乞之死后已不平及奪子

婦沒哆氏益失寵出怨望語曩霄聞之黜居別宮

不復相見

按綱目廢后例有二書后某氏廢有罪辭也廢

后某氏無罪辭也曩霄凶逆母且弑之何愛于

野利氏故雖以怨望廢仍以無罪書

西夏書事

卷十八

十一

秋七月築離宮于賀蘭山

賀蘭陽屏西夏陰阻北蕃延亘五百餘里樹木青

白望如駁馬北人呼駁為賀蘭故名曩霄自奪沒

哆氏廢野利后陰聞奪令哥有怨言大役丁夫數

萬於山之東營離宮數十里臺閣高十餘丈日與

諸妃游宴其中悉以國事委之訛龐

九月徙榷場于順寧砦

曩霄因保安榷場僻陋羊馬無放牧地請徙順寧

然蕃商卒不至

冬十一月遣使請歲賜

舊中國歲賜盡明年六月乃畢曩霄以為緩使宥

州監軍司牒保安軍請以歲終為限延州以聞樞

密院牒草報如約時延帥闕主管經畧司文字李

師中更其草曰當如故事曩霄氣懾不復請

慶歷八年契丹重熙十七年夏天授禮法延祚十一年春正

月朔日赤無光

元旦行朝賀儀羣臣相顧失色

國主曩霄為子奪令哥所弑

西夏書事

卷十八

十二

初曩霄殺野利兄弟其族皆失職怨望及奪令哥

失妻野利后被黜母子日夜慮禍及沒藏訛龐知

其意陰勸奪令哥作亂奪令哥信之與野利族人

浪烈等於月之望日乘曩霄醉入宮刺之不殊救

者至浪烈等鬪死奪令哥刺曩霄鼻而出追者急

走免沈括筆談元昊後房先生一子曰奪令受後

又納沒藏訛龐之妹生諒祚而愛之奪令受

之母志忌欲除沒藏氏授戈奪令受圖之奪令受

問入元昊室與元昊遇刺之不殊而走諸木佐

沒藏訛龐輩令受明日曩霄死宋史任顯傳

臬之與李氏長編異仁宗紀及夏國傳不載遠史亦闕之茲酌取王氏

東都事畧李氏長編兩書年四十六僭號十七年改元五諡曰武烈皇帝廟號景宗墓號泰陵王偁曰自德明欵塞西鄙息肩矣元昊強梁凶悍乃謀僭尊以天下之力臨區區一方然未嘗少挫及敗于女色禍發其子彼能叛君而子亦能弑父此天道也

按臣弑君子弑父天下之大逆也書法必曰某弑其君某某弑其父某正弑者之罪足矣茲曷以爲子所弑書書爲所弑則弑者有可誅之罪被弑者亦有難逃之責蓋曩霄弑母奪媳滅理

西夏書事

卷十八

三

亂倫罪大惡極豈尋常書法可例故以綱目梁朱溫燕劉仁恭例書至寧令哥之罪則書子書弑早正之矣

論曰曩霄智足以創物先才足以馭羣策衣冠禮樂之變官法文字之奇更祖宗成規藐中朝建制人言可恤彼惡知之而其用兵則嚴賞罰集衆長攻少堅城戰無猝敗倘生亂世劉元海石世龍當其亞也迹其英雄自喜霸王由吾妾膺寶籙顯盜鴻名肆兵力以脇諸蕃逞狡謀而

欺中國羌戎殘獷斯爲甚乎然而政尙刑誅性耽淫泆戮叛戚則弑其母逞逆謀則殺其叔貪好色則辱其臣之妻奪其子之婦三綱淪矣國何以立況又窮奢極欲勞役無時衆怨方興子禍旋作張氏謂中國未揚郭李之威狂夫自蹈安史之僂旨哉言乎

國人討寧令哥誅之沒藏訛龐立諒祚尊沒藏氏爲太后

初沒藏訛龐欲以諒祚主夏國誘寧令哥弑逆因

西夏書事

卷十八

古

以爲罪及寧令哥刺曩霄不死逃匿黃蘆黃蘆訛龐所居也訛龐遣人執殺之并其母野利氏曩霄遺命立從弟委哥寧令大會諾移賞都埋移香熱鬼名浪布野也浪羅等與訛龐議衆欲如遺言訛龐曰委哥寧令非子且無功安得有國諾移賞都曰國今無主然則何所立不然爾欲之乎爾能保守夏土則亦衆所願也訛龐曰子何敢哉夏自祖考以來父死子及國人乃服今沒藏后有子乃先王嫡嗣立以爲主誰敢不服衆曰諾遂奉諒祚立

之尊沒藏氏為宜穆惠文皇太后訛龐以諾移賞都等三大將典兵久令分掌國事已為國相總攬政柄沒藏本大族訛龐為之長至是權益重出入儀衛擬於王者

按于是訛龐殺寧令哥而書國人討何不予訛龐以討賊之義也蓋寧令之逆訛龐實構成之其殺寧令亦為諒祚地耳豈真知大義哉故寧令哥書國人討以見弑父之賊人人得誅萬世之公也諒祚書訛龐立以見違命專擅利立幼

西夏書事

卷十八

五

君一人之私也

二月遣楊守素告哀

訛龐既立諒祚遣守素至京師告哀守素多智數嘗勸曩霄不稱臣納使節者押伴陝西轉運使任顓試問國主所以死守素不能對訖還不敢肆仁宗遣開封府判官尙書員外郎曹穎為祭奠使六宅使達州刺史鄧保信為弔慰使賜絹一千疋布五百端羊百口米麵各百石酒百瓶及葬仍賜絹一千五百疋餘如初賻

獻遺于契丹

初曩霄卒使人至契丹告哀契丹主遣永興宮使耶律裏里右護衛太保耶律興老將作少監王全慰奠至是訛龐以曩霄遺物獻

三月鐵不得國請契丹會師來攻契丹不應

鐵不得在伊吾西素不通契丹曩霄據瓜沙嘗以兵掠其境國主畏之不敢禦是時聞曩霄死遣間使由敦煌山谷間至契丹獻毡玉馬馳等物請以本部兵攻夏國乞以師援契丹主謂其道里遠遠

西夏書事

卷十八

六

聲應不及謝之

夏四月諒祚受冊為夏國主

中國議者因諒祚幼弱母族專權請以節鉞啖其諸將使各有所部分以弱其勢可不戰屈也陝西安撫使程琳曰幸人之喪非所以柔遠人不如因而撫之或請乘喪舉兵知慶州孫沔亦言伐喪非中國體史云議者惜其失幾仁宗乃遣尙書刑部員外郎任顓充冊禮使供備庫副使宋守約充副使冊諒祚為夏國主初曩霄受封朝廷願以印綬至是但有

封冊不更賜印後遂爲例

附

宋史程琳傳夏人圍慶陽會朝廷行諒祚冊

禮琳止詔使于鄜延曰夏人貪此可紓慶陽之

難乃具禮幣賜予之數移報之夏人果喜即日

迎冊使而圍解攻歐陽修作琳墓銘及神道碑

不載此事琳傳不知何據

五月索叛酋孟香于慶州

孟香宥州蕃酋得罪懼誅率衆千餘內附訛麗遣

兵以求香爲名劫邊戶掠牛馬仁宗詔知州杜杞

西夏書事

卷十八

七

還之杞言夏人違約舉兵香不可與因移檄言不

償所掠則香不可得訛麗不肯償所掠杞亦卒不

遣香

六月謀攻延州兵及境而還

延州東北阻山無城郭蕃騎易于出入知州程琳

嘗獲夏國戎首不殺戒遣之夏人亦聲言毋捕漢

人久之以五百戶驅牛羊扣邊云契丹兵至衙頭

國中大亂願自歸琳曰此詐也契丹兵至當舉國

取之豈容來降聞夏人方捕叛者此其是耶不然

直誘我耳拒不受已而果有三萬騎臨境上以捕

叛者爲辭琳戒諸將勿動閉壁偃旗以待夏兵知

有備引還

秋九月遣使入謝祭奠

曩霄稱臣後數犯約抄邊邊吏避生事不以聞于

是諒祚謝祭奠使入延州頗優蹇自大經畧司遣

引伴送闕不敢慢

冬十二月使謝封冊

獻馬馳各五十四匹宴于朵殿賜物遣還 史臣曰

西夏書事

卷十八

六

趙德明在祥符間已追帝父于國中逮元昊始顯

稱帝諒祚因之雖受封冊于宋宋亦稱有歲幣之

賜誓詔之荅要皆出于一時之言其心終未嘗有

臣順之實也

西夏書事卷十八終

西夏書事卷十九

青浦 吳廣成西齋 纂

皇祐元年契丹重熙十八年夏延嗣寧國元年春正月朔日

有食之

羣臣以幼主改元元旦日食天象可畏請慎政刑

訛龐不聽

二月契丹留賀正使

曩霄臨終遺言曰異日力弱勢衰宜附中國不可

專從契丹蓋契丹殘虐中國仁慈順中國則子孫

西夏書事

卷十九

一

安寧又得歲賜官爵若為契丹所勝則吾國危矣

是時契丹以南壁舊怨不肯行封冊及遣使賀正

遲期遂羈使者會集諸道兵遣北院樞密副使蕭

惟信以伐夏告中國

夏六月復遣使如契丹貢

沒藏氏以前使未還聞契丹將興兵再遣使貢以

覘動靜契丹主復留之

秋七月月犯歲星

在東井十二度

契丹兵來侵破唐隆鎮

契丹主下詔親征以天齊王重元北院大王耶律

仁先為前鋒韓國王蕭惠為河南道行軍都統趙

王蕭孝友漢王貼不副之率兵渡河至唐隆鎮破

之邊吏皆遁走

按聲罪致討曰伐潛師入境曰侵遼主下詔親

征聲討有罪故續綱目大書曰伐然兵以義動

始稱王師今契丹以賀正遲期復修舊怨凌人

之孤乘人之喪豈為義舉書侵惡其無名也

西夏書事

卷十九

二

九月襲契丹將蕭惠兵敗之

惠兵入境戰艦糧艘綿亘數百里偵候不絕鎧甲

悉載車上軍士不得乘馬諸將請備不虞惠曰諒

祚必自迎車駕何暇及我無故設備徒自弊耳數

日不立營柵訛龐知其不備遣兵從高坂突下擊

之惠與麾下不及甲而走追者叢射幾不得脫士

卒死傷萬計仁宗御集云諒祚為國主與契丹戰

祚時僅兩

歲前說誤按兵騎者敗蕭惠之兵可謂驕矣驕以致敗主

將之咎書名斥之

冬十月復戰于賀蘭山敗績國主母沒咿氏被執

契丹主遣北道行軍都統耶律敵魯古率阻卜諸

部軍由北路趨涼州至賀蘭山訛麗以三千騎扼

險拒戰殺烏古敵烈部詳穩蕭慈氏奴南剋耶律

斡里等敵魯古大呼奮擊夏兵敗潰諒祚母沒咿

氏及官僚家屬皆被執以去李氏長編契丹使殿前副檢點耶律益彰

德節度趙東之告宋言三路兵伐夏契丹主出中路大捷北路兵至西涼府獲羊百萬駝二十萬牛

五百俘老幼甚眾惟南路小失利而宋之邊奏皆以為遠主濟河不遇敵無水草馬多死耶律貫寧

西夏書事

卷十九

三

大敗于獅子口惟劉五常獲陝西所陷屬戶羌二十餘人而已與遼史諸傳異

皇祐二年契丹重熙十九年夏天祐垂聖元年春正月使獻

契丹捷

以上年勝契丹捷入獻使至保安軍知軍以誓詔

無汎遣人例拒不納

二月侵契丹圍金肅城敗績

沒藏氏以賀蘭之敗不復貢獻契丹遣使詰責沒

藏氏使大將注普猥貨乙靈紀率兵圍金肅城契

丹南面林牙耶律高家奴西南面招討使耶律僕

里篤迎擊大敗之猥貨乙靈紀等死注普中創走還

三月戰于三角川復敗

沒藏氏復遣觀察使訛都咿督兵屯河南三角川

窺契丹威塞堡契丹都檢點蕭迭里得率輕兵襲

之斬候者八人諸將不及備迎戰大敗都咿被擒

失輜重器械無數

夏五月契丹兵圍興慶府大掠

契丹主命西南面招討使蕭蒲奴北院大王耶律

西夏書事

卷十九

四

宜新林牙蕭撒末率師伐夏以行宮都部署別古

監戰北院同知樞密使蕭革按軍邊城為聲援蒲

奴等入境圍興州四面縱兵大掠沒藏氏不敢戰

令諸城堅壁拒之

將軍注普降于契丹

初注普兵敗訛麗欲誅之沒藏氏使練兵賀蘭山

以責後效及契丹兵深入懼誅率所部降

六月契丹破攤糧城

城在賀蘭山西北國中儲糧處契丹兵攻破之盡

發廩積而還仁宗實錄契丹獲渭州張家堡指擄使張遂來歸遂于慶歷中與州民范仁美持知州王沿書入夏間野利兄弟事泄仁美被殺安置遂于攤糧城至是契丹得之遣還朝廷錄為三班奉職

秋九月侵契丹又敗

夏兵侵契丹邊境耶律敵魯古遣六院軍將海里等擊之敗還

按夏國主少國疑戰而倖勝即當服罪請和息民保境以圖自全計不出此致國母被擄城邑瀕危亦為不善變矣乃猶收合燼餘狡焉思逞

西夏書事

卷十九

五

直自困而已于契丹乎何損兩書侵書敗譏其不知量也

冬十月使如契丹通好

沒藏氏數不得志于契丹使請依舊稱藩契丹主不允使還諭別遣信臣至當徐思之

十二月奉表乞臣于契丹不答

沒藏氏復為諒祚表請和言遵母訓乞依舊臣屬契丹主不答

皇祐三年契丹重熙二十年夏天祐垂聖二年春三月契丹

來索党項降戶

曩霄時納党項降戶數千河曲之役請率諸部待罪後因戰勝不遣至是契丹遣北院都監蕭友括來索沒藏氏不與

夏四月契丹使還表請代党項進獻

沒藏氏既留降戶不遣蕭友括還恐契丹詰責奉表乞代党項權獻馬駝牛羊等物契丹主許之

五月求唐隆鑲故地于契丹不得

唐隆藩屏夏州為東北重鎮自經契丹殘破族帳

西夏書事

卷十九

六

逃亡契丹以地介河西不置戍守沒藏氏思經復其地遣使請之契丹主不許

六月契丹置沒嚅氏于薊州

沒藏氏常遣人撫諭党項諸部國中點集人馬訓練無虛日契丹主聞之命于西南沿邊各建城邑為備沒藏氏屢請罷役契丹主知其心叵測以所獲沒嚅氏及前後俘到夏人悉安置薊州并以所獲物遣使入獻

按是時兩國交兵殊無義戰然夏既稱臣表獻

方物自當歸其虜獲以全母子之親乃仍安置
遠州死生惟吾雖夏國君臣不能以誠信格人
而契丹處之爲已甚矣

皇祐四年契丹重熙二十一年夏天祐垂聖三年夏五月阻卜

酋長兀里得遣使請附不納

阻卜久臣契丹其王屯秃古斯及酋長豁得刺喘
只葛拔里思常以馬駟瓊玉貢獻兀里得與豁得
刺弟幹得構隙慮其侵掠遣使至夏國請附沒藏
氏懼契丹兵威不敢受

西夏書事

卷十九

七

秋九月請契丹弛邊備

契丹以諒祚幼弱強臣用事常置重兵諸邊戒飭
封堠沒藏氏遣近臣吃多已貢物契丹乞弛守備
契丹主使蕭友括慰諭之

皇祐五年契丹重熙二十二年夏福聖承道元年春二月移牒

索古渭州地

古渭西蕃界距秦州三百里道經啞兒峽宥州兵
卒牧牛羊其地常爲青唐酋蘭擅掠取監軍司怒
將攻之蘭擅懼不敢籍土入獻冀得兵戍以禦夏

兵知秦州范祥欲立奇功亟往城之又括熟戶田
蕃部驚擾相率叛訛龐欲得其地久移文中國言
古渭本我地朝廷置州于彼有違誓詔仁宗詔戶

部副使傅永按視永招諭羌衆反其田宋史梁適傳古渭初

建峇間爲屬羌所抄益兵拒守羌衆驚疑時適以

觀文殿大學士知秦州具牛酒召諭其種人且罷

所益兵羌遂不爲報宥州以渭非素有不應索正

其封界乃不復言傅永正封界李氏長編在七月茲聯及之

三月使如契丹謝以契丹賜詔許降也

西夏書事

卷十九

八

夏四月侵靜邊峇

訛龐索古渭不得縱兵入德順軍圍靜邊聞端明
殿學士王素來知渭州涇原蕃夷士庶數萬皆歡
迎遂還

五月寇環慶

經畧司以聞仁宗詔邊吏嚴備毋得輒有侵軼

按前侵靜邊茲寇環慶方與北和復開東費書

以甚其不靖也

九月進降表于契丹

表不如式契丹主使南面林牙高家奴持詔諭意
至和元年契丹重熙二十三年夏福聖承道二年春正月遣使契丹貢方物

契丹主以諒祚降非誠心諭使者曰爾主若念國威不忘姻好當心懷恭順不在貢獻勤怠間也卻其物不受

夏五月奉表契丹請進馬馳

契丹主許令歲貢無缺沒藏氏尋遣使獻

六月侵古渭砦

西夏書事

卷十九

九

夏兵數至古渭剽掠人畜秦鳳經畧司請于鄴路益兵五千為備

秋七月請婚于契丹

契丹主以沒藏氏反覆不許

冬十月進誓表于契丹

沒藏氏遣使上誓表並請誓詔契丹主賜以車服而不許誓詔

至和二年契丹重熙二十四年夏福聖承道三年春二月使賀契丹尊號

契丹主上太后尊號已受羣臣尊號大赦國中沒藏氏遣使賀

綏州蕃族阿訛等內投

仁宗以諒祚幼弱不欲生邊事詔約還之

三月沒藏訛龐侵耕屈野河西地

麟州西北枕睥睨曰虹橋下瞰屈野河其河以西距夏境尚七十里並無堡障斥堠天聖初州官相與訟河西職田久不決轉運使奏為禁地官民並不得耕植于是民有竊耕者夏人輒奪其牛曰汝

西夏書事

卷十九

十

州官尚不敢耕汝何為至此由是河西遂為閒田夏人始于洪崖塢道光谷間插木為小砦三十餘所盜種砦旁田元昊時已侵十餘里諒祚立中外事悉訛龐主之知河西田膏腴厚利李氏長編云其田外則蹊徑險狹柏木叢生漢兵難入內則平壤肥沃宜種粟麥故夏人必欲爭之令民播種以所收入其家歲東侵不已距河僅二十里宴然以為已田游騎直至城下或過城東往來自若

按 侵耕細民事耳直書訛龐斥主者也訛龐為國大臣至令小民爭數十里之田以為己利貪

鄙甚矣

夏四月遣使入貢賜大藏經

沒藏氏因阿訛等還感中國恩遣使入貢仁宗賜大藏經慰之

秋七月河東遣使召定疆至沒藏訛龐不聽

河東管勾軍馬司賈逵徼巡見訛龐所侵田過界督責麟州守王亮亮懼以聞仁宗詔邊吏約束之頗加驅掠知并州龐籍曰河西稱臣奉貢未失臣禮今不先以文告而遽行驅掠使歸曲而責直非

西夏書事

卷十九

十一

中國體乃遣使以義理約還訛龐不可籍又使人亟召更定疆場亦偃蹇不奉命

八月契丹使來告哀

興宗崩遣告哀使王觀至國尋賜遺物

冬十月起承天寺

沒藏氏好佛因中國賜大藏經役兵民數萬相與慶府西偏起大寺貯經其中賜額承天延回鶻僧登座演經沒藏氏與諒祚時臨聽焉

十一月使如契丹會葬

契丹葬興宗于慶陵夏與中國高麗使並會

嘉祐元年契丹道宗 清寧二年夏福聖承道四年春三月河東

禁銀星和市

訛龐不肯定屈野河界恐漢兵先據其境輒屯兵河西以誘官軍龐籍戒官吏曰夏人仰吾和市如嬰兒之望乳若絕之彼必自來毋得過河與戰乃懸榜于邊禁絕銀星和市于是國中財用漸乏

秋七月移牒索蕃官蘭瓊

宥州移文保安軍乞抽還修古渭砦軍卒并索叛

西夏書事

卷十九

十一

蕃蘭瓊仁宗詔以蘭瓊世為蕃官不得擅索令保安軍報之

九月遣李守貴巡視屈野河

屈野河侵擾日甚仁宗命殿直張安世賈恩為同巡檢經制之訛龐專為調言迫之則格關緩之則就耕終無歸意安世等與龐籍移牒宥州詰責沒藏氏見牒遣幸臣李守貴至屈野河勘之還白所耕皆漢地沒藏氏責訛龐令還所侵田會守貴亂作不果

有星出東井

如太白赤黃色向北速行沒

冬十月盜殺太后沒藏氏

沒藏氏妖冶好佚游騎從甚衆每出卜夜令國中

張燈火以資娛樂李守貴嘗爲遇乞掌出納寶保

吃多已嘗侍曩霄及沒藏氏于戒壇院皆出入無

間沒藏氏先私于守貴復與吃多已通守貴忿一

日沒藏氏偕吃多已獵于賀蘭山夜歸中道有蕃

騎數十猝戕之并殺吃多已時諒祚生十歲矣訛

西夏書事

卷十九

三

龐族滅守貴家仁宗實錄是年十月丁卯環慶經

畝與沒藏訛龐殺其國母及補細相公而訛龐挈

小大王歸其族已戒邊鎮預備之李燾云所稱小

大王即諒祚也補細相公即吃多已也鬼迷裂販

或李守貴也然與正史不同當從正史今參王

氏東都事遣祖儒嵬名聿則慶唐徐舜卿入告哀

仁宗輟朝一日以集賢校理馮浩假尙書刑部郎

中直史館爲弔慰使文思副使張惟清假文思使

副之龔鼎臣東原錄作沒藏

氏死在嘉祐四年誤

按君母被戕國之大變綱目書弒太后九皆著

弒之之人以正其罪未有書盜殺者西夏雖屬

羌戎援列國例沒藏氏亦君母也不書弒而書

盜殺何蓋治容無異慢藏以君母而淫泆無度

禍直自取耳書盜殺深貶之也

十一月沒藏訛龐納其女爲后

訛龐既誅李守貴以其女爲諒祚妻自是誅殺由

己臣民咸畏之

按訛龐因沒藏氏久專國政今氏死恐已亦失

柄乃納女爲后故與綱目魏公操納三女爲貴

人同例書

西夏書事

卷十九

四

嘉祐二年契丹清寧三年夏禪都元年春三月以國母遺物

入獻

馬馳各百匹

夏五月沒藏訛龐誘麟府將郭恩等戰于忽里堆大

敗之

夏衆春耕秋獲既退之後麟州自州城以西至大

橫水浪爽平數十里間絕無一人一騎知麟州武

戡嘗于河西置一小堡以備斥堠龐籍遂令戡等

于州西二十里左右更築二堡爲護議未定夏兵

已集初訛龐怒邊吏驅掠其民潛聚兵萬餘于境
上待漢兵至擊之邊吏守籍約束夏兵輒以飢疾
散自沒藏氏死訛龐益恣是時屯兵屈野河迨三
月增至數萬人盡發麟州以北民耕牛農具計欲
盡耕河西地而國中有異議者復召還衆皆空壁
去然銀州以南侵耕自若也武戡與通判夏倚謀
乘此作堡岩偕管勾軍事郭恩以巡邊名往按之
謀者言夏兵盛屯沙鼠浪郭恩欲止走馬承受內
侍黃道元不可率步騎一千四百餘人不甲者半

西夏書事

卷十九

五

夜循屈野河北行至臥牛峯夏兵舉烽起鼓黃道
元猶不信比明至忽里堆見蕃騎數十皆西走相
去數十步止郭恩等呼之不應亦不動俄而火起
訛龐遣衆張左右翼自南北交至堆東有塹其中
有梁名斷道堰兩軍接戰自旦至食時伏兵突從
旁塹中攀援上四面合擊敗之執郭恩黃道元及
兵馬監押劉慶等恩自殺武戡走免司馬光文集
自河東絕市
易夏大窮移書于邊請遣使更議疆場使者至有
日麟府將郭恩勇而狂與武戡黃道元率兵不滿
千人夜開城門徑往屈野河西前無偵候後無策
應中無部伍但費酒食不爲戰備以至于敗與未

史夏國
傳異

按

綱目書誘戰四書敗歿三罪敗者也此書誘

敗則不罪敗者而罪誘之者蓋訛龐既肆東侵

復設伏以殺恩等雖道元疎愚實謀之者狡也

六月遣使謝弔祭

使人入見仁宗責以忽里堆之役使者惶恐謝仍

厚禮賜歸

秋七月縱黃道元還

軍士鹹耳鼻隨還者百人

西夏書事

卷十九

六

九月河東遣使再議疆事沒藏訛龐復不聽

河東經畧使遣殿中丞孫兆職方員外郎李思道

相繼至國中議疆事約遵慶歷舊例以橫陽河爲

麟府界然後畫所侵地三分許一分與夏國不從

則拒絕進奉禁止私市訛龐驚不聽

冬十一月河東禁絕私市

宋制官給商人公據方聽與夏國交易私市者法

無赦後官吏疎慢法禁日弛夏人與邊民竊相貿

易日夕公行故雖無歲遺之物互市之利猶可枝

梧訛龐不肯立屈野河界經畧使以聞仁宗下詔
西人如驅牛馬于沿邊私糴民穀令所在禁絕之
時有夏人與熟戶犯禁龐籍獲之即斬于犯所于
是兩界凜然

冬十二月遣兵襲鄜延

訛龐自忽里堆之勝恐中國聲討日事點集遣衆
萬餘犯鄜延境時提點刑獄陳安石攝帥事預飭
邊民戒嚴兵至無所獲而還

西夏書事

卷十九

十七

西夏書事卷十九終

西夏書事卷二十

青浦 吳廣成西齋 纂

嘉祐三年

契丹清寧四年

夏禪都二年春正月契丹使來報

哀

儀天皇太后崩也

夏四月西蕃捺羅部來投納之

曩霄向時拒命不敢深入關中慮唃廝囉為後患
也自訛龐專國歲獲賜遺因思專制西蕃會唃囉
屬下捺羅部阿作率屬來投訛龐納之授以官使

西夏書事

卷二十

一

居邊要

五月使至契丹會葬

契丹葬儀天太后于慶陵夏使與高麗使並會

六月攻青唐城敗還

訛龐令阿作為嚮導攻掠西蕃圍青唐城與唃廝
囉戰大敗酋豪被獲者六人失馬馳甚衆

秋九月龍逋諸族降于西蕃西蕃兵入境大掠

龍逋公立馬頰三大族常從征陣因唃廝囉兵勝
舉族投之唃廝囉率兵逕入夏境會契丹送女妻其

少子董瓊乃大掠而去

按三事比書以見納人之叛人亦叛我侵人之

疆人亦侵我出爾反爾訛麗豈為得計哉

嘉祐四年契丹清寧五年夏鞏都三年夏五月沒藏訛麗據

屈野河

麟府西南接銀州西北接夏州慶歷中曩霄納款

知麟州張繼勳奉詔定界至而文案無存訪之州

人都巡檢使王吉吉言繼遷未叛時麟州之境西

至俄枝盤堆及寧西峯距屈野河皆百餘里西南

西夏書事

卷二十

二

至雙烽橋杏子平彌勒長干鹽坑等距屈野河皆

七十餘里咸平五年繼遷圍麟州陷濁輪砦大中

祥符二年始置橫陽神堂銀城三砦皆在屈野河

東使蕃漢義軍分番守之又使砦將與緣邊酋長

分定疆境橫陽砦西至故俄枝堆四十里州城西

至大橫水六十里西南至浪夷平五十里神堂砦

西至伺候峯三十五里西南至赤犍谷四十里次

南至野狸塢三十里銀城砦西至榆平嶺四十里

西南至清水谷五十里次南至洪崖塢四十里次

南至道光中嶺六十里于是繼勳等據此分定界

至遂以為例訛麗雖東向侵耕猶餘二十里為閒

田及斷道堰戰勝無復顧忌妄指屈野河中央為

界遣兵沿河屯駐白晝迫逐漢人夜則過河剽竊

見邏者輒逸還且于銀城以南至神木堡或十里

或五七里外悉令部民侵種不已

秋八月沒藏訛麗殺六宅使高懷正毛惟昌

諒祚以二人妻乳哺功賞資甚厚二人恃其寵時

與國事或採民間利弊聞訛麗心惡之會高懷正

西夏書事

卷二十

三

以貨國人銀毛惟昌竊衣曩霄盤龍服事覺訛麗

誅其全家諒祚止之不可

冬十月契丹約西蕃兵取涼州不果

契丹數遣使由回鶻路至河湟約唃廝囉舉兵攻

夏國欲徙董瓊居涼州與之近訛麗聞之增兵備

河西會廝囉以道遠兵難合乃止

嘉祐五年契丹清寧六年夏鞏都四年夏五月保安軍牒索

叛蕃胡守中執還之

守中為保安蕃官邊吏失于撫綏走投夏國中國

索之急執還伏誅

秋七月沒藏訛龐遣使河東議界至

夏國所產羊馬種秋用之不盡必以其餘與他國交易而三面戎狄鬻之不售故中國和市不能不通自河東禁絕私市官民胥怨訛龐乃遣使至麟府請退河西田二十里還中國願通和市經畧使梁適不從

冬十月國中鹽市絕

河東私市雖絕然因陝西解鹽價高商販青鹽往

西夏書事

卷二十

四

來如織國中猶恃為利仁宗使薛向為轉運使平解鹽價商民不復冒禁私販于是青鹽利亦絕

十一月沒藏訛龐掠鄜延

訛龐因財用日乏遣人于鄜延沿邊德靖等十堡砦開墾生地剽掠人畜戍兵捍之不止

嘉祐六年

契丹清寧七年

夏禪都五年夏四月沒藏訛龐謀

逆誅之夷其族

白曩霄死三大將各擁強兵制閩外訛龐猶知顧忌已見凋喪殆盡專恣益甚有漫畔者位居訛龐

上每事屈己下之結為心腹高毛二人之誅諒祚

頗不平訛龐懼將為變子婦梁氏本中國人諒祚

私焉日視事于國夜則從諸沒藏氏訛龐子懟甚

與其父謀伏甲寢室須諒祚入殺之梁氏密以告

諒祚召訛龐于密室執之令漫畔將兵殺其子遂

誅訛龐其弟姪族人外任者悉戮之夷其宗家奴

王文諒逃入延州以事告中國授以官後成慶卒

之亂伏誅 歐陽修曰沒藏訛龐黠光也當甯令

哥怨望其父陰教以弑逆之事而即以弑逆之罪

西夏書事

卷二十

五

殺其母子以立諒祚專夏國之政十餘年卒以罪誅夫教人之子殺其父以為己利而已亦以子婦之故為所立者族滅此人事亦天道也

按訛龐威福自專即非謀逆罪固當誅然諒祚

宜淫有乖倫理其不為陳靈齊莊者亦倖也

廢后沒藏氏

諒祚既族訛龐廢沒藏氏幽之而與梁氏入宮羣

臣諫不聽

五月始正屈野河地界

諒祚誅詛龐始親國政太原府代州鈐轄蘇安靜
移牒來議疆事呂誨奏議論麟州地界狀云近罷鈐轄蘇安靜實爲至當專遣職方員外郎李思道往彼朝廷授以成算事遣大酋呂無不濟與仁宗實錄及宋史夏國傳異寧拽浪掠禮議定府州自青沒怒川沙鬼牌橫陽河東西一帶築墩九自沙鬼旁順橫陽河東岸至鐵爐骨堆築墩十二自橫陽河西以南直囉龐烽築墩六自囉龐烽西南直麟州界移濟砦築墩三自移濟砦南至大橫水竹枝谷伺候峯赤犍谷賊愛塢至饒畔浪築墩十二其距榆平嶺清水谷頭

西夏書事

卷二十

六

麟州界人戶更不耕屈野河西田其麟府州不耕之地亦許兩界人戶就近樵牧不得插立梢圈起造棚屋違者並捉搦赴官及勒住和市兩界巡捉人員毋得帶衣甲器械過三十人騎拽浪掠禮還諒祚遂聽命宋史梁適傳夏人盜耕屈野河西田累年朝廷欲正封界以適爲定國軍節度使知并州至則悉復地六百里按屈野河田舊界僅七十里傳云六百里不知何據附宋史王舉元傳夏人來爭屈野地舉元從數騎渡河設幕與之議示以赤心夏人咸服攻屈野河地自至和二年至是年經數次議畫乃定舉元以數言正之何易也且元昊時已侵十餘里則舉元所議或不在是時

西夏書事

卷二十

七

四里許立砦二從北阿默眞砦一次南麻柞砦一距大和谷五里許立砦四從北訛囉禹星砦一次南崑葉砦一次南馬默都砦一次南麻也娘砦一距洪崖塢一里許立砦三從北綱禹愛砦一次南阿默通砦二其松本晉堆立砦三並在阿默通砦西凡十二砦有者修之無者創之砦東西四里各有兩界卓望處築墩十二約自今兩界人戶毋得過所築墩耕種其在豐州外漢砦及府州界蕃戶舊砦並復修完府州沿邊舊砦三十三更不創修

六月靈夏二州大水
黃河環繞靈州其古渠五一秦家渠相傳創始于秦因河水南入渠一漢伯渠相傳創始于漢其渠口在秦渠上流一艾山渠後魏雍爲溝骨律鎮將請自富平西三十里一七級渠鑿艾山通河作渠溉田今在靈州南唐書吐蕃寇靈州郭子儀一特進渠唐書長慶四州與夏州漢源唐梁兩渠毗接餘支渠數十相與蓄泄河水又有賀蘭長樂鐸落諸山爲之隄障向

無水患是時七級渠泛溢靈夏間廬舍居民漂沒甚衆 史臣曰河至蘭州始入中國北繞朔方東經三受降城歷豐勝諸州折而南出龍門由河中抵潼關東出孟津過虎牢而後奔放平壤吞納衆水無崇山巨礮以防閑之于是旁激奔潰不遵禹跡故虎牢迤東距海口二三百里恒被其害若靈夏之間河流尙細又得峻嶺長隄以爲巨障今狂瀾泛溢幾與宋之滑臺大伾齊觀亦一異也

按 昔唐太宗貞觀十一年秋七月穀洛溢不三

西夏書事

卷二十

八

月而武氏入宮高宗永徽五年春三月納武氏爲昭儀夏閏四月萬年宮大水六月恒州大水 中宗神龍元年春二月立韋氏爲皇后秋七月河南北十七州大水蓋水爲陰物女子之徵是時靈夏大水不三月而諒祚冊后梁氏自是諸梁世操政柄國幾于危天先示其兆矣

秋七月奉表入請尙主

諒祚聞契丹約唃廝囉兵共取河西思結中朝爲援使祖儒崑名聿正入貢請尙公主仁宗答以昔

嘗賜姓不許

九月殺故后沒藏氏

后既被廢左右凌虐之后號泣欲自裁諒祚怒遂賜死

按 沒藏氏無罪被殺書之以著諒祚之忍仍書故后者不予諒祚之廢也

立梁氏爲后

任其弟乙埋爲家相

按 后以理陰教奉祭祀者也梁氏誨淫滅家其罪大矣諒祚弱于所私立爲國后其尙有君道乎

西夏書事

卷二十

九

冬十月始用漢禮

諒祚將冠遣使上表竊慕中國衣冠令國人皆不用蕃禮明年當以此迎朝使仁宗許之

按 昔金臣幹特刺言西夏崇尚舊俗故能保國數百年世宗以爲然夫遵祖制由舊章誠守成

令主然能不安陋習漸進華風亦君子所取也况夏自元昊變禮革九拜爲三拜豈堪爲後人

法守哉諒祚去蕃就漢可謂善幹蠱者矣

十二月遣使入賀正旦

諒祚遣祖儒嵬名聿正樞銘新允中賀正並帶本國貨物貿易約值八萬貫中國經管內臣權壓價例虧折甚夥後賀天聖節物遂減半

嘉祐七年契丹清寧八年夏禪都六年春二月供備庫副使

張宗道來賜生辰

鄜延經畧使言諒祚近歲舉措不循舊規恐更僭擬名號乞擇一才臣持詔詰問以杜奸謀會諒祚

西夏書事

卷二十

十

生辰仁宗遣宗道賜禮物初入境迎者乘馬欲先行宗道不可迎者乃後及就坐又欲居東宗道固爭迎者曰主人居左禮之常也天使何疑焉宗道曰宗道與夏主比肩以事天子夏主若自來當為賓主爾陪臣也安得為主人當循故事爭久不決迎者曰君有幾首乃敢如是宗道大笑曰宗道一首爾來日已別家人今日欲取宗道首則取之宗道之死得其所矣但夏國必不敢爾迎者曰譯者失辭某自謂無兩首耳宗道曰譯者失辭何不斬

譯者乃讓宗道居上位迎者曰二國之歡有如魚水宗道曰然天朝水也夏國魚也水可無魚魚不可無水迎者無以對

夏四月進馬求賜書

諒祚獻馬五十匹表求太宗御製詩草隸石本欲建書閣寶藏之並求九經唐史冊府元龜及中國正至朝賀儀仁宗賜以九經還所獻馬

五月更州軍

諒祚以威州監軍司為靜塞軍綏州監軍司為祥

西夏書事

卷二十

十一

祐軍左廂監軍司為神猛軍更于西平府設監軍司為翔慶軍總領之李氏長編及宋史夏國傳諒祚所改四州軍名內西壽監軍司為保泰軍是元昊舊定軍名未有改也茲遵劉溫潤西夏須知以翔慶軍補之

備官制

漢設各部尙書侍郎南北宣徽使及中書學士等官蕃增昂聶昂星謨箇阿泥芭良鼎利春約映吳祝能廣樂丁努諸號

秋八月攻西蕃敗績築堡于古渭州拒之

初契丹以女妻董種久之欲迎歸董種不許契丹

主遣使盡其女董璚殺使者置妻不相見响厮囉
 與喬氏數言之不聽契丹遂與絕諒祚知其隙謀
 擊之舉兵屯古渭州將併吞熟戶諸族知秦州張
 方平檄吏民嚴備不得逞引兵而西戰于青唐敗
 還懼厮囉來侵築堡于古渭州側以兵守之司馬光奏
 議拓跋諒祚年齒浸長猖狂奸兵常分之外要求
 無厭董璚凶悍狡超其父兄朝廷官爵不滿其
 意頗懷怨怒與契丹結姻相表裏秦渭居二虜
 之交此朝廷所當肝食而憂也與李氏長編異
 嘉祐八年契丹清寧九年夏拱化元年春正月遣使獻方物
 宋故事外國使至賜宴紫宸殿遼使副位御坐西

西夏書事 卷二十 三

諸位上將軍之南夏使副在東朵殿並西向北上
 是時諒祚使石方入獻稱宣徽南院使欲與遼使
 對禮禮官不可仁宗詔諭諒祚來使官稱非陪臣
 號自今遵用誓詔毋得僭擬
 二月市銅于契丹契丹不許
 靈夏產鐵少銅諒祚遣人私與契丹民市易契丹
 主下詔禁之
 西蕃禹藏花麻來降夏四月以宗女妻之
 河州刺史王韶畧熙河盡降洮西諸族西使城宋史

李憲傳及夏國傳俱作西市新首領禹藏花麻不
 城地理志作西使城傳志異
 順命秦州鈐轄向寶攻掠之花麻力不支遂以西
 使及蘭州一帶土地舉籍獻夏國諒祚大喜遣兵
 戍之而以宗女妻花麻封駙馬司馬光奏議花麻本居定西及蘭州
 趙元昊以女妻之遂為役屬其文稍異
 橫山酋輕泥嚷側叛撫定之
 夏國雖在河外河外之兵懦而罕戰惟橫山一帶
 蕃部東至麟府西至原渭二百餘里人馬精強慣
 習戰鬪與漢界相附每大入必為前鋒平素苦于

西夏書事 卷二十 三

點集諒祚又虐用之部將輕泥嚷側率所屬叛請
 兵延州約取靈夏判官程戡上言豺虎非自相搏
 未易取也癰疽非自潰未易攻也諒祚久悖慢宜
 乘此許之以蠻夷攻蠻夷實中國之利會仁宗不
 豫未報諒祚聞遣官撫定之事乃寢
 按 橫山酋夏之勁旅也昔張亢謂山界部州城
 砦距邊止二三百里夏兵器甲雖精其戰鬪不
 及山界部族而財糧盡出其地若一旦內攜勢
 將瓦解昔義潮歸而吐蕃衰絕沒斯降而回紇

亂亡蓋衆叛則親離內訌則外潰豈特鵠蚌相持爲漁者利乎此西夏安危之機宋顧交臂失之惜哉

秋七月奉表入慰復故姓李氏

自曩霄入款始稱男繼稱臣仍以賜姓奉表時英宗遣左藏庫副使任拱之告哀賚賜大行遺詔及留遺物諒祚遣使弔慰所上表改姓李氏英宗不悅使者聞帝不豫意謂未能視朝不肯門見固求入對弗許勒歸館舍命賚詔還詰令守舊約

西夏書事

卷二十

古

按此西夏復姓李氏之始

冬十一月請復榷場

自訛龐侵耕屈野河地公私市販盡絕諒祚移文陝西經畧使請置榷場復通互市英宗許之

西夏書事卷二十終

西夏書事卷二十一

青浦 吳廣成西齋

藥

宋英宗治平元年

契丹清寧十年

夏拱化二年春正月遣使吳

宗入賀不成禮而還

初夏使入貢移文延州稱使者官曰樞密郎延安撫使程戡奏令稱使副不以官或稱領盧領盧蕃樞密號也使皆怏怏諒祚遣宗入賀即位初至習上壽儀畢退就幕次見所賜酒食竊笑不肯下箸故制夏使見于皇儀門外朝辭詣垂拱殿是日宗

西夏書事

卷二十一

一

等不肯門見至順天門欲佩魚及儀物自從引伴高宜禁之宗不可留止既一夕供饋俱絕宗忿出不遜語宜折令如故事良久乃入已賜食殿門宗訴于押伴張觀觀以聞英宗令赴延州與宜辨宜者延州所遣也戡令通判詰之宗曰引伴謂當用一百萬兵逐入賀蘭巢穴此何等語也通判曰聞使人目國主爲少帝故引伴有此對是失在使人不在引伴宗沮服不復辨司馬光奏議臣伏見去年先帝登遐趙諒祚遣使致祭延州差指使高宜押伴入京言語輕肆侮其國主做其使人使者臨辭自訴于朝臣當時與

呂誨上言乞加宜罪朝廷忽畧此事不以爲意與李氏長編異呂誨上言乞加宜罪朝廷忽畧此事不以爲意與李氏長編異詔令諒祚懲約之自後宜精擇使者戒勵毋紊彝章

按使不辱命則書名茲書吳宗斥之也諒祚自

親政以來正侵界用漢儀求賜書可稱恭順有

禮矣乃三紀未周兵端復起實宗一人致之書

不成禮正其罪也

二月黑雲貫東井

起西北方長五丈許

夏五月夏州羌邈奔等以地叛降西蕃

西夏書事

卷二十一

二

邈奔素跋扈見夏兵與西蕃屢戰不勝約其叔漢心以隴珠阿諾等三城叛投唃廝囉廝囉納之

秋七月以兵入秦鳳涇原大掠

諒祚因吳宗回得賜詔謂中國辱其使人深以爲

恥遂招引亡命點集兵衆潛謀入寇涇原副總管

劉几以告權經畧使陳述古請兵防守述古不聽

諒祚以十萬衆分攻諸州驅脇熟戶八十餘族殺

弓箭手數千掠人畜萬計

九月邈奔等還自西蕃請兵攻唃廝囉不克

邈奔等以地附廝囉冀重用廝囉不爲禮復歸諒祚宥不誅請兵還取隴珠三城地以萬騎往不克收降丁五百帳而還

治平二年契丹咸雍元年夏拱化三年春正月侵慶州攻王

官城

諒祚習知先世所爲保吉一叛而復王封曩霄再

叛而稱國主知中國兵力不能有加旣掠秦鳳諸州復以萬衆入慶州攻王官城爲經畧使孫長卿

兵所拒不得進

西夏書事

卷二十一

三

二月上表自陳

諒祚數揚虛聲兵騎往來倏忽偶不設備卽乘虛

入侵英宗遣文思副使王無忌持詔詰問諒祚遷

延勿受已遣賀正使荔茂先獻表歸咎宋之邊吏

詞多非實詔復戒其滋擾終勿聽

誘陝西熟戶叛投三月圍順寧砦

陝西熟戶耕佃官田並無徭賦惟戰鬪時出騎從

征最爲安業諒祚多方招誘半思外投郵延鈴轄

李若愚悉召酋長稱詔犒勞務爲姑息諒祚益易

視之遣右樞密党移賞糧出兵犯保安軍圍順寧
砦相持半月而解

夏五月獻于契丹

諒祚與契丹較疎朝賀喪葬外不遣泛使時與中
國構兵遣使獻告以國有兵事契丹主不問

秋八月復擾涇原

西邊蕃部弓箭手習知山川道路材氣勇悍涇原
倚為藩蔽諒祚常以兵威脇服有違拒者輒戕殺
之于是弓箭手皆退入內地邊帥莫敢聞龍圖直

西夏書事

卷二十一

四

學士司馬光以為言不報

冬十一月爭同家堡拒詔使王無忌于境上

曩霄時生羌十九戶以同家堡入獻地在德順軍

威戎堡外二十里中國未設封堠諒祚認為己境

被宋侵佔遣兵殺屬戶數千掠牛羊數萬英宗檢

視故籍遣王無忌詔諭至境不納

十二月使賀正旦及壽聖節

諒祚數擾邊境而仍稱臣奉貢蓋心利歲賜金帛

又得入京貿易故信使不絕

陝西人景詢以罪來投使為學士

諒祚每得漢人歸附輒共起居時致中國物娛其

意故近邊蕃漢樂歸之掠秦鳳時俘漢人蘇立授

以官頗用事詢延安人小有才得罪應死亡命西

奔立薦之諒祚愛其才授學士日夜謀伺邊隙英

宗令捕繫其孥勿以赦原

按書人書以罪所以賤詢也

治平三年

遼咸雍二年是年契丹改國號曰遼

夏拱化四年春二月升

西使城為保泰軍以駙馬禹藏花麻守之

西夏書事

卷二十一

五

西使距古渭僅百二十里諒祚建造行衙置倉積

穀移保泰軍治于此命花麻為統軍守其地

秋九月自將犯慶州圍大順城中流矢而還

諒祚將步騎數萬入慶州攻大順環慶經畧使蔡

挺斂邊戶入保戒諸砦毋戰潛布鐵蒺藜于城濠

中渡者多躓驚為神圍三日不克諒祚衷銀甲種

帽乘駱馬張黃屋督戰挺遣蕃官趙明伏強弩八

百濠外飛矢注射諒祚鎧貫流矢走

李氏長編夏人圍大順帝

召西上閭門使劉几問之曰大順天險非虜可近

第恐夏人與趙明為仇耳帝曰趙明之子入城幾

為所掩卿料敵何其神也分攻柔遠若燒屈乞等三村柵段木

嶺勢張甚宋史劉紹能傳夏人圍大順紹能為軍鋒毀其柵至秦王川邀擊于長城嶺與

此柔遠城惡副總管張玉以重兵拒守率膽勇三

千人夜出斫營夏兵驚潰退屯金湯沈括筆談云諒祚凶忍好

為亂治平中攻大順城自出督戰守堦者曠弩射之諒祚創甚馳入一佛祠有牧牛兒不得出懼伏

佛座下見其脫靴血腕于蹠使人裹創昇而去至其國死與宋史夏國傳異

冬十月請時服不得復請歲賜

諒祚聲言益發十萬騎入邊且出嫚語鄙延安撫

使陸誥曰朝廷積姑息故諒祚敢狂悖不稍加折

西夏書事

卷二十一

六

誚國威何立因留止諒祚請時服使者移文宥州

問故諒祚大沮盤桓塞下取糧四反卒不敢入又

歲稔貪得賜物遣使請頒歲幣謝言受賜累朝敢

渝先誓邊吏擅興兵行且誅之矣宋史韓琦傳夏人攻大順琦議

停歲賜和市遣使問罪樞密使文彥博難之或舉

實元康定事琦曰諒祚狂童也非有元昊智計而

十一月西京左藏庫副使何次公持詔來詰

英宗見諒祚表辭不實遣次公賚詔詰之令專使

別貢誓表具言今後嚴戒邊酋各守封疆不得點

集人馬輒相侵犯其鄙延環慶涇原秦鳳等路一

帶久係漢界熟戶并順漢西蕃不得更行劫掠及

迫脇歸投所有漢界叛亡不逞之人亦不得更相

招納苟渝此約是為絕好餘則遵守前降誓詔朝

廷恩禮自當一切如舊

十二月殺環慶路降蕃思順

思順任環慶路新州刺史舉族西投諒祚寇邊輒

為嚮導經畧使蔡挺宣言思順且復來命葺其廬

舍出兵西為迎候狀諒祚心疑毒殺之

西夏書事

卷二十一

七

按思順為中國蕃官未聞嫌隙其投夏也或心

豎景詢等之富貴耳乃流言朝入醜毒暮施非

諒祚多疑實思順自取也

西蕃瞎孛子木征來附

自曩霄破龜谷瞎孛眾弱既死木征不能自立徙

居河州復徙安江城嘉祐中表請內附會秦州上

丁族首領瞎藥與父厮鐸心不合迎木征居洮州

欲立文法秦州逐之復還河州地與西使城近諒

祚陰誘之遂與青唐等族並附

治平四年遼咸雍三年夏拱化五年春正月如宥州二月
供備庫使高遵裕來賜遣臣王盥受命

英宗崩神宗卽位遣內殿崇班魏瑛補賜治平三
年冬服使遵裕告哀賜詔曰夏國累年以來數興
兵甲侵犯疆陲驚擾人民誘逼熟戶去秋乃復入
叩大順圍迫城砦焚燒村落抗敵官兵邊奏屢聞
人情共憤羣臣皆謂夏國已違誓詔請行拒絕先
皇帝務存含恕且詰端由庶觀逆順之情已決衆
多之口逮比遜事之稟命已悲仙馭之上賓朕纂

西夏書事

卷二十一

八

極云初包荒在念仰循先志俯諒乃誠既自省于
前幸復願堅于永好苟奏封所敘忠信不渝則恩
禮所加歲時如舊安民保福不亦休哉遵裕抵宥
州館于下宮時諒祚以巡游至不出見遣王盥受
命吉服廷立遵裕切責乃易服跪已具食上官語
及大順事盥曰剽掠輩耳遵裕曰若主寇邊扶傷
而遁斯言非妄耶左右以爲辱急使人代對終日
不敢問忽憤然曰王人蔑視下國敝邑雖小控弦
十數萬亦能執囊鞬以與君周旋遵裕瞋目叱曰

主人天縱神武母肆狂驟以干誅夷諒祚覘于屏
後搖手使止之

按宋史謂夏國再臣朝使僅至宥州未嘗得入
興靈恒也茲身在宥州而遣盥聽詔書以著諒
祚之倨且見史臣之說爲不誣也

西蕃拽羅鉢等來降

西蕃首領拽羅鉢鳩令結二人誘蕃部三百餘帳
來投諒祚納之尋爲官軍捕獲斬之徇于境

掠青雞川三月蕃酋獻地秦州築城南牟谷口以拒

西夏書事

卷二十一

九

夏國所據多漢匈奴地曩霄與延環諸路相攻于
秦渭僅一再至故諒祚時二州蕃族日盛景詢等
獻計以爲先取西蕃然後兵扼要害則陝右可舉
于是諸蕃半爲攻陷浸淫直逼秦州時青雞川蕃
部苦諒祚侵掠遣使詣秦州獻地請于南牟谷口
置堡戍兵以通秦州德順之援絕夏人入寇徑路
陝西宣撫使郭遠以聞神宗詔從之
閏三月遣使入獻

初諒祚受中國賜詔不報久之始獻方物謝罪請

戒飭酋長自後謹守封疆如去冬詔旨神宗答詔

嘉許賜銀絹各五百疋兩宋史英宗紀治平三年未云是歲遣使以違約

數寇責夏國諒祚獻方物謝罪李氏長編云帝復降詔詰責至明年閏三月始來獻與夏國傳同

附王闢之澠水燕談錄治平中夏國泛使至將

以十事問未知何事也太常少卿祝諮主館伴

既受命先見樞府已見丞相韓琦琦曰樞密何

語諮曰樞密云若使人言及十事但云受命館

伴不敢輒受邊事琦笑曰豈有專主飲食不及

他語耶乃徐料十事以授祝曰彼及某事則以

西夏書事 卷二十一 十

某辭折言某事則以某辭對祝唯而退及宴見

使者果及十事凡八事中琦所料祝如所教答

夏人聳服攷治平中夏使凡六至而以十事聞

史未明載

徙橫山民于興州夏六月蕃酋令凌舉眾內附

夏國頻年點集眾志乖離橫山羌益思內附諒祚

盡發其族帳徙之興州諸部懷土願望知青澗城

种諤招之令凌舉眾降諤上聞給以田宅諒祚索

之諤曰必欲令凌當以景詢來易乃止

秋八月復和市

自寇大順中國益禁邊民毋通私販至是復之

九月遣使進奉山陵

時葬英宗于永厚陵夏使執禮不遜欲服球金帶

入見押伴知宿州劉航正辭折之始止

冬十月左廂監軍鬼名山以綏州內降

綏州在黃河北有鐵碣二山及無定河水攔繞其

下淳化中趙保忠就擒與夏州並經焚毀自德明

曩霄兩世經營諒祚立監軍司其地復為巨鎮名

西夏書事 卷二十一 十一

山弟夷山潛入青澗城請降于种諤諤使誘名山

賂以金孟宋史司馬光傳西戎部將鬼名山欲以

橫山之眾取諒祚降詔招納其眾陸詵傳銀州鬼名山與其國有隙扣青澗城主

种諤求內附俱無諤招降說與諤傳異名山小

吏李文喜受之陰許納款而名山未知也諤悉起

所部猝圍名山帳名山驚起援槍欲闖夷山呼曰

兄已約降何為復爾文喜出金孟示之名山投槍

大哭舉眾從諤而南王氏東都事畧銀夏監軍司

牙吏史屈子託言鬼名山欲內附來報諤即上聞募使者問道通蠟書于名山與屈子定計領所部期日會于銀州諤起蕃漢兵會于懷遠砦移折繼世赴銀州應接遂長驅入綏州夜渡大理水駐師離思曲厥明屈子及諸酋脇

名山開門迎納又吳積言名山弟亡在折繼世所
繼世與神誘夜引兵抵其居土窟中使其弟扣門
呼曰官軍大集兄速降否則族滅矣名山使納其
手捫之少一指信之遂率兵數千戶二萬餘降已
見官軍少大梅之諒祚遣四萬人拔綏州傅城而
陣諤使名山率新附百餘人挑戰諤兵據晉祠谷
列陣偏將燕達劉甫張兩翼並進夏衆大敗走
遣兵爭綏州餘衆于大理河不勝

初名山衆內攜延州東路巡檢折繼世以步騎萬
餘自懷寧岩趨銀州分名山衆萬三千戶居于大
理河諒祚遣兵爭之再戰皆敗

西夏書事

卷二十一

十三

十一月誘保安軍知軍楊定殺之

定嘗使夏國見諒祚稱臣拜許歸沿邊熟戶諒祚
遺之寶鑑寶劍金銀等物定歸匿其金銀僅上鑑
劍言諒祚可刺狀神宗擢知保安軍已神誘取綏
州諒祚謂定賣已駐兵銀州詐爲會議誘定殺之
并殺都巡檢侍其臻擄定子仲通而還

按

延州南安去綏州四十里在銀夏川口若麟
府有警延州人馬東渡黃河北入嵐石俱可援
應特以綏州一帶盡爲夏界阻斷必從西策渡

往往赴救不及今神誘計取綏州直拔西夏之
腹心聯延綏爲指臂神宗用延帥郭達策規度
大理河川建堡砦畫耕地以處降人遂爲諸路
捍蔽夏人計無復之乃泄忿于定定固有罪而
夏人狡焉思逞之技亦漸窮矣

遣兵備銀州

綏銀接壤綏州既失諒祚懼銀州單弱遣兵屯守
鄜延路請檄諸路牽制知鳳翔府李師中不可乃
止

西夏書事

卷二十一

十三

獻金佛梵覺經于遼

經係回鶻僧所演歷二十年乃成

十二月國主諒祚卒子秉常立

諒祚凶忍好淫過酋豪大家輒亂其婦女故臣下
胥怨而身以羸死年二十一在位二十年改元五
諡曰昭英皇帝廟號毅宗墓號安陵長子秉常立
畢氏續通鑑云宋史神宗紀熙寧元年三月庚辰
夏主諒祚卒遣使告哀據夏國傳諒祚以神宗卽
位之十二月租又云秉常于治平四年冬卽位則
諒祚實以治平四年殂紀所書者赴告之日耳萬
斯同趙駿烈建元彙攷據本紀謂諒祚改
元拱化盡六年與夏國傳拱化五年文異

論曰諒祚生未週齡突遭大故三將分治勢比連雞母族專權形同臥虎守貴難生肘腋契丹兵入賀蘭家聲貽牆茨之羞國事等勢絲之亂斯時李氏箕裘岌岌乎殆哉而數載之後即能親攬大政坐收兵權見契丹之強則事之偵詭龐之叛則誅之遵大漢禮儀以更蕃俗求中朝典冊用仰華風皆元昊數十年草創經營所未能及者惜其殺沒藏立梁氏好色滅倫不特君道有乖即貽謀亦未善也

西夏書事

卷二十一

十四

西夏書事卷二十一終

西夏書事卷二十二

青浦 吳廣成西齋 纂

宋神宗熙寧元年遼咸雍四年夏乾道元年春正月梁氏治

國事

秉常時年八歲母恭肅章憲皇太后梁氏垂簾攝政

按綱目母后垂簾書臨朝書御殿書稱制恒也

此書治國事何夏戎狄小邦不得與中國並也

自梁氏治事而乾順母亦效尤焉自梁氏幽秉

西夏書事

卷二十二

一

常而純佑母致廢立焉牝雞司晨有開必甚直書梁氏斥之也

使其弟乙埋為國相

梁氏悉以國政委乙埋乙埋擢其子弟並居近要

于是諸梁權日甚

按拜官書使罪私也

廊延路索殺楊定者二月以六宅使李崇貴右侍禁

韓道喜獻

廊延鎮撫使郭達謂得殺楊定首領姓名為崇貴

道喜二人移檄來索道喜素與幸臣罔萌訛善萌
訛爲二人謀于梁氏佯使人至鄜延言請斬境上
以謝達不可既而報曰已殺之矣達以二人狀貌
物色遣使詰問乙埋知不可隱執兩人以獻宋史
傳執獻李崇貴在綏州議寢後夏國傳在熙
寧元年綏州議寢在二年二傳先後互異
三月始遣使告哀

自楊定死賀中國登極及正旦使不更過界諒祚
卒逾三月始遣河北轉運使刑部郎中薛宗道告
哀神宗問殺楊定事宗道對曰殺人者已執送矣

西夏書事

卷二十二

二

乃賜詔慰諭并令上大首領數人姓名當爵祿之
俟李崇貴至卽行冊禮

按諒祚卒四月始使告哀慢中國并慢其故主
矣

夏四月獻遺于遼

梁氏遣使告哀于遼遼使弔祭因表獻諒祚遺物
五月出兵爭箠築城

秦州僻在東南距夏國差遠東自儀州南界生戶
八王族抵水洛城是爲夏屬党留族地其西路自

山外石門峽正南百里由箠築城轉三都谷至安
遠伏羌峽次西爲乾川谷在古渭州西北約三百
里至寧遠峽亦合于伏羌自夏兵累掠秦鳳西邊
熟戶被擾神宗遣宰相韓琦知永興軍經畧陝西
琦議築箠築古城與古渭相犄角以秦鳳副總管
楊文廣董其役文廣聲言城噴珠率衆潛趨箠築
比暮至其所部分已定遲明夏兵大至與文廣搏
戰不勝而退宋史馬仲甫傳古渭介青唐之南夏
甫知秦州時得箠築城古趾自雞川峽築堡北抵
南谷環數百里爲內地與韓琦楊文廣二傳異

西夏書事

卷二十二

三

臨行遺書文廣曰當白國主以數萬精騎逐汝也
遣楊定子仲通還

神宗以楊定死于邊事聞有子沒于夏國命郭達
遣使索之梁氏遣仲通還及李崇貴等至京師神
宗始知定死罪在定乃薄責崇貴等而削定官沒
仲通家賜乘常詔候誓表到日卽使行冊禮所有
歲賜自冊典後並依舊例

秋七月攻甘谷城

箠築旣城神宗賜名甘谷乙埋惡其控扼要害潛

兵襲之與秦鳳都監張守約過分兩翼夾攻守約以五百人逆戰挺身立陣前自節金鼓發強弩注射強酋戰死者數人遂卻

九月集兵折蓋會知原州種古來攻拒戰不勝

折蓋會距環州永和砦一百二十里本屬中國自曩霄時據為和市處乙埋屢爭甘谷城不克點集諸監軍司屯其地種古自原州帥師來擊被殺者二千餘人

冬十月遼遣使冊為夏國王

西夏書事

卷二十二

四

梁氏尋使往貢謝封冊

十一月求鬼名山不得

名山至京師授左監門衛上將軍賜姓名趙懷順梁氏用其臣罔萌訛計伴以景詢與中國易郭達曰詢庸人也于事何所輕重若受之則不得不還名山自是蕃酋無復敢向化矣卒不果易

十二月戰于葫蘆河敗績

知渭州蔡挺築城定戎軍為熙寧等砦開地二千餘頃募卒三千人為耕守計乙埋遣兵壁葫蘆河

爭之挺出奇兵襲擊皆驚潰所屬洛勒緩等七族悉為官軍所破

熙寧二年遼咸雍五年夏乾道二年春正月入貢請封二月冊使來

梁氏因中國逾年不行封冊復使薛宗道賫表由延州入貢請之神宗命河北轉運使韓縝至西驛責問數犯邊不進奉故宗道頓首謝罪詔令先還隨遣河南監使劉航持冊封秉常為夏國主遣使上書

西夏書事

卷二十二

五

中國議者欲官夏之首領錙歲賜以為俸給冀分其勢郭達曰彼既恭順朝廷當布以大信不宜誘之以利神宗不聽梁氏不肯奉詔遣臣都羅重進上書言上方以孝治天下奈何使小國之臣叛其君哉

按秉常初立干戈屢見宋室不行封冊直待遣使哀請而後予之洵得駕馭之道哉然欲官其首領分其國勢是乘人之喪為己利也損中國威嚴貽戎人口實畫虎類狗已見熙寧謀國之

乖矣

三月上誓表請以塞門等砦易綏州

綏州去延州東路長寧砦四十里失之則界內撫寧和市場及義合鎮茶山一帶人戶俱少籩籴先是楊定死中國議棄綏州鎮撫使郭達曰夏人既殺王官而又棄綏不守示弱已甚且名山舉族來歸當何以處已梁氏上誓表乞頒誓詔因言綏州世守故地請以塞門安遠二砦相易達曰此商於六百里故智也非先交二砦不可與綏

西夏書事

卷二十二

六

夏四月攻秦州陷劉溝堡

梁氏請綏州不得又絕歲賜遣兵犯秦州破劉溝堡殺守將范愿及士卒不可勝計

秋七月復蕃儀

梁氏不樂用漢禮偽為乘常表請復本國舊蕃儀神宗許之

按

梁氏本中國人不樂漢禮喜用胡俗例行逆施甚矣

九月犯慶州

夏國與邊民私市中國屢禁不止是時以受冊不

謝神宗詔自今有違者經畧司及官吏同罪能告

捕者賞之由是私販遂絕梁氏以貨用缺乏出兵

攻慶州大掠人戶而還

冬十月請定地界不果

先是中國賜詔言綏州交塞門二砦乃還梁氏遣幸臣罔萌訛納二砦經畧司使集賢校理趙高往受之且定地界萌訛佯為不知高曰二砦之北舊有三十六堡且以長城嶺為界西平王祥符中所

西夏書事

卷二十二

七

移書固在也萌訛語塞但言朝廷欲得二砦地界非所約高曰若然則塞門安遠二壙墟耳安用之遂罷

始遣使入謝封冊

神宗尋遣閣門祗候周永清押時服至宥州受賜者不跪永清責之乃恐而跪

閏十二月遣使如遼求印綬

遼自聖宗封李氏王爵雖有西平夏國之號並未錫以印綬梁氏用罔萌訛言遣使求之遼主不與

侵順安黑水諸砦圍綏德城

趙高以夏人渝盟請築綏州改名綏德城梁乙理先以親軍壯騎連侵順安綏平黑水等砦不克進圍綏德攻十餘日兵騎日益定仙山烟火皆滿謀者以告郭達達曰殆將遁也特以此張虛聲耳既而兵果退

熙寧三年遼咸雍六年夏天賜禮盛國慶元年夏四月遣

兵築八堡于綏德城延州官兵攻之諸堡潰

乙埋攻綏德不克以兵二萬距城四里築八堡捍

西夏書事

卷二十二

八

之堡成各留兵三百為守郭達遣監押燕達攻破

二大堡殺酋帥數人移檄宥州曰夏國違誓詔侵

城漢界其罪甚大若能悔過悉聽汝還或不從則

誅無噍類于是餘堡戍卒悉潰歸

五月復築鬪訛堡敗慶州將李復圭兵

初慶州荔原堡納夏國叛人侵耕生地梁氏遣將

以十萬衆築鬪訛堡距慶州界二十里又築城十

二盤皆非漢地也已聞綏德八堡皆潰亦止不築

以文申衙頭求罷而兵役猶留境上復圭貪邊功

合蕃漢兵三千令偏將李信等授以方畧自荔原

堡至瓠子嶺襲之役者見兵至譁言我自修堡不

與漢爭信兵三犯之乃曰汝真欲戰也始縱兩翼

圍之信等大敗夏軍下令曰殺兵不殺將開圍一

角使信等逃還宋史紹聖本初環慶路諜知西人

道欄約如西人捍拒即與捉殺不得貪爭小利及

兵敗上願罪復圭處事輕脫至出兵戰十二盤手

詔又戒以非賊犯邊及築侵漢界即毋得出兵俟

將來畢工美賊盡去別聽旨復圭不聽命又敗與

司馬光復圭懼欲自解執信等斬之復遣部將郭

貴內殿崇班林廣引兵西出邛州堡深入十二盤

襲破欄浪和市等砦掠金湯城夜過浦洛河夏兵

追之廣揚聲選強弩列岸側而潛卷甲遁宋史紹

等敗復圭復遣偏將梁從吉等別破金湯白豹欄

浪等砦手詔褒美不云郭貴等茲從司馬光日記

復圭是役僅殺老幼一二百人梁氏由此蓄怨

附宋史郭達傳李復圭治慶州之敗既斬李信

又欲罪鄜延都巡檢使白玉玉見達托身後事

達哀之不遣申救甚力得免已而玉大捷于新

砦神宗謂達曰白玉能以功補過卿之力也攻

夏兵與玉戰新砦事紀傳不詳

西夏書事

卷二十二

九

又林廣傳廣護中使臨邊將及烏雞川遠率衆循山行道遇熟羌以險告廣不聽夏人果伏兵於川計不行而去告者乃謀也攻廣傳夏人伏兵在敗復圭後而中使臨邊何事傳不詳

六月西蕃董容來請婚不果

董容董種族弟兩人素不睦蕃僧結吳叱臘康遵新羅結迎詣武勝軍共立文法圖併諸羌遣使至夏國請婚梁氏將許之會中國招降其大酋撒四數人結吳叱臘等約解法廢婚議亦寢

西夏書事 卷二十二 十

秋七月慶州官兵襲金湯城敗之于洛河川

梁乙埋以金湯被掠增兵戍之復圭遣將李克忠蕃官趙餘慶復率衆襲之夏伏兵洛河川以待戰甫合突衝陣爲二官軍大敗克忠歸路已斷領殘衆東出鄜延月餘始得達慶李復圭傳謂復圭遣別將破金湯白豹距

乘常入寇 僅七日誤

八月大舉入環慶攻大順城殺鈐轄郭慶等西蕃董種發兵來侵師乃還

梁氏籍境內蕃衆七十以下十五以上悉爲兵聲

言賞百日糧攻沿邊五路偵環慶無備于是月突分兵數道入寇多者號三十萬少者二十萬犯大順城副都總管楊遂以兵拒于大義砦夏兵不得進圍柔遠砦守將林廣固守戒士卒勿妄動夜半

梁乙埋令焚積薪以亂其衆廣屯守自若已而乙埋立營馬平川大持攻具攻城廣隨方捍禦募死士夜出砦營營中數擾史言廣名震于西夏後梁氏謀內侮論中國將帥獨畏廣聞其南分攻荔原堡及淮安鎮獲守烽卒張征乃敢舉兵 吉驅至東谷砦脇以兵使呼城中曰淮安諸砦已

西夏書事 卷二十二 十一

破宜速降吉反其辭曰努力諸砦無虞賊糧盡且退毋庸降乙埋怒殺之轉攻西谷砦業樂鎮屯軍榆林距慶州四十餘里游騎直至城下陝右大震巡檢姚兕等力距九日郭慶與閤門祗候高敏三班借職魏慶宗秦勃等皆戰死兵不退西蕃保順節度使董種乘虛率兵入夏國西境大克獲乙埋恐與靈有失率衆退還宋史神宗紀是年八月己卯夏人犯大順知慶州李復圭以方畧授鈐轄李信東路巡檢劉甫監押神詠出戰兵少故敗復圭誣信等違節制斬信及甫詠死于獄又云是月慶州巡檢姚兕敗夏人于荔原堡鈐轄郭慶都監高敏死之攻夏國傳復圭遣

信等襲開訛堡乃五月間事紀并書在八月誤

附 宋史折克行傳夏人寇環慶種諤拒之詔河

東出師為援克行請往諤使以兵三千護餉道

戰于葭蘆川夏兵大敗被斬者數百戶降者千

據諤傳諤官未嘗任環慶何以有拒夏人事疑

史有誤

九月侵懷寧砦

延州當三路之衝西北金明砦正北黑水砦東北

懷寧砦而懷寧直橫山其徑九捷乙埋遣兵距砦

西夏書事

卷二十二

三

六十里築細浮圖砦宿重兵守之旋以三萬騎薄

懷寧城竟日不退西路都巡檢賈翊與延州巡檢

燕達將所部五百人躍馬奮擊所向披靡夏兵不

勝而走

冬十月遣使請賀正不得

宥州牒保安軍關報賀正旦使將入境判延州郭

達以聞神宗詔達以己意答曰屢次犯順不敢收

接

附

李氏長編是月庚午判延州郭達言破西界

新修堡砦有便捷軍士王青以所獲首級與指

揮使劉興易取金釵請罪之攻夏人修何堡砦

達以何時攻破宋史紀傳不載

十一月延州官軍襲金湯川不攻而退

延州右侍禁王文諒即訛龐家奴昭文館大學士

韓絳宣撫陝西愛其才奏為指使督蕃將趙餘慶

討夏國期會于金湯川之結明撒莊文諒甫抵金

湯去結明尚二十里見夏兵眾引歸餘慶至不見

文諒軍亦退回

西夏書事

卷二十二

三

十二月掠鎮戎軍

夏屬蕃部屢向鄜延環慶兩路內投梁氏惡之令

輕騎夜過邊濠犯鎮戎軍殺掠三川砦獨家堡蕃

戶巡檢趙普伏兵濠外邀截歸路夏騎還遇之戰

不勝失馬二十餘匹

綏州監軍呂效忠帥師寇德順軍敗死

陝西諸路閒田數千頃募人為弓箭手每人給屋

貸口糧二石半耕半戰德順軍所募尤勁勇效忠

率萬騎侵渭州攻德順知軍事周永清出兵拒敵

效忠戰敗被獲永清令勇士夜馳百里搗效忠巢
俘斬復數千人

復遣使入賀正日不至而還

梁氏前請賀正不得復遣罔萌訛詣延州集賢校
理趙高請納其使令邊吏設賞用間離其心腹因
以招橫山之衆此不戰而屈人兵也神宗不許詔
以來年應賜夏國銀絹令宣撫使分貯四路安撫
司處以備犒賜夏屬來歸者于是罔萌訛怏怏而
回

西夏書事

卷二十二

十四

西夏書事卷二十二終

西夏書事卷二十三

青浦 吳廣成西齋 纂

熙寧四年

遼咸雍七年

夏天賜禮盛國慶二年春正月築

囉兀城延安河東兵來攻敗之鐵冶溝

梁乙埋聞中國立更戍法分置陝西五路四十二
將謀大舉乃築城于撫寧故縣北之滴水崖崖石
峭拔高十餘丈下臨無定河謂之囉兀城以扼橫
山衝要延州左驍驍使折繼世與知青澗城种諤
謀曰橫山之衆盡欲歸漢大兵若出界取囉兀河

西夏書事

卷二十三

一

南地可奄有也諤言于宣撫使韓絳議由綏德進
兵攻囉兀創建六砦以通麟府包地數百里則鄜
延河東有輔車之勢足以制夏國今諤以所部兵
二萬出無定河諸將皆受節制諤趣河東兵先趨
銀州乙埋集衆鐵冶溝邀擊之河東兵大潰寧州
團練使劉鬮親自殿後率銳騎搏戰飛矢蔽體不
少卻乃解范育奏議昨聞宣撫使發麟府軍馬出
界過鐵冶川盡日行狹隘中若遇數百
人則隻輪不返幸乘虛驟進不及計故得完師
然既過之後夏即以嚴師爲備諸將許成吉等卻
由陝西界回兵與宋史劉鬮傳異

附 宋史呂公弼傳韓絳宣撫秦晉將取囉兀城

令河東發兵趨神堂新路公弼曰夏必設伏待

吾永和關雖迴遠可安行無患乃由永和既而

新路援兵果遇伏又折克行傳秦兵討夏詔張

世矩將河外軍與克行俱克行率所部前驅西

酋咩保吳良以萬騎躡之度半隘克行縱擊大

破之殺咩保吳良按新路援兵未知是克行一

軍否紀傳不詳

都樞密使哆臘戰于馬戶川敗績棄囉兀城走

西夏書事

卷二十三

二

哆臘聞种諤將至率鈐轄十三人引兵三千屯囉

兀城北馬戶川諤令前部高永能六千騎迎之哆

臘五戰不利率殘衆走保立賞平堅壁不出諤遣

以婦人衣三襲潛遣呂真率千人躡其後會大風

塵起哆臘望見驚曰漢兵大至矣衆潰悉棄城走

諤以部衆修築其城後賜名嗣武砦

魏泰東軒筆錄种諤取綏

州建綏德城據無定河連野雞谷謀復橫山朝廷

責其擅兵尋黜熙寧五年韓絳以宰相撫陝西

復取前議遂自綏州以北築賓谷砦正東築吳堡

將城銀州會抽沙不可築而罷遂建囉兀城欲通

河東路與宋史种諤傳異

二月遣使請援于遼遼人許以兵助

囉兀之失國中黠兵不集遣使遼國乞援遼主許

發腹裡兵三十萬助之于是國中氣復振

攻撫寧堡破之

初种諤兵出囉兀首領訛革都哆據賞通嶺拒戰

大敗諤遂築永樂賞通二砦又遣都監燕達趙璞

冒雪築撫寧故城功甫竣梁乙埋聚十二監軍司

兵攻之燕達駐囉兀折繼世高永能駐細浮圖相

去咫尺兵勢尙完諤在綏德欲作書招之戰怖不

西夏書事

卷二十三

三

能下筆乙埋見無援急攻撫寧陷之

進圍順寧砦

夏騎萬餘半伏濠外知保安軍景思立不審衆寡

迫諸將出戰遇伏皆敗圍數日人心危懼城中娼

李姓得梁氏陰事甚悉自請退敵登陴掀衣抗罵

盡發梁氏私城下叢射之莫能中李氏言愈醜兵

士悉掩耳恐得罪託言糧匱解圍退

三月復囉兀城

初中國以囉兀偏梁險隘難于餽餉遣李評張景

憲往按未至而城被圍梁乙埋獲鎮武都頭崔達語之曰汝語城中使速降當授汝爵祿達諾之致之危梯下瞰城中猝呼曰賊少糧且盡將去宜堅守乙埋怒醢之圍不解神宗下詔棄囉兀燕達以成卒護輜重歸乙埋遣兵邀擊殆盡 王安石曰陝西一路戶口可敵一夏國以四夏國之衆當一夏國又以天下財力助之其勢欲掃除宜甚易然不能使夏國畏服向以君臣強武今其君幼弱其臣不過親暱關冗之人而終不能制之豈非將帥無勝算而處之不得其當哉

西夏書事

卷二十三

四

按宋之議兵事者輒以計苟安弭邊患爲便故種諤之取綏州城囉兀無不犯言路之爭然綏州屬銀夏之衝囉兀乃橫山之要兩險並據西夏國勢已危種諤爭之豈爲失策獨惜其能守綏德不救撫寧遂致諸堡分崩朝廷震動將已成之業爲資盜之資諤罪無可逃而神宗下詔棄之亦無策甚矣

銀州將香崖爭荒堆砦敗于吐渾河以其衆降

種諤城囉兀令河東亦修荒堆三泉諸砦相爲連接荒堆去夏界才數十里香崖以數萬衆爭之擊敗慶州指使王文諒巡徼兵已而麟府都監王文郁大軍至香崖伏兵吐渾河側以待戰不勝夜遣人持劍約降文郁許之詰旦與偕行半道崖部忽謀而起文郁縱兵奮擊追奔二十里泥首降者二千人

附宋史王舉元傳知永興軍慶州軍亂夏人連兵屯境上舉元使二裨將以千人扼要害三日

西夏書事

卷二十三

五

夏兵不得進乃去攷神宗御集是年司馬光知永興軍二月王廣淵代之四月因慶卒亂改授郭達舉元知軍事尚在治平中已爲劉庠等劾罷疑傳有誤

夏五月遣使至綏德城議和

夏用事臣罔萌訛結明愛數勸梁氏犯邊撫寧之役雖復諸堡而囉兀城外三百里間廬井焚棄老少流離已廢春耕又絕歲賜財力並紉罔萌訛以韓道喜之執與梁乙埋不和蕃部以告環州種諤

診遣使論有能檢此二人及同謀首領獻者賜予無所吝于是國中疑貳韋州監軍司牒環州請和乙埋亦遣人至綏德見知城折克雋言國主欲得綏州和好如舊環慶鄜延兩路以聞請降問罪詔書

中國沿邊諸路聞夏國請和放行和市而于內投蕃部夏人若在界首叫呼或順便交還或逐回被殺樞密院言夏國款塞前此惟在延州順寧砦諸處各與通語言互市易恐彼此參差有失事機

西夏書事

卷二十三

六

神宗下詔戒飭詔未至環州種診已回牒韋州許以和好于是梁氏又遣人言乞朝廷先降問罪詔書方敢以罪狀表上

秋八月遣使賀遼天安節

夏使與中國使兵部郎中楚建中陝西轉運使沈起同至廷見時兩使者位著相等起爭曰夏使陪臣爾豈得與王人齒獨升東朝夏使不敢並

九月表乞綏州

梁氏頻稱款塞輒以虛聲搖邊神宗諭環慶等州

不須遣人回答如西人再至令往順寧砦依故例經軍北巡檢轉報于是梁氏遣大使阿泥鬼名科榮副使呂寧焦文貴由延州入貢奉表乞綏州畧云臣近承邊報仰荷睿慈起勝殘去殺之心示繼好息民之意人神胥悅海宇歡呼感戴誠深忭躍曷已恭惟皇帝陛下深窮聖慮遠察邊情念茲執戟之勞恤彼交兵之苦俾登衽席無傷累世之休和載輯干戈益見天心之惻隱况此綏州族居歲久悉懷戀土之私積憤情深終是爭心之本乞施

西夏書事

卷二十三

七

命令早賜報移得遂嗣襲之封永奉嚴凝之德竚使枕戈之士翻爲秉耒之人頓肅疆場重清烽堠顧惟幼稚敢替先盟翹企中宸願依舊約貢珍贄寶豈憚于逾沙向日傾心彌堅于述職乃學士景詢詞也神宗詔答曰昨覽邊臣所奏以夏國去秋自絕朝廷深入環慶路殺掠熟戶侵逼城砦須至舉兵入討朕爲人父母亟令班師毋得窮武今國主遣使通款欲繼舊好休兵息民此意甚善所言綏州前已降詔更不令夏國交割塞門安遠二砦

綏州更不給還今復何議已令鄜延路經畧司定立綏德城界至其外諸路並依漢蕃住坐耕收界至立封堠掘濠塹內外各認地分樵收耕種彼此毋得侵軼俟定界畢別進誓表迴頒誓詔恩賜如舊

冬十月陝西河東路復禁私市

自兵寇綏德後緣邊和市久絕而蕃族與陝西河東諸路猶多私販是時神宗以方議通和苟私販不絕必無成就之理命逐路經畧司申禁之

西夏書事

卷二十三

八

十二月鈐轄結勝自麟州歸

結勝饒武勇麟州將王文郁畧地至開光州勝力屈請降補供奉官梁乙埋殺其愛女羈管其家口勝謀竄歸事覺神宗下詔縱之給以口養路費命經畧司牒宥州于界首交割

熙寧五年

遂成雍八年

夏天賜禮盛國慶三年春正月梁

氏以女請歸于西蕃董種于蘭道比

西蕃大首領董種有子蘭道比初娶于甘州回鶻環慶之役董種使率兵侵夏有功授錦州刺史梁

氏久畏其強欲與之和及聞王韶降青唐將復河湟吐蕃諸部勢蹙遣人請以愛女爲蘭道比妻董種許之

按自古兩國和親有請婚有乞婚未有以女請

歸者以女請歸幾同獻女矣斥書梁氏醜之也

附李氏長編邈川城主郅成溫納支力足敵董

種董種與夏國結親遣兵援送必過邈川溫納

支素與董爲仇今夏董合婚已孤立其間必被

攻襲明告夏國曰如此我必歸漢又遣人至熙

西夏書事

卷二十三

九

河經畧司王韶處訴其事韶請以利害說董種令與夏國絕婚上從之攻湯思退哲宗實錄回鶻夏國皆以女妻蘭道比養子阿里骨爲董種嗣悉取二妻又長編董種于熙寧九年二月以旗號蕃字至洮疊州誘脇順漢部族爲寇是當日絕婚之議不行也

掠綏德城

無定河東滿堂鐵笏等平地土膏腴夏人賴以爲國自中國城綏德不得耕種者數年梁氏表請于

城北退二十里為界中國未之許數遣人馬入殺德抄掠牧放鄜延經畧司以奉旨通和不敢追擊請牒宥州誌之

三月遣使議綏德界至

梁氏移牒延州言中國自不肯立滿堂平等界本國除綏州外向有封堠濠塹無須更定朝議以前退二十里折之梁氏遣首領洋芭凌與折克雋言前議于中間立堠開濠未嘗約二十里也克雋責以失信使不能對

西夏書事 卷二十三 十

河東路縱俘戶還

神宗既縱結勝下詔自去秋所獲夏國人口令各路委官就便取問如願歸者悉任之于是河東經畧司劉庠條具姓名人支綵絹二疋小兒半之即于麟州界上遣回

夏四月鄜延路使來召定界至

夏國邊界東接麟豐西鄰秦鳳中間犬牙相錯緣繞幾二千里神宗以夏國表辭漸順欲乘此明立界限遣鹽鐵判官張穆之至鄜延與夏人會議穆

之以前有議事官幾為夏人所獲令保安軍北巡檢張藻召宥州首領至本軍議首領不赴

五月復鬪訛疆石二堡

鬪訛疆石毗連自李復圭生事後中國蕃漢襍耕其地梁氏屢表乞還請于見今蕃漢住坐立界中國初牒宥州言無人拘占此地既知牒誤神宗令知慶州王廣淵給還之

蕃官浪幹賊鬼來降

賊鬼西蕃部族向居鬪訛疆石地及二堡歸夏移

西夏書事 卷二十三 十一

居近裡熟戶部內梁乙埋使人誘之遂降

六月歸降蕃鬼逋等七十七人于環慶

初梁氏以銀綵招降荔原堡熟戶鬼逋等七十七

人王安石奏議夏國止送百餘逃人來歸而中國人情皆有憐夏國之心武怒之氣為之衰沮其數與是時欲求和執送環慶經畧司以聞李氏長道即賊鬼王安石有奏給賊鬼田數不知其名何以不同攷司馬光日記鬼逋等其十七戶其兩戶乃新招到會經體問不願歸者其十五戶乃治平間所招不經體問者與賊鬼異

按鬼逋等皆中國罪人也捕之則動干戈索之則費詞說梁氏執送藉以求和以視上請章獻

方物意較誠矣故書歸以嘉其事之正書七十
七人以著其數之多

附

范百祿誌趙禹墓知延州時嘗于六月遣曲
珍呂眞分巡東西路鈐轄李顥曰敵豈盛夏來
耶宜罷之以待防秋禹笑不答夏人方以四萬
衆自間道取綏州至魯班崖遇珍以爲知其謀
惶駭亟戰呂眞繼至敵敗走俘斬千餘據李氏
長編云魯班崖事他書不見又疑夏已通和或
無此事不然當在去年耳

西夏書事

卷二十三

三

秋七月定綏德界至

仍以距綏德城界二十里爲界與中國各立封堠
置守把

遣使入貢

故事夏使館于都亭西驛夏人久不朝貢驛中條
制繁亂承用者無所適從神宗命集賢校理章惇
修定之

免嵬名浪遇都統軍徒之下治

國中權擅者三人梁乙埋國戚居長次都羅馬尾

次罔萌訛萌訛畧知書私侍梁氏與乙埋居中用
事都羅多戰功常握兵屯塞上浪遇爲曩霄弟知
兵熟邊事諒祚時嘗執國政至是以不附諸梁罷
其官并其家屬徙之

閏七月攻西蕃武勝城與秦鳳官軍戰大敗

武勝屬吐蕃爲夏國入洮河要路梁氏用學士景
詢策謀取其地會中國建昌軍司理參軍王韶上
平戎策謂西夏可取欲取西夏當復河湟則夏人
有腹背受敵之憂夏人比年攻青唐不克萬一克

西夏書事

卷二十三

三

之必併兵南向大掠秦渭西築武勝進兵洮河隴
蜀諸郡皆當驚擾今唃氏種落瓜分如能并合而
兼撫之則諸部皆服而夏人在吾掌握中矣神宗
累擢韶秦鳳緣邊安撫使議取武勝城遣都監景
思立王存以涇原兵出竹牛嶺張聲勢而已潛師
由東谷趨武勝梁乙埋方遣兵攻城吐蕃將瞎藥
城守將潰韶揮軍進薄夏兵出不意倉卒迎戰大
敗瞎藥與大首領曲撒四王阿南珂開門遁韶進
據之夏兵不能爭

八月使謝歲賜

梁氏復得歲賜遣使入謝而表不依式不設誓又
不言諸路地界事神宗以為疑久之方降答詔

九月國主生辰赦

中國以供備庫使任懷改為生辰使既知為任福
姪以皇城使田諱代之

按生辰不悉書此何書重赦也赦為國家鉅典
故推其所由書之

冬十一月宥州移牒索武勝城

西夏書事

卷二十三

十四

武勝守將瞎藥由河州內附授內殿崇班賜姓名
包約梁乙埋令宥州牒延州言奉領盧指揮王韶
城武勝招誘屬蕃乞賜還本國神宗怒曰夏人敢
如此令延州回牒報之

西夏書事卷二十三終

西夏書事卷二十四

青浦 吳廣成西齋 纂

熙寧六年

遼咸雍九年

夏天賜禮盛國慶四年春二月掠

秦州

神宗以夏國恭順詔戒邊吏毋先生事會順寧砦
蕃部逃入西界蕃官劉紹龍以兵追逐劫夏人為

質梁乙埋怒偵秦州無備縱兵大掠為都巡檢劉

惟吉所敗

李氏長編秦鳳經畧使言二月十三日
熙河通遠軍西路蕃漢都巡檢使劉惟

吉領兵策應沿山砦十六日又得臨江砦報有蕃
賊攻圍惟吉即率所部赴援與賊力戰追逐過江

西夏書事

卷二十四

一

是惟吉之戰乃西蕃非夏
國也此據宋史神宗紀

三月梁乙埋駐兵天都山謀入寇

乙埋聞王韶攻木征于河州知沿邊竄備點集蕃
衆渡河駐天都山及蘆子川側約馬銜山龕谷諸
族為援已聞韶破河州擊走木征乃撤兵退

夏五月修涼州城

梁氏以中國城武勝又復河州洮西地恐兵從西
蕃入修涼州城及旁近諸砦為守計

按書五月修城不時也

六月遣兵犯麟府

以三千騎大掠人畜而還

冬十一月獻馬請大藏經

梁氏遣使進馬請贖大藏經神宗賜經還其馬

十二月遣使如遼貢

與高麗使會

熙寧七年

遼咸雍十年

夏天賜禮盛國慶五年夏四月遣

兵援西蕃次結河川而還

木征居河州為王韶擊敗走投夏國引衆爭復故

西夏書事

卷二十四

二

地梁乙埋先以七千人伏馬銜山後大隊從結河

川援之韶遣兵斷徑路直叩定羌城盡破結河川

族帳討降木征夏兵遂還

五月犯劉溝堡

梁乙埋伏萬騎于黑山外令部酋以千騎犯劉溝

通事舍人劉昌祚引兵二千出援夏兵偽遁昌祚

追之戰不解薄暮有大酋突而前昌祚抽矢一發

而殪餘衆不敢進

六月大旱

草木枯死羊馬無所食監軍司令于中國緣邊放

牧神宗詔六路經畧司嚴察漢蕃無致侵竊

秋七月誘環慶諸邊熟戶來歸

中國陝西諸路旱飢緣邊蕃漢乏食梁乙埋遣人

以財物招誘熟戶于是歸者甚衆

九月犯麟州敗于長城坂

麟州據河外之衝城中無井其淮沙泉在城外向

欲拓城包之而沙土善陷每夏兵圍城城中輒憂

渴死呂公弼知太原府用其僚鄧子喬計做古拔

西夏書事

卷二十四

三

軸法去其沙以木炭壅土包泉築之城遂鞏固梁

乙埋遣兵踰屈野河掠塞上直攻麟州不克而退

都監王文郁自府州赴援追至長城坂夏兵返關

大敗盡棄所掠乃免

冬十二月故都統軍嵬名浪遇卒

浪遇廢居下治坐臥一室日訓子孫以忠義口不

言兵至是卒遺表以擢用忠良勿犯中國為言諸

梁惡之不以聞

熙寧八年

遼太康元年

夏大安元年夏五月誘蕃僧李世

種降不果

芭瓊居黃河北部族甚衆梁氏使人賂誘之洮西安撫使以聞神宗詔授三班差使本族巡檢芭瓊受職遂不果降

六月以年號署牒移熙河

梁乙埋遣人于通遠軍境上理索逃背人戶及所失牛羊中國邊吏不應梁氏令監軍錫頌訛則牒熙河稱蕃部偷劫人畜投入漢界累索不與請高太尉王團練赴三岔堡與訛迪駙馬會議尾署大

西夏書事

卷二十四

四

安元年熙河以聞神宗以夏國久稟正朔今妄稱年號違越生事令鄭延經畧使移牒宥州詰問宋史夏國傳係此事于三月茲從李氏長編

按夏自建國改元止稱境內未有顯行中國者有之惟曩霄告稱帝及上媵書二事然其時尙與中國敵未足異也今三世稱臣表奉正朔乃自署名號公牒邊臣非卽驚桀之性易肆難馴之一証歟

寇天聖岩

乙埋聲言攻天聖故徘徊不卽進以誤邊將期會涇原將禮賓使劉仲武謀得的期請于涇帥帥不信但留一將與仲武俱夏兵果如期至仲武力拒乃退

秋七月請通和市

國中自絕市販財用日乏梁氏由麟州申請神宗令驚銅錫以市馬其織絹與急須之物仍禁

冬十月保泰軍統軍禹藏花麻以兵事入報

花麻嘗疑邊境有謀遣酋長撒蟬等十四人入塞

西夏書事

卷二十四

五

賣馬覘之爲德順岩所獲知渭州蔡延慶曰彼疑故來覘若執之是成其疑也估償馬直遣還花麻心德之王韶城武勝常恐夏兵來爭軍中一日數驚花麻密以蕃字文報無他韶因遣以金帛使伺國中動靜是時遣弟諾爾入告乙埋點集人馬謀掠沿邊熟戶丁家等族神宗詔熙河經畧使高遵裕優賜之

十一月毀麟府界墩

麟府沿邊界墩累年不加塹飾中國邊臣不牒會

宥州遠興脩治監軍司心疑遣人推毀之戍兵不能禁

十二月遣騎劫歸漢蕃族于沿邊

初神宗以夏國納款諭邊臣不得招納西界蕃族而歸漢者日衆梁氏遣騎沿路燒劫治平砦蕃官訛節探得以聞

熙寧九年遼太康二年夏大安二年春正月國主始親政

以兵犯麟府

秉常時年十六懼中國兵入界用梁乙埋言點集

西夏書事

卷二十四

六

人騎出入麟府二州間以示兵威

按秉常親政首務窮兵深信奸謀罔知國計異時魁柄旁落宜其位置任人也

二月屬蕃溫溪心請內附不果

溪心溫訥支弟同居邈川爲蕃部都巡檢向受夏國俸給遣使熙河請舉族內附經畧使高遵裕以聞神宗以夏主親政之始不許招接已而右廂首領耀沒楚美以下三十餘人乞納上歸順亦不受三月遼使來告哀

遼仁懿皇太后崩使來告哀并賜遺物

夏四月梁乙埋使民耕級德城生地

自級德城立封墩分疆至外有兩不耕生地承爲隔界梁乙埋使民漸侵佔之郵延經畧司牒宥州問故不報

按斥名書使歸罪于乙埋也

五月遣使如遼弔祭

遼主詢夏國事宜使者以國主親政告

六月謀取熙河兵不果出

西夏書事

卷二十四

七

秉常以涇原民杜貴盜馬令宥州牒責既聞宗哥首領鬼章入寇五牟谷亦點集十二萬衆謀取熙河以六萬拒中國兵來路以六萬攻二州城志在必取已謀者從邈川回言中國不納溫溪心等降兵不出

按此夏人謀取熙河之始熙河爲夏人必爭之地自木征內附無日不切鯨吞茲以中國不納降人集兵而止是猶有報德之思焉書不果出于之也

秋八月環州蕃家請降

初環州蕃官慕恩慕化數立邊功中國賜賚優渥

恩等沒後族衆益繁向背不一時有數族欲投夏

國請發人馬接應緣邊首領密申衙頭以聞

熙寧十年遼太康三年夏大安三年春二月築講宗城

秉常愚闇未悉誓詔明文梁乙埋勸于講宗嶺廣

聚材木創築城堡地與環慶路相通經畧司恐致

邊患請令保安軍移牒詰問

夏五月梁兀乙執環慶誘降人且烏柔遠守將孫貴

西夏書事 卷二十四 八

發兵來攻六月遣使入告

兀乙乙埋族子部落最盛環慶經畧使高遵裕遣

蕃部且烏兵馬監押王願潛至帳下偵事乘間誘

兀乙降兀乙執且烏願走還告柔遠砦主孫貴貴

同巡檢胡承德發兵臨界索且烏縱火焚新和市

秉常遣使入告神宗責降遵裕等有差

按書誘降罪環慶也是時夏國在順逆之間邊

臣布德意以懷柔之庶欲逞不得耳間使入國

計誘重臣豈中國體乎乃復肆兵縱火夏不乘

隙入侵僅遣使入奏是未失事大之禮也據事

書其義自見

秋八月慶州熟戶來侵

慶州西谷砦與夏國連界其熟戶乘蕃族無備入

界殺奪人馬環慶經畧司隱其事反以夏人侵入

漢界射傷熟戶為辭移牒宥州詰問

按順寧砦主田璟言邊事之作未有不由熟戶

者平時入西界盜孳畜人戶及夏人理索卻反

稱西人入漢為盜邊臣或未悉彼情或妄希功

西夏書事 卷二十四 九

賞增飾事端更致誅殺無辜以挑邊釁觀此言

知宋室西邊之禍未可專為夏人咎也

附曾布日錄十月癸卯詔麟州蕃官高世忠李

保忠各遷一官以河東安撫使韓絳言世忠等

捕殺西賊不失期會故也攻李氏長編及夏國

傳是年夏人未嘗犯河東日錄不知何據又宋

史劉紹能傳熙寧中敗夏人于破囉川策功為

最是事年月亦無攷

元豐元年遼太康四年夏大安四年春三月遣謀鬼心入

邊被誅遂執熙州蕃戶兀勝以歸

初秉常誘邊民劉勃怡作奸細偵中國虛實事覺

被誅已遣蕃戶鬼心入環州匿于熟戶吹甯家聲

言點兵大集先攻環慶為邏者所獲經畧司根究

得實又誅之秉常怒縱兵入熙河執珠旺族蕃戶

兀勝等數人歸囚于地牢經五日放還

夏四月立熙河封堠

秉常遣人于熙河界內掘坑畫十字立草封為堠

都總管孫良臣以聞神宗令鄜延路移牒戒約之

西夏書事

卷二十四

十

五月獲河東刺事人資允

資允麟州銀城砦熟戶人界偵事獲之已而逃歸

六月宥州牒鄜延路請禁侵耕

麟州星最浪木瓜舖諸處向為中國廢地自熙寧

八年後居民頗事墾闢夏蕃部攘之不得指為侵

耕生地訴于監軍司監軍司以聞秉常令宥州移

牒鄜延請禁之

秋八月以兵掠鄜延不克

秋稼大稔梁乙埋屯千騎于大會平將取之鄜延

都監高永能揀精騎突擊夏衆驚潰鈐轄二人被

獲乙埋今日有能得高六宅者賞金與身等永能

其族祖文峴以綏州降者也

冬十月賜時服使趙戡至附書以謝

故事受中國給賜必遣使賫表謝時閭門祇候趙

戡押賜仲冬時服至秉常以蕃書附之入謝戡輒

收接神宗詔毀其書令開封府劾戡罪

按書附書謝著無禮也夏雖小邦無禮何以立

國秉常舉動輕率後日聽李清謀歸宋已見于

西夏書事

卷二十四

十一

此

十一月請重定邊界

初宥州請中國禁麟府耕地神宗令邊民不得違

禁而詔西人巡馬亦宜悉依舊處過住鄜延經畧

使呂惠卿牒諭宥州以馬五匹易取所擄人民宥

州回牒言請遣官與本國邊臣重將蘇御帶分立

文字依理識認悉毀所耕地然後將本界前後逃

背捉殺人馬于界首交會神宗不許

十二月河東使來議豐州耕地

河東豐州舊有屬蕃保聚自曩霄入寇掠以西來永安保寧三砦外盡成曠土兩界久以生地互爭河東守王崇拯與首領議以沙河為界委官標量合耕地各三十頃頃各有畸于是豐州界至乃明元豐二年遼太康五年夏大安五年春二月遣蕃戶昌甯詐降于鄜延被誅

秉常所遣刺事人屢為中國捕誅乃使昌甯詐為投順中國授以田宅宥州佯以牒索神宗不許甯潛與蕃部蘇呢等要結刺探邊事以報久之事露

西夏書事

卷二十四

三

為鄜延經畧司所誅

三月獲麟府官軍呂重等尋歸之

秉常以麟府耕地未定命蕃部見中國邊民輒射殺之重等巡視其地俱被獲經畧司遣人來索始放歸

秋七月侵殺德城

秉常以中國誅昌甯聚兵大垂坑侵殺德城高永能擊之走還

八月掠大會平

梁乙埋謀自滿堂川寇大會平殺掠防田人馬夏人夥都同蕃部吹唳結入報鄜延都監李浦率兵追逐乙埋乃出塞宋史夏國傳二年六月夏人自滿堂川入大會平兵官李浦等遇逐出塞神宗紀二年八月丙申夏人寇殺德都監李浦敗之傳紀不合冬十一月移牒河東請交會人戶

梁乙埋遣蕃官張靈州奴偽為漢人入邊偵事為涇原游兵所獲乃移牒河東言以所擄漢界諸邊人馬與本國被捉人馬交換經畧司以聞神宗許之

西夏書事

卷二十四

三

元豐三年遼太康六年夏大安六年春正月復行漢禮

秉常連次犯邊每得漢人輒訪以中國制度心竊好之乃下令國中悉去蕃儀復行漢禮諸臣阿梁氏者皆言不便梁乙埋與其叔母亦相繼勸秉常不聽

按此夏國廢亂之由昔程明道云治道有從本而言亦有從事而言從事而言救之必須變所謂大變則大益小變則小益夏之行漢禮非變乎然後日卒以致亂良由秉常年少輔之不得

其人故也豈禮階之厲哉

二月謀攻邈川

秉常以西蕃董擅復臣中國受西平節度使職遣
眾謀襲邈川已聞其城主溫訥支郢成已遣阿令
京款塞乃撤兵還阿令京溫溪心弟也

夏四月遣使進奉皇太后山陵

使人至已後期神宗令先至永昭陵設祭然後詣
闕奉慰

秋七月築撒逋宗城以窺河州

西夏書事

卷二十四

古

河州界黃河之南洮河之西與涼州接壤梁乙埋
謀取之集兵萬人與築撒逋宗城以扼要害西興
首領禹藏結逋藥蕃部奔鞠以驛書入告神宗命
熙河經畧多備兵馬禁止之

九月犯當川堡

梁乙埋以二萬騎圍熙河當川堡高永能率千人
赴援猝與遇夏眾見其勢弱聚圍之永能依險結
陣且鬪且卻令後騎揚塵若援軍至者夏兵驚懼
解圍

冬十一月返環州田

夏境與環州犬牙相錯當中國秋穫時夏人必縱
兵侵掠其田多棄勿理遂據之知慶州俞允檄所
部以時耕植募家族山夷及叛戶入西者三百為
衛又遣將張守約耀兵塞上夏人懼乃返其田

西夏書事

卷二十四

五

西夏書事卷二十四終

西夏書事卷二十五

青浦 吳廣成西齋 纂

元豐四年遼太康七年夏大安七年春二月以計間郵延

將劉紹能

紹能世為諸族巡檢忠勇第一秉常嘗以計招誘并其副李德平皆拒不應乃設疑問之邊臣以聞神宗手詔云紹能戰功最多為夏國所畏欲害之耳紹能捧詔感泣不已

三月月犯東井

西夏書事

卷二十五

入于鉞

將軍李清謀以河南地內附梁氏殺之

秉常以愛行漢禮為梁氏所惡梁乙埋等皆不悅將軍秦人李清說秉常以河南地歸宋秉常從之

將使入奏梁氏知其事與幸臣罔萌訛謀置酒誘

清執而殺之王氏東都事畧云李將軍者為秉常誘漢娼婦樂人梁氏執殺之與宋史

夏國傳異

按清本秦人入夏之由史不可攷然能不忘故

國說其主籍土歸朝事雖未成志則可取書官

書殺皆子之也

梁氏幽其主秉常復視國事

梁氏既殺李清幽秉常于興州之木峇距故宮五

里許神諤奏議西夏國母屢止秉常不行漢禮秉常不從有梁相公者與其叔母亦相繼勸既

而秉常為李將軍激怒欲謀殺梁相公與叔母事露梁相公與叔母共謀置酒召秉常醉後被害其

妻子及從者數百人俱遭屠戮與宋史夏國傳異令乙埋與罔萌訛等聚

集人馬斬斷河梁不通音耗于是秉常舊時親黨

及近上用事諸酋各擁兵自固乙埋數出銀牌招

諭不從國內大亂

西夏書事

卷二十五

二

按秉常梁氏子書幽其主絕梁氏于秉常也秉

常誤聽清言殺清絕之于事已定梁氏必幽之

而奪其政直藉以行其私耳豈真為宗社計哉

書復視國事誅其心也

夏四月環州來索叛蕃執還之

幕家族首領迎通黠很難制與梁乙埋謀數縱兵

侵掠知環州張守約走馬承直陸中勒兵與戰檢

之及其黨三十六人餘眾二百遁匿夏國守約駐

兵境上檄取不置居數日韋州監軍都嘏盡械以

獻斬于環州市此事見張守約及俞允傳不得其時據秦鳳爲俞允子次阜作紀在三年四月而神宗御集環慶經畧司奏張守約所到蕃家族背叛首領頭級并招降三千餘人歸族住坐乃四年四月十九日

五月統軍禹藏花麻移文熙州請討梁氏

花麻素不悅梁氏見秉常失位移文熙州稱夏國變亂所說不一今河南北阻隔人情去就爾次第寫一文字計會因厚資遣還

西夏書事

卷二十五

三

六月保安軍移牒來詰

鄜延總管种諤奏秉常被囚宜興師問罪神宗召諤入對諤大言曰秉常孺子往持其臂而來耳神宗壯之決意西討命宣州宣慶使李憲爲經制使出熙河行營經畧使高遵裕出環慶副總管劉昌祚出涇原簽書經畧使事內侍王中正出河東諤出鄜延先令保安軍以經畧司命牒宥州曰夏國世世稱藩朝廷時與歲賜比年以來遵奉誓詔謹修職貢恩義甚至今聞國主爲強臣所制不能專

命國事亦未能懸測存亡今朝廷將差降賜生日及仲冬國信使入界未審至時何人承受及本國見今何人主領請速具報以須聞達蓋以嘗夏國應答之辭也梁氏不報

秋七月太白晝見

經天行識者指爲兵象

以兵襲西蕃西囉谷

西囉谷西蕃斫龍城所屬在守巴堡南梁氏以國中內亂恐西蕃窺其隙令三頭項人直抵西囉谷

西夏書事

卷二十五

四

劫制蕃部西平節度使董德使養子阿里骨率兵擊之斬三百級降百二十三人

八月遣使至綏德索降人

初中國下詔招納西人頗多降附酋長或下令禁止或逼之遠徙使不得近邊蕃部詭麥等十餘人家屬百口潛從大理河北內投梁氏令人數至綏德索之种諤帥所部駐綏德城外遣諸將招接降人乙埋盛兵決戰不勝

遂犯臨川堡

乙埋復以二萬餘衆渡無定河攻臨川堡走馬承受楊元孫力戰拒之

復掠豐州

執弓箭手沈興等數人河東經畧司請移牒理索神宗以業已兵討更勿行牒命降敕榜招諭夏國曰曠茲西夏保有舊封爰自近世以來尤謹奉藩之職恐奸臣之擅命致弱主之被囚迨移問其端倪輒自墮于信約暴驅兵衆直犯塞防在神理之莫容固人情之共憤方切拯民之念宜興問罪之

西夏書事

卷二十五

五

師已遣將臣諸道並進其先在夏國主并鬼名諸部族同心之人並許軍前拔身自歸及其餘首領能相率效順共誅國仇隨功大小爵祿賞賜各倍常科仍許依舊土地坐住子孫世世常享安樂其或抗拒天兵九族並誅無赦蓋天道助順必致萬靈之歸王師有征更無千里之敵咨爾士庶久罹困殘共堅向化之心咸適更生之路敢稽朕命後悔何追

禹藏花麻走興慶府部酋訛勃哆等以西使城降于

熙河經制使李憲

禹藏花麻聞李憲出熙河已與西蕃首領洛施軍篤橋阿公等將兵入境宋史董種傳以王師討夏遣酋長抹征等率三萬人赴党龍耳江及隴珠珂諾與官軍會與神宗紀異率所部出戰伴敗西走訛勃哆等三人及首領厮都囉潘二十餘人兵萬餘舉西使城降乙埋遣兵數萬出女遮谷援之知城已失登山逆戰大敗退伏壘中半夜潛走

李憲兵破龕谷九月入蘭州

女遮之敗殘卒退保龕谷龕谷城堅多窖積夏人

西夏書事

卷二十五

六

號爲御莊聞李憲兵至戍守奔潰憲發害取穀及弓箭之類進兵取蘭州令新順首領巴令謁三族分所部攻撒逋宗城破之遂上言蘭州古城東西約六百餘步南北約三百步距西使城約百五十餘里將至金城有天淵五六重僅通人馬自夏人敗衄之後所至部落皆降今招納已多請築城建帥府以固羌夏之心神宗從之版築方興夏人隔河而營憲令死士絕河斫之遂引退

按昔人謂蘭州控河爲險隔關羌戎自漢以來

河西雄郡金城爲最豈非以介居戎夏攸繫隴
右安危哉晉元康後河隴多事金城左右歲無
寧宇隋唐盛時馳逐河湟未嘗不以蘭州爲要
害廣德以後州沒吐蕃而西涼不復爲王土大
中間雖嘗收復亦僅羈縻宋興蘭州不入職方
至是憲始復之築城以建帥府後元祐初夏人
求復此地朝議欲割以畀之孫路言自通遠至
熙州總通一徑熙之北已接夏境今自北關城
蘭州然後可以捍蔽若捐以與敵則一道危矣

西夏書事

卷二十五

七

穆衍言蘭州棄則熙州危熙州危則關中震動
唐失河湟西邊一有震動驚及京師今若委蘭
州悔將何及遂不果棄夏人卒無以逞則憲城
蘭州斷西界之要衝壯北門之鎖鑰正不得以
人而廢其功也

遣梁永能帥師援米脂若敗績冬十月米脂守將令
介訛遇以城降石州亦不守

梁氏聞漢兵四出分遣諸監司兵委大帥梁永能
總領拒之永能析作三溜一以當戰一以旁伏一

以俟漢兵營壘未定伺隙突擊又于通道塹絕山
谷設爲阻險守備甚謹及中國師期屢改永能屯
禦久不得一戰使人持媿書投郟延境上激之种
諤遂率本部及畿內七將兵九萬三千出綏德路
攻米脂甫三日永能兵八萬赴援諤張左右翼奮
擊永能大敗兵士相蹈藉于無定河水爲不流城
中將令介訛遇猶堅守諤密遣謀說降奈壁守將
衣以文錦導行城下訛遇乃出降獻戎樂四十二
人諤送之京師進圍石州州將棄積年文案簿書

西夏書事

卷二十五

八

器械引衆遁李氏長編石州屬河東舊兼嵐隴爲
一路又合三州置巡檢使三朝兩朝
史地理志皆不載陷賊年月不知何故賊棄而去
攻夏自有石州監軍司此必非河東之石州也
清遠軍守將嵬名訛叭降于環慶經畧使高遵裕遵
裕取韋州

清遠扼羣山之口當塞門之衝咸平中繼遷攻陷
之垂八十年李氏墳墓在焉遵裕將步騎八萬七
千出環州洪德砦循白馬川直通城下嵬名訛叭
知不敵舉城降遵裕入據之宋史神宗紀元豐四
年十月庚午環慶行
營經畧使高遵裕復通遠軍薛氏通鑑因之而續
綱目則書清遠攻宋制地人西夏者概不列職方

地理志熙寧五年以秦州古渭若為通遠軍道裕
傳熙寧中命知通遠軍是通遠未沒西夏者惟清
遠在今慶陽府環縣北道裕出慶州趨
靈武為必由之道當以續綱目為是 進抵鞏州
州已空城遵裕令勿毀官寺民舍以示招懷

梁永能遣兵攻德靖砦

永能從米脂敗後知德靖弓箭手盡隨种諤自東
路出界乃潛遣兵從西路入犯德靖知延州沈括

以兵拒卻之

按

是時官軍屢捷夏宜自守不暇乃潛師以襲
德靖則知列城之下力非不足特誘使深入以

西夏書事

卷二十五

九

攻不備耳宋之諸將不能破其詐謀預防餽道
致有後日之潰真無識哉

夏州知州索九思遁廊延經畧副使种諤據之遂破

銀州

樞密使都按官麻與首領女吃哆等七人米脂之
戰為种諤所擒諤以其熟知輿靈道路糧害所在

及十二監軍司兵數使補三班借職與蕃官劉良

保麻七詛賞為軍前嚮導抵夏州九思已遁

夏州宋史

作貢州蓋諤入城留一宿率兵趨銀州遣官麻等

以利害說守將降之又使部將曲珍領兵通黑水
安定等堡夏兵禦之不勝至蒲桃山反鬪又敗于
是諸路皆斂兵退保

宥州潰河東兵入屠之

先是王中正獻策言涇原環慶會兵取靈州進搗
興州麟府廊延先會夏州取懷州渡河會興州及
所部河東兵六萬出麟州禡辭言臣中正代皇帝
親征纔行數里即奏已入夏境屯白草平九日始
渡無定河循水北行地皆沙濕土馬多陷沒遂繼

西夏書事

卷二十五

十

种諤趨夏州糧糗不繼月餘始抵宥州守城兵棄
城走河北城中所遺殘敵五百餘家中正入而屠
之夏兵千騎屯城西左村澤保守害粟中正擊敗
之皆棄害走

遣兵拒李憲軍敗于高川石峽憲至天都山盡焚南
牟諸宮殿

梁氏聞蘭州破令民盡起諸路害粟悉眾走高川
石峽據險以待及憲兵至拒戰而敗憲兵進取屈
吳山營于打囉城川側酋豪禹藏郢成四率旺家

族大首領六人并蕃部及母妻三十餘人各賫銅印告身請降憲令郅成四隨軍行由天都山趨南牟城神宗舊錄憲城蘭州夏人營于隔河憲募死士夜斫之旦輒引去憲語諸將曰賊盛兵而來不戰而去必有謀也彼見吾具舟筏聲言渡河欲入涼州必引兵由會州渡盤泊設伏于鐵牟山將掩吾師吾弟行入其策中必有功行次勞札山獲生口問之果然乃先設伏于北山下賊以輕兵來戰吾師伴走賊縱薄之伏發賊之先鋒賊焉斬千餘級會天大霧賊不解又追斬二千餘級引兵乘勝上天都山迫南牟國主游幸處內建七殿極壯麗府庫官舍皆備憲入悉焚之酋首鬼名統軍仁多陵丁引衆爭之喪失甚多

西夏書事

卷二十五

十一

遣使乞援于遼

遼國數年來歲常三四以拜禮佛塔爲名假道與州窺闕徑路梁氏患之至是恐其夾攻遣使貢駝馬結好因告宋肇兵端志在盪夷西北乞賜應援復潛兵襲順寧不克遂棄浮圖城及吳堡義合諸砦夏兵屢敗殘卒緣路嘯聚殺掠行人道路梗塞梁氏令萬騎招集潰散合圍順寧官軍欲閉壁入保沈括謂示弱驕敵非策也使前鋒將李達以三千人出城具十萬人食又使騎將焦思耀兵綏德城

食曰大軍且至夏衆懼而退于是浮圖城及吳堡等砦戍卒皆空壁散

都統軍梁乙埋以大軍扼磨哆隘與涇原副總管劉昌祚戰敗績十一月靈州被圍

梁氏聽謀者言知環慶涇原合兵擇利進取環慶路阻橫山必從涇原取葫蘆大川出塞故悉河南之甲以支涇原劉昌祚奉本路蕃漢兵五萬入界距堪哥平十五里乙埋督十萬衆扼磨哆險隘以拒昌祚先遣牌子軍渡葫蘆河決戰盪跳閃爍振

西夏書事

卷二十五

十一

以警環夏士馬驚潰遂失隘口乙埋督親軍復戰又敗奔二十里大首領沒囉臥沙監軍使梁格鬼等被殺乙埋姪訖多埋等二十二人悉爲所俘喪失二千餘級及銅印一官軍次賞磨口口有二道一北出黛黛嶺一西北出鳴沙州路稍迂然係積粟所國人謂之御倉昌祚乘勝取之得窖粟百萬進薄靈州城中惟僧道數百人昌祚先鋒奪門幾入高遵裕害其功馳使止之乃按甲勿攻遵裕至仁多哇丁率數萬衆赴援前鋒羌酋乘白馬奮馳

突陣為昌祚驍將郭成所斬官軍爭發神臂弓昌

祚又自出陣射之唯丁中矢走宋史昌祚傳云昌祚矢出百步外夏

人以為神持歸事之失器甲無算遵裕益忌昌祚盡奪其兵

自將攻城軍中無攻具亦無知其法者遵裕令採

木為之皆細小不可用令人周呼城上曰何不速

降城上應曰我未嘗叛亦未嘗戰何謂降也孔平仲談

苑云遵裕圍靈州城甚堅莫有守者吾師營漢中治攻具西人約降遵裕信之駐軍五日不進故

敵得為備與長編異

按夏人以一方之力應五路之師橫山勁羌不

西夏書事

卷二十五

十三

敢一戰靈州距清遠不三百里城中惟僧道數

百居之知環州張守約請裏十日糧為搆虛計

果若此則靈州可復靈州復則興州可得銀夏

等州皆可守矣諸將功幾成而失之遵裕之罪

可勝誅哉

礪砮砮蕃官香都舉砮內附

梁氏遣人追礪砮砮兵三千餘人入衛香都乘戍

卒單弱盡焚本砮樓櫓與妻屈名舉砮內降環慶

經畧司令副將傅諫收其地遣兵戍之

遣兵襲涇原饋運于鳴沙州鄜延軍潰復決河灌環

慶軍遂解靈州圍

初諸路兵不勝梁氏問計于廷臣諸將咸請戰一

老將獨曰不須拒之但堅壁清野縱其深入聚勁

兵與靈而以輕騎抄其餽運諸軍無食可不戰困

也梁氏從之盡調十二監軍司及龕谷桃堆諸砮

精兵十餘萬並駐興州要害以為捍衛已聞靈州

被圍種諤自黑水降橫河平人戶破石堡城駐軍

夏州索家平候糧運乃遣兵于清遠軍章州烽火

西夏書事

卷二十五

十四

平諸處把截又以兵潛至鳴沙州李憲曰鳴沙距

四百餘里西扼靈州北臨大河中掩擊涇原總兵

間天都山會州城皆有蕃族保護魯福彭孫護餉兵三戰盡奪之諤眾次鹽州會大

雪以無食先潰入塞者纔三萬人王中正由奈王

井至牛心亭糧亦盡士卒死亡已二萬亦退歸遵

裕圍靈州方十八日梁氏令人決黃河七級渠水

灌其營軍士凍溺死盧秉言靈州河水圍城官軍

去城一里累土囊成隄約二丈靈州城高三丈盡以糞裹水沃之大軍糧盡人

皆四散蕃漢兵投靈州者甚眾與宋史夏國傳異

餘萬三千人走免

涇原軍殺逐之至韋州而還

高遵裕既敗將吏任成俞平等戰死劉昌祚以涇原兵毀後渡葫蘆河昌祚手劔坐水上待衆濟然後行夏衆追及揮騎攻擊昌祚力戰累日抵韋州士衆爭入砦夏師乘之大潰李憲大兵至滿丁川嵬名統軍復以衆禦憲擊敗之既聞諸軍潰亦引歸 司馬光曰是役也卒疲食盡死亡甚多夏人知中國兵力所至自此益有輕慢之心

按西夏道途險阨自熙寧砦經磨嘴口至兜嶺

西夏書事

卷二十五

五

皆大川通車無碍自嶺以北多山少水輜重難行故大兵未出識者憂之乃李憲兵至龕谷言掘御莊窖粟數萬劉昌祚于鳴沙州得積穀百萬巾子岌粟豆萬斛草萬束種諤取米脂亦稱收藏粟萬九千五百餘石取德靜鎮收七里平粟十萬石繼獲降人阿牛兒引發桃堆平積窖密排遠近約可走馬一直所得又不下數百萬何以時未三月遽稱糧匱諸路潰還噫嘻資糧于敵自古難之况以憲諤等言誕而夸兵行鮮

序宜其入夏人毅中也

西夏書事

卷二十五

六

西夏書事卷二十五終

西夏書事卷二十六

青浦 吳廣成西齋 纂

元豐五年

遼大康八年

夏大安八年春正月遼人爲國請

和

遼燕京留守司委涿州牒雄州云夏國來稱南朝

兵起無名不測事端請全兩國之歡言尋舊好神

宗報以夏國主受宋封爵昨邊臣言乘常見爲母

黨囚辱比令移問事端同惡不報繼引兵數萬侵

犯我邊義當征討今以屢遭敗衄遣使詭情陳露

西夏書事

卷二十六

一

意在間貳想彼必已悉察遼得此移遂不復言

割地求成于西蕃董種

初董種遣兵從王師西討神宗以其協濟軍威事

功可紀由長樂郡公進封武威郡王部下首領皆

賜秩有差梁氏見其勢盛欲與之通好許割斫龍

城以西地約云如歸我即官爵恩好一如所欲董

種拒不許

脩南牟城

南牟倚天都山葫蘆河形勝自李憲殘破宮殿皆

毀蕃部族帳遷徙無依梁氏使乙埋修復之近天

都創立七堡量兵爲守已聞秦鳳副總管張守約

引兵出塞乃撤役還

二月獻俘于遼

鳴沙之戰獲寧遠砦監押張天益遣使并軍需獻

之 富弼曰靈州之役中國竭公私之力以事誅

討未能大創西人而使其得吾士馬取吾器械收

吾金帛糧食以貽北敵借兵求援共爲邊患豈非

反增強捍乎

西夏書事

卷二十六

二

屯兵宥州以援山界降戶

中國五路兵入界蕃部降者不下數萬帳所失義

合吳堡塞門浮圖諸砦並據橫山界分梁氏悉放

降部家屬入內地使煽誘之又于宥州屯兵數萬

謀入塞門及保安軍界潛行應接謀者以告神宗

詔沈括于元管新附山羌內多方觀察勿令疎逸

于是降人不敢動

掠定西城

定西即夏國西使城神宗賜名屬蘭州梁氏令衙

頭首領縱人馬入界掠商人及戍卒

禹藏花麻請內投不果

初花麻棄西使城入興州以覘兵勢已五路兵還

花麻不能內達久之遣使送蕃字文自陳情款期

于三月辛卯由堅博坡投附請中國發兵接應神

宗令李憲經畫之會以三月四日孫晞渡河被獲

遂不果

遣兵襲西蕃不果行

梁氏見董擅不肯與和起兵將襲之董擅知其謀

西夏書事

卷二十六

三

遣使以蕃字文告中國曰夏人通好前經拒絕已

訓練甲兵俟從進討神宗詔苗授李憲等師行有

期即預以告梁氏懼而止

三月截歸漢蕃落于黃河渡殺蘭州供奉官孫晞

黃河北有嘜親哩那沒桑一帳共十五口約內投

新順部落麻陵言于知蘭州李浩乞發船接取浩

差孫晞應之夏人設計誘晞過河殺之水中并執

麻陵兵士十餘人

宥州觀察使格衆將兵犯鄜州戰敗被執

國中鳴沙城西扼靈武北臨大河距鎮戎軍熙寧

砦四百餘里梁氏聞中國謀築堡砦直達鳴沙遣

格衆將兵三萬屯金湯境入窺鄜州知延州沈括

使副總管曲珍率步騎二萬治師東川聲言出鄜

延東道襲葭蘆城梁氏悉衆備東方珍師行數里

返旆而西三日掩至永平川格衆不虞兵至倉猝

迎戰大敗被執喪士卒二千餘人

夏四月遣兵扼明堂川以保葭蘆敗還

沈括既俘格衆議乘勝取葭蘆城遣曲珍屯綏德

西夏書事

卷二十六

四

城梁氏發兵萬人扼明堂川險要以拒珍不得進

括陰遣別將李儀自河東客臺津夜絕河以襲葭

蘆河東將嘗虎率麟豐精甲會之夏兵回救與儀

等戰大敗珍遂取葭蘆

復因遼人請和于董擅

梁氏慮西蕃與中國合累使請和不獲邀遼國使

者同至青唐說之董擅以荷宋厚恩義不敢負辭

五月都統軍嵬名妹精鬼副統軍訛勃遇寇淮安鎮

敗死

梁氏自三月中點集河內西涼府囉囉嶺及甘肅瓜沙州民十人發九齊赴興州議大舉合妹精鬼訛勃遇將兵數萬入環慶掠淮安鎮蕃官訛臍偵知以報守將張守約合諸路兵掩擊兩人戰敗皆死酋首沒者三十八人失銅印及兵符軍書器械無算

六月諜者移都入鄜延被獲

移都本鄜延弓箭手熙寧中被俘隸衙頭祇候殿直屈埋部下遣入鄜延偵事戍兵執訊之稱衙頭

西夏書事

卷二十六

五

復集人馬將侵延安諸路經畧司以聞神宗令究實以報

遣使貢于遼

梁氏謀侵中國遣使進奉于遼必以兵事告

秋七月大舉寇鎮戎軍與三川砦巡檢使王貴戰敗之

梁氏憤淮安之敗集十二監軍司兵及諸州僧道會于鐵牟天都二山沒烟峽葫蘆河詣處各賚五月糧入寇至鎮戎故途巡不進三川砦巡檢王貴

視爲怯率衆過濠索鬪夏兵張兩翼擊之貴大敗走

分掠熨斗平

梁氏分鐵牟山衆五千入熙河至熨斗平新堡外殺掠漢蕃人口驅羊馬數千而回

誘蕃族奔雅等降

奔雅乃甘谷城歸順首領悼聚馬移部下軍使梁氏數使人招誘奔雅與其屬二十九人馬二十餘匹走回夏國

西夏書事

卷二十六

六

八月寇神木堡殺巡檢使高素

梁氏復于衙頭選募蕃部敢戰者使爲首領率兵入麟州圍新築神木堡高素與監押賈默出戰默衆先潰素被殺

九月統軍葉悖麻咩訛埋以兵爭永樂不戰而還

初中國得銀夏宥三州而不能守种諤復謀規取橫山遣子樸上言橫山延袤千里多馬宜稼人物勁悍善戰且有鹽鐵之利夏人恃以爲生其城壘皆控險足以守禦今之興功當自銀州始其次遷

宥州又其次修夏州則三州鼎峙橫山之地已囊括其中又其次修鹽州則橫山強兵戰馬山澤之利盡歸中國其勢俯視興靈可以直覆巢穴沈括亦請築烏延古城沈括奏議烏延土地膏腴去鹽池不遠東望夏州且八十里西望宥州不過四十里最爲衝要以包橫山下瞰平夏使夏人不得絕磧爲寇神宗使給事中徐禧內侍李舜舉與諤議禧至鄜延言銀州雖據明堂川無定河之會而故城東南已爲河水所吞其西北又阻天塹實不如永樂之形勢險阨請先城永樂諤以其地依山

西夏書事

卷二十六

七

無水泉極言不可神宗不聽永樂接宥州附橫山夏國所必爭葉悖麻等以六監軍司兵三十萬屯涇原北資百日糧俟官軍出塞擊之聞城工興遣卒數千渡無定河規役不戰遽退禧以爲怯遂不設備

分兵寇綏德急攻永樂破之殺給事中徐禧等糧兵于米脂城下

禧等急城永樂十四日而成賜名銀川砦禧率衆還米脂以兵萬人屬副總管曲珍屯守時沈括引

鄜延兵並塞悖麻懼其赴援遣首領陵吉阿遇分兵萬人南趨綏德城中羌三百將翻城應阿遇弟興嫩以告括括回兵捕誅反者阿遇乃退悖麻聞括兵入塞悉衆自明堂川入駐河西與夏州烽臺相對禧率兵赴救大將高永能請及未陣擊之禧日爾何知王師不鼓不成列執刀率士卒拒戰夏步卒謂步跋子多山間部落上下山坡出入溪澗能踰高超遠輕足善走騎兵謂鐵鷄子尤驍健倏忽百里往來若飛凡山谷險要處用步跋子掩擊

西夏書事

卷二十六

八

遇平原曠野可以馳騁則用鐵鷄子奔衝是日悖麻先縱鐵鷄軍渡河曲珍望見白禧曰此銳卒也當半渡擊之乃可以逞得地則不可當也禧不從鐵騎既渡震盪馳突大衆繼之禧衆大敗將校寇偉李思古高世才夏儼程博古等盡沒禧收餘衆入城悖麻圍之厚數重游騎直掠米脂且據其水砦城中乏水渴死者十六七又以兵絕要害使援兵餽運不得前一日呼城上講和禧使裨將呂文惠至帳前悖麻坐文惠于地日爾小將不可議約

當使曲太尉來禧又使呂整景思誼借行語言不

協髡思誼囚之夜半環城急攻城遂陷

李氏長編永樂之役

初總兵至乃梁點遂巡十餘日每日支分萬人持鐵鑊掘城為城上擊死者旋即搜去或覆以積

不欲官軍見也後仁多陵丁兵至驅蕃丁蟻附而進死者列布城下晝夜急攻遂陷之與宋史夏國

傳禧與李舜舉李稷高永能馬貴皆死

李氏長編云禧不知

所終或云禧實不死有自惟曲珍李浦呂整絕城敵還者嘗見之與宋史異

徒跳走免悖麻進圍米脂城耀兵三日而還 史

臣曰自靈武之敗秦晉困棘天下企望息兵而括

諤進攻取之策禧素以邊事自任狂謀輕敵遂致

西夏書事

卷二十六

九

覆敗自是神宗始知邊臣不可倚信深自悔咎無

意西伐而夏人亦困弊矣

按續綱目書夏人陷永樂徐禧等敗死蓋以禧

志大才疎喪師辱國為後世笑然以七萬疲役

之師當三十萬豕突之衆即順永能之請納曲

珍之謀衆寡已屬不支况城又依山遠水樵汲

無資种諤高坐延安挾嫌不救勢窮援絕永樂

之陷雖智者亦難為謀而必責禧以復諫失機

猶未為至論也

執晉州進士邢逢原諭降不屈

逢原參徐禧幕城陷為夏兵所掠悖麻諭之降不

從乃繫以歸後元祐中放還哲宗令為本州文學

賜袍笏還里

葬延安孝女孟氏

孟氏延安人隨父戍永樂兵敗父戰歿女呼號徒

步入城中求得父屍大慟五日而死夏人憐之并

其父葬焉

按女子之德節孝為先自劉向傳列女後世史

西夏書事

卷二十六

十

乘咸遵之所以昭女則而垂閭範者深也然朱

子作綱目一千三百六十二年之間書賢后書

烈婦書女子為帝書女子將兵而女孝無聞焉

豈以事屬閭幃無關治平大計乎抑女之孝者

實鮮與今夏俗賤女貴男乃見孟氏至孝憐而

葬之則知彰善之心不殊方域特無有以動之

耳

冬十月西蕃首領董瓊來攻破斫龍城

董瓊聞夏國兵東出令其養子阿里骨首領鬼章

等領兵攻斫龍龕哆等城破之盡俘其衆遣使入
熙河獻捷經畧司以聞神宗令具有功首領姓名
賜錄有差

十一月西南都統鬼名濟遺書涇原請和

梁氏自永樂得志之後與乙埋葉悖麻等謀復往
年失地畏涇原兵盛僞以書繫矢射鎮戎軍境上

總管劉昌祚以白經畧司盧秉秉毀之不報鬼名

濟又遣所得俘囚賫書遺秉

宋史夏國傳遺書涇原總管劉昌祚茲依

西夏書事

卷二十六

十一

原經畧司昨于兵興之際提戈相軋今以書問贊
信非變化曲折之不同蓋各忠于所事不得不然
耳夫中國者禮樂之所存恩信之所出動止猷爲
必適于正若乃聽誣受間肆詐窮兵侵人土疆殘
入黎庶是乖中國之本爲外邦羞昨日朝廷暴興
兵甲大窮侵討蓋天子與邊臣議謂夏國方守先
誓宜出不虞五_言進兵一舉可定故去年有靈州
之役今秋有永樂之城然較其勝負與前日之議
爲何如哉蓋朝廷于夏國非不經營五路進討之

謀諸邊肆撓之策皆嘗用之矣知微倖之無成故
終于樂天事小之道况夏國提封二萬里帶甲數
十萬南有于闐作我歡鄰北有大遼爲我強援若
乘間伺便角力競鬪雖十年豈得休哉卽念天民
無辜受此塗炭故國主見伐之後夙夜思念謂自
祖宗之世八十餘年臣事中國貢禮無或虧朝賀
未嘗怠而邊吏幸功上聰致惑祖宗之盟旣阻君
臣之分不交載省厥由悵然何已濟遂探主意敢
移音翰伏維經畧以謀畧幹西事凡生民利病宗

西夏書事

卷二十六

十二

社安危皆得別白言之蓋魯國之憂不在顛與隋
室之變生于楊感此皆明公得于胸中不待言而
後喻今天下倒懸之望正在英才經畧何不進讜
言闢邪議使朝廷與夏國歡好如初生民重見太
平豈獨夏國之幸乃天下之幸也秉上其書神宗
詔秉諭夏人依故事于鄜延自通

西蕃益麻黨征來降

黨征董璫弟初梁氏以官爵啖董璫父子拒不受
黨征心慕之乘間走投夏國梁氏使居于懷德軍

宋史鄭驥傳唯所囉氏舊據青唐置西寧州董璲入朝其弟益麻黨征走西夏攻吐蕃董璲傳及汪藻青唐錄董璲生平未嘗親觀驥傳疑誤

元豐六年遼太康九年夏大安九年春正月遣使如鄜延

梁氏佯遵涇原經畧司諭遣人賫文字至鄜延請入貢知延州趙高不敢受

二月寇蘭州陷東西兩關堡

先是梁乙埋遣數十騎至蘭州境北隔河呼曰吾兵已勝鄜延路俟河凍來取蘭州繼令千人哨探直抵城下至是突以數十萬眾攻陷東西兩關堡

西夏書事

卷二十六

三

勢張甚副總管李浩閉城拒守鈐轄王文郁集死士七百人夜縋城下持短兵襲擊夏眾驚潰爭渡

河溺死者甚眾舊錄夏人入蘭州乘冰渡河守將王文郁縱騎擊之冰陷夏兵溺死者多餘兵忿攻破兩關堡殺官

兵將吏甚眾與神宗實錄異

附 王氏東都事畧劉昌祚傳夏人寇蘭州昌祚

遣姚兕趨宥州王愍趨納乞會牽制之攷宋史

夏國傳是時宥州不聞被兵而姚兕傳亦無攻

宥州事

分掠安定堡

擄人畜無數延州出兵追之不及

進屯熙河

聞中國展築定西城梁氏令諸軍屯聚熙河備之三月謀取米脂砦敗于葭蘆西嶺

葭蘆米脂二城裏外良田不下一二萬頃國人謂之歇頭倉又名真珠山七寶山言其出禾粟多也自為中國收復梁乙埋日夜圖之引兵由女萌骨堆駐西嶺將襲米脂為河東將薛義所敗

獲鄜延刺事人移凱殺之

西夏書事

卷二十六

四

河東六路鄜延最近興靈經畧司遣熟戶蕃官移凱入界刺事監軍司捕得殺之

夏四月遣兵援巴義谿敗績

夏國兵聚巴義谿將攻蘭州李浩偵知屯駐所在潛師掩擊夏兵退走浩追入界夏眾自吃囉瓦拱赴援與浩兵戰大敗

五月攻麟州

知州訾虎拒之不能克

使鈐轄香逋詐降于府州

夏兵與河東將郭忠詔等戰于七離抑真卿流二部不勝梁氏因使香逋至府州偵事詐降于知州折克行盡陳國中虛實請與親信人入夏招降近上首領克行申經畧司以聞神宗詔以香逋言詞張大未可遽信令守將密備香逋逸還

涇原官軍入水東口敗之復圍蘭州
熙寧砦峭坑堡巡檢王世隆領兵入界至水東口梁乙埋遣衆拒之世隆戰死弓箭手十將王和等中傷走乙埋縱兵趨臯蘭破西關堡殺管勾右侍

西夏書事 卷二十六 五

禁韋定盡擄所雇于闐運糧人及橐駝等物相持九日城下死傷如積圍既解蘭州人收積尸爲京觀是役也有蕃部掄約入告中國得爲備故不能大入

六月犯乾興砦

梁乙埋數犯蘭州不得志以兵侵鎮戎攻乾興砦直過界濠殺掠人畜守將發兵稽遲飽掠而還閏六月國主復位遣使表請修貢
梁氏淫凶人心攜貳自歲賜和市兩絕財用困乏

正帛至千文又以累歲交兵橫山一帶民不敢耕飢羸殆甚與乙埋等謀俾秉常復位秉常遣諜箇畔迷乞遇入貢表曰臣秉常輒罄丹衷仰塵淵聽不避再三之干竇貴圖普率之和平前夏國累得西蕃木征王子書稱南朝與夏國交戰歲久生靈荼毒欲擬兩下依舊通和緣夏國先曾請所侵疆土朝廷不從未便輕許今于五月內西蕃遣使散八昌郡丹星等到國稱得南朝語言許令夏國計會但當遣使賫表西蕃自差人引赴南朝前去

西夏書事 卷二十六 六

切念臣自歷世以來貢奉朝廷無所虧怠至于近歲尤甚歡和不意儉人誣間朝廷特起大兵侵奪疆土城砦因茲構怨歲致交兵今乞朝廷開日月之明擴天地之造示以大義特賜所侵俾完疆土通遐域之貢輸用息干戈庶生民之康泰倘垂慨許別効忠勤神宗賜詔曰朕以爾躬膺封爵世列藩臣職貢勤脩歲時無怠朝廷待遇恩數加隆頃以權強敢行廢辱達于于聽良用震驚數令邊臣牒問匿而不報縱其鬼蜮毒我邊陲王師徂征聲

討有罪義實扶危不獲已焉今者遣使造庭辭禮

恭順仍聞國政悉復故常朕心釋然益所嘉納已

戒邊吏毋輒出兵爾亦慎守先盟愈勵臣節永綏

福祿庸副眷懷秉常上表李氏長編在元豐七年十一月宋史夏國傳在六年閏六月

月改神宗紀閏月夏主秉常請修貢許之詔陝西河東母輒出兵李氏所紀誤

按書復位書請修貢與前書始親政以兵犯麟

府異矣秉常能謹守此志以事中國宋與夏且

交受其福惜乃一隙之明不能為晚節之蓋也

噫

西夏書事 卷二十六 七

秋七月復使入謝

秉常請睦使回未逾旬即遣蕃部移莽入熙河探

事為經畧司所獲秉常懼中國生疑遣使入謝神

宗以其往來頻數恐有陰謀飭緣邊嚴備

八月環慶兵來襲復因遼人求和于董璁不許

傷兩溜人馬擄孳畜無數把口小首領冬至詭乘

亂走入保安軍秉常索之不得復奉表遼主請與

董璁通好以為聲援遼再使至青唐言之董璁終

不聽

冬十月表請故疆

秉常知中國厭兵疆場之事初不自言欲其發自

朝廷得以為重神宗深覺其意惟諭河東陝西經

畧司令于所復城砦謹斥候凡微巡毋出二三里

而已秉常知不可得始遣使奉表言願修職貢乞

還舊疆撤備邊戍卒永為外藩神宗答詔曰惟爾

祖介居邊陲蒙恩朝廷享有爵土撫循倍厚歷年

滋多昨者王師出征義存拯患謂宜委戈以聽命

敵愾以獻功豈虞靡思弗喻朕志殺害士民捍拒

西夏書事 卷二十六 六

兵甲問罪正名方圖再舉迫使辭之效順知國政

之復常旋納懇誠祈修職貢遠披來奏論請故疆

朕惟藩服不恭削地示過咨于故實匪予所私爾

其審思厥脩務體至意其地界已令郵延經畧司

安撫使司指揮保安軍移牒宥州施行歲賜俟驅

界了日依舊

十一月使宥州蕃屬詐降不得追還賀正人使于界

上

秉常倚恃兵力自謂所求必得及請故疆不許大

酋仁多陵丁等皆謀入寇又慮緣邊壁壘堅固未
能力勝遣宥州心腹首領各率族帳內投請居新
壘以爲內應神宗令置之邠坊丹州間陵丁等無
以爲計故事賀正人使每于仲冬月入界是時尙
未出境乘常使人迫之移文保安軍言今來賀正
且人使難議發遣也

十二月攻西蕃敗績西蕃兵入境大掠

西蕃首領阿里骨本于闐人其母給事董種因養
爲子嘗從王師西討有功自肅州團練使進防禦

西夏書事

卷二十六

七

使及董種病革子蘭逋比先死

汪藻青唐錄初阿
里骨得幸于董種

妻喬氏內外咸服遂謀篡奪蘭逋比輕佻好易悉
服微行阿里骨使人賊殺之與宋史董種傳異

以種落付之遂嗣職

蘇轍奏議董種病昏憊爲阿
里骨所殺阿里骨本董種家

奴先亂其家次取其
國與宋史吐蕃傳異

不敢以喪告故朝廷未之知

宋史董種傳哲宗立加檢校太尉元祐元年
卒而高永年隴右日錄係之元豐六年十月乘常

屢次請和不得遣兵攻邈川城敗還阿里骨追逐
入境抄掠峇堡獲級甚夥仍以董種名獻捷中國

并請出兵助討

西夏書事卷二十六終

西夏書事卷二十七

青浦 吳廣成西齋 纂

元豐七年

遼大康
十年

夏大安十年春正月大舉攻蘭州

糧匱引還

乘常集河南諸監軍司兵剋日齊駐葫蘆河游騎
直至河外宣慶使李憲知必大舉益增守備乘常
果以步騎八十萬圍蘭州督衆急攻矢如雨雹雲
梯革洞百道並進十晝夜不能克軍中糧盡乃解
圍兵既退城下得尸幾五萬

西夏書事

卷二十七

一

二月集兵練家流以爭葫蘆河

國人訛傳中國欲城葫蘆河乘常發河南北人馬
十分之九期集練家流爭之因不見漢兵謀掠諸
路中國邊吏以聞神宗以邠延素有瑕隙恐首擢
兵鋒令經畧司厚備以待

河西塔坦國攻甘州

塔坦西蕃別種與回鶻東境相鄰乾德初嘗入貢
中國後以道遠隔絕其俗獷悍喜戰鬪輕死嗜利
與夏國世讐嘗以兵侵掠北境俘奪人民鬻之契

丹時聞夏國與中朝構兵驅其衆抄掠右廂監軍司所熙河經畧司以聞神宗命右班殿直皇甫旦持詔諭西蕃使結其兵共圖夏國且至青唐羌酋鬼章留之塚山寺不得達

按此塔坦與夏構難之始

復遣使乞蘭會二州涇原將姚麟帥師破堪哥平諸族

秉常自蘭州挫銳之後國中叛者日衆因遣使乞還二州壤土涇原副總管姚麟言夏人囚其主王

西夏書事

卷二十七

二

師是征今秉常不廢雖爲順命而二州則不可與願戒將帥飭邊備示進討以絕其望神宗命麟督諸將入堪哥平討破諸族夏兵從葫蘆河援之不及

三月以兵掠安豐砦

焚民居殺掠甚衆

夏四月犯安遠砦統軍葉悖麻等敗死

涇原經畧使盧秉遣將彭孫等襲破葫蘆河族帳

秉常怒使都統軍葉悖麻副統軍悖訛埋率衆圍

安遠砦守將呂眞米贊拒戰悖麻訛埋兵敗被殺二人嘗主承樂之役者知延州劉昌祚圖形以獻是役也人馬數萬喪失殆盡士氣大沮

按承樂之役中國喪失數十萬二人之罪可勝誅哉書敗死賤之也

六月寇德順軍殺巡檢使王友

初蔡延慶知渭州疆吏入西界攘羊馬者得輒戮之境上告夏國曰兩境不相侵則相安故戮以示戒汝境若有亦當爾也夏人悅服由是不犯渭州

西夏書事

卷二十七

三

已延慶去縱兵二萬由第十七堡入德順軍蹂塔嶺谷與友戰殺之

附神宗御集八月秉常使首領至青唐欲假西

蕃文字入漢議和阿里骨令首領賚董璫蕃字

表同人熙河攻李氏長編云此事不知後竟如

何又汪藻青唐錄此時阿里骨未與夏通何以

有熙河議和事

秋九月圍定西城

夏國原川子路距定西及會州之安西平西諸城

僅百里可朝發夕至乘常遣兵入熙河界圍定西城燒燬龕谷族帳第五副將秦貴與內殿崇班章萬引兵拒之乃卻

冬十月監軍仁多陵丁寇涇原還至靜邊砦戰死

陵丁盧秉傳凶黠用事常率兵于本國西南邊出

入蘭州安塞之役皆其主謀神宗募人生致之不得時引兵十萬入涇原縱火焚草積蕃漢民死者甚衆圍第十六堡陵丁素殘虐士卒不用命久攻不下盧秉遣姚麟彭孫引兵趨靜邊扼其歸路陵

西夏書事

卷二十七

四

丁兵還見之驚曰此天降也士卒惶懼棄主將走

陵丁戰死麟等獲其器甲以獻蔡條叢話西羌傳子董種死子弱羣下爭強遂大為邊患一日仁

多陵丁一日青宜結鬼章而陵丁最黠鬼章其次也蔡氏以西夏首領屬之青唐誤

附 宋史神宗紀冬十月夏人寇熙河按九月夏

人圍定西定西乃熙河巡屬既為秦貴擊敗何

以十月復入熙河據李燾長編此事新紀書之

舊紀不書且定西之役朱本有賞功詔可憑熙

河則諸書無攷

十一月復攻靜邊砦殺守將白玉李貴等

乘常憤陵丁之敗遣兵復入涇原攻靜邊砦宋史

紀作清邊砦攻清邊屬綏德軍此事據李氏長編

係涇原經畧盧秉奏其非綏德軍界可知紀疑誤

十二月西蕃兵入境

阿里骨遣兵掠境獲蕃部二人令首領賚蕃字書

至熙州獻神宗詔依蕃丁例刺配

遣使入貢

乘常屢入寇邊備嚴不得逞大酋仁多陵丁等俱

西夏書事

卷二十七

五

死遵母梁氏命遣使由熙河入貢並賀正旦

元豐八年遼大安元年夏大安十一年春正月韋州蕃官

伯德內附

率其丁口二百五十神宗授供備庫副使本族巡

檢賜銀絹各三百

附 李氏長編正月辛巳賞皇城使呂吉等功以

熙河蘭會制置使李憲言吉等入西界大敗夏

兵斬其將色辰岱楚等攻吉等入界時月宋史

夏國傳不書

二月梁乙埋死子乙逋自為國相

自乙埋專權數擾邊鄙延經畧使趙高遣以書言

何苦與漢為仇恐所得不能償所失也能改之中

國必以禮待餽以錦袍銀綵乙埋亦因酋渠嵬名

阿吳輩多反側顧望懷內顧憂不復自將窺塞至

是死范百錄誌趙高墓云高既結好乙埋因復縱

聞受吾餽果殺之宋史因之立傳攻沈括初諒祚

筆談敘乙埋事甚悉不言被殺恐誌未實

立梁后時許乙埋世襲子乙逋遂自立為相獨秉

西夏書事 卷二十七

六

國政李氏長編云乙逋不知于乙埋何如也呂大

忠奏議言夏國自梁氏兄弟用事以來虐用

其民上下怨嗟皆欲食其肉攻沈括筆談諒祚立

梁后以其弟乙埋為家相許其世襲既而乙埋死

子乙逋嗣又章奏議乘常死梁乙逋挾其妹梁

氏之勢輔立非嵬名氏之種潛滋篡奪之計則乙

逋為乙埋子乘常妻梁氏為

乙逋妹也呂氏以為兄弟誤

按乙埋身為國相去官書死不予其相也然乙

逋秉政不由主命專亦甚矣揭書自為與綱目

書曹操司馬懿劉裕同

三月梁乙逋犯蘭州官軍襲陵哱囉城破之

乙逋既執政遣兵三萬屯蘭州界上將伺中國怠

襲之宣州觀察使李憲選精兵萬餘令將王文郁

由瑞博坡渡河圍陵哱囉城克之斬五百級獲器

甲馬馳八萬餘

按乙逋初執夏政即逞干戈故斥名書之異日

西州多事不必盡書乙逋其惡自見

宥州監軍拽厥嵬名宿兵賀蘭原與知慶州趙高戰

被擒

嵬名夏駙馬為宥州正監軍宿兵賀蘭原四出傲

擾恃勝不設備高遣將李照甫耿端彥蕃官歸仁

分兵三路襲之高與端彥計曰賀蘭險要過嶺即

西夏書事 卷二十七

七

沙磧使敵入平夏無由破之乃別遣三蕃官各率

輕騎五百由間道邀截歸路端彥等引大兵直抵

賀羅平嵬名率萬騎迎敵戰敗果趨平夏伏發嵬

名被擒亡失戰馬牛羊三萬餘司馬光日記環慶

貝嵬等將兵討西賊獲宥州正監軍駙馬拽厥嵬

名詔具功狀以聞拽厥嵬名仍押付闕與宋史趙

高傳

夏四月太原兵入左廂聚星泊三角川諸砦皆不守

夏國數遭中國掩擊族帳皆遠徙間諜莫知其詳

知太原府呂惠卿乘趙高賀蘭之勝遣將折克行

警虎率步騎二萬五千人左廂聚星泊革囉浪三角川等六砦俱爲所破喪大首領十三人士卒千餘銅印十餘顆

五月攻葭蘆砦殺供奉官王英

自熙寧用兵以來所失砦地若環慶之安疆河東之葭蘆吳堡鄜延之米脂義合浮圖皆深入本國境界勢在必爭秉常日思恢復又以李憲等兵入界焚掠遂假復仇爲名縱兵數萬入河東攻葭蘆砦砦居山巔形勢險絕英恃險出戰敗歿

西夏書事

卷二十七

八

六月遣使進慰表梁乙逋以兵犯肅遠砦

秉常以鬼名被擒用兵數敗心懷恐懼會神宗崩遣大使丁努鬼名謨鐸副使呂則陳聿精等進慰表梁乙逋潛使滅癩族人馬入延安路攻肅遠砦蕃官慕化與第二將戴宗扼要害力拒乃退

秋七月進攻鄜延不克

梁乙逋攻肅遠不克廣造甲兵聲言攻蘭州潛以兵由杏子河入犯鄜延時龍安以北兵力咸弱延安主帥患之錄事判官游師雄請發義勇以守多

聚石城上夏兵至急攻之守城者發石如雨破傷無算乙逋知不能克乃還兵出順寧砦保安軍巡檢張子式伏兵以待監軍鬼名理直誤入伏中力戰死之乙逋大潰還

銀夏州大旱飢

自三月不雨至于是月日赤如火田野龜拆禾麥盡稿秉常遣官祈禱二十日不應民大飢羣臣咸請賑恤秉常令運甘涼諸州粟濟之

按諒祚之世靈夏大水不三月而梁氏立茲大

西夏書事

卷二十七

九

早越四月而梁氏死變不虛生信哉

八月復犯鄜延

夏俗不恥奔遁敗三日輒復至其處捉人馬射之號曰殺鬼招魂或縛草人埋于其地衆射而還以爲厭勝乙逋偵知鄜延解嚴猝以五千衆傍城大掠盡得其牛羊駝馬獲兵民輒射殺之爲鬼名理直報仇已聞鄜延二州兵出擊卽全師退轉攻三泉荒堆諸砦

荒堆三泉自鄜延直達河東中若有兵扼之則兩

路聲援猝難相應乙逋乘郵延之勝轉攻三泉守將拒守不支棄城遁攻荒堆荒堆麟府藩蔽主將孫昭有幹畧清野聚糧擇蕃漢健勇者統以牙兵登陴捍禦乙逋同姪梁阿格並馬巡城指揮攻具昭一矢中阿格頸墜馬下乙逋怒併衆力攻城將潰會梁氏疾作乘常遣使召還

九月遣使進助山陵

初夏國進慰表哲宗賜賚甚厚復遣官押賜遺留銀器一千五百兩絹一千五百疋乘常使芭良兒

西夏書事

卷二十七

十

名濟昂聶張聿正進助山陵馬一百匹使人兩次赴闕辭意恭順哲宗因以奉天新歷賜之

冬十月國主母梁氏卒

梁氏善病喜服藥晚年始得孫乾順鍾愛之常躬自提抱至是卒臨終囑乘常曰世受朝廷封爵恩禮備隆今雖邊事未已屬纊之後急宜奉遺以進示不忘恭順之義雖瞑目無憾于是乘常遣呂則鬼名懷通告哀哲宗詔依嘉祐元年例支賜孝賜及安葬等物遣朝散郎刑部郎中杜紘充祭奠使

東頭供奉官閻門憲候王有言充弔慰使紘等人界候導之人禮意頗倨迂者衣毛裘設下人坐蒙以鞞紘據禮爭不少屈乘常受詔時不下拜紘責曰天王弔禮甚厚不可加禮乎乘常畏懼致敬

按綱目于唐中宗神龍元年書皇太后武氏崩後儒謂武氏得罪唐室罄竹難書其惡猶以后崩書何以誅絕既往示戒將來耶今梁氏之惡幾同武氏仍書國主母卒善其晚蓋也觀其垂老返政臨沒遺言知于倫常之理宗社之重尚

西夏書事

卷二十七

十一

與武氏有間故以王侯母卒例書

十一月使告哀于遼

遼遣使弔祭

十二月以遺馬白驪入獻

梁氏卒後國中人心不一梁乙逋與仁多氏分掌東西廂兵勢力相抗猜忌日深乘常不能弭其隙于是入寇之謀漸息遣使獻梁氏遺物并以臨終言告 司馬光曰乘常是歲凡四遣使矣禮雖不備卑屈稍形然竊料其意有三策焉一者冀朝廷

萬一赦其罪戾返其侵疆二者陽爲恭順使中國
休忘陰伺間隙入爲邊患三者久自絕于上國國
中貧乏使者往來旣得賜資且可因爲市販豈眞
畏服而來乎

宋哲宗元祐元年遼大安二年夏天安禮定元年春正月

陝西河東兩路禁私市

哲宗登極詔郵延路以改元報夏國秉常不遣使
賀于是嚴禁邊民不許私易違者治之

二月遣使入謝購贖

西夏書事 卷二十七 三

秉常點集九監軍司兵謀犯蘭州聞中國任司馬
光爲相飭邊吏曰今中朝相府得人必用仁宗故
事敢以一人一騎入邊者族于是感中國弔購有
禮遣使貢馬謝

閏二月太白犯熒惑

術者謂國有兵喪羣臣上表請禳秉常不許

夏四月使賀卽位

夏貢使至中國詰不賀登極故使回秉常始遣首
領披囉麻詣郵延界首言本國差下賀登極人使

多時爲國信使未至不敢過界哲宗令經畧司移
牒應之乃遣大使鼎利罔豫章入賀并乞依例差
官押賜登極支賜詔以西京左藏庫副使王克詢
押賜至夏國

五月環慶路縱所擄人馬還

環慶蕃官浪移等硬探入夏界擄野砦戍卒五人
馬四匹經畧使范純粹責以引惹邊事將所擄人
馬令第三將于元捉處縱之

六月復請故地

西夏書事 卷二十七 三

賀登極使回未入境秉常又遣大使春約訛羅聿
副使呂則田懷榮奉表入請故地見于延和殿奏
辨久之猝抗聲云元豐西討師出無名神宗亦自
知錯哲宗怒變色起令下二府議之二府請以所
得夏國土地易回陷蕃人口于是賜詔曰前後用
兵以來所得城砦彼此未嘗交還今來所請不惟
前例甚明理難頓改兼訪在朝之論皆謂義不可
從然朕獨以永樂之師陷沒者衆每一念及良用
惻然汝倘能以見存漢人盡送歸中國復修職貢

事上益恭仍戢邊酋無犯疆土則朕必釋然尺寸之地復何顧惜當議特降指揮據用兵以來所得土地除元係中國舊砦及順漢西蕃境土外餘委邊臣商畧隨宜分畫給賜汝其遵之

秋七月入賀坤成節

坤成太皇太后節也使人至京師哲宗命供備庫使張林押賜國主生日禮物內殿崇班安愈押賜仲冬時服至國

國主秉常卒子乾順立

西夏書事

卷二十七

古

秉常孱弱無能不能服役其衆后梁氏與兄乙逋內外用事秉常以憂憤卒時月之十日也年二十六在位二十年改元四諡曰康靖皇帝廟號惠宗墓號獻陵長子乾順立方三歲王氏東都事畧安燕傳乾順才數歲非秉常近親獨梁乙逋利于持權與梁氏立之章案奏議夏國賊臣梁乙逋與其妹輔立非鬼名氏之種以爲國主誅逐鬼名親族殆盡二說不知何據尊母梁氏爲昭簡文穆皇太后遣呂則罔聿謨等八人告哀哲宗輟朝三日遣金部員外郎穆衍充祭奠使供備庫使張楫爲弔慰使賜詔曰故夏國主子乾順惟爾先人世

修職貢訃音忽至愍悼良深相與諸臣同增悲慕惟忠可以保國惟孝可以得民各祇乃心以服朕命

論曰秉常性本驚下年又冲齡母后臨朝外戚專政繼立十餘年祭則寡人政由甯氏蓋無南面之樂久矣于是聽李清之說作歸宋之謀絕類無知非同走險梁氏廢之不爲酷也後雖復位進奉中朝而權落諸梁事仍舊轍觀其數侵邊界頻索故疆若非中國厭兵西州之禍未易

西夏書事

卷二十七

古

解也

八月改元天儀治平

乾順幼稚梁乙逋專政勸梁氏卽月改元于是以天安禮定元年八月爲天儀治平元年

按不逾年改元乙逋之罪也

冬十月殺歸漢蕃族

初夏國蕃族內附中國必爲招接哲宗以乾順新立詔逐路經畧司如有夏國首領歸漢毋許收納若人數衆多不肯聽從卽量以人馬約出漢界于

是中途約回者梁乙逋悉遣人執殺之

按 蕃部內附于夏為叛不書叛夏書歸漢何病

中國也

始遣使告哀于遼

秉常卒已三月乙逋方遣使至遼告哀遼主怒不

行弔祭命乾順先知國事

按 告哀書始著乙逋慢也

十一月入賀龍興節

進御馬五匹常馬二十五匹橐駝二十頭

西夏書事

卷二十七

六

十二月使賀正旦

夏自復修職貢使人入京賜予貿易得絹帛五萬

餘正歸鸞之民正值五六十千再以他物計之一使

所獲不下三十萬緡故以進奉為利時遣使賀正

以所將物色並進太皇太后兩殿中國所賜銀絹

茶亦倍之

西夏書事卷二十七終

西夏書事卷二十八

青浦 吳廣成西齋 纂

元祐二年

遼大安三年

夏天儀治平二年春正月乾順受

冊為夏國主

初秉常死訛傳夏國大亂乾順雖立未知存亡哲

宗命邊臣體訪真實後行封冊會夏使表獻遺物

乃冊乾順為夏國主如明道二年元昊除節度使

西平王例上與皇太后降詔賜物悉視慶歷八年

銀絹各三萬正兩錢三萬貫遣劉奉世等賜冊曰

西夏書事

卷二十八

一

於戲堯建萬邦黎民咸雍周立五等重驛來賓此

帝王之所同而國家之成法也咨爾乾順惟我列

聖顧乃西陲錫壤建邦衛于王室保姓受氏同于

宗盟爵命褒嘉恩禮甚渥今爾承其冑緒紹茲藩

屏而能事上欽肅飭躬靖虔申遣使人來陳方物

達于朕聽實惟汝嘉是用酌稽典故表顯寵名錫

爾以茅土之封加爾以服乘之數誕頒封冊以綏

一方今遣朝奉大夫起居郎直集賢院上輕車都

尉賜紫金魚袋劉奉世崇儀副使上騎尉安喜縣

開國男食邑三百戶罪象先持節冊命爾為夏國主永作宋藩輔夫篤于好德乃克顯光忠于戴君永膺福祉往祇明命無忝予一人之猷訓

二月歸陷蕃人戶

梁氏以中國約回內附蕃族又聞詔歸一漢人者子謙十乃歸還陷蕃人戶共三百一十八

三月使謝奠慰

使人見于延和殿稱故夏國主嗣子乾順言昨父國主薨蒙遣使祭奠弔慰前已奉表稱謝謹差大

西夏書事

卷二十八

二

使祝能野烏禹實副使呂寧賴喀麻等進馬馳共二百七十七匹頭詣闕恭謝又差大使映吳嵬名論密副使廣樂毛示聿恭謝太皇太后

夏四月梁乙逋以牒索朱梁川遂入涇原掠蘭家堡梁乙逋恣橫日甚乘常舊時親信老成悉因事陷害又以所得歲賜既豐飽而思奮劉奉世等持封冊至故加悔慢不遣使謝已聞蘭州城西關堡將築龕谷砦令宥州移牒言界內朱梁川係本國地土中國不得擅有興築不俟回牒縱兵入涇原抄

蘭家堡掠人畜焚漢蕃廬舍殆盡

五月連西蕃阿里骨兵寇定西城

梁乙逋卑辭厚禮約阿里骨入寇如得地以熙河

岷三州歸西蕃蘭州定西城歸夏國于是阿里骨

襲破洮州乙逋率數萬衆出河州會之同圍南川

砦大肆焚掠

汪藻青唐錄云阿里骨既立以為朝廷疑已遂與夏國梁乙逋通五月二

日引步騎七萬圍河州南川砦焚廬舍二萬五千

區發害粟三萬并導夏人敗官軍殺都監吳猛而

宋史哲宗紀但言元祐五年二月夏人圍南川砦不載青唐事茲參取之又攻定西城設伏誘戰擊敗官軍殺都監吳猛等

西夏書事

卷二十八

三

六月掠隴諾堡

夏兵慄悍倏忽往來未嘗久頓凡圍堡砦使城中兵不得出然後分掠人畜挑挖窖聚時以數千騎入秦州抵甘谷城圍隴諾堡守將先伏兵在外出不意掩擊夏兵驚退失戰馬數十匹

秋七月卓羅監軍仁多保忠侵鎮戎軍

梁乙逋以乾順命脇保忠率萬人寇涇原保忠與乙逋不協甫入境遇總管劉昌祚大眾截之一宿即還

遣大首領嵬名阿吳如青唐

梁乙逋謀取熙河遣嵬名阿吳入青唐約阿里骨及首領青宜結鬼章期大舉阿里骨囚中國使人高昇許以兵應

八月集兵天都山寇熙河起飛梁以通西蕃兵知岷州種誼斷之乃退

乙逋召十二監軍司兵集天都山與乾順母梁氏將之對蘭州通遠軍而營阿里骨亦發河北兵十五萬由講珠城圍河州令鬼章以二萬眾駐常家

西夏書事

卷二十八

四

山大城洮州自率廓州兵五萬約會于熙州城東之王家平乙逋遂造飛梁以通兵路知岷州種誼與總管姚兕率兵由間道先斷飛梁襲破洮州擒鬼章乙逋遣兵數萬援之至橋不得渡望風而潰一統志云宋元祐二年夏人寇邊羌酋鬼章駐兵常家山為宋將游師雄所敗與宋史種誼傳異按綱目攻取之際不書方畧間有書者必重其事而特筆起例也是時夏眾屯天都起飛梁以通西蕃兵飛梁不斷勢未易解也故書起書斷以重之

分兵圍三川諸砦

為守將韓緒趙說所敗張舜民誌劉昌祚墓夏人寇三川乃攻鎮戎以後事而哲宗實錄于九月十日書鎮戎八月二十二日書三川九月寇鎮戎軍

梁乙逋復令仁多保忠率十萬眾入涇原聲言國母親將攻鎮戎西砦圍涇原十一將兵于城內總管劉昌祚病知軍張之諫不敢戰保忠令軍士四散樵采焚廬舍毀冢墓五日知慶州范純粹遣副總管曲珍領兵自環州深入牽制晝夜馳三百里

西夏書事

卷二十八

五

至曲律山范純粹奏議曲律係橫山巖穴最深之處峯崖險遠道路仄絕前後漢兵未嘗窺及韋宥等州一帶邊羌每聞中國點兵即于此處會集據險自固縱兵擊破族帳斬首千餘俘老幼婦女數百人保忠聞之將解圍潛于所札砦內如常起烟火量以兵守一夕遁回比城中知追之不及元祐三年遼大安夏天儀治平三年春正月太白晝見司天言不利用兵梁乙逋不聽出兵侵府州

守將鉗宗翌擊敗之

二月遼使來詰賀正

梁乙逋以遼不頒封冊遂不遣賀正使人遼使參知政事王維來詰其故

三月襲德靜砦

自攻府州不利兵士屯聚各砦止三五百人託言護耕故示寡弱以誘官軍邊將戒嚴不應遂乘間

襲德靜砦砦將張誠率蕃漢軍四出掩殺衆驚退

宋史夏國傳三年三月攻德靜砦諸將米贊郝普戰死詔劉昌祚以涇原萬人駐德順軍熙河五千

西夏書事

卷二十八

六

人駐通遠軍扼秦鳳要害以爲犄角與誠傳異

夏四月圍塞門砦慶州官兵來襲洪川砦乃還

梁乙逋數遣使入中國示欲伏罪請和而于使介

往來間乘邊人觀望輒出兵掩襲冀有所得延安

帥趙禹檄慶州將劉安李儀曰夏兵將入寇汝徑

以輕兵由西路擣其腹心未幾乙逋果圍塞門殺

皇城使米贊供奉官郝普右班殿直呂惟正與安

等率兵入界抵石堡砦焚蕩勒雞平一帶族帳襲

洪川破之俘斬甚衆復于花種會油川平相對舉

烽火多設疑勢夏兵急解圍歸

附 宋史舊錄六月辛丑夏人寇塞門砦詔陝西

河東經畧司嚴城砦完守備如夏人攻犯非逼

近城下決可取中勿多施行自致闕誤據長編

攷異云夏人以四月二十四日寇塞門不知此

段所書果在何日恐不應再寇也

秋七月遼始遣使授封冊

乙逋以遼使詰責復遣使貢遼主乃使冊乾順爲

夏國王

西夏書事

卷二十八

七

侵蘭州攻龕谷砦

夏國距蘭州止一舍通遠不百里中無重山複嶺

之阻乙逋點集軍馬屯于涇原熙河對境一夕突

入蘭州力攻龕谷敗砦將及東關堡巡檢殺兵士

數百人

八月犯延安

鄜延經畧司移牒宥州請入寇故乙逋回牒但請

疆土而不謝罪且潛以兵犯延安知鄜州神誼統

諸將赴援夏兵聞誼來皆退延人謂得誼勝精兵

三十萬

冬十月飢

國人賴以為生者河南膏腴之地東則橫山西則天都馬銜一帶其餘多不堪耕牧時河南大旱歲不登故事國中舉兵蕃屬自備貲費乙逋數下令點集戎人不能應

元祐四年遼大安五年夏天儀治平四年春二月遣使人

謝封冊

乙逋以歲飢不能點集令宥州移牒保安軍言將

西夏書事

卷二十八

八

遣使人謝封冊請先議疆事朝議以謝使未至即

議疆事不許于是使嵬名善哩貢馬謝封冊請和

三月月入東井

犯西扇北第二星羣臣以國家用兵過多請息民

力為言梁氏善之

夏五月遣使如遼

亦謝封冊也時遼主獵魚兒濼駐蹕赤勒嶺使人

候五十日方見

六月使請易地

使人請以所許葭蘆四砦易蘭州塞門押伴金部

員外郎穆衍折以禮使辭屈不敢面對哲宗賜詔

曰省所奏云昨差人赴延州計會將永樂人口及

所還四處城砦交換塞門蘭州兩處地土實在事

宜祈朝廷酌中賜一裁決朕已具悉爾嗣守世封

虔脩貢職頃屬罷兵之後繼陳復地之言累降語

音備諭朕旨豈謂歷時既久尚稽聞命遵行忽覽

奏封深諒誠款願改圖之議猶有披陳然事大之

恭實聽裁決再維忠順殊用欵嘉雖易地之求當

西夏書事

卷二十八

九

一遵于前詔而酌中之請宜別示以優恩除漢蕃

土地指諭已明難從換易外所有歲賜據前降詔

命合候地界了日依舊今特推恩敕有司更不候

地界了常便仰檢會典依例施行爾其體朝廷恩

信之隆遵封疆謹守之戒永思安靖用保悠長

秋七月使賀坤成節

使至京師刑部郎中杜紘逆之至館使欲入見自

陳請侵地紘不許使出不遜語紘曰國主設有請

必具表中此大事也朝廷肯以使人人口語為可否

乎乃不敢言

附

王氏東都事畧趙尙傳夏人入貢已以重兵

壓境諸將請益兵爲備尙曰第謹斥候整戈甲

無爲寇先戍兵不可益也因遣人詰夏兵遂

去攷此事宋史尙傳載之然不書時地不得其

詳

九月移牒請受地

宥州牒保安軍言已鳩集永樂等處陷沒人口于

十一月十日押付界首應給四砦亦卽差官同日

西夏書事

卷二十八

十

領受及檢點所有歲賜

冬十月中國使賀生辰及賜冬服

使臣爲崇儀使董正叟如京使李玩

十一月歸永樂俘復米脂等四砦地

初哲宗詔夏主曰昨永樂城將吏兵夫盡忠固守

力屈就擒衆多生齒淪于異域念其流落每用惻

然雖已詔汝發遣當給賜可還之地然念城初失

守衆卽散亡或爲部落所得或爲主者轉粥非設

購募恐有所遺汝可深體朕意訪求發遣當據送

到者每人別賜絹十疋命官以上加優賜給所得

之家乙逋命宥州牒言永樂人戶除累年死亡外

鳩集到一百五十五人敢赴界首交付及至交領

時僅一百四十九人盡復米脂葭蘆安疆浮圖四

砦地葭蘆境在河東以兵渡河計肆奔突見太原

將訾虎屯兵界上乃止

宋史夏國傳元祐四年六月稍歸永樂所獲人哲宗

紀元祐五年二月己亥夏人歸永樂所掠將

士百四十九人傳紀互異茲從李氏長編

按永樂之役將校死者數百人士卒役夫沒者

二十萬神宗臨朝痛悼成疾豈非軫念遺黎陷

身異域哉及哲宗卽位值夏使告哀卽詔以歸

我陷民給其故砦無如夏人故難其事遲之又

久僅歸吏士百四十餘人盡復舊疆續綱目發

明以爲是舉夏之慕義宋之綏懷兩得之夫宋

之綏懷誠有矣夏之慕義則未也

元祐五年遼大安六年夏天祐民安元年春二月梁乙逋

請婚西蕃約取邈川

乙逋威權日甚其弟姪皆握重兵陰謀篡奪聞阿

里骨與溫溪心構怨思併邈川遣使青唐請爲子

結婚互爲應援阿里骨許之亦遣觀察約攻邈川
城使人近北往來不由邈川恐溫溪心知也觀察
乃蕃部使役之稱

三月保安軍牒索陷將景思誼

思誼以永樂之圍絕城被執及還陷沒人口思誼
已死中國未知延帥趙嵩移牒來索乙逋令宥州
回牒報之

夏五月請廢蘭州之質孤勝如新堡

二堡古榆塞地漢趙充國屯田所中膏腴五十餘

西夏書事

卷二十八

十三

頃據兩川水泉以資灌溉國人稱爲御莊自李憲
城蘭州築堡其地土人悉走天都山及會州境飢
羸難以存活秉常嘗令蕃衆自爲爭復計元豐六
年蘭州被兵西關堡破二堡遂廢熙河遣兵耕種
輒爲夏人所殺及議畫界二堡在蘭州界內熙河
將范育等修葺故址屯兵爲守乙逋欲得其地令
宥州牒保安軍請廢所築新堡

六月攻質孤堡毀之

乙逋請廢二堡不得以萬餘騎乘大霧猝至質孤

盪平之進攻勝如縱火焚掠而還

秋七月使賀坤成節

使至京師正邊臣報兵躡質孤堡時使者畧不顧
憚蓋知中國不敢苛留使人也

八月上表請定疆至

宥州牒保安軍請定疆至逾年不能決上表言自
去年七月遣使赴闕乞換所賜城砦蒙詔不許尋
與延州經畧司議分畫疆界當時議者依綏州例
分畫向方面各打量二十里內十里安置堡鋪耕

西夏書事

卷二十八

十三

牧外十里拍立封堠空作草地得保安軍牒稱延
州指揮其城砦雖定二十里要在現今諸城相望
取直分畫夏國不敢違颺勉奉行其南界諸路地
分所司亦依綏州例打量二十里卻不肯依綏州
例子內十里修築堡鋪耕牧于外十里拍立封堠
空作草地以辨蕃漢出入絕交關之端累令宥州
移牒保安軍終不明示所由私心惶懼敢悉所由
哲宗賜詔曰爾逃領蠻畿恪循世守伴來稱幣廷
閱奏書永言疆場之安未卽溝封之畫兩界繩直

罄忠順而可嘉十里無荒漭惘忱而有請力祈於
許早遂底寧惟所壤之求初無故事念安邊之議
亦既累年顧省恭勤特行開納然綏德城本無存
留草地今欲于漢界留出草地即于蕃界亦當依
數對留應見今合立界至處并須明立封堠內外
漢蕃各對留草地十里不令耕種自擇安便處修
建堡舖如熟地不可修建即于草地內修立各不
得逼立界堠其餘疆畫未盡事已令押伴官委曲
開論進奉使副訖及已詔鄜延路經畧司夏國如

西夏書事

卷二十八

十四

欲議事許差人赴延州計議眷方陞悅義之心既
輸惘惘而朝廷綏遠之意已示優容宜深體于恩
懷亟保和于方畧 范純粹曰是役也中國先許
以陷寇之衆易新造之壘夫人有品色多寡之異
地有形勢遠邇之差約當素明謀應素定皆當著
見于書然後受人割地交相付與自無後來曲折
今謀不素定約不素明彼以疲殘數百人詭辭塞
命乃不復較問亟以四砦與之既與之後而熙延
二境始議畫疆文字往來徒費詞說不亦晚乎

冬十月復毀勝如新堡

初夏兵犯質孤等堡勝如巡檢計守義擒殺游卒
四人修葺所毀城門工甫竣乙通復率兵焚毀之
殺守義擄其兵役而還二堡遂不復作 范育曰
夏國自奄有西涼開右廂之地其勢加大後熙河
內附則已斷其右臂又得蘭州險固定西扼塞力
據上游控其腹背而質孤勝如之于蘭州定西以
東川谷之于定西更足以壯形勢蓋定西及二堡
中間膏腴土地無慮一二萬頃若募弓箭手萬人

西夏書事

卷二十八

十五

布列緣邊耕植曠土則二州有金湯之固又歲得
粟數百萬人食其半官糴其餘西州餽運可以日
省夏人數以兵爭直欲毀中國籬藩使蘭州定西
有難守之勢也議者懼邊患方殷始欲與以二堡
繼復棄不更築豈不墮其術中哉
十一月遣首領允領舉入熙河議疆事

夏國初議界至請以綏州例二十里為界中國從
之繼請留生地十里又從之乙通見委曲遷就遂
議于非所賜城外總以抄直二十里相照取直而

熙河路蘭州質孤勝如二堡指爲非舊堡若欲自
龕谷若打量取直則蘭州質孤勝如皆爲夏界熟
地又自定西城嶺斗平第三砦接連取直則南牟
山吓囉州結龍川一帶亦屬夏國議久不決乃令
宥州牒稱現于納葉經克節進築所有蘭州耕種
處及屯駐人騎乞行毀徙知熙州范育不敢應乙
逋尋令允領舉詣熙河石子峽堅執前議以分界
至育等令往鄜延路再議允領舉至延安因言辭
不協徑還

西夏書事

卷二十八

六

十二月使賀正旦

梁乙逋以議界不合集兵屯境上時縱游騎出沒
語言不遜脇以必得之勢然猶遣使賀正蓋利中
國賜予且假以窺朝旨也

西夏書事卷二十八終

西夏書事卷二十九

青浦 吳廣成西齋 纂

元祐六年遼大安七年夏天祐民安二年春三月復遣首
領鬼名麻胡入鄜延議疆事

夏國入邊有三路故事文移至環慶者皆付鄜延
會議時使人議畫界至輒云前後反覆朝廷悔賴
實多及令赴延安商議又云延州無可斷之理本
國已差官發付熙河蘭岷路就六處界首相會又
云中國實有就和之意請勿再言隴諾堡上取直

西夏書事

卷二十九

一

及質孤勝如二堡事言詞不合輒掉臂還經畧使
趙尙連牒宥州促之不至會梁乙逋使生蕃乙吳
麻入延州吳麻乃出入漢邊達語言類通事者順
寧砦獲之尙厚與金帛使以中國懷柔意歸諭乙
逋曰朝廷令汝國遣人來聽議疆事非憚汝也特
以和好垂成不忍遽絕耳乙逋欲和卽來不欲任
汝自便移書往返不若面議之詳也時乙逋方聚
兵密木關將寇熙蘭吳麻至乃緩師期遣鬼名麻
胡及乙吉陵丹等入延州尙呼前詰折開諭累日

麻胡等詞窮曰公言無不是皆為國為民奈吾國

不利何上官均家傳云西戎自承樂之戰估勝氣驕欲得故地當時大臣姑息遂用趙禹計

棄四岩楚地辱國西方七人莫不歸罪于禹攷宋史哲宗紀及禹傳四岩之棄並非禹計李氏長編亦祇載禹議畫疆事均傳乃

其子著作佐郎情編次疑誤 范純粹曰畫界之

始夏人計請用綏州舊例以二十里為界近黃河

者仍以河為限朝廷一一聽之不知先朝分畫綏

州之日界至遠近先令帥臣相度保明往返審實

乃從其說今所畫界首起鄜延經涉環慶涇原熙

河四路朝廷更不委逐路審覆即以延安所見便

西夏書事

卷二十九

二

利接連取直為界號令一出夏人執以為據而乃行追悔前後皆失遂生厲階矣

夏四月大舉攻熙河邊通遠軍護耕七堡

初熙河畫界中國文字但云通遠軍之定西城北

相照接連取直未嘗及熨斗平通西榆木岔諸堡

梁乙逋欲三堡直南北打量界至逼近通遠大路

中國不可所以陳請累年及鬼名麻胡等回知疆

事不成遂以十萬眾壓熙河通遠軍境圍定西城

分駐蟾牟山結龍川挑掘沿邊所築護耕七堡毀

其哇囉殺掠居人千計七堡者乃向所爭執處毀之以示必得也

五月轉犯涇原

乙逋復由結龍川進兵入涇原大掠開遠堡得勝

隆德等岩聞熙河岷州兵已集始還

六月熙河等路來歸俘擄

夏兵入熙河涇原諸路雖肆殺掠而首領被執者

亦眾哲宗令悉放歸並詔逐路經畧司諭宥州言

疆事雖未理畢夏國安得輒侵邊境今既生擒即

西夏書事

卷二十九

三

合斬首緣意在好生又夏國現輸常貢且放回本國宜明諭梁乙逋并近上首領今後不得縱放兵馬擅有侵犯

遣使請兵于遼

初梁乙逋寇通遠右廂種落盡趨河外熙帥范育

三疏請乘此時進築龕谷岩與勝如定西相照可

東接隴諾城全據形勝以制夏國朝議從之役將

與乙逋聞之懼使乞兵于遼遼主以南北通好久

難便允從辭焉

秋七月使賀坤成節

臨河諸路奉詔諭詰宥州梁乙逋回牒以通遠十

萬眾為些少侵犯又沒涇原之役不答哲宗以言

辭傲慢欲絕歲貢聞坤成使已在境上乃止王巖

年錄云樞密使進呈言西夏坤成使人初報六月

十六日過界既而寂然至十九日忽來計會蓋每

毀鎮戎軍封堠

鎮戎官吏于軍界近邊立封堠八處梁乙逋遣兵

拆毀令宥州牒保安軍言請勿再修且宜依舊

西夏書事 卷二十九 四

八月復毀土門堡殺鄜延都監李儀

鄜延順寧砦安定堡界新移枝子土門兩堡乙逋

令兵毀之儀與副將許興夜將兵入界掩擊戰敗

被殺

攻懷遠砦

梁乙逋既殺李儀知鎮戎軍無備遣兵乘勝攻懷

遠守將李遜出戰不勝閉城謹守圍五日始解

九月分兵寇麟府二州

梁乙逋點集境內幾五十日至是月宋史夏國傳

元祐六年九月

月圍麟府鄜延都監李儀等盡沒攻哲宗紀李儀

之死在八月圍麟府在九月自是兩事不得并敘

集兵十五萬聲言攻環慶鄜延一夕忽趨河東蓋

知兩處備禦已固故抽一軍寇麟府攻圍神木等

砦殺掠不可勝計民間廬舍禾稼焚蕩無遺驅虜

畜產甚眾范純仁行狀云夏人犯麟府

神木堡無所得而去與此異諸砦皆閉

壁守獨橫陽堡守將孫貴數以奇兵撓擊且開門

示閒暇夏兵驚疑乃還 范純粹曰夏人于一年

之內大兵三舉猖狂已甚每牒宥州詰問但云見

行會勘陽若不知察其設心蓋外為不闕貢奉之

西夏書事 卷二十九 五

名以利市販而陰實肆其侵寇之惡也

國主生辰保安軍牒稱賜賀使疾已而不至

故事夏主生日禮物及仲冬時服例于九月十一

日以後過界其歲賜銀絹則于二十五日過界時

使臣安倫劉穆已抵延安經畧使范純粹令倫等

用公文稱疾移牒照會梁乙逋使宥州回文言辭

簡倨不肯少屈于是倫等不至

塔坦國來伐梁乙逋回師援之不及

塔坦聞乙逋兵入河東率所部襲賀蘭山入囉博

監軍司所劫殺人戶千餘掠牛羊孳畜萬計乙逋回兵援之至達結羅塔坦兵已退

按前書塔坦攻夏矣此書伐內之也夏與西蕃連結肆凶勢已無後憂塔坦能乘虛襲擊使其回兵自救不致深入河東其牽制之功不亦偉哉

冬十一月環慶官軍攻韋州

中國既絕歲賜環慶經畧使章棻陳淺攻策令都監張存統兵入韋州攻安州川霄柏川諸處蕃部

西夏書事

卷二十九

六

被殺者千餘人

元祐七年

遼大安八年

夏天祐民安三年春正月遼人來

援梁乙逋出兵攻綏德城轉掠涇原

梁乙逋遣使如遼以宋侵乞援遼主命大將蕭海里駐兵北境以張聲勢乙逋遂攻綏德以重兵壓涇原境大掠五十餘日而還

二月築沒烟峽壘成

沒烟有前後兩峽與鎮戎軍之石門峽相對梁乙逋謀建砦壘便于出沒誘致漢兵鎮戎軍以聞金

部員外郎穆衍請于質孤勝如二堡廢地間城李諾平以控要害陝西轉運判官游師雄請自蘭州之東通遠定西通渭之間建汝遮納迷結珠龍三處復置護耕七堡以固籬籬秦鳳都監康謂以為夏之所以未臣服而肆兵者以我勢分于隄備兵未練而賞罰失當耳若擇銳結伍伺彼之動聚則先擊散則復襲則彼分而我聚以衆擊寡可得志也哲宗下其事諸道咨之議未定而壘已成

按綱目書築不盡書成書成必大役也此書成

西夏書事

卷二十九

七

著其速也宋之議論未定夏之版築已完西事得失于此見矣

三月集兵韋州以窺環慶與涇原官軍戰敗績

韋州居橫山北曩霄時立靜塞監軍司屯集人馬防拓興靈諸州時乙逋聲言集兵三萬于界上入取環慶四路經畧使章棻偵知夏國邊砦各相去二三十里每砦止八百餘人馬皆羸瘦不堪戰使折可適統涇原兵八千一日夜馳至韋州砦兵皇遠走可適直入監軍司所悉獲牲畜器物師回夏兵

從後躡之可適設伏要害夏兵大敗首領被斬者
二人死士卒無算失甲馬千計

夏四月西蕃厮那等族來附梁乙逋納之阿里骨以
兵備一公城

西蕃溪巴溫董種疎族也自阿里骨立去依隴逋
部河南諸羌皆歸之厮那心牟二族向屬青唐阿
里骨殺董種妻心牟氏厮那等不平與隴逋心牟
二族率衆奔夏乙逋納之共謀青唐阿里骨聚兵
一公城以備

西夏書事

卷二十九

八

六月涇原官軍破尾丁磴

梁乙逋見中國于熙河築定遠城擇于沿邊對接
百里內各作頭項排布人馬東西相屬約地遠近
一二日內可集兵三五萬待漢兵入界併力拒戰
尾丁磴于諸路尤近以兵五千屯其地章棻令折
可適將兵六千潛入境偵得守烽卒姓名詐爲首
領行視呼出盡斬之捲甲疾趨襲破尾丁磴獲人
馬器甲千計回次檉楊溝夏兵逐之戰于高領又
敗

秋七月復遣使請援于遼

乾順母梁氏憤韋州之敗將圖大舉復使乞兵于
遼遼主不許

八月西蕃阿里骨獻邈川圖梁乙逋執其使

邈川古湟中地南距河州一百九十餘里東至蘭
州二百餘里東北控甘涼一帶西接宗哥青唐二
城部族繁庶形勢險要始阿里骨以女許梁乙逋
子約攻邈川殺溫溪心不果及聞乙逋納叛蕃厮
那等族因復入貢中朝哲宗封其妻溪尊勇丹爲

西夏書事

卷二十九

九

安化郡君子邦彪錢爲鄯州防禦使弟南納支西
州刺史乙逋數徵其兵入寇不應至是聞溫溪心
內投疊受官爵懼其離間復以邈川地圖獻夏國
約將兵來取而預誘溫溪心至青唐拘之乙逋惡
其反覆羈執使人兵不發

冬十月梁氏自將寇環州

環州洪德砦西北白馬川灰家背地距清遠軍僅
八十里依山據險當青岡峽濟乾同家二堡大路
若騎兵自歡樂峯直達漢川半日可至梁氏集兵

十萬于奇魯浪聲言犯涇原一夕趨環州圍之

按綱目書自將皆善詞茲書梁氏異之也以女子而將兵非異事乎事異故文亦異書之以見

梁氏之惡與乙逋等

攻七日不克解圍退敗于洪德若易服走還

環州境外皆沙磧距城百里有牛圈澗水章案于

兵未至時夜遣人置毒水中夏兵至人馬飲者輒

死攻七日不克謀解圍退案預料精兵萬人授折

可適銜枚由大垂谷趨洪德城分遣蕃官慕化等

西夏書事

卷二十九

十

別駐肅遠若約舉火為識以邀歸路夏兵還過之

烽起士卒識梁氏旗幟爭鼓譟出梁氏縱鐵鷄子

數萬迎鬪可適等皆死戰梁氏見眾敗急令青幕

遮道盡棄帷帳首飾易服走免兵士相蹈藉死者

崖澗皆滿李清臣與知定州許將小簡云夏羌圍

環州劫慕恩族燒瘠無宿歲留數日無所得章帥以兵間道邀擊之獲級數百得馳于頭

馬四百八十八匹羌眾遁去又云章帥竟坐失亡滅數又縱賊全歸遂左

按兵未有書敗狀者書易服醜梁氏也

十月西蕃阿敏來投使守革羅城

阿敏溫溪心弟阿旺格子阿里骨拘溫溪心逸川

大亂阿敏聞梁乙逋執青唐使人乃改名丹卓麻

率屬投入夏國梁氏使為衙頭首領將兵守革羅

城備阿里骨也

十一月復遣使乞援于遼

遼主因夏國屢次求援擬遣樞密使牛溫仁泛使

中國詰問兵端已聞乙逋點集頻數部族疲于奔

命議者謂其非中國敵豈可因之棄吾舊盟罷溫

仁不遣止令涿州移牒雄州請之

西夏書事

卷二十九

十一

綏州鈐轄哆浪心說內投

授內殿承制其從人綏哆曾入夏國偵事戰鬪被

傷特子副兵馬使

元祐八年遼大安九年夏天祐民安四年春正月假遼國

命牒保安軍請和

宥州牒保安軍言本國準北朝札子備載南朝聖

旨稱夏國如能悔過上表自當應接予以自新今

既北朝解和又朝廷素許因此再上表章即欲遣

使詣闕哲宗以辭引北朝非例令鄜延經畧使回

牒諭意

二月以兵備于闐

于闐東界吐蕃與瓜沙接壤是時入貢中朝請率兵討夏國梁氏聞之令瓜沙諸州嚴兵為備

附李氏長編二月己酉賜熙河路鈐轄康識并

諸將銀藥有差以出塞牽制至打繩川討蕩有功也攷打繩川在南牟會西七十里距會州止八十里是已深入夏界而宋史無康識傳其出塞月日實錄亦不載

西夏書事

卷二十九

三

三月遣使謝罪請以蘭州易塞門二砦

梁乙逋因中國絕歲賜遣使謝罪並請易地寶文閣待制呂大忠言夏人強則縱困則服今陽為恭順實懼討伐宜且命邊臣詰其所以來之辭若惟請是從彼將有以窺我矣哲宗乃賜詔曰省所上

表遣使詣闕悔過上章獻納蘭州一境地土

李氏長編

云蘭州未嘗以還夏國今云獻納何也按蘭州雖中國所得夏人視為已上犯質孤勝如攻通遠皆緣此起際及以四處城砦更易終不肯置蘭州于度外茲以易塞門者乃仍其舊見耳宜答詔直斥綏州至義合砦亦取直畫定卻有塞門乞賜還

夏國等事且悉朕統御萬邦敦示大信眷爾嗣藩之始亟馳請命之誠爰給土疆復頒歲幣豈謂受

賜而後輒興犯順之師中外交章神人共憤朕以爾在位未久勢匪自由姑戢討伐之大兵聊用馭邊之中策今則遣使來庭托辭悔過何乃謝章之初達即形畫境之煩言况西蕃故疆中國舊地已載前詔不係可還其分境雖曾商量在用兵亦合隔絕然則塞門之請殊非所宜定西以東已有前論除河東郵延路新邊界至許從前約令逐路經

西夏書事

卷二十九

三

畧司依前後詔書開立濠堠外蘭岷路未了地界亦已令蘭岷路經畧使依先降詔旨委官候夏國差到官詳先降指揮同共商量分畫緣夏國自元祐通貢受賜後累次犯邊仍候地界了日可依例別進誓表然後常貢歲賜並依舊例

夏四月乘間犯延麟二州

夏謝罪使甫入中國境屬蕃耒耜雲集近邊二三百里耕闢無餘地乙逋乘彼此議和沿邊無備縱兵分犯二州殺掠熟戶甚眾

冬十月遣兵扼神流堆與涇原將張蘊戰敗還遂失
宥州

梁乙逋聞張蘊引兵入境令衆三千扼大吳神流
堆堆距宥州四十里拒戰不勝宥州守兵潰走監
軍梁阿喇引鐵騎數千趨松林堡赴援蘊頓兵長
城嶺鐵騎數挑戰不得既倦蘊縱兵奮擊阿喇大
敗

附 宋史葉康直傳元祐中知秦州夏人侵甘谷
康直戒諸將設伏以待殲其二酋自是不敢犯

西夏書事

卷二十九

十四

攷哲宗紀元祐中不見夏人侵甘谷事傳不知
何據

紹聖元年

遼大安十年

夏天祐民安五年春正月遣使進

奉再請易地

梁氏遣使進貢復請易塞門不許自是不復請

二月進助山陵

哲宗葬宣仁聖烈皇太后于永厚陵梁氏遣使進

馬一百匹

三月朔日有食之

時乾順年幼諸梁恣橫國中皆危之

夏四月遣謀入鄜延被獲

梁氏因請地不得遣謀至鄜延覘事經畧使范純
粹方大閱觀者不得入俄而騎兩翼環圍之命觀
者列坐皆五人結一保中有十餘無保者呼詰之
即夏謀也盡坐帳前閱技畢曰我之兵精乎歸語
爾主欲爲寇幸早來與食遣回

冬十月梁乙逋伏誅

梁氏一門二后乙逋恃其威勢獨專國政日與中

西夏書事

卷二十九

十五

國抗衡緣邊悉被荼毒中間得歲賜金帛輒誇于
衆曰鬼名家人有如此功否中國曾如此畏否每
舉兵必曰吾之所以連年黠集欲使南朝懼吾爲
國人求罷兵耳國人畏之不敢言既又潛謀篡奪
刑賞自專梁氏亦爲所制自麟府還族子阿革戰
死勢稍殺環慶之役梁氏自將不使與兵攻乙逋
不悅叛狀益露大首領鬼名阿吳仁多保忠撒辰
等知其謀集部衆討殺之滅其家
李氏長編云元祐六年十月涇
原路謀報梁乙逋犯麟府界邊兵殺死梁阿革乙
逋爲夏國所誅而舊錄則云乙逋犯麟府河外三

州殺戮甚慘莫之敢禦奸臣謂其已死欺妄
特甚攻新錄云乙逋死在紹聖元年十月

按乙逋為鬼名阿吳等所殺書伏誅何罪宜誅

也綱目嚴惡惡元魏景明四年散騎常侍趙修

為監者鞭驅至死書伏誅永安元年中書令鄭

儼為部下所殺書伏誅凶頑如乙逋死有餘辜

書伏誅所以正其罪而討之也

紹聖二年遼壽昌元年夏天祐民安六年春二月築堡石

門峽

石門峽距渭州境僅三十里東帶興靈西接天都

西夏書事

卷二十九

共

瀕葫蘆河形勝宜耕牧為國界要害梁氏遣兵築

堡戍之中國探騎遂莫敢過界

夏五月宥州蕃屬朱智用由邈川內投

智用有意內附為夏國各路把截無由遂達後入

邈川為溫溪心部下搬察至熙州密申向漢意攜

其宗族內奔哲宗嘉其誠授三班奉職

冬十一月進貝多葉經于遼

經回鶻僧所譯

西夏書事卷二十九終

西夏書事卷三十

青浦、吳廣成西齋纂

紹聖三年遼壽昌二年夏天祐民安七年春二月以兵入

延州侵義合峒

梁氏以地界不定數肆憑陵哲宗用宰相章惇議

罷諸邊分畫令督衆乘勢進討梁氏憤發兵入綏

德界攻義合峒義合與保安軍德靖峒綿亘七百

里中間堡壘參差烽燧疎遠延州軍不能應大掠

而還

西夏書事

卷三十

一

三月圍塞門峒

復遣數萬衆圍塞門大持攻具相持數日聞鄜延

經畧遣大兵至乃退

秋八月寇順寧峒敗還

涇原將張蘊伏兵隘中約戰急聞呼則起夏兵遂

敗被俘斬者數百人

九月遣右廂首領誘環慶官兵至雞鞞嶺與戰不勝

梁氏命右廂一帶首領遣使從間道至環慶路詐

言願舉族歸漢章遣將鍾傳折可適率兵援接

至雞鞞嶺夏兵卒起四圍合擊力戰不勝傳等全師退

冬十月國主奉母將兵寇鄜延陷金明砦

乾順見連次擾邊不利奉母梁氏率眾號五十萬

入鄜延西自順寧招安東自黑水安定中自塞門

龍安以南二百里間烽火相繼不絕游兵直至延

州五里知州城有備自長城一日馳至金明列營

環城梁氏母子親督桴鼓城遂陷

宋史呂惠卿傳知延州時聞夏人將入寇預修米脂諸砦為備夏兵至欲攻城則城不可近欲剽掠則野無所得欲戰則諸將不為

西夏書事

卷三十

二

動欲南侵則懼腹背受敵留二日守兵二千五百即拔柵去遂陷金明與夏國傳異

人惟五人得脫城中糧五萬石草千萬束皆盡殺

皇城使張輿臨行留書置漢人頸上曰貸汝命為

我投經畧司書言夏國昨與朝廷議疆場惟小有

不同方行理究不意朝廷改悔卻與坐團鋪處立

界本國以恭順之故龜勉聽從于境內立數堡以

護耕而鄜延出兵悉行平蕩又數入界殺掠國人

其憤欲取鄜延終以恭順止取金明砦以示兵

鋒亦不失臣子之節也延帥呂惠卿上之樞密院

不以聞

按前書梁氏自將惡梁氏也此書奉母將兵罪

乾順也

十一月獻金明俘于遼

中國自金明破哲宗命緣邊諸路相度要害增嚴

守備熙河將王文郁等築汝遮為安西城以通秦

鳳援師梁氏懼中國聲討遣使獻俘遼國以為應

援

十二月爭葭蘆城不克

西夏書事

卷三十

三

夏兵據橫山並河為砦四出寇掠秦晉之路皆塞

知太原孫覽謀取葭蘆戍扼其險阻梁氏遣兵數

萬屯境上覽下令吾兵少須滿五萬方西夏兵聞

而備懈一日猝為覽所乘大敗覽遂城葭蘆

紹聖四年遼壽昌三年夏天祐民安八年春正月悉兵屯

河外涇原官軍襲沒烟峽破之

夏兵入鄜延右廂種落盡屯河外以為進取計涇

原帥毛漸使鈐轄王文振乘虛襲破沒烟峽砦斬

三千餘級河外兵回援不及

二月于闐國破瓜沙肅三州

于闐黑汗王阿忽董娥密竭篤使其子詣京師上表言緬藥家作過別無報效已遣兵破夏國瓜沙等三州哲宗詔厚答之

按夏小國也東北鄰塔坦西南接邈川已足牽

制兵力茲西有于闐擾其瓜沙諸州國之外患多矣猶不知自保頻擾邊陲其不能得志也宜哉

侵綏德城

西夏書事

卷三十

四

夏兵七萬攻綏德鄜延官兵力拒不得逞

閏二月寇麟州敗績首領七人戰歿

梁氏遣兵六萬攻麟州神堂堡甚急都監賈巖以數百騎巡屈野河間道據北欄坡從嶺上馳下奮擊夏衆倉猝首尾不能救近上首領七人皆死餘衆號哭走還

按兵敗不書所殺之數其書者重詞也夏人屢次犯邊勝負相半麟州之戰賈巖以數百騎破六萬餘衆殺首領七人其功偉矣

三月圍葭蘆城不克退守長波川與河東兵戰敗還

葭蘆城工甫竣梁氏遣兵圍之六日知石州張構率所部赴援夏兵戰不勝退保長波川據險以待會河東將折克行率兵入界迎擊被殺者二千餘人

夏四月令民耕大理河東地

夏國近邊二三百里人戶衆多資糧易集乾順令

蕃部揚言城裏是漢家城外是蕃家常于夜間直

至大理河東葭蘆境上侵耕曠地晝則卻歸本界

西夏書事

卷三十

五

經畧使禁之不能止

爭靈平會敗走

知渭州章粲以夏兵猖獗議守涇原之靈平會命鍾傳與部將苗履統衆城之梁氏遣兵力爭傳將步騎二萬出不意造河梁濟師作金城關扼其險要夏兵遂敗

監軍鬼名濟救洪州兵敗洪州失守

靈夏綏銀地多曠土每歲資糧取足于洪宥而二州羌戶勁勇善戰國中恃爲肘腋自有州頻經兵

焚城郭殘破知保安軍李沂以兵圍洪州鬼名濟率眾赴援與沂軍戰不勝而走城遂破內外居民族帳盡被焚毀

環慶官兵破鹽州尋復之

環慶鈐轄張存率兵入夏界至三角川遣銳卒攻破鹽州俘戮甚眾及還梁氏遣兵追襲存上高原平少憇夏兵縱火四面攻擊殺蕃官承制趙宗銳等復取鹽州

集兵駐沒烟峽以爭平夏城不克

西夏書事

卷三十

六

葫蘆河據西州形勝章榘擬城之以逼夏國令總管王文振統熙河秦鳳環慶諸路兵以折可適為副陰具版築築城于石門峽好水川之陰控扼章州靈夏諸隘梁氏集傾國兵駐沒烟峽設伏以待可適兵先至失道入伏中死者千人左驥驥使姚雄率熙河卒七千赴援夏兵據險不戰乘高下瞰一日得間分頭暴集人各攜草一束鋏鏹一具填濠而過斷掘城身雄奮勇迎擊流矢注肩戰益厲夏兵引卻被斬三千餘級俘擄數萬城遂成賜名

平夏趙挺之崇寧邊畧云太僕寺丞張甸言章榘在涇原進築平夏靈平蓋合五路之兵凡七十餘萬民有雇夫代役者日直三千自正月至四月而罷所費未可以千億計也夏人素有謀畧皆遠引不出疑若坐困我師乃乘利而出耳與宋史案傳異

五月遣使以宋城要地告于遼

梁氏遣使告于遼曰夏國與南朝歷年交和忽于諸路齊發人馬大行殺掠今則深入近裏地分及于朝廷邊界相近諸要害處多修城壁侵取不息伏望計會南朝卻令還復所奪疆土城砦盡毀所修城壁

西夏書事

卷三十

七

左廂首領沒藥內附

沒藥本順寧砦蕃官元祐六年投入夏國官左廂首領順寧砦巡檢劉延慶遣蕃部均陵陵詐投入國說令返正沒藥攜所部內投授右侍禁令依元部坐住

秋七月飢

國中大困民鬻子女于遼國西蕃以為食都統軍賀浪囉將兵救宥州大敗自張蘊兵還梁氏復取宥州郵延經畧使呂惠卿

命諸路出兵討擊熙河將王愨兵抵宥州洪宥草
三州都統軍賀浪囉率衆赴援愨擊敗之追奔二
十里遂入宥州焚官署倉獄行宮并文籍簿書屯
兵淖河賀浪囉復遣首領移卜淖凌吉訛遇以千
騎邀官軍後與愨等轉戰而南至秦王井爲神臂
弓射卻死者甚衆因退據高原愕視不敢動

八月夏州被圍復遣使如遼乞援
梁氏自七月中點集河南北諸路人馬謀犯鄜延
路白波流諸處都監劉安將兵入界梁氏遣衆禦

西夏書事

卷三十

八

于浪沁沙敗績安進薄夏州梁氏令城中謹守復
遣使求援于遼言自被南宋侵圖約二十年于諸
要害進築城砦不少今歲以來又多修築夏國疆
宇日更廢削頻受侵陵乞發大兵援助遼主令涿
州牒雄州云西夏本當朝建立兩會尙主近累使
奏告被南朝侵奪地土縱兵殺掠有害和好請追
還兵馬毀廢城堡悉歸所侵如尙稽違當遣人別
有所議涿州移牒在十
月茲連敘之
彗星見肆赦改明年元

梁氏聚兵將窺涇原以彗星見放散人馬乾順仿
中國制減膳避殿下罪已詔大赦改明年元曰永
安

按上書飢乃大兵之後必有凶年天之示警于
夏也乾順不自脩省聚兵將窺涇原于是又有
彗星之異始罪已肆赦放散兵馬不亦晚乎

九月蕃官妹納僧哥內投

妹納僧哥爲帶牌天使聞中國赦榜招諭遂內奔
授禮賓副使充蘭州部落子巡檢

西夏書事

卷三十

九

冬十一月熙秦官軍破白草原抵天都山無所得而
回
中國履行討蕩夏國天都山屬蕃盡將牛羊窖粟
預行遠徙時熙河兩路兵四萬出塞將至劉子山
監軍司以十萬騎陣白草原拒戰不勝拔營西走
兩路軍直入天都監軍司所搜挖無所得軍士糧
竭飢死者半乃回
元符元年遼壽昌
四年夏永安元年春正月鄜延官軍入
界拒之十里并殺順寧砦監押石福

鄭延副總管王愨率諸將由塞門入界大首領凌吉訛遇合洪宥兩監軍兵迎戰不勝退至十里井福與部將賀文密恃勝來追帶金環首領數人皆戰死文密亦重傷福歿于陣

二月犯大定城

大定屬蘭州與夏國分界處梁氏兵屯界上肆行抄掠聞蘭州知州王舜臣兵出金城關乃退還舜臣追至右廂監軍司地夏兵返戰不克帶牌天使數名皆死

西夏書事 卷三十

十

三月監軍阿燕率族內投

與其子襄渠及家口人戶約千人阿燕老將多計謀習邊事常出兵寇環慶自中國取安疆砦阿燕懼罪經畧司孫路使人招之遂內附部族聞其降節次投者共二千七百人馬駝牛羊四千餘哲宗特除阿燕宥州刺史充環慶路沿邊兼橫山一帶蕃部都巡檢使賜名懷明襄渠授三班奉職賜名世忠已而蕃部默吹萌山等亦從鄭延涇原路請降默吹補內殿崇班萌山與副兵馬使

附 哲宗實錄元符元年三月癸酉河東路經畧使奏崇儀使張世永等領兵出界于勝羅沒隴橫川一帶討蕩斬一千餘級大小首領二十餘人攷此事宋史不載

夏四月涇原官軍出沒烟峽來攻

涇原兵三次來襲羊馬被掠甚衆至是統制官孫文將九千騎出沒烟峽直抵屯兵所斬級獲孳畜而退

大首領嵬名藥默內降

西夏書事 卷三十

十一

藥默乾順疎族領會州一帶蕃部是時由熙河路內歸中國令補西頭供奉官兼本族巡檢監軍嵬名濟入鄭延圍順寧砦

濟圍順寧副將張守德以輕兵邀擊濟退走長城嶺至赤羊川被斬十二級失馬四十匹時有降羌潛告師期守德預為備故濟不得逞

五月鄭延官軍攻夏州大首領嵬名乞勒以兵護大沙堆不克

沿邊人戶因官軍連次討擊並于大沙堆建柵聚

族自保時鄜延路以順寧之圍遣鈐轄苗履統諸將出塞攻夏州梁氏恐官兵焚蕩大沙堆蕃族遣鬼名乞勒那哆唎丁駐兵南面防護苗履揮衆奮擊乞勒等大敗喪失萬計退走五十里

六月梁氏乞兵于遼遼集兵次于境上

乾順屢次乞援遼主但牒雄州令還夏國疆土不肯發兵梁氏乃自為表請之多怨望語遼主不悅按書梁氏何志禍始也梁氏以遼主不肯應援

西夏書事

卷三十

三

自為表請致以怨辭逢怒他日鳩毒之禍始于此矣

蕃部喝強山訛心內奔

二人乃監軍妹勒都通親隨由涇原入降俱授左班殿直強山言夏國欲以今秋併兵寇一路不攻城砦但覓便深入殺掠人戶經畧司以聞

秋七月以兵入涇原

梁氏以中國築沒烟前後兩峽控扼天都形勢于是編攔人馬出沒隆德砦九羊谷又于榷溝段大

道掘濠作壘縱游騎侵殺邊鋪戍卒守將折可適同蕃官慕化率兵伺懈出擊方止

掠熙河平西砦

擄熟戶二十餘

八月鬼名濟以兵保青嶺與鄜延將苗履戰敗績

初中國聞強山言謀縱兵討蕩于是王舜臣出熙河張世永出河東折可適出涇原鄜延遣履護七將九千騎于是月七日會于柳青平詰且至青嶺濟屯兵嶺北拒之履等奮擊濟大敗被殺五百餘

西夏書事

卷三十

三

人亡牛羊萬計嶺南北一帶禾稼蹂踐殆盡

九月有星出東井西

如太白狀占者云宮中有憂梁氏聞之惡復謀舉兵

冬十月梁氏復自將攻平夏城潰還

中國自城平夏沿邊諸路相度膏腴相繼進築國人憤曰唱歌作樂地都被漢家占卻後何以堪梁氏謀舉國爭之與乾順計曰平夏視諸壘最大守將郭成最知兵法攻其堅則瑕自破于是親將

四十萬衆自沒烟峽疾趨平夏會布日錄二十五日夏兵百五十萬距靈羌砦五十里屯聚旬日乃圍靈羌通峽平夏靈平高平九羊六城砦約三十萬是所攻不止平夏也與宋連營百里建高車日對壘載數百人填

塹而進飛石激火晝夜不息兵士死者數千傷者倍之經十三日城中捍禦有方終不能破糧漸乏一夕大風起西北衝車悉震折衆大潰梁氏慚哭勞面而遁

按書復將甚詞也梁氏窮兵黷武以一女子常在行間軍中有婦人兵氣爲不揚大風震車戎

西夏書事

卷三十

十四

衆奔潰有自來矣雖慙哭勞面豈足掩其羞哉御史中丞仁多楚清舉族內降

楚清官在蕃宰相樞密使下父陵丁死姪保忠代爲統軍楚清職雖高不得專兵柄嘗請于梁氏不許心常怏怏時國兵入寇楚清攜家口四十餘人從間道內投資生金三百兩並冠服寶玩鞍鞵繡龍帳入獻熙河經畧司視之俱世家物諸羌不及也哲宗詔赴闕還所獻物授甘州團練使右廂卓

羅一帶都巡檢使哲宗實錄熙河蘭會路經畧司言歸附大首領乞加職任詔呂

永信爲甘州團練使涼州一帶蕃部都巡檢鈐轄妻琳沁哥封會寧郡君男楚清爲西頭供奉奏官賜名良嗣蘇沁定馬爲供備庫副使卓囉右廂一帶蕃巡檢與會布日錄異

十一月復遣使乞援于遼初梁氏圍平夏恐諸路赴援遣駙馬都尉罔囉屯羅薩嶺禦熙河路大首領喃心屯梁檉臺鬼名濟駐白池禦鄜延秦鳳諸路攻城甫十二日聞熙河王愍入界斬罔囉鄜延劉安張誠入界敗喃心鬼名濟等軍中遂無關志及還檢喪人馬二萬餘牛羊馬馳數萬數百里中族帳蓄積焚毀殆盡國中

西夏書事

卷三十

十五

奪氣乃遣首領鬼名咩布至遼乞兵猶恐漢兵深入于諸州分掘窖粟點集諸監軍司兵踐踏沿邊食用爲清野計

潛師入涇原犯乾興天聖等砦梁氏旣解平夏圍人馬仍在涇原近邊盤泊見官軍盡屯葫蘆河知聲勢不相應潛遣精銳入鎮戎軍掩至二砦焚掠甫二日間援軍至走回天大雪人馬僵凍過半

十二月統軍鬼名阿埋等復窺平夏被擒餘衆棄天

都山而潰

西壽監軍在柔遠山北阿埋為六路都統軍與監

軍妹勒都通皆桀黠用事稱善戰時以畜牧為名

自月初宋史郭成傳夏兵攻平夏成與折可適議

乘勢深入以騎異道並進遂俘阿埋都通

二人商氏續綱目冬十月夏人寇平夏城章案大

敗之獲其將鬼名阿埋似屬一事攻案傳案檢阿

埋在攻平夏後哲宗紀及宿兵平夏境欲俟黃河

夏國傳二事時月亦異

凍解入犯哲宗詔章案密圖之案偵知無備遣郭

成折可適以萬騎異道並進直入其帳執之曾布

云時為鄉導者乃妹勒都通部將曠寧懼罪來降

故盡知二人所在又偵知其居無兵馬直入臥內

西夏書事 卷三十 六

之檢盡俘家屬擄馘三千餘牛羊十萬餘衆駭愕遂

棄天都不守為可適等所據章案奏議云西夏族

扶攜老幼爭來歸降章案曰涇原遣師淺攻者

並欲依附二人以居凡四次而三次兵馬所至不過百里西人以為怯

又以為技止于此故阿埋等安居山林謂漢兵不

能深入故得乘其不備擒之蓋亦墮于多方誤之

之計也

鈐轄吳名革內投

名革見國兵屢敗梁氏點集不已與弟名山及家

口七百九十餘人內奔以所有牌印入獻

按一歲之中國中內降者踵相接親離眾叛邦

國將危梁氏不知保境息民猶恣行點集宜其

禍之速也

月犯東井

犯西扇北第二星太史奏主兵喪梁氏不省

附宣和遺事二帝北狩道遇綠衣吏飲帝以水

且進糧糗曰臣本漢人昔父周忠為延安鈐轄

元符初與夏人戰兵敗父子被擒由是仕于西

西夏書事 卷三十 七

夏宣和中西夏出兵助遼為金人所執授靈州

總管攻是年鄜延兵三入夏界未曾大敗且靈

州屬夏金未嘗取其地何以有總管之設此必

野紀有誤

西夏書事卷三十終

西夏書事卷三十一

青浦 吳廣成西齋 纂

元符二年遼壽昌五年夏永安二年春正月河東官軍謀

取西平府拒之于藏才山

嵬名阿埋等至中國獻計請以三萬人取靈州于

是河東統制張世永令副將折可大領人馬入界

抵藏才山夏兵迎戰可大兵不得進

復因遼使至邸延議事

初夏人至邊每言已干遼國乞和嗣聞遼使蕭彥

西夏書事 卷三十一 一

昭至中國因遣使如邸延云欲議事哲宗詔經畧

司面諭邊吏如有文字密錄奏報不得擅接但云

已申保安軍指揮奏聽朝旨

遼殺夏主母梁氏

乾順年已成立梁氏專恣不許主國事遼主素惡

之故請援輒不應及表辭怨慢遣人至國醜殺梁

氏命乾順視國政乾順不敢違遣首領哆勿七齊

宥州牒至邸延稱國母于本月二十日薨已令大

使令遜嵬名濟副使謨程田快庸詣闕赴告并附

謝罪表狀令遜謨程皆蕃官名也哲宗命保安軍
卻勿受

按 梁氏專政窮兵日與中國為仇罪誠大矣然

非遼之所得殺也春秋齊人殺哀姜君子非之

况梁氏非姜氏比乾順幸母之死以為利其尙

有人理哉書曰遼殺夏主母交罪之也

二月為遼人攻拔思母部

拔思母部遼國西南招討使所轄大安末與達里

底部頗為遼難殺四捷軍都監特抹等左金吾衛

西夏書事 卷三十一 二

上將軍蕭阿魯帶擊降之已而復叛遼屢討不悛

命乾順舉兵伐之

大首領陵結訛遇以兵扼歸漢人于神堆與邸延將

張誠等戰不勝

乾順以中國并建城砦數遭掩擊部族離散歸漢

者益衆令陵結訛遇率數萬衆于神堆及波濟立

魯遜埋諸險要駐營扼之邸延鈐轄張誠劉安白

星勒泊烏延川襲擊斬四千級降四百餘人訛遇

大敗還

南路都統軍嵬名律令遺書熙河請修貢

蕃部嵬名密賚律令書入熙河稱夏國欲再遣使
乞脩貢經畧使孫路上其書哲宗以擅接夏國文
字降路官以書還使者

三月遼遣使爲請和銀州鈐轄令王皆保以兵掠府
州

乾順遣使訃告及修貢俱不納用嵬名濟等謀使
人至遼國請之遼主遣簽書樞密院事蕭德崇禮
部尚書李儼入獻玉帶持書爲夏解和畧曰粵維

西夏書事

卷三十一

三

夏臺實爲藩輔累承尙主迭受封王近歲以來連
表馳奏稱南兵之大舉入西界以深圖懇求救援
之師用濟攻伐之難理當依允事貴解和蓋遼之
于宋情重祖孫夏之于遼義隆甥舅必欲兩全于
保合豈知一失于綏誠而况于彼慶歷元豐中曾
有披聞皆爲止退寧謂輒違先旨仍事遠征倘蔽
議以無從慮造端而有自則于信誓諒係謀維與
其小不忍而窮兵民罹困敝曷若大爲防而善計
世享太平特戒使輒敢達誠素哲宗命中書舍人

郭知章持書報曰惟西夏之小邦實本朝之藩輔

曲加封植俾獲安全雖與北嘗有婚姻之親而在
南全居臣子之分含容旣久變詐多端爰自累歲
以來無復事上之禮賜以金繒而不已加之封爵
而愈驕殺掠吏民圍犯城邑推原罪惡在所討除
聊飭邊防預修武備據守要害控扼奔衝輒于去
歲之冬復驅竭國之衆來攻近塞凡涉兩旬自取
死傷數以萬計糧盡力屈衆潰宵歸更爲詭誕之
辭妄求拯救之力狡獪之甚于此可知采聽之餘

西夏書事

卷三十一

四

固應洞曉必謂深加沮抑乃煩曲爲勸和示以華
絨將之聘幣禮雖形于原意事實異于前聞緬料
雅懷殊非得已顧于信誓殊不相關惟昔興宗致
書仁祖諭協力蕩平之意深同謀外禦之情致欲
全除使無噍類謂有稽于一舉誠無益于兩朝宗
祖貽謀斯爲善矣子孫繼志其可忘諸今者詳味
緝辭有所未諭輒違先旨諒不在茲如克念夫前
徽當益敦乎大信相期固守傳示無窮矧彼夏人
自知困蹙哀所請命屢叩邊關已戒封疆之臣密

察情偽之狀倘或徒為空語陰蓄奸謀暫示柔伏之形終懷窺伺之志則決須討伐難議矜容若果出至誠深悔前罪所言可信聽命無違即當徐度所宜開以自新之路載惟聰聽必諒愜衷使者甫出境乾順令令王皆保出兵突入府州境殺掠人民與知州折克行戰被擒

按周氏發明謂是役也遼有恤鄰之誼故續綱目以書人子之夫夏于遼宋中間屢造兵端然宋常為敵而遼時為援故夏兵勝則遼乘之以

西夏書事

卷三十一

五

肆要求夏勢衰則遼因之以示排解雖救難恤鄰春秋賢之而遼之此舉則未必然也觀于王帶之禮方將鈐轄之師旋出不必遼人明知其計已令宋人難以為情況乎德崇入境遼亦宿兵北道時集賢殿修撰張近知瀛州請出秦甲以伐其謀兩國之狡槩可見矣

附李氏長編三月丁巳呂惠卿言討蕩西界魯

遜埋勒等處脇降蕃戶王固稱係夏衙頭服事小大王王差往宥州統領處使充走馬此事不

見宋史且小大王夏國傳亦無攷

夏四月誅嵬保沒陵結訛遇等遣使入告

初國中用事臣嵬名阿吳死仁多保忠等皆統軍在外嵬保沒與訛遇日勸梁氏開邊及遼使解和嵬名濟等勸乾順遣大使嵬名布嚒聿介入告哀且謝罪哲宗令檢二人入獻即與收接表章乾順乃以梁氏死歸罪二人殺之遣蕃部昌哥遇至順寧若告其事且云已差大首領慶瑯嵬名科逋磋邁花結香來計會今國主恭順乞朝廷早賜收接

西夏書事

卷三十一

六

慶瑯磋邁皆蕃官名也

五月蘭會正鈐轄革瓦嬖內附

以所部孳畜及部落子隴登等入降授內殿崇班賜銀絹錢各三百

毀鄜延路烽臺

經畧司遣兵追不及

六月復遣使賚牒詣鄜延告哀

使人兩至鄜延朝議固卻其表無以示收納意令保安軍移牒諭之乾順遣首領德明雅逋木攀至

順寧岩但有告哀公牒無謝罪表狀岩主李子明詰問使言舊例先送告哀牒然後差使副賈表狀赴闕子明以與前議不合申經畧司呂惠卿以聞哲宗命再牒宥州諭之

秋七月赤羊川首領賞囉訛乞內投監軍訛勃囉追之敗沒

賞囉訛乞遣所屬納木乞僧報欲歸漢知環州种樸以兵迎之并其家屬百五十餘口孳畜五千會勃囉巡視野岩率千餘騎追擊為樸所敗勃囉及

西夏書事 卷三十一 七

首領淚丁訛遇札實等被擒宋史夏國傳七月環州种樸巡徽赤羊川

獲賞囉訛乞等家屬孳畜與李氏長編異

八月熙河軍入界首領仁多洗忠被殺

洗忠仁多保忠弟熙河遣硬探人入界范純粹奏議自种諤

領帥以來許諸將遣發人馬入西界侵掠謂之硬探洗忠挺身鬪被殺夏衆

出援奪其尸而回

遣衆圍南宗堡

初西蕃阿里骨死其子瞎征殘暴嗜殺部曲離貳洮州安撫使王瞻率兵取其地瞎征衆潰遂自青

唐入降大酋心牟欽瓊與董瓊妻契丹公主阿里骨妻夏國公主即董瓊子迎董瓊疎族溪巴溫入蘭通比妻青唐立木征子攏抄為主汪藻青唐錄會布日錄俱以攏抄為溪巴溫次子與宋史異假夏國公主書請援乾順遣兵五千餘人攻南宗堡王瞻以熙河蕃兵擊之乃退

九月遣使上謝罪表以兵入鎮戎軍殺供奉官陳告等

宥州移牒云人使未獲赴闕恐有疑阻又諸路脩築城岩擄掠人口未已乞即止絕哲宗以前寇熙

西夏書事 卷三十一 八

河牒詞不遜令卻使進討已有夏國近上首領賞

哆吼報言衙頭密謀若事急則納土北歸遼國矣朝議未定乾順又令宥州牒言欲以母遺留物入

獻執政謂其不忘恭順乞與收接表狀于是謝罪使得見于崇政殿上表曰伏念臣國起禍之基由

祖母之世蓋大臣專僭竊之事故中國與弔伐之師因曠日以尋戈致彌年而造隙尋當冲幼繼襲

弓裘未任國政之繁難又受慈親之裁制始則凶舅擅其命頓生衅端繼復奸臣固其權妄行兵戰

致貽上怒更用窮征久絕歲幣之常儀頓削祖宗之故地咎有所屬理尙可伸今母氏薨殂奸人誅竄故得因馳哀使附上謝章矧惟前咎之所由蒙睿聰之已察亦或孤臣之是累冀寶慈之垂矜特納赤誠許脩前約念赦西陲之敵國得反政之初願追列祖之前猷賜曲全之造俾通常貢獲紹先盟則質之神靈更無于背德而竭乎忠盡永用于尊王哲宗賜詔曰省所上表前情具悉爾國久歷年所屢啟兵端迨爾母氏復聽奸謀擾我疆場毒

西夏書事

卷三十一

九

及察庶天討有罪業何可容今兇黨殲除爾既親事而能抗章引慝冀得自新朕喜爾改圖姑從矜貸已指揮諸路經畧使令各據巡綽所至明立界至并約束城砦官兵如西人不來侵犯卽不得出兵過界爾亦當嚴戒緣邊首領毋得滋擾邊境未幾乾順遣騎二千餘出浮圖岔犯鎮戎軍陳告與差使李戴迎戰殺之

閏九月統軍仁多保忠率兵助西蕃圍湟州不克王贍擊降攏拶以邈川爲湟州青唐爲鄯州二城

距興靈止二百里南有講珠羅羅二城與湟州北阿訛城相接羌酋心牟欽德箋羅結聚數千人圍湟州遣使數輩乞師乾順使保忠及達摩等三監軍兵十萬助之先斷炳靈寺橋燒星章峽棧道四面急攻分兵破南宗堡獲守將劉文珪驅至城濠謂總管王愍曰吾所欲城與地耳第以城歸吾當捨汝愍謂文珪曰爲吾語夏人天子俾吾守城能殺我城可得也攻圍十六日愍守益堅保忠令于南城積薪數萬將焚門會諸將苗履姚雄李忠傑

西夏書事

卷三十一

十

各率所部赴援戰于青唐峽烟塵亘天夏人不知多少惶遽渡湟水還鈐轄鬼名夥遇被獲冬十月移牒鄜延請申約束初宥州牒鄜延請遣使進誓表中國以湟州之役不肯收接回牒詰犯塞之故至是復牒鄜延言已約束首領不得更犯漢界遣使如遼謝

以中國許和故也十一月進誓表

乾順遣令能鬼名濟進奉御馬上表謝恩畧曰臣國不幸時多遇凶兩經母黨之擅權累爲奸人之竊命頻生邊患頗虧事大之儀增怒上心用張弔民之伐因削世封之故地又罷歲賜之舊規鮮隳既深理新難達昨幸上天之祐假聖朝之威凶黨伏誅稚躬反政故得遐馳懇奏陳前咎之所歸乞紹先盟果淵衷之俯納蒙頒詔而申諭俾貢誓以輸誠備冒隆恩實增慶躍臣仰符聖諭直陳誓言願傾一心脩臣職以無怠庶斯百世述貢儀而益

西夏書事

卷三十一

十一

虞飭疆吏永絕爭端誠國人恒遵聖化若違茲約則咎凶再降倘背此盟則基緒非延所有諸路緣邊界至已恭依詔旨施行本國亦于漢界以外側近各安立卓望并若子去處更其舊行條例并約東事節一依慶歷五年正月二十二日誓詔施行哲宗遣使以銀器衣著各五百疋兩賜之答詔曰爾以凶黨造謀數干邊吏而能悔過請命祈紹先盟念茲種人亦吾赤子措之安靜乃副朕心嘉爾自新俯從厥志爾無爽約朕不食言所當顯論國

人永遵信誓除疆界並依已降旨以諸路人馬巡綽所至立界堠之處爲界兼遼川青唐已係納土歸順各有舊來界至今來並係漢界及本處部族有逃叛入夏者卽係漢人并其餘應約束事件一依慶歷五年正月二十二日誓詔施行自今以後恩禮恩賜並如舊例

十二月遣使乞賀正旦

先保安軍牒言誓表內誠國人下一字犯眞宗皇帝廟諱乾順遣使謝罪且乞遵例賀正使人并言

西夏書事

卷三十一

十一

國主效順皆大首領鬼名濟輔導之力今賀正屆期濟勸國主遣使貢奉因誓詔未至不敢遽進

元符三年遼壽昌六年夏永安三年春正月西蕃以南宗

堡來附不受

南宗北控夏國南接星章峽西連宗哥城形勢天險自錢羅結叛諸堡殘破及官軍出羌衆潰散諸城咸卽歸順獨南宗負固不下姚雄苗履屢攻不克羌人請附夏國乾順不受惟假兵數百成之秋七月遣使奠慰

初夏使入朝預牒邊臣除館以待及為境上之議故為此去彼來牽制勞苦每違期日吏部侍郎陳堯叟請戒邊臣如違期不至則勿復應自後不復敢違是時聞哲宗崩即遣使入弔并奠慰

八月入賀即位

使人與遼使蕭穆同見並賜燕加禮而還

冬十月遣使入貢

時中國貶姦臣章惇等使人入見賜賚甚厚宋史夏國

傳元符三年十月夏遣使賀天寧節改哲宗紀十月乙未夏人入貢徽宗紀建中靖國元年十月丁

西夏書事 卷三十一

三

西天寧節羣臣及遼使初上壽于垂拱殿是是年帝在新喪未行吉禮不可云賀天寧也

十一月請婚于遼

乾順以梁氏之死恐遼國見疑益思自結故以尚

主請遼主不許

宋徽宗建中靖國元年遼天祚乾統元年夏貞觀元年春二

月遼使來告哀

道宗喪也

夏四月遣使如遼奠慰

乾順遣御史中丞蘇愈如遼時與高麗使並至愈

禮節嫺雅館伴耶律德倫特重焉

五月進助山陵

葬欽聖憲肅皇太后欽慈皇太后于永裕陵乾順

遣使獻物助工

秋八月始建國學

自曩霄創建蕃學國中由蕃學進者諸州多至數百人而漢學日壞士皆尚氣矜鮮廉恥甘罹文網

乾順患之御史中丞薛元禮上言士人之行莫大

乎孝廉經國之模莫重於儒學昔元魏開基周齊

西夏書事 卷三十一

四

繼統無不尊行儒教崇尚詩書蓋西北之遺風不

可以立教化也景宗以神武建號製蕃字以為程

文立蕃學以造人士緣時正需才故就其所長以

收其用今承平日久而士不興行良由文教不明

漢學不重則民樂貪頑之習士無砥礪之心董子

所謂不素養士而欲求賢譬猶不琢玉而求文采

也可得乎于是乾順命于蕃學外特建國學置教

授設弟子員三百立養賢務以廩食之

按夏自元昊制蕃書立蕃學變本而加厲之數

世以來未之改也乾順聽元禮之言建學崇儒
設弟子員以儲人材立養賢務以給廩餼有其
舉之莫敢廢也較諒祚之用漢禮求賜書不更
有進耶

冬十一月遣使如遼賀即位

天祚嗣位已十月賀使始至館伴傳遼主命責之

恤仁多洗忠家

洗忠戰沒熙河子幼未授職仁多保忠請之乾順
命先以廩祿賜其家

西夏書事

卷三十一

五

崇寧元年

遼乾統二年

夏貞觀二年春二月與河西軍節

度使趙懷德結婚

懷德卽攏抄中國以羌人久亂王瞻等不能定議

棄鄯湟賜攏抄姓名曰趙懷德授河西軍節度使

其弟邦辟勿丁呷曰懷義同知鄯湟二州事乾順

見西蕃恢復故土重申姻好許以宗室女妻懷德

高永年隴右錄謂梁氏以女妻懷德時梁氏已死錄誤

夏六月復遣使如遼請婚

乾順使殿前太尉李至忠秘書監梁世顯如遼貢

獻請婚遼主問乾順爲人至忠對曰秉性英明處
事謹慎守成令主也遼主善其對命徐議之

附遼史天祚紀乾統二年夏六月壬子李乾順

爲宋所攻遣李造福田若水求援攻宋史徽宗

紀是年無用兵西夏事

秋八月築沿邊堡砦

國中素少城砦乾順仿中國制于東北沿邊多樹
砦柵廊延路以聞朝議舉兵牽制知秦州何常爭
之兵不出

西夏書事

卷三十一

六

冬十月淚丁訛遇自環州還

初訛勃囉被擒以信號與種樸令招其家人及其

所部并論訛遇降訛遇不可囚之土室中三年至

是賂守者得脫還乾順嘉其不屈擢爲監軍使使

守赤羊川

崇寧二年

遼乾統三年

夏貞觀三年春二月建臥佛寺于

甘州

乾順自母梁氏卒輒供佛爲母祈福甘州僧法淨
于故張掖縣西南甘浚山下夜望有光掘之得古

佛三皆臥像也獻于乾順乾順令建寺供之賜額臥佛

三月羌人圍鄯州河西軍節度使趙懷德請援

羌人多羅巴奉响斷囉裔溪賒羅撒宋史吐蕃傳以溪賒羅撒

為溪巴温子王厚傳以謀殺懷德以復國舉數萬

眾圍鄯州懷德遣使至夏國請兵乾順遣仁多保

忠帥兵援之兵未至多羅巴三子皆善戰懷德力

不支棄州奔河南

夏五月復乞婚于遼

西夏書事

卷三十一

七

遼主許之

附遼史天祚紀乾統三年冬十月庚申夏國復

遣使求援攻是時夏與宋尙未交兵不知何以

求援宋史夏國傳不載

秋九月封弟察哥為晉國王

察哥乾順庶弟雄毅多權畧引弓二石餘射洞重

甲嘗偕仁多保忠援錢羅結兵敗前迫湟水不得

渡察哥持弩拒之一發中苗履副將宋兵退乃免

任都統軍鎮衙頭建議言自古行師步騎並利國

家用鐵錫子以馳騁平原用步跋子以逐險山谷

然一遇陌刀法鐵騎難施若值神臂弓步奚自潰

蓋可以守常不可以禦變也夫兵在審機法貴善

變羌部弓弱矢短技射不精今宜選蕃漢壯勇教

以強弩兼以標牌平居則帶弓而鋤臨戎則分番

而進以我國之短易中國之長如此則無敵于天

冬十二月入賀正旦

使臣田守義朝賀畢就館燕時中國謀伐夏館伴

西夏書事

卷三十一

六

呂約試探虛實守義正色曰如君所言豈使臣分

事耶約愧而止

西夏書事卷三十一終

西夏書事卷三十二

青浦 吳廣成西齋

崇寧三年遼乾統四年夏貞觀四年春二月廢統軍仁多

保忠以兵攻渭延慶三州

左廂卓羅監軍司地在黃河北統軍仁多保忠素

黠桀駐兵剴子山總領西南部族與邈川首領温

溪心鄰境相善元祐中邊臣令温溪心委曲勸諭

許除節度使令保守舊土自為一番以梁乙逋猜

忌不敢動乙逋死保忠曾遣使至熙河請內附不

西夏書事 卷三十二

曾布日錄云元符初環慶將李忠傑出兵襲剴子山欲擒仁多保忠不獲獲其牛羊族帳甚衆

時尙書左僕射蔡京使熙河帥王厚招之厚言保

忠雖有歸意下無附者章數上京責厚益急乃遣

其弟赴保忠所計事還為邏者所獲乾順追保忠

赴牙帳京猶欲招致厚言保忠不能復領軍政使

得之一匹夫耳何益于事京不聽潛使人以金帛

誘之乾順怒聲言假兵于遼點精兵數千騎出入

渭延慶三州間抄掠民畜大肆慢辭

按夏自元昊僭號世世窺邊罪之者不去桀黠

即曰凶頑蓋尊中國賤蠻夷春秋法也迨乾順

請和歲時入貢朝廷因其慕義正當示以懷柔

况其國中建學養賢不復尚武此正德綏之會

禮致之秋也夫何欲建邊功潛施計誘使其君

臣疑貳復啟兵端謀國不臧誰之咎與

夏五月遣兵爭石堡城不克

初鄜延將景思立曲珍攻拔磨崖葭蘆浮圖諸砦

知延州沈括議築城不果及陝西轉運使陶節夫

知延州議築州北之石堡砦石堡以天澗為險可

西夏書事 卷三十二

進者惟一路宋初嘗置城至道後廢之遂為夏有

塞粟其間以千數城既成乾順憤曰漢家奪吾金

窟塢亟發鐵騎爭之節夫部分將士擊敗夏兵統

軍以下被殺者數十百人

六月戰于靈州川復敗遣使求援于遼

河南四十五州夏國十有其四東路由清遠距羅

山訖靈武不及百里特以五監軍統焉而韋州又

恃靈武為右臂鍾傳欲斷其要害遣將折可適領

銳騎出蕭關薄靈州川夏兵猝不備大敗蕃民扶

老挾稚中夜入州城被俘者甚夥宋史郭浩傳徽宗時為環慶將嘗率百騎抵靈州城下夏兵千人追之浩手斬二人以首還與可適傳異乾順乃遣李造福田若水至遼求援

冬十月遣使請和不得掠鎮戎軍

中國用蔡京計令西邊招致夏人毋論首從賞同斬級陶節夫在延安大加招誘西民放牧近邊者輒賜以兵不從則殺之乾順異詞請和節夫拒之不得達乾順怒合四監軍衆突入涇原圍平夏城殺鈐轄楊忠攻鎮戎軍掠數萬口而返宋史夏國傳三年夏

西夏書事 卷三十二 三

人攻鎮戎掠數萬口執鄜州知州高永年而去攻永年被殺在四年攻宣威城時傳誤

按節夫大加招誘輒殺放牧夏不之怨從而請和可謂有禮矣乃拒不以聞致邊民塗炭曲豈

在夏與

附宋史李南公傳知延安府夏人攻涇原南公

出兵搗其虛夏兵乃退攻夏國傳當夏人犯涇

原時國中不聞有受兵事

崇寧四年遼乾統五年夏貞觀五年春正月復乞援于遼

遼為之請罷兵

乾順復遣李造福等如遼求援且乞伐宋遼主出兵千餘屯塞上遣樞密直學士高瑞禮入貢以姻婭為言請罷伐夏兵

二月月入東井

犯距星未幾犯水位

監軍駙馬兀朮率師援銀川岩戰于蒿平嶺敗歿遂失銀州

初徐禧等于永樂小川築新城距故銀州二十五里前據銀州大川賜名銀川岩及永樂陷銀川亦

西夏書事 卷三十二 四

沒至是官軍圍之城固守裨將韓世忠斬關殺守城將擲首陴外諸軍乘之岩遂潰兀朮以重兵赴援次蒿平嶺與世忠戰不勝而走俄出間道爭之復敗死于陣銀州守將皆棄城走

三月癸亥犯東井

留井距入鉞

以兵納西蕃溪賒羅撒攻宣威城不克

洮西安撫使王厚再定鄯湟吐蕃種落散亂溪賒羅撒與多羅巴走投夏國乾順謀納之合四監軍

兵數萬攻宣威城即吐蕃麓牛城知鄯州高永年

出援行三十里逢羌帳下親兵數百迎之皆永年

昔所推納熟戶信之不設備羌遠執之多羅巴謂

其下曰此人奪吾國使吾宗族漂落無處所殺之

探其心肝食焉徽宗令援兵深入急分其勢無令

專向東方熙河鈐轄趙隆至鐵山先登陷陣士卒

殊死戰夏兵聞之遂解圍

按春秋書納不應納者也茲書者子夏也响氏

有大功于宋瞎征攏抄輩為王厚所逼舉土出

西夏書事 卷三十二 五

降宋之負西蕃甚矣溪賒羅撒乃响氏裔多羅

巴奉之襲據青唐亦自復故地非與中國爭也

自童貫再復湟鄯種落摧殘乾順以姻好之故

為之出攻宣威非興滅之義乎

遼以宗女來歸

遼主封宗女南仙為成安公主歸于乾順宋史夏國傳在

崇寧三年茲從遼史天祚紀

按前義成興平書公主矣茲書宗女見成安之

賢不以公主重也不以公主重則非義成興平

所可並稱者故異文書之

掠塞門砦

乾順以陶節夫城銀州遣兵爭之謀告夏衆已東

節夫曰必西趨涇原也遣裨將耿端彥率兵疾馳

至銀州護之五日城成夏兵從涇原至見備禦已

固由杏子河東山入延州塞門砦大掠五日還

遣兵爭蕭關敗環慶將折可適于踏口

蕭關善水草便屯聚為夏國左臂地有舊城址鍾

傳議城之遣可適將兵護役遇雨失道至踏口夏

西夏書事 卷三十二 六

兵乘之可適敗走

夏四月攻臨宗砦不克

臨宗屬湟州圍之數重伏兵乳酪河西邀截中國

援兵知州辛叔憲遣部將李寧將兵出戰先以鐵

騎蹂伏處縱兵奮擊遂敗

按宋自蔡京專政童貫擅兵開邊生事非西蕃

即西夏耳西蕃衰亂勢不復支西夏恃其兵力

連次入擾然俱不書寇以曲在中國不得專罪

夏也

五月攻順寧砦及北蕃市城又敗

陶節夫既城石堡銀州上言洪宥諸州已在顧盼

中橫山之地十有七八興州巢穴淺露直可計取

因陳取興靈之策蔡京令西邊儲粟以待乾順聞

之先以兵攻順寧砦鄜延第二副將劉延慶奮擊

乃退轉攻涅州北蕃市城又為辛叔憲所敗

六月遣使如遼謝

因賜婚也且貢方物

冬十二月復使乞援于遼遼使入請侵地

西夏書事

卷三十二

七

乾順復遣李造福田若水趣遼赴救遼使樞密副

使蕭艮入朝言朝廷出兵侵夏今大遼以帝妹嫁

夏國主請早退兵還所侵地徽宗遣翰林學士林

摠報使

崇寧五年

遼乾統六年

夏貞觀六年春正月彗星見

出西方其長竟天

二月遼復為求侵地

初林摠報聘蔡京密使激怒遼國以絕其請摠盛

氣入境迓者小不如儀輒詬辨及見遼主始跪授

書即抗言夏人有罪北朝不能加責而反為之請

耶遼君臣不知所對及還遼主使摠附奏求還夏

國城砦摠語復不遜遼主怒逐之遣知北院樞密

使蕭得里底南院樞密使牛溫舒以使人失禮入

告仍請還元符講和以後所侵夏地徽宗許還崇

寧以來侵地若先帝已定疆畫不得復議也

遼史牛溫舒傳溫舒與蕭得里底使宋方大宴優人為道士裝索土泥藥爐優曰土少不能和溫舒遽起以手

藉土懷之宋主問其故對曰臣奉命來和若不從則當捲土收去宋人大驚遂許夏和

按遼之于夏世為婚姻嘗為之乞和請地求退

西夏書事

卷三十二

八

兵無足異者而宋自紹聖中章棗戍平夏拓砦

五十餘所又經陶節夫日肆進築夏之削弱甚

矣于此而扶其衰排其難恤鄰之誼誰曰不宜

况受林摠之侮絕不與中國較遼之此舉事出

至公故疊書子之

夏六月遣使如遼謝

中國既許夏和廢銀州為銀川城罷五路經制使

徒陶節夫知洪州乾順遣李造福如遼謝解和之

德

冬十月遣使入謝

自延慶之役兵連者三年至是始修職貢自後歲時通使邊境少安

大觀元年遼乾統七年夏貞觀七年秋八月遣使入貢

會中國大宴饗故制外國使預宴者夏使于西廊

南赴坐交使以次歇空進奉押衙次交州契丹舍

利從人則于東廊南赴坐大中祥符四年升交州

于朶斡夏州押衙于東廊南頭歇空坐七年又升

龜茲使副于西廊南坐自後遂為定制是時于闐

西夏書事 卷三十二 九

龜茲涪州夷入貢夏使坐三使上成禮而還

大觀二年遼乾統八年夏貞觀八年夏四月世子仁愛生

世子成安公主所生乾順遣使告于遼

按子生不盡書茲書仁愛何仁愛為遼公主所

生異時痛遼國之亡憤悒而卒是可誌也

六月以兵戍蓋龍境

中國既復洮州復攻溪哥城西蕃王子臧征撲哥

降建積石軍距蓋龍境不及百里乾順恐被侵掠

以兵五千戍之

秋九月移牒定邊軍請罷築堡

定邊軍向距甜井背多移嶺界堠十餘里嘗築觀化通化二堡扼通所嶺通祖嶺諸隘至是又于勒

崖原築神堂堡去卓望處僅三里乾順移牒請罷

役不報

冬十月使賀天寧節

中國盡收西蕃地徽宗下詔曲赦熙河蘭湟秦鳳

永興軍路兵民歡悅使人由熙河入一路迎者咸

加禮

西夏書事 卷三十二 十

大觀三年遼乾統九年夏貞觀九年春二月遣焦彥堅至

涇原定疆界不果

自紹聖後西邊疆議不定乾順屢以為言時遣彥

堅入涇原請畫界至知懷德軍种師道留與議彥

堅必欲得故地師道曰如言故地當以漢唐為正

則君家疆土益蹙矣彥堅無以對

夏四月遣使如遼

使人焦彥堅歸乾順與羣臣謀曰身膺宗社之重

不能復先朝故土恥也然朱恃兵威非仗北朝之

力勢且不能因使人告于遼請遣信使諭宋

冬十月遣使入貢

使人與闍婆占城使同入見

大觀四年

遼乾統十年

夏貞觀十年春正月入貢方物

乾順請遼諭宋遼主不許復使人獻方物冀得要

請押伴左司員外郎范坦應對有節使不敢爭

三月遣使貢于遼

仍以李造福充供奉使造福于是五使遼矣

秋九月瓜沙肅三州飢

西夏書事

卷三十二

十一

瓜沙諸州素鮮耕稼專以畜牧為生自三月不雨

至于是月水草乏絕赤地數百里牛羊無所食蕃

民流亡者甚眾監軍司以聞乾順命發靈夏諸州

粟賑之

冬十月太白晝見

羣臣咸謂主兵喪請修省不報

政和元年

遼大慶元年

夏貞觀十一年夏六月遣使貢于

遼

遼主清暑散水原將出獵使人見于行在命從行

秋八月夏州大水

大風雨河水暴漲漢源渠盜陷長隄入城壞軍營

五所倉庫民舍千餘區

冬十二月遣使入貢

夏國入貢正旦聖節居多元豐末神宗詔夏使見

辭儀永依嘉祐八年為例至是中國重立儀制使

人遂遵新儀廷見宋史禮志政和新儀夏使見日

入殿庭副使同入西向立舍人揖躬舍人當殿躬

表函舍人受之副入內侍省官進呈使者起歸位

西夏書事

卷三十二

十三

過俛伏與再拜舍人曰各祇候揖西出次從人入

不奏即引當殿四拜起居舍人宣賜分物兼賜酒

食跪授箱過俛伏與再拜舍人曰各祇候揖西出

辭日引使副入殿庭西向立舍人揖躬舍人當殿

資格進

凡宗族世家議功議親俱加蕃漢一等工文學者

尤以不次擢

夏六月朔白虹貫日

乾順命諸臣直言得失御史大夫謀寧克任疏言

治法之要不外兵刑富國之方無非食貨國家自
青白兩鹽不通互市膏腴諸壤寔就式徵兵行無
百日之糧倉儲無三年之蓄而惟恃西北一區與
契丹交易有無豈所以裕國計乎自用兵延慶以
來點集則害農時爭鬪則傷民力星辰示異水旱
告災山界數州非侵卽削近邊列堡有戰無耕于
是滿日瘡痍日呼庚癸豈所以安民命乎且吾朝
立國西陲射獵爲務今國中養賢重學兵政日弛
昔人云虛美薰心秦亂之萌又云浮名妨要晉衰

西夏書事

卷三十二

三

之兆臣願主上旣隆文治尤修武備毋徒慕好士
之虛名而忘禦邊之實務也乾順善之不能用

按夏自貞觀以後賁受以剝之象也宋以闔宦

主兵猶能制之若後無金人之禍得如中興諸
將宣力西陲夏國之亡不待智者決矣克任之
言殆有見于此歟

冬十月使賀天寧節

宋制蕃使同日見辭先夏國次高麗次交阯次海
外諸蠻所以優夏也時新置知客省引進四方館

東西上閣門事等官使者朝辭蔡京等故作矜嚴
以示降抑使回乾順不說

政和三年遼大慶三年夏貞觀十三年春三月遣使入貢

中國以天賜元圭冊告永裕永泰二陵大享羣臣
夏使至燕資過優以誇其盛

夏六月使貢于遼

遼主好遊獵夏使入國遼主尙在混同江不得見
旣聞清暑南崖仍朝于行在

冬十月降羌李訛哆誘襲定遠軍統軍梁哆陵出兵

西夏書事

卷三十二

四

應之

元符中西蕃首領李訛哆內降授環州定遠蕃族
大首領子遇昌爲環慶守將訛哆陰害粟數十萬
遺書哆陵曰我居漢二十年每見春廩旣虛秋庾
未積糧草轉輸例給空券方春未秋土有飢色若
捲甲而趨徑擣定遠唾手可取定遠旣得則旁十
餘城不攻自下我積穀累年掘地藏之所在皆是
大兵之來斗糧無資可坐而飽也陝西轉運使任
諒廉知其謀募人盡發窖粟分輸定邊諸城堡及

哆陵圍定遠失所藏而還越七日訛嚳以所部萬餘騎歸夏

十二月寇觀化堡不克

自來夏國大舉未嘗過二十日是時乾順用李訛嚳為將以數萬眾入定邊軍圍觀化堡力攻二十五日不克乃退

政和四年

遼大慶四年

夏雍寧元年春三月築藏底河城

保安軍之北界上有汭流曰藏底河乾順遣兵據山築城為進取計徽宗命宦官童貫為陝西河東

西夏書事

卷三十二

五

河西經畧使討之

夏五月進兵據天都峯拒鄜延將劉延慶兵于藏底河卻之

天都自元符中為中國所取築峯其上乾順既城藏底遣眾復之延慶率兵攻圍城守嚴不能破裨將韓世忠夜登城斬二級割護城墮以還夏兵從佛口嶺赴援世忠力戰過藏底河夏兵追及之世忠不勝而退

冬十月城洪夏軍為知西安州神師道所破

乾順遣兵深入過定邊軍築城佛口谷名洪夏軍童貫使神師道率兵攻之城四旁絕少水源軍士渴甚師道指西山麓曰是當有水命工鑿之果得城上人驚以為神軍中氣沮遂為所破

政和五年

遼大慶五年

夏雍寧二年春正月卻秦鳳兵于

清水河復與熙河兵戰古骨龍敗績

清水河北界與卓囉監軍地相對童貫謀取之遣熙河經畧使劉法將步騎十五萬出湟州秦鳳經畧使劉仲武將兵五萬出會州貫以中軍駐蘭州

西夏書事

卷三十二

六

為兩路聲援仲武由麻累山西至清水河夏兵拒之不得進築城置守還劉法直抵古骨龍夏右廂兵數萬迎戰大敗被殺三千餘人

夏四月復以兵爭葦葦城不克

乾順每于中國進築之始必遣兵力爭至于三四不能得方已時神師道督諸道兵城葦葦平初賦土夏兵大至壁葫蘆河以待師道陣于河汭若將決戰者陰遣偏將曲充由間道出橫嶺揚言援軍至夏兵方駭顧折可世潛軍軍其後姚平仲復以

精甲擊其前夏兵大潰

秋八月敗涇原等四路官兵于藏底河城

童貫令劉仲武王厚合涇原鄜延環慶秦鳳之兵

攻藏底河城乾順遣兵擊之官軍大敗死者十四

五秦鳳第三將軍萬人皆沒

九月至蕭關大掠

乾順乘藏底河城之勝縱兵突入蕭關掠蕃漢人

畜無數至葫蘆河不得渡而返

冬十月遣使入貢

西夏書事

卷三十二

七

乾順遣使言熙河涇原諸路用兵不已請詔止之

蔡京等不許

西夏書事卷三十二終

西夏書事卷三十三

青浦 吳廣成西齋 纂

政和六年

遼大慶六年

夏雍寧三年春二月仁多泉城降

于熙河將劉法法屠之

童貫使劉法合熙秦之師攻仁多泉城守將遣使

請救乾順命晉王察哥將兵援之察哥聞法名不

敢進城中孤守月餘力竭出降法受而屠之死者

三千餘人

按殺降兵家所忌屠之虐更甚矣異時統安之

西夏書事

卷三十三

一

敗法不得其死宜哉

秋七月李訛哆被獲伏誅

訛哆在夏國漸用事與于遇昌常引兵入寇至是

入邊偵事為熙河邏卒所獲徽宗詔誅之函其首

于甲庫

冬十一月破靖夏城屠之

自紹聖崇寧節次進築夏南境地僅存五六千里

居民皆散處沙漠山谷間涇原又築葦葦平為靖

夏城形勢更蹙乾順大舉兵攻之時久無雪先使

數萬騎繞城踐塵漲天潛穿濠為地道入城城陷
盡屠之以報仁多泉之役 周禮曰屠者暴之也
劉法屠仁多泉城夏人屠靖夏城遞相報復無時
休息率土地以食人肉其禍慘矣其罪甚矣然非
夏之跋扈實宋之自取也耳

攻石尖山兵潰

先是种師道築安平砦乾順遣重兵據砦水源渭
州都監郭浩率精騎數百奪之兵退轉攻石尖山
浩復冒陣而前流矢中左脇不拔奮力大呼諸軍

西夏書事

卷三十三

二

從之夏兵不能禦遂潰

十二月遣使入貢

時中國以熙河進築功成進執政等官使副廷見
並加詰責怏怏而回

政和七年

遼大慶七年

夏雍寧四年春二月种師道帥師

克藏底河城

師道率陝西七路兵共十萬征藏底河城期以旬
日必克既薄城下城中守備固攻之不破至八日
師道斬不用命者安邊巡檢楊震率壯士先登斬

級數百衆乘而上守城卒驚潰遂克之 宋史地理志政和三年夏災乞進築藏底河城不果六年知慶州姚古克之即威德軍與种師道傳異

按藏底河城小而堅夏人恃以為固師道八日
克之功亦偉矣然亦見地利之不足恃也負險
者可以鑒矣

夏四月鄜延將劉延慶破成德軍大首領賞屈被執
西蕃王子益麻黨征內降

童貫又使延慶襲破成德軍擒賞屈黨征等遂舉
衆降 宋史鄭襄傳大觀中羌人假黨征名歸附童貫奏賜姓名趙懷恭官團練使至是黨征自

西夏書事

卷三十三

三

西寧求歸貫懼事洩議者希貫意幾欲絕之云

重和元年 遼大慶八年 夏雍寧五年春二月圍震武軍

震武即古骨龍城童貫進築賜名地山峽中熙
秦兩路不能餉自築城後夏國數以兵爭殺知軍
事李明時熙河涇原環慶同日地震民心慌亂乾
順遣兵從善治堡入圍之知軍孟明出關被創危
甚熙河將劉法率兵赴援圍乃解

夏四月入丁星原大掠

丁星原在乳酪河西距湟州綏遠關四十里初劉

法解震武圍于睹令古城北連築德通石門兩城
堡乾順具通遣兵入丁星原圍之見禦備固旁掠
六日而還徽宗詔再築靖夏伏羌制戎等城爲備
史臣曰雍熙元年復以銀夏綏宥四州授李繼
捧自後四州之地不復領職方熙寧始務關土而
种諤先取綏州韓絳繼取銀州最後李憲取蘭州
沈括復取葭蘆米脂安疆浮圖等砦迨元祐更張
仍以葭蘆四砦給賜夏人而分畫久不能定紹聖
遂罷前議督諸軍乘勢進討自三年秋迄元符二

西夏書事

卷三十三

四

年冬凡陝西河東建州一軍二關三城九砦二十
八堡十崇寧政和間陶節夫鍾傳之徒又建仁多
泉靖夏等城雖夏人寢衰而中國之民力亦重困
矣

六月築割牛城廓州防禦使何灌襲之城不守

乾順見中國進築不已于札六嶺分界處築割牛
城屯重兵守之爲東南捍蔽童貫使灌由膚公城
夜出兵襲據之貫以聞賜名統安

宣和元年

遼大慶九年

夏元德元年春三月敗熙河經畧

使劉法軍于統安城殺之復圍震武

統安深入夏境童貫得之謂可制夏人死命乃遣
劉法進取朔方法不欲行貫強之曰君在京師親
受命于帝自言必成功今難之何也法不得已引
兵二萬至統安乾順令晉王察哥率步騎萬餘爲
三陣以當法前軍別遣精騎登山出其後大戰移
七時法兵饑馬渴死者甚衆前軍楊惟忠後軍焦
安節左軍朱定國等皆敗法乘夜遁比明走七十
里至蓋朱峴守兵追之墜崖折足一負擔軍斬之

西夏書事

卷三十三

五

察哥見法首惻然語其下曰劉將軍前敗我于古
骨龍仁多泉吾嘗避其鋒謂天生神將豈料今爲
一小卒梟首哉其失在恃勝輕出不可不戒遂陷
統安進圍震武震武頻受兵熙秦兩路疲于奔命
蕃漢苦之至是將陷察哥曰勿破此城留作南朝
病塊遂引還宋史徽宗紀五月丙辰敗夏人于震武劉法死夏人圍震武給攝
鄜延帥出奇兵搗之解其圍夏國傳夏人乘勝
圍震武劉仲武何灌等赴之乃解去三說互異
史臣曰是役死者十萬貫隱其敗以捷聞宣撫使
以下受解圍賞者數百人不知夏人實自去也諸

路所築城皆不毛夏所不爭之地而關輔為之
蕭條果如察哥之言

夏四月戰于蕭關敗績遂棄永和等三城

震武圍既解童貫始命种師道劉仲武劉延慶將

兵出蕭關夏兵拒之不勝遂破永和砦圍割沓城

城中兵出戰又敗逐北至鳴沙夏兵已棄城走師

道等無所見而回宋史徽宗紀夏四月庚寅童貫

三城不詳城為何名貫傳及夏國傳不載其事茲從王氏東都事畧

五月復圍震武軍不克

西夏書事 卷三十三

六

察哥因童貫兵進鳴沙復至震武日夜百道攻之

城中危甚會貫兵還救乃退

六月以遼國書請和于鄜延

初乾順恃茶山鹽鐵之利及橫山諸族帳勁勇善

戰用以抗中國自童貫領六路軍事督諸將進築

軍壘立堡砦盡得山界邵州已失所恃及永和震

武之敗疆地日蹙兵勢亦衰遂以遼國書致鄜延

帥劉韜請納款謝罪衆疑為詐韜曰兵興累年中

國尚不支况小邦乎彼方新敗其衆甚疲懼我再

舉故款附以圖自安耳密疏以聞徽宗詔許之已

乾順故愆期久之方使人再請韜戒之曰朝廷方

事征討吾為汝請命母若異時邀歲幣軼邊疆以

取威怒使臣懼聽命

秋八月遣使上誓表棄所與誓詔而還

自夏國納款陝西六路兵皆罷乾順遣人進誓表

時童貫已入為太傅以誓詔授使者使辭不取貫

迫館伴強與之使持還及境仍棄之于道

冬十月遣使入賀天寧節

西夏書事 卷三十三

七

先夏使所棄誓詔鄜延帥賈炎得而上之童貫大

慚忿將請兵合討會賀節使入乃止

按西夏賀節使自是正史不書

宣和二年遼大慶十年夏元德二年春三月日承氣立妃

曹氏

曹氏曩霄時把關太尉曹勉孫也年十四入宮性

溫柔貞靜動以禮法常侍仁安公主主素嚴肅氏

身承起居順適其意因勸乾順納之始命為才人

至是進位賢妃

冬十一月封宗室子仁忠爲漢王仁禮爲舒王

仁忠父景思嘗從秉常于木峇當河津阻絕罔訛

萌等潛使窺伺欲施鳩毒景思左右抗護以計脫

者再秉常德之已復位欲加顯擢爲梁氏父子阻

抑不遂志死時仁忠二人尙幼及長俱通蕃漢字

有才思善歌咏始任秘書監繼擢仁忠禮部郎中

仁禮河南轉運使至是二人自陳先世功乃晉爵

宣和三年遼保大元年金太祖夏元德三年遣使約遼

兵入寇

西夏書事

卷三十三

八

北方女眞部完顏氏世居混同江之東南接高麗

北鄰室韋西界渤海鐵甸東瀕海在夷狄最微建

隆中嘗獻馬自天聖後役屬于遼不復入貢傳至

阿骨打政和中始叛遼取寧江州遂稱帝建國號

金更名旻中國遣馬政趙良嗣等浮海使金約攻

遼國以復燕雲乾順聞之遣使如遼約先舉兵入

寇遼主不許

宣和四年遼保大二年夏元德四年春三月遣兵援

遼西京不及

金將斜也幹离不等破遼西京追遼主于乙室部

不獲西京復拒守乾順遣兵五千爲援甫出境聞

金將謀良虎已破西京師遂還

夏四月金降將耶律坦犯境以兵備河西

坦奉金將斜也命將兵脅降遼西南招討使所屬

諸部直至夏境聲勢甚盛乾順遣兵備河西諸郡

坦解去

五月遣大將李良輔救遼破金兵于天德軍

遼山西城邑諸部盡降于金乾順聞遼主走保陰

西夏書事

卷三十三

九

山遣良輔將兵三萬救之次天德境金都統婁室

遣將突撚補擯以騎二百爲候良輔擊之殆盡知

金兵將大至設伏以待未幾金將阿土罕以數百

騎來攻伏發殲之阿土罕棄馬越山得脫 張時

泰曰當時遼金之敵審矣夏人何以救爲哉曰

彼但知救災恤鄰之義強弱非所論也嗚呼觀夫

夏人此舉則其磊落光明固非宋之助叛攻鄰者

比也

按拓跋起自西陲其戰爭攻取散見史冊鮮有

以救書者惟石晉時李彝興兵掠契丹以牽制其侵晉之師綱目書之曰救夫是時晉力未衰尙可無藉于救而已特書于之若遼國爲宋金交攻高麗坐視部族離心勢窮援絕獨乾順毅然出師星馳赴難較之彝興殆有進焉後日宜水之敗乃天不祚遼耳豈戰之罪耶

六月進軍宜水與金將幹魯婁室兩軍戰敗績

良輔旣勝金軍時久雨謂金兵怯恃衆不備已聞

婁室出陵野嶺留將拔离速扼險來拒遂縱兵渡

西夏書事

卷三十三

十

宜水爲方陣前突婁室分軍爲二迭出迭入轉戰

三十里將近宜水金都統幹魯軍又至從旁合擊

良輔大敗死者數千人退走野谷渡澗水水暴至

漂沒不可勝計

趙良嗣燕雲奉使錄夏人援遼爲暴漲所溺在八月大金國志同宋

遼二史係在六月

秋七月遣使問遼主起居

遼主旣失西京及沙漠以南遂由訛莎烈走石轅

驛金將蒲家奴追敗之遼主悉棄輜重走乾順遣

大臣曹价奔問起居饋以糧糗

宣和五年遼保大三年金天輔七年八月後太宗晟天會元年夏元德五年春正月復發兵救遼次可敦館不得進

乾順奉遼主命遣兵屯于可敦館相爲聲援金將

婁室以兵戍朔州築城霸德山阻之不得進

按夏與金兵勢懸殊乾順不畏宜水之敗復出

師爲遼聲援霸德山之阻乃力之不足非心不

誠也書復發兵書不得進皆原其心而恕之

夏五月遣使迎遼主于雲中

金都統幹魯遣幹离不銀朮可等襲遼主于陰山

西夏書事

卷三十三

十一

諸王妃女悉被擄遼主僞使乞降而西走雲內乾

順知車駕瀕河遣使往迎請臨其國

金人來誘叛遼六月遼使冊爲夏國皇帝因徵兵不

應

先是幹離不追遼主至天德遣使諭夏國許割地

議和以沮救遼之心遼主左右頗有知其事者及

遼主謀奔河西中軍都統蕭特烈同知檢點司事

耶律懷義等諫不聽渡河次于金肅軍北金候人

吳十回等偵言夏國已迎護遼主渡大河矣幹離

不又遺乾順書曰奉詔有云夏王遼之所出不渝
終始危難相救今茲已舉遼國若能如事遼之舊
以效職貢常聽其來若遼主至彼可令執送割地
酬勛倘有疑貳恐生後悔書至會遼主遣使冊乾
順爲夏國皇帝命益發兵來衛乾順不應

按匹夫不可奪志矧一國之主哉當乾順救遼
之時間起居請臨幸苟守此志不渝金源雖狡
焉得致之乃始懼兵威繼貪土地漸易初心頓
忘舊好雖金人實誘之而乾順之爲德不終亦

西夏書事

卷三十三

三

無所辭罪矣

宣和六年

遼保大四年
金天會二年

夏元德六年春正月奉表稱

藩于金金賜以遼西北地

乾順旣與遼異遣御史中丞芭里公亮奉表金主
請以事遼之禮事金因受賜地金都統粘沒喝承
割割下寨以北陰山以南乙室耶刺部吐淶淶西
之地與之淶西本拓跋地向爲遼侵取者也

按此夏國臣金之始旣稱藩復得地其叛遼益
著矣

三月上誓表于金

乾順得金賜地復遣芭里公亮獻方物上誓表曰
臣乾順言今月十五日西南北兩路都統遣左諫
議大夫王介儒等齎牒奉宣若夏國追悔前罪捕
送遼主立盟上表仍依遼國舊制及賜誓詔將來
或有不虞交相救援者臣與遼國世通姻契名係
藩臣輒爲援以啟端曾犯威而結衅旣速違天之
咎果罹敗績之憂蒙降德音以寬前罪仍賜土地
用廣藩籬載惟含垢之恩常切戴天之望自今以

西夏書事

卷三十三

三

後凡于歲時朝賀貢進表章使人往復等事一切
永依臣事遼國舊例其契丹昏主今不在境至如
奔竄到此不復存泊卽當執獻若大朝知其所在
以兵追捕無敢爲地及依前援助其或徵兵卽當
依應至如殊方異域朝覲天闕合經當國道路亦
不阻節以上所敘數事臣誓固此誠傳嗣不變苟
或有渝天地監察神明殛之及子孫不克享國
閏三月金使來賜誓詔更遼禮以受

金主遣王阿海楊天吉賜誓詔曰維天會二年歲

次甲辰閏三月戊寅朔皇帝賜誓詔于夏國主乾
順先皇帝誕膺寶籙肇啟皇圖而卿國據夏臺境
連遼右以效力于昏主致結衅于王師先皇以為
忠于所事務施恩而釋過迨眇躬之纂紹仰遺訓
以遵行卿乃深念前非樂從內附飭使輶而奉貢
效臣節以稱藩載錫龍光用彰復好所有割賜土
地使聘禮節相為援助等事一切恭依先朝制詔
其依應徵兵所請宜允三辰在上朕豈食言苟或
變渝亦如卿誓垂遠戒諭毋替厥誠故事遼使至

西夏書事

卷三十三

古

國以臣禮見乾順欲依舊禮阿海不肯曰遼與夏
甥舅也故夏主坐受使者之禮今大金與夏國君
臣也見大國使者當如儀爭數日不決乾順乃起
立受焉自後見金使皆如之

按更遼禮受醜乾順也乾順再表奉金請以事

遼為例至是竟以臣禮見其屈已不已甚哉

秋七月以兵侵武朔二州

武朔遼山後地金取武州歸宋朔州守將韓正亦
舉城內附中國築固疆等堡為守乾順數以兵攻

之宜撫使譚稷遣部將李嗣本督兵出戰相持數
日不解

九月子仁孝生

仁孝曹妃所出生時異光滿室成安公主見而愛
之請名仁孝令保母持至宮中時撫摩不忍釋

冬十月謝金誓詔且以宋侵賜地告

乾順遣使奉表至金謝賜誓詔并訴所受新割地
為宋人侵畧求援金主詔曰省所上表具悉已命

西南北兩路都統府從宜定奪

西夏書事

卷三十三

圭

使賀金天清節

天清節金主晟誕也夏使次于宋使高麗使後賜
宴亦如之

按此西夏賀金節之始

十一月金人索遼戶口歸之

初乾順乘遼之敵侵掠沿邊戶口貨孥及受金割
地曾約非其境內者願還所掠久之不歸金主詔
副都統幹魯曰夏人數以宋侵賜地求吾援兵或
不欲盡歸戶口沮吾追遼主事也今後在夏戶口

其盡索無遺乾順知不可止乃悉歸之

十二月遣使入貢

按西夏入貢使自是正史不書

宣和七年遼保大五年金天會三年是歲遼亡夏元德七年春正月始

賀金正旦

乾順表畧云斗柄建寅當帝歷更新之旦葭灰飛

管屬皇圖正始之辰四序推先一人履慶恭惟化

流中外德被邇遐方熙律之載陽應令候而布惠

克凝神于突窳務行政于要荒四表無虞羣黎至

西夏書事 卷三十三 六

治爰鳳闕屆春之早協龍廷展賀之初百辟稱觴

用盡輸誠之意萬邦薦祉克堅獻歲之心臣無任

云云大使武功郎沒細好副使宣德郎季膺等奉

表以聞

按此西夏賀金正旦之始

二月遣使如金奠慰并賀即位

金太祖葬于和陵乾順奉表致奠并賀太宗即位

時藩使館見儀未有定制使至逾月殿中少監劉

筈始詳定焉

秋八月金兵來侵

遼主延禧被獲都統林牙耶律大石率所部西走

金諸帥訛傳乾順約大石取山西諸郡因縱兵入

境掠取人畜乾順遺書婁室責之都統完顏希尹

以聞金主命嚴備之

按夏之事金未有失禮乃前索戶口茲肆侵掠

是夏之臣金非求福直求禍矣雖然貪一時之

利棄百年之好結虎狼之鄰基他日之禍中國

且然于夏何責哉

西夏書事 卷三十三 七

九月世子仁愛卒

仁愛幼聰穎長多材藝初金兵破遼遼主西走即

慟哭請兵赴援宜水之敗咄嗟者累月及乾順臣

金泣諫不聽悒鬱而卒

按仁愛因遼亡飲恨不肯臣金憤恚而卒可謂

能知大義者乾順何心有愧于其子多矣

遼成安公主卒

公主傷遼亡又痛世子不食卒

按不書后某氏而曰遼公主著其心乎遼也心

乎遼故小鞠鞞書遼將耶律大石書遼臣后書
遼公主皆所以予義也

冬十月使賀金天清節

時金人潛分兩路伐宋軍務旁午夏使與宋使俱
不得見就館賜燕而還

附 金史宗翰傳太宗欲罷陝西兵諸將不可曰

陝西與西夏為鄰兵不可罷宗翰曰初與夏約
攻宋陝西夏人不應今宜先事陝西畧定五路
既弱西夏然後取宋攻太宗伐宋在天會三年

西夏書事

卷三十三

六

約夏夾攻本紀不載

十二月遣使入賀正旦

乾順聞欽宗即位遣使表賀且覘虛實

按 西夏賀正使自是正史不書

西夏書事卷三十三終

西夏書事卷三十四

青浦 吳廣成西齋 纂

宋欽宗靖康元年金天會四年夏元德八年春正月使賀

金正旦

金主始朝日禮畢方命各國使人入賀

二月圍杏子堡

賀正使回乾順知金人圍汴益急乘隙圍杏子堡
堡在延州平戎砦北兩山對峙形勢險仄鄜延副
總管劉光世據險拒守夏兵力攻不克

西夏書事

卷三十四

一

三月攻天德雲內武州及河東八館地取之

先是金將粘沒喝遣撒離母許割天德金史西夏傳初以山

西與宋而天德遠在一隅緩急不可及故割以與夏雲內金肅河清四軍河

東八館及宋武州之地約攻麟府以牽制河東兵

勢于是乾順遣兵萬人由金肅河清渡河盡取所

約地

夏四月掠河外諸砦破震威城殺知州事朱昭

政和中童貫于鐵爐骨堆築震威城距府州三百

里最為孤絕乾順因金兵內侵知戍邊士卒入援

乘虛掠河外諸砦徑攻震威多設木鷲衝梯臨城
飛矢雨射晝夜不息昭率城中老幼數百登陴拒
守乾順令酋領悟兒思齊介胃衷擅以盾自蔽說
昭降且數宋朝失信曰大金約吾共攻京師為城
下之盟畫河為界太原旦暮且下麟府諸城悉歸
于吾公何恃而不降昭披襟厲聲叱之思齊知不
可奪以利啖守兵得登城昭盡殺妻子納尸于井
勒衆搏戰中矢死

太白入東井

西夏書事

卷三十四

二

犯東扇北第一星

金人襲取天德諸城遣使請和不許

乾順既取天德諸城金帥兀朮以數萬騎陽為出
獵掩至諸城逐出守令悉取之惟金肅河清二軍
在大河西尚為夏有乾順懼請和金人執其使

按宋之約金攻遼也初議山前山後十七州金

人止歸燕京涿易順檀景蓊諸地再請復與武
朔二州而于夏則以拓跋雲中故地二千餘里
遺之何重夏輕宋若此蓋宋藉其力以復幽燕

夏則出師赴難志在恤鄰故餌之不得不厚耳
迨乾順進誓輸誠更禮受詔夏之不競已被金
人窺破于是索戶口掠邊境掩取天德羈執使
人非金之無情乃夏之自取也

金劫麟府豐三州地來歸秋七月知晉寧軍徐徽言
復取之

宋同知樞密事聶昌奉使出河東金人劫之使割
三州隸夏國乾順已設官置守三州與晉寧近晉
寧軍民大恐訴于徽言曰棄三州晉寧豈能存徽

西夏書事

卷三十四

三

言曰此使人矯詔耳三州在河西夏豈能據率兵
攻之乾順不能救守令皆降

八月寇涇原

統制李庠聚兵柏林堡拒之夏兵分番迭進庠兵
潰涇原第三將曲端力戰乃卻

九月取西安州

元符中以南牟會新城建為西安州

宋史張叔夜傳蘭州本漢

金城郡地最極邊西界有山曰天都介五路間羌人入寇必先至彼點集每一至則五路皆竦叔夜時為錄事參軍按其形勢為攻取之策迨得在蘭之建為西安州自是蘭無羌患與地理志異

州西北逼鄰夏境乾順襲取之

冬十月使賀金天清節

賀節使奏告謝罪請還所執人使金主遣之

故遼將小鞠鞞來奔助以兵使圍麟州建寧砦破之

小鞠鞞党項族遼史作小斛祿仕遼為西南面招討使遼

亡嘗集襍羌十餘萬破豐州轉攻麟州兵敗父母

妻子盡失遂奔夏國乾順助以兵使圍麟州之建

寧砦越旬破之殺守將楊震

十一月破懷德軍

西夏書事 卷三十四 四

大觀中展平夏城作懷德軍與西安鎮戎相犄角

應接蕭關乾順曾以三千騎攻之為涇原第十將

吳玠所敗及西安破懷德失援復遣太子某史失其名

將兵攻之知軍事劉銓通判杜翊世拒守夏兵亘

數十里困之翊世閭室自焚死銓被執太子素問

銓名置之別室欲授以官銓大罵殺之

十二月攻蘭州入通川圓子諸堡大掠

蘭州恃河為固每歲河冰合必嚴兵以備士不釋

甲者累月元符中蘭州錄事參軍張叔夜築砦天

都山夏兵不敢窺境自西安懷德失守乾順遣兵

攻天都圍蘭州力攻五日大伴二堡人畜而還

靖康二年九月高宗建炎元年夏正德元年春正月使

賀金正旦

金主以宋帝誓書地圖示使人使人稽首稱賀

三月復受割地于金改元

先是金奪天德諸城乾順屢以書責其背盟金主

命畫陝西分界自麟府路洛陽溝距黃河西岸西

歷暖泉堡鄜延路米脂谷至累勝砦環慶路威邊

西夏書事 卷三十四 五

砦逾九星原至委布谷口涇原路威川砦畧古蕭

關北至谷川秦鳳路通懷堡至古會州距黃河依

見流盡熙河路西邊以定封域其地有懸邈者亦

相地勢從便分畫復分陝西北鄙以償天德雲內

抵河為界于是羣臣上表賀乾順肆赦國中改元

德九年為正德元年

夏五月取威戎軍

乾順遣將軍李遇兵取威戎城金將婆盧火先取

之軍于城東遇前鋒將與戰不利遇至軍城北遣

書婁室曰夏國以天德雲內歸大國大國許我陝西北鄙之地是以此婁室命婆盧火撤兵退秋九月出師從金人入寇

金帥兀朮回雲中遣保靜軍節度楊天吉至夏約寇陝西乾順許之出師屯于境上 宇文懋昭曰粘罕已嘗渝盟于夏而夏人又從之何哉蓋夏人非不知和好不可久也是時金國方強脇而從之亦欲因而擄掠耳

冬十月使賀金天清節

西夏書事

卷三十四

六

使臣奏請師期金主命俟副元帥宗弼檄至

十一月金人爲求侵地

宋通問使宣義郎傅堉見金左監軍完顏希尹于雲中希尹以國書授堉爲夏國請熙寧以來侵地蓋因前奪夏地欲責償于宋以報也

宋高宗建炎二年

金天會六年

夏正德二年春正月使賀

金正旦

金主問夏國事宜使者以歲饑告命發西南邊粟市之

陝西撫諭使謝亮來議和

乾順屢從金兵入邊高宗以主客員外郎謝亮爲陝西撫諭使從事郎何洋爲太學博士持詔諭乾順約和陝西制置使王庶遣亮書言夏國爲患小而緩金人爲患大而急况夏國秋稼不登飢餓困敝庶可保其無他閣下曷不持節督諸路兵先其急而後其緩亮不聽慶歷後中國使者常止宥州有偶至國中者與國主以賓禮見亮至乾順倨坐見之亮不敢爭

西夏書事

卷三十四

七

三月連金兵破鳳翔西京以檄索鄜延

乾順遣兵會金將婁室陷鳳翔長安隴右大震謀知關陝無備命宥州監軍司移檄延安言大金以鄜延割隸本國理當索取若敢違拒當行誅討帥臣王庶報曰金人初犯本朝嘗以金肅河清界汝今誰與守國家以奸臣貪得不恤鄰好遂至于此貪利之臣何國無之豈意夏國躬蹈覆轍比聞金人欲自涇原直擣興靈方切寒心不圖尙欲乘人之急幕府雖士卒單寡類皆節制之師左支右吾

尙堪一戰果能辦此何用多言乾順得檄不報

秋九月遣謝亮還以兵取定邊軍

乾順留亮數月偽與約和遣歸亮既行潛以兵躡

其後由多移嶺襲破定邊悉取其諸堡砦

冬十月使賀金天清節

金徒徽欽二帝于韓州使人隨羣臣表賀

十一月黜將軍李遇

遇自取威戎欲盡收關陝頻以兵擾鄜延王庶患

其強遣謀入夏間之乾順心疑黜遇而收其兵

西夏書事

卷三十四

八

建炎三年金天會七年夏正德三年春正月使賀金正旦

金諸將兵破陝西諸郡蕃漢由綏德城逃入夏界

者甚衆使人入見金主諭謹守邊備勿納流民

二月金使約兵入寇勿應

金婁室久圍晉寧軍不克遣使約夏國夾攻乾順

恐晉寧破金兵日逼不應

秋七月取德靜砦

鄜延戎馬恠恠其東皆金兵西北卽夏境屬中國

者惟鎮安一軍德靜一砦乾順攻德靜破之權帥

耿友諒僅以身免

冬十月使賀金天清節

金蒲察婁室悉取鄜坊二州地與夏境接壤乾順

懼其兵威遣使先期至金主命仍隨高麗使同見

建炎四年金天會八年夏正德四年春正月使賀金正旦

宋兵敗于高橋高宗航海金將阿里蒲盧渾狀聞

金主出示高麗夏二國使人以誇其強

太常卿謝亮復奉使來不納

開封尹宗澤疏請北伐乞使辨士西說夏國出兵

西夏書事

卷三十四

九

爲助知樞密張浚宣撫川陝亦奏請國書連夏高

宗復以亮爲太常卿權宣府參議官再使夏國乾

順聞其至拒不許入亮不得要領而還

冬十月使賀金天清節

金人立劉豫爲齊帝豫遣使謝封冊并賀天清節

夏使遂班于齊使高麗使之下

環慶統制慕洵自慶陽來降

張浚富平之敗斬環慶經畧使趙哲哲將統制官

慕洵爲環州豪族畢氏續資治通鑑慕洵作慕容洵意氏族中無慕氏單姓也攷

宋史神宗世衡傳知環州羌酋慕恩部落最强常得其死力諸部有貳者使討之無不克洎即其後也
單氏作慕容誤遂自慶陽叛附夏國乾順納之

十二月熙河副總管劉惟輔請附不納

金人寇熙河與惟輔戰不勝一日乘其出焚積聚

襲敗之惟輔與親信數百匿山寺中遣人求附其

拒金兵乾順畏金不納已而金人執惟輔死之宋史

夏國傳紹興元年二月同州觀察副使劉惟輔輸款于夏夏人不受改高宗紀建炎四年十二月壬辰金人犯熙州總管劉惟輔敗之殺五千人甲午再犯熙州惟輔軍潰被執死之傳紀不合

紹興元年金天會九年夏正德五年春正月使賀金正旦

西夏書事 卷三十四 十

乾順表內以不納熙河劉總管告金主賜資甚厚

夏四月金使來索遼臣耶律大石

大石遼太祖八世孫仕遼為都統林牙金兵入居

庸關大石迎戰被執後乘間脫歸及遼亡大石率

其部眾西行萬餘里歸者數國至起兒漫羣臣冊

立為帝稱西遼改元延慶金遣降將耶律余覲等

至兀納水不得濟還報曰聞大石已駐兵和州之

域必與夏國合勢金主遣使索之乾順報曰小國

與和州地非接壤且不知大石所在也

冬十月使賀金天清節

和州回鶻執耶律大石之黨撒瓜迪里突迭獻于

金金主知夏國不與大石合使人入見諭慰之

慕洎叛降于金

金將撒離喝攻慶陽破之慕洎乘勢取環州見金

兵強遣使以城降

十一月川陝宣撫副使吳玠使以書來不報

川陝地金已十得其四時玠敗金將兀朮于和尚

原西路稍通乃貽書夏國使背擊金人乾順不應

西夏書事 卷三十四 十一

紹興二年金天會十年夏正德六年春正月使賀金正旦

時金以陝西地賜劉豫乾順遣使賀正請環慶二

州金主不許

停行中國歷

故事每于上年孟冬受中國賜歷時高宗以乾順

附金久不復頒賜自是不行中國歷

秋八月與金惡始遣使如川陝請通好

金主立陝西元帥府不欲以北鄙地與夏粘沒喝

聚兵雲中將取川陝乾順恐其圖已舉國屯境上

備之並遣使至吳玠關師古軍中請通好

按書請通好與之乎譏之也宋嘗兩使夏國乾

順未嘗一應茲以金人圖已始使人請是畏金

非懷宋也直書與金惡以著其非誠

九月金降人耶律余覲來奔不納

余覲遼宗室叛遼歸金為西軍大監軍嘗將兵攻

耶律大石于曷董城失其金牌粘沒喝疑其與大

石通拘質其妻子余覲遂有叛心潛約燕京統軍

槁里謀誅女真之在官在軍者天德知軍以告兀

西夏書事 卷三十四

三

木自雲中來聞而未信已獲余覲使人得其與槁

里交通狀即馳至燕京計殺槁里余覲父子假游

獵名遁走夏國乾順遣官問有兵幾何以二三百

對遂不納走塔坦被殺遼史余覲傳余覲降金復

逆臣傳余覲謀反雲內節度耶律奴哥告之余覲

亡去邊部斬之及其諸子首以獻二說不同攻宋

史夏國傳余覲謀結燕雲之人圖女直粘罕覺欲

誅之余覲父子遁入夏夏以其兵少不納洪皓欲

莫紀聞余覲有叛心約燕雲統軍反謀誅女直之

在官在軍者天德知軍偽許之遣其妻來告會陝

西監軍兀室獵于居庸遇馳遞者詰之盡得其狀

至雲中捕之余覲父子知覺以出獵為名走入夏

夏人問兵若干云二三百遂不納走塔坦塔坦先

觀出敵不勝
父子皆死

按余覲為遼宗室舉眾投金覆滅宗社梟獍之

惡無以喻此是時乾順見惡金源方謀自固而

能拒叛不納俾即誅夷使殘遼稍伸餘恨亦義

舉也

冬十月使賀金天清節

金主知乾順不納余覲待使人益加禮

十二月納契丹降戶立監軍司統之

余覲既死兀木分捕餘黨令諸路盡殺契丹降人

西夏書事 卷三十四

三

于是河東八館五百戶山金司乙室王府南北王

府四部族衙諸契丹相温酋首率眾蜂起亡入夏

國乾順處之北鄙別立監軍司統之

紹興三年金天會夏正德七年春正月使賀金正旦

金主以納契丹叛人詰責使人頓首謝罪

秋八月攻偽齊懷德軍不克

靖康中夏兵破懷德設兵戍之及金人以陝西地

與劉豫命夏國割懷德與之乾順心怏怏時豫寇

伊陽知其無備以五萬眾攻之知軍事龐迪開門

以待夏兵疑不敢入迪以數千分門突出夏衆驚潰失軍資牛羊甚夥

冬十月使賀金天清節

使人與齊使同入見齊使以攻懷德告金主令持詔還諭責之

紹興四年金天會十二年夏正德八年春正月使賀金正日

乾順命使人奏告請于陝西互市金主不許

夏四月金人復徵兵寇四川不應

金將兀朮攻仙人關與宣撫使吳玠戰于殺金平

西夏書事 卷三十四 古

大敗遣使徵兵乾順不應時金人銳志入蜀自撒

離喝以下皆盡室行夏兵不至乃還鳳翔

按徵者役使之辭也乾順拒之不從自是稍能

自立矣

冬十月使賀金天清節

金主有疾不視朝命使人就館燕

十一月遣使如川陝請伐金

金主從劉豫請將使窩里哩撻懶等南侵陝西都

統粘沒罕以前兩次徵兵不應請先弱夏然後取

宋乾順聞之遣使至四川言感朝廷德意願助兵伐金吳玠以聞

紹興五年金熙宗仍稱天會十三年夏大德元年春正月金使來

告哀及報即位

太宗薨熙宗立乾順遣使弔并賀

夏五月歸孝子程俊母邵氏

俊會州人幼時父母陷于夏國常號泣自毀迨長

捐家財數十萬往贖未至北向號泣寢食俱廢夏

人感動還其母邵氏俊日夕承順奉養備至鄉里

西夏書事 卷三十四 圭

稱爲至孝

按西夏風氣廣莫民俗強梗敢戰然能尙氣節

重然諾故忠孝之事亦時取焉觀于前葬孟氏

茲歸邵氏旌善之心出于至公惜乎典籍鮮存

不能數觀也

秋九月以漢王仁忠爲中書令

仁忠性謹嚴持法峻人不敢干以私晉王察哥廣

起第宅橫征多誅求蕃漢苦之仁忠上疏劾察哥

爲之罷役朝野肅然乾順嘉其風力使由左樞密

進中書令察哥陰間之不得

紹興六年金天會十四年夏大德二年春正月使賀金正旦

及萬壽節

萬壽節熙宗誕也

夏六月金人以主名來報

偽齊劉豫表請金主以御名音切及同音字號降

示金主從禮臣議并報夏高麗二國

秋七月取樂州復取西寧州

夏國乳酪河與二州相近乾順遣兵襲取樂州進

西夏書事

卷三十四

六

攻西寧保塞綏邊諸砦俱潰守將棄城遁

冬十月遣兵越金界取亡馬于塔坦

乾順遣兵由河清渡河自雲中府路天德軍界追

取所亡馬于塔坦得之而回往返皆不假道于金

金人亦不問 宇文懋昭曰昔粘罕嘗假道夏國

以攻川陝夏人拒之今乃擅越金界以取亡馬蓋

是時粘罕兀术皆罷軍事撤離喝為陝西經畧使

夏人知其無能為也

西夏書事卷三十四終

西夏書事卷三十五

青浦 吳廣成西齋 纂

紹興七年

金天會十五年

夏大德三年春正月使賀金正旦

及萬壽節

金主朝太皇太后于明德宮夏使與高麗使同入

賀

降蕃趙繼忠內奔

繼忠吐蕃瞎征子初名董合神宗時與兄木征以

洮河降賜姓名授六宅副使西蕃三十八族大首

西夏書事

卷三十五

一

領梁乙逋與中國構難遣兵脇降之遂為役屬至

是因西川宣撫使請內附夏國遂失右臂

三月歲星逆行入輿鬼

犯積尸氣

夏四月太白入東井

與熒惑合

知西安州任得敬納其女為妃

得敬本西安州判夏兵取西安率兵民出降乾順

命權知州事有女年十七使其弟德聰飾之以獻

乾順納爲妃賞賚甚厚擢得敬爲靜州防禦使

秋九月遣使乞地于金金與以河外三州地

乾順既得西寧與金積石等州鄰逼遣使以厚幣

如金表乞河外諸州金主以積石樂廓三州與之

時秦人在三州者數千皆願歸金金主請約之權

樞密院事劉筈曰三小州不足爲輕重恐失兩國

大信遂以其地來歸

紹興八年金天眷元年夏大德四年春正月使賀金正日

及萬壽節請通互市

西夏書事 卷三十五 二

時齊國已廢金盡收陝西地乾順使請于綏德諸

州互市金主以陝西新定不許

夏五月更積石州爲祈安城

積石蕃族强悍乾順以兵威脇之諸部皆服因更

其城名祈安

秋八月立任氏爲皇后

任氏莊重寡言御下有恩意與曹氏並居妃位相

得甚歡德敬欲后其女常以貨賄饋朝貴及宗室

執政權者于是御史大夫芭里祖仁言古者天子

娶后藩國來賸諸侯一娶九女蓋奉宗廟廣繼嗣

陰教之職不可缺中宮之位不可虛也伏見陛下

兩妃並立位號相夷而無嫡以統之則勢必近爭

情且生妬豈所以防淫慝塞禍亂乎今宜擇簪紱

名家勳庸世族素優才行配合坤儀庶幾上協神

祇之心下副臣民之望乾順詢之羣臣咸謂門第

才德無過任妃乾順遂使芭里祖仁持冊立爲皇

后授德敬靜州都統軍

冬十月鄜延故將李世輔來奔

西夏書事 卷三十五 三

世輔青澗人世爲蘇尾九族巡檢金人陷延安與

父永奇同被執授承宣使知同州世輔計執金帥

撒離喝挈家歸朝行至洛河不得渡追兵及永奇

與家屬二百口悉遇害世輔棄撒離喝以二十六

人奔夏見乾順泣言父母妻子之亡願得二十萬

人生擒撒離喝取陝西五路地歸夏國世輔亦得

報不共之仇乾順許之授靜難軍承宣使鄜延岐

雍等路經畧安撫使

紹興九年金天眷二年夏大德五年春正月使賀金正日

及萬壽節

時高麗貢使未回金主賜燕夏使與高麗三使並會

太白焚惑合于井

司天謂不利用兵乾順不聽

二月李世輔討叛酋克之遂使樞密使王樞大將哆訛同出兵取陝西

世輔日請兵報仇乾順曰爾能為國立功則不斷借兵時有別部酋豪青面夜叉為邊患令世輔圖

西夏書事

卷三十五

四

之世輔以三千騎疾馳至其帳擒之以歸

名臣言行別錄

世輔卷甲疾趨抵其穴伏兵于旁岡阜間謀其三
面虜倉卒惶駭夜叉金冠鐵面具畫如鬼物跨赤
馳馬持大刀呼咤而出世輔謂之曰汝徒犬羊實
不勇果勇能與我搏戰乎夜叉怒躍馬而前世輔
預戒一騎俟與之交從旁馳過及鋒未交一騎出
焉夜叉顧視世輔乘隙投槍手掉其背遂挾以歸
其徒窘迫潰走伏兵乘之乾順大悅將妻以女世
眾悉降與宋史顯忠傳異

輔以父喪辭乃出二十萬騎以王樞哆訛為陝西
招撫使世輔為延安招撫使鼓行而東時月之十
四日也

金慕洵請降復納之以為山訛首領

洵入金仕至熙河經畧使及金人與中國議和歸

陝西河南地洵以官守隨例當留關中洵懼誅謀

潛師襲取關陝涇原路經畧使張中彥與環慶趙

彬合兵聲討洵兵敗亡入夏國乾順納之授以官

按昔尹氏謂有國家者不患土地之不廣而患

信義之不立自晚近互相傾奪輒以招降納叛

為能然終無益成敗之數特負不義之名而已

慕洵反覆性成前車可鑒于其復至數其屢叛

之罪執而戮之可也乃復延納授官幾成養虎

西夏書事

卷三十五

五

之患乾順真無識哉

三月攻府州取之

建炎中府州守將折可求以城降金撒離喝許廢

劉豫立之及豫廢和議成割河南陝西歸中國府

州在陝西屬中撒離喝恐可求失望生變假會飲

醜殺之乾順知府州無主遣兵乘間取其城

夏四月靈芝生

在堂後官高守忠家百官表賀乾順作靈芝歌中

書相王仁忠等和之勒石志瑞

按 靈芝瑞草也生不兩月而乾順卒瑞乎非瑞乎書以為喜言嘉祥者戒

五月李世輔執王樞嚆訛兵潰走還

世輔兵抵延安知金人議和陝西復歸中國購得害父母弟姪者殺之率舊部八百騎赴王樞嚆訛營諭之曰世輔已入延安見講和詔書招撫可以本部軍歸國嚆訛不從曰初經畧乞兵來取陝西今既到此乃令歸耶世輔知勢不可抽刀斫嚆訛不及擒王樞縛之嚆訛縱鐵鷁軍來戰世輔以所

西夏書事

卷三十五

六

部拒揮雙刀馳逐所向披靡夏兵大潰殺死蹂踐者萬人失馬四百餘匹世輔遂以三千人歸朝

六月國主乾順卒子仁孝立

月之四日也年五十六

宋史夏國傳作年五十七乾順于宋哲宗元祐元年

年六月嗣位時方三歲是年歲在丙寅至高宗紹興九年己未以甲子計之當年五十六宋史五十七蓋史臣以紀元計數而高宗建炎元年即在位欽宗靖康二年九月或誤以一年作二年也

五十四年改元八謚曰聖文皇帝廟號崇宗墓號

顯陵長子仁孝立時年十六

馬端臨文獻通考云繼乾順立者正史作

天祈中國以其屬于金遂廢冊命夏亦不使告哀

論曰乾順當紹聖乖方靖康厄運始則謀生不突繼則利享漁人不特義合葭蘆侵疆盡復而

西寧湟鄯亦入版圖蓋摧堅者難為功拉朽者易為力也然受遼國百餘年卵覆之恩宜水一敗遽爾反顏則前之問起居請臨幸誠耶偽耶當是時地界扼陰山以北馬足遍關陝之西方謂藉茲新盟大啟爾宇而難生天德兵聚雲中向之臣宋臣遼惟吾披猖者至金而故技莫施焉四川之使悔亦晚矣惟是元昊製蕃書立蕃

西夏書事

卷三十五

七

學久絕華風乾順建國學置養賢務他時仁孝重聖親賢貽謀有自宜其然乎

秋九月遣使如金告哀

按 此西夏告哀金國之始

冬十月王樞還

初樞被擒入中國境即望闕遙拜言夏國主感聖恩將遣使入貢宣諭使周聿遣人護送行在樞密院樓炤言陝西新復正與夏國為鄰留之無益還之可使知恩乃引見行燕犒禮并其俘百九十人

皆遣還命人伴送至界上

十一月尊母任氏曹氏為太后

任氏年少于曹仁孝兩母並尊奉養禮秩如一

歸郵延諸路陷國軍民

宋邊吏招納仁孝因王樞還悉縱遣之

紹興十年金天眷三年夏大慶元年春正月使賀金正日

及萬壽節

金制夏使入見金主即御座鳴鞭報時畢臣僚行

小起居禮至是改為大起居

西夏書事

卷三十五

八

二月立后罔氏

罔氏西夏大族后聰慧知書愛行漢禮仁孝先納

之見其賢立為后頗愛敬焉

按西夏立后不悉書此書賢罔氏也氏好禮知

書異時仁孝建學諸善政后有勞焉

三月川陝宣撫使胡世將遣使來諭入貢不報

乾順臣金後不復貢中國高宗因金人議和畫界

已定命郵延秦鳳熙河諸路招納陷沒夏國人民

并命世將遣使至國議入貢禮仁孝不應

夏四月夏州統軍李合達據城叛

合達本蕭姓為遼國捷馬扈成安公主至夏有口

才驍勇長騎射乾順留之始授文思使轉右侍禁

嘗從征討有勞陞副都統賜國姓統安之役諸將

畏劉法勇莫敢當其鋒合達奮擊敗之率死士數

百人追至葢朱峴得法首還以功擢都統鎮夏州

繼乾順臣金上書切諫不聽及公主卒益快快不

自適聞耶律大石在西域遣間使訪之不得要領

而返是時因仁孝新立自恃宿將有功謀作亂都

西夏書事

卷三十五

九

押牙劉洪裕不從削髮逃去合達盡散家財給軍

士據州城叛遣兵四出徼擾

五月金使冊仁孝為夏國王

金主遣尙輦局使完顏衷賚封冊至命仁孝為夏

國王加開府儀同三司上柱國

六月合達圍西平府

合達遣使至陰山結乙室耶刺舊部議立遼後其

約恢復于是河東八館山金司南北王府前置北

鄙諸契丹蜂起應之合衆數萬圍靈州監軍司使

罔存禮拒戰數敗

秋七月合達分兵陷鹽州

合達分遣契丹諸部襲鹽州州城低陋半夜破之據鹽池發倉庫盡掠諸州所牧地遊騎直逼賀蘭興州大震

八月靜州統軍任得敬請兵討夏州

合達遣使以重幣約河南諸州同叛或拒之不納或執使以獻獨得敬善待使人探問賊中機事盡得其實乃上表言賊素無謀衆皆烏合所恃者契

西夏書事

卷三十五

十

丹餘部以戚里連謀然其勢易離也陛下誠下令安撫赦其已往許其自新約還舊部給以資糧當必有嚮應者又賊頓兵靈武已逾兩月今新破鹽州士氣驕甚夏州距靈州五百餘里定然無備臣請以州兵合諸將襲之可獲全勝仁孝遂命得敬出師

九月謝金賄贈及封冊

獻馬馳各二百匹

冬十月任得敬復夏州

得敬聞命陰爲部署外示閒暇一日晨起選精卒

三百往夏州盡縛其守烽卒繼以驍騎五千疾馳入城賊衆倉皇接戰皆潰走盡獲合達妻孥撫諭兵民開倉賑給夏州遂定

進攻鹽州擊蕭合達大破之合達走死

合達聞夏州已失急解靈州圍迴救部衆散亡者甚夥諸契丹亦走回本部至鹽州與得敬遇得敬揮衆擊之合達兵敗策馬北奔至黃河口不得渡從人斬首來獻

西夏書事

卷三十五

十一

十二月以任得敬爲翔慶軍都統軍封西平公得敬獻捷仁孝欲擢內職濮王仁忠言得敬兵威震懼河南今大亂甫平遽解兵柄非所以靖反側也宜崇其爵秩以係軍民之望仁孝授以都統軍封西平公賞賚甚厚

紹興十一年金皇統元年夏大慶二年春正月使賀金正

旦請上尊號

使者隨金羣臣請上尊號凡三請始允金主賜二品以上官宴夏使與高麗使與焉

賀金萬壽節請置榷場

金主許置于蘭州保安綏德三處

夏四月慕洎取新泉進寇會州

為守將朱勇所敗洎忿將益師入侵川陝宣撫使

胡世將遺書勉以忠義洎愧而止

六月慕洎與弟濬謀叛伏誅

濬仕夏為樞密使時金人渝盟復取陝西地濬思

歸金與洎謀挈族走遣使求金策應過靈州邏者

獲之統軍任得敬以聞仁孝遣兵殺洎濬夷其族

西夏書事

卷三十五

三

金史西夏傳慕洎奔夏及撒離喝再定陝西洎謀歸夏人知之遂族洎宋史夏國傳十一年夏六月慕洎與弟濬謀反伏誅二傳不合

按于時叛夏者濬也主以洎何屬罪于長且懲

反覆也慕洎去就輕忽至是兄弟族誅可謂正

其罪矣

秋七月金使來詰

仁孝以誅慕洎故表聞于金金主詰其專擅仁孝

報使謝之

八月受尊號

羣臣上仁孝尊號曰制義去邪

按尊號之上事本非古仁孝立甫逾年未有功

德斯民而覲顏受之不二年而饑饉薦臻泉湧

地裂豈非天示之警耶

冬十二月賀金受尊號

金主亶受羣臣尊號初御衮冕

紹興十二年

金皇統二年

夏大慶三年春正月使賀金正

旦及萬壽節

金制以宋使列三品班夏與高麗使列五品班至

西夏書事

卷三十五

三

是金主重定臣使辭見班品如舊殿前班及臣僚

復用小起居禮

大金集禮臣使入見儀金主即御座殿前班小起居畢先引宋使副

左入禮畢右出

次引高麗使左入至丹墀北嚮從

左上露階立

定橫使鞠躬正使少前拜跪附奏畢

拜起復位立

閣使宣問高麗王時並鞠躬受敕旨

畢再揖橫

使鞠躬正使少前拜跪奏畢拜起復位

引右下至丹

墀面殿立禮物右入左出盡揖使如

通一十七拜

各祗候引左階立次引夏使見如

上儀引右階

立次再引至丹墀與高麗使並鞠躬

有敕賜酒食

舞蹈五拜各引右出其朝辭儀金主

即御座羣臣

行小起居先引夏使左入傍折通班

至丹墀再拜

不出班奏聖躬萬福又再拜揖使副

鞠躬使出班

戀闕致詞復位又再拜引右出次引

高麗使如上

儀次引宋使副入禮畢各引右出

夏六月金晉

寧軍守折彥文侵府州

河東折氏世守麟府以抗夏及可求降金死乾順
襲據府州夷折氏墳隴戮其屍折氏怨之入骨已
金使可求子彥文守晉寧欲挑隙遣兵入府州境
大掠據寧邊砦州兵逐之不退

秋八月攻金晉寧軍

仁孝聞折氏報怨遣兵攻晉寧彥文不出戰拒守
二十日夏兵不能克取通秦堡而還

九月饑

民間升米百錢

西夏書事

卷三十五

古

冬十日金使來歸侵地

折彥文以夏兵掠地罪聞金主命太原尹張奕按
視之奕言折氏與夏國世仇故開邊隙以報之耳
請徙折氏他郡則夏自安金主命彥文移守青州
遣使諭夏國令各歸侵土謹守疆場仁孝從之

紹興十三年

金皇統三年

夏大慶四年春正月使賀金正

旦

金主以太子濟安薨不御正殿使人止詣皇極殿
遙賀萬壽節亦如之

三月地震

有聲如雷逾月不止壞官私廬舍城壁人畜死者
萬數

夏四月夏州地裂泉湧

出黑沙阜高數丈廣若長堤林木皆沒陷民居數
千御史大夫蘇執義言自王畿地震人畜災傷今
夏州又見變異是天之所以示警于陛下也不可
不察于是仁孝下令曰二州人民遭地震地陷死
者二人免租稅三年一人免租稅二年傷者免租

西夏書事

卷三十五

五

稅一年其廬舍城壁摧塌者令有司修復之

秋七月大饑諸州盜起

諸部無食羣起為盜威州大斌靜州埋慶定州箴
浪富兒等族多者萬人少者五六千四行劫掠直
犯州城州將出兵擊之不克

八月行賑法

郡縣連章告急諸臣請兵討擊樞密承旨蘇執禮
言此本良民因飢生事非盜賊比也今宜救其凍
餒計其身家則死者可生聚者自散所謂救荒之

術即靖亂之方若徒恃兵威誅殺無辜豈所以培
養國脉乎仁孝善之命諸州按視災荒輕重廣立
井里賑恤執禮執義弟也

冬十月西平都統軍任得敬討諸州盜平之

得敬遣官撫諭諸盜宥其首惡解散餘黨諸亂漸

平惟定州筮浪富兒二族恃險拒守得敬夜發兵

襲其砦擒首領哆訛誅之餘眾泥首降

紹興十四年金皇統四年夏人慶元年春正月使賀金正

旦及萬壽節

西夏書事 卷三十五 夫

時中國復與金和遣賀使至夏使與高麗使同班

其後大金集禮元旦聖節上壽儀金主陞御座皇

太子及合班臣僚儀畢始引宋國人從至丹

墀再拜不出班奏聖躬萬福再拜喝有敕賜酒食

又再拜各祇候平立引左廊立次引高麗夏人從

如上儀畢分引左右廊立御果牀入進酒金主飲

則坐宴侍立臣皆再拜進酒官接蓋還位坐宴官

再拜復坐行酒傳宣立飲訖再拜坐次從人再拜

坐食入七盞曲將終揖從人立再拜畢引出聞曲

夏五月遣使人賀天申節
夏國賀使不至中國者近二十年仁孝心慕正朔
遣間使人賀獻珠一囊金帶一衣七對綾羅紗五

百疋馬百匹

按夏自靖康以後為金人阻隔朝貢之儀久不

復見仁孝遣使賀節可謂知禮矣

六月令州縣各立學校

國中增弟子員至三千人

按此西夏立學校之始

復立小學于禁中

凡宗室子孫七歲至十五歲皆得入學設教授仁

孝與后罔氏亦時為條教訓導之

西夏書事 卷三十五 七

秋九月彗星見改元

星見坤宮五十餘日而滅占其分野在夏國羣臣

上言彗者除舊布新之象宜改元應之遂以大慶

五年為人慶元年

按彗有五色蒼則王侯破天子苦兵赤則賊盜

冗強國恣黃則女害色權奪后妃白則將軍逆

二年兵大作黑則水精賊江湖決處處賊起總

之妖星足以致災長大見久則災深短小見不

久則災狹誠齋楊氏曰惟天愛君惟聖畏天天

之于君厭之則驕以嘉祥愛之則謹以變異絕
之則侈以強盛念之則懼以災祲今仁孝善政
聿新有光前烈彗星之見其在愛之念之之列
耶抑杜預所謂彗有除舊布新之象乎然終仁
孝世無大禍害意其尊師重學節用愛人有以
弭其患也

冬十二月遣使入賀正旦

獻金酒器六事色綾羅紗縠三百疋

宋史高宗本紀不載入賀

二事據宇文懋昭大金國志錄之攷夏國傳紹興二十九年歸宋官李宗閏上書言夏國副使屈移

西夏書事

卷三十五

六

嘗兩使南朝以為衣冠禮樂非他國比意即指此

西夏書事卷三十五終

西夏書事卷三十六

青浦 吳廣成西齋 纂

紹興十五年

金皇統五年

夏人慶二年春正月使賀金正

旦及萬壽節

金主如東京夏使與宋使高麗使同至行在賀

夏四月金使來橫賜

自乾順與王阿海等爭相見禮金使未嘗至夏是

時使右衛將軍撒海兵部郎中耶律福來橫賜

按金使橫賜始此

西夏書事

卷三十六

一

六月朔日食于井

仁孝下詔求直言

秋七月初立太學國主親視之

立大漢太學仁孝親釋奠賜子有差

按昔董子言養士莫大于太學太學者人材之

係教化之原也故興太學置明師以養天下士

數考問以盡其材則英俊可得矣仁孝生長西

蕃先立學校以教于國復設小學以化于宮又

慕大漢休風特起太學親臨釋奠雖古賢主何

以加茲書初立志其始也書親視表其誠也

紹興十六年金皇統六年夏人慶三年春正月使賀金正

旦及萬壽節金以邊地賜

夏國累世開拓河之內外凡得州郡二十有二河

南之州九曰靈見十卷曰洪見十卷曰宥見十卷曰銀見十卷

二曰夏見十卷曰石未詳宋史夏國傳元吳立石州

積年文策簿書器械遁意即其地曰鹽見十卷曰會

見十卷曰南威見十卷河西之州九曰興即興慶府曰定見十卷

二曰懷未詳宋史夏國傳咸平四年九月

西夏書事

卷三十六

二

曰涼見十卷曰甘見十卷曰肅見十卷曰沙見十卷曰瓜見十卷

二熙秦河外之州四曰西寧古湟中地甘肅通志

改西平郡後魏置鄯州改破羌縣為西都周改為

樂都郡隋大業初復為西平郡唐改鄯州屬隴右

道寶應中沒入吐蕃宋崇日樂後魏為鄯州元和

寧後入于夏今為西寧府日樂志鄯州古西戎地

漢金城郡後涼呂光改為西河郡舊唐志鄯州是

故樂郡太平寰宇記鄯州東至蘭州廣武縣一百

三十里東南至河州鳳林縣二百八十里未志日

樂州是遼川城今西寧府東碾伯縣西二百里日

廓舊唐志廓州天寶初改寧塞郡乾元初復日廓

里東南至鳳林縣二百八十里東北至龍支縣二

百九十里西北至都城縣三百八十里今西寧府

碾伯日積石百五十里儀鳳二年置西臨大澗北

枕黃河紹興餘有靜州見十卷勝州見十卷龍州見十卷

七年入于夏通志云在靈州東南二百二十里其東

韋州有湖曰東湖西南有大蠡小蠡黑鷹琥八諸

山今靈州伊州漢匈奴地後漢永平中取之置宜

韋州堡是伊州禾都尉屯田以通西域復為匈奴

所據唐貞觀中置伊州元和志伊州是伊吾縣在

墩煌大磧之外南去玉門關八百里東南去陽關

一千里今為哈密衛在乾順又得遼西北諸州及

肅州西北一千八百里

陝西北鄙其地益廣時仁孝又使人至金乞地金

主以德威城定邊軍等沿邊地賜之

三月尊孔子為文宣帝

令州郡悉立廟祀殿庭宏敞並如帝制

西夏書事 卷三十六 三

按仁孝僻處偏隅而能尊禮先師為世教振頹

風以聖學維國本乃偏霸中罕觀者書以予之

紹興十七年金皇統七年夏人慶四年春正月使賀金正

旦及萬壽節

仁孝盡收德威等城沿邊地設官置守至是因賀

正上表謝

夏五月西平公任得敬表請入朝

得敬在鎮日事誅殺僚佐有諫者勿聽自以有大

功莫與國政使人上表請入覲仁孝欲許之御史

大夫熱棘公濟言竊見戚臣任得敬上表請朝其
心蓋爲干政地也從古外戚擅權國無不亂得敬
雖屬懿親非我族類能保其心之不異乎惟陛下
察之濮王仁忠亦言其不可遂止

秋八月策舉人

立唱名法復設童子科于是取士日甚

按此西夏設科目之始惜其制史闕之矣

冬十月賜李崇德中書舍人

崇德宗室士仁孝愛其才特賜之

西夏書事

卷三十六

四

紹興十八年

金皇統八年

夏人慶五年春正月使賀金正

旦及萬壽節

沿途雨雪賀正使至已後期乃與賀節使同入見

二月金使來橫賜

使臣爲葛波古等

三月建內學

仁孝親選名儒主之 史臣曰自乾順建國學設

弟子員三百立養賢務仁孝增至三千人尊孔子

以帝號設科取士又置太學內學選名儒訓導觀

其立綱陳紀傳曰不有君子其能國乎

夏五月新律成

西夏音樂經元昊更張久非唐末遺音仁孝使樂
官李元儒采中國樂書參本國制度歷三年始成

賜名新律進元儒等官

冬十一月中書令濮王仁忠卒

仁忠長身美髯鬚立朝侃侃動中禮法弟舒王仁

禮監軍韋州私受吏民錢遺書責之勉以官箴仁

禮輒還所受已卒家無擔石儲仁忠悉以廩俸給

西夏書事

卷三十六

五

之已與家人日食粗糲而已任得敬謀內召潛令

任太后授意朝臣太后憚仁忠嚴數年不敢泄于

外至是卒贈吳王諡恭顯

紹興十九年

金皇統九年十二月

廢主亮天德元年夏天盛元年春正

月使賀金正旦及萬壽節

金右丞相完顏亮陰蓄篡謀恩結羣下夏使與宋

高麗使人賀亮請厚賚之

秋七月召西平公任得敬爲尙書令

得敬聞濮王卒以金珠賂晉王察哥言于仁孝請

召得敬仁孝令得敬入為尙書令得敬諂事察哥
兩人頗相得

冬十二月賀正使如金至廣寧聞金亂而還

使人至廣寧聞金右丞相完顏亮弑熙宗自立國

中大亂乃持儀物而回

按使還何書嘉不辱命也

金使來告哀不納

亮既自立使來告哀并諭廢立事仁孝使人止之

境上詰曰聖德皇帝何以見廢不納

西夏書事 卷三十六 六

按金亮篡謀久蓄一旦顯行弑逆宋之君臣苟

能聲罪致討直搗黃龍誅斬逆羯雪二帝蒙塵

之恥立千秋討賊之經豈不韙哉夫何中國不

能討而夏人詰之境上數語義正詞嚴賊亮聞

之應亦索然氣沮也

紹興二十年金天德二年夏天盛二年春三月金復遣使

來諭遂受其使

金主以夏不納告哀使復遣侍衛親軍步軍都指

揮使完顏思恭萬戶完顏撒改來諭且以名諱告

仁孝受之

秋七月遣使如金賀

仁孝遣御史中丞熱辣公濟等表賀卽位開封尹

蘇執義等賀受尊號

按上書受使茲書使賀仁孝可謂守義不固矣

冬十月進任得敬中書令

得敬日尊寵用事仁孝任以中書令得敬佯表辭

不許

紹興二十一年金天德三年夏天盛三年春正月使賀金

西夏書事 卷三十六 七

正旦及生辰

按海陵聖節金史不書非無義也

秋九月奉表如金

金主以上年冬十二月癸卯白虹貫日詔去尊號

仁孝表請上之

金使來賀生日

使臣為經武將軍修起居注蕭彭哥金史夏國傳以賜生日使

在皇統元年與熙宗紀及交聘表異

按金使賀生日始此

冬十二月以幹道冲爲蕃漢教授

道冲先世靈州人祖從德明遷興州世掌夏國史

職道冲年五歲以尙書中童子舉長通五經譯論

語注作別義三十卷又作周易卜筮斷以國字書

之行于國中

紹興二十二年金天德四年夏天盛四年春正月使賀金

正旦及生辰

夏使與宋史高麗使同賜宴大金集禮曲宴儀金主卽御座引臣僚至

丹輝舞蹈畢各上殿次引宋使從人入至丹墀再拜不出班奏聖躬萬福又再拜有敕賜酒食又再

西夏書事 卷三十六 八

拜引左廊立次引高麗夏從人入分引左右廊立

果牀入進酒金主舉酒時上下侍立官並再拜接

蓋畢候進酒官到坐者再拜坐卽行臣使酒

傳宣立飲畢再拜坐次從人再拜坐至四蓋餅茶

入致語聞鼓笛時揖臣使人再拜坐立口號絕坐宴

并侍立官並再拜坐次從人再拜坐立口號絕坐宴

宴教坊謝恩畢揖臣使人再拜坐立口號絕坐宴

使下殿歸幕次賜花人從隨出戴花畢先引入閣臣

入左右廊立次引臣使入左右上殿位立金主出

閣坐果牀入坐立並再拜坐次從人再拜坐九蓋

將曲終揖從人至位再拜引出聞曲時揖

臣使起再拜下殿至丹墀謝宴分引出

秋九月金使來賀生日

正旦及生辰

金主以皇弟克卒輟朝命有司受獻生辰乃受賀

夏五月畏吾兒國來獻

畏吾兒居伊州外見夏國日盛遣使獻方物

秋九月金使來賀生日

使臣爲翰林待制謀良虎

紹興二十四年金貞元二年夏天盛六年春正月使賀金

正旦及生辰

金主不豫不視朝賜使人就館燕生辰方受賀

西夏書事 卷三十六 九

三月使賀金遷都

金主自中京遷都于燕改燕京爲中都府仁孝使

王公佐往賀

秋九月請市儒釋書于金

仁孝遣使請市儒釋諸書金主許之

按市書美舉也而兼及于釋則未免惑于異端

矣

紹興二十五年金貞元三年夏天盛七年春正月使賀金

正旦及生辰

金主淫暴日甚仁孝使賀特遣樞密使御史大夫等官為使以示敬禮

夏五月朔日有食之

越日大風雨雷電震壞宮殿鴟尾仁孝以天變肆

赦國中

附 金史交聘表貞元三年夏五月夏遣使謝恩

攷是時金無事于夏不知所謝何恩紀傳不載

秋九月賜尚食官阿華銀幣

仁孝獵于賀蘭原有駿馬損足命執治道者戮之

西夏書事

卷三十六

十

阿華侍側諫曰田獵非人主所宜今為馬多殺貴

畜賤人豈可聞于四境乎仁孝訝而止還以語罔

后后賜銀幣獎之以愧從臣之不言者

紹興二十六年

金正隆元年

夏天盛八年春正月使賀金

正旦及生辰

金主自九月廢朝數月不出是月庚戌始復視朝

夏使賀正不得見生辰使乃得與宋高麗使同入

賀

夏四月晉王察哥卒

察哥為將貪雖多戰功時論鄙之晚年貨賄公行

威福自用仁孝以其尊行勿之間卒年已七十餘

猶姬妾充下陳有園宅數處皆攘之民間者仁孝

令悉還其主

秋七月彗星見

丙午出東井約長一丈光芒竟尺癸丑又犯五諸

侯

九月以任得敬為國相

晉王察哥在朝得敬猶知顧忌及察哥卒益易仁

西夏書事

卷三十六

十一

孝勢日專橫政由己出舉朝側目

紹興二十七年

金正隆二年

夏天盛九年春正月使賀金

正旦及生辰

金主以大房山山陵禮成遍賜百官諸國賀正使

至亦厚資之

夏四月金使來橫賜

金主遣宿直將軍溫敦幹喝來橫賜仁孝使樞密

都丞旨梁元輔中書舍人趙衍為館伴元輔有口

才議論風生幹喝不能難使回稱夏國多才較昔

為盛

六月任得敬以弟任得聰為殿前太尉任得恭為興

慶尹

二人倚勢弄權請謁賄賂輻湊其門秘書監王舉

劾之罷官去

秋九月金使來賀生日

使臣為宿直將軍僕散烏里黑

紹興二十八年金正隆三年夏天盛十年春正月使賀金

正旦及生辰

西夏書事

卷三十六

三

附 金史交聘表正隆三年正月夏奏告使還命

宣徽使敬嗣暉諭之云云攷海陵紀及嗣暉傳

所諭何事並不詳

夏五月立通濟監鑄錢

自茶山鐵冶入于中國國中乏鐵常以青白鹽易

陝西大鐵錢為用及金人據關右置蘭州等處權

場若以中國錢貿易價輒倍增商人苦之仁孝乃

立通濟監命監察御史梁惟忠掌之鑄天盛永寶

錢與金正隆元寶錢並用金主禁之仁孝再表請

乃許通行

秋九月金使來賀生日

使臣為宿直將軍阿魯保

紹興二十九年金正隆四年夏天盛十一年春正月使賀

金正旦及生辰

夏使與宋諸國使同宴高麗使臣知樞密院金淳

夫與夏使問難折以禮乃屈

三月金人侵分地

金人遣兵部尚書蕭恭經畫邊界頗佔夏國分地

西夏書事

卷三十六

三

爭之不得歸宋官李宗閏知之上書高宗言夏人

怨金人背盟奪其分地誠遣辨士往說之夏必出

兵為我聲援可藉以圖恢復不報

秋九月金使來賀生日

使臣為昭毅大將軍宿直將軍加古撻懶

紹興三十年金正隆五年夏天盛十二年春正月使賀金

正旦及生辰

金主謀伐宋夏使人見命修戰守備為應

三月任得敬進爵楚王

出入儀從幾與國主等御史中丞熱辣公濟上疏
劾之不報

按綱目進爵之辭二進某爵為王上進之也某
進爵為王自進之也得敬獨相夏國進爵自由
後日之賜主分國已兆于此

冬十月任得敬請廢學校

得敬凌虐朝士見仁孝尊崇儒學深惡之上言經
國在乎節儉化俗貴有權衡我國介在戎夷地瘠
民貧耕獲甚少今設多士以任其濫竽糜廩祿以

西夏書事

卷三十六

十四

悉其冗食所費何資乎蓋此中國之法難以行于
我國者望陛下一切罷之仁孝不報

紹興三十一年

金正隆六年十月
世宗雍大定元年夏天盛十三年春

正月使賀金正旦及生辰

時金主禁朝官飲酒犯者死三國人使燕飲者罪
不成享禮而還

立翰林學士院

以王僉焦景顏等為學士

夏五月令史臣修實錄

仁孝命王僉等掌史事纂修李氏實錄

按西夏歷國三百餘年其行事不少概見竊以
為羌俗少文史職固失傳耶及攷金史有夏臣
羅世昌曾敘夏國世系元托克托作宋史亦得
夏國樞要等書資其採拾然在當時已與正史
稍牴牾况夫世遠年湮并此殘編不得見耶今
觀仁孝之修實錄非不有志修明奈其泥用蕃
書後之人欲徵遺事苦于文義難明方策雖存
亦具文而已噫

西夏書事

卷三十六

十五

秋九月金使來賀生日

時金主議平宋之後以兵由陝西定夏國遣太常
博士蕭誼中賀夏主生日仁孝以興慶尹趙良中
書舍人芭里昌明伴宴誼中探問虛實二人以任
相功大舉國歸心為言誼中聞之默然
以任純忠為樞密副都承旨

純忠得敬姪也

冬十月四川宣撫使吳玠使來徵兵不報

先金主亮分兵攻四川扼大散關玠遣使檄夏國

合兵討之仁孝報以書曰仰維鉅宋之興咸托羣心之輔列聖承休于洪祚深仁克浹于寰區繁我小邦賴爲盟主二百年講修于信息億萬姓陶冶于淳濃嗟夫弗率之女真不自安于微分鼠竊一隅之地狼貪萬乘之畿天地所不容神明爲咸憤故此用兵薄伐尙敢肆志不庭毀先廟以示戰士之威殺君母而杜諫臣之口似此盈科之罪難逃負櫬之誅幸使命之來臨快輿情之奮厲共切驅羊公忿敢辭汗馬勤勞布告庶邦遐邇俟來蘇之

西夏書事

卷三十六

六

后奮揚師旅鼓行解例懸之民以至仁伐不仁因多助攻寡助請同李廣勿令一騎生還毋效丁公遽聽片言返旆此上天之假手宜壯士之同心允穆師言恭行天討爾衆士旣造于南土我小國當應于西偏前衝而九野生歡左顧而千軍振色從茲歃血動有餘威誓將滅其衆而犁其庭相與寢其皮而食其肉成大功于不日守中夏于歷年不取必有天殃今其時矣一征當自葛始君其念之餘需報捷之臨別候獻琛之賀使還勉報旨不及

酬然聞金兵勢盛兵不敢出

紹興三十二年金大定二年夏天盛十四年春正月遣兵

犯麟州及境而還

仁孝乘金兵大入以兵二千人蔡園川及馬家嶼

秃頭嶺將攻麟州吳璘命鈐轄秦弼諭之乃還

三月取金會川城四川兵入境大掠

金主雍新立人心未定仁孝知其內亂以兵襲取

其邊羌通峽九羊會川諸城峇興元都統制姚仲

亦破金鎮戎軍乘勝入夏境掠累勝等砦

西夏書事

卷三十六

七

夏四月使賀金卽位及萬春節因請互市

先是夏使至金使副及叅議各一謂之使都管三

上節中節各五下節二十四謂之三節人從時仁

孝使金吾衛上將軍梁元輔翰林學士焦景顏等

賀登極武功大夫賀義忠宣德郎高慎言賀萬春

節萬春節金主雍誕也金主宴使人于貞元殿三

節人從皆賜食廡下金主察食不精腆杖掌膳官

六十已而使人辭朝請賜互市金主從之

六月犒金兵于界上

金移刺窩斡叛兵敗西奔御史大夫白亮敬在西
北招討司市馬防其走入西夏以兵屯兩國界上
截之仁孝遣使犒焉

秋八月使賀金尊號

仁孝聞金主受尊號使左金吾衛上將軍蘇執禮
甌匣使王琪押進御史中丞趙良往賀

九月金使來賀生日

使臣為尚書左司員外郎完顏正臣并以平移動
窩斡告

西夏書事

卷三十六

六

冬十月移中書樞密院于內門外

便顧問也

按 自古君臣一德無殊家人父子自叔孫定朝

儀冠履之分嚴堂陛之情隔于是朝有數見有

時延及後世遂有不御朝不見臣下之弊矣今

仁孝勵精圖治恐見聞未及將中書樞密院移

置內門外以便顧問則上無勿知之隱下無不

達之情夏政之善可知矣

十二月歸金侵地乞兵入寇

仁孝怨蜀兵入境以所得盩厔會川等城岩歸金
乞兵復宋侵地金主遣尚書吏部郎中完顏達吉
體究陝西利害以報

西夏書事

卷三十六

七

西夏書事卷三十六終

西夏書事卷三十七

青浦 吳廣成西齋

中書
右
丞
兼
直
學
士

宋孝宗隆興元年金大定三年夏天盛十五年春正月使

賀金正日

使人為武功大夫芭里昌祖宣德郎楊彥敬昌祖

後官至殿前太尉彥敬由翰林學士進參知政事

二人皆為夏國名臣

按昔夫子作春秋無事必書首時朱子作綱目

無事必書年數所以備遺也西夏自宋南渡後

西夏書事

卷三十七

一

記注關佚惟金史交聘一表畧存歲時朝聘梗

槩而所誌職官姓氏可補散亡故備錄之

三月使賀金萬春節

使人為武功大夫訛留元智宣德郎程公濟

夏五月禁奢侈

夏俗習功利尚忠勇地處沙磧不事耕織國多世

祿之家悉以奢侈相高故仁孝下令禁之

按是時夏政益可觀矣夫雕文刻鏤錦繡纂組

非獨傷農事害女紅而民俗之澆淳國用之虛

實亦因之故漢文示敦樸而家給人足隋文崇

儉約而統一兵強自古然也仁孝奢侈之禁或

有見于此噫弗可及已

秋七月金使來市馬

金主遣使至權場市馬仁孝不敢拒

九月金使來賀生日

使臣為宿直將軍僕散習尼

冬十月始使謝金橫賜

先是金宿直將軍阿勒根和衍來橫賜仁孝使金

西夏書事

卷三十七

二

吾衛上將軍蘇執禮匪使李子美往謝

按金史交聘表熙宗皇統五年書橫賜夏國海

陵正隆元年又書而夏之報謝使至是始見知

史文遺佚正多也

隆興二年金大定四年夏天盛十六年春正月使賀金正

日

金制宋使朝辭庭賜禮物夏使就賜于會同館時

武功大夫鬼嚙執信宣德郎李師白禮對嫺雅金

主嘉之特賜衣各三對人從衣各二對使副幣帛

百四十段金鍍銀束帶三金塗銀鬃裝鞍轡三金塗銀渾裏書匣間金塗銀裝釘黑油詔匣及包書詔匣袱各一復賜人從銀二百三十五兩絹二百三十五疋其後遂為定制

二月以翰林學士焦景顏兼樞密都承旨

景顏性嚴毅守正不阿嘗與副都承旨任純忠論事純忠恃得敬勢強辨不肯下景顏面斥其奸仁孝知純忠理屈諭解之擢景顏職

三月使賀金萬春節

西夏書事

卷三十七

三

使人為武功大夫紐臥文忠宣德郎陳師古

秋八月贈野利仁榮為廣惠王

褒其制蕃字功也

九月金使來賀生日

使臣為宿直將軍完顏烏里雅

冬十一月遣使如金乞免索人口

先是金邊吏奏夏人雖歸城砦而掠去人口財畜未歸因索之仁孝遣殿前太尉梁惟忠等奏告曰衆軍破蕩之時幸而免者十無一二繼以凍餒死

亡其存幾何兼夏國與宋兵交人畜被俘戮者亦多連歲勤勦士卒暴露勢皆脔削又為宋人牽制使忠誠之節無由自達中外咸知願止理索不勝下國之幸金主不許

乾道元年金大定五年夏天盛十七年春正月使賀金正旦

使人為武功大夫訛羅世宣德郎高嶽嶽官至樞密直學士歷世通顯至孫良惠為夏國相

二月莊浪族隴逋龐拜二門從西蕃首領結什角叛

西夏書事

卷三十七

四

降于金

莊浪族屬祈安城其族有四曰吹折門密臧門隴逋門龐拜門雖屬夏國叛服不常結什角者西蕃董種後種子巴種角歸宋賜姓名趙順忠子永吉孫世昌皆受宋官襲把羊族長金人定陝西授世昌忠翊校尉已為鬼蘆族長京臧所殺金人誅京臧以世昌子鐵哥為把羊族都管大定四年宋兵破洮州鐵哥弟結什角與母走喬家族避之喬家族首領播逋與木波隴逋龐拜丙離四族耆老大

僧等共立結什角爲太波四族長號曰王子其地
北接洮州積石軍其南隴通族南限大山八百餘
里不通人行東南與疊州羌接其西丙離族與盧
甘羌接其北隴拜族與夏國容魯族連界結什角
念金爲父報仇常欲歸附會金臨洮尹移刺成使
人招諭結什角率木波丙離及隴通隴拜等族舉
地降于金

三月使賀金萬春節

時中國復與金和遣禮部尙書洪适等賀節夏使

西夏書事

卷三十七

五

同人見

夏五月任得敬營西平府

得敬志篡夏國欲以仁孝處瓜沙已據靈夏于是

役民夫十萬大築靈州城以翔慶軍監軍司所爲

宮殿盛夏溽暑役者糜爛怨聲四起

秋八月遣使如金

賀金主受尊號

九月金使來賀生日

使臣爲宿直將軍木虎蒲查

冬十一月后罔氏卒

罔氏內教謹嚴宮中莫敢犯仁孝諸善政多所贊
成至是疾卒遺言以優禮大臣勤治國事爲囑

按罔氏贊成諸善政爲西夏賢后后卒而夏之
善政不復見矣惜哉

乾道二年金大定六年夏天盛十八年春正月使賀金正

旦

金主御大安殿受朝賀使人武功大夫高遵義宣
德郎安世隨皇太子百官入賀及賜宴侍坐者皆

西夏書事

卷三十七

六

有定員爲制

二月任得敬以莊浪族亂告于金請兵滅之不許

得敬以隴通等族叛遣人諭不從乃以莊浪族違

命作亂欲興兵翦除告金主不知隴通隴拜二門

舊屬夏國報以將檢會其地所屬毋擅出兵

三月使賀金萬春節

賀節使武功大夫曹公達宣德郎孟德達押進知

中興府趙衍至金金主詔使人初見朝辭命于左

掖門出入朝賀賜宴由應天門東偏門出入示禮

敬也

復乞金免索人口

仁孝遣御史中丞李克勤樞密都承旨焦景顏奉

表復請金主方許之

夏四月金使來橫賜

使臣為宿直將軍斜卯摺刺仁孝遣使謝

秋七月以賀義忠為御史中丞

義忠以精敏稱初授監察御史行部所至吏民肅

然仁孝知其賢進中丞

西夏書事

卷三十七

七

九月金使來賀生日

使臣為翰林待制移刺熙載

冬十月任得敬以兵攻莊浪族吹折密賊二門滅之

隴逋龐拜二族歸金請每年進馬馳百匹金主嘉

其慕義時遣能吏撫綏賞賜加厚二族因誘吹折

密賊二門潛附得敬遣殿前太尉任得聰將兵二

萬襲吹折二族破之悉擄其資財人畜

乾道三年

金大定七年

夏天盛十九年春正月使賀金正

旦

使人為武功大夫劉志真宣德郎李師白師白兩

使金國盡得其民風土俗著奉使日記三卷

三月立羅氏為后

羅氏本中國人陷沒于夏入宮已數年仁孝幸之

遂以為后

按書立羅氏誌禍始也羅氏失德史無明文然

觀金史所載異日純佑之廢羅氏有力焉故誌

之

使賀金萬春節

西夏書事

卷三十七

八

使人為武功大夫任得仁宣德郎李澄得仁得敬

族弟得敬攻破莊浪族使得仁為賀節使以覘金

主喜怒

夏六月莊浪族隴逋龐拜二門走依結什角

吹折二門為得敬破滅隴逋二門聞之懼挈其族

帳走入把羊族依結什角以居

秋九月金使來賀生日

使臣為宿直將軍唐括鶻魯

冬十二月任得敬疾遣使請醫于金

仁孝遣殿前太尉芭里昌祖樞密都承旨趙衍至
金請醫治得敬疾金主許之

乾道四年金大定八年夏天盛二十年春正月使賀金正

旦

使人為武功大夫利守信宣德郎李穆

二月任得敬附表如金謝金主不納

初金主使保全郎王師道治得敬疾曰如病勢不

可療則勿治如可治期一月還已得敬疾瘳師道

歸仁孝遣謝恩使左金吾衛正將軍任得聰至金

西夏書事 卷三十七 九

得敬亦附表進禮物金主曰得敬自有定分豈宜

紊越卻不受

按得敬之附表謝蓋陰蓄異謀先為嘗試計也

金主燭其奸而不受足以禱奸雄之魄矣

三月使賀金萬春節

使人為武功大夫咩布師道宣德郎嚴立本立本

言動有準繩官至樞密直學士進吏部尚書

夏五月任得敬遣使入四川約出兵攻西蕃

得敬專政二十餘年廣植私黨遣間使至四川請

發兵夾攻西蕃以為已助宣撫使虞允文以蠟書

報之宋史夏國傳得敬遣使事在三年五月孝宗紀在四年傳紀不合

秋七月獲任得敬帛書獻于金

得敬再以帛書約四川出兵至廣寧為邏者所獲

仁孝疑其有異密獻于金金史世宗紀不載仁孝

得敬密通宋人求助宋人以蠟書答夏人得之誅

云大定十年三月壬子宋以蠟書遣任得敬夏執

其人并書以來大定十年宋乾道六年也攷宋史

夏國傳乾道三年五月夏國相任得敬遣間使至

西夏書事 卷三十七 十

紀在乾道四年與夏國傳異

九月金使來賀生日

使臣為引進使高希甫

乾道五年金大定九年夏天盛二十一年春正月使賀金

正旦

使人為武功大夫莊浪義顯宣德郎劉裕

二月罷御史中丞熱辣公濟

公濟骨鯁有風裁見得敬專恣日甚抗疏言得敬

為國懿親擅權寵作威福陰利國家有事以重已

功豈休戚與共之誼請賜罷斥得敬怒甚欲因事誅之仁孝恐為所害令致仕歸得敬奸譏舉朝多為折挫敢與相是非詞氣不撓者惟公濟與焦景顏幹道冲而已

三月使賀金萬春節

使人為武功大夫渾進忠宣德郎王德昌

夏四月任得敬殺喬家族首領結什角于莊浪族執其母以歸

結什角母向居莊浪族得敬伺其省母至發兵圍

西夏書事 卷三十七

十一

之招降不從率所部力戰潰圍走夏兵斷其臂遂擄其母結什角以創死

秋九月金使來賀生日

使臣為宿直將軍僕散忠

冬十月任得敬築祈安城

得敬既殺結什角發兵四萬役夫三萬修築祈安

城增廣其制三月畢工

十二月金遣使按覲

金陝西邊吏奏結什角死夏國築祈安城金主遣

大理卿李昌圖左司員外郎粘割幹特刺按視得敬遣人答云祈安本積石舊壤城址久廢邊臣請設戍兵鎮撫莊浪族以備盜非有他也結什角稱兵入境故殺之不知為喬家族首領也昌圖等不能詰

乾道六年金大定十年夏乾祐元年春正月使賀金正旦

使人為武功大夫劉志直宣德郎韓德容志直志真弟官翰林學士工書法西北有黃羊志直取其尾豪為筆國中效之遂以為法

西夏書事 卷三十七

十二

二月任得敬圖喬家族金增兵備熙秦

初結什角死遺言請金另立首領金以結什角姪

趙師古為隴逋等四族都鈐轄得敬遣謀約中國

圖之金主命于熙秦迫近宋夏處添戍為備

三月使賀金萬春節

使人武功大夫張兼善宣德郎李師白與宋使翰

林學士趙雄泉州觀察趙伯驥同入賀金主命護

衛中善射者押賜諸使射弓宴雄等中五十金押

宴者纔中七金主下詔諭止兼善等遂與高麗使

先退

夏四月太后任氏卒

得敬恃權行多不法太后屢戒不聽日以盛滿為憂至是卒仁孝葬之如禮

五月任得敬脇主分國請封于金金主不許

得敬邪謀日甚凌轢宗親誅鋤異己仁孝不能制分國之西南路及靈州囉囉嶺與得敬自為國遣左樞密使浪訛進忠翰林學士焦景顏如金為得敬求封冊景顏抗疏求罷行仁孝不許金主以問

西夏書事

卷三十七

三

尙書令李石曰事係彼國我何預焉不如許之金王曰有國之主豈肯無故分國與人此必權臣迫奪非夏主本意况夏國稱藩已久一旦迫于賊臣朕為四海主寧容此耶若彼不能自正則當以兵誅之不可許也卻其貢物賜仁孝詔曰自我國家戡定中原懷柔西土始則畫疆于乃父繼則賜命于爾躬恩厚一方年垂三紀藩臣之禮既務踐修先業所傳亦當固守今茲請命事煩靡常未知措意之由來續當遣使以詢爾所有貢物已令發回

金史交聘表以得敬分國記在大定九年誤

按嗚呼世風日下事變愈繁昔韓趙魏三分晉國請命于周君子病之為其專也降至後世以強臣逼天子則美之曰禪讓以偏禪遂主帥則假之曰樂推上下相蒙不知紀極今得敬擅權至敢分國凶悖極矣仁孝力不能制為之表請倘金主聽李石之言許頒封冊則始而分終而併晉之俱酒非其證歟世宗賜詔禁之邪謀為之頓阻書脇主罪得敬之專書不許嘉金主之

西夏書事

卷三十七

古

正也

秋七月日暮日色赤

金主以問左丞相紇石烈良弼對曰旦而赤應在東高麗當之暮而赤應在西夏國當之未幾夏國有任得敬之亂高麗有趙位寵之難

按仁孝之篇令德美政相望于冊而前書彗星見此書日色赤誌異也乾象莫大于七政日色旦暮皆赤異亦甚矣不一月而夏國高麗兩國俱亂變不虛生信哉

八月誅任得敬

得敬求封不得始有懼心與弟南院宣徽使任得

仁殿前太尉任得聰等將為變仁孝恃金為助密

謀誅之遂于月之晦日討殺得敬盡誅其族黨

夏國傳乾道四年夏任得敬以謀篡伏誅金史西

夏傳大定十年仁孝為得敬求封金主賜詔諭之

二月晦日仁孝誅得敬上表謝大定十年宋乾道

六年也二史互異金世宗紀十年閏五月庚辰夏

國任得敬晉李仁孝上表請分其國詔不許十二

月癸巳夏國誅任得敬遣使來謝傳紀月日又不

合是時夏國遠宋近金金史所紀以為可據然以

二月誅得敬不應有五月請封之事且以十二月

奏聞為時太遠攻薛氏宋元通鑑記在是

年八月畢氏續資治通鑑亦同茲從之

西夏書事

卷三十七

五

九月金使來賀生日

使臣為尚書戶部郎中夾古阿里補

冬十一月遣使如金謝

仁孝遣殿前太尉芑里昌祖樞密直學士高嶽奉

表謝金曰得敬初受分土之後曾遣使赴大朝代

求封建蒙詔書不為俞納此朝廷憐愛之恩夏國

不勝感戴夏國妄煩朝廷冒請賊臣封爵深虧禮

節今賊臣誅訖大朝可無事使問其所分之地與

大朝熙秦路接境恐自分地以來別有生事已根

勘禁約乞朝廷亦行約束

乾道七年金大定十一年夏乾祐二年春正月使賀金正旦

使人為武功大夫煞執直宣德郎馬子才

三月使賀金萬春節

故事夏使如金報至行省金主遣接伴使與書表

人迂于境上入界則先具驛程腰宿之須始至京

兆行省翌日賜宴至河南行省亦然將至京有內

侍一人以油絹祿韜三銀盒貯湯藥二十六品逆

于近境尉氏縣時春雨泥濘馬駝多病金主命使

西夏書事

卷三十七

六

人駐燕賓館令獸醫護視然後入

二月西蕃克烈別部菊兒來投

克烈部長汪罕殺僂昆弟帥兵攻其叔菊兒蒙古

部長也速該將兵助之菊兒兵敗走投夏國仁孝

憫其窮蹙使居于西偏

夏五月以幹道冲為中書令

道冲剛介直言侃侃不撓任得敬惡之沉淪幾二

十年道冲處之澹然仁孝重其節概至是擢中書

令百僚師式之未幾任為相

秋九月金使來賀生日

使臣為近侍局使劉琬

冬十一月任純忠伏誅

初隴逋四族都鈐轄趙師古頻掠祈安城為結什

角復仇任得敬遣純忠率兵三萬鎮祈安已聞得

敬死一夕亡去匿于金之北境邏者執以送隴逋

族師古得之殺以祭結什角焉

按純忠死于隴逋族書伏誅正賊臣之罪也

西夏書事

卷三十七

七

西夏書事卷三十七終

西夏書事 卷三八

西夏書事卷三十八

青浦 吳廣成西齋 纂

乾道八年金大定十二年夏乾祐三年春正月使賀金正旦

使人武功大夫鬼烈執忠宣德郎劉昭昭後官翰

林學士進樞密直學士戶部侍郎

三月使賀金萬春節

金主賜燕宋使工部尚書莫濛以國忌不肯簪花

聽樂金使趣之濛堅執不赴于是夏使武功大夫

党得敬宣德郎田公懿位次與高麗使抗

西夏書事

卷三十八

一

夏四月遣使賀金尊號

金主受羣臣尊號仁孝遣殿前馬步軍太尉訛羅

紹甫樞密直學士呂子溫區匣使芭里直信往賀

秋七月請金復蘭州保安榷場

金主謂其臣曰夏國以珠玉易我絲帛是以無用

易有用也令罷兩處榷場仁孝請復不允通鑑輯覽云續

綱目作蘭安考金史地理志有蘭州無蘭安續綱目蓋仍金史夏國傳之誤

九月金使賀生日

使臣右衛將軍粘割幹特刺

五九九

冬十二月使謝金橫賜

先是金使宿直將軍唐括阿忽里來橫賜仁孝遣

殿前太尉周榮忠樞密直學士嚴立本往謝

乾道九年

金大定十三年

夏乾祐四年春正月使賀金正旦

使人為武功大夫卧落紹昌宣德郎張希道

二月克烈部長汪罕至河西假道走契丹

汪罕弟也力可哈刺怨汪罕多殺與乃蠻部長亦

難赤發兵伐之汪罕部眾盡失與其屬走河西假

道夏國仁孝饋以資糧俾由回鶻走契丹

西夏書事

卷三十八

二

三月使賀金萬春節

使人武功大夫鄒顯忠宣德郎王師信顯忠後官

御史中丞師信旋擢翰林學士

夏五月朔日食于井

雲陰不見羣臣表賀仁孝却之

秋九月金使賀生日

使臣宿直將軍胡什資

淳熙元年

金大定十四年

夏乾祐五年春正月使賀金正旦

武功大夫煞德進宣德郎李師旦與高麗使同至

高麗有三綱一賀正一謝遣使一謝賜羊酒夏惟

賀正謝遣而已金主因德進等獻禮物十二床馬

二十四匹海東青五細犬五賜資與高麗使等

三月使賀金萬春節

使人為武功大夫芭里安仁宣德郎焦蹈

秋九月金使賀生日

使臣宿直將軍完顏崇肅

冬十月克烈部長汪罕還自契丹入河西大掠

汪罕在契丹與其部眾不協復叛歸道經河西中

西夏書事

卷三十八

三

路糧絕縱其部下剽抄仁孝遣兵擊逐汪罕敗走

蒙古鉄木眞遣部眾迎之乃免

淳熙二年

金大定十五年

夏乾祐六年春正月使賀金正旦

使人武功大夫李嗣卿宣德郎白慶嗣嗣卿後知

興慶府擢殿前太尉

秋九月金使賀生日

使臣符寶郎斜也和尙

冬十二月使謝金橫賜

先金使橫賜仁孝遣典慶尹訛羅紹甫翰林學士

王師信往謝

淳熙三年金大定十六年夏乾祐七年春正月使賀金正旦

使人為武功大夫鬼宰師憲宣德郎宋宏

三月使賀金萬春節

金主以月朔日食命賀節使次日朝見使人武功

大夫骨勒文昌宣德郎王禹珪同高麗使入賀

秋七月旱

蝗大起河西諸州食稼殆盡

九月金使賀生日

西夏書事

卷三十八

四

使臣宿直將軍完顏覲古

淳熙四年金大定十七年夏乾祐八年春正月使賀金正旦

使人武功大夫訛嚒德昌宣德郎楊彥和彥和參

知政事彥敬弟

二月金復禁綏德榷場

金主以西遼邪律大石諸部不靖恐與夏國交通

命陝西沿邊榷場止留一處令所司嚴察奸細于

是夏國綏德榷場亦罷

三月使賀金萬春節

使人武功大夫芭里慶祖宣德郎梁宇慶祖殿前

太尉昌祖弟宇金吾衛上將軍元輔姪歷官翰林

學士進御史大夫

秋九月金使賀生日

使臣尙書兵部郎中石抹忽土

冬十一月獻百頭帳十金

仁孝自出新意命工造百頭帳獻金金主以夏國

貢獻自有方物却之仁孝再以表上日所進帳本

非珍異若不蒙收納則夏國深誠無所展效四方

西夏書事

卷三十八

五

鄰國以為夏國不預大朝眷愛之數將何所安金

王乃許與正日使同進

十二月東經略使蕭執禮如金橫進

仁孝感金王德意常貢之外復遣執禮往獻

淳熙五年金大定十八年夏乾祐九年春正月使賀金正旦

使人為武功大夫惡惡存忠宣德郎武用和

三月使賀金萬春節

使人為武功大夫鬼名仁顯宣德郎趙崇道

夏四月金使來橫賜

使臣太子左贊善兼翰林修撰阿不罕德甫

五月克烈部亦剌哈犯界擊走之

汪罕與蒙古不協將兵攻之戰敗為乃蠻所殺其

子亦剌哈逃入夏境大恣剽掠仁孝遣兵擊之亦

剌哈走龜茲國被殺

秋九月金使賀生日

使臣侍御史完顏蒲魯虎

侵金麟州誘其酋祿東賀叛毀其州城

夏將蒲魯合野侵金麟州至右遵源誘印都部酋

西夏書事 卷三十八 六

祿東賀與之通遣蕃僧諦刺約日為應共擊金兵

敗之擄金帛子女數萬遂毀其城

按書侵書誘罪夏也書毀城罪又甚矣仁孝內

患方除貪心旋起以怨報德不亦異哉

冬十二月遣使如金謝橫賜

使人為殿前太尉浪訛元智翰林學士劉昭

淳熙六年金大定十九年夏乾祐十年春正月使賀金正旦

使人為武功大夫張兼善宣德郎張希聖

三月使賀金萬春節

使人武功大夫來子敬宣德郎梁介介後為秘書
少監歷官南院宣徽使

秋九月金使賀生日

使臣太子左衛率府裴滿胡刺

淳熙七年金大定二十年夏乾祐十一年春正月使賀金正

旦

使人武功大夫安德信宣德郎吳日休

三月使賀金萬春節

使人武功大夫罔進忠宣德郎王禹玉進忠後知

西夏書事 卷三十八 七

興慶府歷右樞密使禹玉官翰林學士

秋九月金使賀生日

使臣少府監完顏賽補

冬十二月使如金橫進

初金主詔有司夏使入界如遇月小盡限二十五

日至都二十七日朝見使人御史中丞罔承德等

遲期一日遂于二十八日朝見

淳熙八年金大定二十一年夏乾祐十二年春正月使賀金

正旦請復綏德權場

先是金尙書奏夏國與陝民越境盜竊財畜姦人托名貿易潛相往來恐爲邊患請盡罷東勝環州等處權場金主不許仁孝因東勝遠貿易不便遣武功大夫謀寧好德宣德郎郝處俊賀正遣御史中丞問承德請復保安蘭州綏德三處權場金主以保安蘭州地無絲泉且稅少綏德爲要地令置關市以通貨財

三月使賀金萬春節

使人爲武功大夫蘇志純宣德郎康忠義

西夏書事

卷三十八

八

夏四月金使來橫賜

使臣滕王府長史把德固

淳熙九年

金大定二十二年

夏乾祐十三年春三月使賀金

萬春節

使人武功大夫高俊英宣德郎李文政俊英官至

兵部侍郎文政樞密直學士進殿前太尉

秋九月金使賀生日

使臣尙輦局使僕散曷速罕

淳熙十年

金大定二十三年

夏乾祐十四年春正月使賀金

正旦

使人武功大夫劉進忠宣德郎李國安國安後官

翰林學士刑部尙書

三月使賀金萬春節

使人武功大夫吳德昌宣德郎劉思忠思忠進忠

弟先後奉使不辱君命國人以爲榮

秋八月國相幹道冲卒

道冲爲相十餘年家無私蓄卒之日書數床而已

仁孝圖其像從祀學宮俾郡縣遵行之虞集文集後夏亡廟

西夏書事

卷三十八

九

學盡壞惟甘州僅有其迹涼州有殿及廡焉集得道冲遺像贊之曰西夏之盛禮事孔子極其尊親以帝廟祀乃有儒臣早究典謨通經同文教其國都遂相其君作服施采願瞻學宮遺像斯在國廢時遠人鮮克知壞宮改作不聞金孫不忘其親在賢孫子載圖丹青取徵良史

九月金使賀生日

使臣宿直將軍完顏斜里虎

淳熙十一年

金大定二十四年

夏乾祐十五年春正月使賀

金正旦

使人武功大夫劉執中宣德郎李昌輔昌輔後爲

樞密直學士

二月金使橫賜

使臣器物局使完顏面

三月使賀金萬春節

使人武功大夫晁直信宣德郎王庭彥

夏五月遣使奏告于金

金主幸上京仁孝遣中書舍人梁宇等奏告將遣

使賀金主以暑雨泥濘往復萬里諭止之

秋九月金使賀生日

使臣侍御史遙里特未哥

西夏書事

卷三十八

十

冬十一月金使止正旦生日使

金主在上京以天寒道遠其宋與高麗夏國賀正

旦生日使不須遣發特令有司報諭

淳熙十二年

金大定二十五年

夏乾祐十六年春二月西遼

假道伐金

西遼主大石死子孫相繼西方諸部仍以大石名

之是時遣使至夏假道伐金中國諜者以聞孝宗

密詔利西都統制吳挺與制置使雷正議之已而

不果

宋史夏國傳西遼假道在二月孝宗紀在四月

冬十一月遣使如金賀

金主自上京還仁孝遣御史大夫李崇懿與慶尹

米崇吉押進匭匣使李嗣卿往賀尊安

淳熙十三年

金大定二十六年

夏乾祐十七年春正月使賀

金正旦

金主以宣孝太子薨未大燒飯

金喪祭名詔權停三日

使人武功大夫麻骨進宣德郎劉光國與宋高麗

使各賜在館宴

三月使賀金萬春節

西夏書事

卷三十八

十一

是月丙午朔日食金主改用次日使人武功大夫

麻骨德懋宣德郎王慶崇于丁未日朝見

夏四月利西都統制吳挺使來結援

史臣曰當時議論可否及夏人從違史不具載蓋

闕文也

秋九月金使賀生日

使臣宿直將軍李達可

淳熙十四年

金大定二十七年

夏乾祐十八年春正月使賀

金正旦

使人武功大夫克德昭宣德郎索遵德

三月使賀金萬春節

使人武功大夫野遇忠輔宣德郎呂昌齡野遇西

夏大族忠輔磊落英發歷官左樞密使為時名卿

秋九月金使賀生日

使臣武器署令斜卯阿土

冬十二月使謝金橫賜

先金使來橫賜仁孝遣殿前太尉訛羅紹先樞密

直學士嚴立本往謝紹先與慶尹紹甫兄也

西夏書事

卷三十八

十三

淳熙十五年

金大定二十八年

夏乾祐十九年春正月使賀

金正旦

使人武功大夫麻奴紹文宣德郎安惟敬

三月使賀金萬春節

使人武功大夫渾進忠宣德郎鄧昌祖往賀金主

御慶和殿受朝賜羣臣及三國人使宴極歡

秋九月金使賀生日

使臣鷹坊使完顏崇夔

淳熙十六年

金大定二十九年

夏乾祐二十年春正月賀正

使自金還

金主大漸不能視朝遂諭夏使與高麗使先還

二月金使來告哀三月遣使慰奠

世宗薨也仁孝遣殿前太尉李元貞翰林直學士

餘良陳慰進奉使御史中丞鄒顯忠等往奠

夏五月使賀金即位

使人知興慶府事迺令思敬田周臣等

六月金移文報天壽節

金主璟誕也令于九月一日稱賀

金史禮志大定二十九年三月

西夏書事

卷三十八

十三

章宗在諒陰右丞相襄言以正月十一日或三月十五日為聖節定外國使人過界之期平章政事

張汝霖參知政事劉瑋刑部尚書完顏居貞皆言不可上初從之既而竟用襄議令有司移報使明知聖誕之實特改其期以示優待行人之意與章宗本紀稍異

秋八月遣使如金賀

使人鬼名彥劉文慶往賀金主以世宗喪不受朝

九月金使賀生日

使臣隆慶宮衛尉把思忠

宋光宗紹熙元年

金章宗璟明昌元年

夏乾祐二十一年春正

月使賀金正旦

金主以世宗喪不受朝使人武節大夫唐彥超宣德郎楊彥直不得入見彥直亦彥敬弟

夏四月金使來橫賜

使臣鷹坊使移刺寧

秋九月金使賀生日

使臣武衛軍副都指揮使烏林答謀甲

冬十二月侵金嵐石等州

先是夏使至金許帶貨物與富商交易大定中使者輒市禁物世宗令于都亭貿易獲利漸少及金

西夏書事

卷三十八

五

主璟立以夏國臣屬久凡橫賜生日使禮意頗優

仁孝怒以兵侵嵐石等州掠人畜而還

紹熙二年

金明昌二年

夏乾祐二十二年春正月使賀金

正旦

仁孝雖侵金邊境仍遣武節大夫王全忠宣德郎

張思義賀正金主以世宗服未除不受朝故事夏

使貿易三日金主止許一日尙書省以故例請金

主勉從之

二月金使來報哀

皇太后喪也且賜遺物仁孝遣使奠慰

夏五月攻金鄜坊二州破之掠保安州

金主娛情聲色荒於政事凡屬國使者至羈遲不

卽見有上章求去者仁孝乘其間遣兵破鄜坊二

州至保安州大掠而歸

秋九月使賀金天壽節

使人武節大夫執嵬英宣德郎焦元昌金主以皇

太后喪不受朝賀

金使賀生日

西夏書事

卷三十八

五

使臣西上閣門使白琬

冬十月侵金鎮戎軍殺其將阿魯帶

邊人肆牧于鎮戎境執金邏卒金將阿魯帶率兵

追逐右廂吳明契信陵都卜祥徐餘立伏兵澗中

襲殺阿魯帶取其弓甲掠牲畜無筭

紹熙三年

金明昌三年

夏乾祐二十三年春正月使賀金

正旦

使人武節大夫趙好德宣德郎史從禮金主仍不

受朝賜燕還

三月殺吳明契等以謝金

金主以鎮戎之役遣使誥責仁孝歸罪明契等處以徒刑金主不從索之不已乃殺以謝

秋九月使金賀天壽節

使人武節大夫罔敦信宣德郎韓伯容金主仍不受朝

金使賀生日

使臣郊社署令唐括合達

紹熙四年金明昌四年夏乾祐二十四年春正月使賀金

西夏書事

卷三十八

六

正旦

金主以太后服未除不受賀使人武節大夫吳嘯遂良宣德郎高崇德等仍不得見崇德後知興慶府著政績號為神明

夏五月金使來橫賜

使臣尙廐局使石抹貞

秋九月使賀金天壽節

金主始御大安殿受親王百官朝賀使人武節大夫龐靜師德宣德郎張崇師與宋高麗使同見

國主仁孝卒子純佑立

年七十宋史夏國傳仁孝卒于是月二十日在位五十五年改元四

謚曰聖祖皇帝廟號仁宗墓號壽陵純佑時年十七章獻欽慈皇后羅氏生

論曰仁孝初立境宇小康人民樂業未幾而地

震歲飢沙飛泉湧天灾洊至荒亂頻仍洵國步

孔艱哉然能崇儒學禁奢侈修國史製新律又

尊孔子為帝增弟子員至三千人典章文物燦

然成一代宏規蓋幾軼遼金而上之矣惜其既

西夏書事

卷三十八

七

誅得敬漸啟侈心致與金為好不終亦晚節之累也

冬十一月告哀于金且獻遺物

純佑遣御史大夫李元吉翰林學士李國安如金訃遣殿前太尉晔銘友直等獻遺物

十二月金使來祭慰

初金主遣西上閣門使大暑賀夏主生日至是因仁孝卒即以為勅祭慰問使

紹熙五年金明昌五年夏天慶元年春正月使賀金正旦

使人武節大夫恧恧世忠宣德郎劉思問思問後
官樞密直學士

金使賜封冊

金遣國子祭酒劉璣尙書右司郎中烏古論慶裔
爲封冊使左司都事李仲略爲讀冊官立純佑夏
國王兼起復

夏四月遣謝封使如金

御史中丞浪訛文廣樞密直學士劉俊才押進知
興慶府事野遇克忠往金報謝

西夏書事

卷三十八

六

秋九月使賀金天壽節

金主宴于樞光殿使人武節大夫野遇思文宣德
郎張公輔賜賚甚優思文知興慶府克忠族弟官
至金吾衛上將軍公輔翰林學士進御史中丞
冬十月金使賀生日

使臣引進使完顏裏純佑遣御史大夫李彥崇知
興慶府事郝庭俊往謝

西夏書事卷三十八終

西夏書事卷三十九

青浦 吳廣成西齋 纂

宋寧宗慶元元年

金明昌六年

夏天慶二年春正月使賀

金正旦

使人爲武節大夫王彥才宣德郎高大節

夏四月貢馬于金不受

金故事西北諸國歲貢馬八百匹時完顏宗道除

西北路招討使辭不受諸部皆免純佑遣使謝

秋九月使賀金天壽節

西夏書事

卷三十九

一

故事夏使如金至會同館金主遣使撫問使人依
例書送以禮物是時金用兵北方軍務旁午撫問
使頗索貨賄使人武節大夫宋克忠宣德郎吳子
正正言折之乃止

冬十月金使賀生日

使臣尙書左司郎中粘割胡上

慶元二年

金承安元年

夏天慶三年春正月使賀金正旦

使人武節大夫員元亨宣德郎元叔金制賀正使

于十二月二十九日入見上年十二月己卯立春

金主命于前二日丁丑先見侯至正旦行賀禮

夏五月金使來橫賜

使臣尙藥局副使粘割忠

秋九月使賀金天壽節

先是金主勅夏使與高麗使入見敷奏令新設各

國通事具公服與閣門使上殿監聽使人武節大

夫同崇義宣德郎呂昌邦等遵新制奏告

冬十月金使賀生日

使臣國子監丞烏古論達吉不

西夏書事

卷三十九

二

十二月越王仁友卒降封其子安全爲鎮夷郡王

仁友仁孝族弟深沉有器度初封郡王任得敬擅

權志危國本誣殺宗親仁友深自韜晦口不言國

事及仁孝謀誅得敬陰奉命誘執任得聰任得仁

等得敬勢孤乃伏誅以功封越王至是卒子安全

天資暴狠心術險鷙上表誦先世功冀嗣爵純佑

不許封鎮夷郡王安全由是生怨

慶元三年

金承安二年

夏天慶四年春正月使賀金正旦

使人武節大夫嵬名世安宣德郎李師廣世安夏

宗室官至御史大夫廉約清峻絲毫不妄取刻厲

若貧士卒後廬舍蕭然僅庇風雨而已

秋九月使賀金天壽節

使人爲武節大夫囉嚒守忠宣德郎王彥國

復置保安蘭州榷場

純佑遣知興慶府事李德冲樞密直學士劉思問

奏告請復榷場金主許復二市尋遣殿前太尉李

嗣卿知興慶府事高崇德奉表謝

冬十月金使賀生日

西夏書事

卷三十九

三

使臣禮部員外郎蒙括仁本

慶元四年

金承安三年

夏天慶五年春正月使賀金正旦

己亥朔日食金主改辛丑日入賀諭有司凡館接

伴與使者毋以語言相勝務存大體使人武功大

夫隗敏修宣德郎鍾伯達館燕益謙牧盡禮

夏四月以劉忠亮爲南院宣徽使

忠亮質直端重有大臣體鎮夷郡王安全漸干政

忠亮正色立朝臨事是非不稍回折安全誘以甘

言忠亮曰是餌吾也終不顧先安全寡一年卒臨

終謂子思義曰吾不能為國紓難負恩多矣宜布衣入棺以志吾恨思義遵遺命亦不復仕

秋九月使賀金天壽節

使人為武節大夫折夥俊又宣德郎羅世昌

冬十月金使賀生日

使臣客省使移刺郁

慶元五年

金承安四年

夏天慶六年春正月使賀金正旦

故事夏使如金至燕賓館更衣由宜照門入館伴及書表牽攏官在路迎候邀入會同館謂之聚廳

西夏書事

卷三十九

四

使者與館伴交銜畢然後相見三節人從以次互相參拜是時金主易館名恩華所經橋道先期修治賜酒賜菓皆從厚使人武節大夫李慶源宣德郎鄧昌祖入見金主悉慰勞之

夏五月金使來橫賜

使臣宿直將軍徒單仲華

秋九月使賀金天壽節

使人武節大夫紐尙德昌宣德郎李公達

遣使如金謝橫賜

使人殿前太尉迺合思聰樞密直學士楊德先

冬十月金使賀生日

使臣兵部郎中完顏撒里合

慶元六年

金承安五年

夏天慶七年春正月太后羅氏疾

因賀正使求醫于金

夏國鮮醫藥有疾但占筮令廝者送鬼或遷他室謂之閃病俗以巫為廝也羅氏病頭風久不愈純佑遣武節大夫連都敦信等至金賀正附奏求醫

金使太醫時德元王利貞來治並賜藥物

西夏書事

卷三十九

五

秋八月遣使如金謝

純佑以母疾愈遣南院宣徽使劉忠亮知興慶府事高永昌如金謝恩

九月使賀金天壽節

使人為武節大夫連都敦信宣德郎丁師周

冬十月金使賀生日

使臣宿直將軍完顏觀音奴純佑使左金吾衛上

將軍野遇思文知興慶府事田文徽往謝

嘉泰元年

金泰和元年

夏天慶八年春正月使賀金正旦

使人爲武節大夫臥德忠宣德郎劉筠國

秋九月使賀金天壽節

使人爲武節大夫柔思義宣德郎焦思元

冬十月金使賀生日

使臣刑部員外郎完顏綱故事饋金使禮物視書

幾道爲多寡是時綱賫二詔至純佑厚饋之

十一月金人浚濠入界詰之不報

金羣牧使耶律德壽叛金主遣將斬之恐其餘黨

復擾集民夫浚邊界濠塹東自高麗西連夏境列

西夏書事

卷三十九

六

屯數千里純佑怒其入界遣使詰之金人不報

嘉泰二年

金泰和二年

夏天慶九年春正月使賀金正旦

使人武節大夫白克忠宣德郎蘇寅孫

夏四月甘州守曲也怯律子察罕入于蒙古

察罕初名益德其母甘州守臣曲也怯律妾方妊

不容于嫡以配掌牛羣者及里木生稍長及里木

挈至北方牧羊于野植杖于地脫帽置杖端而拜

蒙古部長鐵木真過而問之對曰獨行則帽在上

而尊二人行則年長者尊今獨行故致敬于帽且

聞有大官至先習禮儀耳鐵木真挈以歸賜蒙古

姓給事內廷授及里木牧馬職

秋九月使賀金天壽節

使人爲武節大夫籍辣忠毅宣德郎王安道

冬十月金使來賀生日及橫賜

使臣宿直將軍紇石烈毅時與瀛王府司馬獨吉

溫先後至純佑遣殿前太尉李建德知興慶府事

楊紹直往謝

嘉泰三年

金泰和三年

夏天慶十年春正月使賀金正旦

西夏書事

卷三十九

七

使人武節大夫崔元佐宣德郎劉彥輔

三月策士賜宗室遵頊進士及第

遵頊齊王彥忠子彥忠材器英敏善騎射饒武略

遇事敢爲任得敬書其能中以蜚語貶守涼州在

郡有政績蕃漢畏懷得敬誅召入爲馬步軍太尉

卒諡忠武遵頊端重明粹少力學長博通羣書工

隸篆純佑廷試進士唱名第一令嗣齊王爵未幾

擢大都督府主

秋九月使賀金天壽節

使人武節大夫竄德元宣德郎高大亨與兄

大節大倫並奉使金國金人號為三俊 史臣曰

西夏子弟多賢俊國亡後元主訪求河西遺逸至

形之詔諭良有以也

冬十月金使賀生日

使臣薊州刺史完顏太平

嘉泰四年

金泰和四年

夏天慶十一年春正月使賀金正

旦

使人武節大夫梅訛字文宣德郎韓師正

西夏書事

卷三十九

八

秋八月夏州豕生麟

麟一身二首州民以獻安全使人占之云一國兩

主兆也安全喜遂蓄纂謀

九月使賀金天壽節

使人武節大夫李德廣宣德郎韓承慶

冬十月金使賀生日

使臣提點尙衣局完顏燮

十一月白氣亘天

貫東井輿鬼之次

開禧元年

金泰和五年

夏天慶十二年春正月使賀金正

旦

天大雪越日金主御衍慶宮受朝使人武功大夫

野遇惟德宣德郎高大倫同宋高麗使入賀

三月太白晝見

日者云主兵亂

蒙古初來侵破力吉里砦

蒙古鐵木真之先曰孛端父兒

蒙古源流孛端父兒鐵木真十世祖

母為阿蘭果火

通鑑輯覽云元史太祖紀阿蘭果火嫁脫奔咩哩健生二子而寡夜

西夏書事

卷三十九

九

寢夢白光入帳化為金神趨其臥榻覺而有孕產一子即孛端父兒也陳桎通鑑續編阿蘭果火生

二子而寡有光照腹復生三子孛端父兒其季也考蒙古源流神人語與元史合而生三子則同陳

說孛端父兒生而狀貌奇異其後子孫蕃衍各自

為部居烏桓北與畏羅乃蠻九姓回鶻故城和林

接壤世奉貢于遼金而總隸于韃靼九傳至也速

該并合諸部益盛大攻塔塔爾部獲其部長鐵木

真還至跌里溫盤陀山生子因名焉也速該卒鐵

木真幼族人泰赤烏合七部三萬人攻之鐵木真

與母月倫分所部為十三翼縱擊大敗泰赤烏悉

降其所部未幾塔塔爾叛金鐵木真自斡難河會
金師滅之以功授察兀禿魯猶中國之招討使也
又與乃蠻部戰于帖麥垓川殺其酋長太陽罕餘
衆潰走鐵木真益強至是引將怯古里禿耶律阿
海等部兵入河西攻力吉里砦破之縱兵躡瓜沙
諸州純佑不敢拒元史耶律阿海傳謂
攻西夏在癸未冬誤
按蒙古地處北方與夏境遼遠千里兵行士有
飢色純佑聞兵入境或整衆以挫其銳或設伏
以邀其歸蒙古雖強應知顧忌奈何任其蹂躪

西夏書事

卷三十九

十

絕不以一矢相加遺始卽示之以弱何怪後日

之更舉乎故書初以見夏國之亡兆于此

夏四月蒙古兵還掠落思城

去 蒙古主以天暑將盛引兵還經落思城大掠人畜

六月天鳴有聲

在西南方已而熒惑犯太微右執法羣臣上章請

赦

更興慶府爲中興府

純佑以蒙古兵退修復被兵諸城堡大赦境內改
興慶爲中興府

秋九月使賀金天壽節

先是金使來橫賜純佑遣武節大夫趙公良宣德
郎米元懿賀節並遣殿前太尉迺合思聰知中興
府通判劉俊德往謝

黑雲起西北方

間赤色如火次及西南有白氣貫其中每至夜四
更乃散

西夏書事

卷三十九

十一

冬十一月遣兵攻蒙古不戰而還

純佑聞蒙古侵金與河東監軍完顏天驥相持乘
虛以兵入其境行數日無所得謀報蒙古已敗金
兵回師來救乃還

開禧二年

金泰和六年蒙古太祖元年

夏天慶十三年春正月使

賀金正旦

使人武節大夫紐尙德宣德郎鄭昂

鎮夷郡王安全廢其主純佑自立改元應天

安全久專國政是月二十日

純佑之廢續綱目在
七月宋史夏國傳在

正月金史夏國傳與純佑母羅氏廢純佑自立改

天慶十三年為應天元年宋史夏國傳安全廢純佑自立明年改元應天

則應天止有三年與四年文異傳疑誤

按純佑之廢羅氏有力焉獨書安全誅主謀也

安全素操國政久蓄異謀即無羅氏其能免篡逆之事乎故專罪之

三月故主純佑暴卒于廢所

年三十在位十四年改元一諡曰昭簡皇帝廟號

桓宗墓號莊陵

西夏書事

卷三十九

十一

按國君善終者不地弑則書地考宋史載純佑

廢遂卒金史純佑既廢再閱月死于廢所皆無

異詞也然無罪被廢廢不久而死與弑何殊書

暴卒書地春秋誅意法也

論曰純佑仁慈恭儉在位十四年四郊鮮兵革

之患國中無水旱之虞蓋西夏小邦但能循舊

章安無事已稱善守矣即其宮闈間未聞失德

乃以宗孽擅權失愛母氏位遭幽奪身死廢所

哀哉後羅氏表中嘗其不能嗣守其中委曲史

少明文亦千古疑案也

夏六月羅氏為安全請封于金金遣使詰之

羅氏遣御史大夫罔執中奉表至金言純佑不能

嗣守與大臣議立安全請賜封冊執中朝辭私問

館伴官奏告事詔許否館伴官曰此不當問也執

中曰明日當問諸客省使若又不答則升殿奏請

客省使以聞金主遂遣使詰羅氏廢立之故

按安全內蠱羅氏隱遂篡謀顯求封冊方謂其

惡莫知金使一詰雖不能明正其罪亦足使亂

西夏書事

卷三十九

十二

臣賊子懼矣

秋七月金使冊安全為夏國王

羅氏復奉表飾辭陳請金主始遣朝議大夫尙書

左司郎中溫迪罕思敬太常少卿黃震冊安全為

夏國王安全待金使加禮

冬十二月遣使如金謝封冊

使人御史大夫謀寧光祖翰林學士張公甫

開禧三年金泰和七年蒙古太祖二年夏應天二年春正月使賀

金正日

使人為武節大夫隈敏修宣德郎鄧昌福金史高麗傳泰

和七年正月用兵伐宋夏亦有故賀使不至獨高麗使賀正詔罷曲宴與章宗紀及交聘表異

秋七月遣使如金贖人口

金主詔邊吏細核盡數放還夏國有藏匿者以違

制論

九月使賀金天壽節

使人武節大夫囉嚒思忠宣德郎安禮與高麗使

衛尉少卿徐琬會金有司奏大定初宋未請和夏

高麗使者賜曲宴今請依大定故事時金主不賜宴故請金

西夏書事 卷三十九

主從之

蒙古來伐

蒙古主聞安全廢主自立遣兵攻之取斡羅孩城

按前書侵茲書伐何惡安全也

冬十二月金使賀生日

使臣符寶郎烏古論福齡安全遣殿前太尉習勒

遵義樞密都承旨蘇寅孫往謝

按金賀生日使止此

嘉定元年金泰和八年蒙古太祖三年夏應天三年春正月使賀

金正旦

使人武節大夫渾光中宣德郎梁德懿光中樞密

都承旨進忠弟歷官參知政事德懿後為翰林學

士

二月蒙古兵還

蒙古兵駐斡羅孩城四出侵掠安全集右廂諸路

兵以拒蒙古主見夏國兵勢尚盛不敢驟進逾五

月糧匱引還

附金史交聘表泰和八年三月夏樞密使李元

西夏書事 卷三十九

吉觀文殿大學士羅世昌等來奏告按奏告何

事紀傳無攷

秋七月大稔

時諸路旱蝗河南高田種不入上中國與金地荒

歉者多惟夏國及北方稻麥皆大熟

按大稔瑞應也而見于安全之世是猶春秋魯

桓之有年宣之大有年也

冬十月使賀金天壽節

時金與中國交兵移天壽節于十月十五日安全

遣武節大夫李世昌宣德郎米元傑往賀元傑秘書少監元懿弟

附 金史交聘表冬十月夏參知政事浪訛德光光祿大夫田文徽等來奏告章宗紀冬十月夏國有兵遣使來告意所告蒙古兵也攷元史太祖紀二年秋帝征西夏三年春至自西夏四年春帝入河西是三年自夏及秋元未嘗用兵于夏不知何以有告金史疑誤

西夏書事

卷三十九

六

西夏書事卷三十九終

西夏書事卷四十

青浦 吳廣成西齋 纂

嘉定二年 金主允濟大安元年蒙古太祖四年 夏應天四年春二月朔

太白晝見

其光經天

三月蒙古兵入河西大都督府主高逸死之

金叛人李藻田廣明等勸蒙古伐金蒙古主恐夏國議其後先舉兵出黑水城北由兀刺海關口入河西安全遣世子承禎為主將以大都督府令公

西夏書事

卷四十

一

高逸為副元帥督兵五萬禦之大敗逸被獲不屈死

夏四月兀刺海城降

蒙古兵圍城豐州人謝睦歡勸守將出降太傅西璧氏率兵巷戰被俘

秋七月破克夷門

克夷為中興府外衛兩山對峙中通一徑懸絕不可登曩霄時嘗設右廂朝順監軍司兵七萬守之安全聞蒙古兵深入遣鬼名令公復率兵五萬以

拒蒙古兵至鬼名令公自山坂馳下擊敗之相持
兩月備漸弛蒙古主設伏以待遣遊兵誘之入伏
獲之遂破克夷

圍中興府九月引河水以灌城

蒙古主引兵薄中興府安全親督將士登城守禦
蒙古兵不能破會大雨河水暴漲蒙古主遣將築
防遏水灌城居民溺死無算

冬十月遣使乞援于金金人不應

中興受圍月餘安全遣使至金乞援金羣臣皆曰

西夏書事

卷四十

二

西夏若亡蒙古必來加我不如與西夏首尾夾攻
可以進取而退守金主曰敵人相攻吾國之禍何
患焉遂不出兵

按

是時蒙古兵三入夏矣夏弱則蒙古強于金
亦有不利焉乃金主以兩國相爭為福是豈知
唇亡齒寒之義哉不特啟夏人之構怨而金之
亡于蒙古亦于是決矣

十二月河隄決蒙古遣使諭降安全納女請和

河水久灌城北將圯會外隄決水勢四潰蒙古兵

不能支遂解圍退已遣其太傅訛答入城諭降安
全乃納女請和

嘉定三年金大安二年蒙
古太祖五年夏皇建元年春三月鬼名
令公自蒙古還

太傅西璧氏病死鬼名令公被囚蒙古主數使人
諭降不聽日居士室中蓬首垢面食惟粗糲志不
稍屈及安全請和聞令公未死遣使以禮請乃縱
還

秋八月攻金葭州

西夏書事

卷四十

三

金隴外十州地介宋夏之間與諸蕃雜處素無重
鎮戍守安全怒金不發援兵遣萬騎攻葭州以報
之

嘉定四年金大安三年蒙
古太祖六年夏皇建二年春正月使賀

金正旦

夏使朝辭金主賜衣帶外又賜貂裘二無則使者
代以銀三錠副代以帛六十疋至是金主並削之
禮臣請不許

三月有黑氣起北方

廣若長隄內有三白氣貫之如龍虎狀

夏五月黑塔坦國攻河西禦之敗績

塔坦之先與女真同類有黑白二種時黑塔坦王
白斯波強盛兼併諸族地起兵攻夏河西州郡安

全親率兵拒戰大敗失其公主遣使請以臣禮事

塔坦方退自是國勢益衰

按

黑塔坦為西蕃別種乃蠻夷之最賤者安全

既失其女復乞為臣辱國甚矣

秋七月齊王遵頊立改元光定

西夏書事

卷四十

四

遵頊于是月三日立時年四十九改皇建二年為

光定元年 史臣曰遵頊之立也較安全卒前一

月安全有子承禎不得嗣金衛紹王無實錄莫得

其故也

按

遵頊之立史不詳其故然前安全死一月安

全有子不得立是可疑也故書立書改元與安

全文不甚異以見安全之位如是得亦如是失

出爾反爾徒受大惡之名而已

八月安全死

年四十二于是月五日卒在位六年改元二諡曰
敬穆皇帝廟號襄宗墓號康陵

按

安全書死不書卒篡逆之人不得正其終也

與前書趙保吉同

論曰安全派惟支庶爵重宗藩妄肆奸心篡奪

君位律以天討罪豈容誅況在位六年無善可

紀見蒙古之強納以女背金源之德加以兵鮮

恥寡恩曷足挂齒然止能及身而不能傳世則

有天意存焉

西夏書事

卷四十

五

遣兵犯金東勝城

金界西出天山外包東勝直接夏境遵頊遣萬騎

圍之勢危甚金西南路馬軍萬戶紇烈石鶴壽救

之突圍入城乃解

按

書犯罪遵頊也夏與金構兵莫甚于遵頊觀

于嗣立伊始即啟爭端何怪後日紛紛乎

冬十一月侵金涇邠二州圍平涼府

慶陽德順平涼皆陝西重地金人恃西邠為扼塞

自夏兵屢至諸州皆繕城積粟團結土兵為備邊

項聞蒙古兵直入中都，以兵萬餘擾邠岐金陝西。安撫使檄同知轉運使事韓玉募兵萬人赴援。夏兵不勝。劉祁歸潛志云：玉出屯華亭，與夏人戰，敗之。華亭疑華州之誤。考金史韓玉傳不言其地。時遵項圍平涼，聞玉引兵抵北原，疑金軍大至，遂解圍。

附金史蒲察鄭畱傳：大安二年，知慶陽府。三年，夏人犯邊，擊走之。攷衛紹王紀：夏人犯慶陽，在至寧元年六月，不在大安二年。疑傳有悞。

嘉定五年金崇慶元年，蒙古太祖七年夏光定二年春正月，使賀

西夏書事

卷四十

六

金正旦

遵項遣使如金，賀正。故事，夏使至金，互市于會同館。時金有貴戚與使人貿易，監察御史聶天驥奏其事，金主禁之，令夏使速回。

按西夏賀金正旦使止此。

三月，金使來賜封冊。

金兵與蒙古戰，敗績于渭河堡。遵項乘其敗，頻侵邊境，而金封冊使仍至。

攻金葭州。

金延安路兵馬總管完顏奴婢卻之。

冬十二月，遣使如金謝封冊。

遵項志與金構難，受冊久之始遣使謝而賀正使仍不遣。

嘉定六年金至寧元年九月，宣宗珣，貞祐元年，蒙古太祖八年夏光定三年春

三月，太陰與太白並見。

相去僅尺餘。

夏六月，侵金保安州，破之，圍慶陽府。

保安既破，獲州刺史殺之，又犯慶陽，殺其同知府。

西夏書事

卷四十

七

事等官知慶陽府蒲察鄭畱出兵力戰，乃引歸。

秋八月，破金邠州，降其節度使烏林答琳。

答琳尙金部國公主，為靜難軍節度。夏兵攻城，答琳中風不能戰，遂降。金主遣通事張福孫來視答琳公主，以其狀付福孫。福孫還以聞，金主諭夏國善視之。

冬十一月，攻金會州，敗于窄土峽。

遵項知金主永濟被弑，國中大亂，出兵突攻會州。

金都統徒單醜兒引大軍拒戰于窄土峽，副都統

烏古論長壽先登陷陣夏兵不支走東關堡再戰復敗

十二月破鞏州執節度使夾谷守中殺之于平涼城下

夏金接壤之處雖多溝坂並無長河大山為屏蔽金人向恃陝西弓箭手善戰禦敵夏國畏之及徙屯他所遵頊以數萬騎攻破鞏州執守中脇降不屈載而西進圖平涼使其至城下諭降守中呼城上曰夏人矢盡且道慎勿降夏兵交刃殺之按察箭以濟夏兵不能克

西夏書事

卷四十

八

附 金史蒲察鄭畱傳至寧元年知平涼是時平涼被兵夏人復來攻鄭畱收潰卒為拒守計夏兵乃退按至寧盡九月平涼被兵在夾谷守中傳已云至寧末此更不知何時

嘉定七年 金貞祐二年 蒙古太祖九年 夏光定四年秋七月遣使

入西和州請會師圖金

左樞密使吐蕃路招討使萬慶義勇遣蕃僧滅波

把波等賫蠟書一九至西和州之巖昌岩議夾攻金人圖復侵地制置使董居誼初入蜀恐其詐不報訊遂中絕

按 夏自安全啣失援之憾構怨于金遵頊繼之平涼鞏會間無歲不擾而又力弱勢衰不能得志因思假宋兵威以逞其忿何嘗為中國計哉况戎性輕忽勝則爭趨敗則四潰觀後日鞏秦之役進退無恒夏可用宋宋不能用夏絕之未為不是續綱目發明以夏之請師為向義宋之不報為失策是徒論其理尙未揣時勢立言也

西夏書事

卷四十

九

八月攻金慶原延安諸州初遵頊令歸國人喬成賚書于金言邊吏侵掠乞加禁戢金主知其飾辭不答遵頊率眾攻掠諸州金主令有司移文責之

冬十一月援金叛人程陳僧于蘭州

金蘭州譯人程陳僧聚眾叛敗金人于龕谷遣偽統制董九招西關堡都統王狗兒狗兒殺九起兵拒陳僧來乞援遵頊以兵三千應之

嘉定八年金貞祐三年蒙古太祖十年夏光定五年春正月攻金

環州金使來謝不可進圍積石州

先是夏兵掠武延川金邊吏亦稍侵夏境以報

項怒遣兵攻環州金主命治邊吏罪以謝遵項不

可進圍積石為都統姜伯通所拒不克而還

二月破安鄉關復攻環州

金都統曹記僧萬戶忽三十禦之不得進再攻環

州刺史烏古論延壽及斜卯毛良虎敗之境上

秋九月金討叛人程陳僧復以兵援破西關堡圍第

西夏書事 卷四十 十

五將城

初金主議伐夏國陝西宣撫使奏往者夏人侵我

環慶河蘭積石及出兵應之悉遁去蓋為我有備

也今蘭州潰兵猶未集軍實多不完沿邊地寒春

草始生未可芻牧兩界無煙火者三百餘里不可

輕舉金主從之遣河州提轄曹記僧通遠軍節度

完顏狗兒討陳僧以絕內援遵項出師赴救與金

兵戰互有勝負己以輕兵襲破西關堡圍第五將

城與金萬戶楊再興相持數日而解

按 討而書援罪援者也

冬十月攻金保安延安不克圍臨洮府破之

夏兵攻保安與都統完顏國家奴戰不勝再攻延

安又為成將所敗乃合右廂精兵八萬圍臨洮金

陝西宣撫副使完顏胡失刺來援夏兵伏渭源堡

擊敗之執胡失刺遂破臨洮

攻熟羊砦

夏兵侵金不已金主以空名宣勅付陝西宣撫使

夏人入寇有臨陣立功者五品以下並聽遷授于

西夏書事 卷四十 十一

是金兵皆力戰夏眾數萬攻綏德之克戎綏平皆

敗又攻熟羊砦陝西副統軍移刺塔不也以兵萬

人拒戰遂卻

十二月合金叛將程陳僧兵攻臨洮府敗績

初遵項破臨洮不守金將陀滿胡土門修復其城

陳僧遣使請攻遵項遣兵數萬合陳僧兵復圍臨

洮扼渭源堡內外不通者半月城中粟不支眾心

危甚胡土門日勉以忠義皆自奮偵城中為夏內

應者二十人悉斬之擲首城下夏兵四面力攻胡

土門絕壯士夜襲營壘夏兵亂金兵乘之大敗
圍定羌州

為金防禦使納合蒲刺都所敗

嘉定九年金貞祐四年蒙古太祖十一年夏光定六年夏四月葩俄

族都管汪三郎叛降于金

葩俄向屬夏國金陝西行省都元帥僕散端遣納

蘭伴僧賚諭招之汪三郎與臨洮苾黎五族都管

青覺兒積石州都管章羅謁蘭冬鐸精族都管阿

令結等相繼叛附于金金主命優給之賜汪三郎

西夏書事

卷四十

三

姓完顏氏後力禦夏兵為金名將

五月修河橋以窺來羌城金兵焚之

遵頊潛于來羌城之界河起修折橋以通兵路金

元帥右都監完顏賽不遣兵焚毀之俘斬甚眾

謀者陳鼎入金被獲

遵頊復圖臨鞏進取長安使鼎入金界探事來遠

鎮將獲以聞金主命陝西行省嚴備之

秋閏七月金兵襲阿彌灣

夏與金屢啟兵端而奏報尚用金號是時移牒尾

署大夏光定六年鄜延路上之金主封還原牒命

慶陽總管慶山奴出第三將懷安砦環州刺史完

顏胡曾出環州兩路進攻遵頊點集諸軍戒不與

戰金主恐有詐諭諸軍勿輕進惟提控完顏狗兒

兵由蘭州西關堡招降舊部曲九人掩襲阿彌灣

殺將士數百人

八月攻金安塞堡

金元帥左監軍烏古論慶壽自延安遣軍援之夏

兵敗復戰于鄜州之倉曲谷亦不勝

西夏書事

卷四十

三

掠結耶嘴川不克勒兵據車兒堡

金右都監完顏賽不拒之退據車兒堡再戰又敗

九月連蒙古兵攻金延安府及代州遂破潼關

遵頊數戰不勝遣人與蒙古連兵攻延安代州等

郡殺經畧使奧屯醜和尙進犯潼關金西安軍節

度使尼龐古蒲魯虎戰歿關遂破

按蒙古夏之仇也金夏之鄰也與鄰為仇而與

仇為比書以見其不智

冬十一月圍金定西城

遵頊既破金兵復遣騎四萬餘突圍定西鞏致攻具志在必取金提控赤盞石喜與節度使楊幹烈率兵鏖戰夏兵被斬者二千餘級失馬匹八百器械無數

十二月金兵攻鹽宥夏諸州

先是金主與皇太子議伐夏以右監軍陀滿胡土門延安總管古里甲石倫攻鹽宥夏諸州慶陽總管慶山奴知平涼府移刺塔不也攻威靈安會等州遵頊分道出兵拒之金兵不能進

西夏書事

卷四十

古

殺金守臣劉德基

德基金貞祐初進士守官邊邑夏兵攻其城德基坐廳事積薪其旁謂家人曰城破即焚我及城破家人不忍遂被執遵頊脇之跪不屈有故人從旁解曰此人病狂故敢如此德基曰爲臣子當如此吾豈狂耶繫諸獄他日召問德基終不屈大罵曰吾豈苟生者哉遂殺之德基殉節地與時皆不載本傳僅云貞祐元年特賜同進士故附于貞祐之末

嘉定十年

金興定元年蒙古太祖十二年

夏光定七年春正月從蒙

古兵侵金敗于寧州

遵頊以三萬騎從蒙古兵自三門析津北渡犯金平陽金尙書右丞胥鼎檄絳解隰吉孟五州經畧司合兵夾攻蒙古大敗夏兵走還道經寧州慶陽總管慶山奴伏兵邀擊又敗金右都監完顏仲元請乘此兵勢出夏國不意諸道並進必克興靈金主命尙書省議之不果

按

上書連兵猶夏爲政此書從侵則權在蒙古矣自古已力不足求助于人未有不爲人役者

西夏書事

卷四十

古

况強如蒙古乎夏之不智洵不誣矣

蕃族福山以俘戶叛降于金

金除福山爲同知澤州軍州事

夏五月圍金大北岔

金都統紇石烈猪狗掩擊敗之

六月復援金叛人李平于蘭州

蘭州當金夏之衝金水軍千戶李平苦提控蒲察燕京貪暴殺之以叛遣使至夏陳可取狀遵頊令兵應之已而平脇其徒張展俱行展以計執平等

夏兵乃還

秋七月犯羊狼砦

先是金主欲與夏國議和右都監慶山奴言夏國必不肯和徒見欺耳遵頊聞之戒將士無犯金境久之不果率兵攻黃鶴岔金右都監完顏閻山拒卻之轉圍羊狼砦與都統黨世昌戰提控完顏狗兒遣都統夾谷瑞乘夜斫營遂解圍駐兵扼險以待左都監白撒發定西銳兵及龍谷副統包孝成緋翻翅軍合擊不支而退

西夏書事

卷四十

六

九月攻克戎砦

金安定堡總押李公直襲夏兵于馬家平遵頊怒掠綏德之克戎砦都統羅世暉率兵拒之月犯東井

西扇北第二星

冬十月金兵襲鹽井殺戍卒三百人

金人伐宋觀察使楊沃野左都監白撒將兵五千出鞏州至鹽井故城夏兵三百據其地沃野等襲之盡殲焉

十二月蒙古圍中興府國主走西涼

夏與蒙古自納女請降合兵攻金遂為役屬繼徵發日多不堪奔命禮意漸疎蒙古主怒渡河來攻列城不能禦直抵中興府圍之遵頊命太子德任居守已出走西涼已而遣使請降蒙古兵退始還遵頊出奔宋金二史夏國傳不載元史太祖紀在十三年而不用太祖十三年金興定二年宋嘉定十一年也陳氏通鑑續編薛氏宋元通鑑皆在嘉定十一年十二月考金宣宗紀興定二年正月乙酉陝西行省獲歸國人言元兵圍夏王城李遵頊命其子居守而走出西涼錢大昕養新錄云夏與金相去遠遠金人于是年正月己傳聞知之則必是前一年事

西夏書事

卷四十

七

按國君播越之辭三如緩辭也奔急辭也走賤辭也遵頊以一國之主不能發憤自強又不能效死勿去其尚有君道乎

西夏書事卷四十終

西夏書事卷四十一

青浦 吳廣成西齋 纂

嘉定十一年金興定二年蒙古太祖十二年夏光定八年春二月以

秘書監蘇寅孫為樞密都承旨

寅孫風姿奇爽少力學善屬文以世蔭授秘書監

剛正不撓遇事敢言無所忌見遵頊與金構兵數

勸修好共拒蒙古至以涕泣爭遵頊知其忠擢之

三月遣金書請復互市不許

遵頊遣書金之綏德葭州乞復互市以尋舊盟慶

西夏書事

卷四十一

山奴以聞金主不許

按 金夏禍結十餘年兩國之信使不通邊民之

市易俱絕其害可勝言哉幸而遵頊厭兵願通

和市金主苟允其請從此講好釋怨互相為援

蒙古不敢輕視夏且不敢正視金矣顧失此不

圖後雖悔之不可及已

夏五月攻金鄜延二州

遵頊因互市不許以步騎三千引蒙古兵由葭州

入鄜延金元帥左都監慶山奴自鄜州發兵逆戰

于馬吉峯夏兵被斬數百級失首領二人

秋七月侵龕谷砦

金提控夾谷瑞率副將趙仿拒戰不勝而還

冬十一月敗于質孤堡

夏國與質孤接壤遵頊遣兵久屯其地以窺龕谷

金夾谷瑞潛兵擊敗之金史夏國傳興定二年七月夏人犯龕谷夾谷瑞趙

仿敗之追至質孤堡考宣宗紀興定二年七月辛未夏人犯龕谷提控夾谷瑞擊走之甲午復犯龕

谷大破之十一月戊子夾谷瑞敗夏人于質孤堡自是兩事

嘉定十二年金興定三年蒙古太祖十四年夏光定九年春二月復

西夏書事

卷四十一

遣使入四川請會師圍金

金主議遷都長安先遣左都監赤蓋石喜以重兵

備鞏州遵頊畏其偪令樞密都招討使甯子寧忠

翼赴四川請兵夾攻秦鞏制置使聶子述俾利州

路安撫丁焞答書許之飭將吏嚴軍以待子述尋

罷去不果

閏二月復請和于金不許襲葭州之通秦砦破之

通秦砦舊名昇囉嶺本夏國地神宗元豐五年收

復靖康中沒于金遵頊復令統軍司移文金之保

安諸州有保境息民語慶山奴上其辭金宰臣言
鎮戎靈平近耗夏人數犯疆此文正緩我耳宜嚴
備以破奸謀遵項見金不荅以兵襲破通秦砦殺
刺史紇石烈王家奴等旋棄之歸

按書復請見改過也書不許譏失策也夏人悔
禍再請息兵金疑其詐置之不荅遂使葭秦之
間兵戈塗毒謀國如是不亦拙乎

夏四月取通秦堡金都總管慶山奴復之

通秦堡舊名精移堡在通秦砦北遵項以二萬騎

西夏書事 卷四十一 三

破之慶山奴遣提控納合買住赴援夏兵逆戰不

勝棄堡走已復進兵取之慶山奴自將兵來攻夏

兵被斬五千級餘衆由葭蘆川遁回

金史夏國傳
與定三年閏
月夏人破通秦砦納合買住擊之由葭蘆川遁去
考宣宗紀興定三年閏三月戊午夏人破葭州之
通秦砦四月乙酉夏人據通秦
堡時地事各異傳混爲一誤

五月金人侵隆州

夏兵屢犯通秦金鄜延路兵馬都總管完顏合達

偵知國中無備出兵由安塞堡襲之至隆州城中

步騎二千出戰而敗合達進薄城下破西北隅會

日暮引退城得全

按前書伐茲書侵不予金之伐也夏人兩次請
和金人不許反肆攻圍豈義兵乎

六月攻金威戎砦

金陝西黑風晝起有聲如雷地大震民居坍塌威
戎砦城圯更甚遵項乘隙襲之知威戎事商衡率
蕃部土豪守禦甚力攻七日不能克

冬十一月歸金嵐州倉使張祐

金明昌中夏破嵐石諸州獲祐脇之降不從羈于

西夏書事 卷四十一 四

衙頭至是求歸遵項縱遣之

按歸者順詞也夏自請和不許中間雖啟兵端
然歸其所俘則猶有修好之念焉書以予之

嘉定十三年

金興定四年蒙
古太祖十五年夏光定十年春正月復

遣書四川請會師圍金

丁焞兩以書來許合兵攻金而師不出甯子寧遣

書復申前說責以失期

二月攻金鎮戎軍
先是金主令有司移牒詰責遵項荅語不遜金主

又令詞臣草牒折之遵頊怒以兵圍鎮戎數日而解

三月歲星犯輿鬼

入積尸氣

夏四月攻金新泉城敗績

遵頊遣兵千人駐鹿兒原金左都監赤蓋石喜遣提控烏古論世顯率偏師逐之已而以千五百人攻新泉又為都統王定所敗

金兵入宥州圍神堆府

西夏書事

卷四十一

九

金慶山奴兵侵宥州守將禦之敗退守神堆府金兵穴其城方登陴遵頊遣援師至與慶山奴戰不勝被斬二千餘級金兵獲雜畜三千餘而去

五月四川宣撫使安丙使以書來

定議夾攻金人使以書報

秋八月破金會州降其將烏古論世顯金遣使議和不可

遵頊遣萬眾圍會州主兵者人馬皆衣金碧出入陣中金同知平涼府事郭祿大引矢一發

一矢貫人兩手于樹夏兵憤併力攻之城遂破擒祿大憐其技囚之守將烏古論世顯降關右大震

金主命陝西行省與夏國議和遵頊不從

按金人此舉辱國甚矣遵頊兩使議和金不一

蒼直待名城屢破兵力難支方思修好無論夏人不從即幸而肯從其與春秋城下之盟相去幾何耶

進圍定西州與節度使烏古論長壽戰不克

遵頊以兵三萬復犯龕谷為夾谷瑞所卻乃從高

西夏書事

卷四十一

六

峯鎮圍定西環城為柵執烏古論世顯至城下謂長壽曰若不速降即殺汝弟長壽不願偕刺史愛申阿失刺提控溫敦永昌分兵出戰夏兵退走失馬仗甚眾

九月破西寧州再圍定西

夏兵畧綏平砦安定堡進攻西寧金行元帥府事

赤蓋石喜發兵救未至夏移兵臨洮烏古論長壽

先伏兵五千于定西險要間夏兵逆戰不利會西

寧已破併攻定西

金史宣宗紀興定四年九月庚子夏人入定西州已酉夏人陷

西寧州而烏古論長壽傳則云長壽力擊不退攻已破西寧乃犯定西傳紀不合益急長壽乘城拒戰矢石如雨夏兵死者數千被創者眾乃解

侵金鞏州戰敗會四川都統程信軍攻之不下

大將你思丁兀名二人獻計曰鞏州帥府所在破

鞏州則臨洮積石河洮諸城不攻自下遵頊從之

遣樞密使甯子寧鬼名公輔率兵二十萬攻鞏州

金行元帥府事赤蓋石喜遣兵拒敵一日十餘戰

夏兵退回南岡尋以精騎三萬傅城石喜出城奮

西夏書事 卷四十一 七

擊夏兵敗副將劉押甲玉等被擒子寧遣使入四

川趣師宣撫使安丙命利州副都統程信督諸將

張威王仕信分道進兵克來遠鹽川兩鎮及定邊

城會于鞏州城下約以夏兵野戰宋師攻城既而

合攻不克殺傷者萬計遂焚攻具拔柵自安遠砦

退師石喜先伏甲要地邀擊之夏兵死亡甚眾

冬十月程信約攻秦州不從

子寧既退程信邀之共攻秦州不從信自伏羌城

引回黃震古今紀要安丙約夏人合攻秦鞏夏兵爽約不至我師敗績與宋史異

按嗚呼觀于鞏秦之役竊歎夏智而宋愚也鞏州自古用武地東上秦隴則雍岐之肩背竦南下階成則梁益之咽喉壞西指蘭會則河湟之要領舉是故唐入長安即遣軍徇定隴右而秦涼之藩籬于以摧破宋人議復河湟置通遠軍以經略之熙河遂為內地蓋隴右之都會關輔之要衝也而其地又北界大河直接賀蘭山後金貞祐中夏得之不能守至是以二十萬眾會合宋師志在必取然取之宋不能有也為其鄰

西夏書事 卷四十一 八

于夏也若鞏既不克則秦州隔在東南與宋之

川蜀相接夏人何取乎信等見其自安遠退師

欲邀之共事不智甚矣雖然是役也幸而師出

無功假令鞏秦並下則夏與宋且以兵爭西土

之憂方大耳

十一月殺金會州刺史郭祿大弟蝦蟆逸還

祿大兄弟被擒誓死不屈已而同謀歸金自拔髭

鬚以改狀貌事覺祿大被殺蝦蟆逸還

十二月攻金綏德州

夏兵攻綏德大軍駐挂天山金知延安府事完顏合達將兵來援別遣先鋒提控樊澤等各率所部分三道會于山巔夏騎數萬傅山而陣合達縱兵分擊澤先登夏左軍退右軍亦敗

嘉定十四年金興定五年蒙古太祖十六年夏光定十一年春二月

侵金搜鬼堡

金人議取會州尙書右丞把胡魯力諫兵未發夏兵已由會州入境陝西行省元帥白撒設伏險要以拒郵延元帥府亦伺便出兵綴于後夏衆不敢

西夏書事

卷四十一

九

進旁攻搜鬼堡爲寧遠節度夾谷海壽所敗

三月破來羌城金人復之

遵頊因金叛人竇趙兒之誘遣兵破來羌據之金將孛術魯合住以重賞誘脇從人爲內應督兵攻拔之夏兵不能爭

蒙古將木華黎渡河而西秋八月遣將搞之屬以兵木華黎引兵由東勝州涉河而西夏河西諸堡悉降遵頊懼遣監府塔海宴之河南使塔哥甘普等以兵五萬屬焉

夏五月吏部尙書權鼎雄卒

鼎雄涼州人天慶中舉進士以文學名授翰林學士安全篡逆棄官入青巖山不出遵頊立召爲左樞密使嘗奉使謝金橫賜與接伴爭相見儀金人服其論正及進吏部氣宇肅然抑僥倖拔淹滯雖在亂離中無敢干以私者

秋九月縱兵入鳳州請會師伐金

自安丙納夏國之請會攻秦州夏國不肯共事遂有皂郊之敗後丙回利州安撫使崔與之戒邊將

西夏書事

卷四十一

十

自後毋輕納夏使是時遵頊遣百餘騎突入鳳州邀守將請兵伐金與之使都統李冲來荅曰通問當遣介持書不當遣兵徑入若邊民不相悉或有相傷則失兩國之好宜歛兵退屯夏人知不可動乃不復言

按會師伐國大事也不以使通而以兵脇書以

見遵頊之無禮

冬十月復遣將會蒙古兵于綏德州

木華黎與塔哥甘普引兵取金葭州進攻綏德破

馬蹄克戎兩砦再使徵兵遵頊遣大將迷僕帥眾
會之迷僕使問木華黎相見之儀木華黎曰汝主
見吾主即其禮也迷僕曰未受王命不敢即拜引
眾先進

十一月攻金安塞堡敗績

迷僕兵至安塞堡圍之金知延安府事完顏合達
與征行元帥納合買住謀曰今先破夏人比北方
兵至則易為力矣于是潛軍裹糧倍道疾進乘夜
襲之夏兵無備潰走四十里墜崖谷死者不可勝

西夏書事

卷四十一

十一

計已木華黎引大軍至迷僕贊馬而拜合圍延安
合達等力拒不能克

十二月侵金龕谷砦及定西積石諸州

初金主議合諸蕃族兵討夏國令臨洮路總管女
奚烈古里間左右司都事趙梅等撫諭于是喬家
丙令族溪哥城諸蕃與先降族會願助兵十萬西
取興靈遵頊聞之先發兵數十萬分三道以攻諸
城金之邊境悉為殘破

嘉定十五年

金元光元年蒙
古太祖十七年

夏光定十二年春正月

破金大通城二月金兵復之

大通鄰接夏境遵頊遣兵攻破之起浮橋通兵以
窺鄜延金主令河西蕃部寺僧入城為內應召陝
西行省元帥白撒授以方略命發兵襲浮橋出鎮
戎直趨西涼知延安府事完顏合達出環州別遣
將取大通出溪哥路略夏地以報三道之役白撒
同總管女奚烈古里間積石州刺史徒單牙武率
兵入境夏兵千餘遇于踏南寺敗走遵頊急分大
通守兵七千扼浮橋與白撒戰大敗溺死者幾三

西夏書事

卷四十一

十一

千人餘眾焚橋退金兵還攻大通城守單弱內應
中起遂為所克

三月與金兵戰于永木嶺敗績

夏兵數千騎入金界至永木嶺遇金將李師林兵
敗還

夏四月河西將甘卜叛降蒙古

甘卜張掖人姓野蒲氏為夏國世將見蒙古勢盛
率所部走降蒙古主以其兵隸蒙古軍籍仍以甘
卜為千戶主之

六月蒙古來假道攻金

蒙古木華黎同右都監石天應圖金陝西諸州遣使假道遵頊許自東勝州渡河進兵

秋七月金積石州蕃族來附

積石諸蕃族見金兵屢敗求附夏國遵頊受之

八月彗星見

出西方兩月而滅

九月攻金德順城破之大掠神林諸堡

積石州蕃族既叛金使鞏州提控尼龐古三郎率

西夏書事

卷四十一

十三

兵討擊夏兵赴援不及遂攻德順破之進掠寧安砦及神林諸堡

冬十一月蒙古約取金延州不果

初木華黎渡河取金葭州令石天應以勁兵五千

守之天應欲乘勢定關右發國書約夏國取延州

自移軍趨河中已為金兵所敗天應死夏兵不出

十二月從蒙古兵攻金敗于質孤堡

蒙古約夏兵由河中葭州攻金陝西至質孤與蘭

州提控唐括昉兵戰不勝

大金國志云興定六年是歲蒙古由回鶻往攻

西夏西夏遂亡其說失考

嘉定十六年

金元光二年蒙古太祖十八年

夏光定十三年春正月

遣將從蒙古圍金鳳翔不克引眾先歸

遵頊起步騎十萬合木華黎兵圍鳳翔東自扶風

岐山西連汧隴數百里皆立營柵攻城甚急金行

元帥府事亦蓋石喜與同知臨洮府事郭蝦蟆登

陣捍禦夏首領共據胡床坐濠外指揮自若蝦蟆

持弓矢伺一將舉肘時一發中腋下甲不掩處諸

將大駭知不能克遂不告木華黎引眾先歸

西夏書事

卷四十一

十四

按夏為蒙古前驅書會書從不一而足茲書先歸誌隙也自是以後夏不復與蒙古合而蒙古

滅夏之志亦于是決矣

夏四月幽太子德任于靈州

遵頊欲使德任率師侵金德任諫曰彼兵勢尚強

不若與之約和遵頊笑曰是非爾所知也彼失蘭

州竟不能復何強之有德任固諫不從乞避太子

位為僧遵頊怒幽之靈州遣人代將出兵

按太子國之儲副非大罪不輕幽廢德任見父

窮兵固諫不聽乃乞避位非欲以身感悟其父乎遵頊不以為賢反以為罪嗚呼秦政逐扶蘇而二世亂隋文廢子勇而一傳亡拓跋氏之衰詎有異耶

五月大旱

興靈自春不雨至于五月三麥不登飢民相食遵頊點兵不能遽集

六月侵金隴安軍

夏國連年用兵金延安慶原元帥府欲乘暇伐之

西夏書事

卷四十一

五

陝西行省元帥白撒以為不可惟宜繕兵為備會隴安節度使完顏阿鄰日與將士宴飲不治軍事遵頊遣萬騎攻之十餘日掠人民五千餘牛羊雜畜無算

秋七月破金積石州降其羌界寺族

遵頊令親軍萬人攻積石破之羌界寺族多降惟桑通寺僧看通昭通斯沒及荅那僧奔鞠等拒而不從

八月熒惑入輿鬼

掩積尸氣

誘金陰坡族叛

陰坡族之骨鞠門等遵頊遣人誘之叛附金元帥夾谷瑞發兵討破之夏兵不能救

九月朔日有食之

食既色淡無光興慶府城外大風拔木

冬十月蒙古兵圍積石州五日而解

蒙古以鳳翔之役惡夏無禮遣將攻積石州積石西蕃溪哥城地金夏兩有其名然宋史積石軍所屬一若兩堡金史城一若三堡三界至不甚相同俟考

西夏書事

卷四十一

六

四出抄掠逾旬聞金人圖其後解圍去罷御史中丞梁德懿

蒙古兵雖退國中荒羸殆甚遵頊猶集十二監軍司兵圖金鞏州德懿上言天人之道理自相通國家用兵十餘年田野荒蕪民生塗炭雖婦人女子咸知國勢瀕危而在廷諸臣清歌夜宴舌結口掛太子以父子之親憂宗社之重毅然陳大計獻忠言非得已也一旦位遭廢斥身辱幽囚宜乎天垂變異歲告災祲臣望主上撫恤黎庶修睦鄰邦召

還青宮復其儲位庶幾臣民悅服危者得安遵項
惡其言直面詰之令致仕德懿雖世胄性恬退歸
後十餘年逍遙山水而卒

十一月金人取會州

金鞏州元帥田瑞與通遠節度郭蝦蟆議復會州

蝦蟆親率騎兵五百衣皆赭蔽州之南山而下城

上猝見驚以為神有舉手于懸風板者蝦蟆射之

手與板俱徹凡射死者數千人兵民震恐出降

十二月國主傳位于子德旺

西夏書事

卷四十一

七

蒙古數遣使譙讓遵項懼遜位于次子德旺自號

上皇

按昔唐元宗之禪位太子假鴻名以維繫人心

正國本以號召天下實勢所不容已者今遵項

未聞有是徒以蒙古兵深思委責于子直書其

事而不足取意自見

西夏書事卷四十一終

西夏書事卷四十二

青浦 吳廣成西齋 纂

嘉定十七年

金哀宗守緒正大元年蒙古太祖十九年

夏乾定元年春正

月裕陵泰陵災

草木皆流血德旺遣官禳之二十日止

二月結漠北諸部兵以拒蒙古

德旺聞蒙古王征西域未還遣使結漠北諸部為

外援陰圖拒守計諸部出兵應

夏五月蒙古兵圍沙州不克

西夏書事

卷四十二

一

蒙古主自西域還聞夏國有異圖自將兵由河外

攻沙州逾月不下遣部下兵夜穴城以入守將籍

辣思義納火穴中蒙兵多死思義城守如故

秋九月蒙古破銀州

蒙古久攻沙州恐銀夏出兵赴援遣大將孛魯黑

馬等分兵攻銀州監府塔海出戰兵敗被俘斬首

數萬級獲生口牛羊數十萬銀州遂破

按蒙古之強非夏力所能制德旺嗣立之初即

誘諸部使為我用可謂得勝算者乃事機不密

反爲所乘是天祐蒙古耳豈謀之不臧耶書以惜之

冬十月奉表修好于金

夏自宣和末臣金八十餘年鮮兵革事自蒙古之圍金人失援以致構難十年一勝一負兩國精銳俱盡至是蒙古勢益強夏國西北疆場日削德旺用右丞相高良惠謀遣使如金請修好

按睦鄰修好春秋善之况夏與金世爲與國哉然當金兵未弱己力未衰合之則可以捍蒙古

西夏書事

卷四十二

二

乃于困敝之極方始請和鴟蚌之爭將解兩虎之力已傷卞莊漁人旋制其後矣嗚呼若德旺者智勝其父而生不遇時良可惜已

十一月遣使蒙古請降沙州圍解

德旺聞銀州不守漠北諸部潰散遣使詣蒙古軍前請降許以質子爲信蒙古主始解沙州圍城中堅守半載軍民困乏食牛羊馬斃殆盡

宋理宗寶慶元年

金正大二年蒙古太祖二十年夏乾定二年春三

月蒙古使來責任子不遣

蒙古遣其臣孛秃至夏國責遣質子德旺猶豫未

決右丞相高良惠言兩國相交忠信爲主彼強吾

弱勢難背言宜擇宗室之賢者加以王號錫以車

旗俾結蒙歡庶幾稍紓國患德旺曰我方修好金

源共支北敵任子一往受其束縛後悔何追樞密

使李元吉曰蒙古虎狼雖恭順不違猶恐咆哮其

性若反覆無恒是自啟兵端也况金勢寢衰自守

不支焉能濟我耶德旺不聽謝孛秃遣回

按自古會不信而有盟盟不信而有質許以質

西夏書事

卷四十二

三

而不遣則降亦不足信矣德旺不慎許于前而輕悔于後不適以速之禍哉

夏六月太約晝見

與日爭明德旺求直言殿中御史張公輔疏陳經

國七事一曰收潰散以固人心自兵興之後敗卒

旁流飢民四散若不招集而安撫之則國本將危

臣願勞來還定計其室家給以衣食庶幾兵民樂

業效忠狗義靡有二心二曰堅盟信以紓國難蒙

古孛秃去時堅請三思再議今爲時半載未見兵

西夏書事

卷四十二

四

臨或者尚深觀望急宜遣使納質以示忠誠使彼師出無名我得徐為善後臣知言而無補然非此無以弭患也三日修城池以備守禦銀州失守河西諸隘與敵同之千里之內樓櫓斥堠蕩然無存宜乘北兵暫去繕陞浚濠無事則安堵堪資兵至則拒險可守若任其如入無人豈不殆哉四曰明軍政以習戰守國家向有綏宥諸羌藉以立國嗣為宋金控據兵勢寢衰今惟料爪肅精強與靈勁勇明賞罰計功能委之宿將親臣量敵為進退視地為攻守或者積衰之後可冀振興五日聯烽堠以立應援自金源開隙使介不通往來禁絕越人視秦肥瘠無關致蒙古乘隙屢肆兵凶今宜遣使與金約和兩國各置邊烽設偵候此舉彼應彼困此援我兵氣壯敵亦不敢正視矣六曰崇節儉以裕軍儲國經兵燹民不聊生耕織無時財用並乏今將宮中府中浮靡勲臣戚臣賞賚去奢從儉以供征調之用則糧足而兵自強耳七曰觀利便以破敵勢蒙古距國千里初來不拒繼與連兵俾

險阻既明道路盡熟若不出奇奮擊何以示我兵威議者以王城可守任其連破州郡是猶心腹之疾先起手足可不急為療救乎今聚境內精兵猶可數十萬果能鼓勵士氣效命一戰容主勢殊應無不勝若狐疑滿腹首鼠兩端亡在旦夕矣德旺善其辭切擢為御史中丞

秋七月宗室李楨入于金

楨為國疎族其父因國亂不仕挈楨入金應經童

試中選

元史楨傳後長入為質子以文學得近太宗從征伐賜虎符授襄陽軍馬萬戶

西夏書事

卷四十二

五

八月遣使聘金且議和事

德旺遣光祿大夫吏部尚書李仲諤南院宣徽使

羅世昌尚書省左司郎中李紹膺聘于金請以兄

事金各用本國年號金主謂羣臣曰夏國從來臣

事我朝今稱弟以和吾不以為辱者冀得通好以

息吾民耳遣翰林待制馮延登行臺令李獻甫為

館伴僉議歲賜仲諤等多口辨延登不能折獻甫

言國與本朝和好百年今雖易君臣之名為兄

弟使兄而輸幣寧有據耶仲諤曰兄弟且不

論宋輸吾歲幣二十五萬典故具在金朝豈不知之獻甫正色曰使者尚忍言耶宋以歲幣餌君而賜之姓岸然以君父自居夏國君臣無一悟者倘如宋舊本朝雖歲捐五十萬亦可伸諤等語塞遂定議

附金史交聘表正大二年十月遣聶天驥張天綱使夏議和事攷哀宗紀秋九月夏和議定十月無遣天驥等事而二人本傳亦不載

九月蒙古仇人赤臘喝翔昆來奔納之

西夏書事 卷四十二 六

赤臘喝翔昆乃蠻部屈律罕子蒙古滅乃蠻屈律罕走死契丹蒙古主索其子赤臘喝翔昆走投夏國德旺以其同仇納之給以糧糗

冬十月南院宣徽使羅世昌罷

世昌自奉使回見金勢日蹙每言金援不足恃勸德旺為自強計及納赤臘喝翔昆力諫不聽遂乞休三請方許之世昌世居銀州鄉里已破流寓龍州知國且亡譜夏國世次二十卷藏之

十一月金使來報聘

金主遣禮部尚書奧敦良弼大理卿裴滿欽甫侍御史烏古孫宏毅來報成書稱兄大金皇帝致書于弟大夏皇帝闕下自是夏與金脩好

十二月復與金互市

德旺遣徽猷閣學士李弁請互市往返不能決金主命禮部尚書楊雲翼議之始定

遣使賀金正旦

夏自兵交後不復賀金正旦德旺始遣精鼎壓使武紹德副儀增御史中丞咩元禮如金行賀正

西夏書事 卷四十二 七

禮金主命禮臣定擬使者見辭儀注特厚之金史志新定夏使人見儀金主御座羣臣小起居畢問門使奏夏使見容省與夏使副對立于幕前使者奉書揖單對行左上露臺殿檐柱外奉書單跪問使接書使副就拜位立問使奏書全讀畢引使副入殿勸躬再拜復少前跪奏弟大夏皇帝致問兄大金皇帝聖躬萬福再拜復少前跪復位金主乃宣問夏皇帝使副躬受旨畢少前跪奏弟大夏皇帝聖躬萬福再拜復位從左退下塔至丹墀北向立以禮物右入左出盡使副再至丹墀舞踏不出班重奏聖躬萬福畢再拜雙跪金主遣人勞問復位謝恩再出班謝面天顏復位五拜再出拜謝差接伴賜湯藥諸物復位舞踏再拜引右出次引都管上中節左入丹墀立下節于塔下立齊鞠躬通名先再拜不出班奏聖躬萬福再拜下節鞠躬聲喏初一拜呼萬歲次一拜呼萬歲臨起呼萬歲祇候引右出

寶慶二年

金正大三年蒙古太祖二十一年

夏乾定三年春二月蒙

古攻黑水城破之

蒙古主積怒夏國親將兵十萬來攻至秦川德旺

遣人撤橋梁拒之蒙古宣撫使王檄夜督士卒運

木石比曉橋成遂進兵度沙磧入河西擊散撒里

特勒赤閔諸部攻黑水城破之蕃部死者數萬

三月策士賜高智耀等進士及第

智耀右丞相良惠孫見國事殷不願受職後隱賀

蘭山元史智耀本傳元太宗訪求河西故家子弟之賢者衆以智耀對召見將用之遠辭歸及

西夏書事

卷四十二

八

憲宗即位拜翰林學士至元五年擢西夏中興等路提刑按察使卒

河西旱

河西諸州草木旱黃民無所食

夏四月蒙古兵駐渾垂山

渾垂山在肅州北蒙古主駐兵避暑兵士四出抄

掠民間害積皆盡

五月屠肅州

肅州守將乃蒙古千戶昔里鈐部兄堅守不下蒙

古主遣鈐部諭之降不聽及城破軍民盡屠之

故主道項卒

年六十四在位十三年改元一諡曰英文皇帝廟

號神宗

諭曰遵項才堪魁士時際承祧以序以賢史不

詳載然當蒙古寢強國兵衰弱計惟尋金舊好

遣使連盟虞虢合而夏陽無虞趙魏交而秦兵

自退否則保境息民練兵積粟不惟可守亦足

自強乃約宋之使三行援叛之師再出始而失

之蒙古取償金人既而欲厄金人轉從蒙古豈

西夏書事

卷四十二

九

知佳兵不祥黷武自及北兵再至束手無謀倉

卒出奔邊遠內禪幸而天不永年父子同殞不

然微欽五國是其前車也

六月蒙古取甘州副將阿綽等死之

甘州守臣曲也怯律蒙古將察罕父蒙古主遣察

罕射書招怯律且遣使諭城中降怯律將應之副

將阿綽等三十六人合謀殺使者及怯律全家併

力捍拒蒙古主親將兵攻之城破阿綽等皆死

秋七月蒙古破西涼府

蒙古主進兵攻西涼宿衛官粘合重山執大旗指揮六軍手中流矢不稍動守臣斡扎贊力屈率父老啟門降于是擄羅河羅等縣皆不守

國主德旺卒弟子覲立

蒙古兵深入城邑盡潰德旺憂悸不知所為發病卒年四十六在位四年改元一廟號獻宗國人立其弟清平郡王子南平王覲遣使報哀于金遣中奉大夫完顏履信昭毅將軍太府監徒單居正弔奠

西夏書事

卷四十二

十

論曰德旺身當末造時值艱危受命之初念生民之害首罷用兵納忠諫之言專尋盟好交鄰不屈經國有謀可謂能幹蠱矣無如積衰難振小善莫支戎馬滿郊財用困竭在位三年竟以悻卒滕文恐而國亡簡文危而身弑知憂患而不生亦可憫已

八月蒙古兵破應里等縣

應里與蘭州接壤西據沙山東阻大河蒙古主踰沙陀至黃河九渡攻破之

九月金還所掠人口

夏國營田實占正軍一有徵調輒妨耕作所以土瘠野曠兵後尤甚金主聞國事日蹙以前取會州時所掠人口悉縱還之

冬十月蒙古破夏州州人木速忽里降

蒙古主選居宿衛使掌膳事

十一月蒙古取靈州克兀納刺城故太子德任死之覲遣大將鬼名令公以十萬衆救靈州蒙古兵渡河邀擊夏兵敗走領軍佐里等戰歿遂取靈州進

西夏書事

卷四十二

十一

克兀納刺城德任被執不屈死之有子惟忠方七歲求從死蒙古將異而執之元史主將執惟忠以獻宗王合撒兒王留

養之及嗣王移相哥立惟忠從經畧中原有功淄川王分地以惟忠為達魯花赤佩金符

按書故太子憫其廢也書死之嘉其節也倘其

時德任不廢纂承夏緒雖未必有補于亡而守

國君死社稷之義較覲之降不有光史冊耶

十二月蒙古兵次鹽州川大殺居民

蒙古主既破諸城邑以大兵久駐鹽州川四面搜殺遺民民至穿鑿土石避之免者百無一二白骨

蔽野數千里幾成赤地

按書大殺著蒙古暴也國以民為本取其地而殲其民與不取何異噫以蒙古之強不再傳而遂亂豈非天道惡殺而降之罰哉

進圍中興府

蒙古主遣大將阿魯朮督諸軍趨中興府覘駐兵于合刺合察兒地拒之阿魯朮兵至拒戰不克奔回阿魯朮遂作長圍困之遣使如金請停使聘

西夏書事

卷四十二

十二

以蒙古深入兵事方殷也

寶慶三年

金正大四年蒙古太祖二十二年

夏乾定四年

覘以國勢瀕危即位不改元仍稱乾定

春正月金使賀正旦

金主遣翰林學士李蹊大理卿裴滿欽甫持國書來賀時軍務旁午館燕皆不成禮

二月蒙古取積石州謀以兵襲之不果

夏國春寒馬飢人瘦兵不堪戰蒙古主率眾渡河徑攻積石千戶按竺邇先登破之駐兵城中軍士

多患疫覘聞謀以兵襲之初靈州破蒙古諸將爭掠子女財帛獨耶律楚材取書數部及大黃兩駝是時病得大黃輒愈所將數萬人皆無恙夏兵遂不敢出

三月蒙古破沙州

蒙古主遣忽都鐵穆兒招諭州將州將偽降以牛酒犒師而設伏以待忽都鐵穆兒至伏發馬蹶幾被獲千戶昔里鈐部授以所乘馬還兵擊敗夏兵遂破沙州

西夏書事

卷四十二

十三

夏四月右丞相高良惠卒

良惠忠懇有經濟才遵頊時數論事不見信德旺立首進和金三策兩國遂脩好及德旺不遣任子力諫不納退謂人曰禍在是矣已遵頊德旺相繼卒元兵至主覘不能措一謀良惠內鎮百官外厲將士日夕拒守自冬入夏積勞成疾僚佐勸自愛良惠撫膺嘆曰我世受國恩不能芟除禍亂使寇深若此何用生為遂卒年六十七吏民悲泣主覘哭臨其喪三城中奪氣

閏五月蒙古遣使諭降

天大暑蒙古主自龍德州避暑六盤山見夏援兵

四絕猶不出降遣御帳前首千戶察罕入城諭禍

福覲不聽

六月太白入東井

地大震官室多壞王城夜哭

國主覲出降蒙古執以歸

夏兵堅壁半載城中食盡兵民皆病覲率文官李

仲諤武臣嵬名令公等奉圖籍出降蒙古主繫以

西夏書事

卷四十二

古

歸

秋七月至薩里川殺之

覲舉族隨蒙古軍次薩里川蒙古主卒諸將恐為

變執覲殺之覲立凡二年國亡夏自思恭節度夏

綏至德明封夏王凡十一世合一百五十四年自

元昊稱帝至覲亡凡十主合一百九十六年

論曰覲嗣立逾年設施少見豈史文之失載或

時勢之難為然蒙古世仇先君賚恨當其兵困

興州民艱穴處計惟收合餘燼背城借一勝則

國之福也不勝則以身殉之漢之北地秦之佛

念且然况有社稷之寄者乎奈何志甘屈膝願

作俘囚偷生而卒不得生以視德任之死洵有

愧已

紹定四年金正大八年蒙古太宗四年夏四月夏故臣王立之隱

于申州

初夏主覲遣精方匭匣使王立之聘于金未復命

而國亡金主賜立之京兆安置充宣差彈壓主管

夏國降戶是時立之妻子三十餘口至金環州金

西夏書事

卷四十二

古

主賚以金帛歸之立之立之上言先世本申州人

乞不仕退居申州金主如所請以故官主管唐鄧

申裕等處降戶仍賜上田千畝及牛具農作立之

自耕食終其身焉

按古言歲寒知松柏風疾識勁草夫天地有勁

草松柏則真氣常伸國家得義士忠臣則餘芬

不盡蓋血性所貫注實可以維國脉而繫人心

故晉之亡也不亡于零陵禪位而亡于陶潛之

卒隋之亡也不亡于煬帝東閣而亡于君素之

殞由是而降昭宣被弑唐未亡也至承業身死而宗墟帝昺自沉宋未亡也必信國殉難而祚絕不然姓既更矣物既改矣之數人者史冊猶繫以晉繫以隋繫以唐宋何為者既繫之以晉隋唐宋即謂之晉隋唐宋未亡也可今攷夏國之亡宗室如李楨屈膝降矣世將如甘卜率屬歸矣貴胄如高智耀亦始拒而終臣矣他若豪士謝睦歡木速忽里輩莫不攀鱗附翼以就功名獨立之身辱下僚心懷故國迹其桑梓貧居

西夏書事

卷四十二

六

耘耔自食與晉處士夫耕于前妻鋤于後高風同千古焉西夏小邦具此亮節向非乾順仁孝重學尊儒遺澤所留焉能致此乎嗚呼宗社可夷版籍可歸惟斯忠義之氣不可以一朝滅是則強敵為之氣索故國藉以生光者也余特書其事于篇末以見弱主雖亡其國孤臣未沒其心云爾

論曰夏自思恭定難肇錫軍名漢隱酬勳大啟土宇子孫更臣五代夏綏撫有百年蓋李氏之

造邦舊矣宋興以後歷彝興克嗣繼筠屢建膚功頻膺寵秩允茲卜世永作西藩迨繼捧歸朝西平失緒拓跋之鬼不其餒而繼遷奮袂窮荒稱戈漠北既恢舊物復創新圖雖係雄謀聿由先烈德明貌稱恭順而竊帝國中追尊父號已非純臣元昊幼具梟姿長隆凶緒始為逆子繼作賊臣人盡得誅法豈容賁祿山腸潰于牀全忠刃出于背君子謂其有餘辜焉諒祚弱而能強秉常失而旋復天固未欲亂夏國也斯強臣

西夏書事

卷四十二

七

悍后不使長其好乎乾順享國最長拓地最廣然臣宋臣遼臣金一身而事三姓高無賴焉長樂其先導與仁孝文治有餘武備不足純佑秉姿忠厚處事優柔一見脇于權奸一受戕于宗室夏業中衰于是乎始安全親為大逆妄竊鴻名毒甚楚圍惡彌周帶又復私懷小忿尋難同盟遵頊承之禍連不解殫其民力竭其資財兩世窮兵干戈自及天道好還理固然耶德旺時移勢去災害頻仍雖有良謀難回積弱現也立

甫逾年身旋為虜洵乎天之所廢人不能興已
考其立國三百四十餘年專事詐虞不崇信義
然能周旋五代終始遼金豈瞬息之螢光乃霸
圖之翹楚倘有良史悉其遺事勒為成書果紀
傳表志俱詳則禮樂典章具在容可作千秋之
法戒豈特備列國之史乘已哉

西夏書事

卷四十二

六

西夏書事卷四十二

跋

士生數百載後欲追述數百載以前事備一國之紀
成一家之言若非淹有三長旁通百氏蓋夏乎其難
之西夏與遼金並雄西北享國較長祇以地雜羌戎
蕃書紀事掌故失傳迄今五百餘載文獻無徵成書
罕觀于此而思蒼萃叢殘補前人所未逮夫豈空疎
佔畢之儒所能漫操鉛槧哉余友吳子西齋淵源家
學好為古文辭中年後尤殫心乙部書嘗以西夏紀
載闕如為稽古者一憾事乃彙唐以下正史野乘奏

跋

議誌銘搜羅甄錄做紫陽綱目例次第年月考訂異
同成西夏書事四十二卷雖于當日之典章制度未
必無遺而其世序相承興亡大畧則已瞭如指掌以
視魏崔氏之纂十六國宋劉氏之紀十國張氏之蜀
檮杌馬胡陸三家之南唐書其時作者去古未遠猶
有故老遺文足資采擷者其編輯之難易為何如也
余不敏謬承商榷竊意是書之必傳而以寡聞淺識
得挂名簡末其亦與有榮幸也已道光丙戌孟夏
吳邑弟許進松甫氏跋

跋

儒者讀聖賢書立德立功立言三者俱不朽而言有爲一人之言爲一時之言爲古今共傳之言近世好古之士辭章別集儘多贈炙當時未必盡傳諸久遠以其或爲一人之言或爲一時之言也予從父西齋素精史學制舉外輒以丹槧自娛嘗纂西夏書事四十二卷蓋寒暑十周始蕝厥事嗚呼古謂纂述難纂述於放失之後則尤難西夏事雖散見於宋遼金三史然遼失之誣金失之簡宋則援引稍精亦多呈漏當

跋

二

時拓克拓輩距夏未遠而諸傳同異乖違已難更僕數若曠隔數百載後追述遺文搜羅佚事其舛訛當更何如也西齋從父乃能勾稽載籍抉摘異同佚者補之繆者糾之使西夏三百餘年理亂興衰燦然如聚米之在目自非具過人之識用心專而爲日多安能爲人所難爲也哉是書出當非一人之言一時之言而足爲古今共傳之言爰僭爲識數語于後姪熊書舟氏謹跋



舊鈔書西夏書列傳

西夏列傳自序先欲單行故有此序

嘉慶甲子仲夏既望見詒經精舍課題思欲撰西夏書五旬而藁粗具正效索邕之螫俄求龍樹之方未暇討論因之中輟竊念他史莫難于志而夏書惟傳最難列傳既完全書易就但乞鈔胥兩手何需藩溷十年乘炳燭之餘光先成四卷備西朝之霸史媿乏三長綴集舊聞搜羅逸典訪壬戌無名之記燼簡罕傳弔中興李夏之都荒墟安在聊比崔鴻蕭方等之作且補孫異劉溫潤之亡所冀博雅通儒摘瑕糾謬云爾太歲月日同在

周春識

西夏書列傳卷之一

妃嬪傳

太祖母衛慕氏宋真宗咸平元年封李繼遷母為衛國太夫人

太祖妃耶律氏遼景宗統和四年以王子帳耶律襄之女封義成公主下嫁李繼遷冊為夏國王

論曰繼遷尚遼義成公主而遼史公主表景宗四女第一觀音女第二長壽女第三延壽女第四淑哥不列所謂義成者當時襲隋舊號封宗女以和親則元昊之娶興平乾順之娶安成皆如此矣

太祖后野利氏太宗母也諡曰順成懿孝皇后

論曰史言宋景德四年五月德明母周氏薨除起復鎮軍大將軍右金吾衛上將軍員外置同正員餘如故以殿中丞趙稹為弔贈兼起復官告使德明以樂迎至樞前明日釋服涕泣對使者自陳感恩及葬請修供五臺山十寺乃遣閭門祇候袁瑀為致祭使護送所供物至山復獻馬五百匹助修章穆皇后園陵遼亦遣使弔祭起復所云周氏者豈德明生母耶他無可考

太宗后衛慕氏以五月五日生景宗名元昊小名菟理國語謂惜為菟富貴為理次妃咩迷氏生成遇又次妃訛載

屈懷氏生成菟廣明元年宋景祐元年衛慕氏之喪遣使于宋告哀宋起復鎮軍大將軍左金吾衛上將軍員外置同正員以內殿崇班閭門祇候王中庸為致祭使起居舍人郭勸為弔贈兼起復官告使

景宗后耶律氏遼興宗即位以興平公主嫁李元昊以元昊為駙馬都尉封夏國公時德明尚在也重熙七年元昊與公主不諧公主薨遣北院承旨耶律庶成持詔問之是歲元昊稱帝改元元昊娶五姓二曰宣穆惠文皇后沒藏氏生諒祚三曰憲成皇后野力氏四曰妃沒咩氏五曰索氏又娶于都羅氏遼重熙十八年夏延嗣孟十月招討使

耶律敵古率阻卜軍至賀蘭山獲元昊妻二十年夏天祐二年六月獲元昊妻及俘到夏人置于薊州未知所謂元昊妻者何氏也宋嘉祐元年夏福聖承道四年沒藏氏之喪遣徐舜卿等如宋告哀宋以集賢校理馮浩為弔慰使文思副使張惟清副之乃獻遺留馬駝以謝

毅宗后恭肅章憲皇后梁氏子秉常立時年七歲梁太后攝政初毅宗用中國衣冠國母勸子仍用蕃禮大安六年四月時即位已十三年矣宋元豐四年國母奪秉常政宋邸延總管种諤乃疏秉常遇弑國內亂宜興師問罪此千載一時之會遂遣王中正往邸延環慶稱詔募禁兵從者

將之詔熙河李憲等以秉常見囚請大舉征夏及詔諭夏國蒐名諸部首領能拔身自歸及相率共誅國讐當崇其爵賞敢有違拒者誅九族梁太后問策于廷諸將少者盡請戰一老將獨曰不須拒之但堅壁清野縱其深入聚斂兵于靈夏而遣輕騎抄絕其餽運其兵無食可不戰而困也梁后從之宋師卒無功自後用兵者四年事具載記大安十年宋元豐八年秉常遣報其母哀于遼次年為天安禮定元年而秉常殂

惠宗后昭簡文穆皇后梁氏子乾順生三歲即位天祐民安六年宋紹聖三年國主年十二與國母與國主舉兵攻金明

若列營環城母子親督桴鼓破之守兵五百人惟五人得免既還留一書于漢人頸上曰貸汝命為我投于經略使處又復母子自將兵數十萬攻宋新築平夏城凡十四日晝夜攻城城守益堅乃造高車以臨城載數百人填壕而進俄大風折之一夕拔營遁去國母慙不克城自斃其面而還其後天都統軍蒐名阿埋西壽監軍妹勒都通皆為宋將所襲執夏人自牛欄澗雞鞞嶺大沙堆平夏城連敗之後不復能軍遂請命乞朝貢永安元年宋元符二年正月國母梁氏薨九月遣使如宋告哀

崇宗后耶律氏貞觀元年宋崇寧元年遣使如遼請尚公

主五年遼以族女南仙封安成公主嫁乾順八年夏以安成公主生子告于遼次后曹氏子仁孝立尊為國母

仁宗后罔氏次章獻欽慈皇后羅氏長子純佑立天慶八

年宋嘉泰元年金承安夏主母病風求醫於金金詔太醫

判官時德元及王利貞往仍賜御藥應天嘉定元年宋開禧二年

和金泰正月李安全廢其主純佑而自立令羅氏上表言

純佑不能嗣守與大臣定議立安全為王遣御史中丞罔

佐執中等奏求封冊六月金詔問羅氏所以廢立之故安

全復以羅氏表上金遣使封冊十二月夏遣使謝封仁宗

以後史無考

論曰宋人謂元昊母衛慕氏或云米氏族入山喜謀殺元

昊事覺元昊酖其母殺之沈山喜之族於河又謂元昊娶

野利氏野利遇乞妹或云遇乞從女生三子次曰甯令哥

或云宜各哥貌類元昊故特愛之以為太子甯令者華言

大王也元昊又納沒咿氏野利之族有怨語元昊遂殺遇

乞等三家既而野利氏訴言我兄弟無罪見殺元昊憐之

下令國中訪其族人得遇乞妻沒藏氏與之私通野利氏

覺之乃出遇乞妻為尼號沒藏大師生諒祚初元昊為其

子甯令哥娶婦見其媿而自取之即沒咿氏也甯令哥憤

而殺元昊不死剝其鼻而去匿黃廬為訛屍所殺訛屍者

或云訛龐或云訛龍沒藏氏之兄也元昊次日因刺創死年四十六或又謂沒藏氏生諒祚而元昊愛之寤令之母恚忌欲除沒藏氏授戈於寤令使圖之寤令潛入元昊之室猝遇元昊遂刺之不殊而走衆仆寤令梟之此言欲殺沒藏而誤中元昊於情理差近又一說也方沒藏氏出為尼也既娠而元昊死遺言立其從弟委哥寤令訛龐以為夏有國以來父死子繼委哥寤令非子而沒藏尼有娠幸而有子足以為嗣後三月而生諒祚遂立之以沒藏為太后於是政在沒藏矣或又謂寤令哥即諒祚之小名國語歡喜為寤令兩空河名也沒藏氏從元昊出獵至此而生諒祚因以為名此又一說也諒祚幼養於母族訛龐訛龐遂專國政麟州西城枕睥睨曰紅樓下瞰屈野河其外距夏境尚七十里而田腴利厚多入訛龐家每歲東侵不已至耕獲時輒屯兵河西邊吏以聞宋詔經制之訛龐晏然弗革馴至戰爭和市之罷自此始也訛龐以女妻諒祚有李守貴者嘗為遇乞掌出納實保細吃多巴者嘗侍元昊及沒藏尼於佛舍故出入無間沒藏尼既通守貴又通吃多巴李守貴殺吃多巴及沒藏尼訛龐乃族守貴獨護養諒祚訛龐子婦梁氏諒祚私焉訛龐患之梁氏密告訛龐將叛諒祚乃舉兵誅訛龐滅其族并殺其妻沒藏氏而以

梁氏為妻命其弟乞埋為家相諒祚凶忍好為亂遇酋豪大家輒私其婦女故下多怨又秉常母梁氏垂簾聽政與宋太后同宋人乃謂秉常見囚遇弑凡此皆宋國傳聞詆斥之辭非一時之實事故宋姚麟言秉常不廢即為順命種諤言秉常稚子臣往持其臂以來則當時亦知之矣又謂元豐中梁氏遣將引兵猝至保安軍順寧寨圍之數重時寨兵少人心危懼有倡燒李氏得梁氏陰事甚詳乃掖衣登陴抗聲罵之盡發其私敵人皆掩耳併力射之莫能中李氏言愈醜敵人度李終不可得恐且得罪遂託以他事中夜解去雞鳴狗盜皆有所用信有之也此事幾等邯鄲笑林聊資譚助以上雜采沈括王稱李燾諸家之說或存而不論云

西夏書列傳卷之二

家人傳

拓跋赤辭唐西戎州都督賜姓李

拓跋朝光唐靖邊州大首領左羽林衛大將軍肅宗時附

郭子儀代宗時有思樂州刺史拓跋乞梅

拓跋守寂唐開元後右監軍大將軍西平公靖邊州都督

孫乾暉姪澄並銀州刺史

論曰党項八部有拓跋氏其為元魏苗裔未可知也而曩

霄自言祖宗本出帝胄宋人亦有稱拓跋德明拓跋元昊

者矣然元魏出於鮮卑西夏出於党項究屬傳疑之辭至

思恭世系未詳史但云天寶末年夏部有戰功擢宥州刺

史天柱軍使其裔孫曰思恭豈即鄭樵所云開元後之乾

暉與澄耶

拓跋興宗內附仕唐上表乞致仕侍親云某月日勅許臣

入京覲省者臣母譙郡太夫人曹氏今年八十有四曹氏

有臣更無他子臣纔齠齠父已背亡守志偏棲鍾情善訓

恩深徙宅慈過折筮孤危相保臣得成立蕃裔賤末久荷

國恩每慙厚祿慮臣身災况老親在堂迫於衰疾而更晨

昏有闕尸素無厭碩鼠貽譏林鳥不若尚恭朝列心豈遑

安特乞停官許從歸侍則藜藿之養子道獲申桑榆之暉

母心是慰倘明神見祐母體漸平在臣犬馬敢不驅策伏

望採詩人之錫類鑒令伯之陳情曲降鴻私俯矜微願垂

恩遂志死將萬足不勝懇款之至詔不允興宗復再三表

請有云聖主孝理天下特降綸言戶有老親令蠲賦役鄉

有孝子必表門閭泊乎方外百蠻咸被教化臣雖蕃裔賤

品忝沐薰風烏鳥之心實媿乳哺讀者咸稱其孝

論曰興宗陳情乞養其辭真摯若此觀拓跋之家風頗疑

宋人之傳醜母也

思恭事具世記弟思孝為保大節度鄜坊丹延等州觀察

使並檢討司徒同中書門下平章事王行瑜反以思孝為

北面招討使思孝亦因亂取鄜州遂為節度使累進侍中

思孝致仕以弟思敬為保大留後遂升節度又徙武定軍

天復二年降於王建又附李茂貞

論曰唐末李琪有奉試詔用拓跋思恭為京北收復都統

詩云飛騎經巴棧鴻恩及夏臺將從天上去人自日邊來

此處金門遠何時玉輦迴早平關右賊莫待詔書催當日

試士以之命題足見思恭勲名之盛所以弟秉節鉞賞延

於孫唐末天下大亂蕃鎮連兵惟夏州未嘗為患由五代

迄宋初守其家法保其爵祿亦可謂豪傑之士也

思恭孫彛昌彛昌族子仁福不知於思恭為親疎也仁福

子彛超彛超弟彛興彛興子克敵克敵子繼筠繼筠弟繼捧七世相繼鎮夏繼捧子承哥孫承吉並具世記

思恭弟思忠唐贈宥州刺史繼遷之高祖也子仁顏唐銀州防禦使仁顏生彛景彛景生光儼並具世記

繼捧弟權知夏州克文宋太平興國七年入朝以唐僖宗所賜其祖思恭鐵券及朱書御札來上改博州防禦使卒

贈岳州防禦使又夏州蕃漢指揮使克信克憲等同繼捧歸宋並賜官有差

繼遷弟繼瑗宋端拱三年如宋謝恩授繼瑗亳州防禦使繼遷弟繼忠繼遷歸順宋以繼忠為綏州團練使賜姓名

趙保寧

繼沖者亦繼遷弟也繼遷初與繼沖破丑重遇貴張浦李大信等起兵於夏州後張浦為宋所留而還自有傳破丑氏党項部族與野利氏芑里氏世居慶州雪山亦羌中大姓也餘並無考

山遇者曩霄之叔父也宋景祐初曩霄遣使詣五臺供佛以窺河東道路既還與諸酋歃血約先攻鄜延欲自靖德塞門若赤城路三道並入山遇數勸曩霄勿反不聽山遇遂挈妻子降宋投都監李士彬士彬與知保安軍朱吉狐疑不敢受乃奏之詔山遇還西夏山遇不可天章閣待制

知延州郭勸乃命監押韓周舡至曩霄所曩霄射殺之遂稱帝改元初山遇降宋其弟惟序止之曰南朝無人不可往山遇不聽既而士彬奪其珍寶而置之於死

論曰山遇與彛敏事相類然山遇不可謂叛以其勸勿反宋者正也宋人執歸於夏失在於宋矣其時宋降詔購募夏署職名至卑如埋移香者亦以郡王待之於是其黨愈固

景帝弟二人曰成遇曰成蒐族弟曰委哥嘗令

論曰宋人謂秉常之世執國政者有蒐名浪遇元昊之弟也最老於軍事以不附諸梁遷下治而死所謂蒐名浪遇者其成遇耶其成蒐耶不可得而知矣

察哥郎君崇宗弟也雍寧五年宋宣和元年宋宦者童貫逼經

畧劉法取朔方法不得已引兵二萬出統安城遇察哥率步騎三萬大戰移七時自朝及暮兵不食而馬多渴死法

乘夜遁比明走七十里為追兵斬首而法是役死者十餘萬貫隱其事而以捷聞察哥見法首惻然而語其下曰劉

將軍前敗我於古骨龍仁多泉吾常避其鋒謂天生神將豈料今日為一小卒鳥首哉其失在於恃勝輕出不可不

戒遂乘勝圍震武夏人欲拔之察哥曰欲破此城留作南朝病塊乃自引去而宣撫司受解圍之賞者數百實自去

也時諸路所築城砦皆不毛夏所不爭之地而闕輔為之蕭條果如察哥之言

論曰察哥智勇有餘幾於古之名將而宋以腐豎典兵豈能與之敵乎喪師辱國終亦必亡而已矣

越王仁友崇宗子也子鎮夷郡王安全廢其主純佑而自立是為襄宗有子曰承禎不得立

齊國忠武王彥宗未知何主之子子遵頊立是為神宗太子德任夏主遵頊子也自夏主立後與金交兵者十三

年金元光二年宋嘉定十六年夏光定十三年夏主使德任伐金德任諫曰彼兵勢尚強不若與之約和夏主笑曰非爾所知也彼

失蘭州竟不能復何強之有德任固諫不從請避太子位願為僧夏主怒幽之靈州遣人代將是歲元兵問罪夏主

自號上皇傳位於子德旺不五年而國亡廢太子不知所終矣

論曰夏主遵頊先以狀元及第宜其留心文事乃窮兵瀆武構難十年向使不與金爭而養其精銳以待蒙古何至

敗亡如是之速乎老子曰兵者不祥可以鑒矣

清平郡王史失其名子南平王明即末主也

李惟忠父為夏主之子夏末守兀納刺城元太祖經畧河西城陷不屈死之子惟忠方七歲求從父死主將異之執

以獻宗王合撒兒王留養之後仕元官淄川達魯花赤惟忠第四子恒字德卿自號長白官至中書左丞行省荆湖亦於安南死事

論曰惟忠一門忠孝惜其父史失其名而姚燧李氏家廟碑名亦不載故特表之

李楨字幹臣其先西夏國族子也金末楨以經童中選既長入元為質子以文學得近侍賜名玉出干必闕赤後仕

元至襄陽路管軍萬戶

西夏書列傳卷之三

臣傳

張浦

張浦者李繼遷之親校也宋太宗至道初浦以左都押牙使宋獻索駝良馬太宗令衛士翹關超乘引彊奪槊於後園俾浦等觀之且令兵士皆拓兩石弓太宗笑問浦曰羌人敢敵否浦對曰羌部弓弱矢短但見此長大人則已遁矣况敢敵乎太宗遂遣使齎詔諭欲授鄜州節度使繼遷不奉詔太宗以浦為繼遷謀主留之京師以為銀青光祿大夫檢校工部尚書鄭州刺史兼御史中丞充本州防禦使太宗崩繼遷復遣使修貢求領藩任真宗許之乃放浦還後不知所終

盛佶

盛佶者白池軍主也宋景德三年府州折惟昌言兀泥族大首領名崖其從父盛佶為趙德明白池軍主密使人謂名崖云德明雖外託修貢之名而點閱兵馬尤急必恐劫掠山界名崖以告宋帝嘉之降詔撫諭就賜錦袍銀帶論曰盛佶為夏軍主而漏言於宋時德明嗣位之初宋懸銀絹錢茶之賞下詔招其部族盛佶豈懷利而來歟抑果欲歸化歟其後或竟降宋或仍留夏俱未可知但德明頗

守臣節並無劫掠山界之事則盛佶所言殆有心希賞矣

野利旺榮 王嵩

野利旺榮一名剛浪咬景宗之親信也倚為謀主守天都山號天都大王時夏兵雖屢勝然死亡瘡痍者相半人困於點集財力不給國中為十不如之謠以怨之天授禮法延祚五年 宋慶曆二年 乃遣寨門砦主高延慶還延州見范仲淹約和仲淹不聞於朝即自為書遺夏主以禍福諭之曰國家景德初河西休兵之後中外上言靈夏數州本為內地請移河朔之兵益關中之力以圖收復真宗皇帝以文武之德柔遠先大王歸向朝廷心同金石故待先大王以骨肉之親命為同姓全付大夏真宗皇帝於是時也有天地之造焉今大王青春襲爵不知真宗皇帝有天地之造遠先君之誓書不避本朝並建大位累遣使人告於朝廷中外之人莫不驚憤咸欲收行人戮於都市皇帝詔曰非不能以四海之力支其一方念先帝歲寒之本意故夏王忠順之功豈以一朝之失而驟絕之皆不戮而還假有諸蕃之長抗禮於大王而能含容之若此乎省初念終天子何負於大王哉天子遣仲淹經畧西事面諭之曰有征無戰不殺非辜王者之兵也仲淹敢不夙夜於懷至邊之日見諸將帥多務小功不為大畧甚未副天子之意仲淹與

大王同事朝廷於天子則父母也於大王則兄弟也豈有孝於父母不愛於兄弟哉可不為大王一一而陳之名不正則言不順言不順則事不成大王世居西土衣冠言語當從本國風俗何得與天子侔名豈正而言豈順哉徒使瘡痍百姓傷天地之仁仲淹每念有征無戰不殺非辜之訓夙夜於懷方欲與大王議而決之重人命也今大王遣人遠來惠然留意何樂如之但議論未順文字未正不敢聞於朝廷大王果能以愛民為意言當時之事由於眾請引咎自責謝於朝廷朝廷必當復其王爵承先大王保國庇民之志天下孰不稱大王賢哉如衆多之情終不獲辭

則漢唐故事如單于可汗之稱尚有可稽又於本國語言為便亦不失其貴矣貢奉上國存中外之體不召天下之怨不困天下之民使邊蕃之人復見太康又大王之國財用或闕朝廷每歲必有物幣之厚賜為大王助也大王幸聽之則上下同其美利邊民之患息矣其若不聽他日雖有請於朝廷必有噬臍之悔仲淹今日之言不獨利於大王蓋以奉君親之訓救生民之患合天地之仁而已唯大王擇焉文載本集較詳此從東都事畧節錄令韓周等特書入西界逆者禮意殊善行兩日聞山外諸將敗亡周等抵夏州留四十餘日夏主俾旺榮為書報仲淹別遣使與周俱還且言不敢

以聞兀卒書辭益慢仲淹對使者焚其書而潛錄副本以聞書凡二十六紙其不可聞者二十紙悉焚之餘亦畧加刪改宋大臣咸議擅自通書焚書仲淹幾得罪龐籍又令保安軍檄旺榮且言旺榮總靈夏之兵儻陰圖內附即當授以西平茅土知青澗城种世衡亦遣王嵩附以棗綴畫龜為書置蠟丸中遺之諭以早歸之意欲夏主得之而生疑也旺榮笑曰种使君年老大矣何兒戲尚爾囚嵩地窖中知渭州葛懷敏遣僧法淳持書往而旺榮出嵩與教練使李文貴詐請和宋復有鎮戎軍之敗次年和議將成籍遣文貴還開諭以通意夏主大喜厚禮王嵩使與文貴復

行旺榮與弟旺名蒐名瓌卧譽諍三人列名為書與籍其書仍不肯削帝號且云如日方中止可順天西行安可遠天東下籍以其辭猶慢令其自請而詔籍復書許之使呼旺榮為太尉籍曰太尉三公非陪臣所得稱使野利當之則元昊不臣矣今其書自稱益令或稱謨益令皆其官名也於義無嫌自後往返踰年夏主稱臣受封事具載記旺榮與國主乳母白姥有隙歲除日旺榮引兵巡邊深涉漢境數宿白姥乘間乃譖其欲叛國主疑之世衡嘗得蕃首之子蘇吃曩厚遇之聞國主當賜旺榮寶刀而乞曩之父得幸於旺榮世衡因使吃曩竊其刀許之以緣邊職任錦

袍真金帶吃曩得刀以還世衡乃倡言野利已爲白婁譖死設祭境上爲祭文叙歲除日相見之歡入夜乃火燒紙錢川中盡明敵見火光引騎近邊窺覘乃佯委祭具而銀器凡千餘兩悉棄之敵爭取器皿得所賜刀及香爐見祭文已燒盡但存數十字國主得之又識其所賜刀遂賜旺榮死旺榮有大功死不以罪自此君臣猜貳以至不能軍謀者還言半歲間誅其握兵用事者二三人皆反間得行世衡計謀之功居多世衡聞野利兄弟死爲文越境祭之當時人未甚知世衡卒乃錄其功贈觀察使

論曰宋人謂元昊因野利后族有怨語遂殺遇乞等三家旺榮當是其一家也此因由后族之怨語亦由於宋人之反間蓋其殘忍好殺而旺榮以忠信見疑尤可憐矣王嵩者即王和尚也出家悟空寺名光信落魄酣酒邊人呼爲王和尚多往來蕃部中時夏主分山界戰士爲兩廂命兩將統之剛浪陵統明堂左廂乞遇統天都右廂二將能用兵山界人戶善戰凡劉平石元孫任福葛懷敏之敗皆二將之謀也神世衡守青澗城欲用間離之於是善遇光信且厚給酒肉一日謂光信曰我有書答野利相公若爲我賞之即以書授光信臨發復召飲酒而謂之曰塞外苦寒我爲汝納一襖可衣之以行回日當復以還我光信

始及山界即爲邏兵所擒及得賞書以見夏主夏主發其書皆尋常寒溫之問夏主疑之遂縛光信拷掠千餘至脇以兵刃光信終言無它夏主益疑顧見光信所衣之襖甚新潔立命焚拆因得與遇乞書其言前承書有歸投之約尋聞朝廷又言只候光信回得報當如期舉兵入界惟盡以一廂人馬爲內應償獲元昊朝廷當以靖難軍節度使西平王奉酬夏主大怒自此奪乞遇兵既而殺之遇乞死山界無良將統領不復有侵掠之患而邊陲亦少安矣洎西夏入貢光信得歸返初服改名嵩由三班借職終左藏庫副使

論曰初疑魏泰所記與史不同或一事而誤爲二細考之則非一事也剛浪陵得書置嵩地窖後得釋歸復與遇乞書間剛浪陵於前間遇乞於後自是兩事元昊又因納沒移氏野利族皆怨望一時積疑並發遂怒族三家此固由世衡之謀亦實得嵩之力嵩豈尋常酒肉僧哉不顧一己之性命而全兩國之生靈厥功甚偉是以宋僧也而附列於夏書

野利仁榮

野利仁榮始製蕃字者也初景宗創蕃書命仁榮演繹之成十二卷字形方整類八分而畫頗重複教國人紀事用

蕃書而譯孝經爾雅四言雜字爲蕃語景宗又親譯野戰
歌以仁榮主蕃學後仁宗天盛十三年宋紹興三十年以金正隆五年始製字師封仁榮爲廣利王

論曰遼史稱德明曉佛書通法律嘗觀太乙金鑑訣野戰
歌製蕃書十二卷又製字若符篆此乃宋遼所聞異辭然
德明自必知書其製蕃字或創於德明繼於元昊而成於
仁榮也沈括又謂野利遇乞創造蕃書獨居一樓上累年
方成獻諸元昊豈旺榮即剛浪陵仁榮又即遇乞耶蓋芳
池部族贊普所王內徙石州曾附郭令是其姓甚著而其
名混淆出自傳聞未可盡信也

開國諸臣

太宗自號兔名景宗自稱兔名吾祖兔名者蕃語尊官也
景宗立國始大建官以兔名守全張陟張絳楊廊徐敏宗
張文顯輩主謀議以鍾鼎臣典文書以成逋克成賞都臥
都姓兩字如定名哆哆馬竇惟吉主兵馬野利仁榮主蕃學
又築壇受冊稱帝改元點兵蓬子山則用楊守素之謀也
和議封冊成守素與如定等相繼使宋守素道元昊之言
曰朝廷果欲議和但當下諭本國何必轉求拜丹因富弼
諷宗真諭元昊使納款也又齋嫚書納旌節及所授誥敕
者賀永年也永年置神明匣留歸孃族而去故不及於難

論曰諸臣惟如定嘗使宋此外皆無所表見然主謀議者
有人主兵馬者有人典文書者有人國主可謂知人善任
使矣至兵革之際不廢詩書蕃學漢學之設尤爲知所先
務仁榮事稍著自有傳

景宗志在恢拓數侵諸蕃境土隣國怨之常選部下驍勇
自衛分爲十隊隊各有長一曰妹勒二曰浪訛遇移三曰
細賞者埋四曰五里奴五曰雜熟屈則鳩六曰隈才浪羅
七曰細母屈勿八曰李訛移岩名九曰細母兔名十曰波
羅埋布每出入前後環擁設備甚嚴此十人者皆中寨勁
悍將也其名皆蕃其事並無考

論曰宋人有蕃爾雅倣爾雅體譯西夏語惜其書不傳不
得十人命名之義也大范詩有云拘俘詢密事肉盡一無
聲自注得賊中謀者雖醫其肉殆盡終無一言嗚呼孰謂
彼無壯士哉

張元昊

張元昊吳姚嗣宗皆宋關中人負氣倜儻有縱橫才相與
友善嘗薄遊塞上觀峴山川風俗有經畧西鄙之意姚題
詩崆峒山寺壁范仲淹見之大驚又有踏破賀蘭石掃清
西海塵之句張爲鸚鵡詩卒章曰好著金籠收拾取莫教
飛去別人家吳亦有詩將謁韓范二帥耻自屈不肯往乃

磐石刻詩其上使壯夫搜之於通衢二人從後哭之欲以鼓動二帥既而果召見躊躇未用二人徑走西夏仲淹遣急騎追不及乃表姚入幕府張吳既至夏國夏人倚為謀主連兵十餘年西方疲弊二人預有力焉時元家屬羈縻隨州間使謀者矯中國詔釋之人未有知者後乃聞西人臨境作樂迎此二家而去自是邊帥始待士矣元初名源字雷復累舉不中第落魄不得志時人目為華州狂子天聖間坐累終身每託興吟詠如雪詩云五丁仗劍決雲霓直下銀河下帝畿戰退玉龍三百萬敗鱗殘甲落空飛詠白鷹云有心待榻月中兔更向白雲頭上飛其他怪謔類

是初景祐中作絕句云太公年登八十餘文王一見便同車如今若向江邊釣也被官中配看魚吟此詩畢入夏州及宋師敗於好水川元題詩界上寺云夏竦何曾聳韓琦未是奇滿川龍虎舉猶是說兵機觀其詩知非池中物也吳詩獨不傳

論曰宋人謂韓忠獻駐兵延安夜有人攜匕首至卧內遂塞帷韓起坐問誰何曰某來殺諫議誰遣汝來曰張相公蓋張元也韓復就枕曰汝攜我首去曰某不忍願得諫議金帶足矣取帶而出明日不復治其事俄守陴卒報城槽上得金帶乃納之此事與苗劉使賊至嘉禾刺張忠獻事

相類恐皆因漢袁盎事而附會之元昊尚知重龍圖老子而張元乃欲殺之非但出元昊下并出刺客下矣

賀從勗

賀從勗者官六宅使天授禮法延祚六年宋慶曆三年夏主遣與教練使李文貴同至延州入貢請和上書自稱男邦泥定國元卒曩霄上書父大宋皇帝知延州龐籍謂之曰天子至尊荆王叔父也猶稱臣今名體未正不敢以聞從勗曰子事父猶臣事君也若得至京師天子不許更歸議之籍以其辭浸順送使者闕下從勗至京富弼言元昊臣契丹而不臣我朝是契丹為無敵於天下矣須令稱臣方可

許和蔡襄亦言元昊自稱元卒既又譯為吾祖特以侮嫚朝廷使朝廷賜之詔而亦曰吾祖是何等語耶不可許其請宋帝命著作佐郎邵良佐等更往議之良佐至夏州夏復遣如定聿捨張延壽楊守素相繼如宋議和及歲幣時夏與遼構怨雖用計暫敗遼兵終恐其大舉深入宋遼夾攻勢必不支且又疲於戰鬪部族離心因不得已稱臣於宋而帝其國中自若也從勗後官伊州刺史

論曰元卒之為吾祖字音逼近不待譯而知也邦泥曩霄更不知作何等語矣當時往往以此侮宋如東坡所云城上問兀擦是也招徠夏寇之議自張方平發之仁宗既決

意休兵韓范亦恃邊疆有備闕輔可保蓋諡不妨與南交一例棄之即言辭之狡獪稱名之悖謬皆不復爲之計較傳曰國君含垢其斯之謂歟

梁乙埋子移逋

梁乙埋者毅宗后梁氏之弟毅宗以爲相許其世襲惠宗立乙埋卒其子移逋繼之謂之沒霽令沒霽令者華言天大王移逋爲惠宗后梁氏之弟父子兩代元舅乃外戚之最盛者大安六年統軍國母弟梁大王爲宋劉昌祚所敗乃移逋也崇宗天儀治平元年宋元祐二年宋范純仁乞誅鬼章奏有云如梁乙逋之輩假設獲之若有強子弟亦將養

養之矣天祐民安元年宋元祐六年范純粹論西事有云聞梁乙逋用事之从元祐二年三寇涇原而漢兵十一將拱手城中不出一騎使席捲而歸乃悉得前後所積金帛每語人曰冤名家人管國事有此功否我之所以連年黜兵者欲使朝廷憚我而爲國人求罷兵耳昔元昊叛時雖數遣求和而故爲悖慢難從之議朝廷既不從則語衆曰我求罷兵而南朝不許用此以歸怨激衆衆戰咸力乙逋今乃效之今朝廷既議貶絕宜作邊帥草檄以淺近易曉之言具道乙逋無厭犯順之詳朝廷用兵不得已之意令諸路多作木印棄於賊疆不惟可以伐狃衆怨之謀又足以激

怒其衆須知禍由梁氏庶有衆叛親怨之理時安燾亦言乾順纔數歲非秉常近親獨梁乙逋利於持權與梁氏立之其酋長善用兵者如冤名阿吳輩皆秉常族黨多反側顧望不若有以離間之阿吳等既不自安一旦得領重兵焉知其不回戈以復讐梁氏此一奇也當時頗用其策移逋宋人稱爲乙逋

論曰宋人謂元祐初崇宗天儀治平初梁乙埋數擾邊延安帥趙高敗之乙埋終不悛高使以善意問乙埋何苦與漢爲讐必欲寇第數來恐汝得不償失洪州前事可鑒也能不來和好如故遺之戰袍錦綵自是乙埋不窺邊後復用間夏人疑而殺之此事與東染院使种君相類然乙埋與乙埋前後相距十四五年非一人也觀後來乾順表所云凶黨伏誅稚齡返正者則國母既沒外戚專橫終不免於誅戮矣

李清

李清本秦人也仕夏官將軍嘗說國主以河南地歸宋國母梁太后惡之大安六年四月國母誣清爲國主誘漢倡婦樂人因置酒執清殺之論曰自清死而宋五路出師宦官爲帥兵連禍結夏亦因之重困矣荆舒當國誰生厲階觀元豐行後元豐行者不

禁且笑且罵也

昂星鬼名濟廼

昂星鬼名濟廼者夏西南都統也惠宗天賜禮盛國慶二
 年宋熙寧五年陷永樂城徐禧敗死宋帝臨朝痛悼而夏人亦
 困弊於兵次年昂星鬼名濟廼移書宋涇原帥劉昌祚乞
 通和好其書曰中國者禮樂之所存恩信之所出動止猷
 為必適於正若乃聽誣受間肆詐窮兵侵人之疆土殘人
 之黎庶是非中國之體為外邦之羞昨者朝廷暴興甲兵
 大窮侵討蓋天子與邊臣之議為夏國方守先誓宜出不
 虞五路進兵一舉可定故去年有靈州之役今秋有永樂
 之戰然較其勝負與前日之議為何如哉朝廷於夏國非
 不經營之五路進討之策諸邊肆撓之謀皆嘗用之矣知
 徽幸之無成故終於樂天事小之道况夏國提封一萬里
 帶甲數十萬南有干闥作我歡隣北有大燕為我強援因
 利伺便角力競鬪雖十年豈得休哉即念天民無辜受此
 塗炭之苦國主自見伐之後夙夜思念為自祖宗之世事
 中國之禮無或虧貢聘不敢怠而邊吏倖功上聰致惑祖
 宗之盟既阻君臣之分不交存亡之機發不旋踵朝廷豈
 不恤哉至於魯國之憂不在顛與隋室之變生於楊感此
 皆明公得於胸中不待言而後喻今天下倒垂之望正在

英才何不進讜言開邪議使朝廷與夏國歡好如初主民
 重見太平豈獨夏國之幸乃天下之幸也昌祚上其書宋
 帝諭答之是年閏六月復遣使謨箇咩迷乞遇來貢表曰
 夏國累得西蕃征王子書稱南朝與夏國交戰歲久生靈
 荼毒欲擬通和緣夏國先曾請所侵疆土不從以來未便
 輕許西蕃再遣使到國稱南朝語言計會但當遣使齎表
 自令引起南朝切念臣自累世以來貢奉朝廷無所虧怠
 至於近歲尤甚歡和不意儉人誣間朝廷特起大兵侵奪
 疆土城若因茲構怨歲致交兵今乞朝廷示以大義特還
 所侵倘海關納剌效忠勤乃賜詔曰頃以權強敢行廢辱
 朕用震驚今邊臣往問匿而不報王師徂征蓋討有罪今
 遣使造庭辭禮恭順乃聞國政悉復故常益用嘉納已戒
 邊吏毋輒出兵爾亦共守先盟遂詔陝西河東經畧司其
 新復城砦徼巡毋出三二里夏之歲賜如舊
 論曰夏人文翰絕少傳者二首之外先有元昊表云臣祖
 宗本出帝胄當東晉之末運創後魏之初基遠祖思恭當
 唐季率兵極難受封賜姓祖繼遷心知兵要手握乾符大
 舉義旗悉降諸部臨河五郡不旋踵而歸沿邊七州悉券
 肩而克父德明嗣奉世塞勉從朝命真王之號夙感於頒
 宣尺土之封顯蒙於割裂臣偶以狂斐制小蕃文字改大

漢衣冠衣冠既就文字既行禮樂既張器用既備吐蕃塔塔張掖交河莫不服從稱王則不喜朝帝則是從輻輳屢期山呼齊舉伏願一垓之土地建為萬乘之邦家於時再讓靡違羣集又迫事不得已顯而行之遂以十月十二日郊壇備禮為世祖始文本武興法建禮仁孝皇帝國稱大夏年號天授禮法延祚伏望皇帝陛下睿哲成人寬慈及物許以西郊之地冊為南面之君敢竭愚庸常敦歡好魚來雁往任傳鄰國之音地久天長永鎮邊方之患至誠瀝懇仰俟帝俞謹遣使奉表以聞後有乾順表云臣國久不幸時遇多凶兩經母黨之擅權累為奸臣之竊命頓生邊

患增怒上心輿端既深理訴難達幸凶黨伏誅推躬返正遐馳懇奏陳前咎之所歸乞紹先盟果淵衷之俯納故班詔而申諭獲首誓以輸誠謹當飭疆吏而永絕爭端戒國人而常遵聖化遠約則凶咎再降背盟則基緒非延約束事條恭依處分去聲唐劉夢得詩亦作去此皆駢體也雖非吉光片羽亦凡鱗常甲之一斑以少為貴彙而存之若元昊之誓表乾順之置頸上書文無足觀不錄

王仁宗

王仁宗者西夏相也崇宗元德五年宋宣和六年靈芝生於後堂高守忠家國主作靈芝歌俾中書相王仁宗和之

論曰宋初王禹偁撰李繼遷制繼遷贈馬五十匹而禹偁不受自是以降代尚文墨元昊常攜野戰歌太乙金鑑訣諒祚乞九經唐史冊府元龜於宋迨乾順君相賡歌九彬彬焉其後仁孝復遍興學校尊孔子為文宣帝親行釋奠賜弟子員策舉人立唱名法立翰林學士院俾修實錄其文治固極盛矣宋隆興元年陸游代宰相陳康伯致書夏國主約修和好正值仁孝之時五年其往復詞命當亦可觀也兩代享國長久國內少兵革之事雍容愉揚而所傳止一詩題豈不惜哉

李遇

李遇者夏之大將也金天輔六年宋宣和三年金與夏議和及金破宋乃畫陝西分界金將定陝西先率兵取威戎城軍至威戎東與夏兵值擊走之生致二人問之方知為夏將李遇取威戎也乃還其人而與李遇通問李遇軍威戎西蒲察軍威戎東而遣使議事於金將金將報曰元帥府約束若兵近夏境則與夏相為犄角毋相侵伐遇使人告金曰夏國既以天德雲內歸大國大國許我陝西北鄙之地是以此蒲察等遂旋軍

論曰遇無所表見惟此一事可謂不辱命矣爾時金夏盟誓方堅故遇得行其志然亦天心未欲滅夏否則割地之

繫一開不幾為宋海上之續乎要盟無信安足恃哉

王圭

王圭者宥州刺史也金天會十二年宋紹興四年冬十一月皇弟都統經畧郎君捷懶嚮獵於梁山之陽至唐乾陵殿廡頽然爰命有司鳩工修飾是時復謁陵下繪像一新迴廊四起不勝欣懌與醴陽太守酣飲而歸遂刻乾陵無字碑陰為行記時圭與職方郎中董應期從行論曰圭仕於夏其時當奉使至金得預遊宴之樂惜其無可考也圭之行事此外亦無所表見云

王樞

王樞者夏文臣也大德三年宋紹興七年金偽齊知同州李世輔謀執金帥歸宋不克遂奔夏世輔父母親族在延安者金人盡殺之五年宋紹興九年夏人攻陷府州以世輔為靖難軍承宣使鄜延岐雍等路經畧安撫使世輔請兵報延安之役夏主俾先討別種酋豪號青面夜叉者世輔擒之以獻夏主乃為出兵遣樞與武臣夥訛等隨之世輔軍至延安金帥走耀州世輔購得害其父母者殺之東城聞金降赦歸宋河南地乃說王樞等降宋夥訛不從世輔抽刀斫之不中遂縛樞命王晞朝護送至宋行在五月世輔率眾三千人歸宋宋授為護國承宣使樞密行府前

軍統制賜名顯忠次年大慶元年宋紹興三十年十月宋還王樞及所俘百九十人於夏

論曰顯忠字君錫青澗人父永奇自唐以來世襲蘇尾九族巡檢金陷延安招之不降顯忠初生即立於葦室有火光長而雄偉氣雄萬夫歸宋後屢立大功為中興名將卒贈太尉隴西郡公顯忠固不媿忠孝矣樞與夥訛其後無考雖不聞死事亦無負於國也

焦景顏王僉

焦景顏王僉夏之文臣也仁宗天盛二宋史誤作三十一年立翰林學士院以景顏僉等為學士俾修實錄

論曰金大定二年天盛十四年四月翰林學士焦景顏使於金賀登寶位四年天盛十六年四月兼樞密都承旨使於金上章奏告乞免徵索正隆末年所掠人口六年天盛十八年十二月復使於金乞免索所掠人口許之十年天盛二十年閏四月權臣任得敬中分其國脅其主遣使上表為得敬請封景顏預馬是景顏早官翰林其纂修實錄乃天盛二十一年也自後景顏姓名不復見史至僉則竟無可考尚有楊彥敬高岳呂子温王師信劉昭餘良李國安張公甫皆以翰林學士奉使附見於此

幹道冲

幹道冲字宗聖其先靈武人從夏主遷興州世掌夏國史道冲八歲以尚書中童子舉長通五經爲蕃漢教授譯論語注別作解義二十卷曰論語小義官至中書宰相而沒夏人尊孔子爲至聖文宣帝畫道冲像列諸從祀道冲又作周易卜筮斷以其國字書之行於國中元虞集有西夏相幹公畫像贊

高逸子良惠

高逸官大都督府尹子良惠官右丞相世居河西仕夏爲顯官良惠孫智耀登夏進士第夏亡隱居賀蘭山太宗訪求河西故家子衆以智耀對召見將用之遽辭歸時智耀

上言徵用西夏舊樂唐節度使有鼓吹故夏國聲樂清厲頓挫其器與曲皆唐猶有鼓吹之遺音焉皇子濶端復欲奏官之不就後卒仕元

論曰元史稱太祖四年由黑水城兀刺海西關口入河西獲西夏高令公克兀刺海城高令公則未知其爲智耀之父兄歟智耀之宗族歟

幹札箐

幹札箐西夏靈州人世掌其國史札箐初守西涼率父老以城降元太祖命副撒都忽爲中興州管民官世祖初以疾卒子朵兒赤字道明年十五通古注論語孟子後亦仕

元

論曰幹氏世掌國史故其子弟多知讀書道明其道冲之族鼻弟與父子事跡並具元史

曲也怯律阿綽等

曲也怯律唐兀烏密氏夏末守甘州城時元兵已破肅州矣初曲也怯律之妻方娠不容於嫡以配掌羊群者及里木既而生子曰察罕稍長其母以告且言嫡已有弟察罕武勇過人爲元太祖所收養長賜姓蒙古從征西域有功又從攻西夏父居守城中察罕射書招之求見其弟時弟年十三命登於高處相見遣使諭城早降其副阿綽等三十六人合謀殺曲也怯律父子并殺使者併力拒守城破太祖欲盡坑之察罕言百姓無辜止罪三十六人進攻靈州夏人以十萬衆赴援太祖親與戰大敗之還次六盤夏主堅守中興太祖遣察罕入城諭以禍福衆遂議降後太祖崩諸將擒夏主殺之復議屠中興察罕力諫止之馳入安集遺民

論曰曲也怯律守城未降雖未許其忠然父子被殺不可不謂之死事矣至阿綽等三十六人向日併命捐軀橫海島之風至今史冊書之猶凜凜有生氣惜阿綽之外莫詳名氏然則當時非無忠義死事之人其湮沒不稱者可

勝道哉

羅世昌

羅世昌者金承安二年夏天慶四年八月官宣德郎同武節大夫折膠俊又賀天壽節泰和八年夏應天嘉三年三月以觀文殿大學士同樞密使李元吉如金奏告正大二年夏乾定三年九月金與夏國和議定夏主稱弟各用本國年號時世昌進官南院宣徽使同光祿大夫吏部尚書李仲諤中書省左司郎中李紹膺聘於金世昌嘗述其國之譜叙世次蓋亦當時之文臣也

甯子宜

甯子宜仕夏為樞密使都招討初神宗光定二年宋嘉定二年金冊夏主遵頊為夏國王四年宋嘉定七年夏左樞密使萬慶遣二僧齎蠟九書至宋西邊欲與共圖金復侵地宋不報九年宋嘉定十二年三月金人南遷議都長安遣重兵宿鞏州夏主畏其侵逼乃遣子宜赴蜀議夾攻秦鞏利西安撫丁煇持不可十二月子宜遣使復申前說且責失期時安丙再開宣閩許之次年八月子宜以師期來告丙遂決意出師以奏劄聞諸朝不待報可命將太舉卒無功子宜及菟名公輔率眾歸其國又次年正月丙還利州

論曰時距夏亡不及十年矣子宜武翼與萬慶義勇等皆大臣也不知其所終

王立之

王立之者官精方輿使金哀宗正大四年宋主觀元年聘於金未復命而國亡詔於京北安置充宣差彈壓主管夏國降戶八月五日立之妻子三十餘口至環州詔以歸立之賜以幣帛立之上言先世本申州人乞不仕居申州詔如所請以本官居申州主管唐鄧申裕等處夏國降戶聽唐鄧總帥府節制給上田千畝牛具農作入元不知所終

論曰夏見滅於元而非為金所滅本不必責其使臣之死節也立之雖亡國之臣然觀其請不仕而居鄉郡猶有故國故君之意眷戀不忘尚可稱賢者矣

楊刺失

楊刺失河西宜夏人孫朵兒只仕元贈推忠佐運功臣太保金紫光祿大夫柱國追封夏國公謚忠定朵兒只官御史中丞以剛直為奸臣所誣而死

論曰朵兒只自言家世寒微不敢取旨邀贈王爵則刺失不仕也然觀其孫之賢殆昌黎所謂劬躬盡後者耶元初夏人常八斤以善造弓受知於太祖每自矜曰國家方用

武耶律楚材儒者何用楚材曰治弓尚須弓匠治天下者豈可不用治天下匠太祖善之八斤之後無聞焉

叛臣

李彛興弟彛敏晉天福八年官綏州刺史與其黨作亂為彛興所逐彛敏奔延州彛興押送到關骨肉三百餘口晉以彛興之故繫送本道斬之

論曰彛敏以兄弟之親結黨謀亂厥罪誠不容逭然何至骨肉三百餘口併命刀俎此足見彛興之凶殘矣宜其後嗣漸替而移祚於繼遷也其他以一城一邑叛降者往往有之要皆或迫於勢或誘於利疎遠之武夫何足道也傳

曰或求名而不得或欲蓋而彌彰越二百餘年而有任得敬之事

任得敬者西夏之相也初仁宗嗣位其臣屢作亂得敬抗禦有功遂相夏國天盛十二年金正隆五年封為楚王得敬專

政二十餘年陰蓄異志誣殺宗親大臣其勢寔盛仁宗不能制二十年金大定八年得敬欲圖分割夏國因賀正旦遣奏

告使殿前太尉芭里昌祖等以國主章乞良醫為得敬治疾金遣保全即王師道佩銀牌來夏詔師道曰如病勢不可療則勿治如可治期一月歸得敬疾有瘳遣謝恩使任得聰來得敬亦附表進禮物世宗曰得敬自有定分奉表

禮物皆不可受乃却之二十二年大定十年仁宗乃分西南路

及靈州囉囉嶺地與得敬自為國且上表為得敬請封金

世宗以問宰相尚書李石等曰事繫彼國我何預焉不

如因而許之世宗曰有國之主豈肯無故分國與人此必

權臣逼奪非夏主本意況夏國稱藩歲久一旦迫於賊臣

朕為天下主豈容此耶若彼不能自正則當以兵誅之不

可許也乃却其貢物賜夏主詔曰自我國家戡定中原懷

柔西土始則畫疆於乃父繼而賜命於爾躬恩厚一方年

垂三紀藩臣之禮既務踐修先業所傳亦當固守今茲請

命事頗靡常未知措意之由來續當遣使以詢爾所有貢

物已令發回時得敬遣間使至宋四川宣撫司約兵攻西

蕃宋臣虞允文報以蠟丸書七月得敬間使再至宣撫司

夏人獲其帛書傳至金得敬始因求醫附表進禮物欲以

嘗試世宗既不可行而請封又不可得仁宗乃謀誅之八

月晦誅得敬及其黨與上表於金并以所執宋人及蠟丸

書上其謝表云得敬初受分土之後曾遣使赴大朝代求

封建蒙詔書不為俞納此朝廷憐愛之恩下國不勝感戴

下國妄煩朝廷冒求賊臣封建深虧禮節今既賊臣誅訖

大朝不用遣使詢問得敬所分之地與大朝熙秦路接恐

自分地以來別有生事已根勘禁約乞朝廷亦行禁約

宋

以宋答蠟書事在乾道三年按三字當是六字之誤宋史又云四年夏改元乾祐得敬以謀篡誅此金人開早宋人開遲年月五異又四年四字亦是七字之誤

論曰金世宗所見者大不墮得敬術中可謂有人君之度矣虞雍公宋之名臣亦豈收納叛亡者祇因與夏隔遠但有意撫綏初不料得敬之謀篡國也

慕洧者本宋人初以環州降金金割陝西河南地與宋洧奔西夏夏人以為山訛首領山訛者橫山羗驍勇善戰夏人倚之平夏兵所不及也後為樞密使及金再定陝西洧思歸與其弟濬謀叛夏人知之遂族洧

論曰洧不忠於宋且不忠於金又不忠於夏乃偷生倖免反覆之小人也其取禍之酷宜矣附於叛臣之末

西夏書列傳卷之四

外國傳

論曰西夏亦外國何以復有外國非本國則外之而已吐蕃党項乃助宋而夏必爭者回鶻于闐大食其事或與夏涉合為傳

西蕃者即吐蕃事具新舊唐書宋淳化中西涼州阿俞丹來貢阿俞丹死其弟俞龍波代之數為李繼遷所侵掠俞龍波來請師咸平六年西涼府六谷都首領潘羅支願戮力討繼遷張齊賢請封羅支為六谷王真宗不可以為鹽州防禦使兼靈州西面都巡檢使羅支請師期又遣使來言感朝廷恩信憤繼遷僭疆已集兵六萬乞會王師收復靈州詔許之乃以羅支為朔方節度使與党項咩逋族首領鄯州刺史充靈州河外五鎮都巡檢使泥埋倚角捍賊是歲十一月繼遷攻西涼知府丁維清沒焉羅支偽降繼遷受之不疑未幾集六谷諸豪及者龍族合擊之繼遷大敗中流矢創甚奔還次年為景德元年正月二日死於靈州境上二月羅支使甥厮陀完如宋獻捷六月又遣其兄邦逋支入奏欲更率部族及回鶻精兵直抵賀蘭山討除殘孽願發大軍援助既而繼遷種落陰圖羅支遂為其所殺六谷諸豪議立其弟厮鐸督為首領真宗以繼遷之黨

未平遂以厮鐸督爲朔方軍節度使西涼府六谷大首領於時部族未有服屬衆迎喃厮囉至河州喃厮囉者緒出贊普之後本名欺南凌温錢通錢通者猶贊普也蕃語訛爲錢通生於高昌磨榆國年十二河州人客高昌見其狀貌奇偉挈以歸欲於河州立文法河州人謂佛喃謂兒子厮囉因以爲名於是宗哥僧李立遵邀川大首領温通哥奉喃厮囉立之部族寔强大中祥符七年乃徙居宗哥城立遵爲論通佐之立遵俗姓李又稱郅成蘭通叱論通者相也更徙邀川以温通哥爲論通有勝兵六七萬以抗德明景祐中與元昊交兵使人來獻捷元昊之將叛也慮喃氏制其後舉兵攻破萊州諸羌南侵至馬尾山築瓦川砦斷蘭州舊路留兵鎮守自此喃氏不能入貢矣元昊遂叛久爲邊害議者以爲喃氏在河湟間與元昊世仇儻遣使通諭朝廷之意使西戎有後顧之憂則邊患自解仁宗然之寶元二年遣屯田員外郎劉渙奉使渙自古渭州抵青唐城始與喃氏遇渙爲述朝廷之意以邀川都統爵命授之俾倚角以攻元昊喃厮囉謝恩大喜請舉兵助國討賊渙因圖畫其地形并誓書還奏自此元昊病於牽制而喃氏復與中國通矣會元昊以兵襲喃厮囉喃厮囉堅壁不戰元昊度水嘗植幟以誌深淺喃厮囉潛使移所植及元

昊衆潰趨誌處溺死過半自後數以計敗元昊元昊取西涼府而喃厮囉并厮鐸督之衆十餘萬回鶻亦以數萬歸之其勢遂疆於諸羌宋命爲保順河西節度使洮涼兩州刺史嘉祐四年夏都貢於宋治平二年卒夏拱化年六十九喃厮囉三子皆被恩命曰瞎穩居合龍谷曰磨穩角居宗哥城其母李立遵女也後妻喬氏有殊色生董穩爲喃厮囉嗣宋以董穩爲保順軍節度使西蕃邀川首領神宗出師問罪夏國董穩集六部族兵十二萬分三路與漢軍會明年拜河西軍節度使封武威郡王董穩死無子養子阿里骨嗣阿里骨本于闐人少從其母給事董穩故養以爲子摩穩角素依首領郅成俞龍爲謀主俞龍納女於元昊子寗令僞號梁王者由是喃氏益衰瞎穩子瞎欺丁木征木征者華言龍頭以其爲喃厮囉嫡孫昆弟行最長故謂之龍頭羌人語倒謂之頭龍嘉祐中據近塞宋命爲河州刺史吐蕃之事頗詳此略采其與西夏相涉者若曹瑋三都谷之捷王韶熙河之役鬼章瞎征之擒並具宋史論曰宋熙寧時戒飭西蕃阿里骨詔云惟爾祖先世篤忠孝本與夏賊日尋干戈亦惟恃我朝廷爵秩之隆用能保爾子孫黎民之衆肆朕命爾嗣長乃師而承襲以來疆酋外擅爾弗能禁恣其所爲遂據洮城以犯王略陰連夏賊

約日盜邊朕愍屬羗之無辜出偏師而問罪元惡俘獲餘
黨散亡山後底平河南綏服朕惟率酋豪而捍疆場乃爾
世功叛君父而從仇讐豈其本意庶能改過未忍加兵果
因物以貢誠願洗心而效順爾既知悔朕復何求已指揮
熙河路更不出兵及除已招納到部族外住罷招納依舊
許般次之貢獻往來買賣及上京進奉爾宜約束種類共保
邊陲期寵祿之有終知大恩之難再勿使來使復爲虛言
嗚呼何其訓辭之溫厚也吐蕃守護西塞爲不侵不畔之
臣宣力王家協攻西夏乃王安石用王韶章惇用王瞻蔡
京用王厚三伐其國喃氏之子孫遂亡然兵端實起於安
石世但詈安石之新法孰知其導主用兵覲頰受玉帶之
賜熙河之後繼以安南交結刑餘恬不知耻斷喪國家元
氣不獨新法爲然矣雖其門人鄭俠極言青苗免役用兵
之害而悍然不顧天變不足畏人言不足恤此無忌憚之
小人與患得患失之鄙夫合而爲一乃經義頌於學宮廟
食配於孔聖宋之在廷尚有公論哉

党項羗事具新舊唐書五代史云自靈州過黃河行三十
里始涉沙入党項界四百餘里登沙嶺党項牙也其酋曰
唃廝囉天子宋太平興國七年銀州羗部拓拔遇來訴本州
賦役苛虐乞移居內地詔令各守族帳雍熙初諸族渠帥

附李繼遷爲寇詔判四方館事田仁朗及閤門使王鈇等
相繼領兵討擊并賜麟府銀夏豐州及日利月利族勅書
詔諭之二年四月鈇等於銀州北破悉利諸族烏偽署代
州刺史折羅遇并其弟埋乞說等言麟州及三族皆羗人
二千餘戶皆降酋長折遇也等六十四人獻馬首罪願改
圖自效爲國討賊遂與部下兵入濁輪川斬酋豪二十人
繼遷及三族皆監押折遇也皆遁去又破銀州杏子坪東
北山谷內浪邵浪悉記等族又濁輪川東免頭川西諸族
六月夏州尹憲等引兵至監城吳移越移等四族來降岷
劬羅膩十四族拒命憲縱兵俘擒百人焚千餘帳又降銀
州三族皆諸部一百二十五族酋豪折遇也窮蹙來歸端
拱二年四月夏州趙保忠言臣準詔市馬已獲三百匹其
宥州御泥布囉樹二族黨附繼遷不肯賣馬臣遂領兵掩
殺其族即降各已安撫詔書獎諭之十月繼遷寇會州熟
倉族其首領咩唃率來離諸族擊走之淳化元年八月繼
遷居玉庭鎮趙保忠往襲之繼遷奔鐵斤澤貌奴猥才二
族奪其牛畜二萬餘十一月繼遷寇熟倉刺史咩唃率來
離諸族擊退之保忠又襲破宥州御泥布囉樹二族以其
朋附繼遷來上五年六月繼遷所驅脅內屬戎人索駝路
出熟藏族首領也遇率部族反攻繼遷其弟力戰而死既

而敗繼遷之衆復來歸附以遇爲檢校司空領會州刺史至道元年七月睡泥族首領你乜逋令男詣靈州言族內七百餘帳爲李繼遷劫略首領你乜逋一族奔往蕭關你乜逋一族乞賜救助詔賜以資糧熟倉族乂遇略奪繼遷牛馬三十餘繼遷令人招撫之乂遇答云吾一心向漢誓死不移詔以遇爲會州刺史賜帛五十匹茶五十斤咸平元年三月乂遇來朝真宗嘉其誠節親見撫勞賜以器幣四年七月加乂遇爲保順郎將此屬羗之最恭順於宋者也大中祥符六年^{遼開泰二年}遼西南招討使政事令斜軫奏黨項諸部叛者皆遁黃河北模赧山其不叛者曷黨烏迷兩部因據其地今復西遷詰之則曰逐水草不早圖之恐後爲患又聞前後叛者多投西夏西夏不納詔遣使再問西遷之意若歸故地則就加撫諭使不報遼主怒欲伐之遂詔李德昭^{即德明遼史或作昭}今黨項叛我欲西伐爾當東擊無失犄角之勢仍令諸軍各市肥馬此諸羗之貳於遼夏者也外此部族甚繁如勒浪十六府族咩兀十族女女殺族夢勒族忙族雙兒族四族藏才中東西三族者龍族咩逋族葉市族小湖族七白族補狸野族野雞族明珠族龍移族皆其著者餘難以悉數

論曰西夏出於党項故羗人皆其種族所謂語言相通之

國也北宋以前尚倚宋以僅存金源以後大抵諸羗皆併入於夏矣

回鶻即迴紇事具新舊唐書宋太平興國五年甘沙州回鶻可汗夜落紇密禮遣使以橐駝名馬珊瑚琥珀來獻咸平四年可汗王祿勝遣使曹萬通以玉勒名馬獨峯無峯橐駝寶鐵劍甲琉璃器來獻萬通自言任本國樞密使本國東至黃河西至雪山有小郡數百甲馬甚精習願朝廷命使統領俾得縛繼遷以獻因降詔祿勝曰賊遷凶悖人神所棄卿世濟忠烈義篤舅甥繼上奏封脩陳方略且欲大舉精甲就覆殘妖拓土西陲獻俘北闕可汗功業其可勝言嘉歎所深不忘朕意今更不遣使臣一切委卿就制特授萬通左神武軍大將軍優賜祿勝器服先是甘州數與夏州接戰夜落紇貢奉多爲夏州鈔奪及宗哥族感悅朝廷恩化乃遣人接送其使故頻年得至京師既而喃廝囉欲娶可汗女而無聘財可汗不許因爲讐敵五年秦州遣指揮使楊知進譯者郭敏送進奉使至甘州會宗哥怨隙阻歸路途留知進等不敢遣八年敏方得還可汗王夜落紇上表言寶物公主病死以西涼人蘇守信劫亂不時奉聞又謝恩賜寶鈿銀匣及安撫詔書仍乞慰諭宗哥使開朝貢之路九年楊知進亦至遂遣郭敏賜宗哥詔書

并甘州可汗器幣其年使來朝貢言夜落純卒九宰相諸部落奉夜落隔為歸化可汗王領國事初回鶻西奔種族散處故甘州有可汗王西州有克韓王新復州有黑韓王皆其後也時德明雖臣事遼宋然於本國則稱帝至元昊襲破回鶻奪甘州夜落隔可汗白刃俘其妻子以歸遂立元昊為太子其號令補署宮室旌旗一擬王者宋使至則撤宮殿題榜置於廡下使輶治出餞館已更赭袍鳴鞭鼓吹還宮矣熙寧二年勅郭憲聘西蕃阿里骨使諭回鶻令發兵深入夏境事不果行


于闐國事具新舊唐書宋嘉祐八年以其國王為特進歸忠保順砮鱗黑韓王于闐謂金翅鳥為砮鱗黑韓蓋可汗之訛使者言其王乞賜此號也元豐八年請討西夏不許紹聖中其王阿忽都董娥密篤竭又言緬藥家作過別無報效已遣兵攻甘沙肅三州詔厚答其意

論曰唐書謂吐蕃浸盛拓拔畏迫遂請內徙其處者為吐蕃役屬更號弭藥初不解弭藥之名今觀緬藥乃知緬弭音近兩字相通緬藥家殆指西夏矣

大食國事具新舊唐書宋大中祥符五年廣州言大食國人無西忽盧華百三十歲耳有重輪貌甚偉異自言遠慕皇化附古邏國船舶而來詔就賜錦袍銀帶加束帛天禧

三年遣使入貢路繇沙州涉夏國抵秦州乾興初趙德明請道其國中不許天聖元年來貢恐為西人鈔略乃詔自今取海路繇廣州至京師至和嘉祐間四貢方物

原缺



吐蕃唃廝囉保順節度使自西涼為李繼遷所陷潘羅支
 舊部往往歸廝囉回紇降者復數萬廝囉居鄯州西有臨
 谷城通青海高昌諸國商人皆趨之以貿易由是富強朝
 廷欲使背擊元昊以披其勢因授節鉞仍兼遼川大首領
 尋加河西節度使廝囉約盡力無負然終不能立大功
 二年夏四月宋募民入粟實邊六月夏主表至宋羣臣皆
 曰元昊小醜也請出師討之旋即誅滅矣諫官吳育獨進
 曰元昊雖稱藩臣其尺賦斗租不入縣官且叛服不常請
 置之示不足責且彼已借輿服勢必不能自削宜援國初
 江南故事稍易其名可以順附而收之不報未幾下詔削
 奪元昊賜姓官爵絕互市揭榜于邊募人能擒元昊者斬
 首獻者即授定難節鉞已而夏主又遣使承年齋饋廝囉
 旌節及所授敕告置神明匣留歸孃族而去
 三年正月夏寇延州延州當夏人出入之衝地闊若疎土
 兵寡弱又無宿將時夏主將攻延州知州范雍聞之懼甚
 夏主詐遣人通款于雍雍信之不設備既而盛兵攻保安
 軍郡延副總管劉平石元孫屯慶州雍以書召之平與元
 孫趨土門夏既破金明砦執都監李士彬父子乘勝至延
 州城下雍閉門堅守平元孫聞之督騎兵晝夜倍道而前
 明日至萬安鎮平先發步兵繼進夜至三川口西十里止

營遣騎兵先趨延州爭門時廊延都監黃德和巡檢萬俟
政郭遵分屯外境雍皆召還為援平與之合步騎萬餘結
陣東行五里許與夏遇平與夏皆為偃月陣相向有頃夏
兵涉水為橫陣遵擊退之夏復蔽盾為陣宋兵復擊却之
奪盾殺獲及溺死者近千人平中流矢日暮賊以輕兵薄
戰宋兵小却黃德和居陣後望見軍卻率麾下走保西南
山眾從之皆潰平遣其子宜孫馳追德和執轡語曰當勒
兵還并力抗賊柰何先奔德和不從驟馬遁赴甘泉平遣
軍校杖劍遮留得千餘人轉鬪三日夏退還水東平率餘
眾保西南山立七柵自固夜四鼓夏環營呼曰如許殘兵
不降何待平旦夏首舉鞭麾騎自山四出合擊絕官軍為
二平遂與元孫等皆沒于夏會大雪夏解去延州得不陷
詔殿中侍御史文彥博即河中置獄問狀黃德和坐腰斬
范雍貶知安州而贈平元孫官雍為治尚恕好謀而少成
故及於敗

宋環慶路鈐轄高繼隆知慶州張宗俊攻後橋而柔遠砦
主武英入自北門拔之未幾夏兵攻金明砦執都監李士
彬父子破安遠塞門永平諸砦圍延州設伏三川口執廊
延環慶兩路副都總管劉平廊延副都總管石元孫及傅
偃劉發石遜等又攻鎮戎軍敗宋劉繼宗李緯兵五千宋

詔陝西運使明鑄募強壯備邊三月宋詔錄延州死事子
孫五月陷塞門砦宋兵馬押監王繼元死之又陷安遠砦
秋七月宋遣使以討元昊告契丹八月宋詔范仲淹葛懷
敏領兵驅逐塞門等砦蕃騎出境仍募弓箭手給地居之
九月攻三川砦宋都巡檢楊保吉死之又圍師于定川堡
宋戰士死者五千餘人遂陷乾溝乾河趙福三堡宋環慶
路總管任福破白豹城焚其積聚破四十一族是年西夏
攻延州范雍敗貶諸砦多失守八月范仲淹自請行乃命
兼知延州于是大開州兵得萬八千人分六將領之日夜
訓練量賊多寡使更出禦賊賊相戒曰無以延州為意今
小范老子胸中自有數萬甲兵不比大范老子可欺也宋
遣郭楨以伐夏報于遼

五月宋以夏竦為陝西經畧安撫招討使韓琦范仲淹副
之召夏守贊王守忠還夏守贊庸怯寡方畧詔與王守忠
赴關以竦等代之仲淹言今邊城之備十有五七關中之
備十無二三若昊賊深入乘關中之虛東阻潼關隔兩川
貢賦則朝廷不得高枕矣為今之計宜嚴戒邊城使持久
可守實其關內使無虛可乘寇至邊城清野不得大戰關
中稍實不能深入二三年間彼自困弱此上策也今邊城
請五路入討臣恐承平歲久無宿將精兵一旦與深入之

謀國之安危未可知也

夏陷塞門諸砦砦主高延德以去又陷安遠承平砦時著作佐郎張方平上平戎十策其畧以為宜屯重兵河東示以形勢賊入寇必自延渭而興州巢穴之守必虛我師自麟府渡河不十日可至此所謂攻其所必救形格勢禁之道也宰臣呂夷簡見之謂知樞密院宋綬曰大科得人矣

宋以范仲淹兼知延州延州諸砦多失守仲淹請自行故有是命先是詔分邊兵總管領萬人鈐轄領五千人都監領三千人寇至禦之則官卑者先出仲淹曰將不擇人以

官為序取敗之道也於是大闕州兵得萬八千人分六將領之日夜訓練量賊眾寡使更出禦仲淹以民遠輸勞苦請建廊城為軍以河中府同華州中下戶租稅就輸之春夏徙兵就食可省糴十之三他所減不與詔以為康定軍仲淹又脩承平永平等砦稍招還流亡定堡障通斥堠城十二砦於是羗漢之民相踵歸業

九月宋韓琦使任福等領兵七千聲言巡邊部分諸將夜趨七十里至白豹城平明克之破四十一族焚其積聚而還

宋廊州城青澗時塞門諸砦既陷廊州判官种世衡言延

安東北二百里故寬州請因廢壘而興之以當寇衝布可固延安之勢左可致河東之粟北可圖銀夏之舊朝廷從之命世衡董其役夏人屢來爭世衡且戰且城然處險無泉議不可守鑿地百五十尺至石不及泉工辭不可穿世衡命屑石一畚酬百錢卒得泉以濟城成賜名青澗以世衡知城事世衡開營田募商賈通貨利城遂富實

四年正月宋帝以元昊勢益猖獗遣翰林學士晁宗慤即陝西問攻守之策夏竦等具一說令副使韓琦判官尹洙詣闕奏之帝取攻策執政以為難杜行亦曰微倖成功非萬全計宋帝不聽詔鄜延涇原會兵期以正月進討范仲

淹言正月塞外大寒我師暴露不如俟春深賊馬瘦人饑勢易制且鄜延密通靈夏西羗必由之地第按兵不動以觀其釁許臣稍以恩信招徠之不然情意阻絕臣恐偃兵無期矣乞留鄜延一路以備招納或擇利進城廢砦以牽制元昊宋帝從之仍詔仲淹與琦等同謀可以應機乘使即仍出師琦亦奏言兩路協力尚懼未能大剋點羗若鄜延以牽制為名則是委涇原孤軍嘗於敵手非計之得乞督令鄜延進兵同入宋帝以奏示仲淹仲淹言臣與琦等皆一心非有怯弱但戰者危事一或差失則平定之期轉延歲月况橫山藩部散居亦多設堡控扼兵少則難追多

則難進未見其利琦又令尹洙至延州議仲淹堅執不可
琦復上奏曰仲淹意在招納使朝廷強之終非已謀將佐
聞之必無銳志臣以元昊傾國入寇不過四五萬老弱婦
女舉族而行吾逐路之兵自守勢分力弱故遇敵不支若
大軍併出鼓行而前乘其驕惰破之必矣今中外不究此
故遂乃待敵太過屯二十萬重兵只守界壕中夏之弱自
古未有臣恐遺障日虛士氣日喪經費益感師老思歸敵
乘此有吞陝右之心乞別命近臣以觀其隙如可進討斷
在不疑朝廷終難之

夏遣人議和韓琦聞之曰無約而請和者謀也命諸將戒
嚴而自行邊韓琦至高平夏果遣衆攻渭州薄懷遠城琦
乃趨鎮戎軍盡出其兵又募勇士萬八千人命環慶副總
管任福將之以耿傳參軍事涇原都監桑慚為先鋒朱觀
武英王珪各以所部從福將行琦令福併兵自懷遠趨德
勝砦至羊牧隆城出敵之後諸砦相距纔四十里道近糧
餉便度勢未可戰即據險置伏要其歸路戒之再三且曰
苟違節制有功亦斬福引輕騎數千趨懷遠捺龍川遇鎮
戎西路巡檢常鼎劉肅與敵戰于張家堡南斬首數百敵
棄馬羊橐駝伴北桑慚引騎趨之福踵其後謀傳敵兵少
福等頗易之薄暮與慚合軍也好水川觀英屯籠絡川相

距五里約翌日會兵川口必使夏人匹騎無還然不知已
陷其伏中矣路既遠芻餉不繼士馬乏食者三日時夏主
自將精兵十萬營于川口候者言夏人有砦不多詰旦福
與慚循好水川西行出六盤山下距羊牧隆城五里與夏
軍遇諸將方知墮敵計勢不可留遂前格戰慚於道傍得
數銀泥合封襲謹密中有動躍聲疑莫敢發福至發之乃
懸哨家鴿百餘自中起盤飛軍上於是夏兵四合慚馳犯
其鋒福陣未成列賊縱鐵騎突之自辰至午陣動衆欲據
勝地忽夏人陣中樹鮑老旗慚等莫測既而旗左麾左伏
起右麾右伏起自山背下擊士卒多墜崖壑相覆壓慚肅

戰死敵分兵數千斷宋兵後福力戰身被十餘矢有小校
劉進勸福自免福曰吾為大將兵敗以死報國爾揮四刃
鐵簡挺身決鬪鎗中左頰絕其喉而死子懷亮亦死之夏
乃併兵攻觀英戰既合珪自羊牧隆城引屯兵四千五百
陣于觀軍之西渭川駐泊都監趙津將瓦亭騎兵二千繼
至珪屢出畧陣陣堅不可破英被重傷不能視軍夏兵益
至宋兵大潰英津珪皆死士卒死者萬三百人惟觀以
兵千餘保民垣四向縱射會暮夏人引去得還關右大震
時夏主傾國而入福臨敵受命所統皆非素撫之兵又分
出趨利故至甚敗奏至宋帝震悼為之旰食夏竦使人收

散兵得琦檄於福衣帶間言罪不在琦琦亦上章自劾猶
奪一官徙知秦州夏主答仲淹書語多不遜仲淹對來使
焚之朝議以仲淹不當擅通書又不當擅焚之宋庠請斬
仲淹杜衍曰仲淹志在招納蓋忠於朝廷也何可深罪帝
悟三月降戶部員外郎徙知耀州

夏四月宋以陳執中同陝西安撫經畧招討使時夏竦判
永興軍陳執中知軍事議多異同乃分命竦屯鄜州執中
屯涇州竦雅意在朝廷及任以西事頗依違顧避嘗出巡
邊置侍婢中軍帳下幾至兵變夏主命募得竦首者與錢
三千其見輕侮如此

秋八月夏主攻麟府州折繼閔敗之尋攻金明砦破寧遠
砦進圍豐州孤城無援遂陷夏主遣兵分屯要害以絕麟
州餉道管勾麟府軍馬事張亢擊夏瑠瑠堡破之又戰于
栢子砦及兔毛川皆敗之遂築建寧等五堡河外始固知
諫院張方平言竦為統帥三歲于茲師惟不出出則喪敗
寇惟不來來必殘蕩安用為統帥也今將校被斥而帥不
加罪非刑賞之公宋乃改竦判河中執中知陝州宋分秦
鳳涇原環慶鄜延為四路各置使時琦知秦州公知渭州
仲淹知慶州籍知延州詔分領之張方平言涇原最當賊
衝王沿未愜人望不當與琦等同列不報琦上言請於鄜

慶渭三州各更益兵三萬人拔用有勇畧將帥統領訓練
預分部曲遠斥候於西人舉動之時先據要害來則命駐
劄之兵觀利整陣併力擊之又於西人未集之時出三州
已整之兵深入大掠或破其和市招其種落築壘拓地別
立經制朝廷節儉省費傾內帑三分之一分助邊用使行
間覘賊如此則二三年間賊力漸屈平定有期矣自夏主
反延州城砦焚掠殆盡籍至稍葺治之戍兵十萬無壁壘
皆散處城中畏籍莫敢犯法籍命部將狄青將萬人築招
安砦於橋子谷旁以斷敵出入之路又使周美襲取承平
砦王信築龍安砦悉復所亡地築十一城延民以安初夏
主陰誘屬羗為助而環慶酋長六百餘人約為鄉導事尋
露仲淹以其反覆不常至部即奏行遣以詔書犒賞諸羗
閱其人馬為立條約諸羗皆受命自是為中國用羗人觀
愛之呼為龍圖老子仲淹以慶州西北馬鋪砦當後橋川
口在敵腹中欲城之度敵必爭密遣其子純佑與蕃將趙
明先據其地引兵隨之諸將不知所向行至柔遠版築皆
具旬日城成即大順城也夏人覺以三萬騎來戰佯北仲
淹戒勿追已而果有伏大順既城而白豹金湯皆不敢犯
環慶自此寇盜益少仲淹在邊純佑年方冠與將卒錯處
鈞深摘隱得其材否由是仲淹任人無失所向有功矣

陝西聚米圖經五卷開門通事舍人雄州趙珣撰珣父
 振博州防禦使久在西邊珣訪得五路徽外山川道里
 康定二年為此書韓魏公經畧言于朝詔取其書召見
 呂許公宋荅公言用兵以來策士之言以千數無如珣
 者擢涇原都監定川之敗死焉珣特好學問恂恂類
 儒者人皆惜之以上文獻通考案書成于康定二年禮法延在定川之敗之前禮法延在定川之敗
 史但云宋將士死者五千餘人不聞涇原都監趙珣死
 事存疑俟考

五年遼聞夏人叛宋遣蕭英劉六符請石晉所割瓦橋關
 南十縣宋以富弼張茂實往報許歲增銀幣二十萬
 七月夏攻麟府州八月宋詔鄜延部署以兵援麟府夏攻
 金明砦破寧遠砦若若主王世亶兵馬監押王顯死之臨豐
 州知州王餘慶兵馬監押孫吉死之
 九月夏攻鎮戎軍副總管葛懷敏會兵禦之敗死夏兵遂
 大掠渭州夏兵雖數勝而死亡創痍者相半國人困於點
 集財用不給多怨之知延州龐籍言夏境鼠食稼且旱元
 昊思納款詔命知保安軍劉拯諭元昊親信野利剛浪唃
 遇乞兄弟言公方持靈夏兵僕內附當以西平茅土分冊
 之剛浪唃令浪理賞乞媚娘三人詣种世衡乞降世衡知

其詐曰與其殺之不若因以為閒留使監稅出入騎從甚
 寵而遣王嵩以棗及畫龜為書置蠟丸中遺剛浪唃喻以
 早歸之意欲夏主得之而致疑剛浪唃笑曰种使君年亦
 長矣何兒戲尚爾元昊果疑剛浪唃因嵩害中剛浪唃使
 其教練使李文貴至青澗報世衡言用兵以來資用困乏
 人情便於和籍曰此詐也乃屯兵青澗留文貴不遣已而
 夏主果大舉入邊攻鎮戎軍王沿使懷敏督諸砦兵禦之
 分諸將為四路趨定州砦賊毀橋斷歸路四面圍之懷敏
 突圍走由是大潰懷敏馳至長城濠路已斷遂及將校十
 四人死焉餘軍九千四百馬六百皆為夏所得夏主乘勝
 直抵渭州焚蕩廬舍屠掠民畜自涇邠以來皆閉壘自守
 范仲淹自將慶州蕃漢兵援之夏主乃還議者欲以金繒
 啖契丹使攻夏命御史中丞賈昌朝往使昌朝力辭使命
 且上疏曰太祖收方鎮之權以為萬世利及太宗時將帥
 率多舊人猶能仗威靈所向有功近歲因西羌之叛驟擇
 將領而士不練習以屢易之將馭不練之士故戰則必敗
 此削方鎮太過之弊也况今武臣多親舊恩倖出即為將
 素不知兵一旦付與千萬人之命是驅之死地矣此用親
 舊恩倖之弊也請自今方鎮守臣無數更易刺史以上宜
 慎所授以待有功且命將之時去疑貳推恩惠務責以大

効仗一切便宜從事庶得馭將之道宋帝嘉納之

十一月宋以韓琦范仲淹龐籍為陝西安撫經畧招討使置司涇州初翰林學士王堯臣體量安撫陝西歸上疏論兵因言韓琦范仲淹皆忠義智勇不當置之散地及葛懷敏敗死中外震懼帝思堯臣之言會仲淹附王懷德入奏乞與韓琦同經畧涇州並駐涇州琦兼秦鳳臣兼環慶涇原有警臣與琦合秦鳳環慶之兵犄角而進若秦鳳環慶有警亦可率涇原之師為援臣當與琦練兵選將漸復橫山以斷賊臂不數年間可期平定願詔龐籍兼領環慶以成首尾之勢秦州委文彥博慶用滕宗諒總之渭州一武

臣足矣帝采用其策乃復置陝西路經畧安撫招討使總四路之事置府涇州益屯兵三萬以琦仲淹籍分領之復以堯臣為體量安撫使彥博帥秦宗諒帥慶張元帥渭州堯臣復言琦等既為陝西四路招討等使則四路當稟節制不當復帶使名各置司行事使所稟不一於是諸路並罷經略使琦與仲淹在兵間久名重一時人心歸之朝廷倚以為重二人號令嚴明愛撫士卒諸羌來者推誠撫接咸感恩畏威不敢輒犯邊境邊人為之謠曰軍中有一韓西賊聞之心膽寒軍中有一范西賊聞之驚破膽是年遼遣使于宋問伐夏之由十二月遼禁吐渾鬻馬于夏公

邊築障塞以防之

六年正月時西部用兵日久宋帝心厭之會契丹使元昊欲歸款乃密詔龐籍招納之籍遣李文貴還以通意夏主聞之大喜亟出王嵩厚禮之使與文貴以剛浪陵書至延州議和然猶倔強不肯削僭號且云如日方中止可順天西行安可逆天東下籍以其言未服乃令自請而詔籍復書許之使呼剛浪陵為太尉籍曰太尉三公非陪臣所得稱使剛浪陵當之則元昊不得臣矣今其書自稱寧令或謨寧令皆其官名也於義無嫌至是夏主知朝廷許和有緒乃遣其六宅使賀從勛與文貴至延州上書自稱男邦

泥定國兀卒上書父大臬皇帝更名曩霄而不稱臣兀卒即吾祖也如可汗號籍言名體未正不敢以聞從勛曰子事父猶臣事君也若得至京師天子不許更歸議之籍送使者闕下因陳便宜言羌久不通和市國人愁怨今辭理寢順必有改事中國之心請遣諭之遼遣樞密都承旨王惟吉諭夏國與宋和元昊自名曩霄遣人來納款稱夏國自稱男三月宋遣保安軍判官邵良佐使元昊許冊封為夏國主歲賜絹十萬匹茶十萬斤

二月夏以加上尊號遣使如遼賀耶律敵烈等使夏國還奏夏已罷兵遣使來報于宋四月夏國進馬駝于遼七月

夏主上表請伐宋不從十月夏人侵党項遠遣延昌宮使高家奴讓之

冬十二月宋以韓琦范仲淹為陝西安撫經略招討使七年西夏侵党項契丹遣使讓之夏人不聽三月党項等部及夾山部落呆免族八百戶與山西節度使屈烈皆叛契丹降于夏五月契丹伐党項夏人救之

夏四月賀從勛至京宋帝用龐籍言命著作佐郎邵良佐更往議之許封冊元昊為夏國主歲賜絹十萬匹茶三萬斤富弼言元昊臣契丹而不臣我朝則是契丹為無敵於天下矣須令稱臣乃可許和蔡襄亦言元昊自稱兀卒既

又譯為吾祖特以侮慢朝廷使朝廷賜之詔而亦曰吾祖是何等語耶不可許其請帝皆不聽良佐至夏州元昊亦遣如定聿捨張延壽等來議和及歲幣

六月夏遣使上誓表于宋言兩失和好遂歷七年立誓自今願藏盟府其前日所掠將校民戶各不復還自此有邊人逃亡亦毋得襲逐臣近以本國城岩進納朝廷其拷棰鑊刀南安承平故地及他邊境蕃漢所居乞畫中為界於內聽築城堡凡歲賜銀綺絹茶二十五萬五千乞如常數臣不復以他相干乞頒誓詔蓋欲世世遵守永以為好僕君親之義不存或臣子之心渝變當使宗祀不承子孫罹

殃宋遣使賜詔曰俯閱來誓一皆如約時韓琦自陝西還與范仲淹並對言為今之策當以和好為權宜戰守為實務因畫和守戰三策又言北戎久強今乘元昊議和其勢愈重苟不大為之備禍未可量夫京師坦而無備若北戎一朝稱兵深入必從河朔重兵與之力戰彼戰勝則直趨澶淵若京城堅固戒河朔之兵勿與戰彼不得戰欲深入則前有堅城後有重兵必沮而自退退而邀之擊之皆可也故脩京師非徒禦寇誠以伐深入之謀諫官余靖言王者守在四夷今無故而脩京城是舍天下之大而為嬰城自守之計遂不果行

宋以夏請和以韓琦范仲淹為樞密副使命知永興軍鄭戩代之富弼言西寇未殄亦須藉材若二人俱來或恐闕事願召一人使處於內一人就授副樞且令在邊表裏相濟事無不集不聽時夏倚契丹邀索無厭吳殊等厭兵將一切從之琦力陳其不便宋帝嘉納之宋初召球諫官歐陽脩蔡襄等交章論球在陝西畏懦不肯盡力兼之挾詐任數姦邪傾險陛下孜孜政事首用懷詐不忠之臣何以求治中丞王拱辰亦言球經略西師無功而歸今置諸二府何以厲世因對極論之宋帝未省遽起拱辰前引裾畢其說宋帝乃悟會球已至國門言者論益力乞毋令入見

右正言余靖言竦累表引疾及聞召命即兼驛而馳若不
早決竦必堅求面對叙恩感泣復有左右為之地者則聖
聽惑矣章累上即日詔竦歸鎮拜社行為樞密使竦亦自
請還節鉞徙知亳州竦至亳上書萬言自辨乃徙判并州
蔡襄言於帝曰陛下嚴竦而用琦仲淹士大夫賀于朝庶
民歌于路至飲酒呼號以為歡且退一邪進一賢豈能開
天下輕重哉蓋一邪退則其類退一賢進則其類進衆邪
並退衆賢並進海內有不泰乎雖然臣竊憂之天下之勢
譬猶病者陛下既得良醫矣信任不疑非徒愈病而又壽
民醫雖良術不得盡用則病日深雖有和扁難責效矣國
子監直講石介篤學尚志樂善嫉惡喜聲名遇事奮然敢
為會呂夷簡罷相章得象晏殊賈昌朝韓琦范仲淹富弼
同時執政而歐陽脩蔡襄王素余靖並為諫官夏竦既拜
復奪之以行代因大喜曰此盛事也歌頌吾職其可已乎
作慶厓聖德詩有曰衆賢之進如茅斯拔大姦之去如距
斯脫其言大姦蓋斥竦也詩且出孫復聞之曰介禍始于
此矣范仲淹亦謂韓琦曰為此鬼怪輩壞事也
是歲遼夾山部落呆兒族八百戶歸夏契丹王宗真責還
不遣九月親將騎兵十萬出金肅城遣弟天齊王馬步軍
大元帥重元將騎七千出南路樞密使韓國王蕭惠將兵

六萬出北路三路濟河長驅入夏境四百里不見敵據德
勝寺南壁以待惠與夏主戰于賀蘭山北敗之夏主見契
丹兵威乃請和退師十里請收叛黨以獻且進方物契丹
主遣樞密副使蕭革迓之而進軍次于河曲夏主親率党
項三部以待罪契丹命革詰其納叛背盟之故賜之酒許
其自新惠以大軍既集宜加伐不可許和契丹主猶豫未
決夏主以未得成言又退師三十里以候凡三退將百里
每退必儲其地契丹馬無所食因許和夏主乃遷延以老
之度其馬餓士疲因縱兵急攻惠營敗之乘勝攻南壁契
丹主大敗入南樞王蕭孝友若從數騎走夏主縱其去得
免因擒其駙馬蕭胡覲亦稱鶻突姑已而遣使歸其先所
俘獲契丹亦遣所留夏使還之契丹主遂引兵還
十二月宋余靖使還知契丹已與夏和宋帝乃遣尚書員
外郎張子奭充冊禮使冊元昊為夏國主仍賜對衣黃金
帶銀鞍勒馬銀二萬兩絹二萬匹茶三萬斤冊以漆書竹
冊籍以天下樂錦金塗銀印方二寸一分文曰夏國主印
錦綬塗金銀牌緣冊法物皆金裝銀塗覆以紫繡約稱臣
奉正朔改所賜勅書為詔而不名許自置官屬使至京就
驛賀宴坐朵殿使至其國相見用賓客禮置榷場於保
安軍及高平若第不通青鹽命國子博士高良夫等會夏

人畫疆界然朝使往止留館宥州終不復至興靈而夏主帝其國中自若也

是年四月党項及山西節度使屈烈以五部叛入西夏遠徵諸道兵討之八月夏使對不以情羈之使復來詢事宜不實對答之十月夏主上表請罪欲收集叛黨以獻從之進方物遼命北院樞密副使蕭革逐之夏主親率党項三部降于遼遼詰其納叛敗盟夏主伏罪初夏人執蕭胡觀至是請以被執者來歸詔所留夏使亦還其國十二月胡觀歸遼又遣使來貢

八年五月夏歸宋石元孫宋諫官奏元孫軍敗不死為國辱請斬于塞下以示西人賈昌朝獨引春秋殺臣知榮故事請赦之因入對又袖出魏于禁傳以奏曰前代將臣覆沒而還多不加罪宋帝乃貸元孫編管全州子弟嘗授陣亡恩澤者並追奪之宋初贈元孫官至是知其不死蓋劉平死而元孫不死也

九年

十年

十一年夏主殂其子諒祚遣使告于遼上其父留遺物鐵不得國乞以本部兵助伐夏國不許 謚曰武烈皇帝廟

號景宗墓號泰陵

諡及廟號陵號宋史兼採夏國紀要等書

西夏志卷之四

載記

魏末景宗... 紀元... 位

二月遣楊... 宋

使所... 宋

宋... 宋

宋... 宋

宋... 宋

宋... 宋

宋... 宋

宋... 宋

宋... 宋

宋... 宋

宋... 宋

宋... 宋

宋... 宋

宋... 宋

原缺

西夏書卷之五

載記三

惠宗

惠宗秉常毅宗之長子母曰恭肅章憲皇后梁氏宋治平

四年遠咸雍三年冬即位時年七歲梁太后攝政

乾道元年二月夏人寇秦州陷劉溝堡毅守將范愿死者

不可勝計

冬十月宋城綏州夏主既寇秦州復上誓表請納安遠塞

門二砦以乞綏州詔將許之廊延宣撫郭逵上言曰此正

商於六百里之策也非先交二砦不可與綏朝議以為然

賜以誓詔夏主遣其臣周萌訛來言欲先得綏遠命機宜

文字趙高等如夏交而納二砦且定地界周萌訛對曰朝

廷本欲得二砦地界非所約高曰然則塞門安遠二墻墟

耳安用之

二年八月表請去漢儀復用蕃禮從之

夏人攻環慶州先是夏人築關訛堡宋知慶州李復圭合

蕃漢兵三千遣裨將李信劉甫禦之信等大敗而還復圭

懼欲自解既執信等斬之復出兵追夏人殺其老幼二百

以功告捷而邊怨大起矣至是夏人大舉入環慶攻大順

城柔遠砦荔原堡兵多者號二十萬少者不下一二萬屯

于榆林游騎至慶州城下九日乃退鈴轄郭慶高敏魏慶宗秦勃等死馬韓絳請行邊王安石亦請絳曰朝廷方賴安石臣宜行乃以絳為陝西宣撫使授以空名告敕得自除吏尋命兼河東宣撫使

三年正月韓絳使种諤襲夏敗之遂城囉兀絳素不習兵事開幕府于延安措置乖方選蕃兵為七軍復以种諤為鄜延鈴轄知青澗城信任之命諸將皆受其節制蕃兵皆怨望諤謀取橫山乃帥師襲夏人于囉兀大敗之因以眾二萬城焉自是夏人日聚兵為報復計呂公弼言諤稔邊患不便宜戒之弗聽已而絳言諤入夏之功乞加旌賞詔從之

三月諤進築永樂川賞通嶺二砦分遣都監趙璞燕達築撫寧故城及分荒堆三泉吐渾川開光嶺葭蘆川四砦與河東路脩築各相去四十餘里已而夏兵來攻順寧砦遂圍撫寧折繼世高永能等擁兵駐細浮圖去撫寧咫尺囉兀兵勢尚完諤在綏德節制諸軍聞夏兵至茫然失措欲作書召燕達戰悖不能下筆顧運判李南公涕泗不已由是新築諸堡悉陷將士沒者千餘人詔棄囉兀城治諤罪責授汝州團練副使潭州安置絳坐與師敗劾罷知鄧州天賜禮盛國慶元年宋知慶州俞允知宋帝有用兵意屢

請西伐又言謀報云夏將李清本秦人說秉常以河南地來歸秉常母梁氏知之遂誅清奪秉常政而幽之宜興師問罪此千載一時也宋帝然之秋七月詔熙河經制李憲等大舉征夏而召鄜延副總管种諤入對諤至大言曰夏國無人秉常孺子往持其臂以來爾宋帝壯之乃決意西伐宋帝曰夏有蒙不取則為遠人所有不可失也固曰必不得已請聲其罪薄伐之分裂其地使其酋長自守宋帝笑曰此真鄙生之說爾時執政有言便當直渡河不可留行固曰然則孰為陛下任此者宋帝曰朕已屬李憲固曰伐國大事而使宦者為之則士大夫孰肯為用宋帝不悅

他日固又曰今五路進師而無大帥就使成功兵必為亂宋帝諭以無其人呂公著進曰問罪之師當先擇帥既無其人曷若已之固曰公著言是也宋帝不聽竟命李憲出熙河种諤出鄜延高遵裕出環慶劉昌祚出涇原王中正出河東分道並進又詔吐蕃首領董毡集兵會伐諤率鄜延兵出綏德城以攻米脂夏人八萬來救諤與戰于無定川敗之遂克米脂

冬十月宋高遵裕復清遠軍內侍王中正帥兵出麟州度無定河循水北行地皆沙濕士馬多陷沒糧糧不能繼又耻無功遂入于宥州時夏人棄城走河北城中遺民百餘

家中正遂屠之掠其牛馬以充食十一月劉昌祚率蕃漢兵五萬受遵裕節制令兩路合軍以進既入境而慶兵不至昌祚次磨嘑隘遇夏衆十萬扼險大破之遂薄靈州城兵幾入門遵裕嫉其功馳使止之昌祚按甲不敢進遵裕至圍城十八日不能下夏人決黃河七級渠以灌營復鈔絕餉道士卒凍溺死遂潰而還餘軍繞三千而已夏人躡之復敗焉昌祚亦還涇原種諤留千人守米脂而自帥大衆進攻銀石夏州遂破石堡城進至夏州駐軍索家坪會大校劉歸仁以衆潰而軍食又乏復值大雪乃引還死者不可勝計入塞者僅三萬人王中正自宥州行至柰王井糧盡士卒死者二萬人亦引退初宋詔憲帥五路兵直趨興霸憲總師東上營于天都山下焚夏之南牟內殿并其館庫追襲其統軍仁多陵丁敗之次于葫蘆河遂班師時五路兵皆至霸州獨憲不至

二年正月宋討敗師罪高遵裕責授鄧州團練副使本州安置種諤王中正劉昌祚並降官憲欲以開蘭會邀功弭責孫固曰兵法後期者斬况諸路皆至而憲獨不行不可赦宋帝以憲有功但令詰其擅伐之由憲以餽餉不接為辭釋弗誅憲復上再舉之策詔以為涇原經畧安撫制置使知蘭州

八月種諤西討不能如志知延州沈括欲盡城橫山下瞰平夏使敵不得絕磧為寇諤遂上其策于朝且言興功當自銀州始宋帝以為然遣給事中徐禧內侍李舜舉往鄜延議之舜舉退詣執政王珪迎謂曰朝廷以邊事屬押班及李留後無西顧之憂兵舜舉曰四郊多壘卿大夫之辱也相公當國而以邊事屬二內臣可乎內臣止宜供禁廷灑掃之職爾豈可當將帥之任耶聞者代珪發慙禧至鄜延上言銀州雖據明堂川無定河之會而故城東南已為河水所吞其西北又阻天塹不如永樂之形勢險阨請先城永樂永樂依山無水泉種諤極言其不可宋帝從禧議乃詔禧護諸將往城之而命括移府並塞總兵為援陝西轉運判官李穰主餽餉禧以諤跋扈奏留諤守延州自率諸將往築十四日而成距故銀州治二十五里賜名銀川若禧等退還米脂以兵萬人屬曲珍守之

九月禧等既城去九日夏人以數千騎來攻曲珍使報禧禧遂與李舜舉李穰往援之留沈括守米脂比抵永樂夏人傾國而至大將高永能請及其未陳擊之禧曰爾何知王師不鼓不能列執刀自率士卒拒戰夏人益衆進薄城下珍兵陳於水際將士皆有懼色珍白禧曰今衆心已搖不可戰戰必敗請收兵入城禧曰君為大將奈何遇敵先

自退耶乃以七萬人陳于城下夏人縱鐵騎渡河珍曰此鐵鷄子軍也當其半濟擊之乃可以逞得地則其鋒不可當也禧不從鐵騎既濟震盪衝突大眾繼之珍銳卒敗奔還踈後陳夏人乘之珍眾大潰珍收餘眾入城夏人圍之厚數里且據其水若珍士卒晝夜血戰城中乏水已數日掘井不及泉渴死者十六七括與李憲援兵及饋餉皆為夏人所隔不得前神諤怨禧不遣救師城中大急會夜半大雨夏人環城急攻城遂陷禧奔舉覆永能皆為亂兵所害惟珍裸跣走免將校死者數百人喪士卒役夫二十餘萬夏人耀兵米脂城下而還自熙寧以來用兵得夏胡蘆

吳保義合米脂浮圖塞門六堡而靈州永樂之役官軍熟羗義保死者六十萬人錢穀銀絹不可勝計事聞宋帝臨朝痛悼為之不食贈禧等官而貶括為均州團練副使隨州安置降珍為皇城使自霸武之敗秦晉困棘天下企望息兵而括諤進攻取之策禧素以邊事自任狂謀輕敵遂致履敗自是宋帝始知邊臣不可依信深自悔咎無意於西伐而夏人亦困弊矣初宋帝之遣禧也王安禮諫曰禧志大才疎必誤國事帝不聽及敗宋帝曰安禮每勸朕勿用兵少置獄蓋為是也

三年二月夏人數十萬圍蘭州已奪兩關門鈐轄王文郁

夜集死士七百餘人縋城擊走之未幾夏人復分道入寇亦多為諸路所敗宋中丞劉摯言熙河經畧使李憲貪功生事一出欺罔避與霸會師之期頓兵以城蘭州遺患至今詔貶憲為熙河安撫經畧都總管

閏六月夏人亦弊於兵西南都統昂星寇名濟移書宋涇原劉昌祚乞通好如初昌祚以聞帝諭昌祚答之及入寇屢敗國用益竭乃遣謨箇咩迷乞遇來上表宋帝許之復詔陝西河東經畧司其新復城砦徼循毋出二三里夏之歲賜悉如其舊未幾夏主上書乞還侵疆帝不許

四年正月夏大舉攻蘭州初李憲以夏人數至蘭州河外而翔翔不進意必大舉乃增城守之備至是果大舉入寇步騎號八十萬圍蘭州意在必取督眾急攻矢如雨雹雲梯草洞百道並進凡十晝夜不克糧盡引去尋復寇延州順德軍定西城及熙河諸砦

五年
大安元年
二年
三年
四年
五年

西夏書卷之六

載記四

崇宗

崇宗乾順惠宗之長子也母曰昭簡文穆皇后梁氏生三

歲即位時宋元祐元年遠大也

天儀治平元年

二年

三年

四年

五年春二月夏歸永樂之俘于宋宋帝詔以米脂等四砦

畀之時議棄西邊四寨執政召直龍圖閣京兆游師雄景守

叔問之對曰先帝棄之可也主上棄之則不可且示弱反

益邊患爭之甚力不聽卒棄之四寨者葭蘆米脂浮屠安

疆也夏人以事出望外萌侵侮之心連年犯順皆如師雄

所料是歲師雄被命行邊請以便宜行事夏人與鬼章謀

寇熙河師雄說劉舜卿出師種誼遂破洮州擒鬼章以獻

師雄有元祐分疆錄三卷

天祐民安元年

二年

三年

四年

五年

六年十月夏自得四砦連歲以畫界未定侵擾邊境且遣

使欲以蘭州一境易塞門二砦宋朝不許夏主乃奉其母

率眾五十萬大入鄜延西自順寧招安砦來自黑水安定

中自塞門龍安金明以南一百里間相繼不絕至延州北

五里是月自長城一日馳至金明列營環城夏主子母親

督梓鼓縱騎四掠知麟州有備復還金明而後騎之精銳

者留龍安邊將悉兵掩擊不退金明遂陷守兵二千八百

惟五人得脫城中糧五萬石草十萬束皆盡宋將官皇城

使張俞戰死遺留一書置漢火頭上曰貸汝命投于經

略使處初宋帝聞有夏寇然笑曰五十萬眾深入塞境

不過十日勝不過一二砦須去已而果破金明引退

七年三月宋知渭州章綦以夏人猖獗上言城蒟蘆河川

據形勝以備夏朝議許之遂合熙河秦鳳環慶鄜延四路

之師陽繕理他砦數千所以示怯而除其板築守戰之備

出蒟蘆河川築二砦於石門峽江口好水河之陰夏人聞

之帥眾來乘策迎擊敗之二旬又二日城成賜名曰平夏

城靈平砦章惇因請絕夏人歲賜而命沿邊諸路相繼築

城於要害以進拓境土凡五十餘所

八月鄜延經略使呂惠卿乞諸路出兵乘便討擊詔河東環慶並聽惠卿期約惠卿遂遣將官王愨攻破宥州尋又秦築威戎威羗二城宋加惠卿銀青光祿大夫時章惇肆開邊隙故諸道興役進築屢被爵賞

八年冬十月夏兵圍平夏城章惇禦之獲其勇將寇名阿埋西壽監軍妹勒都遁斬獲甚衆夏人震駭捷至帝御紫宸殿受賀惇在涇原日久嘗言夏嗜利畏威不有懲艾邊不得休息宜稍取其土疆如古削地之制以固吾圉然後諸路出兵擇要害不一再舉勢將自戢矣章惇與惇同宗言多見采由是創州一城若九屢敗夏人而諸路多建城

若以逼夏及平夏之捷夏人不復振

十二月彗星見赦國中

永安元年三月夏人求援于遼遼主遣簽書樞密院事蕭德崇來為夏人議和仍獻玉帶詔郭知章報之復書謂若果出至誠深悔謝罪當徐度所宜開以自新之路

二年

三年

貞觀元年夏以為宋所侵遣李造福田若水如遼求援

二年

三年

四年二月宋蔡京使王厚招夏卓羅右廂監軍仁多保忠厚言保忠雖有歸意而下無附者章數上京責厚愈急厚乃遣弟詣保忠還為夏運者所獲遂追保忠赴牙帳厚以保忠縱不為夏所殺亦不能復領軍政使得之一匹夫耳

何益于事京怒必令以金帛招致之夏乃點兵延涓慶三路各數千騎出沒聲言假兵于遼而朝廷用京計又命西邊能招致夏人者毋問首從賞同斬級令陶節夫在延安大加招誘夏主遣使吳請皆拒之又令殺其放牧者夏人遂入鎮戎略數萬口與羗首毘羅撒合兵逼宣威城知鄯州高永年出禦之行三十里為羗人所執多羅巴謂其

下曰此人奪我國使吾宗族漂落無處所遂殺之探其心肝食焉已而羗眾復焚大通河橋以叛新疆大震事聞宋帝怒親書五路將帥劉仲武等十八人姓名敕御史侯蒙往秦州逮治蒙至秦仲武等囚服聽命蒙喻之曰君輩皆侯伯無事辱獄吏第以實對獄既具蒙奏言漢武帝殺王恢不如秦穆公赦孟明子玉縊而晉侯喜孔明亡而蜀國輕今羗殺吾一都護而使十八將由之以死是自戕其肢體也欲身不病得乎宋帝悟釋不治唯王厚坐逗遛降授鄯州防禦使

四月夏人入寇鄜延將劉延慶等敗之

五年三月宋許夏人平廢銀州為銀川城嚴五路經制司從陶節夫知洪州
六年
七年
八年
九年
十年
十一年
十二年
十三年
雍宣元年
二年
三年
四年
五年
元德元年
二年
三年六月遣兵援遼為金師所敗八月遣曹介如遼問起居
四年二月請遼主臨其國遼冊夏主為夏國皇帝

是年 <small>金天補六年</small> 金破遼遼主走陰山夏將李良輔將兵三萬來救遼次天德境野谷幹魯婁室敗之于宜水追至野谷澗水暴至漂沒者不可勝計宗望至陰山以便宜與夏國議和其書曰奉詔有之夏主遼之自出不渝終始危難相救今茲已舉遼國若能如事遼之日以効職貢當聽其來無致疑貳 <small>次年金天會二年</small> 始奉誓表以事遼之禮稱藩請受割賜之地宗翰承制割下寨以北陰山以南乙室耶剌部吐祿灤之西以賜之夏主遣把里公亮等上誓表蓋宗望以太祖命與之通書而宗翰以便宜割地議和云太宗使王阿海楊天吉賜誓詔 <small>稱天會二年歲次甲辰閏三月戊寅朔皇帝賜誓詔于夏國王乾順</small>
夏主表謝并論宋所侵地詔西南西北西路都統府從宜定奪權都統幹魯因定四邊地界以限封域 王阿海等以誓詔賜夏國乾順以契丹舊儀見使者阿海不肯曰契丹與夏國甥舅也故國王坐受今大金與夏國君臣也見大國使者當如儀爭之數日不能決于是始起立馬
五年霸芝生於後堂高守忠家國主作靈芝歌命中書相王仁宗和之
六年
七年四月夏臨宋天德雲內諸城金人襲取之先是粘沒喝遣撒柁使夏許割天德雲內金肅河清四軍及武州等

八年	大德元年	二年	三年	四年	五年	六年	七年	八年	正德元年	二年	三年	四年	五年	六年	七年	八年	九年	十年	十一年	十二年	十三年	十四年	十五年	十六年	十七年	十八年	十九年	二十年	二十一年	二十二年	二十三年	二十四年	二十五年	二十六年	二十七年	二十八年	二十九年	三十年	三十一年	三十二年	三十三年	三十四年	三十五年	三十六年	三十七年	三十八年	三十九年	四十年	四十一年	四十二年	四十三年	四十四年	四十五年	四十六年	四十七年	四十八年	四十九年	五十年	五十年六月夏主殂年五十七子仁孝立 謚曰聖文皇帝
----	------	----	----	----	----	----	----	----	------	----	----	----	----	----	----	----	----	----	-----	-----	-----	-----	-----	-----	-----	-----	-----	-----	------	------	------	------	------	------	------	------	------	-----	------	------	------	------	------	------	------	------	------	-----	------	------	------	------	------	------	------	------	------	-----	-------------------------

八館之地約攻麟州以牽河東之勢夏人遂由金蕭河清渡河取天德雲內武州河東八館之地因攻鎮威城兵馬監押朱昭力戰而敗乃盡殺其妻子納尸井中復帥士搏戰死之城遂陷既而金將谷神以數萬騎陽為出獵掩至天德逼逐夏人悉奪有其地夏人請和金人執其使九月夏陷西安州十一月陷懷德軍宋知軍事劉銓通判杜翊世死之

廟號崇宗墓號顯陵

西夏書卷之七

載記五

仁宗

仁宗仁孝崇宗長子也宋紹興九年金天眷二年即位時十六

改元為大慶元年

二年

三年

四年

人慶元年初崇宗建國學設弟子員三百立養賢務至是
遍建學校于國中立小學于禁中親為訓導廣興學校弟

子員增至三千

二年

三年

四年

五年

天盛元年策舉人始立唱名法 是年十二月金海陵弑

熙宗而自立遣使報諭至境上夏人問曰聖德皇帝何為

見廢金使有司以廢立之故移文報之

二年

三年

四年

五年

六年

七年

八年

九年

十年

十一年六月樞密使慕洵弟慕濬謀反伏誅羣臣上尊號
曰制義去邪以族誅洵事表聞于金金主詔書責讓之是
年饑

十二年封其相任得敬為楚王

十三年三月地震逾月不止地裂泉湧出黑沙歲大饑乃

立井里以分賑之

十四年彗星見坤宮五十餘日而滅占其分在夏國

十五年八月建太學親釋奠弟子員賜予有差

十六年尊孔子為文宣帝

十七年

十八年復建內學選名儒主之增修律成賜名曰新始立

通濟監鑄錢 案今古錢內有天盛天慶皇建光定西夏

錢也

十九年	二十年	二十一年設翰林學士院以焦景顏王侖等為學士命修實錄	二十二年	乾祐元年八月晦任得敬以謀篡伏誅	二年金主謂宰臣曰夏國以珠玉易我絲帛是以無用易有用也乃減罷保安蘭安榷場	三年	四年	五年	六年	七年夏主念金恩厚獻本國百頭帳金主却之夏主再請乃許與正旦使同來是年復罷綏德榷場止存東勝環州夏表請復置金詔保安蘭州地無絲帛惟綏德建關市以通貨財使副往來聽留館中貿易宴坐朵殿	八年	九年	十年	十一年
-----	-----	--------------------------	------	-----------------	------------------------------------	----	----	----	----	---	----	----	----	-----

十二年	十三年	十四年	十五年	十六年	十七年	十八年	十九年	二十年金詔夏使館中貿易且已	二十一年邊將阿魯帶率兵詰夏執運卒夏廂官吳明契等伏兵三千於澗中阿魯帶口中流矢而死取其弓刀而去金詔索殺阿魯帶者夏人處以徒刑索之不已乃殺明契等	二十二年移置中書樞密于內門外大禁奢侈	二十三年夏主殂于純佑立 諡曰聖德皇帝廟號仁宗 墓號壽陵	金學士趙秉文奉使西夏中途聞夏主殂而回楊尚書之美以詩戲之曰中朝人物謫仙才金節煌煌使夏臺得句逢人唾珠玉揮毫落紙散瓊瑰一封書貸揚州牧半夜雷轟薦福碑窮達書生畧相似滿頭風雪却回來
-----	-----	-----	-----	-----	-----	-----	-----	---------------	--	--------------------	-----------------------------	--

見感如梓庶齋老學

十四年	宋開禧二年 金泰和六年	正月二十日夏主為安全所廢尋殂
十三年		
十二年		
十一年		
十年		
九年		
八年		
七年		
六年		
五年		
四年		金復置蘭州保安榷場
三年		
二年		
天慶元年		
五年	金明昌 五年	即位時年十七
桓宗		純祐仁宗長子也母曰章獻欽慈皇后羅氏宋紹熙
五十五年		乾祐二十四年並不合恐傳寫之誤
案仁宗在位		五十二年乾祐止二十三年宋史作在位
案開闢奉使當在仁孝之殂		附此俟考

四年	金宣宗貞祐二年	
三年	金至寧元年 又改貞祐	
夏傳		
二年	金廢帝崇慶二年	以後連年與金交兵具見金史西
光定元年	即至寧二年	金衛紹王崇慶元年遣使冊為夏國王
立時年四十九		
元及第充大都督府主		以宋嘉定四年 <small>金大安三年</small> 七月三日
神宗		神宗遵頊齊國忠武王彥宗之子始以宗室策試進士狀
謹曰敬穆皇帝廟號襄宗墓號康陵		
二年		八月夏主殂年四十二有子曰承禎族子遵頊立
皇建元年		
四年		五月蒙古入霸州夏主安全降
三年		
二年		
應天元年		河清上下數百里或以為蒙古受命之符
其主純祐而自立		
襄宗		襄宗安全初封鎮夷郡王崇宗之庶孫越王仁友之子廢
年三十		諡曰昭簡皇帝廟號桓宗墓號莊陵

西夏書卷之九

地理考

遼史曰西夏本魏拓跋氏後其地則赫連國也然國雖仍
 赫連舊名而地不止勃勃故壤矣其先党項入居銀夏之
 間者號平夏部拓跋思恭以破黃巢功賜姓李氏兄弟相
 繼為節度使居夏州在河南繼遷再立國元昊始大乃北
 渡河阻河依賀蘭山城興州徙都之其地初有夏綏銀宥
 靈鹽等州其後遂取武威張掖酒泉燉煌郡地南界橫山
 北界西河善水草宜畜牧所謂涼州畜牧甲天下者是也
 土堅腴水清冽風氣廣莫民俗強梗尚氣重然諾敢戰鬪
 夏之境土方二萬餘里緣境七鎮其東西二十五驛南北
 十餘驛河之内外州郡凡二十有二河南之州九曰靈曰
 洪曰宥曰銀曰夏曰石曰鹽曰南威曰會河河西之州九
 曰興曰定曰懷曰永曰涼曰甘曰肅曰瓜曰沙熙秦河外
 之州四曰西寧曰樂曰廓曰積石其地饒五穀尤宜稻麥
 甘涼之間以諸河為溉興靈有古渠曰唐梁曰漢源皆支
 引黃河故灌溉之利歲無旱澇之虞此西夏地形之大較
 也今以二十二州為斷其隸屬無定及分併不常者疑則
 闕之其餘為軍為城為砦為堡亦附見焉土產大麥華豆
 有稞床子古子蔓鹹地蓬實菘菘苗小蕪蕒雞草子地黃

原缺

葉登廂草沙葱野韭拒灰篠白蒿鹹地松實

河南之州九

霸州 魏大延二年置薄骨律鎮唐為靈州又為霸武郡

宋雍熙五年三月繼遷大集蕃部攻陷靈州以為西平府

六年春遂都于霸州後改為翔慶軍

鳴沙縣隋置環州立鳴沙縣唐革州以縣隸靈州宋沒于

夏國仍舊名

威州本安樂州初吐谷渾部落自涼州徙于鄯州不安其

居又徙于雲州之境咸寧二年以雲州之故鳴沙縣地僑

置東臯蘭州以居之至德後沒吐蕃大中二年收復更名

三年徙治涼鎮為行州縣二鳴沙温池 宋以渭州隴干

城置德順軍鳴沙乃德順要害之地

洪州党項州有彭州本洪州貞觀三年置八年更名彭州

隸軌州都督府

宥州 宣和郡調露元年於靈夏南境以降突厥置魯州

麗州舍州塞州休州契州以唐人為刺史渭之六胡州長

安四年併為匡長二州後遷其人于河南及江淮開元十

六年以六胡州殘人置宥州乾元元年理經略軍後移作

長澤縣長澤漢朔方郡三封縣也

銀州 綏州本雕陰郡唐貞觀二年析綏州之儒林鎮置

銀州銀州銀川郡領儒林撫寧真鄉開光四縣五代以來

為西夏所有熙寧元年收復尋棄不守元豐四年收復五

年即永樂小川築新城距故銀州二十五里前據銀州大

川賜名銀川若旋被西人陷沒崇寧四年收復仍為銀州

五年廢為銀川城

夏州 赫連勃勃據朔方都統萬稱大夏唐為夏州屬靈

州羈縻州又有東夏州此夏州宋初廢為鎮領蕃部唐末

有拓跋思恭鎮夏州世有銀夏綏宥靜五州之地

石州晉離石地後為石州唐永泰後六州党項居於石州

鹽州 後漢西海郡乞伏乾歸都此稱涼隋金城郡唐初

置蘭州都督府督蘭河鄯廓四州又督西鹽州又督涼州

後罷都督府天寶元年改金城郡乾元元年復為蘭州時

西鹽州東鹽州寄治北庭府界內

南威州 安化州都督府領州七有威州又環州唐改威

州宋復為環州此加南字以別于環州也

會河州 本抱罕郡天寶元年更名河州有鳳林闕積石

山

河西之州九 古雍州之域漢武以甘肅瓜涼沙為河西

五郡以制匈奴唐為隴右道後以江山濶遠奉使艱難自

黃河以西分為河西道

二年為州有來羗城臨夏邊其屬西夏時代無考
 亦集乃路在甘州北一千五百里城東北有大澤西北俱
 接沙磧乃漢之西海郡居延故城夏國嘗立威福軍元太
 祖二十一年內附
 幹羅孩城元太祖再征夏克之
 兀刺海城元太祖四年由黑水城兀刺海西關口入河西
 獲西夏將高令公克兀刺海城
 西夏兼有晉時赫連乞伏禿髮沮渠之地唐朔方隴右之
 所隸也朔方為禹貢雍州之域隴右為禹貢雍梁二州之
 域鹽綏為魏首分銀夏為實沈分唐時豐勝靈夏朔代號
 河曲五州後大半陷入吐蕃貞元五年張文湖以瓜沙伊
 肅鄯甘河西蘭岷廓十一州來歸皆宋時西夏之地也
 唐貞觀四年党項酋長細封步賴及諸姓酋長相率內附
 以其地置州縣隸松州都督府五年又開其地置州十六
 縣四十七又以拓跋赤辭部置州三十二後祿山之亂河
 隴陷吐蕃乃徙党項州所存者於靈慶銀夏之境靜邊州
 都督府者即赤辭部也貞觀初置在隴右後僑治慶州境
 肅宗時懿蓋諾璋祐臺橋浮寶玉位儒歸恤及西戎西
 滄樂容歸德等州皆內徙餘皆沒于吐蕃
 唐開元九年置朔方軍節度使夏鹽綏銀豐勝六州隸焉

西夏書 地理考

二十一年增溫原寧慶隴鄯坊丹延金宥麟十二州以匡
 長二州隸慶州安樂二州隸原州大原十四年析置河中
 振武邠寧三節度朔方所領靈鹽夏豐四州振武所領綏
 銀二州貞元三年置夏州節度觀察處置押蕃落使領鹽
 夏二州其後罷領鹽州元和九年夏州節度增領宥州太
 和七年以銀州刺史領銀州監牧使開成三年夏州節度
 領採造供軍銀川監牧使思恭以勤王官夏綏銀宥節度
 使中和二年夏州節度賜號定難軍旌思恭之功也然自
 後綏仍屬宋而靜亦無聞此是繼捧歸朝納土後繼遷不
 得而有之矣
 綏德軍唐綏州熙寧三年收復廢為城隸延州在州東北
 三十里元豐七年以延州米脂義合浮圖懷寧順安綏平
 六城若隸綏德城元符二年改為軍并將暖泉米脂開光
 義合懷寧克戎臨夏綏平若青澗城永寧關白草順安若
 並隸軍 米脂若本西夏若元豐四年收復為米脂城元
 祐四年給賜夏人元符元年收復 義合若本夏人若元
 豐四年收復隸延州延川縣七年改隸綏德城 克戎城
 本西人細浮圖若元豐四年收復隸延州延川縣七年改
 隸綏德城元祐四年給賜夏人紹聖四年收復賜名 青
 澗城延州舊城

靜州本党項州之悉唐縣唐顯慶元年於縣置志州儀鳳三年置南和州天授二年改為靜州屬隴右道隸松州都督府後割屬劍南又隸夏州節度

安西大都護府有保大軍屯碎葉城于闐東界有蘭城坎城二守捉城西有葱嶺城有胡弩固城吉良三鎮西南有皮山鎮貞觀時置焉者都督府本于闐國治碎葉城貞元時沒于吐蕃思孝思敬官保大即此

宋有天下三百餘年錄建隆初迄治平末一百四年州郡沿革無大增損熙寧始務開土而种芻先取綏州鞏緝繼取銀州王韶取熙河章惇取懿洽謝景溫取徽誠熊本取南平郭遠取廣源最後李憲取蘭州沈括取葭蘆米脂浮圖安疆等砦雖以河西邊界七百里與遼人當時王安石議曰吾將取之且姑與之也元祐更張葭蘆等四砦給賜戍人而分畫久不能定紹聖遂罷分畫諸路各乘勢攻討進築自三年秋七月迄元符二年冬凡陝西河東建州一

西軍二 綏德關三 龍潭會城九 西平 葭州 米脂 浮圖 安疆 等砦

二十八年平羗平戎殄羗暖泉米脂克戎安疆橫山綏遠寧羗窮平高平西平新泉開羗通峽天都臨羗定戎龕谷大寧通秦寧河彌川寧遠神泉烏龍堡十間羗通石門通

彌川 寧遠 神泉 烏龍 堡十 間羗 通石 門通

川三 交 又 取 青 唐 却 邈 川 注 寧 塞 府 龍 支 等 城 建 中 靖

國志遷吐蕃故壤稍紓民力崇寧急變前議專以紹述為事蔡京始任童貫王厚更取注鄯廓三州迄於重和既立靖夏原制戎制羗西三城雖戍人寢衰而民力亦弊西事甫定北蒙旋起厥後燕山雲中兩路粗閱三歲禍變旋作中原板蕩故府淪沒職方所紀漫不可考矣

宋慶陽府所隸橫山峇地西察彬元符元年進築賜名白豹城舊屬西界元符二年脩復賜舊名後高定邊軍環州所隸朱臺堡 木瓜堡 麝香堡

金肅州遠重熙十二年伐西夏置割燕民三百戶防秋軍一千實之屬西南面招討使 河清軍西夏歸遼開直路以趨上京重熙十二年建城號河清軍徙民三百戶防秋兵一千實之屬西南面招討使

金天會五年元帥府宗翰宗望奉詔伐宋若克宋則割地以賜夏及宋既克乃分割楚夏疆封自麟府路洛陽溝距黃河西岸西歷暖泉堡鄜延路米脂谷至累勝寨環慶路威延寨踰九里原至委布谷口涇原路威川寨略古蕭關至北谷口秦鳳路通懷堡至古會川自此距黃河依見流分照河路盡西邊以限楚夏之封此西夏之地界也 皇統六年以德威城西安州定邊軍等沿邊地賜夏國從所請也正隆元年命與夏國邊界對立烽堠以防侵軼

西夏瀕河五州皆有古渠其中興州者一名唐渠長袤
四百里一名漢渠長袤二百五十里其餘小州又有古渠
十長袤各二百里支渠大小共六十八計溉田九萬餘頃
兵亂以來渠皆淤淺

西夏書卷之十

官氏考

西夏設官之制多與宋同朝賀之儀雜用唐宋而樂之器
與曲則唐也五代之際朝典夕替制度禮樂蓋為灰燼唐
節度使有鼓吹樂故夏國聲樂猶有鼓吹之遺音焉元昊
改元以後始大建官其官制與兵制相表裏置十二監軍
司委豪右分統其眾自河北至午臘箬山七萬人以備契
丹河南洪州白豹安鹽州羅落天都惟精山等五萬人以
備環慶鎮戎原州左廂宥州路五萬人以備鄜延麟府右
廂甘州路三萬人以備西蕃回紇賀蘭駐兵五萬靈州五
萬人興州興慶府七萬人為鎮守總五十餘萬而善戰倚
山訛山訛者橫山羗平夏兵不及也選豪族善弓馬五千
人迭直號六班直月給米二石鐵騎三千分十部發兵以
銀牌召部長而受約束設十六司於興州以總庶務蓋當
時仕者武將為多也兵總計五十餘萬別有擒生手十萬
興霸之兵精練者又二萬別副以七萬為負擔號御圍內
六班分三番以宿衛每有事于西則自東點集而西于東
則自西點集而東中路則東西皆集至乾順仁孝時而始
右文則國已衰弱矣夏主元昊五月五日生以是日相慶
賀又以四孟朔為節夏初革樂之五音為一音裁禮之九

拜為三拜篤信穢鬼事詛祝凡出兵先卜有四一炙勃焦以火灼羊胛骨二擗算擗竹於地以求數若擗著然三吶羊其夜牽羊焚香禱之又焚鼓火于野次晨屠羊腸胃通則吉羊心有血則敗四矢擊殄聽其聲知勝負及敵至之期病者不用醫藥召巫者送鬼西夏語謂巫為廝也或遠他室謂之閃病喜報仇有喪則不伐人負甲葉于背識之仇解用雞猪犬血和酒貯於蠲屨中飲之乃誓曰若復報仇殺參不收男女禿癩六畜死蛇入帳有力小不能復仇者集北婦享以牛羊酒食赴仇家縱火焚其廬舍俗曰敵女兵不祥祇避去訴于官官擇舌辯氣直之人為和斷官

聽其曲直殺人者納命償錢百二十千民年十五為丁有二丁者取一為正軍負擔雜役一人為抄四丁為兩抄餘號空丁願隸正軍者得取他丁為負擔否則得取正軍之疲乏者為之故壯者皆習戰鬪而得正軍為多凡正軍給馬駝各一每家自置一帳圍練使以上帳弓矢各一馬五百匹索駝五旗鼓五槍棍棒抄袋披氈渾脫背索鐵斤斧箭牌鐵箭箠各一刺史以下人各一駝箭三百幕梁一餘兵三人共一幕梁幕梁織毛為幕而以木架有砲手二百人號潑喜陡立旋風砲于索駝鞍得漢人勇健者號撞令即若脆怯無他技者遷河外耕作或以守肅州齋糧過

一句畫則舉煙揚塵夜則燐火為候獲人馬射之號曰殺鬼招魂或射草縛人出軍用單日避晦日多立虛寨設伏兵衣重甲乘善馬用鈎索絞聯雖死馬上不落每戰則先出鐵騎突陣陣亂則衝擊之步兵扶騎以進戰則大將居後或據高險其人耐寒暑飢渴每舉兵必率部長與獵有獲則下馬環坐飲酒割鮮而食各問所見擇取其長民俗勇悍如此其便服則氍毹地繡盤毬子花旋襖束帶其國主自號寇名設官分文武其冠用金縷帖間起雲銀紙帖緋衣金塗銀帶佩蹀躞解鉞短刀弓矢穿鞞禿髮耳重環紫旋襖六葉出入乘馬張青蓋以二旗前引從者百餘騎

民庶衣青練以別貴賤俗皆土屋惟有一命者得以瓦覆之此夏國風俗衣冠騎乘之大槩也
大王 遠有北而大王知北院大王事南而大王知南院大王事
中書令
殿前太尉 殿前馬步軍太尉
樞密使 左樞密使 樞密都承旨 樞密副都承旨
樞密直學士
參知政事
御史大夫 御史中丞

吏部尚書
左金吾衛上將軍
南院宣徽使
六宅使
觀文殿大學士
翰林學士
中書舍人
秘書少監 秘書郎
匱匣使 精鼎匱匣使 精方匱匣使
光祿大夫
武功大夫
武衛大夫
宣德郎
開封尹
中興尹 知中興府事 知中興府通判
東經略使
西南都統 統軍
刺史
會蘭正鈴轄
團練使

西夏書 官氏考

左右廂十二監軍司 左廂神勇 石州祥祐 宥州嘉
寧 韋州靜塞 西壽保泰 卓羅和南 右廂朝順
甘州甘肅 瓜州西平 黑水鎮燕 白馬強鎮 黑水
威福
興州十六司
行軍司馬
陝西東路運司 <small>古號背款云永安三年上元日陝西東路運司戶局造作匠社崇監官錄事任立換</small>
控所特選 仗高
夏之官制雖不可盡考第就其載於史者而內外之制亦大略可見矣
党項八部以姓為部細封氏 <small>項親時酋長</small> 費聽氏野 <small>亦作</small>
利氏頗超氏野辭氏房當氏米禽氏拓跋氏 <small>拓亦作托</small> 五
代史有折氏
拓跋氏後魏書云黃帝子昌意之後受封北土黃帝土德
王北人以土為拓后受為跋號拓后跋氏後省為托跋考
文帝遷都洛陽改為元氏沈約宋書以為李陵之後號索
頭部此異說也元魏與南涼同祖拓跋禿髮出于鮮卑而
西夏出于党項疑元魏之後入于党項未可知也或謂黃
帝少子恂遷于北土後統党項為拓跋氏此則偽造不經
矣鄭氏樵云唐開元後有右監門大將軍西平公靜邊州

